



3 1761 07976580 6

Toronto University Library

Presented by


Messrs Joseph Baer & Co

through the Committee formed in

The Old Country

to aid in replacing the loss caused by

The disastrous Fire of February the 14th 1890



LL
L7888K

LIVY

T. LIVII PATAVINI
HISTORIARVM LIBRI

QVI SVPERSVNT OMNES
ET DEPERDITORVM FRAGMENTA

EX RECENSIONE

ARN. DRAKENBORCHII

PASSIM REFACTA

CVM INDICE RERVM LOCVPLETISSIMO

ACCESSIT

PRAETER VARIETATEM LECTIONVM
GRONOVIANAE ET CREVIERIANAE

GLOSSARIVM LIVIANVM

CVRANTE

AVGVSTO GVILIELMO ERNESTI

EDITIO QVARTA

RECOGNITA ET IN LIBB. XXXI — XXXVIII ATQVE XLI —
XLV AD CODD. BAMBERGENSIS ET VINDOBONENSIS FIDEM
EMENDATA

AB

IOANNE THEOPHILO KREYSSIGIO

TOMVS TERTIVS.

LIPSIAE

IN LIBRARIA WEIDMANNIA

G. REIMER

MDCCCXXIII.

기

LIBRARY OF THE
MUSEUM OF NATURAL HISTORY

ET DEFECTIVUM FRAGMENTA
QVATVORVM OMNES

ARN. DRAHENBORCH

AN INDEX TO THE

GLASSARIVM

18/9

ATRAVO OTOM

JOHN THEOPHILUS KEYSSIG

ТОВАРИЩА

LIST

IN LIBRARY WEDMAN & CO

111725

T. LIVII PATAVINI
HISTORIARUM LIBRI
QUI SUPERSUNT OMNES.

TOMUS TERTIUS.

T. LIVII PATAVINI
HISTORIARUM
AB URBE CONDITA
LIBER XXXI.

EPITOME LIBRI XXXI.

Belli adversus Philippum Macedoniae regem, quod intermissum erat, repetiti causae referuntur 1) hae. Tempore Initiorum duo iuvenes Acarnanes, qui non initiati erant, Athenas venerunt, et in sacrarium Cereris cum aliis popularibus 2) suis intraverunt. ob hoc, tamquam nefas summum commississent, ab Atheniensibus caesi sunt. Acarnanes, mortibus suorum commoti, ad vindicandos illos auxilium a Philippo petierunt. Paucis mensibus post pacem Karthaginiensibus datam, quingentesimo quinquagesimo 3) anno ab urbe condita, quum Atheniensium, qui obsidebantur a Philippo, legati auxilium a senatu petissent, et senatus id censuisset ferendum, plebe, quod tot bellorum continuus labor gravis erat, dissentiente, tenuit auctoritas Patrum, ut sociae civitati ferri opem populus quoque 4) iuberet. Bellum id P. Sulpicio consuli mandatum est: qui, exercitu in Macedoniam ducto, equestribus proeliis cum Philippo prospere pugnavit. Abydeni a Philippo obsessi, ad exemplum Saguntinorum, suos seque occiderunt. L. Furius praetor Gallos Insubres rebellantes et Hamilcarem Poenum, bellum in ea parte molientem, acie vicit. Hamilcar eo bello occisus est, et millia hominum triginta sex 5). Praeterea expeditiones Philippi regis et Sulpicii consulis, expugnationesque urbium ab utroque factas, continet. Sulpicius consul, adiuvantibus rege Attalo et Rhodiis, bellum gerebat. Triumphavit de Gallis L. Furius praetor.

1) *feruntur Gron.*

2) *pluribus Crev.*

3) *quadragesimo Crev.*

4) *quoque del. Gron. Crev.*

5) *triginta quinque Eaed.*

T. LIVII PATAVINI

LIBER XXXI.

U. c. 551. Me quoque iuvat, velut ipse in parte laboris ac periculi fuerim, ad finem belli Punici pervenisse. nam et si profiteri ausum, perscripturum res omnes Romanas, in partibus singulis tanti operis fatigari minime conveniat; tamen, quum in mentem venit, tres et sexaginta annos (tot enim sunt a primo Punico ad secundum bellum finitum) aequae multa volumina occupasse mihi, quam occuparint quadringenti octoginta octo ^{a)} anni a condita urbe ad Ap. Claudium consulem, qui primus bellum Karthaginiensibus intulit; iam provideo animo, velut qui proximis litori vadis inducti mare pedibus ingrediuntur, quidquid progredior, in vastiorem me altitudinem, ac velut profundum invehi, et crescere pene opus, quod prima quaeque perficiendo minui videbatur. Pacem Punicam bellum Macedonicum excepit; periculo haudquaquam comparandum, aut virtute ducis, aut militum robore: claritate regum antiquorum, vetustaque ^{b)} fama gentis, et magnitudine imperii, quo multam quondam Europae, maiorem partem Asiae obtinuerant armis, prope nobilius. Ceterum coeptum bellum adversus Philippum decem ferme ante annis, triennio prius depositum erat, quum Aetoli et belli et pacis fuissent caussae ^{c)}. Vacuos deinde pace Punica iam Roma-

a) septem Crev.

c) caussa Eaed.

b) vetustaeque Gron. Crev.

nos et infensos Philippo, quum ob infidam adversus ^{U. c. 551.}
Aetolos aliosque regionis eiusdem socios pacem, tum ^{a. C. 201.}
ob auxilia cum pecunia nuper in Africam missa Han-
nibali Poenisque, preces Atheniensium, quos agro
pervastato in urbem compulerat, excitaverunt ad re-
novandum bellum.

II. Sub idem fere tempus et ab Attalo rege, et
Rhodiis legati venerunt, nunciantes, Asiae quoque
civitates sollicitari. His legationibus responsum est,
curae Asianam rem senatui fore. Consultatio de Ma-
cedonico bello integra ad consules, qui tunc in pro-
vinciis erant ^{d)}, reiecta est. Interim ad Ptolemaeum
Aegypti regem legati tres missi, C. Claudius Nero,
M. Aemilius Lepidus, P. Sempronius Tuditanus: ut
et adnunciarent victum Hannibalem Poenosque, et
gratias agerent regi, quod in rebus dubiis, quum fi-
nitimi etiam socii Romanos desererent, in fide mansis-
set; et peterent, ut, si coacti iniuriis bellum adversus
Philippum suscepissent, pristinum animum erga po-
pulum Romanum conservaret. Eodem fere tempore
P. Aelius consul in Gallia, quum audisset a Boiis an-
te suum adventum incursiones in agros sociorum fa-
ctas, duabus legionibus subitariis tumultus eius caus-
sa scriptis, additisque ad eas quatuor cohortibus de
exercitu suo, C. Oppium praefectum socium hac tu-
multuaria manu per Umbriam (quam tribum Sapi-
niam ^{e)} vocant) agrum Boiorum invadere iussit. ipse
eodem, aperto itinere, per medios montes duxit.
Oppius, ingressus hostium fines, primo populationes
satis prospere ac tuto fecit. delecto deinde ad castrum
Mutilum satis idoneo loco, ad demetenda frumenta
(iam enim maturae erant segetes) profectus, neque
explorato circa, nec stationibus satis firmis, quae ar-
matae inerines atque operi intentos tutarentur, posi-

^{d)} in proelio cum Boiis erant
Gron. Crev. c. Drak.

^{e)} Sappiniam Eaed. c. Drak.

U. c. 551. tis, inprovise inpetu Gallorum cum frumentatoribus
 a. C. 201. est circumventus. Inde pavor fugaque etiam armatos cepit. Ad septem millia hominum palata persegètes sunt caesa: inter quos ipse C. Oppius praefectus. ceteri in castra metu compulsi, inde sine certo duce consensu militari proxima nocte, relicta magna parte rerum suarum, ad consulem per saltus prope invios pervenere, qui, nisi quod populatus est Boiorum fines, et cum Ingaunis Liguribus foedus icit, nihil, quod esset memorabile, aliud in provincia quum gessisset, Romam rediit.

III Quum primum senatum habuit, universis postulanti-
 bus, ne quam prius rem, quam de Philippo sociorumque querelis, ageret; relatum extemplo est: decrevitque frequens senatus, ut P. Aelius consul, quem videretur ei, cum imperio mitteret, qui, classe accepta, quam ex Sicilia Cn. Octavius reduceret, in Macedoniam traiceret. M. Valerius Laevinus praetor missus, circa Vibonem duodequadraginta navibus ab Cn. Octavio acceptis, in Macedoniam transmisit. ad quem quum M. Aurelius legatus venisset, edocuissetque eum, quantos exercitus, quantum navium numerum comparasset rex, et quemadmodum circa omnes non continentis modo urbes, sed etiam insulas, partim ipse adeundo, partim per legatos, conciret homines ad arma; maiore conatu Romanis id capessendum bellum esse, ne, cunctantibus iis, auderet Philippus, quod Pyrrhus prius ausus ex aliquanto minore regno esset; haec eadem scribere Aurelium consulibus et senatui placuit.

IV. Exitu huius anni quum de agris veterum militum relatum esset, qui ductu atque auspicio P. Scipionis in Africa bellum perfecissent; decreverunt Patres, ut M. Iunius praetor urbis, si ei videretur, decemviros agro Samniti Appuloque, quod eius publicum populi Romani esset, metiendo dividendoque

crearet. Creati P. Servilius, Q. Caecilius Metellus, U. c. 551.
 C. et M. Servilii, (Geminis ambobus cognomen erat) a. C. 201.
 L. et A. Hostilii Catones, P. Villius Tappulus, M.
 Fulvius Flaccus, P. Aelius Paetus, Q. Flaminius. Per
 eos dies, P. Aelio consule ^{f)}) comitia habente, crea-
 ti consules P. Sulpicius Galba, C. Aurelius Cotta.
 Praetores exinde facti, Q. Minucius Rufus, L. Furius
 Purpureo, Q. Fulvius Gillo, Cn. Sergius Plancus. Lu-
 di Romani scenici eo anno magnifice adparateque facti
 ab aedilibus curulibus, L. Valerio Flacco et L. Quinctio
 Flaminio. biduum instauratum est. frumentique vim
 ingentem, quod ex Africa P. Scipio miserat, quater-
 nis aeris populo cum summa fide et gratia diviserunt.
 Et plebei ludi ter toti instaurati ab aedilibus plebis,
 L. Apustio Fullone et Q. Minucio Rufo: qui ex aedi-
 litate praetor creatus erat. et Iovis epulum fuit lu-
 dorum caussa.

V. Anno quingentesimo quinquagesimo secun- U. c. 552.
 do ^{g)}) ab urbe condita, P. Sulpicio Galba, C. Aurelio a. C. 200.
 consulibus, bellum cum rege Philippo initum est,
 paucis mensibus post pacem Karthaginiensibus datam.
 Omnium primum eam rem Idibus Martiis, quo die
 tum consulatus inibatur, P. Sulpicius consul retulit:
 senatusque decrevit, uti consules maioribus hostiis
 rem divinam facerent, quibus Diis ipsis videretur,
 cum precatione ea: *Quam rem senatus populusque Ro-*
manus de republica deque ineundo novo bello in animo
haberet, ea res uti populo Romano, sociisque, ac nomi-
ni Latino, bene ac feliciter eveniret: secundum rem
 divinam precationemque, ut de republica deque pro-
 vinciiis senatum consulerent. Per eos dies opportu-
 ne irritandis ad bellum animis, et literae a M. Aure-
 lio legato, et M. Valerio Laevino propraetore adlatae;
 et Atheniensium nova legatio venit, quae regem ad-
 propinquare finibus suis nunciaret: brevique, non

f) consulum Gron.

c. Drak.

g) secundo del. Gron. Crev.

U. c. 552. agros modo, sed urbem etiam in ditione eius futu-
 a. C. 200. ram, nisi quid in Romanis auxilii foret. Quum re-
 nunciassent ^{h)} consules, rem divinam rite perfectam
 esse, et precationem admisisse Deos aruspices respon-
 dere, laetaque exta fuisse, et prolationem finium,
 victoriamque, et triumphum portendi; tum literae Va-
 lerii Aureliique lectae, et legati Atheniensium auditi.
 Senatus inde consultum factum est, ut sociis gratiae
 agerentur; quod diu sollicitati, ne obsidionis quidem
 metu fide decessissent. de auxilio mittendo tum re-
 sponderi ⁱ⁾ placere, quum consules provincias sortiti
 essent: atque is consul, cui Macedonia provincia eve-
 nisset, ad populum tulisset, ut Philippo regi Macedo-
 num indiceretur bellum.

VI. P. Sulpicio provincia Macedonia sorte eve-
 nit, isque rogationem promulgavit, *Vellent, iuberent*
Philippo regi Macedonibusque, qui sub regno eius es-
sent, ob iniurias armaque inflata sociis populi Romani,
bellum indici. alteri consulum ^{k)} Aurelio Italia pro-
 vincia obtigit. Praetores exinde sortiti sunt, Cn. Ser-
 gius Plancus urbanam, Q. Fulvius Gillo Siciliam, Q.
 Minucius Rufus Bruttios, L. Furius Purpureo Gal-
 liam. Rogatio de bello Macedonico primis comitiis
 ab omnibus ferme centuriis antiquata est. id quum
 fessi diuturnitate et gravitate belli sua sponte homi-
 nestaedio laborum periculorumque fecerant, tum Q.
 Baebius tribunus plebis, viam antiquam criminandi
 Patres ingressus, incusaverat bella ex bellis seri, ne
 pace umquam frui plebs posset. Aegre eam rem
 passi Patres, laceratusque probris in senatu tribunus
 plebis: et consulem pro se quisque hortari, ut de in-
 tegro comitia rogationi ferendae ediceret, castigaret-
 que segnitiam populi: atque edoceret ^{l)}, quanto dam-
 no dedecorique dilatio ea belli futura esset.

^{h)} *pronunciassent* Gron.
 Crev. c. Drak.

^{k)} *consuli* Eaed. c. Drak.

^{l)} *doceret* Eaed. c. Drak.

ⁱ⁾ *respondere* Eaed. c. Drak.

VII. Consul in campo Martio comitiis ^{m)}, prius-^{U. c. 552.}
^{a. C. 200.} quam centurias in suffragium mitteret, concione ad-
 vocata, *Ignorare, inquit, videmini mihi, Quirites, non,*
utrum bellum an pacem habeatis, vos consuli: (neque
enim liberum id vobis permittit Philippus, qui terra
marique ingens bellum molitur) sed utrum in Macedo-
niam legiones transportetis, an hostem in Italiam acci-
piatis. Hoc quantum intersit, si numquam ⁿ⁾ ante
alias, Punico certe proximo bello experti estis. Quis
enim dubitat, quin, si Saguntinis obsessis fidemque no-
stram inplorantibus inpigre tulissemus opem, sicut pa-
tres nostri Manertinis tulerant, totum in Hispaniam
aversuri bellum fuerimus, quod cunctando cum summa
clade nostra in Italiam accepimus? Ne illud quidem
dubium est, quin hunc ipsum Philippum, pactum iam
per legatos literasque cum Hannibale in Italiam traii-
cere, misso cum classe Laevino, qui ultro ei bellum in-
ferret, in Macedonia continuerimus. et quod tunc se-
cimus, quum hostem Hannibalem in Italia haberemus,
id nunc, pulso Italia Hannibale, devictis Karthaginien-
sibus, cunctamur facere? Patiamur expugnandis Athe-
nis, sicut Sagunto expugnando Hannibalem pas-
si sumus, segnitiem nostram experiri regem. Non
quinto inde mense, quemadmodum ab Sagunto Han-
nibal, sed quinto inde die, quam ab Corintho
solverit naves, in Italiam perveniet. Ne aequa-
veritis Hannibali Philippum, ne Karthaginien-
sibus Macedonas; Pyrrho certe aequabitis. Aequa-
bitis dico? Quantum vel vir viro, vel gens genti prae-
stat ^{o)}! Minima accessio semper Epirus regno Macedoniae
fuit, et hodie est. Peloponnesum totam in ditione Phi-
lippus habet, Argosque ipsos, non vetere fama magis,
quam morte Pyrrhi nobilitatos. Nostra nunc compara.

m) add. habitis Gron. Crev.
 c. Drak.

n) umquam Eaed. c. Drak.

o) Pyrrho certe aequabitis:

dico, quantum vel vir viro,
 vel gens genti praestat.
 Eaed. c. Drak.

U. c. 552. *quanto magis florentem Italiam, quanto magis integras*
 a. C. 200. *res, salvis ducibus, salvis tot exercitibus, quos Puni-*
cum postea bellum absumsit, adgressus Pyrrhus tamen
concussit, et victor prope ad ipsam urbem Romanam ^{r)}
venit! Nec Tarentini modo oraque illa Italiae, quam
maiores Graeciam vocant, ut linguam, ut nomen se-
cutos crederes, sed Lucanus, et Bruttius, et Samnis,
a nobis defecerunt. Haec vos, si Philippus in Italiam
transmiserit, quietura aut mansura in fide creditis?
Manserunt enim Punico postea bello. numquam isti po-
puli, nisi quum deerit, ad quem desciscant, a nobis non
deficient. Si piguisset vos in Africam traicere, hodie
in Italia Hannibalem et Karthaginienses hostes habere-
tis. Macedonia potius, quam Italia, bellum habeat.
hostium urbes agrique ferro atque igni vastentur. Ex-
perti iam sumus foris nobis, quam domi, feliciora po-
tentioraque arma esse. Ite in suffragium, bene iuvan-
tibus Diis, et, quae Patres censuerunt, vos iubete. Hu-
ius vobis sententiae non consul modo auctor est, sed etiam
Dii immortales; qui mihi sacrificanti precantique, ut
hoc bellum mihi, senatui, vobisque, et sociis ac nomini
Latino, classibus exercitibusque nostris bene ac felici-
ter eveniret, laeta omnia prosperaque portendere.

VIII. Ab hac oratione in suffragium missi, uti ro-
 garat, bellum iusserunt. Supplicatio inde a consuli-
 bus in triduum ex senatusconsulto indicta est, obse-
 cratique circa omnia pulvinaria Dii, ut ^{q)}, quod bel-
 lum cum Philippo populus iussisset, id bene ac feli-
 citer eveniret. consultique feciales ab consule Sulpi-
 cio, bellum, quod indiceretur regi Philippo, utrum
 ipsi utique nunciari iuberent; an satis esset, in fini-
 bus regni quod proximum praesidium esset, eo
 nunciari? feciales decreverunt, utrum eorum fecisset,
 recte facturum. Consuli a Patribus permissum, ut,
 quem videretur, ex iis, qui extra senatum essent, le-

p) *Romam* Gron. Crev. c. q) *ut del.* Gron.
 Drak.

gatum mitteret ad bellum regi indicendum. Tum de U. c. 552.
 exercitibus consulum praetorumque actum. consules a. C. 200:
 binas legiones scribere iussi; veteres dimittere exercitus. Sulpicio, cui novum ac magni nominis bellum decretum erat, permissum, ut de exercitu, quem P. Scipio ex Africa deportasset, voluntarios, quos posset, duceret: invitum ne quem militem veterem ducendi ius esset. Praetoribus L. Furio Purpureoni et Q. Minucio Rufo quina millia socium Latini nominis consul daret: quibus praesidiis alter Galliam, alter Brutios provinciam obtineret. Q. Fulvius Gillo et ipse iussus ex eo exercitu, quem P. Aelius consul habuisset, ut quisque minime multa stipendia haberet, legere, donec et ipse quinque millia socium ac nominis Latini effecisset: id praesidio Siciliae provinciae esset. M. Valerio Faltoni, qui praetor priore anno Campaniam provinciam habuerat, prorogatum in annum imperium est; uti proprætor in Sardiniam traiceret. is quoque ^{r)} de exercitu, qui ibi esset, quinque millia socium nominis Latini, qui eorum minime multa stipendia haberent ^{s)}, legeret. Et consules duas urbanas legiones scribere iussi: quae, si quo res posceret, multis in Italia contactis gentibus Punici belli societate, iraque inde tumentibus, mitterentur. Sex legionibus Romanis eo anno usura respublica erat.

IX. In ipso adparatu belli legati ab rege Ptolemaeo venerunt, qui nunciarunt, *Athenienses adversus Philipppum petisse ab rege auxilium. ceterum, etsi communes socii sint, tamen, nisi ex auctoritate populi Romani, neque classem, neque exercitum defendendi aut obpugnandi cuiusquam caussa regem in Graeciam missurum esse. Vel quieturum eum in regno, si populo Romano socios defendere liceat; vel Romanos quiescere, si malint, passurum, atque ipsum auxilia, quae facile adversus Philipppum tueri Athenas possent, missurum.*

r) traiceret, atque Gron. s) haberet Eaed. c. Drak.
 Crev. c. Drak.

U. c. 552. Gratiae regi ab senatu actae, responsumque; *Tutari*
 a. C. 200. *socios populo Romano in animo esse: si qua re ad id bellum opus sit, indicaturos regi. regnique eius opes scire subsidia firma ac fidelia suae reipublicae esse.* Munera deinde legatis in singulos quinum millium aeris ex senatusconsulto missa. Quum delectum consules haberent, pararentque, quae ad bellum opus essent: civitas religiosa, in principiis maxime novorum bellorum, supplicationibus habitis iam, et obsecratione circa omnia pulvinaria facta, ne quid praetermitteretur, quod aliquando factum esset, ludos Iovi donumque vovere consulem, cui provincia Macedonia evenisset, iussit. Moram voto publico Licinius pontifex maximus adtulit, qui negavit, *ex incerta pecunia voveri debere, quia pecunia non posset in bellum usui esse, seponique statim deberet, nec cum alia pecunia misceri: quod si factum esset, votum rite solvi non posse*^t). Quamquam et res, et auctor movebat, tamen ad collegium pontificum referre consul iussus, si posset recte votum incertae pecuniae suscipi. posse, rectiusque etiam esse, pontifices decreverunt. Vovit in eadem verba consul, praeunte maximo pontifice, quibus antea quinquennalia vota suscipi solita erant: praeterquam quod tanta pecunia, quantam tum, quum solveretur, senatus censuisset, ludos donaque futurum vovit. Toties ante ludi magni de certa pecunia voti erant: ii primi de incerta.

X. Omnium animis in bellum Macedonicum ver-
 sis, repente nihil minus eo tempore timentibus, Gallici tumultus fama exorta est. Insubres, Cenomani-
 que, et Boii, excitis Salyis, Ilvatibusque et ceteris Ligustinis populis, Hamilcare Poeno duce, qui in iis locis de Hasdrubalis exercitu substiterat, Placentiam invaserant; et, direpta urbe, ac per iram magna ex

^t) *negavit, ex incerta pecunia voveri debere, si ea pecunia non posset in bellum usui esse. reponi statim debere,*

nec cum alia pecunia misceri. quod nisi factum esset, votum rite solvi non posse. Gron. Crev. & Drak.

parte incensa, vix duobus millibus hominum inter
 incendia ruinasque relictis, traiecto Pado ad Cremonam diripiendam pergunt. Vicinae urbis audita clades spatium colonis dedit ad claudendas portas, praesidiaque per muros disponenda; ut obsiderentur tamen prius, quam expugnarentur, nunciosque mitterent ad praetorem Romanum. L. Furius Purpureo tum^{u)} provinciae praeerat: cetero ex senatusconsulto exercitu dimisso, praeter quinque millia socium ac Latini nominis, cum iis copiis in proxima regione provinciae circa Ariminum substiterat. Is tum senatui scripsit, quo in tumultu provincia esset. *Duarum coloniarum, quae ingentem illam tempestatem Punici belli subterfugissent, alteram captam ac direptam ab hostibus, alteram obpugnari. Nec in exercitu suo satis praesidii colonis laborantibus fore, nisi quinque millia socium quadraginta millibus hostium (tot enim in armis esse) trucidanda obiicere velit, et tanta sua clade iam inflatos excidio coloniae Romanae augere hostium animos.*

XI. His literis recitatis decreverunt, ut C. Arelus consul exercitum, cui in Etruriam ad conveniendum diem edixerat, Arimini eadem die adesse iuberet, et aut ipse, si per commodum reipublicae posset, ad obprimendum Gallicum tumultum proficisceretur; aut L. Furio praetori scriberet, ut, quum ad eum legiones ex Etruria venissent, missis in vicem earum quinque millibus sociorum, qui interim Etruriae praesidio essent, proficisceretur ipse ad coloniam liberandam obsidione. Legatos item mittendos in Africam censuerunt, eosdem Karthaginem, eosdem in Numidiam ad Masinissam. Karthaginem, ut nunciarent, *civem eorum Hamilcarem relictum in Gallia, haud satis scire ex Hasdrubalis prius, an ex Magonis postea exercitu, bellum contra foedus facere. Exercitus Gallorum Li-*

u) qui tum Gron. Crev. commate post praeerat posito.

U. c. 552. *gurunque excivisse ad arma contra populum Romanum.*
 a. C. 200. *eum, si pax placeret, revocandum illis, et dedendum populo Romano esse: simul nunciare iussi, perfugas sibi non omnes redditos esse; ac ^{x)} magnam partem eorum palam Karthagini obversari dici: quos comprehendi conquirique debere, ut sibi ex foedere restituantur. Haec ad Karthaginienses mandata. Masinissae gratulari iussi, quod non patrium modo recuperasset regnum, sed, parte florentissima Syphacis finium adiecta, etiam auxisset. nunciare praeterea iussi, bellum cum rege Philippo susceptum, quod Karthaginienses auxiliis iuvisset; iniuriasque inferendo sociis populi Romani, flagrante bello Italia ^{y)}, coegisset classes exercitusque in Graeciam mitti; et, distinendo copias, causa inprimis fuisset serius in Africam traiciendi. peterentque ^{z)}, ut ad id bellum mitteret auxilia Numidarum equitum. Dona ampla data, quae ferrent regi, vasa aurea argenteaque, toga purpurea, et palmata tunica cum eburneo scipione, et toga praetexta cum curuli sella: iussique polliceri, si quid ei ad firmandum augendumque regnum opus esse indicasset ^{a)}, enixe id populum Romanum merito eius praestaturum. Verminae quoque Syphacis filii legati per eos dies senatum adierunt, excusantes errorem adolescentiamque, et culpam omnem in fraudem Karthaginensium avertentes. Et Masinissam Romanis ex hoste amicum factum: Verminam quoque adniscurum, ne officiis in populum Romanum aut a Masinissa, aut ab ullo alio vincatur. Petere, ut rex, sociusque et amicus ab senatu adpellaretur. Responsum legatis est: Et patrem eius Syphacem sine causa ex socio et amico hostem repente populi Romani factum: et eum ipsum rudimentum adolescentiae bello lacessentem Romanos posuisse. Itaque pacem illi prius petendam a populo Romano esse, quam ut rex, sociusque, et amicus adpellatur.*

x) ac del. Gron. Grev.
 y) Italiae Gron.

z) petere Gron. Grev. c. Lrak.
 a) iudicasset Eaed. c. Drak.

Nominis eius honorem pro magnis erga se regum meritis dare populum Romanum consuesse. Legatos Romanos in Africa fore, quibus mandaturum senatum, ut Verminae pacis dent leges, liberum arbitrium eius populo Romano permittenti ^{b)}. Si quid ad eas addi, demi, mutarive vellet, rursus ab senatu ei postulandum fore. Legati cum iis mandatis in Africam missi, C. Terentius Varro, Sp. ^{c)} Lucretius, Cn. Octavius. quinqueremes singulis datae.

XII. Literae deinde in senatu recitatae sunt Q. Minucii praetoris; cui Bruttii provincia erat; *Pecuniam Locris ex Proserpinae thesauris nocte clam sublatam: nec, ad quos pertineat facinus, vestigia ulla exstare.* Indigne passus senatus, non cessari ab sacrilegiis, et ne Pleminius quidem, tam clarum recensque noxae simul ac poenae exemplum, homines deterrire. C. ^{d)} Aurelio consuli negotium datum, ut ad praetorem in Bruttios scriberet: *senatui placere, quaestionem de expilatis thesauris eodem exemplo haberi, quo M. Pomponius praetor triennio ante habuisset. Quae inventa pecunia esset, reponi. si quo minus inventum foret, expleri: ac piacularia, si videretur, sicut ante pontifices censuissent, fieri caussa expiandae violationis eius templi.* Prodigia etiam sub idem tempus pluribus locis nuntiata acciderunt. In Lucanis coelum arsisse adferebant. Priverni sereno per diem totum rubrum solem fuisse. Lanuvii templo Sospitae Iunonis nocte strepitum ingentem exortum. Iam animalium obscoeni foetus pluribus locis nunciabantur. in Sabinis incertus infans natus, masculus an femina esset. alter sexdecim iam annorum item ambiguo sexu inventus. Frusinone agnus cum suillo capite, Sinuessae porcus cum capite humano natus: in Lucanis in agro publico equuleus cum quin-

b) liberum arbitrium eis, populo Romano permittente Gron. Crev. c. Drak.

c) P. Gron. Crev.

d) Cn. Gron.

U. c. 552. *que pedibus. Foeda omnia et deformia, errantisque*
 a. C. 200. *in alienos foetus naturae visa. Ante omnia abomi-*
nati semimares, iussique in mare extemplo deportari;
sicut proxime, C. Claudio, M. Livio consulibus,
deportatus similis prodigii foetus erat. Nihilo minus
decemviros adire libros de portento eo iusserunt.
Decemviri ex libris res divinas easdem, quae prox-
ime secundum id prodigium factae essent, imperarunt.
carmen praeterea ab ter novenis virginibus cani per
urbem iusserunt, donumque Iunonis Reginae ferri.
Ea uti fierent, C. Aurelius consul ex decemvirorum
responso curavit. Carmen, sicut patrum memoria
Livius, ita tum condidit P. Licinius Tegula.

XIII. Expiatis omnibus religionibus, (nam etiam
 Locris sacrilegium pervestigatum a Q. Minucio erat,
 pecuniaque ex bonis noxiorum in thesauros reposita)
 quum consules in provincias proficisci vellent; priva-
 ti frequentes, quibus ex pecunia, quam M. Valerio,
 M. Claudio consulibus mutuam dederant, tertia pen-
 sio debebatur eo anno, adierunt senatum: quia con-
 sules, quum ad novum bellum, quod magna classe
 magnisque exercitibus gerendum esset, vix aerarium
 subficeret, negaverant esse, unde iis in praesentia sol-
 veretur. Senatus querentes eos non sustinuit, *Si in*
Punicum bellum pecunia data, in Macedonicum quoque
bellum uti respublica vellet; aliis ex aliis orientibus bel-
lis, quid aliud quam publicatam, pro beneficio, tam-
quam ob noxam, suam pecuniam fore? Quum et pri-
 vati aequum postularent, nec tamen solvendo aeri ^{e)}
 alieno respublica esset, quod medium inter aequum
 et utile erat, decreverunt, *Ut, quoniam magna pars*
eorum agros vulgo venales esse diceret, et sibimet emtis
opus esse; agri publici, qui intra quinquagesimum la-
pidem esset, copia iis fieret. Consules agrum aestima-
turos, et in iugera asses vectigales, testandi caussa pu-
blicum agrum esse, inpostturos: ut si quis, quum sol-
 e) aere Gron. Crev. c. Drak.

vere posset populus, pecuniam habere, quam agrum, U. c. 552.
mallet, restitueret agrum populo. Laeti eam conditio- a. C. 300.
 nem privati acceperunt. Trientius Tabuliusque is ager,
 quia pro tertia parte pecuniae datus erat, adpellatus.

XIV. Tum P. Sulpicius, secundum vota in Ca-
 pitolio nuncupata, paludatus cum lictoribus profectus
 ab urbe, Brundisium venit, et veteribus militibus vo-
 luntariis ex Africano exercitu in legiones descriptis,
 navibusque ex classe consulis Cornelii lectis, altera
 die, quam a Brundisio solvit, in Macedoniam tra-
 iecit. Ibi ei praesto fuere Atheniensium legati,
 orantes, ut se obsidione eximeret. Missus ex-
 templo Athenas est C. Claudius Centho, cum vi-
 ginti longis navibus, et mille ^{f)} militum copiis.
 neque enim ipse rex Athenas obsidebat. eo ma-
 xime tempore Abydum obpugnabat, iam cum
 Rhodiis et Attalo navalibus certaminibus, neu-
 tro feliciter proelio, vires expertus. Sed animos
 ei faciebat, praeter ferociam insitam, foedus ictum
 cum Antiocho Syriae rege, divisaeque iam cum eo
 Aegypti opes; cui, morte audita Ptolemaei regis, am-
 bo imminebant. Contraxerant autem sibi cum Phil-
 ippo bellum Athenienses haudquaquam digna causa:
 dum ex vetere fortuna nihil praeter animos servant.
 Acarnanes duo iuvenes per Initiorum dies, non ini-
 tiati, templum Cereris, imprudentes religionis, cum
 cetera turba ingressi sunt. Facile eos sermo prodi-
 dit, absurde quaedam percunctantes: deductique ad
 antistites templi, quum palam esset, per errorem in-
 gressos, tamquam ob infandum scelus, interfecti sunt.
 Id tam foede atque hostiliter factum gens Acarnauum
 ad Philippum detulit: inpetravitque ab eo, ut, datis
 Macedonum auxiliis, bellum se inferre Atheniensibus
 pateretur. Hic exercitus, primo terram Atticam fer-
 ro ignique depopulatus, cum omnis generis praeda

f) mille del. Gron. Crev. c. Drak.

U. c. 552. in Acarnaniam rediit: et irritatio quidem ^{g)} animorum ea prima fuit. postea iustum bellum decretis civitatis ultro indicendo factum: Attalus enim rex Rhodiique, persecuti ^{h)} cedentem in Macedoniam Philippum, quam Aeginam venissent; rex Piraeum, renovandae firmandaeque cum Atheniensibus societatis causa, traiecit. Civitas omnis obviam effusa cum coniugibus ac liberis, sacerdotes cum insignibus suis intrantem urbem, ac Dii prope ipsi exciti sedibus suis, exceperunt.

XV. In concionem extemplo populus vocatus, ut rex, quae vellet, coram ageret; deinde ex dignitate magis visum, scribere eum; de quibus videretur, quum praesentem aut referendis suis in civitatem beneficiis erubescere, aut significationibus adclamationibusque multitudinis, adsentatione inmodica pudorem onerantis. In literis autem, quae missae in concionem recitataeque ⁱ⁾ sunt, commemoratio erat beneficiorum primum in civitatem sociam; deinde rerum, quas adversus Philippum gessisset; ad postremum adhortatio; *Capesendum bellum, dum se, dum Rhodios, tum quidem, dum etiam Romanos haberent. Nequidquam postea, si tum cessassent, praetermissam occasionem quaesituros.* Rhodii deinde legati auditi sunt: quorum recens erat beneficium, quod naves longas quatuor Atheniensium, captas nuper a Macedonibus recuperatasque, remiseraunt. itaque ingenti consensu bellum adversus Philippum decretum. Honores regi primum Attalo inmodici, deinde et Rhodiis habiti: tum primum mentio inlata de tribu, quam Attalida adpellarent, ad decem veteres tribus addenda: et Rhodiorum populus corona aurea virtutis gratia donatus, civitasque Rhodiis data, quemadmodum Rhodii prius Atheniensibus dederant. Secundum haec rex Attalus Aeginam ad

g) quidem del. Gron. Crev.
c. Drak.

h) secuti Gron.
i) recitatae Gron. Crev.

classem se recepit. Rhodii Ciam ab Aegina, inde U. c. 552.
 per insulas Rhodum navigarunt: omnibus, praeter a. C. 200.
 Andrum, Parumque, et Cythnum, quae praesidiis Ma-
 cedonum tenebantur, in societatem acceptis. Atta-
 lum Aeginae, missi in Aetoliam nuntii, expectati-
 que inde legati, aliquamdiu nihil agentem tenuere:
 et neque illos excire ad arma potuit, gaudentes utcum-
 que composita cum Philippo pace. et ipse Rhodii-
 que, quum ^{k)}, si institissent tunc Philippo, egregium
 liberatae per se Graeciae titulum habere potuissent;
 patiundo rursus eum in Hellespontum traicere, oc-
 cupantemque Thraciae ^{l)} opportuna loca vires conli-
 gere, bellum aluere; gloriamque eius gesti perfectique
 Romanis concesserunt.

XVI. Philippus magis regio animo est usus; qui,
 quum Attalum Rhodiosque hostes non sustinuisset,
 ne Romano quidem, quod imminebat, bello territus,
 Philocle quodam ex praefectis suis cum duobus mil-
 libus peditum, equitibus ducentis ad populandos
 Atheniensium agros misso, classe tradita Heraclidi,
 ut Maroneam peteret, ipse terra eodem cum expedi-
 tis duobus millibus peditum, equitibus ducentis per-
 git. Et Maroneam quidem primo inpetu expugnavit:
 Aenum inde cum magno labore, postremo proditione
 Ganymedis praefecti Ptolemaei, cepit. deinceps alia
 castella, Cypsela, et Doriscon, et Serrheum, occupat.
 inde progressus ad Chersonesum, Elaeunta et Alope-
 connesum, tradentibus ipsis, recepit. Callipolis quo-
 que et Madytos dedita, et castella quaedam ignobi-
 lia. Abydeni, ne legatis quidem admissis, regi por-
 tas clauserunt. ea obpugnatio diu Philippum tenuit:
 eripique ex obsidione, ni cessatum ab Attalo et Rho-
 diis foret, potuerunt. Attalus trecentos tantum mi-
 lites in praesidium, Rhodii quadriremem unam ex
 classe, quum ad Tenedum staret, miserunt. eodem

k) quum del. Gron. Crev. c. l) Graeciae Eaed. c. Drak.
 Drak.

U. c. 552. postea, quum iam vix sustinerent obsidionem; et ipse Attalus quum traiecisset, spem tantum auxilii ex propinquo ostendit, neque terra, neque mari adiutis sociis.

XVII. Abydeni primo, tormentis per muros dispositis, non terra modo adeuntes aditu arcebant, sed navium quoque stationem infestam hosti faciebant. postea, quum et muri pars strata ruinis, et ad interiorem raptim obpositum murum cuniculis iam perventum esset, legatos ad regem de conditionibus tradendae urbis miserunt. Paciscebantur autem, ut Rhodiam quadriremem cum sociis navalibus, Attalique praesidium emitti liceret; atque ipsis urbe excedere cum singulis vestimentis. Quibus quum Philippus nihil pacati, nisi omnia permittentibus, respondisset; adeo renunciata haec legatio ab indignatione simul ac desperatione iram accendit, ut, ad Saguntinam rabiem versi, matronas omnes in templo Dianae, pueros ingenuos, virginesque, infantes etiam cum suis nutricibus, in gymnasium includi iuberent: aurum et argentum in forum deferri, vestem pretiosam in naves Rhodiam Cyzicenamque, quae in portu erant, congeri^{m)}, sacerdotes victimasque adduci; et altaria in medio poni. ibi delecti primum, qui, ubi caesam aciem suorum, pro diruto muro pugnantem, vidissent, ex templo coniuges liberosque interficerent; aurum, argentum, vestemque, quae in navibus esset, in mare delicerent; tectis publicis privatisque, quam plurimis locis possent, ignes subiicerent; id seⁿ⁾ facinus perpetraturos, praeceuntibus execrabile carmen sacerdotibus, iureiurando adacti: tum militaris aetas iurare, neminem vivum, nisi victorem, acie excessurum. Hi, memores Deorum, adeo pertinaciter pugnaverunt, ut, quum nox proelium diremtura esset, rex prior, terribus rabie eorum, pugna abstiterit. Principes, qui-

m) coniici Gron.

n) et, se Gron. Grev. c. Drak.

bus atrocior pars facinoris delegata erat, quum paucos et confectos vulneribus ac lassitudine superesse proelio cernerent, luce prima sacerdotes cum infulis ad urbem dedendam Philippo mittunt.

XVIII. Ante deditionem ex iis legatis Romanis, qui Alexandriam missi erant, M. Aemilius trium consensu minimus natus, audita obsidione Abydenorum, ad Philippum venit. qui, questus Attalo Rhodiisque arma inlata, et quod tum maxime Abydum obpugneret, quum rex ab Attalo et Rhodiis ultro se bello laceratum diceret; *Num Abydeni quoque, inquit, ultro tibi intulerunt arma?* Insueto vera audire ferocior oratio visa est, quam quae habenda apud regem esset. *Aetas, inquit, et forma, et super omnia Romanum nomen te ferociorem facit. Ego autem primum velim, vos foederum memores servare mecum pacem. Si bello laceraveritis, mihi quoque in animo est facere, ut regnum Macedonum nomenque, haud minus quam Romanum, nobile bello sentiat.* Ita dimisso legato, Philippus, auro argentoque, quae coacervata erant, accepto, hominum praedam omnem amisit. tanta enim rabies multitudinem invasit, ut repente proditos rati, qui pugnantes mortem obcubuissent, periuriumque alii^o) alii exprobrantes, et sacerdotibus maxime, qui, quos ad mortem devovissent, eorum deditionem vivorum hosti fecissent, repente omnes ad caedem coniugum liberorumque discurrerent, seque ipsi per omnes vias leti interficerent. Obstupefactus eo furore rex, suppressit inpetum militum, et, *triduum se ad moriendum Abydenis dare, dixit.* Quo spatio plura facinora in se victi ediderunt, quam infesti edidissent victores: nec, nisi quem vincula aut alia necessitas mori prohibuit, quisquam vivus in potestatem venit. Philippus, inposito Abydi praesidio, in regnum rediit. Quum, velut Sagunti excidium Hannibali, sic Philippo Abydenorum clades ad Romanum bellum ani-

o) aliis Gron. Crev. c. Drak.

U. c. 552. mos fecisset, nuncii obcurrerunt, consulem iam in
 a. C. 200. Epiro esse, et Apolloniam terrestres copias, navales
 Corcyram in hiberna deduxisse.

XIX. Inter haec legatis, qui in Africam missi
 erant de Hamilcare Gallici exercitus duce, responsum
 a Karthaginiensibus est, nihil ultra se facere posse,
 quam ut exilio eum multarent, bonaque eius publi-
 carent. Perfugas et fugitivos, quos inquirendo ve-
 stigare potuerint, reddidisse; et de ea re missuros
 legatos Romam, qui senatui satisfacerent. Ducenta
 millia modium tritici Romam, ducenta ad exercitum
 in Macedoniam miserunt. Inde in Numidiam ad re-
 gem^{p)} profecti legati. dona data Masinissae, man-
 dataque edita. Equites mille Numidae (quum duo
 millia daret) accepti. ipse in naves inponendos curavit:
 et cum ducentis millibus modium tritici, ducentis hor-
 dei, in Macedoniam misit. Tertia legatio ad Verminam
 erat. Is, ad primos fines regni legatis obviam pro-
 gressus, ut scriberent ipsi, quas vellent, pacis condi-
 tiones, permisit. Omnem pacem bonam iustamque
 fore sibi cum populo Romano. Datae leges pacis, ius-
 susque ad eam confirmandam mittere legatos Romam.

XX. Per idem tempus L. Cornelius Lentulus
 pro consule ex Hispania rediit. qui quum in senatu res
 ab se per multos annos fortiter feliciterque gestas ex-
 posuisset, postulassetque, ut triumphanti sibi invehi
 liceret in urbem; *res triumpho dignas esse* censebat
 senatus: *sed exemplum a maioribus non accepisse: ut,*
qui neque dictator, neque consul, neque praetor res ges-
sisset, triumpharet. Pro consule illum Hispaniam
 provinciam, non consulem, aut praetorem, obtinuisse.
 Decurrebatur tamen eo, ut ovans urbem iniret, in-
 tercedente Ti. Sempronio Longo tribuno plebis: qui
 nihilo magis id more maiorum, aut ullo exemplo fu-
 turum diceret. Postremo victus consensu Patrum tri-
 bunus cessit: et ex senatusconsulto L. Lentulus ovans

p) *reges* Gron. Crev c. Drak.

urbem est ingressus. Argenti tulit ex praeda qua-
 draginta quatuor millia pondo; auri duo millia qua-
 dringenta quinquaginta ^{q)}. militibus ex praeda cen-
 tum viginti asses divisit.

XXI. Iam exercitus consularis ab Arretio Ari-
 minum traductus erat, et quinque millia socium La-
 tini nominis ex Gallia in Etruriam transierant. ita-
 que L. Furius, magnis itineribus ab Arimino adver-
 sus Gallos, Cremonam tum obsidentes, profectus,
 castra mille quingentorum passuum intervallo ab ho-
 ste posuit. Occasio egregie rei gerendae fuit, si protin-
 us de via ad castra obpugnanda duxisset. Palati pas-
 sim vagabantur per agros, nullo satis firmo relicto
 praesidio. lassitudini militum timuit, quod raptim du-
 ctum agmen erat. Galli, clamore suorum ex agris
 revocati, omissa praeda, quae in manibus erat, ca-
 stra repetivere, et postero die in aciem progressi. nec
 Romanus moram pugnandi fecit. sed vix spatium in-
 struendi fuit: eo cursu hostes in proelium venerunt.
 Dextra ala (in alas divisum socialem exercitum ha-
 bebat) in prima acie locata est: in subsidiis duae Ro-
 manae legiones. M. Furius dextrae alae, legionibus
 M. Caecilius, equitibus L. Valerius Flaccus (legati
 omnes erant) praepositi. Praetor secum duos legatos,
 C. ^{r)} Laetorium et P. Titinium ^{s)}, habebat: cum qui-
 bus circumspicere et obire ad omnes hostium subitos
 conatus posset. Primo Galli, omni multitudine in
 unum locum connisi ^{t)}, obruere atque obterere sese
 dextram alam, quae prima erat, sperarunt posse. ubi
 id parum procedebat, circumire ^{u)} a cornibus; et am-
 plecti hostium aciem (quod in multitudine adversus
 paucos facile videbatur) conati sunt. Id ubi vidit
 praetor, ut et ipse dilataret aciem, duas legiones ex

q) quinquaginta del. Gron.
 Crev.

[In Crev. min. Titinium
 legitur].

r) Cn. Eaed. c. Drak.

t) adnixi Eaed.

s) Titinium Gron. Crev.

u) circumvenire Eaed.

U. c. 552. subsidiis dextra laevaue alae, quae in prima acie
 a. C. 200. pugnabat, circumdat, aedemque Deo Iovi vovit, si
 eo die hostes fudisset. L. Valerio imperat, ut parte
 duarum legionum equites, altera sociorum equitatum
 in cornua hostium emittat, nec circumire ^{x)} eos
 aciem patiatur. simul et ipse, ut extenuatam mediam
 deductis ^{y)} cornibus aciem Gallorum vidit, signa inferre
 confertos milites, et perrumpere ordines iubet. Et cornua
 ab equitibus, et medii a pedite pulsus. ac repente,
 quum omni parte caede ingenti sternerentur, Galli terga
 vertunt, fugaque effusa repetunt castra. fugientes
 persecutus eques, mox et legiones insecutae in castra
 impetum fecerunt. Minus sex millia hominum inde
 effugerunt. caesa aut ^{z)} capta supra quinque et triginta
 millia cum signis militariibus septuaginta ^{a)}, carpentis
 Gallicis, multa praeda oneratis, plus ducentis. Hamilcar
 dux Poenus eo proelio cecidit, et tres imperatores
 nobiles Gallorum. Placentini captivi ad duo millia
 liberorum capitum redditi colonis.

XXII. Magna victoria laetaque Romae fuit. literis
 adlatis, supplicatio in triduum decreta est. Romanorum
 sociorumque ad duo millia eo proelio ceciderunt:
 plurimi dextrae alae, in quam primo impetu vis
 ingens hostium inflata est. Quamquam per praetorem
 prope debellatum erat, consul quoque C. Aurelius,
 perfectis, quae Romae agenda fuerant, profectus in
 Galliam, victorem exercitum a praetore accepit.
 Consul alter, quum autumno ferme exacto in provinciam
 venisset, circa Apolloniam hibernabat. ab classe,
 quae Corcyrae subducta erat, C. Claudius triremesque
 Romanae, (sicut ante dictum est) Athenas missae,
 quum Piraeum pervenissent, despondentibus iam
 animos sociis spem ingentem adtulerant. nam et
 terrestres ab Corintho, quae per Megaram in-

x) *circumvenire* Gron.

y) *diductis* Gron. Crev.

z) *et* Eaed.

a) *octoginta* Eaed.

cursiones in agros fieri solitae erant; non fiebant: et praedonum a Chalcide naves, quae non mare solum infestum, sed etiam omnes maritimos agros Atheniensibus fecerant, non modo Sunium superare, sed nec extra fretum Euripi committere aperto mari se audebant. Supervenerunt his tres Rhodiae quadriremes, et erant Atticae tres apertae naves, ad tuendos maritimos agros comparatae. Hac classe si urbs agrique Atheniensium defenderentur, satis in praesentia existimanti Claudio esse, maioris etiam rei fortuna oblata est.

XXIII. Exsules ab Chalcide, regionum iniuriis pulsī, adtulerunt, occupari Chalcidem sine certamine ullo posse. nam et Macedonas, quia nullus in propinquo sit hostium metus, vagari passim, et oppidanos, praesidio Macedonum fretos, custodiam urbis neglegere. His auctoribus profectus, quamquam Sunium ita mature pervenerat, ut inde provehi ad primas angustias Euboeae posset; ne superato promontorio conspiceretur, classem in statione usque ad noctem tenuit. Primis tenebris movit. et tranquillo pervectus Chalcidem, paullo ante lucem, qua infrequentissima urbis sunt, paucis militibus turrim proximam murumque circa scalis cepit, alibi sopitis custodibus, alibi nullo custodiente. progressi inde ad frequentia aedificiis loca, custodibus interfectis, refractaque porta, ceteram multitudinem armatorum acceperunt. Inde in totam urbem discursum est: aucto etiam tumultu, quod circa forum ignis tectis injectus erat. Conflagrarunt et horrea regia, et armamentarium cum ingenti adparatu machinarum tormentorumque. caedes inde passim fugientium pariter ac repugnantium fieri coepta est. nec ullo iam, qui militaris aetatis esset, non aut caeso, aut fugato, Sopatro etiam Acarnane praefecto praesidii interfecto, praeda omnis primo in forum conlata, deinde in naves inposita. carcer etiam ab Rhodiis refractus: emis-

U. c. 552. sique captivi, quos Philippus tamquam in tutissimam
 a. C. 200. custodiam condiderat. Statuis inde regis deiectis
 truncatisque, signo receptui dato, conscenderunt na-
 ves, et Piraeum, unde profecti erant, redierunt.
 Quod si tantum militum Romanorum fuisset, ut et
 Chalcis teneri, et non deseri praesidium Athenarum
 potuisset; magna res principio statim belli, Chalcis
 et Euripus adempta regi forent. nam ut terra Ther-
 mopylarum angustiae Graeciam, ita mari fretum Eu-
 ripi claudit.

XXIV. Demetriade tum Philippus erat. quo
 quum esset nunciata clades sociae urbis, quamquam
 serum auxilium perditis erat, tamen, quae proxima
 auxilio est, ultionem petens, cum expeditis quinque
 millibus peditum, et trecentis equitibus extemplo
 profectus, cursu prope Chalcidem contendit, haud-
 quaquam dubius obprimi Romanos posse. a qua de-
 stitutus spe, nec quidquam aliud, quam ad deforme
 spectaculum semirutae ac fumantis sociae urbis quum
 venisset, paucis vix, qui sepelirent bello absuntos;
 relictis, aequè raptim ac venerat, transgressus ponte
 Euripum, per Boeotiam Athenas ducit, pari incepto
 haud disparem eventum ratus responsurum. et re-
 spondisset, ni speculator, (hemerodromos vocant
 Graeci, ingens die uno cursu emelientes spatium) con-
 templatus regium agmen e specula quadam, praegres-
 sus nocte media Athenas pervenisset. Idem ibi som-
 nus, eademque negligentia erat, quae Chalcidem dies
 ante paucos prodiderat. Excitati nuncio trepido et
 praetor Atheniensium, et Dioxippus praefectus co-
 hortis mercede militantium auxiliorum, convocatis
 in forum militibus, tuba signum ex arce dari iubent,
 ut hostes adesse omnes scirent. ita undique ad portas,
 ad muros ^{b)} discurrunt. Paucas post horas Philippus,
 aliquanto tamen ante lucem, adpropinquans urbi,
 conspectis luminibus crebris, et fremitu hominum tre-

^{b)} post ad muros Gron. Crev.

pidantium (ut in tali tumultu) exaudito, sustinuit si- U. c. 552.
 gna: et considerare ac conquiescere agmen iussit, vi^{a. C. 200.}
 aperta propalam usurus, quando parum dolus profue-
 rat. Ab Dipylo accessit. porta ea, velut in bre urbis
 posita, maior aliquanto potentiorque, quam ceterae,
 est: et intra eam extraque latae sunt viae, ut et op-
 pidani dirigere aciem a foro ad portam possent: et
 extra limes mille ferme passus longus^{c)}, in Academiae
 gymnasium ferens, pediti equitque hostium liberum
 spatium praeberet. Eo limite Athenienses cum Atta-
 li praesidio et cohorte Dioxippi, acie intra portam
 instructa, signa extulerunt. Quod ubi Philippus vi-
 dit, habere se hostes in potestate ratus, et diu opta-
 ta caede (neque enim ulli Graecarum civitatum in-
 festior erat) expleturum, cohortatus milites, *ut, se in-*
tuentes, pugnarent, scirentque ibi signa, ibi aciem esse
debere, ubi rex esset, concitat in hostes equum, non
 ira tantum, sed etiam gloria elatus; quod, ingenti tur-
 ba completis etiam ad spectaculum muris, conspici se
 pugnantem egregium ducebat. Aliquantum ante aciem
 cum equitibus paucis eVectus in medios hostes, in-
 gentem quum suis ardorem, tum pavorem hostibus,
 iniecit. plurimos manu sua cominus eminusque vul-
 neratos compulsosque in portam, consecutus et ipse,
 quum maiorem in angustiis trepidantium edidisset
 caedem, in temerario incepto tutum tamen receptum
 habuit: quia, qui in turribus portae erant, sustine-
 bant tela, ne in permixtos hostibus suos conicerent.
 Intra muros deinde tenentibus milites Atheniensibus,
 Philippus, signo receptui dato, castra ad Cynosarges
 (templum Herculis, gymnasiumque et locus erat cir-
 cumiectus) posuit. sed et^{d)} Cynosarges, et Lyceum,
 et quidquid sancti amoenive circa urbem erat, incen-
 sum est, dirutaque non tecta solum, sed etiam sepul-

c) *longus* del. Gron. Crev. c.
 Drak.

d) *et* del. Eaed. c. Drak.

U. c. 552. cra: nec divini humanive iuris quidquam prae inpo-
 n. C. 200. tenti ira est servatum.

XXV. Postero die, 'quum primo clausae fuissent portae, deinde subito apertae, quia praesidium Attali ab Aegina, Romanique ab Piraeo intraverant urbem, castra ab urbe retulit rex tria ferme millia passuum. inde Eleusinem profectus, spe improviso templi castelli que, quod et inminet et circumdatum est templo, capiendi, quum haudquaquam neglectas custodias animadvertisset, et classem a Piraeo subsidio venire, omisso incepto, Megaram, ac protinus Corinthum ducit. et quum Argis Achaeorum concilium esse audisset, inopinantibus Achaeis, concioni ipsi supervenit. Consultabant de bello adversus Nabin tyrannum Lacedaemoniorum: qui, translato imperio a Philopoemene ad Cycliadam^e), nequaquam parem illi ducem, dilapsa cernens Achaeorum auxilia, redintegraverat bellum, agrosque finitimorum vastabat; et iam urbibus quoque erat terribilis. Adversus hunc hostem, quum, quantum ex quaque civitate^f) militum scriberetur^g), consultarent; Philippus, demturum se eis curam, quod ad Nabin et Lacedaemonios attineret, pollicitus; nec tantum agros sociorum populationibus prohibitorum, sed terrorem omnem belli in ipsam Laconicam, ducto eo extemplo exercitu, translaturum. Haec oratio quum ingenti hominum adsensu acciperetur; *Ita tamen aequum est, inquit, me vestra meis armis tutari, ne mea interim nudentur praesidiis. Itaque, si vobis videtur, tantum parate militum, quantum ad Oreum, et Chalcidem, et Corinthum tuenda satis sit^h)*: ut, meis ab tergo tutis, securus bellum Nabidi inferam et Lacedaemoniis. Non fefellit Achaeos, quo spectasset tam benigna pollicitatio, auxiliumque oblatum adversus Lacedaemonios: id quaeri, ut ob-

e) Cycliadem Gron. Crev. c.
 Drak.

f) civitatum Gron. Crev.

g) conscriberetur Eaed.

h) sint Gron.

sidem Achaeorum iuventutem educeret ex Pelopon- U. c. 552.
neso, ad inligandam Romano bello gentem. et id qui- a. C. 200.
dem coarguere Cycliadas ¹⁾ praetor Achaeorum nihil
adtinere ratus, id modo quum dixisset, non licere
legibus Achaeorum de aliis rebus referre, quam pro-
pter quas convocati essent; decreto de exercitu pa-
rando adversus Nabin facto, concilium fortiter ac li-
bere habitum dimisit; inter adsentatores regios ante
eam diem habitus. Philippus, magna spe depulsus,
voluntariis paucis militibus conscriptis, Corinthum
atque in Atticam terram rediit.

XXVI. Per eos ipsos dies, quibus Philippus in
Achaia fuit, Philocles praefectus regius, ex Euboea
profectus cum duobus millibus Thracum Macedonum-
que ad depopulandos Atheniensium fines, e regione
Eleusinis saltum Cithaeronis transcendit. inde di-
midia parte militum ad praedandum passim per
agros dimissa, cum parte ipse occultus loco ad
insidias opportuno consedit, ut, si ex castello ab Eleu-
sine in praedantes suos inpetus fieret, repente hostes
effusos ex inproviso adoriretur. Non fefellere insi-
diae. itaque revocatis, qui discurrerant ad praedan-
dum, militibus, instructisque, ad obpugnandum ca-
stellum Eleusinem profectus, cum multis inde vul-
neribus recessit, Philippoque se venienti ex Achaia
coniunxit. Tentata et ab ipso rege obpugnatio eius
castelli est. sed naves Romanae, a ²⁾ Piraeo ve-
nientes, intromissumque praesidium absistere incep-
to coegerunt. Diviso deinde exercitu, rex cum par-
te Philoclem Athenas mittit, cum parte ipse Piraeum
pergit: ut, quum ¹⁾ Philocles subeundo muros, et
comminanda obpugnatione contineret urbe Athenien-
ses, ipsi Piraeum levi cum praesidio relictum expu-
gnandi facultas esset. Ceterum nihilo ei Piraei,
quam Eleusinis, faciliior, iisdem fere defendentibus,

i) *Cycliades* Gron. Crev.

1) *dum* Eaed.

k) a del. Eaed.

U. c. 552. obpugnatio fuit. A Piraeo Athenas repente duxit.
 n. C. 200. inde eruptione subita peditum equitumque inter angustias semirutum muri, qui brachiis duobus Piraeum Athenis iungit, repulsus; omissa obpugnatione urbis, diviso cum Philocle rursus exercitu, ad vastandos agros profectus, quum priorem populationem sepulcris circa urbem diruendis exercuisset, ne quid inviolatum relinqueret, templa Deum, quae pagatim sacrata habebant, dirui atque incendi iussit. Exornata eo genere operum eximie terra Attica, et copia domestici marmoris, et ingeniis artificum, praebuit huic furori materiam. neque enim diruere modo ipsa templa, ac simulacra evertere satis habuit; sed lapides, quoque, ne integri cumlarent ruinas, frangi iussit: et, postquam non tam ira satiata, quam irae exercendae materia haec deerat, agro hostium in Boeotiam excessit, nec aliud quidquam dignum memoria in Graecia egit.

XXVII. Consul Sulpicius eo tempore inter Apolloniam ac Dyrrachium ad Apsum flumen habebat castra: quo accessitum L. Apustium legatum, cum parte copiarum ad depopulandos hostium fines mittit. Apustius, extrema Macedoniae populatus, Corrago, et Gerrunio, et Orgesso castellis primo inpetu captis, ad Antipatriam, in faucibus angustis sitam urbem, venit. ac primo evocatos principes ad colloquium, ut fidei Romanorum se committerent, perlicere est conatus; deinde, ubi, magnitudine ac moenibus situque urbis freti, dicta adspernabantur, vi atque armis adortus, expugnavit; puberibusque interfectis, praeda omni militibus concessa, diruit muros, atque urbem incendit. Illic metus Codrionem, satis validum et munitum oppidum, sine certamine ut dederetur Romanis, effecit. Praesidio ibi relicto, Cnidus ^{m)} (nomen propter alteram in Asia urbem, quam oppidum, notius) vi capitur. Revertentem legatum ad
 m) *Ilium* Gron. Crev. c. Drak.

consulem cum satis magna praeda, Athenagoras qui- U. c. 552.
dam regius praefectus in transitu fluminis a novissimo a. C. 200.
agmine adortus, postremos turbavit. ad quorum cla-
morem et trepidationem quum revectus equo propere
legatus signa convertisset, coniectisque in medium
sarcinis aciem direxisset; non tulere inpetum Roma-
norum militum regii. multi ex iis occisi, plures ca-
pti. Legatus, incolumi exercitu reducto ad consulem,
remittitur inde extemplo ad classem.

XXVIII. Hac satis felici expeditione bello com-
misso, reguli ac principes adcolae Macedonum in ca-
stra Romana veniunt, Pleuratus Scerdilaedi filius, et
Amynder Athamanum rex, et ex Dardanibus Bato,
Longari filius. Bellum suo nomine Longarus cum
Demetrio Philippi patre gesserat. Pollicentibus
auxilia respondit consul, Dardanorum et Pleu-
rati opera, quum exercitum in Macedoniam in-
duceret, se usurum. Amyndro Aetolos concitan-
dos ad bellum adtribuit. Attali legatis (nam ii quo-
que per id tempus venerant) mandat, ut Aeginae rex,
ubi hibernabat, classem Romanam opperiretur. qua
adiuncta, bello maritimo, sicut ante, Philippum ur-
geret. Ad Rhodios quoque missi legati, ut capesse-
rent partem belli. Nec Philippus segnins (iam enim
in Macedoniam pervenerat) adparabat bellum. Fi-
lium Persea, puerum admodum, datis ex amicorum
numero, qui aetatem eius regerent, cum parte copia-
rum ad obsidendas angustias, quae ad Pelagoniam
sunt, mittit. Sciathum et Peparethum, haud igno-
biles urbes, ne classi hostium praedae ac praemio es-
sent, diruit. Ad Aetolos mittit legatos, ne gens in-
quieta adventu Romanorum fidem mutaret.

XXIX. Concilium Aetolorum stataⁿ) die, quod
Panaetolium vocant, futurum erat. Huic ut obcurrere-
rent, et legati regis iter adcelerarunt, et ab consule
missus L. Furius Purpureo legatus venit. Athenien-

n) *statuta* Gron. Crev. c. Drak.

U. c. 552. sium quoque legati ad id concilium obcurrerunt. Pri-
 a. C. 200. mi^o) Macedones, cum quibus recentissimum foedus
 erat, auditi sunt. qui, *nulla nova re, nihil se novi ha-*
bere, quod adferrent, dixerunt: quibus enim de caussis,
experta inutili societate Romana, pacem cum Philippo
fecissent, compositam semel servare eos debere. An
imitari, inquit unus ex legatis, Romanorum licentiam,
an levitatem dicam, mavultis? qui, quum legatis vestris
Romae responderi ita iussissent, Quid ad nos venitis,
Aetoli, sine quorum auctoritate pacem cum Philippo
fecistis? iidem nunc, ut bellum secum adversus Philip-
pum geratis, postulant. et antea propter vos, et pro vo-
bis arma sumta adversus eum simulabant; nunc vos
in pace esse cum Philippo prohibent. Messanae ut au-
xilio essent, primo in Siciliam transcenderunt^{p)}: iterum,
ut Syracusas obpressas ab Karthaginiensibus in liberta-
tem eximerent. Et Messanam, et Syracusas, et totam
Siciliam ipsi habent, vectigalemque provinciam securi-
bis et fascibus subiecerunt. Scilicet, sicut vos Naupa-
cti legibus vestris per magistratus a vobis creatos con-
cilium habetis, socium hostemque libere, quem velitis,
lecturi, pacem ac bellum arbitrio habituri vestro; sic
Siculorum civitatibus, Syracusas aut Messanam, aut
Lilybaeum indicitur concilium. Praetor Romanus con-
ventus agit: eo imperio evocati conveniunt; excelso in
subgestu superba iura reddentem, stipatum lictoribus
vident; virgae tergo, secures cervicibus imminet: et
quotannis alium atque alium dominum sortiuntur. Nec
id mirari debent, aut possunt, quum Italiae urbes Rhe-
gium, Tarentum, Capuam, ne finitimas nominem, qua-
rum ruinis crevit urbs Romana, eidem^{q)} subiectas vi-
deant imperio. Capua quidem, sepulcrum ac monumentum
Campani populi, elato et extorri cieto ipso populo, super-
est; urbs trunca, sine senatu, sine plebe, sine magistrati-
bis, prodigium; relicta crudelius habitanda, quam si

o) primo Gron. Crev.

p) conscenderunt Eaed. c. Drak.

q) eiusdem Eaed. c. Drak.

*deleta foret. Furor est, si alienigenae homines, plus U. c. 552.
lingua et moribus et legibus, quam maris terrarumque^a. C. 200.
spatio, discreti, haec tenuerint, sperare, quidquam eo-
dem statu mansurum. Philippi regnum obsicere aliquid
videtur libertati vestrae: qui, quum merito vestro vobis
infectus esset, et nihil a vobis ultra, quam pacem, pe-
tiit, fidemque hodie pacis pactae desiderat? Adsues-
cite his terris legiones externas, et iugum accipite. sero
ac nequidquam, quum dominum Romanum habebitis,
socium Philippum quaeritis. Aetolos, Acarnanas, Ma-
cedonas, eiusdem linguae homines, leves ad tempus or-
tae caussae disiungunt coniunguntque: cum alienigenis^r),
cum barbaris aeternum omnibus Graecis bellum est,
eritque. natura enim, quae perpetua est, non mutabili-
bus in diem caussis, hostes sunt. Sed, unde coepit ora-
tio mea, ibi desinet. Hoc eodem loco iidem homines de
eiusdem Philippi pace triennio ante decrevistis, iisdem
inprobantibus eam pacem Romanis, qui nunc pactam et
compositam turbare volunt. in qua consultatione nihil
fortuna mutavit, cur vos mutetis, non video.*

XXX. Secundum Macedonas, ipsis Romanis ita
concedentibus iubentibusque, Athenienses, qui foeda
passi iustius in crudelitatem saevitiamque regis inve-
hi poterant, introducti sunt. Deploraverunt vasta-
tionem populationemque miserabilem agrorum. Ne-
que id se queri, quod hostilia ab hoste passi forent: esse
enim quaedam belli iura: quae ut facere, ita pati sit
fas. sata exuri, dirui tecta, praedas hominum pecorum-
que agi, misera magis, quam indigna, patienti esse.
Verum enim vero id se queri, quod is, qui Romanos
alienigenas et barbaros vocet, adeo omnia simul divina
humanaque iura polluerit, ut priore populatione cum in-
fernis Diis, secunda cum superis bellum nefarium gesse-
rit: omnia sepulcra monumentaque diruta esse in fini-
bus suis, omnium nudatos Manes, nullius ossa terra te-
gi: delubra sibi fuisse, quae quondam pagatim habi-
r) alienis Gron.

U. c. 552. *tantas in parvis illis castellis vicisque consecrata, ne*
 a. C. 200. *in unam urbem quidem contributi maiores sui deserta*
reliquerint. circa ea omnia templa Philippum infestos
circumtulisse ignes; semiusta et truncata simulacra
Deum inter prostratos iacere postes templorum. Qualem
terram Atticam fecerit, exornatam quondam opulen-
tamque, talem eum, si liceat, Aetoliam, Graeciamque
omnem facturum. Urbis quoque suae similem defor-
mitatem futuram fuisse, nisi Romani subvenissent ¹⁾.
eodem enim scelere urbem colentes Deos, praesidemque
arcis Minervam petita: eodem Eleusine Cereris tem-
plum, eodem Piraei Iovem Minervamque; sed abeorum
non templis modo, sed etiam moenibus vi atque armis
repulsum, in ea delubra, quae sola religione tuta fue-
rint, saevisse. Itaque se orare atque obsecrare Aetolos,
ut, miserti Atheniensium, ducibus Diis immortalibus,
deinde Romanis, qui secundum Deos plurimum possint,
bellum susciperent.

XXXI. Tum Romanus legatus: *Totam orationis*
meae formam Macedones primum, deinde Athenienses
mutarunt. Nam et Macedones, quum ad conqueren-
das Philippi iniurias in tot socias nobis urbes venissem,
ultro accusando Romanos, defensionem ut accusatione
potiorem haberem, effecerunt; et Athenienses in Deos
superos inferosque nefanda atque inhumana scelera eius
referendo, quid mihi aut cuiquam reliquerunt, quod ob-
iiicere ultra possim? Eadem Cynos, Ahydenos, Aeneos,
Maronitas, Thasios ²⁾, Parios, Samios, Larissenses,
Messenios hinc ex Achaia, existimate queri; graviora
etiam acerbioraque eos, quibus nocendi maiorem facul-
tatem habuit. Nam quod ad ea adtinet, quae nobis ob-
iecit; nisi gloria digna sunt, fateor ea defendi non pos-
se. Rhegium, et Capuam, et Syracusas nobis obiecit.
Rhegium Pyrrhi bello legio a nobis, Rheginis ipsis, ut
mitteremus, orantibus, in praesidium missa, urbem, ad

1) *venissent Gron.*

2) *Thasios del. Grev.*

quam defendendam missa erat, per scelus possedit. U. c. 553.
 Comprobavimus ergo id facinus? an bello persecuti a. C. 200.
 sceleratam legionem, in potestatem nostram redactam
 tergo et cervicibus poenas sociis pendere quum coegissemus,
 urbem, agros, suaque omnia cum libertate legibusque
 Rheginis reddidimus? Syracusanis obpressis ab externis
 tyrannis, quo indignius esset, quum tulissemus opem,
 et fatigati prope per triennium terra marique urbe
 munitissima obpugnanda essemus, quum iam ipsi Syracusani
 servire tyrannis, quam capi a nobis mallent, captam
 iisdem armis et liberatam urbem reddidimus. Neque inficias
 imus, Siciliam provinciam nostram esse, et civitates,
 quae in parte Karthaginiensium fuerunt, et uno animo
 cum illis adversus nos bellum gesserunt, stipendiarias
 nobis ac vectigales esse. quin contra, hoc et vos et omnes
 gentes scire volumus, pro merito cuique erga nos fortunam
 esse. An Campanorum poenae, de qua neque ipsi quidem
 queri possunt, nos poeniteat? Hi homines, quum pro
 iis bellum adversus Samnites per annos prope septuaginta
 cum magnis nostris cladibus gessissemus, ipsos foedere
 primum, deinde connubio, atque inde cognationibus,
 postremo civitate nobis coniunxissemus, tempore nostro
 adverso primi omnium Italiae populorum, praesidio nostro
 foede interfecto, ad Hannibalem defecerunt: deinde,
 indignati se obsideri a nobis, Hannibalem ad obpugnandam
 Romam miserunt. Horum si neque urbs ipsa, neque homo
 quisquam superesset, quis id ^{u)} durius, quam pro merito
 ipsorum, statutum indignari posset? Plures sibimet ipsi
 conscientia scelerum mortem consciverunt, quam a nobis
 supplicio adfecti sunt. Ceteris ita oppidum, ita agros
 ademimus, ut agrum locumque ad habitandum daremus;
 urbem innoxiam stare incolumem pateremur; ut, qui
 hodie videat eam, nullum obpugnatae captaeque ibi
 vestigium inveniat. Sed quid ego Capuam dico? quum
 Karthagini

u) id del. Gron. Crev. c. Drak.

U. c. 552. *victae pacem ac libertatem dederimus. Magis illud est*
 a. C. 200. *periculum, ne, nimis facile victis ignoscendo, plures ob*
id ipsum ad experiendam adversus nos fortunam belli
incitemus. Haec pro nobis dicta sint, haec adversus
Philippum: cuius domestica parricidia, et cognatorum
amicorumque caedes, et libidinem inhumaniorem prope,
quam crudelitatem, vos, quo propiores Macedoniae estis,
melius nostis. Quod ad vos adtinet, Aetoli, nos pro
vobis bellum suscepimus adversus Philippum; vos sine
nobis cum eo pacem fecistis. Et forsitan dicatis, bello
Punico occupatis nobis, coactos metu vos leges pacis ab
eo, qui tum plus poterat, accepisse. et nos, quum alia
maiora urgerent, depositum a vobis bellum et ipsi omi-
simus. Nunc et nos, Deum benignitate Punico perse-
cto bello, totis viribus nostris in Macedoniam incubui-
mus: et vobis restituendi vos in amicitiam societatem-
que nostram fortuna oblata est; nisi perire cum Philip-
po, quam vincere cum Romanis, mavultis.

XXXII. Haec dicta ab Romano quum essent,
 inclinatis omnium animis ad Romanos, Damocritus
 praetor Aetolorum, pecunia, ut fama est, ab rege
 accepta, nihil aut huic aut illi parti adsensus, *Rem*
magni discriminis consiliis nullam esse tam inimicam,
quam celeritatem, dixit. Celerem enim poenitentiam,
sed eandem seram atque inutilem, sequi; quum prae-
cipitata raptim consilia neque revocari, neque in inte-
grum restitui possint. Deliberationis autem eius, cuius
ipse maturitatem exspectandam putaret, tempus ita iam
nunc statui posse: quum legibus cautum esset, ne de
pace bellove, nisi in Panaetolico et Pylaico concilio,
ageretur, decernerent extemplo, ut praetor sine fraude,
quum de bello aut de pace agere velit, advocet concilium;
et, quod tum referatur decernaturque, ut perinde ius
ratumque sit, ac si in Panaetolico aut Pylaico conci-
lio actum esset. Dimissis ita suspensa re legatis, egre-
gie consultum genti aiebat. nam, utrius partis me-

lior fortuna belli esset, ad eius societatem inclinatu- U. c. 552.
ros. Haec in concilio Aetolorum acta. a. C. 200.

XXXIII. Philippus inpigre terra marique parabat bellum: navales copias Demetriadem in Thessaliam ^{x)} contrahebat. Attalum Romanamque classem principio veris ab Aegina ratus moturos, navibus maritimaeque orae praefecit Heraclidem, quem et ante praefecerat. ipse terrestres copias comparabat, magna se duo auxilia detraxisse Romanis credens, ex una parte Aetolos, ex altera Dardanos, faucibus ad Pelagoniam a filio Perseo interclusis. Ab consule non parabatur, sed gerebatur iam bellum. per Dassaretiorum fines exercitum ducebat, frumentum, quod ex hibernis extulerat, integrum vehens; quod in usum militi satis esset, praebentibus agris. Oppidavicique partim voluntate, partim metu se tradebant. quaedam vi expugnata, quaedam deserta, in montes propinquos refugientibus barbaris, inveniebantur. Ad Lyncum ^{y)} stativa posuit prope flumen Bevum: inde frumentatum circa horrea Dassaretiorum mittebat. Philippus consternata quidem omnia circa, pavoreinque ingentem hominum cernebat: sed parum gnarus, quam partem petisset consul, alam equitum ad explorandum, quonam hostes iter intendissent, misit. Idem error apud consulem erat. Movisse ex hibernis regem sciebat, quam regionem petisset ignorans. is quoque speculatum miserat equites. Hae duae alae ex diverso, quum diu incertis itineribus vagatae per Dassaretios essent, tandem in unum iter convenerunt. Neutros fefellit, ut fremitus procul hominum equorumque exauditus est, hostes adpropinquare. Itaque prius, quam in conspectum venirent, equos armaque expelierant. nec mora, ubi primum hostem videre, concurrendi facta est. Forte et numero et virtute, utpote lecti utrimque, haud in pares,

x) *Thessalia* Gron. Crev.

y) *Lycum* Eaed.

U. c. 552. aequis viribus per aliquot horas pugnarunt. Fatiga-
 a. C. 220. tio ipsorum equorumque, incerta victoria, diremit
 proelium. Macedonum quadraginta equites, Roma-
 norum quinque et triginta ceciderunt. Neque eo ma-
 gis explorati quidquam, in qua regione castra hostium
 essent, aut illi ad regem, aut hi ad consulem retule-
 runt. per transfugas cognitum est, quos levitas inge-
 niorum, ad cognoscendas hostium res, in omnibus
 bellis praebebat.

XXXIV. Philippus, aliquid et ad caritatem suo-
 rum, et ut promptius pro eo periculum adirent, ratus
 profecturum se, si equitum, qui ceciderant in expe-
 ditione, sepeliendorum curam habuisset, adferri eos
 in castra iussit, ut conspiceretur ab omnibus funeris
 honos. Nihil tam incertum nec tam inaestimabile est,
 quam animi multitudinis. quod promptiores ad sub-
 eundam omnem dimicationem videbatur facturum,
 id metum pigritiamque incussit: nam, qui hastis sa-
 gittisque et rara lanceis vulnera facta vidissent, cum
 Graecis Illyriisque pugnare adsueti, postquam gladio
 Hispaniensi detruncata corpora brachiis cum hume-
 ro ^{z)} abscisis ^{a)}, aut tota cervice desecta divisa a cor-
 pore capita, patentiaque viscera, et foeditatem aliam
 vulnerum viderunt, adversus quae tela quosque viros
 pugnandum esset, pavidi vulgo cernebant. Ipsum
 quoque regem terror cepit, nondum iusto proelio cum
 Romanis congressum. itaque, revocato filio praesidio-
 que, quod in Pelagoniae faucibus erat, ut iis copiis
 suas augeret, Pleurato Dardanisque iter in Macedo-
 niam patefecit. Ipse, cum viginti millibus peditum,
 quatuor equitum, ducibus transfugis, ad hostem pro-
 fectus, paullo plus mille ^{b)} passus a castris Romanis
 tumultum propinquum Athaco fossa ac vallo commu-
 nivit: ac, subiecta cernens Romana castra, admiratus
 esse dicitur et universam speciem castrorum, et de-

z) cum humero del. Gron.
 Crev. c. Drak.

a) abscisis Gron. Crev.
 b) ducentos Eaed. c. Drak.

scripta suis quaeque partibus, tum tendentium ordine, tum itinerum intervallis; et negasse, barbarorum ea castra ulli videri posse. Biduum consul et rex, alter alterius conatus exspectantes, continuere suos intra vallum: tertio die Romanus omnes copias in aciem eduxit.

XXXV. Rex vero, tam celerem aleam universi certaminis timens, quadringentos Tralles (Illyriorum id, sicut alio diximus loco, est genus) et Cretenses trecentos, addito iis peditibus pari numero equitum, cum duce Athenagora, uno ex purpuratis, ad lacessendos hostium equites misit. Ab Romanis autem^{e)} (aberat acies eorum paullo plus quingentos passus) velites et equitum duae ferme alae emissae, ut numero quoque eques pedesque hostem aequarent. Credidere regii, genus pugnae, quo adsuerant^{d)}, fore, ut equites, in vicem insequentes refugientesque, nunc telis uterentur, nunc terga darent; Illyriorum velocitas ad excursiones et inpetus subitos usui esset, Cretenses in invehentem se effuse hostem sagittas coniicerent. Turbavit hunc ordinem pugnandi non acrior, quam pertinacior, inpetus Romanorum. nam haud secus, quam si tota acie dimicarent, et velites, emissis hastis, cominus gladiis rem gerebant, et equites, ut semel in hostem eveci sunt, stantibus equis, partim ex ipsis equis, partim desilientes inmiscentesque se peditibus, pugnabant. ita nec eques regius equiti par erat, insuetus ad stabilem pugnam; nec pedes concursator et vagus, et prope seminudus genere armorum, veliti Romano parvam gladiumque habenti, pariterque et ad se tuendum, et ad hostem petendum armato. Non tulere itaque dimicationem; nec alia re, quam velocitate, tutantes se, in castra refugerunt.

XXXVI. Uno deinde intermisso die, quum omnibus copiis equitum levisque armaturae pugna-

e) ab Romanis, quum, sublati parenthesos signis,

Gron.

d) assueverant Gron. Crev.

U. c. 552. turus rex esset, nocte caetratos, quos peltastas vo-
 a. C. 200. cant, loco opportuno inter bina castra in insidiis ab-
 diderat; praeceperatque Athenagorae et equitibus, ut,
 si aperto proelio procederet res, uterentur fortuna: si
 minus, cedendo sensim ad insidiarum locum hostem
 pertraherent. Et equitatus quidem cessit: duces cae-
 tratae cohortis, non satis expectato signo, ante tem-
 pus excitatis suis, occasionem bene gerendae rei
 amisere. Romanus, et aperto proelio victor, et tu-
 tus a fraude insidiarum, in castra sese recepit. Po-
 stero die omnibus copiis consul in aciem descendit,
 ante prima signa locatis elephantis: quo auxilio tum
 primum Romani, quia captos aliquot bello Punico
 habebant, usi sunt. Ubi latentem intra vallum hostem
 vidit, in tumulos quoque ac sub ipsum vallum ^{e)} ex-
 probrans metum successit. Postquam ne tum qui-
 dem potestas pugnandi dabatur, quia ex tam propin-
 quis stativis parum tuta frumentatio erat, dispersos
 milites per agros equitibus extemplo invasuris; octo
 ferme inde millia, intervallo ^{f)} tutiorem frumentatio-
 nem habiturus, castra ad Octolophum (id est loco
 nomen) movit. Quum in propinquo agro frumenta-
 rentur Romani, primo rex intra vallum suos tenuit,
 ut cresceret simul et neglegentia cum audacia hosti.
 Ubi effusos vidit, cum omni equitatu et Cretensium
 auxiliariis, quantum equitem velocissimi pedites
 cursu aequare poterant, citato profectus agmine, in-
 ter castra Romana et frumentatores constituit signa.
 Inde, copiis divisis, partem ^{g)} ad consectandos vagos
 frumentatores emisit, dato signo, ne quem vivum re-
 linquerent; cum parte ipse substitit, itineraque, qui-
 bus ad castra recursuri videbantur hostes, obsedit.
 Iam passim caedes ac fuga erat, necdum quisquam in
 castra Romana nuncius cladis pervenerat; quia re-

e) intra vallum sensit, expro-
 brans etc. Gron. Crev. c.
 Drak.

f) millium intervallo Gron.
 Crev.

g) partim Eaed.

fugientes in regiam stationem incidebant: et plures U. c. 352.
 ab obsidentibus vias, quam ab emissis ad caedem, in- a. C. 200.
 terficiebantur. tandem inter medias hostium stationes
 elapsi quidam trepidi, tumultum magis, quam certum
 nuncium, intulerunt castris.

XXXVII. Consul, equitibus iussis, qua quis-
 que posset, opem ferre laborantibus, ipse legiones o
 castris educit, et agmine quadrato ad hostem ducit.
 Dispersi equites per agros quidam ^{h)} aberrarunt, de-
 cepti clamoribus aliis ex alio existentibus loco. Pars
 obvios habuerunt hostes. pluribus locis simul pugna
 coepit. Regia statio atrocissimum proelium edebat.
 nam et ipsa multitudine equitum peditumque prope
 iusta acies erat: et Romanorum, quia medium ob-
 sederat iter, plurimi in eam inferebantur. Eo quoque
 superiores Macedones erant, quod et rex ipse horta-
 tor aderat, et Cretensium auxiliares multos ex impro-
 viso vulnerabant, conferti praeparatique in dispersos
 et effusos pugnantes. Quod si modum in insequen-
 do habuissent, non in praesentis modo certaminis
 gloriam, sed in summam etiam belli profectum foret:
 nunc, aviditate caedis intemperantius secuti ⁱ⁾, in
 praegressas cum tribunis militum cohortes Romanas
 incidere: et fugiens eques, ut primo signa suorum
 vidit, convertit in effusum hostem equos: versaue
 momento temporis fortuna pugnae est, terga danti-
 bus, qui modo secuti erant. Multi cominus congres-
 si, multi fugientes interfecti. nec ferro tantum per-
 iere, sed in paludes quidam coniecti, profundo limo
 cum ipsis equis hausti sunt. Rex quoque in periculo
 fuit: nam, ruente sauciō equo, praiceps ad terram
 datus, haud multum absuit, quin iacens obprimere-
 tur. Saluti fuit eques, qui raptim ipse desiluit, pa-
 vidumque regem in equum subiecit. Ipse, quum
 pedes aequare cursu fugientes non posset equites,

^{h)} quidem Gron. Crev.

ⁱ⁾ insecuti Eaed. c. Drak.

U. c. 552. ab hostibus ad casum regis concitatis confossus periit.
 a. C. 200. Rex, circumvectus paludes pervias inviasque trepida fuga, in castra tandem, iam desperantibus plerisque incolumem evasurum, pervenit. Ducenti Macedonum equites eo proelio periere, centum ferme capti; octoginta admodum ornati equi, spoliis simul armorum relatis, abducti.

XXXVIII. Fuerunt, qui hoc die regem temeritatis, consulem segnitiae accusarent. nam et Philippo quiescendum fuisse, quum paucis diebus hostes, exhausto circa omni agro, ad ultimum inopiae venturos sciret: et consulem, quum equitatum hostium levemque armaturam fudisset, ac prope regem ipsum cepisset, protinus ad castra hostium ducere debuisset. nec enim mansuros ita percussos hostes fuisse, debellarique momento temporis potuisse. Id dictu, quam re, ut pleraque, facilius. nam, si omnibus peditum quoque copiis rex congressus fuisset, forsitan inter tumultum, quum omnes victi metuque percussi ex proelio intra vallum, protinus inde supervadentem munimenta victorem hostem fugerent, exui castris potuerit rex. quum vero integrae copiae peditum in castris mansissent, stationes ante portas, praesidiaque disposita essent, quid, nisi ut temeritatem regis, effuse paullo ante secuti percussos equites, imitaretur, profecisset? neque enim ne regis quidem primum consilium, quo inpetum in frumentatores palatos per agros fecit, reprehendendum foret, si modum prosperae pugnae inposuisset. Eo quoque minus est mirum, tentasse eum fortunam, quod fama erat, Pleuratum Dardanosque, ingentibus copiis profectos domo, iam in Macedoniam transcendisse. Quibus si undique circumventus copiis foret, sedentem Romanum debellaturum, credi poterat. Itaque, secundum duas adversas equestres pugnas, multo minus tutam moram in iisdem stativis fore Philippus ratus, quum abire inde et fallere abiens hostem vellet, caduceatore sub

secasum solis ad consulem misso, qui inducias ad se- U. c. 552.
 peliendos equites peteret, frustratus hostem, secun- a. C. 200.
 da vigilia, multis ignibus per tota castra relictis, si-
 enti agmine abiit.

XXXIX. Corpus iam curabat consul, quum, ve-
 nisse caduceatorem, et quid venisset, nunciatum est.
 responso tantum dato, mane postero die fore copiam
 conveniendi, id quod quaesitum erat, nox dieique in-
 sequentis pars ad praecipendum iter Philippo data
 est. montes, quam viam non ingressurum gravi ag-
 mine Romanum sciebat, petit. Consul, prima luce
 caduceatore datis induciis dimisso, haud ita multo
 post abisse hostem quum sensisset, ignarus qua se-
 queretur, iisdem stativis frumentando dies aliquot
 consumsit. Stuberam deinde petit, atque ex Pelago-
 nia frumentum, quod in agris erat, convexit. inde
 ad Pluvinam ^{k)} est progressus, nondum comperto,
 quam regionem hostes petissent. Philippus, quum
 primo ad Bryanium stativa habuisset, profectus inde
 transversis limitibus, terrorem praebuit subitum ho-
 sti. Movere itaque ex Pluvina Romani, et ad Os-
 thagum flumen posuerunt castra. Rex haud procul
 inde et ipse, vallo super ripam amnis ducto, (Erigonum
 incolae vocant) consedit. Inde satis comperto, Eor-
 laeam petituros Romanos, ad occupandas angustias,
 ne superare hostes artis faucibus inclusum aditum
 possent, praecessit. ibi alia vallo, alia fossa, alia la-
 pidum congerie, ut pro muro essent, alia arboribus
 obiectis, ita ut locus postulabat, aut materia subpe-
 ditabat, propere permuniit ^{l)}; atque (ut ipse rebatur)
 viam suapte natura difficilem, obiectis per omnes
 transitus operibus inexpugnabilem fecit. Erant ple-
 raque silvestria circa, incommoda phalangi maxime
 Macedonum: quae, nisi ubi praelongis hastis velut
 vallum ante clipeos obiecit, (quod ut fiat, libero cam-

k) Pellinam Gron. Crev.

muniit Crev. c. Drak,

l) opere permuniit Gron. per

U. c. 552. po opus est) nullius admodum usus est. Thracas ^{m)}
 a. C. 200. quoque romphaeae, ingentis et ipsae longitudinis, inter obiectos undique ramos inpediebant. Cretensium una cohors non inutilis erat: sed ea ⁿ⁾ quoque ipsa ut, si quis inpetum faceret, in patentem vulnere equum equitemque sagittas conicere poterat, ita adversus scuta Romana nec ad traiciendum satis magnam vim habebat, nec aperti quidquam erat, quod peteret. Itaque id ut vanum teli genus senserunt esse, saxis passim tota valle iacentibus incessebant hostem. ea, maiore cum sonitu, quam vulnere ullo, pulsatio scutorum parumper succedentes Romanos tenuit. Deinde, iis quoque spretis, partim, testudine facta, per adversos vadunt hostes: partim, brevi circuitu quum in iugum collis evasissent, trepidos ex praesidiis stationibusque Macedonas deturbant: et, ut in locis inpeditis difficili fuga, plerosque etiam obtruncant.

XL. Ita angustiae minore certamine, quam quod animis proposuerant, superatae, et in Eordaeam perventum, ubi pervastatis passim agris, in Elimeam se recepit, inde inpetum in Orestidem fecit; et oppidum Celetrum est adgressus, in peninsula situm. Lacus moenia cingit: angustis faucibus unum ex continenti iter est. Primo situ ipso freti, clausis portis, imperium abnuere: deinde, postquam signa ferri, ac testudine succedi ad portam, obsessasque fauces agmine hostium viderunt, priusquam experirentur certamen, motu in deditio-nem venerunt. Ab Celetro in Dassaretios processit, urbemque Pelium vi cepit. servitia inde cum cetera praeda abduxit, et libera capita sine pretio dimisit; oppidumque iis reddidit, praesidio valido inposito. nam et sita opportune urbs erat ad inpotus in Macedoniam faciendos. Ita peragratis hostium agris, consul in loca iam pacata ad Apolloniam, unde orsus bellum erat, copias reduxit. Philippum averterant Aetoli, et Athamanes, et Dardani, et tot bella repente

m) *Thraces* Gron.

n) *sed quae* Gron. Crev.

alia ex aliis locis exorta. Adversus Dardanos, iam U. c. 552.
 recipientes ex Macedonia sese, Athenagoram cum ex- a. C. 200.
 peditis peditibus ac maiore parte equitatus misit, ius-
 sum instare ab tergo abeuntibus, et, carpendo postre-
 mum agmen, segniores eos ad movendos domo exer-
 citus efficere. Aetolos Damocritus praetor, qui mo-
 rae ad decernendum bellum ad Naupactum auctor fue-
 rat, idem proximo concilio ad arma conciverat: post
 famam equestris ad Octolophum pugnae, Dardano-
 rumque et Pleurati cum Illyriis transitum in Macedo-
 niam, ad haec classis Romanae adventum in Oreum,
 et, super circumfusas tot Macedoniae gentes, mariti-
 mam quoque instantem obsidionem.

XLI. Hae caussae Damocritum Aetolosque re-
 stituerant Romanis: et, Amynandro rege Athamanum
 adiuncto, profecti Cercinium obsedere. Clauserant
 portas, incertum vi, an voluntate: quia regium ha-
 bebant praesidium. Ceterum intra paucos dies cap-
 tum est Cercinium, atque incensum. qui superfue-
 rant e magna clade, liberi servique, inter ceteram
 praedam abducti. Is timor omnes, qui circumcolunt
 Boeben paludem, relictis urbibus, montes coegit pe-
 tere. Aetoli, inopia praedae inde aversi, in Perrhae-
 biam °) ire pergunt. Cyretias ibi vi capiunt, foede-
 que diripiunt: qui Malloeam incolunt, voluntate in
 deditionem societatemque accepti. Ex Perrhaebia
 Gomphos petendi Amynander auctor erat: et inmi-
 net Athamania huic urbi, videbaturque expugnari
 sine magno certamine posse. Aetoli campos Thessa-
 liae opimos ad praedam petiere: sequente, quamquam
 non probante, Amynandro, nec effusas populationes
 Aetolorum, nec castra, quo fors tulisset loco, sine
 ullo discrimine ac cura muniendi, posita. itaque, ne
 temeritas eorum negligentiaque sibi ac suis etiam
 cladis alicuius caussa esset, quum campestribus locis

°) *Perrhoebiam Gron.*

U. c. 552. subliicientes eos castra Phecado urbi videret, ipse
 a. C. 200. paullo plus quingentos passus ^{p)} inde tumultum suis,
 quamvis levi munimento tutum, cepit. Quum Ae-
 toli, nisi quod populabantur, vix meminisse videren-
 tur, se in hostium agro esse; alii palati semierines
 vagarentur, alii in castris sine stationibus per som-
 num vinumque dies noctibus aequarent, Philippus
 inopinantibus advenit. quem quum adesse refugien-
 tes ex agris quidam pavidi nunciassent, trepidare Da-
 mocritus ceterique duces: et erat forte meridianum
 tempus, quo plerique graves cibo sopiti iacebant.
 Excitare igitur alii alios, iubere arma capere, alios
 dimittere ad revocandos, qui palati per agros prae-
 dabantur. tantaque trepidatio fuit, ut sine gladiis qui-
 dam equitum exirent, loricas plerique non induerent.
 Ita raptim educti, quum universi sexcentorum aegre
 simul equites peditesque numerum explessent, inci-
 dunt in regium equitatum, numero, animis, armisque
 praestantem. Itaque primo inpetu fusi, vix tentato
 certamine, turpi fuga repetunt castra. caesi captique
 quidam, quos equites ab agmine fugientium inter-
 clusere.

XLII. Philippus, suis iam vallo adpropinquan-
 tibus, receptui cani iussit. fatigatos enim equos vi-
 rosque non tam proelio, quam itineris simul longitu-
 dine, simul praepropera celeritate, habebat. Itaque
 turmatim equites, in vicemque manipulos levis arma-
 turae, aquatum ire et prandere iubet: alios in statio-
 ne armatos retinet, opperiens agmen peditum tardius
 ductum propter gravitatem armorum. Quod ubi ad-
 venit, et ipsis imperatum, ut, statutis signis armisque
 ante se positis, raptim cibum caperent, binis ternis-
 vesumum ex manipulis aquandi causa missis: inte-
 rim eques cum levi armatura paratus instructusque ste-
 tit, si quid hostis moveret. Aetoli, (iam enim et, quae
 per agros multitudo sparsa fuerat, receperat se in castra)

p) quingentorum passuum Gron. Crev. c. Drak.

ut defensuri munimenta, circa portas vallumque ar- U. c. 552.
 matos disponunt, dum quietos hostes ipsi feroces ex- a. C. 200.
 tuto spectabant. postquam mota signa Macedonum
 sunt, et succedere ad vallum parati atque instructi
 coepere, omnes repente, relictis stationibus, per aver-
 sam partem castrorum ad tumulum, ad castra Atha-
 manum perfugiunt. multi in hac quoque tam trepi-
 da fuga capti caesique sunt Aetolorum. Philippus, si
 satis diei superesset, non dubius, quin Athamanes
 quoque exui castris potuissent, die per proelium,
 deinde per direptionem castrorum absumto, sub tu-
 mulo in proxima planitie consedit, prima luce inse-
 quentis diei hostem adgressurus. Sed Aetoli eodem
 pavore, quo sua castra reliquerant, nocte proxima
 dispersi fugerunt. Maximo ⁴⁾ usui fuit Amynder,
 quo duce Athamanes, itinerum periti, summis mon-
 tibus per calles ignotos sequentibus eos hostibus in
 Aetolian. perduxerunt. non ita multos in dispersa fu-
 ga error intulit in Macedonum equites, quos luce pri-
 ma Philippus, ut desertum tumulum vidit, ad carpen-
 dum hostium agmen misit.

XLIII. Per eos dies et Athenagoras regius prae-
 fectus, Dardanos recipientes se in fines adeptus, po-
 streum agmen primo turbavit. dein, postquam Dar-
 dani conversis signis direxere aciem, aequa pugna
 iusto proelio erat. ubi rursus procedere Dardani coe-
 pissent, equite et levi armatura regii, nullum talis
 auxilii genus habentes Dardanos, oneratos immobili-
 bus armis, vexabant: et loca ipsa adiuvabant. Occi-
 si perpauci sunt, plures vulnerati, captus nemo, quia
 non excedunt temere ordinibus suis, sed confertim et
 pugnant, et cedunt. Ita damna Romano accepta bel-
 lo, duabus per opportunas expeditiones coercitis gen-
 tibus, restituerat Philippus, incepto forti, non pro-
 spero solum eventu. Minuit deinde ei forte oblata

g) maxime Gron.

U. c. 552. res hostium Aetolorum numerum. Scopas princeps
 a. C. 200. gentis, ab Alexandria magno cum pondere auri ab
 rege Ptolemaeo missus, sex millia peditum et quin-
 gentos^{r)} equites mercede conductos Aegyptum ave-
 xit. nec ex iuventute Aetolorum quemquam reli-
 quisset, ni Damocritus, nunc belli, quod instaret,
 nunc futurae solitudinis admonens, (incertum cura
 gentis, an ut adversaretur Scopae, parum donis cul-
 tus) partem iuniorum^{s)} castigando domi continuisset.
 Haec ea aestate ab Romanis Philippoque gesta erant.

XLIV. Classis a Corcyra eiusdem principio ae-
 statis cum L. Apustio legato profecta, Malea supera-
 ta, circa Scyllaeum agri Hermionici Attalo regi con-
 iuncta est. Tum vero Atheniensium civitas, cui
 odio in Philippum per metum iam diu moderata erat,
 id omne in auxilii praesentis spem effudit. nec um-
 quam ibi desunt linguae promptae ad plebem conci-
 tandam: quod genus, quum in omnibus liberis civi-
 tatibus, tum praecipue Athenis, ubi oratio plurimum
 pollet, favore multitudinis alitur. Rogationem ex-
 templo tulerunt, plebesque^{t)} scivit, ut *Philippi sta-
 tuae, imagines omnes, nominaque earum, item maiorum
 eius virile ac muliebre secus^{u)} omnium tollerentur, de-
 lerenturque: dies festi, sacra, sacerdotes, quae ipsius
 maiorumve eius honoris caussa instituta essent, omnia
 profanarentur. Loca quoque, in quibus positum ali-
 quid inscriptumve honoris eius caussa fuisset, detesta-
 bilia esse, neque in iis quidquam postea poni dedicari-
 que placere eorum, quae in loco puro poni dedicari-
 que fas esset. Sacerdotes publicos, quotiescumque pro
 populo Atheniensi, sociisque, et exercitibus, et classi-
 bus eorum precarentur, toties detestari atque execrari
 Philippum, liberos eius, regnumque, terrestres navales-
 que copias, Macedonum genus omne nomenque. addi-*

r) quingentos del. Gron. Crev.
 c. Drak.

s) iuniorum Gron.

t) plebsque Gron. Crev.

u) virilis ac muliebris sexus
 Eaed. c. Drak.

tum^{x)} decreto, *Si quis quid postea, quod ad notam ignominiamque Philippi pertineret, ferret, id omne populum Atheniensem iussurum: si quis contra ignominiam, prove honore eius dixisset, fecissetve, qui occidisset eum, iure caesurum.* postremo inclusum, *Ut omnia, quae adversus Pisistratidas decreta quondam erant, eadem in Philippo servarentur.* Athenienses quidem literis verbisque, quibus solis valent, bellum adversus Philippum gerebant.

XLV. Attalus Romanique, quum Piraeum primo ab Hermione petissent, paucos ibi morati dies, oneratique aequae inmodicis ad honores sociorum, atque in ira^{y)} adversus hostem fuerant, Atheniensium decretis, navigant a Piraeo Andrum. et quum in portu, quem Gaureleon vocant, constitissent, missis, qui tentarent oppidanorum animos, si voluntate tradere urbem, quam vim experiri, mallent; postquam praesidio regio arcem teneri, nec se potestatis suae esse respondebant; expositis copiis, omnique adparatu urbium obpugnandarum, diversis partibus rex et legatus Romanus ad urbem subeunt. Plus aliquanto Graecos Romanasigna armaque non ante visa animique militum, tam promte succedentium muros^{z)}, terruere. Itaque fuga extemplo in arcem facta est: urbe hostes potiti. et in arce quum biduum loci se magis, quam armorum, fiducia tenuissent, tertio die pacti ipsi praesidiumque, ut cum singulis vestimentis Delium Boeotiae transveherentur, urbem arcemque traderunt^{a)}. Ea ab Romanis regi Attalo concessa: praedam ornamentaque urbis ipsi avexerunt. Attalus, ne desertam haberet insulam, et Macedonum fere omnibus, et quibusdam Andriorum, ut manerent, persuasit. postea et ab Delio, qui ex pacto transvecti eo fuerant, promissis regis, quum desiderium quoque patriae facilius ad credendum inclinaret animos, revocati. Ab Andro Cythnum traiecerunt. ibi dies aliquot obpugnanda urbe ne-

x) additumque Gron.
Crev.

y) ac quae in iram Eaed.

z) muro Eaed.

a) urbem arcemque tradiderunt del. Eaed. c. Drak.

U. c. 552. quidquam absumti: et, quia vix operae pretium erat,
 a. C. 200. abscessere. Ad Prasias (continentis Atticae is locus est)
 Issaeorum viginti lembi classi Romanorum adiuncti
 sunt. ii missi ad populandos Carystiorum agros. cetera
 classis Geraestum, nobilem Euboeae portum, dum a Ca-
 rysto Issaei redirent, tenuit. Inde omnes, velis in altum
 datis, maris medio praeter Scyrum insulam Icum perve-
 nere. ibi paucos dies, saeviente Borea, retenti; ubi pri-
 ma tranquillitas data est, Sciathum traiecere, vastatam
 urbem direptamque nuper a Philippo. Per agros palati
 milites frumentum, et si qua alia usui esse ad vescendum
 poterant, ad naves retulere. praedae nec erat quidquam,
 nec meruerant Graeci, cur diriperentur. Inde Cassan-
 dream petentes, primo ad Mendin, maritimum civitatis
 eius vicum, tenuere. inde quum, superato promontorio,
 ad ipsa moenia urbis circumagere classem vellent, saeva
 coorta tempestate, prope obruti fluctibus, dispersi, ma-
 gna ex parte amissis armamentis, in terram effugerunt.
 Omen quoque ea maritima tempestas ad rem terra ge-
 rendam fuit. nam, conlectis in unum navibus expositis-
 que copiis, adgressi urbem, cum multis vulneribus re-
 pulsi, (et erat validum ibi regium praesidium) irrito in-
 cepto regressi Canastraeum^{b)} Pallenes traiecere. inde,
 superato Toronae promontorio, navigantes Acanthum
 petiere. Ibi primo ager vastatus, deinde ipsa urbs vi ca-
 pta ac direpta. nec ultra progressi (iam enim et graves
 praeda naves habebant) retro, unde venerant, Sciathum,
 et ab Sciatho Euboeam repetunt.

XLVI. Ibi relicta classe, decem navibus expeditis
 sinum Maliacum intravere, ad conloquendum cum Ae-
 tolis de ratione gerendi belli. Sipyrrhicas Aetolus
 princeps legationis eius fuit, quae ad communicanda
 consilia Heracleam cum rege et cum Romano legato ve-
 nit. Petitum ex foedere ab Attalo est, ut mille milites
 praestaret. tantum enim numerum bellum gerentibus
 adversus Philippum debebat. Id negatum Aetolis: quod

^{b)} Canastrum Gron. Crev.

illi quoque gravati prius essent ad populandam Macedoniam exire, quo tempore, Philippo circa Pergamum urente sacra profanaque, abstrahere eum inde respectu rerum suarum potuissent. Ita Aetoli cum spe magis, Romanis omnia pollicentibus, quam cum auxilio dimissi: Apustius cum Attalo ad classem rediit. Inde agitari^{c)} de Oreo obpugnando coeptum. Valida ea civitas et moenibus, et, quia ante fuerat tentata, firmo erat praesidio. Coniunxerant se iis post expugnationem Andri cum praefecto Agesimbroti viginti Rhodiae naves, tectae omnes. eam classem in stationem ad Zelasium miserunt, (Isthmiae id super Demetriadem promontorium est peropportune obiectum) ut, si quid inde moverent Macedonum naves, in praesidio essent. Heraclides praefectus regius classem ibi tenebat, magis per occasionem, si quam negligentia hostium dedisset, quam aperta vi quidquam ausurus. Oreum diversi Romani et rex Attalus obpugnabant: Romani a maritima arce, regii adversus vallem inter duas iacentem arces, qua et muro intersepta urbs est. et ut loca diversa, sic dispari modo etiam obpugnabant: Romani testudinibus, et vineis, et ariete admovendo muris: regii ballistis, catapultisque, et alio omni genere tormentorum tela ingerentes. et pondere ingenti saxa iaciebant, et cuniculos, et quidquid aliud priore obpugnatione expertum profuerat. Ceterum non plures tantum Macedones, quam ante, tuebantur urbem arcesque, sed etiam praesentioribus animis, et, castigationibus regis in admissa culpa, simul^{d)} minarum, simul promissionum in futurum memores. Itaque quum praeter spem tempus ibi traheretur, plusque in obsidione et in operibus, quam in obpugnatione celeri spei esset: interim^{e)} et aliud agi posse ratus legatus, relictis, quot satis videbantur ad opera perficienda, militibus, traiecit

c) consultari Gron. Crev. c.
Drak.

d) et simul Gron. Crev.

e) memores, ita ut parum in

expugnatione celeri spei esset. Interim etc. Eaed. c.
Drak.

U. c. 552. in proxima continentis: Larissamque (non illam in
 a. C. 200. Thessalia nobilem urbem, sed alteram, quam Crema-
 sten vocant) subito adventu, praeter arcem, cepit. At-
 talus quoque Aegeleon, nihil minus quam tale quid-
 quam in alterius obpugnatione urbis timentibus, ob-
 pressit. Et iam quum opera in effectum erant circa Oreum,
 tum praesidium, quod intus erat, labore adsiduo, vigiliis
 diurnis pariter nocturnisque, et vulneribus confectum.
 Muri quoque pars, ariete incusso subruta, multis iam
 locis prociderat: perque apertum ruina iter nocte Ro-
 mani in arcem, quae super portum est, perruperunt^{f)}.
 Attalus luce prima, signo ex arce dato ab Romanis, et
 ipse urbem invasit, stratis magna ex parte muris: prae-
 sidium oppidanique in alteram arcem perfugere, unde
 biduo post deditio facta. urbs regi, captiva corpora Ro-
 manis cessere.

XLVII. Iam autumnale aequinoctium instabat:
 et est sinus Euboicus, quem Coela vocant, suspectus
 nautis. itaque, ante hiemales motus evadere inde cupi-
 entes, Piraeum, unde profecti ad bellum erant, repe-
 tunt. Apustius, triginta navibus ibi relictis, super Ma-
 leam navigat Corcyram. Regem statum^{g)} Initiorum
 Cereris, ut sacris interesset, tenuit. secundum Initia et
 ipse in Asiam se recepit, Agesimbrotus et Rhodiis do-
 mum remissis. Haec ea aestate terra marique adversus
 Philippum sociosque eius a consule et legato Romanis,
 adiuvantibus rege Attalo et Rhodiis, gesta. Consul alter
 C. Aurelius ad confectum bellum quum in provinciam
 venisset, haud clam tulit iram adversus praetorem,
 quod absente se rem gessisset. misso igitur eo in Etruri-
 am, ipse in agrum hostium legiones induxit: populan-
 doque, cum praeda maiore, quam gloria, bellum gessit.
 L. Furius, simul quod in Etruria nihil erat rei, quod ge-
 reret, simul Gallico triumpho imminens, quem, absente

^{f)} quodque super portum est,
 in arcem perruperunt Gron.
 Crev. c. Drak.

^{g)} spatium Eaed. c. Drak.

consule irato atque invidente, facilius inpetrari posse U. c. 552.
 ratus, Romam inopinato quum venisset, senatum in ae- a. G. 200.
 de Bellonae habuit: expositisque rebus gestis, ut tri-
 umphanti sibi in urbem invehili liceret, petit.

XLVIII. Apud magnam partem senatus et magni-
 tudine rerum gestarum valebat, et gratia. Maiores natu
 negabant triumphum, *et quod alieno exercitu rem gessisset, et quod provinciam reliquisset aviditate rapiendi per^{h)}*
occasionem triumphi; id vero eum nullo exemplo facisse.
 Consulares praecipue, *expectandum fuisse consulem,*
dicebant. potuisse enim, castris prope urbem positis, tū-
tanda colonia, ita ut acie non decerneret, in adventum eius
rem extrahere. et, quod praetor non fecisset, senatui fa-
ciendum esse. Consulem expectarent: ubi coram discep-
tantes consulem et praetorem audissent, verius de causa
existimaturos esse. Magna pars senatus nihil praeter res
 gestas, et an in magisuratu suisque auspiciis gessisset,
 censebant spectare senatum debere. *Ex duabus coloniis,*
quae velut claustra ad cohibendos Gallicos tumultus obpo-
sitae fuissent, quum una direpta et incensa esset, traie-
cturumque id incondium, velut ex continentibus tectis, in
alteram tam propinquam coloniam esset, quid tandem
praetori faciendum fuisse? Nam, si sine consule geri nihil
oportuerit, aut senatum peccasse, qui exercitum praetori
dederit, (potuisse enim, si non cum praetoris, sed consulis,
exercitum geri voluerit, ita finire senatus consultum, ne
per praetorem, sed per consulem, gereretur) aut consulem,
qui non, quum exercitum ex Etruria transire in Galliam
iussisset, ipse Arimini obcurrerit, ut bello interesset, quod
sine eo geri fas non esset. Non expectare belli tempora mo-
ras et dilationes imperatorum, et pugnandum esse inter-
dum, non quia velis, sed quia hostis cogat. Pugnam ip-
sam eventumque pugnae spectari oportere. fusos caesosque
hostes: castra capta ac direpta: coloniam liberatam ob-
sidione: alterius coloniae captivos recuperatos restitutos-

^{h)} per del. Gron.

U. c. 552. *que suis: debellatum uno proelio esse. Non homines tantum*
 a. C. 260. *ea victoria laetatos, sed Diis quoque immortalibus per tri-*
duum supplicationes habitas, quod bene ac feliciter, non
quod male ac temere, respublica a L. Furio praetore gesta
esset. Data futo etiam quodam Furiae genti Gallica
bella.

XLIX. Huius generis orationibus ipsius amico-
 rumque victa est, praesentis gratia praetoris, absentis
 consulis maiestas; triumphumque frequentes L. Furio
 decreverunt. Triumphavit de Gallis in magistratu L.
 Furio praetor. In aerarium tulit trecenta viginti millia
 aeris, argenti centum septuaginta millia pondo: neque
 captivi ulli ante currum ducti, neque spolia praelata, ne-
 que milites secuti. omnia, praeter victoriam, penes con-
 sulem esse adparebat. Ludi deinde a P. Cornelio Scipi-
 one, quos consul in Africa voverat, magno adparatu fa-
 cti. Et de agris militum eius decretum, ut, quot quisque
 eorum annos in Hispania aut in Africa militasset, in
 singulos annos bina iugera acciperet. eum agrum de-
 cem viri adsignarent. Triumviri inde creati adsupplen-
 dum Venusinis colonorum numerum, quod bello Han-
 nibalis adtenuatae vires eius coloniae erant, C. Teren-
 tius Varro, T. Quinctius Flamininus, P. Cornelius Cn. F.
 Scipio. hi colonos Venusiam adscripserunt. Eodem an-
 no C. Cornelius Cethegus, qui proconsul Hispaniam ob-
 tinebat, magnum hostium exercitum in agro Sedetano
 fudit. quindecim millia Hispanorum eo proelio dicuntur
 caesa, signa militaria capta octo et septuaginta C. Au-
 relius consul, quam ex provincia Romam comitiorum
 caussa venisset, non id, quod animis praeceperant, que-
 stus est, *Non exspectatum se ab senatu, neque disceptandi*
cum praetore consuli potestatem factam: sed ita trium-
phum decresse¹⁾ senatum, ut nullius, nisi eius, qui trium-
phaturus esset, haud eorum, qui bello interfuissent, verba
audiret. Maiores ideo instituisse, ut legati, tribuni mili-
tum, centuriones, milites denique triumpho adessent; ut

i) decrevisse Gron. Crev.

veritatem rerum gestarum eius, cui tantus honos haberetur, U. c. 552. *populus Romanus videret* ^{k)}). *Ecquem ex eo exercitu, qui* ^{a.} C. 200. *cum Gallis pugnaverit, si non militem, lixam saltem fuisse, quem percunctari posset senatus, quid veri praetor vanive referret?* Comitii deinde diem edixit ^{l)}): quibus creati sunt consules L. Cornelius Lentulus, P. Villius Tappulus. Praetores inde facti L. Quinctius Flamininus, L. Valerius Flaccus, L. Villius Tappulus, Cn. Baebius Tamphilus.

L. Annona quoque eo anno pervilis fuit. frumenti vim magnam ex Africa advectam aediles curules M. Claudius Marcellus et Sex. Aelius Paetus binis aeris in modios populo diviserunt: et ludos Romanos magno adparatu fecerunt: diem unum instaurarunt: signa aenea quinque ex multaticio argento in aerario posuerunt. Plebeii ludi ab aedilibus L. Terentio Massiliota ^{m)} et Cn. Baebio Tamphilo, quem praetorem designaverant, tertio instaurati. Et ludi funebres eo anno per quadri-duum in foro, mortis M. Valerii Laevini causa, a P. et M. filiis eius facti: et munus gladiatorium datum ab iis. paria quinque et viginti pugnarunt. M. Aurelius Cotta, decemvir sacrorum, mortuus. in eius locum M. Acilius Glabrio subfectus. Comitii aediles curules creati sunt forte ambo, qui statim occipere magistratum non possent. nam C. Cornelius Cethegus absens creatus erat, quum Hispaniam obtineret provinciam; C. Valerius Flaccus, quem praesentem creaverant ⁿ⁾, quia flamen Dialis erat, iurare in leges non poterat: magistratum autem plus quinque dies, nisi qui iurasset in leges, non licebat gerere. Petente Flacco, ut legibus solveretur, senatus decrevit, ut, si aedilis, qui pro se iuraret, arbitratu consulum daret, consules, si eis videretur, cum tribunis plebis agerent, uti ad plebem ferrent. Datus, qui iuraret pro fratre, L. Valerius Flaccus, praetor designa-

k) *ut veritas rerum gestarum eius, cui tantus honos haberetur, publice videretur*
Gron. Crev. c. Drak.

l) *indixit* Gron. Crev.

m) *Massa* Eaed.

n) *crearant* Eaed.

U. c. 552. tus. tribuni ad plebem tulerunt, plebesque scivit, ut per-
 a. C. 200. inde esset, ac si ipse aedilis iurasset. Et de altero aedile
 scitum plebis est factum, rogantibus tribunis, quos du-
 os in Hispaniam cum imperio ad exercitus ire iuberent,
 ut C. Cornelius aedilis curulis ad magistratum geren-
 dum veniret, et L. Manlius Acidinus decederet de pro-
 vincia multos post annos. plebes ^o) Cn. Cornelio Len-
 tulo et L. Stertinio pro consulibus imperium esse in Hi-
 spania iussit.

EPITOME LIBRI XXXII.

*Complura prodigia ex diversis regionibus nunciata refe-
 runtur: inter quae, in Macedonia in puppi longae navis
 lauream esse natam. T. Quinctius Flamininus consul ad-
 versus Philippum feliciter pugnavit in faucibus Epiri, fu-
 gatumque coegit in regnum reverti. Ipse Thessaliam,
 quae est vicina Macedoniae, sociis Aetolis et Athamani-
 bus, vexavit. L. Quinctius Flamininus consulis frater ¹),
 Attalorege et Rhodiis adiuvantibus, in Euboeam et mari-
 timam oram traiectus, Eretriam expugnavit ²). Aethaei in
 amicitiam recepti sunt. Coniuratio servorum, facta de
 solvendis Karthaginiensium ³) obsidibus, obpressa est;
 duo millia necati sunt ⁴). Praetorum numerus ampliatus
 est, ut seni crearentur. Cornelius Cethegus consul Gallos
 Insubres proelio fudit. Cum Lacedaemoniis et tyranno eo-
 rum Nabide amicitia iuncta est. Praeterea expugnationes
 urbium in Macedonia referuntur.*

^o) plebs Gron. Crev.

¹) add. navali proelio Gron.
 navali bello Crev.

²) adiuvantibus, Euboeam et
 maritimam oram cepit
 Gron.

³) Carthaginiensibus Gron.
 Crev.

⁴) duo millia necati sunt del.
 Eaed.

T. LIVII PATAVINI

LIBER XXXII.

Consules praetoresque, quum Idibus Martiis magi-
stratum inissent ^{a)}, provincias sortiti sunt. L. Cornelio ^{U. c. 553.}
Lentulo Italia, P. Villio Macedonia; praetoribus, L. ^{a. C. 199.}
Quinctio urbana, Cn. Baebio Ariminum, L. Valerio Si-
cilia, L. Villio Sardinia evenit. Lentulus consul novas
legiones scribere iussus: Villius a P. Sulpicio exercitum
accipere. in supplementum eius, quantum militum vi-
deretur, ut scriberet, ipsi permissum. Praetori Baebio
legiones, quas C. Aurelius consul habuisset, ita decre-
tae, ut retineret eas, donec consul novo cum exercitu
succederet. in Galliam ubi is venisset, omnes milites
exauctorati domum dimitterentur, praeter quinque mil-
lia socium. his obtineri circa Ariminum provinciam sa-
tis esse. Prorogato imperio praetoribus prioris anni,
(Cn. Sergio, ut militibus, qui in Hispania, Sicilia, Sar-
dinia stipendia per multos annos fecissent, agrum ad-
signandum curaret; Q. Minucio, ut in Brutiis idem de
coniurationibus quaestiones, quas praetor cum fide cu-
raque exercuisset, perficeret; et eos, quos sacrilegii
compertos in vinculis Romam misisset, Locros mitteret
ad supplicium; quaeque sublata ex delubro Proserpinae
essent, reponenda cum piaculis curaret) feriae ^{b)} Latinae
pontificum decreto instauratae sunt; quod legati ab Ar-
dea questi in senatu erant, sibi in monte Albano Latinis
carnem, ut adsolet, datam non esse. Ab ^{c)} Suessa nun-

a) inissent Crev.

c) abs Eaed.

b) curaret. Feriae, signis pa-
rentheseos onissis, Gron.
Crev.

U. c. 553. ciatum est, duas portas, quodque inter eas murierat, de
 a. C. 199. coelo tactum; et Formiani legati aedem Iovis, item
 Ostienses aedem Iovis, et Veliterni Apollinis et Sanci
 aedes, et in Herculis aede capillum enatum: et ex Brut-
 tiis ab Q. Minucio propraetore scriptum, equuleum cum
 quinque pedibus, pullos gallinaceos tres cum ternis pe-
 dibus, natos esse. Inde a P. Sulpicio proconsule ex Ma-
 cedonia literae adlatae, in quibus inter cetera scriptum
 erat, lauream in puppi navis longae enatam. Priorum
 prodigiorum causa senatus censuerat, ut consules ma-
 ioribus hostiis, quibus Diis videretur, sacrificarent: ob
 hoc unum prodigium aruspices in senatum vocati, atque
 ex responso eorum supplicatio populo in diem unum
 edicta, et ad omnia pulvinaria res divinae factae.

II. Karthaginienses eo anno argentum in stipendi-
 um inpositum primum Romam advexerunt. id quia pro-
 bum non esse quaestores renunciaverant, experienci-
 busque pars quarta decocta erat, pecunia Romanae mutua
 sumpta, intertrimentum argenti expleverunt^{d)}. Peten-
 tibus deinde, ut, si iam videretur senatui, obsides sibi
 redderentur, centum redditi obsides. de ceteris, si in fide
 permanerent, spes facta. Petentibus iisdem, qui non
 reddebantur obsides, ut ab Norba, ubi parum commode
 essent, alio traducerentur, concessum, ut Signiam et
 Ferentinum transirent. Gaditanis item petentibus re-
 missum, ne praefectus Gades mitteretur, adversus quod
 iis, in fidem populi Romani venientibus, cum L. Marcio
 Septimo convenisset. Et Narniensium legatis, queren-
 tibus ad numerum sibi colonos non esse, et inmixtos
 quosdam non sui generis pro colonis se gerere, earum
 rerum causa tres viros^{e)} creare L. Cornelius consul ius-
 sus. creati P. et Sex. Aelii (Paetis fuit ambobus cogno-
 men) et C. Cornelius Lentulus. quod Narniensibus da-
 tum erat, ut colonorum numerus augeretur^{f)}, id Cosani
 petentes non inpetraverunt.

d) *suppleverunt* Gron. Crev.
 c. Drak.

e) *triumviros* Gron. Crev.
 f) *cogeretur* Eaed. c. Drak.

III. Rebus, quae Romae agendaerant, perfectis, U. c. 553. consules in provincias profecti. P. Villium, in Macedonia quum venisset, atrox seditio militum, iam ante irritata, nec satis in principio compressa, excepit. duo millia ea^{g)} militum fuere, qui ex Africa post devictum Hannibalem in Siciliam, inde anno fere post^{h)} in Macedoniam pro voluntariis transportati erant. id voluntate factum negabant: *Ab tribunis recusantes in naves inpositos, sed ut umque, seu iniuncta, seu suscepta foret militia, et eam exhaustam, et finem aliquem militandi fieri aequum esse. Multis annis sese Italiam non vidisse, consenuisse sub armis in Sicilia, Africa, Macedonia. Confectos iam se labore, opereⁱ⁾, exsanguis tot acceptis vulneribus esse.* Consul, causam postulandae missionis probabilem, si modeste peteretur, videri, dixit. seditionis nec eam, nec ullam aliam satis iustam causam esse. Itaque si manere ad signa, et dicto parere velint, de missione eorum ad senatum scripturum. Modestia facilius, quam pertinacia, quod velint, inpetratos.

IV. Thaumacos eo tempore Philippus summa vi obpugnabat aggeribus vineisque; et in arietem muris admoturus erat. ceterum incepto absistens eum coegit subitus Aetolorum adventus, qui, Archidanus, duce inter custodias Macedonum moenia ingressi, nec die nec nocte finem ullum erumpendi, nunc in stationes, tunc in opera Macedonum, faciebant. et adiuvabat eos natura ipsa loci. namque Thaumaci a Pylis sinuque Maliacae, per Lamiam eunti loco alto siti sunt, ipsis faucibus incurrentes, quas Coela^{k)} vocant: Thessaliaeque transeunti confragosa loca implicatasque flexibus vallium vias, ubi ventum ad hanc urbem est, repente, velut maris vasti. sic inmensa panditur planities, ut subiectos campos terminare oculis haud facile queas. Ab eo miraculo Thaumaci adpellati. nec altitudine solum tuta urbs, sed quod, saxo undique absciso^{l)}, rupibus inposita est. Haec

g) ea del. Crev.

h) post del. Gron.

i) et opere Gron. Crev.

k) Coelen Gron.

l) abscisso Gron. Crev.

U. c. 553. difficultates, et quod haud satis dignum tanti laboris
a. C. 199. periculique pretium erat, ut absisteret incepto Philip-
pus, effecerunt. hiems quoque iam instabat, quum inde
abscessit, et in Macedoniam in hiberna copias reduxit.

V. Ibi ceteri quidem, data quanticumque^{m)} quiete
temporis, simul animos corporaque remiserant. Philip-
pum, quantum ab adsiduis laboribus itinerum pugna-
rumque laxaverat annusⁿ⁾, tanto magis intentum in
universum eventum belli curae angunt, non hostes mo-
do timentem, qui terra marique urgebant; sed nunc so-
ciorum, nunc etiam popularium animos, ne et illi ad
spem amicitiae Romanorum deficerent, et Macedonas
ipsos cupido novandi res caperet. itaque et in Achaiam
legatos misit, simul qui iusiurandum (ita enim pepige-
rant, quotannis iuratuuros in verba Philippi) exigerent:
simul qui redderent Achaeis Orchomenon, et Heraeam,
et Triphyliam; Eleis Alipheram, contendentibus, num-
quam eam urbem fuisse ex Triphylia, sed sibi debere
restitui, quia una esset ex iis, quae ad condendam Me-
galopolim ex concilio Arcadum contributae forent. Et
cum Achaeis qui^{em} per haec societatem firmabat. Ma-
cedonum animos sibi conciliavit. Quum Heraclidem
amicum maximae^{o)} invidiae sibi esse cerneret, multis
criminibus oneratum in vincula coniecit, ingenti po-
pulari gaudio. Bellum, si quando umquam ante alias,
tum maxima cura adparavit, exercuitque in armis et
Macedonas, et mercenarios milites: principioque veris
cum Athenagora omnia externa auxilia, quodque levis
armaturae erat, in Chaoniam per Epirum ad occupandas
nae ad Antigoneam fauces sunt, (Stena vocant Graeci)
misit. Ipse post paucis diebus graviore secutus agmine,
quum situm omnem regionis adspexisset, maxime ido-
neum ad muniendum locum credidit esse praeter am-
nem Aoum. is inter montes, quorum alterum Aeropum,

m) quantacumque Gron. Crev.
c. Drak.

n) animus Crev.

o) conciliavit cum Heraclide.
nam quum eum maximae
etc. Gron. Crev. c. Drak.
p) cum Gron. Crev.

alterum Asnaum incolae vocant, angusta valle fluit, iter ^{U. c. 555.}
 exiguum super ripam praebens. Asnaum Athenagoram ^{a. C. 199.}
 cum levi armatura tenere ac communire iubet: ipse in
 Aeropo posuit castra. Qua abscisae ^{q)} rupes erant, sta-
 tio paucorum armatorum tenebat; quae minus tuta
 erant, alia fossis, alia vallis, alia turribus muniebat.
 Magna tormentorum etiam vis, ut missilibus procul ar-
 cerent hostem, idoneis locis disposita est. tabernacu-
 lum regium pro vallo, in conspecto maxime tumulo, ut
 terrorem hostibus, suisque spem ex fiducia faceret, po-
 situm.

VI. Consul, per Charopum Epiroten ^{r)} certior fa-
 ctus, quos saltus cum exercitu insedisset rex, et ipse,
 quum Corcyrae hibernasset, vere primo in continentem
 transvectus ^{s)}, ad hostem ducere pergit. quinque millia
 ferme ab regiis castris quum abesset, loco munito reli-
 ctis legionibus, ipse cum expeditis progressus ad specu-
 landa loca, postero die consilium ^{t)} habuit, utrum per
 insessum ab hostes saltum, quamquam labor ingens pe-
 riculumque proponeretur, transitum tentaret; an eo-
 dem itinere, quo priore anno Sulpicius Macedoniam in-
 traverat, circumduceret copias. Hoc consilium per mul-
 tos dies agitantis nuncius venit, T. Quinctium consulem
 factum, sortitumque provinciam Macedoniam, matura-
 to itinere iam Corcyram traiecisse. Valerius Antias in-
 trasse saltum Villium tradit, quia ^{u)} recto itinere ne-
 quierit, omnibus a rege insessis, secutum vallem, per
 quam mediam fertur Aous amnis; ponte raptim facto,
 in ripam, in qua erant castra regia, transgressum acie
 conflixisse: fusum fugatumque regem, castris exutum:
 duodecim millia hostium eo proelio caesa, capta duo
 millia et ducentos, et signa militaria centum triginta
 duo ^{x)}, equos ducentos triginta. aedem etiam Iovi in

q) *abscissae* Gron. Crev.

r) *Epirotem* Eaed. (in C. rev.
 min. *Epiroten* legitur.)

s) *traiectus* Eaed. c. Drak.

t) *concilium* Gron.

u) *et quia* Gron. Crev.

x) *et duo* Eaed.

U. c. 553. eo^{y)} proelio votam, si res prospere gesta esset. Ceteri
 a. c. 199. Graeci Latinique auctores, quorum quidem ego legi an-
 nales, nihil memorabile a Villio actum, integrumque
 bellum insequentem consulem T. Quinctium accepisse
 tradunt.

VII. Dum haec in Macedonia geruntur, consul alter
 L. Lentulus, qui Romae substiterat, comitia censoribus
 creandis habuit. Multis claris petentibus viris, creati
 censores P. Cornelius Scipio Africanus et P. Aelius
 Paetus. hi, magna inter se concordia, et senatum sine
 ullius nota legerunt, et portoria venalium Capuae Pute-
 olisque, item Castrorum portorium, quo in loco nunc
 oppidum est, fruendum locarunt: colonosque eo tre-
 centos (is enim numerus finitus ab senatu erat) ad-
 scripserunt, et sub Tifatis Capuae agrum vendiderunt.
 Sub idem tempus L. Manlius Acidinus, ex Hispania de-
 cedens, prohibitus a P.^{z)} Porcio Laeca tribuno plebis,
 ne ovans rediret, quum ab senatu inpetrasset, privatus
 urbem ingrediens mille ducenta pondo argenti, triginta
 pondo ferme auri in aerarium tulit. Eodem anno Cn.
 Baebius Tamphilus, qui ab C. Aurelio consule anni pri-
 oris provinciam Galliam acceperat, temere ingressus
 Gallorum Insubrium fines, prope cum toto exercitu est
 circumventus: supra sex millia et sexcentos milites
 amisit. tanta ex eo bello, quod iam timeri desierat, cla-
 des accepta est. Ea res L. Lentulum consulem ab urbe
 excivit. qui, ut in provinciam venit plenam tumultus,
 trepido exercitu accepto, praetorem multis probris in-
 crepitum provincia decedere, atque abire Romam iussit.
 Neque ipse consul memorabile quidquam gessit, comi-
 tiorum causa Roman revocatus; quae ipsa per M. Ful-
 vium et M. Curium tribunos plebis inpediebantur, quod
 T. Quinctium Flamininum consulatum ex quaestu-
 ra petere non patiebantur. *Jam aedilitatem praeturam-
 que fastidiri: nec per honorum gradus, documentum sui
 dantes, nobiles homines tendere ad consulatum, sed tran-*

y) eo del. Gron. Crev.

z) M. Eaed.

ascendendo media, summa imis continuare. Res ex cam- U. c. 555.
pestri certamine in senatum venit. Patres censuerunt, a. C. 199.
*Qui honorem, quem sibi capere per leges liceret, peteret,
in eo populo creandi, quem velit, potestatem fieri aequum
esse.* In auctoritate Patrum fuere tribuni. Creati con-
sules Sex. Aelius Paetus et T. Quinctius Flamininus.
Inde praetorum comitia habita. creati L. Cornelius Me-
rula, M. Claudius Marcellus, M. Porcius Cato, C. Helvi-
us, qui aediles plebis fuerant. ab iis ludi plebeii instau-
rati: et epulum Iovis fuit ludorum causa. Et ab aedili-
bus curulibus C. Valerio Flacco flamine Dialis et C. Cor-
nelio Cethego ludi Romani magno adparatu facti. Ser. et
C. Sulpicii Galbae pontifices eo anno mortui sunt. in
eorum locum M. Aemilius Lepidus et Cn. Cornelius Scipio
pontifices subfecti sunt.

VIII. Sex. Aelius Paetus, T. Quinctius Flamininus U. c. 554.
cōsules, magistratu inito, senatum in Capitolio quum a. C. 198.
habuissent, decreverunt Patres, *ut provincias Macedo-
niam atque Italiam consules compararent inter se, sorti-
renturve. Utri eorum Macedonia evenisset, in supplemen-
tum legionum tria millia militum Romanorum scriberet, et
trecentos equites. item sociorum Latini nominis quinque
millia peditum, quingentos equites.* Alteri consuli novus
omnis exercitus decretus. L. Lentulo prioris anni con-
suli prorogatum imperium est; vetitusque aut ipse pro-
vincia decedere prius, aut veterem exercitum deducere,
quam cum legionibus novis consul venisset. Sortiti con-
sules provincias. Aelio Italia, Quinctio Macedonia
evenit. Praetores, L. Cornelius Merula urbanam, M.
Claudius Siciliam, M. Porcius Sardiniam, C. Helvius
Galliam est sortitus. Delectus inde haberi est coeptus.
nam, praeter consulares exercitus, praetores quoque
iussi scribere milites erant: Marcello ^{a)} in Siciliam
quatuor millia peditum socium Latini nominis, et tre-
centos equites; Catoni in Sardiniam ex eodem genere

a) erant. Marcello Gron. c.
Drak,

U. c. 554. militum tria millia peditum, ducentos equites: ita ut
 a. C. 198. hipraetores ambo, quum in provincias venissent, vete-
 res dimitterent pedites equitesque. Attali deinde regis
 legatos in senatum consules introduxerunt. Hi, regem
 classe sua copiisque omnibus terra marique Romanam
 rem iuvare, quaeque imperarent Romani consules, in-
 pigre atque obedienter ad eam diem fecisse, quum ex-
 posuissent, *Vereri dixerunt, ne id praestare ei per Anti-
 ochum regem ultra non liceret. vacuum namque praesidiis
 navalibus terrestribusque regnum Attali, Antiochum inva-
 sisse. Itaque Attalum orare Patres conscriptos, si sua
 classe, suaque opera uti ad Macedonicum bellum vellent,
 mitterent ipsi praesidium ad regnum eius tutandum: si id
 nollent, ipsum ad sua defendenda cum classe ac reliquis
 copiis redire paterentur. Senatus legatis ita responderi
 iussit, Quod rex Attalus classe copiisque aliis duces Ro-
 manos iuvisset, id gratum senatui esse^{b)}. Auxilia nec
 ipsos missuros Attalo adversus Antiochum, socium et
 amicum populi Romani: nec Attali auxilia retenturos,
 ultra quam regi commodum esset. Semper populum Ro-
 manum alienis rebus, arbitrio alieno, usum. et principium
 et finem in potestate ipsorum, qui ope sua velint adiutos
 Romanos, esse. Legatos ad Antiochum missuros, qui nun-
 cient, Attali naviumque eius et militum opera adversus
 Philippum communem hostem uti populum Romanum,
 Gratum eum facturum et senatui, si regno Attali abstine-
 at, belloque absistat. Aequum esse, socios et amicos po-
 puli Romani reges inter se quoque ipsos pacem servare.*

IX. Consulem T. Quinctium, ita habito delectu, ut
 eos fere legeret, qui in Hispania aut Africa meruissent
 spectatae virtutis milites, properantem in provinciam
 prodigia nuntiata atque eorum procuratio Romae tenu-
 erunt. De coelo tacta erant via publica Veiiis, forum et
 aedes Iovis Lanuvii, Herculis aedes Ardeae, Capuae
 murus et turres et aedes, quae Alba dicitur. coelum ar-
 dere visum erat Arretii. terra Velitris trium iugerum

^{b)} fore Gron. Crev.

spatio caverna ingenti desederat. Snessae Aurunca^{U. c. 551.} nuntiabant agnum cum duobus capitibus natum, et Si-^{a. C. 198.} nuessae porcum cum^{c)} humano capite. Eorum prodigiorum causa supplicatio unum diem habita. et consules rebus divinis operam dederunt; placatisque Diis, profecti in provincias sunt. Aelius cum C. Helvio praetore in Galliam: exercitumque ab L. Lentulo acceptum, quem dimittere debebat, praetori tradidit; ipse novis legionibus, quas secum adduxerat, bellum gesturus. neque memorabilis rei quidquam gessit. Et T. Quinctius alter consul maturius, quam priores soliti erant consules, a Brundisio quum transmisisset, Corcyram tenuit cum octo millibus peditum, equitibus octingentis. Ab Corcyra in proxima Epiri quinquere mi traiecit; et in castra Romana magnis itineribus contendit; inde Villio dimisso, paucos moratus dies, dum se copiae ab Corcyra adsequerentur, consilium habuit utrum recto itinere per castra hostium vim^{d)} facere conaretur: an, ne tentata quidem re tanti laboris ac periculi, per Dassaretios potius Lycumque tuto circuitu Macedoniam intraret. Vicissetque ea sententia, ni timuisset, ne, quum a mari longius recessisset, misso e manibus hoste, si (quod antea fecerat) solitudinibus silvisque se tutari rex voluisset, sine ullo effectu aestas extraheretur. Utcumque esset igitur, illo ipso tam iniquo loco adgredi hostem placuit. sed magis fieri id placebat, quam, quomodo fieret, satis expediebat^{e)}.

X. Dies quadraginta sine ullo conatu sedentes in conspectu hostium absumserant. Inde spes data Philippo est, per Epirotarum gentem tentandae pacis: habituque consilio^{f)} delecti ad eam rem agendam, Pausanias praetor, et Alexander magister equitum, consulem et regem, ubi in artissimas ripas Aous cogitur amnis, in colloquium adduxerunt. Summa postulatum consulerat, praesidia ex civitatibus rex deduceret. iis, quo-

c) cum del. Gron. Crev. c.
Drak.

d) viam Gron.

e) expediebat Gron. Crev. c.
Drak.

f) concilio Gron. Crev.

U. c. 554. rum agros urbesque populatus esset, redderet res, quae
 a. C. 198. comparerent. ceterorum aequo arbitrio aestimatio fieret. Philippus *aliam aliarum civitatum conditionem esse* respondit. *Quas ipse cepisset, eas liberaturum. Quas sibi traditae a maioribus essent, earum hereditaria ac iusta possessione non excessurum. si quas quererentur belli clades eae civitates, cum quibus bellatum foret; arbitrio, quo vellent, populorum, cum quibus pax utrisque fuisset, se usurum.* Consul, *Nihil ad id quidem arbitro^{g)} aut iudice opus esse, dicere. Cui enim non adparere, ab eo, qui prior arma intulisset, iniuriam ortam? nec Philippum ab ullis bello lacessitum, ipsum priorem vim omnibus fecisse.* Inde quum ageretur, quae civitates liberandae essent, Thessalos primos omnium nominavit consul. ad id vero adeo accensus indignatione est rex, ut exclamaret, *quid victo gravius imperares, T. Quincti?* atque ita se ex conloquio proripuit. et temperatum aegre est, quin missilibus, quia direnti medio anni^{h)} fuerant, pugnam inter se consererent. Postero die per excursiones ab stationibus primo in planitie, satis ad id patenti, multa levia commissa proelia sunt: deinde recipientibus regiis in arta et confragosa loca, aviditate accensi certaminis eo quoque Romani penetrare. Pro his ordo, et militaris disciplina, et genus armorum erat, aptum tegendis corporibusⁱ⁾: pro hoste loca, et catapultae ballistaeque, in omnibus properupibus, quasi in muris, dispositae. Multis hinc atque illinc vulneribus acceptis, quum etiam, ut in proelio iusto, aliquot cecidissent, nox pugnae finem fecit.

XI. Quum in hoc statu res esset, pastor quidam, a Charopo principe Epirotarum missus, deducitur ad consulem. Is se in eo saltu, qui regiis tunc teneretur castris, armentum pascere solitum, ait, omnes montium eorum amfractus callesque nosse. Si secum aliquos consul mittere velit, se non iniquo nec perdifficili aditu supra caput hosti-

g) arbitrio Gron.
 h) amne Gron. Crev.

i) aptum urgendis regiis Eaed.
 c. Drak.

um eos deducturum. Haec ubi consul audivit, percuncta- U. c. 554.
tum ad Charopum mittit, *satisne credendum super tanta* a. C. 198.
re agresti censeret? Charopus renunciari iubet^k), *ita cre-*
deret, ut suae potius omnia, quam illius, potestatis essent.
Quum magis vellet credere, quam auderet, consul, mix-
tumque gaudio ac metu animum gereret, auctoritate
motus Charopi, experiri spem oblatam statuit: et, ut
avertaret rem a suspicione, biduo insequenti lacessere
hostem, dispositis ab omni parte copiis, succedentibus-
que integris in locum defessorum, non destilit. Quatuor
millia inde lecta peditum et trecentos equites tribuno
militum tradit. Equites, quoad loca patiantur, ducere
iubet: ubi ad invia equiti ventum sit, in planitie aliqua
locari equitatum; pedites, qua dux monstraret viam,
ire: ubi, ut polliceretur^l), super caput hostium perven-
tum sit, fumo dare signum: nec ante clamorem tollere,
quam ab se signo accepto pugnam coeptam arbitrari pos-
set. Nocte itinera fieri iubet, (et pernox forte luna erat)
interdiu cibi quietisque sumeret tempus. ducem pro-
missis ingentibus oneratum, si fides exstet, vinctum ta-
men tribuno tradit^m). His copiis ita dimissis, eo inten-
tius Romanus undique instat capi stationes.

XII. Interim die tertio quum verticem, quem pe-
tierant, Romani cepisse ac tenere se fumo significarent;
tum vero, trifariam divisis copiis, consul valle media
cum militum robore succedit: cornua dextra laevaue
admovet castris. nec segnius hostes obviam eunt: et,
dum, aviditate certaminis provecti, extra munitiones
pugnant, haud paullo superior est Romanus miles, et
virtute, et scientia, et armorum genere. Postquam,
multis vulneratis interfectisque, recepere se regii in lo-
ca, aut munimento, aut natura tuta, verterat periculum

k) *Is se in eo saltu, qui regiiis
tunc oneratus castris erat,
armentum pascere ait: om-
nes montium eorum amfra-
ctus callesque nosse. Si se-
cum aliquos mittere velit,
non iniquo nec perdifficili*

*aditu supra caput hostium
deducturum. Haec, Charo-
pus renunciari iubet etc.*
Gron. Crev. c. Drak.

l) polliceatur Gron. Crev.

m) tradidit Eaed.

U. c. 554. in Romanos, temere in loca iniqua, nec faciles ad rece-
 a. C. 193. ptum angustias progressos. neque impunita temeritate
 inde recepissent sese, ni clamor primum ab tergo audi-
 tus, dein pugna etiam coepta, amentes repentino ter-
 rore regiones fecisset. Pars in fugam effusi sunt: pars ma-
 gis, quia ⁿ⁾ locus fugae deerat, quam quod animi satis
 esset ad pugnam, quum substitissent, ab hoste, et a fron-
 te et ab tergo urgente, circumventi sunt. Deleri totus
 exercitus potuit, si fugientes persecuti victores essent:
 sed equitem angustiae locorumque asperitas, peditem
 armorum gravitas impediit. Rex primo effuse ac sine
 respectu fugit: dein, quinque millium spatium pro-
 gressus, quum ex iniquitate locorum, id quod erat, su-
 spicatus esset, sequi non posse hostem, substitit in tu-
 mulo quodam, dimisitque suos per omnia iuga valles-
 que, qui palatos in unum conligerent. Non plus duobus
 millibus hominum amissis, cetera omnis multitudo, vel-
 ut signum aliquod secuta, in unum quum convenisset,
 frequenti agmine petunt Thessaliam. Romani, quoad
 tutum fuit insecuti, caedentes spoliantesque caesos, ca-
 stra regia, etiam sine defensoribus difficili aditu, diri-
 piunt: atque ea nocte in suis castris manserunt. \

XIII. Postero die consul per ipsas angustias, qua
 se inter valles flumen insinuat, hostem sequitur. Rex
 primo die ad castra Pyrrhi pervenit. locus, quem ita vo-
 cant, est in Triphylia terrae Meloditis. inde postero die
 (ingens iter agminis, sed metus urgebat) ^{o)} in montem
 Lingon perrexit. ipsi montes Epiri sunt, interiecti Ma-
 cedoniae Thessaliaeque. Latus, quod vergit in Thessa-
 liam, oriens spectat: septentrio a Macedonia obiiicitur.
 Vestiti frequentibus silvis sunt. iuga summa campos
 patentes aquasque perennes habent. Ibi, stativis, rex,
 per aliquot dies habitis, fluctuatus animo est, utrum
 protinus in regnum se reciperet, an reverti in Thessa-
 liam posset. inclinavit sententia, suum in Thessaliam

n) pars, quia magis Gron.

o) die ingenti itinere agminis

(et metus urgebat) Gron.
 Crev.

agmen dimittere^{p)}, Triccamque proximis limitibus pe- U. c. 554.
tit: inde obvias urbes raptim peragravit. Homines, qui a. C. 198.
sequi possent, sedibus excibat: oppida incendebat: re-
rumsnarum, quas possent, ferendarum secum dominis
ius fiebat: cetera militis praeda erat. nec, quod ab ho-
ste crudelius pati possent, reliqui quidquam fuit, quam
quae ab sociis patiebantur. Haec etiam facienti Philippo
acerba erant, sed e terra, mox futura hostium, corpora
saltem eripere sociorum volebat. ita evastata sunt oppi-
da, Phacium, Iresiae, Euhydrium, Eretria, Palaephar-
salus^{q)}. Pheras quum peteret, exclusus, quia res egebat
mora, si expugnare vellet, nec tempus erat, omisso in-
cepto, in Macedoniam transcendit. Nam etiam Aetolos
adpropinquare fama erat. qui, audito proelio, quod cir-
ca amnem Aoum factum erat, proximis prius evastatis
circa Sperchias et Macran (quam vocant) Comen, trans-
gressi inde in Thessaliam, Cymines et Angeas primo
inpetu potiti sunt. a Metropoli, dum vastant agros, con-
cursu oppidanorum ad tuenda moenia facto, repulsi
sunt. Callithera inde adgressi, similem inpetum oppi-
danorum pertinacius sustinuerunt: compulsisque in-
tra moenia, qui eruperant, contenti ea victoria, quia
spes nulla admodum expugnandi erat, abscesserunt.
Theumna inde et Calathana vicos expugnant diripiunt-
que. Acharras^{r)} per deditionem receperunt. Xyniae
simili metu a cultoribus desertae sunt. Hoc sedibus suis
extorre agmen in praesidium incidit, quod ad Thaum-
cum^{s)}, quo tutior frumentatio esset, ducebatur: incon-
dita inermisque multitudo, mixta inbelli turba, ab ar-
matis caesa est. Xyniae desertae diripiuntur. Cypha-
ra inde Aetoli capiunt, opportune Dolopiae imminens
castellum. Haec raptim intra paucos dies ab Aetolis ge-
sta. Nec Amynder atque Athamanes, post famam
prosperae pugnae Romanorum, quieverunt.

p) dimittere Gron. Crev.

r) Achorras Gron. Crev.

q) Palaephatus Eaed. Palaepharus Drak.

s) quod Athamanum Eaed. c. Drak.

U. c. 554.
a. C. 198.

XIV. Ceterum Amynander, quia suo militi parum fidebat, petito ab consule modico praesidio, quum Gomphos peteret, oppidum protinus nomine Phecam, situm inter Gomphos faucesque angustas, quae ab Athamania Thessaliam dirimunt, vi cepit. inde Gomphos adortus, et per aliquot dies summa vi urbem tuentes, quum iam^{t)} scalas ad moenia erexisset, eo demum^{u)} metu perpulit ad deditionem. Haec traditio Gomphorum ingentem terrorem Thessalis intulit. dedidere deinceps sese, qui Argenta, quique Pherinum, et Thimarum, et Lissinas, et Stimonem, et Lampsum habent, aliaque castella iuxta ignobilia. Dum Athamanes Aetolique, submoto Macedonum metu, in aliena victoria suam praedam faciunt, Thessaliaque a tribus simul exercitibus, incerta quem hostem, quemve socium crederet, vastatur; consul faucibus, quas fugam hostium aperuerat, in regionem Epiri transgressus, etsi probe scit, cui parti, Charopo principe excepto, Epirotae favissent; tamen, quia ab satisfaciendi quoque cura imperata enixe facere videt, ex praesenti eos potius, quam ex praeterito, aestimat habitu, et ea^{x)} ipsa facilitate veniae animos eorum in posterum conciliat. Missis deinde nunciis Corcyram, ut onerariae naves in sinum venirent Ambracium; ipse, progressus modicis itineribus, quarto die in monte Cercetio posuit castra, eodem Amynandro cum suis auxiliis adcito; non tam virium eius egens, quam ut duces in Thessaliam haberet. ab eodem consilio et plerique Epirotarum voluntarii inter auxilia accepti.

XV. Primam urbium Thessaliae Phaloriam^{y)} est adgressus. duo millia Macedonum in praesidio habebat, qui primo summa vi restiterunt, quantum arma, quantum moenia tueri poterant: sed obpugnatio continua, non die, non nocte remissa, (quum consul in eo verti crederet ceterorum Thessalorum animos, si primi vim

t) iam del. Gron. Crev.

c. Drak.

u) eodem Eaed. c. Drak.

x) ea del. Gron.

y) Phaleriam Gron. Crev. Sic semper.

Romanam non sustinuissent) vicit pertinaciam Macedonum. Capta Phaloria, legati a Metropoli et a Piera dependentes urbes venerunt. venia eisdem petentibus datur. Phaloria incensa ac direpta est. Inde Aeginium petit. quem locum quum vel modico praesidio tutum ac prope inexpugnabilem vidisset, paucis in stationem proximam telis coniectis, ad Gomphorum regionem agmen vertit. degressusque^{z)} in campos Thessaliae, quum iam omnia exercitui deessent, quia Epirotarum pepercerat agris, explorato ante, utrum Leucadem, an^{a)} sinum Ambracium onerariae tenuissent, frumentatum Ambraciam in vicem cohortes misit. et est iter a Gomphis Ambraciam, sicut inpeditum ac difficile, ita spatio perbreve. Intra paucos itaque dies, transvectis a mari commeatibus, repleta omni rerum copia sunt castra. Inde Atracem est profectus. decem ferme millia ab Larissa abest: ex Perrhaebia^{b)} oriundi sunt: sita est urbs super Peneum amnem. Nihil trepidavere Thessali ad primum adventum Romanorum. Et Philippus, sicut in Thessalam ipse progredi non audebat, ita, intra Tempe stativis positus, ut quisque locus ab hoste tentabatur, praesidia per occasiones submittebat.

XVI. Sub idem fere tempus, quo consul adversus Philippum primum in Epiri faucibus posuit castra^{c)}, et L. Quinctius, frater consulis, cui classis cura maritimaeque orae imperium mandatum ab senatu erat, cum duabus quinquereimis Corcyram transvectus, postquam profectam inde classem audivit, nihil morandum ratus, quum ad Zamam insulam adsetutus esset, dimisso L. Apustio, cui successerat, tarde inde ad Maleam, trahendis plerumque remulco navibus, quae cum com meatu sequebantur, pervenit. A Malea, iussis ceteris, quantum maxime possent, maturare sequi^{d)}, ipse tribus quinquereimis expeditis Piraeum praecepit, ac-

z) digressusque Gron. Crev.

a) ac Eaed.

b) Perrhaebia Gron.

c) castra posuit Gron. Crev.

c. Drak.

d) quantum maxime possent maturate, sequi Eaed. c. Drak.

U. c. 554. cepitque naves ibi relictas ab L. Apustio legato ad prae-
 a. C. 198. sidium Athenarum. Eodem tempore duae ex Asia clas-
 ses profectae, una cum Attalo rege; (eae quatuor et vi-
 ginti quinqueremes erant) Rhodia altera, viginti navi-
 um tectarum: Agesimbrotus praeerat. Hae circa An-
 drum insulam classes coniunctae Euboeam, inde exiguo
 distantem freto, traiecerunt. Carystiorum primum
 agros vastarunt: deinde, ubi Carystus, praesidio a
 Chalcide raptim misso, firma visa est, ad Eretriam ac-
 cesserunt. Eodem et L. Quinctius cum iis navibus, quae
 Piraei fuerant, Attaliregis adventu audito, venit, ius-
 sitque, ut, quae ex sua classe venissent naves, Euboe-
 ampeterent. Eretria summa vi obpugnabatur. nam et
 trium iunctarum classium naves omnis generis tormen-
 ta machinasque ad urbium excidia secum portabant, et
 agri adfatim materiae praebebant ad nova molienda
 opera. Oppidani primo haud inpigre tuebantur moenia:
 deinde fessi vulneratique aliquot, quum et muri partem
 eversam operibus hostium cernerent, ad deditionem
 inclinarent. sed praesidium erat Macedonum, quos non
 minus, quam Romanos, metuebant: et Philocles regius
 praefectus a Chalcide nuncios mittebat, se in tempore
 adfuturum, si sustinerent obsidionem. Haec mixta me-
 tu spes ultra, quam vellent, aut quam possent, trahere
 eos tempus cogebat. deinde, postquam Philoclem repul-
 sum trepidantemque refugisse Chalcidem acceperunt,
 oratores extemplo ad Attalum, veniam fidemque eius
 petentes, miserunt. Dum in spem pacis intenti segnius
 munera belli obeunt, et ea modo parte, qua murus diru-
 tus erat, ceteris neglectis, stationes armatas obponunt;
 Quinctius, noctu ab ea parte, quae minime suspecta
 erat, inpetu facto, scalis urbem cepit. Oppidanorum
 omnis multitudo cum coniugibus ac liberis in arcem
 confugit: deinde in deditionem venit. Pecuniae auri-
 que et argenti haud sane multum fuit: signa, tabulae
 praeae artis, ornamentaque eius generis plura, quam
 pro urbis magnitudine aut opibus ceteris, inventa.

XVII. Carystus inde repetita; unde, priusquam U. c. 554^a e navibus copiae exponerentur, omnis multitudo, urbe a. C. 193^a deserta, in arcem confugit. Inde ad fidem ab Romano petendam oratores mittunt. oppidanis extemplo vita ac libertas concessa est: Macedonibus treceni^e) nummi in capita statutum est pretium, et ut armis traditis abirent. Hac summa redempti, in Boeotiam inermes traieci. Navales copiae, duabus claris urbibus Euboeae intra dies paucos captis, circumvectae Sunium Atticae terrae promontorium, Cenchreas Corinthiorum emporium petierunt. Consul interim omnium spe longiorem atrociorumque obpugnationem habuit: et ea, qua minimum credidisset, resistebant hostes. nam omnem laborem in muro diruendo crediderat fore: si aditum armatis in urbem patefecisset, fugam inde caedemque hostium fore, qualis captis urbibus fieri solet. ceterum postquam, parte muri arietibus decussa, per ipsas ruinas transcendunt in urbem armati, illud principium velut novi atque integri laboris fuit. nam Macedones, qui in praesidio erant et multi et delecti, gloriam etiam egregiam rati, si armis potius et virtute, quam moenibus, urbem tuerentur, conferti, pluribus introrsus ordinibus acie firmata, quum transcendere ruinas sensissent Romanos, per inpeditum ac difficilem adreceptum locum expulerunt. Id consul aegre passus, nec eam ignominiam ad unius modo expugnandae moram urbis, sed ad summam universi belli, pertinere ratus, quod ex momentis parvarum plerumque rerum penderet, purgato loco, qui strage semirutum murum cumulat^f) erat, turrem^g) ingentis altitudinis, magnam vim armatorum multiplici tabulato portantem, promovit: et cohortes in vicem sub signis, quae cuneum Macedonum, (phalangem ipsi vocant) si possent, vi perromperent, emittebat. Sed ad loci angustias^g) haud late patente intervallo diruti muri, genus armorum pugnaeque hosti aptius erat. ubi conferti

e) trecenti Gron.

f) turrim Gron. Crev.

g) loca angusta Eaed. c. Drak.

U. c. 554. hastas ingentis longitudinis prae se Macedones obieci-
 a. C. 193. sent, velut in constructam densitate clipeorum testudi-
 nem Romani, pilis nequidquam emissis, quum strinxis-
 sent gladios; neque congredi propius, neque praecide-
 re hastas poterant: et si quas^{h)} incidissent, aut prae-
 fregissent, hastiliaⁱ⁾ fragmento ipso acuto, inter spicu-
 la integrarum hastarum, velut vallum explebant^{k)}. Ad
 hoc et muri pars adhuc integra utraque tuta praestabat
 latera: nec ex longo spatio aut cedendum, aut in petus
 faciendus erat; quae resturbare ordines solet. Acces-
 sit etiam fortuita res ad animos eorum firmandos. nam
 quum turris per aggere in parum densati soli ageretur,
 rota una in altiore orbitam depressa ita turrim inclina-
 vit, ut speciem ruentis hostibus, trepidationemque in-
 sanam superstantibus armatis praebuerit.

XVIII. Quum parum quidquam succederet, con-
 sul minime aequo animo comparisonem militum gene-
 ris armorumque fieri patiebatur: simul nec maturam
 expugnandi spem, nec rationem procul a mari et in eva-
 statis belli cladibus locis hibernandi ullam cernebat.
 itaque relicta obsidione, quia nullus in tota Acarnaniae
 atque Aetoliae ora portus erat, qui simul et omnes one-
 rarias, quae commeatum exercitui portabant, caperet,
 et tecta ad hibernandum legionibus praeberet, Anticyra
 in Phocide, in Corinthium versa sinum, ad id opportu-
 nissime sita visa: quia nec procul Thessalia hostium-
 que locis abibant; et ex adverso Peloponnesum exiguo
 maris spatio divisam, ab tergo Aetoliam Acarnaniam-
 que, ab lateribus Locridem ac^{l)} Boeotiam habebant.
 Phocidis primo in petu Phanoteam sine certamine cepit.
 Anticyra haud multum in obpugnando praebuit morae.
 Ambrysus inde Hiampolisque receptae. Daulis, quia in
 tumulo excelso sita est, nec scalis, nec operibus capi po-
 terat. lacescendo missilibus eos, qui in praesidio erant,
 quum ad excursiones elicuissent, refugiendo in vicem

h) quam Gron. Crev.

i) hastile Eaed.

k) explebat Eaed.

l) et Eaed.

insequendoque, et levibus sine effectum certaminibus, eo U. c. 554.
neglegentiae et contemptus adduxerunt, ut cum refugii- a. C. 198.
entibus in portam permixti in petum Romani facerent.
Sex alia ignobilia castella Phocidis terrore magis, quam
armis, in potestatem venerunt. Elatia clausit portas:
nec, nisi vicogerentur, recepturi moenibus videbantur
aut ducem, aut exercitum Romanum.

XIX. Elatiam obsidenti consuli rei maioris spes
adfulsit, Achaeorum gentem ab societate regia ad Ro-
manam amicitiam avertendi. Cycliadam^{m)}, principem
factionis ad Philippum trahentium res, expulerant.
Aristaenus, qui Romanis gentem iungi volebat, praetor
erat. Classis Romana cum Attalo et Rhodiis Cencreis
stabat, parabantque communi omnes consilio Corin-
thum obpugnare. Optimum igitur ratus est, priusquam
eam rem adgrederentur, legatos ad gentem Achaeorum
mitti, pollicentes, si ab rege ad Romanos defecissent,
Corinthum iis contributuros in antiquum gentis conci-
lium. Auctore consule, legati a fratre eius L. Quinctio,
et Attalo, et Rhodiis, et Atheniensibus, ad Achaeos
missi. Sicyone datum iis est concilium. Erat autem non
admodum simplex habitus animorum inter Achaeos.
terrebat Nabisⁿ⁾ Lacedaemonius, gravis et adsiduus ho-
stis: horrebant Romana arma: Macedonum beneficiis
et veteribus et recentibus obligati erant: regem ipsum
suspectum habebant pro eius crudelitate perfidiaque:
neque ex iis, quae tum ad tempus faceret, aestimantes,
graviores post bellum dominum futurum cernebant.
neque solum, quid in senatu quisque civitatis suae, aut
in communibus conciliis gentis pro sententia dicerent,
ignorabant: sed ne ipsis quidem secum cogitantibus,
quid vellent, aut quid optarent, satis constabat. Ad ho-
mines ita incertos introductis legatis potestas dicendi
facta est. Romanus primum legatus L. Calpurnius, de-
inde Attali regis legati, post eos Rhodii disseruerunt. Phi-
lippi deinde legatis dicendi potestas facta est. postremi

m) *Cycliadem* Gron. Crev.

n) *eos* Eaed. c. Drak.

U. c. 554. Athenienses, ut refellerent Macedonum dicta, auditi
a. C. 193. sunt. Ille fere atrocissime in regem, quia nulli nec plura,
nec tam acerba passi erant; invecti sunt. Et illa quidem
concio sub occasum solis, tot legatorum perpetuis orati-
onibus die absunto, dimissa est.

XX. Postero die advocatur concilium; ubi quum
per praeconem, sicut Graecis mos est, suadendi, si quis
vellet, potestas a magistratibus facta esset, nec quis-
quam prodiret; diu silentium aliorum alios intuentium
fuit, neque mirum, si, quibus sua sponte, volutantibus
res inter se pugnantes, obtorpuerant quodammodo ani-
mi, eos orationes quoque insuper turbaverant, utrimque
quae difficilia essent, promendo admonendoque, per to-
tum diem habitae. Tandem Aristaenus praetor Achaeo-
rum, ne tacitum concilium dimitteret, *Ubi, inquit, illa
certamina animorum, Achaei, sunt, quibus in conviviis
et circulis, quum de Philippo et Romanis mentio incidit,
vix manibus temperabatis? Nunc in concilio, ad eam rem
unam indicto, quum legatorum utrimque verba audierit-
tis, quum referant magistratus, quum praeco ad suaden-
dum vocet, obmutuistis. Si non cura communis salutis,
ne studia quidem, quae in hanc aut in^o) illam partem ani-
mos vestros inclinarunt, vocem cuiquam possunt expri-
mere? quum praesertim nemo tam hebes sit, qui ignorare pos-
sit, dicendi ac suadendi, quod quisque aut velit, aut opti-
mum putet, nunc occasionem esse, priusquam quidquam
decernamus. Ubi semel decretum erit, omnibus id, etiam
quibus ante displicuerit, pro bono atque utili foedere de-
fendendum.* Haec adhortatio praetoris non modo quem-
quam unum elicuit ad suadendum; sed ne frenitum
quidem aut murmur concionis tantae, ex tot populis
congregatae, movit.

XXI. Tum Aristaenus praetor rursus: *Non magis
consilium vobis, principes Achaeorum, deest, quam lin-
gua: sed suo quisque periculo in commune consultum non
vult. Forsitan ego, quoque tacerem, si privatus essem.*

o) in del. Gron. Crev. c. Drak.

nunc praetor video, aut non dandum concilium legatis fu- U. c. 554.
 isse, aut inde sine responso eos dimittendos non esse. Re- a. C. 198.
 spondere autem, nisi ex vestro decreto, qui possum? Et
 quando nemo vestrum, qui in hoc concilium advocati estis,
 pro sententia quidquam dicere vult, aut audet; orationes
 legatorum, hesterno die dictas, pro sententiis percensea-
 mus; perinde ac^{p)} non postulaverint, quae res sua essent,
 sed suaserint, quae nobis censerent utilia esse. Romani
 Rhodique et Attalus societatem amicitiamque nostram
 petunt: et in bello, quod adversus Philippum gerunt, se a
 nobis adiuvari aequum censent. Philippus societatis se-
 cum admonet et iurisiurandi: et^{q)} modo postulat, ut se-
 cum stemus; modo, ne intersimus armis, contentum ait
 se esse. Nulline venit in mentem, cur, qui nondum socii
 sunt, plus petant, quam socius? Non fit hoc neque mode-
 stia Philippi, neque inpudentia Romanorum, Achaei.
 Fortuna et dat fiduciam postulantibus, et demit^{r)} Philippi
 praeter legatum videmus nihil. Romana classis ad Cen-
 chreas stat, urbium Euboeae spolia prae se ferens: consu-
 lem legionesque ejus, exiguo maris spatio disiunctas. Pho-
 cidem ac Locridem pervagantes videmus. Miramini, cur
 diffidenter Cleomedon legatus Philippi, ut pro rege arma
 caperemus adversus Romanos, modo egerit: qui, si ex eo-
 dem foedere ac iureiurando, cuius nobis religionem iniici-
 ebat, rogemus eum, ut nos Philippus et ab Nabide ac La-
 cedaemoniis et ab Romanis defendat, non modo praesidium,
 quo nos tueatur, sed ne quid respondeat quidem nobis, sit
 inventurus. non, hercle, magis, quam ipse Philippus
 priore anno, qui, pollicendo se adversus Nabidem bellum
 gesturum, quum tentasset nostram iuventutem hinc in Eu-
 boeam extrahere; postquam nos neque decernere id sibi
 praesidium, neque velle inligari Romano bello vidit, obli-
 tus societatis ejus, quam nunc iactat, vastandos depopu-
 landosque Nabidi ac Lacedaemoniis reliquit. Ac mihi

p) ac si Gron. Crev.

q) et del. Eaed.

r) Romanorum. Achaei portus

et dant fiduciam postulan-
 tibus, et demunt. Eaed. c.
 Drak.

U. c. 554. *quidem minime conveniens inter se oratio Cleomedontis vi-*
 a. C. 198. *sa est. Elevabat Romanum bellum, eventumque eius eum-*
dem fore, qui prioris belli, quod cum Philippo gesserint,
dicebat. Cur igitur nostrum ille auxilium absens petit po-
tius, quam praesens nos veteres socios simul ab Nabide
ac Romanis tueatur? Nos, dico? quid ita passus est Ere-
triam Carystumque capi? quid ita tot Thessaliae urbes?
quid ita Locridem Phocidemque? quid ita nunc Elatiam
obpugnari patitur? cur excessit faucibus Epiri claustris-
que illis inexpugnabilibus super Aoum amnem, aut vi, aut
metu, aut voluntate, relictoque, quem insidebat, saltu,
penitus in regnum abiit? Si sua voluntate tot socios reli-
quit hostibus diripiendos, quid recusare potest, quin et so-
cii sibi consulant? si metu, nobis quoque ignoscat timen-
tibus. si victus armis cessit, Achaei arma Romana susti-
neamus, Cleomedon, quae vos Macedones non sustinui-
stis? An tibi potius credamus, Romanos non maioribus co-
piais nec viribus nunc bellum gerere, quam antea gesserint,
potius quam res ipsas intueamur? Aetolos tum classe ad-
iuverunt: nec duce consulari, nec exercitu bellum gesse-
runt: sociorum Philippi maritimae tum^{s)} urbes in terro-
re ac tumultu erant: mediterranea adeo tuta ab Romanis
armis fuerunt, ut Philippus Aetolos, nequidquam opem
Romanorum implorantes, depopularetur. Nunc autem de-
functi bello Punico Romani, quod per sexdecim annos vel-
ut intra viscera Italiae toleraverunt, non praesidium Ae-
tolis bellantibus miserunt, sed ipsi duces belli arma terra
marique simul Macedoniae intulerunt. Tertius iam con-
sul summa vi gerit bellum. Sulpicius, in ipsa Macedonia
congressus, fudit fugavitque regem; partem opulentissi-
mam regni eius depopulatus: nunc Quinctius tenentem
claustra Epiri, natura loci, munimentis, exercituque fre-
tum, castris exiit: fugientem in Thessaliam persecutus,
praesidia regia sociasque eius urbes prope in conspectu re-
gis ipsius expugnavit. Ne sint vera, quae Athenienses mo-
do legati de crudelitate, avaritia, libidine^{t)} regis dixerunt:

s) tum del. Gron. Crev. c. Drak.

t) et libidine Gron. Crev.

nihil ad nos pertineant, quae in terra Attica scelera in su- U. c. 554.
peros inferosque Deos sunt admissa: multo minus, quae^{u)} a. C. 198.
Ciani Abydenique, qui procul a nobis absunt, passi sunt:
nostrorum ipsi vulnere, si vultis, obliviscamur; caedes
direptionesque bonorum Messenae in media Peloponneso
factas: et hospitem Cyparissiae Garitenem contra ius
omne ac fas inter epulas prope ipsas occisum: et Aratum
patrem filiumque Sicyonios, quum senem infelicem paren-
tem etiam adpellare solitus esset, interfectos; filii etiam
uxorem libidinis caussa in Macedoniam asportatam: ce-
tera stupra virginum matronarumque oblivioni dentur:
ne sint cum Philippo res, cuius crudelitatis metu obmutu-
istis omnes: (nam quae alia tacendi advocatis in concili-
um causa est?) cum Antigono, mitissimo ac iustissimo
rege, et de nobis omnibus optime merito, existimemus dis-
ceptionem esse: num id postulare facere nos, quod tum
fieri non posset? Peninsula est Peloponnesus, angustis
Isthmi faucibus continenti adhaerens, nulli apertior ne-
que^{x)} opportunior, quam navali, bello, si centum tectae
naves, et quinquaginta leviores apertae, et triginta Issai-
ci lembi maritimam oram vastare, et expositas prope in
ipsis litoribus urbes coeperint obpugnare, in mediterraneas
scilicet nos urbes recipiemus? tamquam non intestino et
haerente in ipsis visceribus uramur bello? Quum terra Na-
bis et Lacedaemonii, mari Romana classis urgebunt; un-
de regiam societatem et praesidia Macedonum in plorem?
an ipsi nostris armis ab hoste Romano tutabimur urbes,
quae obpugnabuntur? egregie enim Dymas priore bello
sumus tutati. Satis exemplorum nobis alienae clades prae-
bent: ne quaeramus, quemadmodum ceteris exemplo simus.
Nolite, quia ultro Romani petunt amicitiam, id, quod
optandum vobis ac summa ope petendum erat, fastidire.
metu enim videlicet compulsi et deprensi^{y)} in aliena terra,
quia sub umbra auxilii vestri latere volunt, in societatem
vestram confugiunt, ut portibus vestris recipiantur, ut

u) quam quae Gron.
x) atque Gron. Grev.

y) et deprensi del. Eaed. c.
Drak.

L. c. 554. *commeatibus utantur. Marè in potestate habent; terras,*
 a. C. 198. *quascumque adeunt, ex templo ditionis suae faciunt. Quod*
rogant, cogere possunt: quia pepercisse volunt, commit-
tere vos, cur pereatis, non patiuntur. Nam quod Cleomé-
don modo, tanquam mediam et tutissimam vobis viam
consilii, ut quiesceretis abstineretisque armis, ostendebat;
ea non media, sed nulla via est. Etenim, praeterquam
quod aut accipienda, aut adspernanda vobis Romana so-
cietas est, quid aliud quam nusquam gratia stabili, velut
qui eventum exspectaverimus, ut fortunae adplicaremus
nostra consilia, praeda victoris erimus? Nolite, si, quod
omnibus votis petendum erat, ultro obfertur, fastidire.
Non, quemadmodum hodie utrumque vobis licet, sic sem-
per licitum est. nec saepe, nec diu eadem occasio erit.
Liberare vos a Philippo iam diu magis vultis, quam aude-
tis. Sine vestro labore et periculo qui vos in libertatem vin-
dicarent, cum magnis classibus exercitibusque mare traic-
cerunt. Hos si socios adspernamini, vix sanae mentis
estis: sed aut socios, aut hostes habeatis, oportet.

XXII. Secundum orationem praetoris murmur
 ortum aliorum cum adsensu, aliorum inclementer ad-
 sentientes increpantium. et iam non singuli tantum,
 sed populi universi, inter se altercabantur: tum inter
 magistratus gentis (damiurgos²) vocant: decem nume-
 ro creantur) certamen nihilo segnius, quam inter mul-
 titudinem, esse. quinque relatuos se de societate Ro-
 mana aiebant, suffragiumque datuos: quinque lege
 cautum testabantur, ne quid, quod^a) adversus Philippi
 societatem esset, aut referre magistratibus, aut decer-
 nere concilio ius esset. Hic quoque dies iurgiis est con-
 sumtus. Supererat unus iusti concilii dies: (tèrtio enim
 lex iubeat decretum fieri) in quem adeo exarsere stu-
 dia, ut vix parentes ab liberis temperaverint. Rhisia-
 sus (Pellenensis erat) filium damiurgum, nomine Mem-
 nonem, habebat, partis eius, quae decretum recitari,
 perrogarique sententias prohibebat. Is, diu obtestatus

2) Demiurgos Gron. Grev.

a) ne quod Gron.

filium, ut consulere Achaeos communi saluti pateretur, ^{U. c. 554.}
 neu pertinacia sua gentem universam perditum iret, ^{a. C. 198.}
 postquam parum proficiebant preces, iuratus se eum sua
 manu interemturum, nec pro filio, sed pro hoste, ha-
 biturum, minis pervicit, ut postero die coniungeret iis
 se, qui referebant. quiquum plures facti referrent, om-
 nibus fere populis haud dubie adprobantibus relatio-
 nem, ac praeseferentibus, quid decreturi essent; Dy-
 maei ac Megalopolitani, et quidam Argivorum, prius-
 quam decretum fieret, consurrexerunt, ac reliquerunt
 concilium, neque mirante ullo, neque improbante. Nam
 Megalopolitanos, avorum memoria pulsos ab Lacedae-
 moniis, restituerat in patriam Antigonus: et Dymaeis,
 captis nuper direptisque ab exercitu Romano, quum re-
 dimi eos, ubicumque servirent, Philippus iussisset, non
 libertatem modo, sed etiam patriam, reddiderat. Iam
 Argivi, praeterquam quod Macedonum reges ab se ori-
 undos credunt, privatis etiam hospitibus familiarique
 amicitia plerique inligati Philippo erant. Ob haec con-
 cilio, quod inclinaverat ad Romanam societatem iuben-
 dam, excesserunt: veniaque iis huius secessionis fuit,
 et magnis et recentibus obligatis beneficiis.

XXIII. Ceteri populi Achaeorum, quum senten-
 tias ^{b)} perrogarentur, societatem cum Attalo ac Rhodiis
 praesenti decreto confirmarunt: cum Romanis, quia
 iniussu populi non poterat rata esse, in id tempus, quo
 Romam mitti legati possent, dilata est. in praesentia
 tres legatos ad L. Quinctium mitti placuit, et exercitum
 omuem Achaeorum ad Corinthum admovent; captis
 Cenchreis, iam urbem ipsam Quinctio obpugnante. Et
 hi ^{c)} quidem e regione portae, quae fert Sicyonem, po-
 suerunt castra. Romani ad Cenchreas versam partem
 urbis, Attalus, traducto per Isthmum exercitu, ab Le-
 chaeo, alterius maris portu, obpugnabant; primo se-
 gnus, sperantes seditionem intus fore inter oppidanos
 ac regum praesidium. postquam uno animo omnes, et

^{b)} *sententiae* Gron. Crev.

^{c)} *ii* Gron.

U. c. 554. Macedones tamquam communem patriam tuebantur, et
 a. C. 198. Corinthii ducem praesidii Androsthenum, haud secus
 quam civem et suffragio creatum suo, imperio in se uti
 patiebantur^{d)}; omnis inde spes pugnantis in vi, et
 armis, et operibus erat. undique aggeres haud facili adi-
 tu ad moenia admovebantur. Aries ex ea parte, quam
 Romani obpugnabant, aliquantum muri diruerat. in
 quem locum, quia nudatus munimento erat, protegen-
 dum armis quum Macedones concurrissent, atrox proe-
 lium inter eos ac Romanos ortum est. Ac primo multi-
 tudine facile expellebantur Romani: adsumtis deinde
 Achaeorum Attalique auxiliis, aequabant certamen:
 nec dubium erat, quin Macedonas Graecosque facile lo-
 co pulsuri fuerint. Transfugarum Italicorum magna
 multitudo erat; pars ex Hannibalis exercitu metu poe-
 nnae a Romanis Philippum secuta^{e)}, pars navales socii,
 relictis nuper classibus, ad spem honoratioris militiae
 transgressi. hos desperata salus, si Romani vicissent,
 ad rabiem magis, quam audaciam, accendebat. Pro-
 montorium est adversus Sicyonem, Iunonis quam vo-
 cant Acraeam, in altum excurrens: traiectus inde Co-
 rinthum, septem millia ferme passuum. eo Philocles,
 regius et ipse praefectus, mille et quingentos milites per
 Boeotiam duxit. praesto fuere ab Corintho lembi, qui
 praesidium id acceptum Lechaem traicerent. Auctor
 erat Attalus, incensis operibus, omittendae extemplo
 obpugnationis. Pertinacius Quinctius in incepto per-
 stabat. is quoque ut pro omnibus portis disposita vidit
 praesidia regia^{f)}, nec facile erumpentium inpetus susti-
 neri posse, in Attali sententiam concessit. ita irritum in-
 cepto, dimissis Achaeis, reditum ad naves est. Attalus
 Piraeum, Romani Corcyram petierunt.

XXIV. Dum haec ab navali exercitu geruntur,
 consul, in Phocide ad Elatiam castris positus, primo con-
 loquiis rem per principes Elatiensium tentavit: post-

d) imperio iusto patiebantur
 Gron. Crev. c. Drak.

e) secuti Eaed. c. Drak.
 f) regis Gron.

quam, nihil esse in manu sua, et plures validioresque U. c. 554.
 esse regios, quam oppidanos, respondebatur, tum simul a. C. 193.
 ab omni parte operibus armisque urbem est adgressus.
 Ariete admoto, quum^{g)}, quantum inter turres muri erat
 prorutum, cum^{h)} ingenti fragore ac strepitu nudasset
 urbem, simul et cohors Romana per apertum recenti
 strage iter invasit; et ex omnibus oppidi partibus, reli-
 ctis suis quisque stationibus, in eum, qui premebatur in-
 petu hostium, locum concurrerunt. Eodem tempore
 Romani et ruinas muris supervadebant, et scalas ad stan-
 tia moenia inferebant. et, dum in unam partem oculos
 animosque hostium certamen averterat, pluribus locis
 scalis capitur murus, armatique in urbem transcende-
 runt. quo tumultu audito, territi hostes, relicto, quem
 conferri tuebantur, loco, in arcem omnes metu, inermi
 quoque insequente turba, confugerunt. Ita urbe potitur
 consul. qua direpta, missis in arcem, qui vitam regiis,
 si abire vellent inermes, libertatem Elatiensibus polli-
 cerentur, fideque in haec data, post paucos dies arcem
 recepit.

XXV. Ceterum adventu in Achaiam Philoclis re-
 gii praefecti non Corinthus tantum liberata obsidione,
 sed Argivorum quoque civitas per quosdam principes
 Philocli prodita est, tentatis prius animis plebis. Mos
 erat, comitiorum die primo velut ominis causa praeto-
 res pronunciare Iovem, Apollinemque, et Herculem. ad-
 ditum legi erat, ut iis Philippus rex adiiceretur. cuius
 nomen post pactam cum Romanis societatem quia prae-
 co non adiecit, fremitus primo multitudinis ortus: de-
 inde clamor subiicientium Philippi nomen, iubentium-
 que legitimum honorem usurpare; donec cum ingenti
 adsensu nomen recitatum est. Huius fiducia favoris
 Philocles arcessitus nocte occupat collem imminentem
 urbi, (Larissam eam arcem vocant) positoque ibi prae-
 sidio, quum lucis principio signis infestis ad subiectum
 arcis forum vaderet, instructa acies ex adverso obcurrit.

g) quum del. Gron. Grev. c. Drak.

h) quum Eaed. c. Drak.

U. c. 554. Praesidium erat Achaeorum nuper inpositum, quingen-
 a. C. 198. ti fere iuvenes delecti omnium civitatum. Aeneside-
 mus Dymaeus praeerat. Ad hos orator¹⁾ a praefectore-
 gio missus, qui excedere urbe iuberet, (neque enim pa-
 res eos oppidanis solis, qui idem quod Macedones senti-
 rent, nedum adiunctis Macedonibus, esse, quos ne Ro-
 mani quidem ad Corinthum sustinuissent) primo nihil,
 nec ducem, nec ipsos movit: post paullo, ut Argivos
 quoque armatos ex parte altera venientes magno agmine
 viderunt, certam perniciem cernentes, omnem tamen
 casum, si pertinacior dux fuisset, videbantur subituri.
 Aenesidemus, ne flos Achaeorum iuventutis simul cum
 urbe amitteretur, pactus cum Philocle, ut abire illis li-
 ceret, ipse, quo loco steterat armatus, cum paucis clien-
 tibus non excessit. Missus a Philocle, qui quaereret,
 quid sibi vellet? nihil fatus, tantummodo, quum pro-
 iecto prae se clipeo staret, *in praesidio creditae urbis mo-
 riturum se armatum*, respondit. tum iussu praefecti a
 Thracibus coniecta tela, interfectique omnes. Et post
 pactam inter Achaeos et Romanos societatem duae no-
 bilissimae civitates, Argi et Corinthus, in potestate re-
 gis erant. Haec ea aestate ab Romanis^{k)} in Graecia ter-
 ra marique gesta.

XXVI. In Gallia nihil sane memorabile ab Sex-
 Aelio consule gestum. quum duos exercitus in provin-
 cia habuisset, unum retentum, quem dimitti oportebat,
 cui L. Cornelius proconsul praefuerat, (ipse ei C. Helvi-
 um praetorem praefecit) alterum, quem in provinciam
 adduxit; totum prope annum Cremonensibus Placenti-
 nisque cogendis redire in colonias, unde belli casibus
 dissipati erant, consumsit. Quemadmodum Gallia prae-
 ter spem quieta eo anno fuit, ita circa urbem servilis
 prope tumultus excitatus est. Obsides Karthaginiensi-
 um Setia custodiebantur. cum iis, ut principium libe-
 ris, magna vis servorum erat. augebant eorum nume-

i) *adhortator* Grön. Crév. c.

Drak.

k) *ab Romanis ea aestate*

Eaed. c. Drak.

rum, ut ab recenti Africo bello, et ab ipsis Setinis ca- U. c. 554.
ptiva aliquot nationis eius ex praeda emta mancipia. a. C. 198.

Quum coniurationem fecissent, missis ex eo numero, qui in Setino agro, deinde circa Norbam et Circeios, servitia sollicitarent; satis iam omnibus praeparatis, ludis, qui Setia prope diem futuri erant, spectaculo intentum populum adgredi statuerant: Setia per caedem et repentinum tumultum capta, Norbam et Circeios occupare. Huius rei tam foedae indicium Romam ad L. Corneliū Merulam praetorem urbis delatum est. Servi duo ante lucem ad eum venerunt, atque ordine omnia, quae acta futuraque erant, exposuerunt. Quibus domi custodiri iussis, praetor, senatu vocato edoctoque, quae indices adferrent, proficisci ad eam coniurationem quaerendam atque obprimendam iussus, cum quinque legatis profectus, obvios in agris sacramento rogatos arma capere et sequi cogebat. Hoc tumultuario delectu duobus millibus ferme hominum armatis, Setiam, omnibus, quo pergeret, ignaris, venit. ibi raptim principibus coniurationis comprehensis, fuga servorum ex oppido facta est. dimissi deinde per agros, qui vestigarent. Egregia duorum opera servorum indicum et unius liberi fuit. Ei centum millia gravis aeris dari Patres iusserunt: servis vicena quina millia aeris, et libertatem. pretium eorum ex aerario solutum est dominis. Haud ita multo post, ex eiusdem coniurationis reliquiis, nunciatum est, servitia Praeneste occupatura. Eo L. Cornelius praetor profectus, de quingentis fere hominibus, qui in ea noxa erant, supplicium sumpsit. in timore civitas fuit, obsides captivosque Poenorum ea moliri. Itaque et Romae vigiliae per vicos servatae; iussique circumire eas minores magistratus: et triumviri carceris lautumiarum intentiorem custodiam habere iussi: et circa nomen Latinum a praetore literae missae, ut et obsides in privato servarentur, neque in publicum prodeundi facultas daretur; et captivi ne minus decem pondo compedibus vincti in nulla alia, quam in carceris publici, custodia essent.

U. c. 554.

a. C. 198.

XXVII. Eodem anno legati ab rege Attalo coronam auream ducentum quadraginta sex pondo in Capitolio posuerunt, gratiasque senatui egerunt, quod Antiochus, legatorum Romanorum auctoritate motus, finibus Attali exercitum deduxisset. Eadem aestate equites ducenti, et elephanti decem, et tritici modium ducenta millia, ab rege Masinissa ad exercitum, qui in Graecia erat, pervenerunt. Item ex Sicilia Sardiniaque magni commeatus et vestimenta exercitui missa. Siciliam M. Marcellus, Sardiniam M. Porcius Cato obtinebat; sanctus et innocens, asperior tamen in foenore coercendo habitus. Fugatique ex insula foeneratores, et sumtus, quos in cultum praetorum socii facere soliti erant, circumcisi, aut sublati. Sex. Aelius consul ex Gallia comitiorum causa Romam quum redisset, creavit consules C. Cornelium Cethegum et Q. Minucium Rufum. Biduo post praetorum comitia habita. Sex praetores illo anno primum creati, crescentibus iam provinciis, et latius patescente imperio. creati autem hi, L. Manlius Vulso, C. Sempronius Tuditanus, M.¹⁾ Sergius Silus, M. Helvius, M. Minucius Rufus, L. Atilius. Sempronius et Helvius ex iis aediles plebis erant. ^ecurules aediles ^{m)} Q. Minucius Thermus et Ti. Sempronius Longus. Ludi Romani eo anno quater instaurati.

U. c. 555.

a. C. 197.

XXVIII. C.ⁿ⁾ Cornelio et Q. Minucio consulibus, omnium primum de provinciis consulum praetorumque actum. Prius de praetoribus transacta res, quae transigi sorte poterat. urbana Sergio, peregrina iurisdictio Minucio obtigit. Sardiniam Atilius, Siciliam Manlius, Hispaniam Sempronius citeriorem, Helvius ulteriorem est sortitus. Consulibus Italiam Macedoniamque sortiri parantibus, L. Oppius et Q. Fulvius tribuni plebis impedimento erant, *quod longinqua provincia Macedonia esset: neque ulla alia res maius bello impedimentum ad eam diem fuisset, quam quod, vixdum inchoatis rebus, in ipso*

1) M. Gron. Crev.

n) Cn. Gron.

m) aediles curules Eaed.

conatu gerendi belli prior consul revocaretur. Quartum ^{U. c. 555.} iam annum esse ab decreto Macedonico bello. Quaerendo ^{a. C. 197.} regem et exercitum eius Sulpicium maiorem partem anni absumsisse. Villium, congregientem cum hoste, re infecta revocatum. Quinctium, rebus divinis Romae maiorem partem anni retentum, ita gessisse tamen res, ut, si aut maturius in provinciam venisset, aut hiems magis sera fuisset, potuerit debellare. Nunc prope in hiberna profectum, ita comparare dici bellum, ut, nisi successor inpediat, perfecturus aestate proxima videatur. His orationibus pervicerunt, ut consules in senatus auctoritate fore dicerent se, si idem tribuni facerent. Permittentibus utrisque liberam consultationem, Patres consulibus ambobus Italiam provinciam decreverunt. T. Quinctio prorogarunt imperium, donec successor ex senatusconsulto venisset ^o). Consulibus binae legiones decretae, et ut bellum cum Gallis Cisalpinis, qui defecissent a populo Romano, gererent. Quinctio in Macedoniam supplementum decretum, peditum quinque millia et trecenti equites, et sociorum navalium tria millia. Praeesse idem, qui praeerat, classi L. Quinctius Flamininus iussus. Praetoribus in Hispanias octona millia peditum socium ac Latini nominis data, et quadringenti ^p) equites, ut dimitterent veterem ex Hispaniis militem: et terminare iussi, qua ulterior citeriorve provincia servaretur. Macedoniae legatos P. Sulpicium et P. Villium, qui consules in ea provincia fuerant, adiecerunt.

XXIX. Priusquam consules praetoresque in provincias proficiscerentur, prodigia procurari placuit: quod aedes Vulcani Summanique Romae, et quod ^q) Fregellis murus et porta de caelo tacta erant: et Frusinone inter noctem lux orta: et Aesulae ^r) agnus biceps cum quinque pedibus natus: et Formiis duo lupi, oppidum ingressi, obvios aliquot laniaverant: Romae non

^o) donec successor ei venisset
Gron. Crev. c. Drak.

^p) quadringenti Eaed. c. Drak.

^q) quod et Gron. Crev.
^r) Asculo Eaed. c. Drak.

U. c. 555. in urbem solum, sed in Capitolium penetraverat lupus.
 a. C. 197. C. Acilius tribunus plebis tulit, ut quinque coloniae in oram maritimam deducerentur: duae ad ostia fluminum Vulturni Liternique: una Puteolos: una ad castrum Salerni. His Buxentum adiectum. trecentae^{s)} familiae in singulas colonias iuebantur mitti. triumviri deducendis iis, qui per triennium magistratum haberent, creati, M. Servilius Geminus, Q. Minucius Thermus, Ti. Sempronius Longus. Delectu rebusque aliis divinis humanisque, quae per ipsos agenda erant, perfectis, consules ambo in Galliam profecti. Cornelius recta ad Insubres via, qui tum in armis erant, Cenomanis adsumtis, Q. Minucius in laeva Italiae ad inferum mare flexit iter, Genuamque exercitu abducto, ab Liguribus orsus est bellum. Oppida Clastidium et Litubium, utraque Ligurum, et duae gentis eiusdem civitates, Celedates Cerdiciatesque, sese dediderunt. Et iam omnia cis Padum, praeter Gallorum Boios, Ilvates Ligurum, sub ditione erant. quindecim oppida. hominum viginti millia esse dicebantur, quae se dediderant. Inde in agrum Boiorum legiones duxit.

XXX. Boiorum exercitus haud ita multo ante traiecerat Padum, iunxeratque se Insubribus et Cenomanis: quod ita acceperant, coniunctis legionibus consules rem gesturos, ut et ipsi conlatas in unum vires firmarent. Postquam fama accidit, alterum consulem Boiorum urere agros, seditio extemplo orta est. Postulare Boii, ut laborantibus opem universi ferrent. Insubres negare, se sua deserturos. Ita divisae copiae, Boiisque in agrum suum tutandum profectis, Insubres, cum Cenomanis super amnis Mincii ripam^{t)} consederunt. Infra eum locum quinque millia passuum et consul Cornelius eidem flumini castra adplicuit. inde mittendo in vicos Cenomanorum Brixiamque, quod caput gentis erat, ut satis comperit, non ex auctoritate seniorum iuventutem in armis esse, nec publico consilio Insubrium

s) *tricenae* Gron. *trecentenae* Crev.

t) *ripas* Gron. Crev.

defectioni Cenomanosse adiunxisse; excitis ad se prin- U. c. 555.
cipibus, id agere ^{u)}) ac moliri coepit, ut desciscerent ab a. C. 197.
Insubribus Cenomani, et, signis sublati, aut domos redirent, aut ad Romanos transirent. Et id quidem inpetrari nequii. in id fides data ^{x)}) consuli est, ut in acie aut quiescerent, aut, si qua etiam occasio fuisset, adiuverent Romanos. Haec ita convenisse Insubres ignorabant: suberat tamen quaedam suspicio animis, labare fidem sociorum. Itaque, quum in aciem eduxissent, neutrum iis cornu committere ausi, ne, si dolo cessissent, rem totam inclinarent, post signa in subsidiis eos locaverunt. Consul principio pugnae vovit aedem Sospitae Iunoni, si eo die hostes fusi fugatique essent. A militibus clamor sublatus, compotem voti consulem se facturos, et in petus in hostes est factus. Non tulerunt Insubres primum concursum. quidam et a Cenomanis, terga repente in ipso certamine adgressis, tumultum ancipitem iniectum auctores sunt, caesaque in medio quinque et triginta millia hostium, quinque millia et septingentos vivos captos: in iis Hamilcarem Poenorum imperatorem, qui belli causa fuisset: signa militaria centum triginta, et carpenta supra ducenta. Oppida Gallorum, quae Insubrium ^{y)}) defectionem secuta erant, dediderunt se Romanis.

XXXI. Minucius consul primo effusis populationibus peragraverat fines Boiorum: deinde, ut, relictis Insubribus, ad sua tuenda receperant sese, castris se tenuit, acie dimicandum cum hoste ratus. Nec Boii detrectassent pugnam, ni ^{z)}) fama Insubres victos ^{a)}) adlata animos fregisset. Itaque, relicto duce castrisque, dissipati per vicos, sua quisque ut ^{b)}) defenderent, rationem gerendi belli hosti mutarunt. omissa enim spe per unam dimicationem rei decernendae, rursus popu-

u) ibi agere Gron.

x) data fides Gron. Crev. c. Drak.

y) oppida, quae defectionem etc. Eaed. c. Drak.

z) nisi Gron, Crev.

a) victos Insubres Eaed. c. Drak.

b) sua ut quisque Eaed. c. Drak.

U. c. 555. lari agros, et urere tecta, vicosque expugnare coepit.
 a. C. 197. Per eosdem dies Clastidium incensum. inde in Ligustinos Ilvates, qui soli non parebant, legiones ductae. Ea quoque gens, ut Insubres acie victos, Boios, ita ut tentarespem certaminis metuerent, territos audivit, in ditionem venit. Literae consulum amborum de rebus in Gallia prospere gestis^{c)} sub idem tempus Romam adlatæ. M.^{d)} Sergius praetor urbis^{e)} in senatu eas, deinde ex auctoritate Patrum ad populum recitavit. supplicatio in quadriduum decreta. Hiems iam eo tempore erat.

XXXII. Quum^{f)} T. Quinctius, capta Elatia, in Phocide ac Locride hiberna disposita haberet, Opunte seditio orta est. Factio una Aetolos, qui propiores erant; altera Romanos arcessebat. Aetoli priores venerunt: sed opulentior factio, exclusis Aetolis, missoque ad imperatorem Romanum nuncio, usque in^{g)} adventum eius tenuit urbem. Arcem regium tenebat praesidium: neque, ut descenderent^{h)} inde, aut Opuntiorum minis, aut auctoritate imperantis consulis Romani, perPELLI potuerunt. Mora, cur non extemplo obpugnarentur, ea fuit, quod caduceator ab rege venerat, locum ac tempus petens conloquio. Id gravate concessum regi est. non quin cuperet Quinctius per se partim armis, partim conditionibus confectum videri bellum: necdum enim sciebat, utrum successor sibi alterex novis consulibus mitteretur; an, quod, summa vi ut tenderent, amicis et propinquis mandaverat, imperium prorogaretur: aptum autem fore conloquium credebat, ut sibi liberum esset, vel ad bellum manenti, vel ad pacem decedenti rem inclinare. In sinu Maliaco prope Nicaeam litus elegere. eo rex ab Demetriade cum quinque lembis et una nave rostrata venit. Erant cum eo principes Macedonum, et Achaeorum exsul vir insignis Cycli-

c) *consulum a Gallia de gestis prospere* Gron. Crev. c. Drak. Sed in Gron. et Crev. e *Gallia* legitur.
 d) *M.* Gron. Crev.
 e) *urbanus* Eaed.

f) *hiems iam eo tempore erat, quum etc.* Gron. puncto post *habet* posito.
 g) *ad* Gron. Crev.
 h) *discederent* Gron.

adas. Cum imperatore Romano rex Amynder erat, et U. c. 555
 Dionysodorus Attali legatus, et Agesimbrotus praefe- a. C. 197
 ctus Rhodiae classis, et Phaeneas princeps Aetolorum,
 et Achaei duo, Aristaenus et Xenophon. Inter hos Ro-
 manus, ad extremum litus progressus, quum rex in pro-
 ram navis in anchoris stantis processisset, *Commodius*,
 inquit, *si in terram egrediaris, ex¹⁾ propinquo dicamus in*
vicem, audiamusque. Quum rex facturum se id negaret;
Quem tandem, inquit Quinctius, times? Ad hoc ille su-
 perbo et regio animo: *Neminem equidem timeo, praeter*
Deos immortales, non omnium autem credo fidei, quos cir-
ca te video, atque omnium minime Aetolis. Istud quidem,
 ait Romanus, *par omnibus periculum est, qui cum hoste*
ad colloquium congregiuntur, si^{k)} nulla fides sit. Non ta-
 men, inquit rex, *T. Quincti, par perfidiae praemium est,*
si fraude agatur, Philippus et Phaeneas. neque enim aeque
difficulus Aetoli praetorem alium, ac Macedones regem in
meum locum substituant. Secundum haec silentium fuit.

XXXIII. Quum Romanus eum aequum censeret
 priorem dicere, qui petisset colloquium; rex, eius es-
 se priorem orationem, qui daret pacis leges, non qui ac-
 ciperet; tum Romanus, *Simplicem suam orationem esse.*
ea enim se dicturum, quae ni fiant, nulla sit pacis conditio.
Deducenda ex omnibus Graeciae civitatibus regi praesidia
esse. captivos et transfugas sociis populi Romani reddendos.
restituenda Romanis ea Illyrici loca, quae post pacem in Epiro factam occupasset. Ptolemaeo regi Aegypti
reddendas urbes, quas post Philopatoris Ptolemaei mor-
tem occupasset. Suas populique Romani conditiones has
esse: ceterum et sociorum audiri postulata verum esse.
 Attali regis legatus, *Naves captivosque, quae ad Chium¹⁾*
navali proelio capta essent, et Nicephorium, Venerisque
templum, quae spoliasset evastassetque, pro incorruptis
restitui. Rhodii Peraeam (regio est continentis adver-
 sus insulam, vetustae eorum ditionis) repetebant, po-

i) et ex Gron. Crev. c. Drak. 1) Cium Gron.

k) ut Eaed. c. Drak.

U. c. 555. stulabântque praesidia deduci ab Iasso, et Bargyliis, et
 a. C. 197. Euromensium urbe, et in Hellesponto Sesto atque Abydo,
 et Perinthum^{m)} Byzantiis in antiqui formulam iuris re-
 stitui, et liberari omnia Asiae emporia portusque. Achaei
 Corinthum et Argos repetebant. Praetor Aetolorum
 Phaeneas quum eadem fere, quae Romani, ut Graecia
 decederetur, postulasset, redderenturque Aetolis ur-
 bes, quae quondam iuris acⁿ⁾ ditionis eorum fuissent;
 excepit orationem eius princeps Aetolorum Alexander,
 vir, ut inter Aetolos, facundus. *Iam dudum se reticere,*
ait, non quo quidquam agi putet eo conloquio, sed ne quem
sociorum dicentem interpellet. Neque de pace cum fide
Philippum agere, neque bella vera virtute umquam gessis-
se. In conloquiis insidiari et captare: in bello non con-
gredi aequo campo, neque conlatis signis dimicare, sed re-
fugientem incendere ac diripere urbes, et vincentium prae-
mia victum conrumpere. At non sic antiquos Macedonum
reges, sed acie bellare solitos, urbibus parcere, quantum
possent, quo opulentiùs imperium haberent. Nam de quo-
rum possessione dimicetur tollentem, nihil sibi praeter bel-
lum relinquere, quod consilium esse? Plures priore anno
sociorum urbes in Thessalia evastasse Philippum, quam
omnes, qui umquam hostes Thessaliae fuerint. ipsis quo-
que Aetolis eum plura socium, quam hostem, ademisse.
Lysimachiam, pulso praetore et praesidio Aetolorum, oc-
cupasse eum. Cium item suae ditionis urbem funditus
evertisse ac delesse. Eadem fraude habere eum Thebas
Phthias, Echinum, Larissam, et Pharsalum.

XXXIV. Motus oratione Alexandri Philippus
 navem, ut exaudiretur, propius terram adplicuit. Or-
 sum eum dicere, in Aetolos maxime, violenter, Pha-
 neas interfatus, *Non in verbis rem verti,* ait: *aut bello vin-*
cendum, aut melioribus parendum esse. Adparet id qui-
dem, inquit Philippus, *etiam caeco;* iocatus in valetu-
 dinem oculorum Phaeneae. et erat dicacior natura,

m) Panopolim Gron. Crev. c.
 Drak.

n) aut Gron. Crev.

U. c. 555.
a. C. 197.

quam regem decet, et ne inter seria quidem risu satis temperans. Indignari inde coepit, *Aetolos, tamquam Romanos, decedi Graecia iubere: qui, quibus finibus Graecia sit, dicere non possint. Ipsius enim Aetoliae Agraeos, Apodotosque^{o)}, et Amphilochos, quae permagna eorum pars sit, Graeciam non esse. An, quod a sociis eorum non abstinuerim, iustam querelam habent, quum ipsi pro lege hunc antiquitus morem^{p)} servant, ut adversus socios ipsi suos, publica tantum auctoritate demta, iuventutem suam militare sinant, et contrariae persaepe acies in utraque parte Aetolica auxilia habeant? Nec ego Cium expugnavi, sed Prusiam socium et amicum obpugnantem adiuvi: et Lysimachiam ab Thracibus vindicavi. sed, quia me necessitas ad hoc bellum a custodia eius avertit, Thracas habent. Et Aetolis haec. Attalo autem Rhodiisque nihil iure debeo. non enim a me, sed ab illis, principium belli ortum est. Romanorum autem honoris causa, Peraeam Rhodiis, et naves Attalo cum captivis, qui comparebunt, restituiam. Nam quod ad Nicephorium Venerisque templi restitutionem adtinet; quid ea restitui postulanti-
bus respondeam? nisi, quo uno modo luci silvaeque caesae restitui possunt, curam inpensamque sationis me praestaturum: quoniam haec inter se reges postulare et respondere placet. Extrema eius oratio adversus Achaeos fuit: in qua, orsus ab Antigoni primum, suis deinde erga eam gentem meritis, recitari decreta eorum iussit, omnes divinos humanosque honores complexa: atque eis adiecit recens decretum^{q)}, quo ab se descivissent. inventusque graviter in perfidiam eorum, Argos tamen se redditurum eis, dixit. De Corintho cum imperatore Romano deliberaturum esse; quaesiturumque simul ab eo, utrum iis tantum urbibus decedere se aequum censeat, quas a se ipso captas iure belli habeat, an iis etiam, quas a maioribus suis accepisset.*

o) Apodotosque Gron. Crev.
p) hunc morem antiquitus
Eaed.

q) atque ad ea adiecit recens
de exercitu Eaed. c. Drak.

U. c. 555.

a. C. 197.

XXXV. Parantibus Achaeis Aetolisque ad ea respondere, quum prope occasum sol esset, dilato in posterum diem conloquio, Philippus in stationem, ex qua profectus erat, Romani sociique in castra redierunt. Quinctius postero die ad Nicaeam (is enim locus placuerat) ad constitutum tempus venit. Philippus ^{r)} nullus usquam nec nuncius ab eo per aliquot horas veniebat: et iam desperantibus venturum repente adparuerunt naves. Atque ^{s)} ipse quidem, *quum tam gravia et indigna imperarentur, inopem consilii diem se consumsisse deliberando*, aiebat. Vulgo credebatur, de industria rem in serum tractam, ne tempus dari posset Achaeis Aetolisque ad respondendum. et eam opinionem ipse adfirmavit, petendo, ut, submotis aliis, ne tempus altercando tereretur, et aliquis finis rei inponi posset, cum ipso ^{t)} imperatore Romano liceret sibi conloqui. Id primo non acceptum, ne excludi conloquio viderentur socii: deinde, quum haud absisteret petere, ex omnium consilio Romanus imperator cum Ap. Claudio tribuno militum, ceteris submotis, ad extremum litus processit. Rex cum duobus, quos pridie adhibuerat, in terram est egressus. Ibi quum aliquamdiu secreto locuti essent, quae acta ad suos Philippus retulerit, minus compertum est. Quinctius haec retulit ad socios. *Romanis eum cedere tota Illyrici ora, perfugas remittere, ac si quiescent captivi. Attalo naves, et cum iis captos navales socios; Rhodiis regionem, quam Peraeam vocant, reddere: Iasso et Bargyliis non cessurum. Aetolis Pharsalum Larissamque reddere, Thebas non reddere. Achaeis, non Argis modo, sed etiam Corintho cessurum. Nulli omnium placere, partium, quibus cessurus, aut non cessurus esset, destinatio. plus enim amitti in iis, quam adquiri. nec umquam, nisi tota deduxisset Graecia praesidia, causas certaminum defore ^{u)}*.

r) Philippi Gron. Græv. c.
Drak.

s) at Drak.

t) ipso del. Gron.

u) deponere Gron. Græv. c.
Drak.

XXXVI. Quum haec toto ex concilio certatim U. c. 555. omnes vociferarentur, ad Philippum quoque procul a. C. 197. stantem vox est perlata. itaque a Quinctio petit, ut rem totam in posterum diem differret: profecto aut persuasurum se, aut persuaderi sibi passurum. Litus ad Thronium conloquio destinatur. eo mature conventum est: Ibi Philippus primo et Quinctium et omnes, qui aderant, rogare, ne spem pacis turbare vellent. Postremo petere tempus, quo legatos Romam ad senatum mittere posset. *Aut his conditionibus se pacem inpetraturum, aut, quascunque senatus dedisset, leges pacis accepturum.* Id ceteris haudquaquam placebat. nec enim aliud, quam moram et dilationem ad conligendas vires, quaeri. Quinctius, *verum id futurum fuisse, dicere, si aestas et tempus rerum gerendarum esset. nunc, hieme instante, nihil amitti, dato spatio ad legatos mittendos.* Nam neque sine auctoritate senatus quidquam eorum ratum fore, quae cum rege ipsi pepigissent: et explorari (dum bello necessariam quietem ipsa hiems daret) senatus auctoritatem posse. In hanc sententiam et ceteri sociorum principes concesserunt: induciisque datis in duos menses, et ipsos mittere singulos legatos ad edocendum senatum, ne fraude regis caperetur, placuit. Additum induciarum pacto, ut regia praesidia Phocide ac Locride extemplo deducerentur. Et ipse Quinctius cum sociorum legatis Amynandrum Athamanum regem, ut ^{x)} speciem legationi ^{y)} adiiceret, et Q. Fabium ^{z)}, (uxoris Quinctii sororis filius erat) et Q. Fulvium, et Ap. Claudium misit.

XXXVII. Ut ventum Romam est, prius sociorum legati, quam regis, auditi sunt. cetera eorum oratio conviciis regia consumpta est. Moverunt eo maxime senatum, demonstrando maris terrarumque regionis eius situm: ut omnibus adpareret, si Demetriadem in Thessalia, Chalcidem in Euboea, Corinthum in Achaia rex teneret, non posse liberam Graeciam esse: et ipsum

x) utque Gron. Crév.

y) legationis Eaed.

z) adiiceret; Q. Fabium Eaed.

c. Drak.

U. c. 555. Philippum; non contumeliosius, quam verius, compedes
 a. C. 197. eas Graeciae adpellare. Legati deinde regis intromissi,
 quibus, longiorem exorsis orationem, brevis interroga-
 tio, cessurusne iis tribus urbibus esset, sermonem in-
 cidit, quum mandati sibi de his nominatim negarent
 quidquam. sic infecta pace, regii dimissi. Quinctio li-
 berum arbitrium pacis ac belli permissum. Quod^{a)} ut
 satis adparuit, non taedere belli senatum, et ipse, vi-
 ctoriae, quam pacis, avidior, neque conloquium postea
 Philippo dedit, neque legationem aliam, quam quae
 omni Graecia decedi nunciaret, admissurum dixit.

XXXVIII. Philippus, quum acie decernendum
 videret, et undique ad se contrahendas vires, maxime
 de Achaiae urbibus, regionis ab se diversae, et magis
 tamen de Argis, quam de Corintho, sollicitus, optimum
 ratus Nabidi eam Lacedaemoniorum tyranno velut fidu-
 ciariam dare, ut victori sibi restitueret; siquid adversi
 accidisset, ipse haberet, Philocli^{b)}, qui Corintho Ar-
 gisque praeerat, scribit, ut tyrannum ipse conveniret.
 Philocles, praeterquam quod iam veniebat cum mune-
 re, adiicit ad pignus futurae regi cum tyranno amicitiae,
 filias suas regem Nabidis filiis matrimonio coniungere
 velle. Tyrannus primo negare, aliter urbem eam se acce-
 pturum, nisi Argivorum ipsorum decreto arcessitus ad
 auxilium urbis esset. deinde, ut frequenti concione non
 adspersatos modo, sed abominatos etiam nomen tyran-
 ni audivit, caussam se spoliandi eos nactum ratus, tra-
 dere, ubi vellet, urbem, Philoclem iussit. Nocte, igna-
 ris omnibus, acceptus in urbem est tyrannus. prima
 luce occupata omnia superiora loca, portaeque clau-
 sae^{c)} Paucis principum inter primum tumultum ela-
 psis^{d)}, eorum absentium direptae fortunae: praesenti-
 bus aurum atque argentum ablatum: pecuniae impera-

a) quo Gron.

b) haberet. Philocli Gron.

c) occupat superiora omnia
 loca: portaeque clausae

Gron. Crev. c. Drak.

d) tumultum inter primum ela-
 psis Eaed. c. Drak

tae ingentes. qui non cunctanter contulere, sine con- U. c. 555.
tumelia et laceratione corporum sunt dimissi: quos a. C. 197.
occulere aut retrahere aliquid suspicio fuit, in servilem
modum lacerati atque extorti. Concione inde advocata,
rogationes ^{e)} promulgavit; unam de tabulis novis, alte-
ram de agro viritum dividendo; duas faces novantibus
res ad plebem in optimates accendendam.

XXXIX. Postquam in potestate Argivorum civi-
tas erat, nihil eius memor tyrannus; a quo eam ci-
vitatem, et quam in conditionem accepisset, legatos
Elatiam ad Quinctium, et Attalum Aeginae hiber-
nantem mittit, qui nunciarent, *Argos in potestate sua*
esse. eo si veniret Quinctius ad colloquium, non diffi-
dere, sibi omnia cum eo conventura. Quinctius, ut eo
quoque praesidio Philippum nudaret, quum adnuisset
se venturum, mittit ad Attalum, ut ab Aegina Sicyo-
nem sibi obcurreret, ipse ab Anticyra decem quin-
quereimibus, quas iis forte ipsis diebus L. Quinctius
frater eius adduxerat ex hibernis Corcyrae, Sicyonem
transmisit. Iam ibi Attalus erat; qui, quum tyranno
ad Romanum imperatorem, non Romano ad tyrannum;
eundum diceret, in sententiam suam Quinctium tra-
duxit, ne in urbem ipsam Argos iret. Haud procul
urbe Mycenica vocatur. in eo loco ut congregarentur;
convenit. Quinctius cum fratre et tribunis militum
paucis, Attalus cum regio comitatu, Nicostratus Achae-
orum praetor cum auxiliaribus paucis venit. tyrannus
ibi cum omnibus copiis opperientem invenerunt.
progressus armatus cum satellitibus armatis ^{f)} est in
medium fere interiacentis campi: inermis Quinctius
cum fratre et duobus tribunis militum: inermi ^{g)} item
regi praetor Achaeorum et unus ex purpuratis latus
cingebant. Initium sermonis ab excusatione tyranni
ortum, quod armatus ipse armatisque septus, quum in-
ermes Romanum imperatorem regemque cerneret, in con-

e) rogationem Gron. Crev.
c. Drak.

f) armatis del. Gron.

g) inermes Gron. Crev.

U. c. 555. *loquium venisset. neque enim se illos timere, dixit*^{h)},
 a. C. 197. *sed exsules Argivorum. Inde, ubi de conditionibus*
*amicitiae agi coeptum est*ⁱ⁾, Romanus duas postulare
 res: unam, ut bellum cum Achaeis finiret: alteram, ut
 adversus Philippum mitteret secum auxilia. Ea^{k)} se
 missurum dixit. pro pace cum Achaeis, induciae in-
 petratae, donec bellum cum Philippo finiretur.

XL. De Argis quoque disceptatio ab Attalo rege
 est mota^{l)}: quum fraude Philoclis proditam urbem vi
 ab eo teneri argueret; ille, ab ipsis Argivis, ut se de-
 fenderet, adcitum. Concionem Argivorum rex postu-
 labat, ut id sciri posset. Nec tyrannus abnuere: sed,
 deductis ex urbe praesidiis, liberam concionem, non
 inmixtis Lacedaemoniis, declaraturam, quid Argivi
 vellent, praeberi debere dicebat rex. Tyrannus ne-
 gavit deducturum. Haec disceptatio sine exitu fuit.
 De conloquio discessum, sexcentis Cretensibus ab ty-
 ranno datis Romano, induciisque inter Nicostratum
 praetorem Achaeorum et Lacedaemoniorum tyrannum
 in quatuor menses factis. Inde Quinctius Corinthum
 est profectus: et ad portam cum Cretensium cohorte
 accessit, ut Philocli praefecto urbis adpareret, tyran-
 num a Philippo descisse. Philocles et ipse ad impe-
 ratorem Romanum in conloquium venit: hortantique,
 ut extemplo transiret, urbemque traderet, ita respon-
 dit, ut distulisse rem magis, quam negasse, videretur.
 A Corintho Quinctius Anticyram traiecit: inde fra-
 trem ad tentandam Acarnanum gentem misit. Atta-
 lus ab Argis Sicyonem est profectus. Ibi et civitas
 novis honoribus veteres regis honores auxit: et rex
 ad id, quod sacrum Apollinis agrum grandi quondam
 pecunia redemerat eis; tum quoque, ne sine aliqua
 munificentia praeteriret civitatem sociam atque ami-
 cam, decem talenta argenti dono dedit, et decem mil-

h) *dixit* del. Gron. Crev.

i) *coeptum agi est* Eaed. c.
 Drak.

k) *auxilia. Auxilia se mis-*
surum Gron. Crev.

l) *nata* Eaed. c. Drak.

lia medimnum frumenti. atque ita Cenchreas ad naves U. c. 555. rediit. Et Nabis, firmato praesidio Argis, Lacedaemo- a. C. 197. nem regressus, quum ipse viros spoliasset, ad feminas spoliandas uxorem Argos remisit. Ea nunc singulas inlustres, nunc simul plures genere inter se iunctas domum arcessendo, blandiendoque ac minando, non aurum modo iis, sed ^{m)} postremo vestem quoque mundumque omnem muliebre[m] ademit.

m) add. et Gron. Crev.

EPITOME LIBRI XXXIII.

T. Quinctius Flamininus proconsul cum Philippo ad Cynoscephalas in Thessalia acie victo debellavit. L. Quinctius Flamininus, frater proconsulis, Acarnanes, Leucade urbe, quod caput est 1) Acarnanum, expugnata, in deditionem accepit. C. Sempronius Tuditanus praetor a Celtiberis cum exercitu caesus est. Attalus, a Thebis ob subitam valetudinem Pergamum translatus, decessit. Pax petenti Philippo, Graeciae libertas data est. L. Furius Purpureo et Claudius 2) Marcellus consules Boios et Insubres Gallos subegerunt. Marcellus triumphavit. Hannibal, frustra in Africa bellum molitus, et ob hoc Romanis per epistolas adversae factionis principum delatus, propter metum Romanorum, qui legatos ad Karthaginiensium senatum de eo miserant, profugus ad Antiochum regem Syriae se contulit, bellum contra Romanos parantem.

1) est del. Gron. Crev. 2) M. Claudius Crev.

T. LIVII PATAVINI

LIBER XXXIII.

U. c. 555. **H**aec per hiemem gesta. Initio autem veris Quinctius,
a. C. 197. Attalo Elatiam excito, Boeotorum gentem, incertis ad
eam diem animis fluctuantem, ditionis suae facere cu-
piens, profectus per Phocidem, quinque millia ab The-
bis, quod caput est Boeotiae, posuit castra. Inde po-
stero die cum unius signi militibus, et Attalo, lega-
tionibusque, quae frequentes undique convenerant,
pergit ire ad urbem, iussis legionariis ^{a)} hastatis (ea
duo millia militum erant) sequi se, mille passuum in-
tervallo distantes. Ad medium ferme viae Boeotorum
praetor Antiphilus obvius fuit: cetera multitudo emu-
ris adventum imperatoris Romani regisque prospecu-
labatur. rara arma paucique milites circa eos adpare-
bant: hastatos, sequentes procul, amfractus viarum
vallesque interiectae occulebant. Quum iam adpro-
pinquaret urbi, velut obviam egredientem turbam sa-
lutalet, tardius incedebat. Causa erat morae, ut ha-
stati consequerentur. Oppidani, ante lictores ^{b)} turba
acta, insecutum confestim agmen armatorum non ante,
quam ad hospitium imperatoris ventum est, conspe-
xere. Tum, velut prodita dolo Antiphili praetoris
urbe captaque, obstupuerunt omnes. Et adparebat,
nihil liberae consultationis concilio, quod in diem po-
sterum indictum erat Boeotis, relictum esse ^{c)}. Texe-

a) *legionis* Gron. Crev. c.
Drak.

b) *lictorem* Eaed. c. Drak.

c) *esse del.* Eaed. c. Drak.

Ceterum hic locus in Gron.
et Crev. ita est distinctus:
indictum erat, Boeotis re-
lictum.

runt dolorem, quem et nequidquam, et non sine peri-
culo ostendissent.

U. c. 555.
a. C. 197.

II. In concilio Attalus primus verba fecit. Orsus a maiorum suorum suisque, et communibus in omnem Graeciam, et propriis in Boeotorum gentem, meritis, senior ^{d)} iam et infirmior, quam ut contentionem dicendi sustineret, obmutuit et concidit. Et, dum regem auferunt perferuntque parte membrorum captum, paullisper concio intermissa est. Aristaeus inde, Achaeorum praetor, eo cum maiore ^{e)} auctoritate auditus, quod non alia, quam quae Achaeis suaserat, Boeotis suadebat. Pauca ab ipso Quinctio adiecta, fidem magis Romanam, quam arma aut opes, extollente verbis. Rogatio inde, a Plataeensi Dicaearcho lata recitataque, de societate cum Romanis iungenda, nullo contra dicere audente, omnium Boeotiae civitatum suffragiis accipitur iubeturque. Concilio dimisso, Quinctius tantum Thebis moratus, quantum Attali repens casus coegit, postquam non vitae praesens periculum vis morbi attulisse, sed membrorum debilitatem visa est, relicto eo ad curationem necessariam corporis, Elatiam, unde profectus erat, redit; Boeotis quoque, sicut prius Achaeis, ad societatem adscitis, et quando ^{f)} tuta ea pacataque ab tergo relinquebantur, omnibus iam cogitationibus in Philippum, et quod reliquum belli erat, conversis.

III Philippus quoque primo vere, postquam legati ab Roma nihil pacati retulerant, delectum per omnia oppida regni habere instituit, in magna inopia iuniorum. absumserant enim per multas iam aetates continua bella Macedonas: ipso quoque regnante, et ^{g)} navalibus bellis adversus Rhodios Attalumque, et terrestribus adversus Romanos ceciderat magnus numerus. ita et tirones ab sexdecim ^{h)} annis milites scribebat, et emeritis quidam stipendiis, quibus mo-

d) *seguior* Gron. Crev. c. Drak.

e) *maiori* Gron. Crev.

f) *quoniam*, omitta copula,

Gron. et, *quoniam* Crev.

g) *Macedonas, ipso quoque regnante: et Gron.*

h) *decem et sex* Gron. Crev. *sedecim* Drak.

U. c. 555. do quidquam reliqui roboris erat, ad signa revocaban-
 a. C. 197. tur. Ita suppleto exercitu, secundum vernum aequi-
 noctium omnes copias Diu contraxit; ibique stativis
 positis, exercendo quotidie milite, hostem opperieba-
 tur. Et Quinctius per eosdem ferme dies, ab Elatia
 profectus, praeter Thronium et Scarpheam ad Ther-
 mopylas pervenit. Ibi concilium Aetolorum, Hera-
 cleam indictum, tenuit, consultantium quantis auxiliis
 Romanum ad bellum sequerentur. Cognitis sociorum
 decretis, tertio die ab Heraclea Xynias praegressus ⁱ⁾,
 in confinio Aenianum Thessalorumque positis castris,
 Aetolica auxilia opperiebatur. Nihil morati Aetoli
 sunt. Phaenea duce sexcenti pedites ^{k)} cum equiti-
 bus quadringentis venerunt. Ne dubium esset, quid
 exspectasset, confestim Quinctius movit castra. Trans-
 gresso in Phthioticum agrum quingenti Gortynii Cre-
 tensium, duce Cydante ^{l)}, et trecenti Apolloniatae,
 haud dispari armatu, se coniunxere: nec ita multo post
 Amynder cum Athamanum peditum ducentis et
 mille. Philippus, cognita profectione ab Elatia Ro-
 manorum, ut cui de summa rerum adesset certamen,
 adhortandos milites ratus, multa iam saepe memorata
 de maiorum virtutibus, simul de militari laude Mace-
 donum, quum disseruisset, ad ea, quae tum maxime
 animos terrebant, quibusque erigi ad aliquam spem
 poterant, venit.

IV. Acceptae ad Aoum flumen in angustiis cladi
 ter a Macedonum phalange ad Atracem ^{m)} vi pulsos
 Romanos obponebat: *et illic tamen, ubi insessas fauces
 Epiri non tenuissent, primam culpam fuisse eorum, qui
 neglegenter custodias servassent. secundam, in ipso cer-
 tamine, levis armaturae mercenariorumque militum. Ma-
 cedonum vero phalangem et tunc stetisse, et loco aequo*

i) progressus Gron. Crév. c.
 Drak.

k) duo millia peditum Eaed. c.
 Drak.

l) Cydate Gron. Crév.

m) cladi, territa Macedonum
 phalange, ad Atracem Eaed.
 c. Drak.

iustaque pugna semper mansuram invictam. Decem U. c. 555.
 et sex millia militum haec fuere, robur omne virium a. C. 197.
 et regni. Ad hoc duo millia caetratorum, quos pel-
 tastas adpellant, Thracumque et Illyriorum (Trallis
 est nomen ⁿ⁾ genti) par numerus bina millia erant, et
 mixti ex pluribus gentibus mercede conducti auxilia-
 res mille ferme et quingenti ^{o)}, et duo millia equitum.
 Cum iis copiis rex hostem opperiebatur. Romanis
 ferme par numerus erat: equitum ^{p)} copiis tantum, quod
 Aetoli accesserant, superabant.

V. Quinctius ad Thebas Phthioticas castra quum
 movisset, spem nactus per Timonem principem civi-
 tatis prodi urbem, cum paucis equitum levisque arma-
 turae ad muros successit. Ibi adeo frustrata spes est,
 ut non certamen modo cum erumpentibus, sed pericu-
 lum quoque atrox subiret: ni castris exciti repente pe-
 dites equitesque in tempore subvenissent. Et post-
 quam nihil conceptae temere spei succedebat, urbis
 quidem amplius tentandae in praesentia conatu absi-
 stit: ceterum satis gnarus, iam in Thessalia regem esse,
 nondum comperto, quam in regionem venisset, milites
 per agros dimissos vallum caedere et parare iubet.
 Vallo et Macedones et Graeci usi sunt; sed usum nec
 ad commoditatem ferendi, nec ad ipsius munitionis
 firmanentum aptaverunt. Nam et maiores et magis
 ramosas arbores caedebant, quam quas ferre cum armis
 miles posset; et quum castra his ante obiectis sepsis-
 sent, facilis molitio eorum valli erat. nam et quia rari
 stipites magnarum arborum eminebant, multique et
 validi rami praebebant, quod recte manu caperetur,
 duo, aut summum tres iuvenes connisi arborem unam
 evellebant. qua evulsa ^{q)}, portae instar extemplo pate-
 bat, nec in promptu erat, quod obmolirentur. Romanus
 leves et bifurcos plerosque, vel trium ^{r)}, aut, quum

n) nomen est Gron. Crev. c. p) erat, equitum Gron. c. Drak.
 Drak.

o) et quingenti del. Eaed. c. Drak. q) vulsa Gron. Crev.

r) et trium Gron. c. Drak.

U. c. 555. plurimum, quatuor ramorum vallos caedit, ut et sus-
 a. C. 197. pensis ab tergo armis ferat plures simul apte miles;
 et ita densos obfigunt implicantque ramos, ut neque,
 quae cuiusque stipitis palma sit, pervideri possit; et
 adeo acuti, aliusque per alium inmissi radii locum ad
 inserendam manum non relinquunt, ut neque prehen-
 di, quod trahatur, neque trahi, quum inter se innexi
 rami vinculum in vicem praebeant, possit; et, si evul-
 sus forte est unus, nec loci multum aperit, et alium
 reponere perfacile est.

VI. Quinctius postero die, vallum secum ferente
 milite, ut paratus omni loco castris ponendis esset,
 progressus modicum iter, sex ferme millia a Pheris
 quum consedisset, speculatum, in qua parte Thessaliae
 hostis esset, quidve pararet, misit. Circa Larissam
 erat rex, certior ^{s)} iam factus, Romanum ab Thebis
 Pheras movisse. Defungi ^{t)} quam primum et ipse
 certamine cupiens, ducere ad hostem pergit, et quatuor
 millia fere a Pheris posuit castra. Inde postero die
 quum expediti utrimque ad occupandos super urbem
 tumulos processissent, pari ferme intervallo ab iugo,
 quod capiendum erat, quum inter se conspecti essent,
 constiterunt; nuncios in castra remissos, qui, quid sibi,
 quando ^{u)} praeter spem hostis obcurrisset, faciendum
 esset, consulerent, quieti opperientes. Et illo quidem
 die, nullo inito certamine, in castra revocati sunt.
 Postero die circa eosdem tumulos equestre proelium
 fuit: in quo non minimum ^{x)} Aetolorum opera regii
 fugati, atque in castra compulsi sunt. Magnum utris-
 que impedimentum ad rem gerendam fuit ager consi-
 tus crebris arboribus, hortique, ut in suburbanis locis,
 et coartata ^{y)} itinera maceriis, et quibusdam locis in-
 terclusa. Itaque pariter ducibus consilium fuit exce-
 dendi ea regione, et, velut ex praedicto, ambo Sco-

s) qui certior Gron. Crêv. c.
 Drak.

t) movisse, defungi Eaed. c.
 Drak.

u) quum Eaed. c. Drak.

x) minima Gron.

y) coartata Gron. Crêv.

tussam petierunt; Philippus, spe frumentandi inde; U. c. 555.
 Romanus, ut praegressus conrumperet hosti frumen- a. C. 197.
 ta. Per diem totum, quia colles perpetuo iugo inter-
 erant, nullo conspecta inter se loco agmina ierunt.
 Romani ad Eretriam Phthiotici agri, Philippus super
 amnem Onchestum posuit castra. Ne postero quidem
 die, quum Philippus ad Melambium, quod vocant, Sco-
 tussaei agri, Quinctius circa Thetidium Pharsaliae ter-
 rae posuisset castra, aut hi, aut illi, ubi hostis esset,
 satis compertum habuerunt. Tertio die primo nim-
 bus effusus, dein caligo noctissimissima Romanos me-
 tu insidiarum tenuit.

VII. Philippus maturandi itineris caussa, post
 imbrem nubibus in terram demissis nihil deterritus,
 signa ferri iussit. sed tam densa caligo obcaecaverat
 diem, ut neque signiferi viam, nec signa milites cer-
 nerent; agmen ad incertos clamores vagum velut er-
 rore nocturno turbaretur. Supergressi tumulos, qui
 Cynoscephalae vocantur, relicta ibi statione firma pe-
 ditum equitumque, posuerunt castra. Romanus eis-
 dem ad Thetidium castris quum se tenuisset, explora-
 tum tamen, ubi hostis esset, decem turmas equitum et
 mille pedites misit; monitos, ut ab insidiis, quas dies
 obscurus apertis quoque locis tecturus esset, praeca-
 verent. Ubi ventum ad insessos tumulos est, pavore
 mutuo iniecto velut torpentes quieverunt. dein, nun-
 ciis retro in castra ad duces missis, ubi primus terror
 ab necopinato visu consedit, non diutius certamine
 abstinuere. Principio a paucis procurrentibus laces-
 sita pugna est, deinde subsidiis tuentium ²⁾ pulsos
 aucta: in qua quum haudquaquam pares Romani alios
 super alios nuncios ad ducem mitterent, premi sese;
 quingenti equites et duo millia peditum, maxime Ae-
 tolorum, cum duobus tribunis militum propere missa,
 rem inclinatam restituerunt: versaque fortuna, Mace-
 dones laborantes opem regis per nuncios inplorabant.

2) *tuentum* Gron. Crev.

U. c. 555. Sed, ut qui nihil minus illo die propter obfusam ^{a)}
 a. C. 197. caliginem, quam proelium, exspectasset, magna parte
 hominum omnis generis pabulatum missa, aliquandiu
 inops consilii trepidavit: deinde, postquam nuncii in-
 stabant, et iam iuga montium detexerat nebula, et in
 conspectu erant Macedones, in tumultum maxime edi-
 tum inter alios compulsi, loco se magis, quam armis,
 tutantes; committendam rerum summam in discrimen
 utcumque ratus, ne partis indefensae iactura fieret,
 Athenagoram ducem mercede militantium cum omni-
 bus, praeter Thracas, auxiliis, et equitatu Macedonum
 ac ^{b)} Thessalorum mittit. eorum adventu depulsi ab
 iugo Romani non ante restiterunt, quam in planiorem
 vallem perventum est. Ne effusa detruderentur fuga,
 plurimum in Aetolis equitibus praesidii fuit. is longe
 tum optimus eques in Graecia erat: pedite inter fini-
 timos vincebantur.

VIII. Laetior res, quam pro successu pugnae,
 nunciata, quum alii super alios recurrentes ex proe-
 lio clamarent, fugere pavidos Romanos, invitum et
 cunctabundum, et dicentem temere fieri, non locum
 sibi placere, non tempus, perpulit, ut educeret omnes
 copias in aciem. Idem et Romanus, magis necessitate,
 quam occasione pugnae inductus, fecit. dextrum cor-
 nu, elephantis ante signa instructis, in subsidiis reli-
 quit: laevo cum omni levi armatura in hostem vadit;
 simul admonens, *cum iisdem Macedonibus pugnatu-
 ros, quos ad Epiri fauces, montibus fluminibusque septos,
 victa naturali difficultate locorum, expulissent, acieque
 expugnassent: cum iis, quos P. Sulpicii prius ductu
 obsistentes in Eordaeae aditu ^{c)} vicissent. Fama ste-
 tisse, non viribus, Macedoniae regnum. Eam quoque
 famam tandem evanuisse.* Iam perventum ad suos in
 ima valle stantes erat, qui adventu exercitus impera-
 torisque pugnam renovant, inpetuque facto rursus aver-

a) effusam Gron.

b) et Gron. Crev.

c) obsidentes Eordaeae aditum
 Eaed. c. Drak.

tunt hostem. Philippus cum caetratis et cornu dextro peditum, robore Macedonici exercitus, quam phalangem vocabant, propero cursu ad hostem vadit. Nicanori, ex purpuratis uni, ut cum reliquis copiis confestim sequatur, imperat. Primo, ut in iugum evasit, et, iacentibus ibi paucis armis corporibusque hostium, proelium eo loco fuisse, pulsosque inde Romanos, et pugnari prope castra hostium vidit, ingenti gaudio est elatus: mox, refugientibus suis, et terrore verso, paulisper, incertus an in castra reciperet copias, trepidavit: deinde, ut adpropinquabat hostis, et, praeterquam quod caedebantur aversi, nec, nisi defenderentur, servari poterant, ne ^{d)} ipsi quidem in tuto iam receptus erat; coactus, nondum adsecuta parte suorum, periculum summae rerum facere, equites levemque armaturam, qui in proelio fuerant, dextro in cornu locat. caetratos et Macedonum phalangem, hastis positis, quarum longitudo inpedimento erat, gladiis rem gerere iubet. simul, ne facile perrumperetur acies, dimidium de fronte demtum introrsus porrectis ordinibus duplicat, ut longa potius, quam lata, acies esset. simul et densari ordines iussit, ut vir viro, arma armis iungerentur.

IX. Quinctius, his, qui in proelio fuerant, inter signa et ordines acceptis, tuba dat signum. Raro alias tantus clamor dicitur in principio pugnae exortus. nam forte utraque acies simul conclamavere. nec solum qui pugnabant, sed subsidia etiam, quique tum maxime in proelium veniebant. Dextro cornu rex, loci plurimum auxilio, ex iugis altioribus pugnans, vincebat; sinistro, tum quum maxime adpropinquante phalangis parte, quae novissimi agminis fuerat, sine ullo ordine trepidabatur. Media acies, quae propior dextrum cornu erat, stabat spectaculo velut nihil ad se pertinentis pugnae intenta: phalanx, quae venerat, agmen magis, quam acies, aptiorque itineri, quam pugnae, vixdum

d) ac ne Gron. Crev.

U. c. 555. in iugum evaserat. In hos inkompositos Quinctius,
 a. C. 197. quamquam pedem referentes in dextro cornu suos cernebat, elephantis prius in hostem actis. in petum facit; ratus partem profligatam cetera tracturam. Non dubia res fuit. extemplo terga vertere Macedones, terrore primo bestiarum aversi. et ceteri quidem hos pulsos sequebantur: unus e tribunis militum, extemplo capto consilio, cum viginti signorum militibus, relicta ea parte suorum, quae haud dubie vincebat. brevi circuitu dextrum cornu hostium aversum invadit. Nullam aciem ab tergo adortus non turbasset; ceterum ad communem omnium in tali re trepidationem accessit, quod phalanx Macedonum, gravis atque immobilis, nec circumagere se poterat, nec hoc, qui a fronte paullo ante pedem referentes^{e)}, tunc ultro territis instabant, patiebantur. Ad hoc loco etiam premebantur, quia iugum, ex quo pugnaverant, dum per proclive pulsos insequuntur, tradiderant hosti ad terga sua circumducto. Paullisper in medio caesi, deinde, omissis plerique armis, capessunt fugam.

X. Philippus cum paucis peditum equitumque primo tumultum altiore inter ceteros cepit, ut specularetur, quae in laeva parte suorum fortuna esset: deinde, postquam fugam effusam animadvertit, et omnia circa iuga signis atque armis fulgere, tum et ipse acie excessit. Quinctius, quum institisset cedentibus^{f)}, repente quia erigentes hastas Macedonas conspexerat, quidnam pararent incertus, paullisper per novitatem rei^{g)} constituit signa: deinde, ut accepit^{h)} hunc morem esse Macedonum tradentium sese, parcere victis in animum habebat. Ceterum ab ignaris militibus omissam ab hoste pugnam, et quid imperator vellet, in petus in eos est factusⁱ⁾, et primis caesis, ceteri in

e) *nec hoc qui a fronte paulo ante pedem referentes Gron.*

Crev. nec hoc, qui a fronte, paullo ante etc. Drak.

f) *cedentibus institisset Gron. Crev.*

g) *paullisper novitate rei Eaed. c. Drak.*

h) *accipit Gron.*

i) *in eos factus Gron., Crev. in eosdem factus Drak.*

fugam dissipati sunt. Rex effuso cursu Tempe petit. U. c. 555. Ibi ad Gonnos diem unum substitit ad excipiendos, si^a. C. 197. qui proelio superessent. Romani victores in castra hostium spe praedae inruunt: verum ea magna iam ex parte direpta ab Aetolis inveniunt. Caesa eo die octo hostium millia, quinque capta. Ex victoribus septingenti ferme ceciderunt. Si Valerio quis credat, omnium rerum inmodice numerum augenti, quadraginta millia hostium eo die sunt caesa; capta, ubi modestius mendacium est, quinque millia septingenti, signa militaria ducenta novem^k) et quadraginta. Claudius quoque duo et triginta millia hostium caesa scribit, capta quatuor millia et trecentos. Nos non minimo potissimum numero credidimus, sed Polybium secuti sumus, non incertum auctorem quum omnium Romanarum rerum, tum praecipue in Graecia gestarum.

XI. Philippus, conlectis ex fuga, qui, variis casibus pugnae dissipati, vestigia eius secuti fuerant, missisque Larissam ad commentarios regios comburendos, ne in hostium venirent potestatem, in Macedoniam concessit^l). Quinctius, captivis praedaeque venundatis, partim militi concessis, Larissam est profectus, haudum satis gnarus, quam regionem petisset rex, quidve pararet. Caduceatore eo regius venit, specie ut induciae essent, donec tollerentur ad sepulturam, qui in acie cecidissent; re vera ad petendam veniam legis mittendis. Utrumque ab Romano inpetratum. Adiecta etiam^m) illa vox, *bono animo esse regem ut iuberet: quae maxime Aetolos obfendit, iam tumentesⁿ) querentesque, mutatum victoria imperatorem. Ante pugnam omnia magna parvaeque communicare cum sociis solitum: nunc omnium expertes consiliorum esse: suo ipsum arbitrio cuncta agere: cum Philippo iam gratiae privatae locum quaerere; ut dura atque aspera belli Aetoli exhausserint, pacis gratiam et fructum Romanus*

k) unum Gron. Crev. c. Drak.

m) et Eaed. c. Drak.

l) cessit Gron. Crev.

n) tumentes iam Gron. Crev.

U. c. 555. *in se vertat.* Et haud dubie decesserat iis aliquantum
 a. C. 197. honoris. sed, cur neglegerentur, ignorabant. Donis
 regis ^o) inminere credebant invicti ab ea cupiditate
 animi virum: sed et succensebat non inmerito Aeto-
 lis, ob insatiabilem aviditatem praedae, et adrogantiam
 eorum, victoriae gloriam in se rapientium, quae vani-
 tate sua omnium aures obfendebat: et Philippo sublato,
 fractis opibus Macedonici regni, Aetolos habendos
 Graeciae dominos cernebat. Ob eas caussas multa se-
 dulo, ut viliores levioresque apud omnes essent et vi-
 derentur, faciebat.

XII. Induciae quindecim dierum datae hostierant,
 et cum ipso rege constitutum colloquium: cuius prius-
 quam tempus veniret, in consilium advocavit socios.
 Retulit, quas leges pacis placeret dici. Amynder Atha-
 manum rex paucis sententiam absolvit; *ita componendam*
pacem esse, ut Graecia, etiam absentibus Romanis, satis
potens tucudae simul pacis libertatisque esset. Aetolo-
 rum asperior oratio fuit, qui pauca praefati, *recte at-*
que ordine imperatorem Romanum facere, quod, quos belli
socios habuisset, cum iis communicaret pacis consilia.
falli autem eum tota re, si aut Romanis pacem, aut Grae-
ciae libertatem satis firmam se credat relicturum, nisi
Philippo aut occiso, aut regno pulso: quae utraque pro-
clivia esse, si fortuna uti vellet. Ad haec Quinctius
 negare, Aetolos aut moris Romanorum memorem ^p), aut
 sibi ipsis convenientem sententiam dixisse; et illos priori-
 bus omnibus conciliis conloquiisque de conditionibus pacis
 semper, non ut ad internecionem bellaretur, disseruisse, et
 Romanos, praeter vetustissimum morem victis parcendi,
 praecipuum clementiae documentum dedisse, pace Han-
 nibali et Karthaginiensibus data. Omittere se Kartha-
 ginienses. Cum Philippo ipso quoties ventum in conlo-
 quium? nec unquam, ut cederet regno, actum esse?
 An, quia victus in ^q) proelio foret, inexpiabile bellum fa-

o) regis Gron. Crev. c. Drak.

q) in del. Eaed. c. Drak.

p) memores Eaed. c. Drak.

etum? Cum armato hoste infestis animis concurrere debere: U. c. 555. adversus victos mitissimum quemque animum maximum a. C. 197. habere. Libertati Graeciae videri graves Macedonum reges. si regnum gensque tollatur, Thracas, Illyrios, Gallos deinde, gentes feras et indomitas, in Macedoniam se et in Graeciam effusuras. Ne, proxima quaeque amolendo, maioribus gravioribusque aditum ad se facerent. Interfanti deinde Phaeneae praetori Aetolorum, testificantique, si elapsus eo tempore Philippus foret, mox gravius eum rebellaturum, *Desistite tumultuari*, inquit, *ubi consultandum est. Non iis conditionibus inligabitur rex*^r), ut movere bellum possit.

XIII. Hoc dimisso concilio, postero die rex ad fauces, quae ferunt in Tempe, (is datus erat locus colloquio) venit: tertio die datur ei Romanorum ac sociorum frequens concilium. Ibi Philippus perquam prudenter, iis, sine quibus pax inpetrari non poterat, sua potius voluntate omissis, quam^s) altercando extorquerentur, quae priore colloquio aut imperata a Romanis, aut postulata ab sociis essent, omnia se concedere, de ceteris senatui permissurum, dixit. Quamquam vel inimicissimis omnibus praeclusisse vocem videbatur, Phaeneas tamen Aetolus, cunctis tacentibus, *Quid? nobis*, inquit, *Philippe, reddisne tandem Pharsalum, et Larissam Cremasten, et Echinum, et Thebas Phthias?* Quum Philippus nihil morari diceret, quo minus reciperent; disceptatio inter imperatorem Romanum et Aetolos orta est de Thebis: nam, eas populi Romani iure belli factas esse, Quinctius dicebat, quod, integris rebus, exercitu ab se admoto, vocati in amicitiam, quum potestas libera desciscendi ab rege esset, regiam societatem Romanae praeposuisent. Phaeneas, et pro societate belli, quae ante bellum habuissent, restitui Aetolis aequum censebat, et ita in foedere primo cautum esse, ut belli praeda, rerumque, quae ferri agique possent, Romanos; ager urbesque captae Aetolos seque-

r) pax Gron. Crev. c. Drak. s) add. ut Eaed. c. Drak.

U. c. 555. rentur. Vos, inquit, ipsi, Quinctius, *societatis istius leges rupistis, quo tempore, relictis nobis, cum Philippo pacem fecistis: quae si maneret, captarum tamen urbium illa lex foret. Thessaliae civitates sua voluntate in ditionem nostram venerunt.* Haec, cum omnium sociorum adsensu dicta, Aetolis non in praesentia modo gravia auditu, sed mox etiam belli caussae^{t)}, magnarumque ex eo cladum, iis fuerunt. Cum Philippo ita convenit, ut Demetrium filium et quosdam ex amicorum numero obsides, et ducenta talenta daret: de ceteris Romam mitteret legatos. ad eam rem quatuor mensium induciae essent. Si pax non inpetrata a^{u)} senatu foret, obsides pecuniamque reddi Philippo receptum est. Causa Romano imperatori non alia maior fuisse dicitur pacis maturandae, quam quod Antiochum bellum transitumque in Europam moliri constabat.

XIV. Eodem tempore, atque, ut quidam tradidere, eodem die ad Corinthum Achaei ducem regium Androthensem iusto proelio fuderunt. Eam urbem pro arce habiturus Philippus adversus Graeciae civitates, et principes inde evocatos per speciem conloquendi, quantum equitum dare Corinthii ad bellum possent, retinuerat pro obsidibus, et, praeter quingentos Macedonas mixtosque ex omni genere auxiliorum octingentos, quod iam ante ibi fuerat, mille Macedonum eo miserat, et mille ac ducentos Illyrios, Thracasque, et Cretenses, qui in utraque parte militabant, octingentos. His additi Boeoti, Thessalique, et Acarnanes mille, scutati omnes, et ex ipsorum Corinthiorum iuventute, inpleta ut essent sex millia armatorum, fiduciam Androsthene fecerunt acie decernendi. Nicostratus praetor Achaeorum Sicyone erat cum duobus millibus peditum, centum equitibus. sed, inparem se et numero et genere militum cernens, moenibus non excedebat. Regiae copiae peditum equitumque vagae Pellenensem,

t) *mox belli etiam caussae* Gron. u) *ab Eaed. c. Drak.*
Crev. c. Drak.

et Phliasium, et Cleonaeum agrum, depopulabantur. U. c. 555. Postremo, exprobrantes metum hosti, in fines Sicyonio-^{a. C. 197.}rum transcendebant: navibus etiam circumvecti omnem oram Achaiae vastabant. Quum id effusius hostes, et, ut fit ab nimia fiducia, neglegentius etiam facerent, Nicostratus, spem nactus necopinantes eos adgre-
diendi, circa finitimas civitates nuncium occultum mittit; quo die, et quot, ex quaque civitate armati ad Apela-
urum (Stymphaliae terrae is locus est) convenirent. Omnibus ad diem edictam paratis, profectus inde extemplo, per Phliasiorum fines nocte Cleonas, insciis omnibus, quid pararet, pervenit. Erant autem cum eo quinque millia peditum, (ex quibus * armaturae levis) et trecenti equites. Cum iis copiis, dimissis, qui specularentur, quam in partem hostes effunderent sese, opperiebatur ^x).

XV. Androsthene, omnium ignarus, Corintho profectus, ad Nemeam (amnis est Corinthium et Sicyonium interfluens agrum) castra locat. Ibi parte dimidia exercitus dimissa, dimidiam (trifariam divisit) et omnes ^y) equites discurrere ad depopulandos simul Pellenensium ^z) Sicyoniumque agros, et Phliasium, iubet. Haec tria diversa agmina discessere. Quod ubi Cleonas ad Nicostratum perlatum est, extemplo validam mercenariorum manum praemissam ad occupandum saltum, per quem transitus in Corinthium est agrum, ante signa equitibus, ut praegrederentur, locatis, ipse confestim agmine duplici sequitur. Parte una mercenarii milites ibant cum levi armatura, altera clipeati, dein aliarum gentium exercitus robur erat. Iam haud procul castris aberant pedites equitesque, et Thracum quidam in vagos palatosque per agros hostes in-

^x) erant autem cum eo quinque millia peditum, ex quibus armaturae levis, et trecenti equites, cum iis copiis dimissi, qui specularentur, quam in partem hostes effunderent sese, opperiebantur Gron. Crev. c. Drak.

T. Liv. Tom. III.

^y) dimidiam trifariam divisit, et omnes, signis parenthesis omissis, Eaed. c. Drak.
^z) Pellenensem Crev.

U. c. 555. petum fecerant ^{a)}, quum repens terror castris infertur.
 a. C. 197. Trepidare dux, ut qui hostes nusquam, nisi raro in
 collibus ante Sicyonem, non audentes agmen demitte-
 re in campos, vidisset; ad Cleonas quidem accessu-
 ros numquam credidisset. revocari tuba iubet vagos a
 castris dilapsos. Ipse, raptim capere arma iussis militi-
 bus, infrequenti agmine porta egressus, super flumen
 instituit ^{b)} aciem. Ceterae copiae, vix conligi atque in-
 strui quum potuissent, primum hostium inpetum non
 tulerunt. Macedones et maxime omnium frequentes ad
 signa fuerant, et diu ancipitem victoriae spem fecerunt:
 postremo fuga ceterorum nudati, quum duae iam acies
 hostium ex diverso, levis armatura ab latere, clipeati
 caetratique a fronte urgerent; et ipsi, re inclinata, pri-
 mo retulere pedem: deinde impulsus terga vertunt, et
 plerique, abiectis armis, nulla spe castrorum tenendo-
 rum ^{c)} relicta, Corinthum petierunt. Nicostratus, mer-
 cenariis militibus ad hos persequendos, equitibus Thra-
 cumque auxiliis in populatores agri Sicyonii missis,
 magnam utrobique ^{d)} caedem edidit: maiorem prope,
 quam in proelio ipso. Exiis quoque, qui Pellenen Phli-
 untaque depopulati erant, incompositi partim omnium-
 que ignari, ad castra revertentes, in hostium stationes,
 tamquam in suas, inlati sunt; partim ex discursu id,
 quod erat, suspicati, ita se in fugam passim sparse-
 runt ^{e)}, ut ab ipsis agrestibus errantes circumvenirentur.
 Ceciderunt eo die mille et quingenti, capti trecenti.
 Achaia omnis magno liberata metu.

XVI. Priusquam dimicaretur ad Cynoscephalas,
 L. Quinctius, Corcyram excitis Arcananum principibus,
 quae sola Graeciae gentium in societate Macedonum
 manserat, initium ibi ^{f)} quoddam motus fecit. Duae au-
 tem maxime caussae eos tenuerant in amicitia regis;

a) fecerunt Gron. Crev. c.
 Drak.

b) instruit Eaed. c. Drak.

c) tuendorum Gron. Crev.

d) ubique Eaed. c. Drak.

e) sparserant Eaed. c. Drak.

f) quoddam ibi Eaed. c. Drak.

una fides insita genti, altera metus odiumque Aetolo-
rum. Concilium Leucadem indictum est. Eo neque
cuncti convenere Acarnanum populi; nec iis^{g)}, qui
convenerant, idem placuit. sed et principes et magi-
stratus pervicerunt, ut privatum decretum Romanae
societatis fieret. Id omnes, qui abfuerant, aegre passi;
et in hoc fremitu gentis a Philippo missi duo principes
Acarnanum, Androcles et Echedemus, non ad tollen-
dum modo decretum Romanae societatis valuerunt, sed
etiam ut Archelaus et Bianor, principes gentis ambo,
quod auctores eius sententiae fuissent, proditiōis in
concilio damnarentur, et Zeuxidae praetori, quod de ea
re retulisset, imperium abrogaretur. Rem temerariam,
sed eventu prosperam, damnati fecerunt. Suadentibus
namque amicis, cederent tempori, et Corcyram ad Ro-
manos abirent, statuerunt obferre se multitudini, et aut
eo ipso lenire iras, aut pati, quod casus tulisset. Quum
se frequenti concilio intulissent, primo murmur ac fre-
mitus admirantium, silentium mox a verecundia simul
pristinæ dignitatis, ac misericordia praesentis fortunæ
ortum est. Potestate quoque dicendi facta, principio
suppliciter, procedente autem oratione, ubi ad crimina
diluenda ventum est, cum tanta fiducia, quantam inno-
centia dabat, disseruerunt: postremo, ultro aliquid et-
iam queri, et castigare iniquitatem simul in se crudeli-
tatemque ausi, ita adfecerunt animos, ut omnia, quæ in
eos decreta erant, frequentes tollerent: neque eo mi-
nus redeundum in societatem Philippi, abnuendamque
Romanorum amicitiam, censerent.

XVII. Leucade hæc sunt decreta. id caput Acar-
naniæ erat, eoque in concilium omnes populi conveni-
ebant. Itaque, quum hæc repentina mutatio Corcyram
ad legatum Flaminium perlata esset, extemplo cum
classe profectus Leucadem^{h)}, ad Heraeum, quod vo-
cant, naves adplicuit. Inde cum omni genere tormen-
torum machinarumque, quibus expugnantur urbes, ad

g) *ipsis* Gron. Crev. c. Drak. h) *profectus*, *Leucade* Drak.

U. c. 555. muros accessit, ad primum terrorem ratus inclinari ani-
 a. C. 197. mos posse. Postquam pacati nihil ostendebatur, tum
 vineas turresque erigere, et arietem admoveere muris
 coepit. Acarnania universa, inter Aetoliam atque Epi-
 rum posita, solem occidentem et mare Siculum spectat.
 Leucadia nunc insula, vadosoⁱ⁾ freto, quod perfossum
 manu est, ab Acarnania divisa, tum peninsula erat, oc-
 cidentis regione artis faucibus cohaerens Acarnaniae.
 Quingentos ferme passus longae hae^{k)} fauces erant;
 latae haud amplius centum et viginti. in his angustiis
 Leucas posita est, colli adplicata verso in orientem et
 Acarnaniam. Ima urbis plana sunt, iacentia ad mare,
 quo Leucadia ab Acarnania dividitur. Inde terra mari-
 que expugnabilis est. nam et vada sunt stagno similio-
 ra, quam mari: et campus terrenus omnis operique fa-
 cilis. Itaque multis simul locis aut subruti, aut ariete
 decussi ruebant muri. Sed quam urbs ipsa opportuna
 obpugnantibus erat, tam inexpugnabiles hostium ani-
 mi. diem ac noctem^{l)} intenti reficere quassata muri;
 obstruere, quae patefacta ruinis erant; proelia in pigre
 inire, et armis magis muros, quam se ipsos moenibus,
 tutari. diutiusque spe Romanorum obsidionem eam
 extraxissent, ni exsules quidam Italici generis, Leucade
 habitantes, ab arce milites acceperant. eos tamen, ex
 superiore loco magno cum tumultu decurrentes, acie in
 foro instructa, iusto proelio aliquamdiu Leucadii susti-
 nuerunt. Interim et scalis capta multis locis moenia,
 et per stragem lapidum ac ruinas transcendunt in urbem.
 iamque ipse legatus magno agmine circumvenerat pu-
 gnantes. tum^{m)} pars in medio caesi; pars, armis abiectis,
 dediderunt seseⁿ⁾ victori. Et post dies paucos, audito
 proelio, quod ad Cynoscephalas pugnatum erat, omnes
 populi Acarnaniae in deditionem legati venerunt.

XVIII. Iisdem diebus, omnia simul inclinante

i) *et vadoso* Gron. Crev. c. l) *die ac nocte* Eaed. c. Drak.
 Drak. m) *tum* del. Eaed. c. Drak.
 k) *hae* del. Eaed. c. Drak. n) *se* Gron. Crev.

fortuna, Rhodii quoque ad vindicandam a Philippo con- U. c. 555.
 tinentis ^{o)} regionem, (Peraeam vocant) possessam a ^{a.} C. 197.
 maioribus suis, Pausistratum praetorem cum octingen-
 tis Achaeis peditibus, mille et nongentis fere armatis,
 ex vario genere auxiliorum conlectis, miserunt: Galli,
 et Pisuetae, et Nisuetae, et ^{p)} Tamiani, et Arei, ex Afri-
 ca, et Laodicensi ex Asia erant. cum his copiis Pausi-
 stratus Tendeba in Stratonicensi agro locum per oppor-
 tunum, ignaris regiis, qui tenuerant, occupavit. In tem-
 pore et ad id ipsum excitum auxilium, mille Achaei pe-
 dites cum centum equitibus supervenerunt. Theoxe-
 nus iis praeerat. Dinocrates, regius praefectus, recu-
 perandi castelli caussa, primo castra ad ipsa Tendeba
 movit, inde ad alterum castellum, item Stratonicensis
 agri: Astragon vocant. omnibusque ex praesidiis, quae
 multifariam disiecta erant, devocatis, et ab ipsa Strato-
 nicea Thessalorum auxiliaribus, ad ^{q)} Alabanda, ubi ho-
 stes erant, ducere pergit. Nec Rhodii pugnam detracta-
 verunt. ita ^{r)}, castris in propinquum conlatis, exem-
 plo in aciem descensum est. Dinocrates quingentos Ma-
 cedonas dextro cornu, laevo Agrianas locat: in medi-
 um accipit contractos ex castellorum (Cares maxime
 erant) praesidiis: equites cornibus circumdat, et Cre-
 tensium auxiliares Thracumque. Rhodii Achaeos ^{s)}
 dextro cornu, sinistro mercenarios milites, lectam pedi-
 tum manum, habuere; medios mixta ex pluribus gen-
 tibus auxilia: equites levisque armaturae quod erat,
 cornibus circumiectum. Eo die steterunt tantum acies
 utraeque super ripam, qui tenui tum ^{t)} aqua interflue-
 bat, torrentis: paucisque telis emissis, in castra rece-
 perunt sese. Postero die eodem ordine instructi maius
 aliquanto proelium, quam pro numero, edidere, pu-
 gnantium. nec enim plus terna millia peditum fuere,
 et centeni ferme equites: ceterum non numero tantum,

o) *continentem* Gron. Crev. c.
 Drak.

p) *et del.* Gron. Crev.

q) *ad del.* Eaed. c. Drak.

r) *atque* Eaed. c. Drak.

s) *Rhodii cohors* Gron. Crev.

t) *tum del.* Eaed. c. Drak.

U. c. 555. nec armorum genere, sed animis quoque paribus, et ae-
 a. C. 197. qua spe pugnarunt^{u)}. Achaei primi, torrente superato,
 in Agrianas inpetum fecere; deinde tota prope cursu
 transgressa amnem acies est. Diu anceps pugna stetit.
 numero Achaei mille et ipsi quadringentos loco expule-
 re. Inclinato deinde laevo cornu, in dextrum omnes
 connisi. Macedones, usque dum ordine et velut stipata
 phalanx constabat, moveri nequiverunt^{x)}. postquam,
 laevo latere nudato, circumagere^{y)} hastas in venientem
 ex transverso hostem conati sunt, turbati extemplo tu-
 multum primo inter se fecerunt: terga deinde vertunt:
 postremo, abiectis armis, in praecipitem fugam effun-
 duntur. Bargylas^{z)} petentes fugerunt. Eodem et Di-
 nocrates perfugit. Rhodii, quantum diei superfuit se-
 cuti, receperunt sese in castra^{a)}. Satis constat, si con-
 festim victores Stratoniceam petissent, recipi eam ur-
 bem sine certamine potuisse. Praetermissa eius rei oc-
 casio est, dum in castellis vicisque Peraeae recipiendis
 tempus teritur. Interim animi eorum, qui Stratoniceam
 praesidio obtinebant, confirmati sunt. mox et Dino-
 crates cum iis, quae proelio supererant, copiis intravit
 muros. Nequidquam inde obsessa obpugnataque urbs
 est. nec recipi, nisi aliquanto post, per Antiochum po-
 tuit^{b)}. Haec in Thessalia, haec in Achaia, haec in Asia
 per eosdem dies ferme gesta.

XIX. Philippus quum audisset, Dardanos, trans-
 gressos fines ab contemptu concussi^{c)} tum regni, superi-
 ora Macedoniae evastare, quamvis toto prope orbe ter-
 rarum, undique se suosque exigente^{d)} fortuna, urgeba-
 tur, tamen morte tristius ratus, Macedoniae etiam pos-

u) pugnaverunt Gron. Crev.

x) inclinat dein dextrum omne
 cornu. Macedones, usque
 dum ordine et velut stipata
 phalanx consistebat, moveri
 nequiverunt Eaed. c. Drak.

y) circumiacere Eaed. c. Drak.

z) effusi, Bargylas Eaed. c.
 Drak.

a) receperunt sese ad castra
 Gron. Crev. receperunt se
 ad castra Drak.

b) recipi, nisi aliquanto post,
 per Antiochum non potuit
 Gron. Crev. c. Drak.

c) concessi Gron. Crev.

d) profligante Eaed. c. Drak.

sessione pelli, delectu raptim per urbes Macedonum ^{U. c. 555.} habito, cum sex millibus peditum et quingentis equiti- ^{a. C. 197.} bus circa Stobos Paeoniae inproviso hostes obpressit. Magna multitudo hominum in proelio, maior praedandi cupidine palata per agros caesa est. quibus fuga expeditior fuit, ne tentato quidem casu pugnae, in fines suos redierunt. Ea una expeditione non pro reliquo statu fortunae facta, resectis suorum animis, Thessalonicam sese recepit. Non tam in tempore Punicum bellum terminatum erat, ne simul et cum Philippo foret bellandum; quam opportune, iam Antiocho ex Syria movente bellum ^{e)}, Philippus est superatus. nam, praeterquam quod facilius cum singulis, quam si in unum ambo simul contulissent vires, bellatum est; Hispania quoque sub idem tempus magno tumultu ad bellum consurrexit. Antiochus quum, priore aestate omnibus, quae in Coele Syria sunt, civitatibus ex Ptolemaei ditione in suam potestatem redactis ^{f)}, in hiberna Antiochiam concessisset; nihilo quietiora ea ipsis aestivis habuit ^{g)}. omnibus enim regni viribus connisus, quum ingentes copias terrestres maritimasque comparasset, principio veris, praemissis terra cum exercitu filiis duobus, Ardye ^{h)} ac Mithridate, iussisque Sardibus se opperiri, ipse cum classe centum tectarum navium, ad hoc levioribus navigiis cercuris ac lembis ducentis, proficiscitur: simul per omnem oram, Ciliciae, Lyciaeque et Cariae ⁱ⁾ tentaturus urbes, quae in ditione Ptolemaei essent; simul Philippum (necdum enim debellatum erat) exercitu navibusque adiuturus.

XX. Multa egregia Rhodii pro fide erga populum Romanum, proque universo nomine Graecorum, terra marique ausi sunt: nihil magnificentius, quam quod ea tempestate, non territi tanta mole imminenti belli, le-

e) in Syria moliente bellum
Gron. Crev. c. Drak.

f) civitatibus Ptolemaei in suam
potestatem redactis Eaed.
c. Drak.

g) nihilo quietiores postea res
habuit Eaed. c. Drak.

h) Ardye Gron. Crev.

i) Ciliciaeque et Cariae Eaed.
c. Drak.

U. c. 555. gatos ad regem miserunt, ne Chelidonias (promontori-
 a. C. 197. um Ciliciae est, inclitum foedere antiquo Atheniensium
 cum regibus Persarum) superaret. Si eo fine non conti-
 neret classem copiasque suas^k), se obviam ituros; non
 ab odio ullo, sed ne coniungi cum Philippo paterentur,
 et inpedimento esse Romanis liberantibus Graeciam.
 Coracesium eo tempore Antiochus operibus obpugna-
 bat. Zephyrio, et Solis, et Aphrodisiade, et Coryco, et,
 superato Anemurio, (promontorium id quoque Ciliciae
 est) Selinunte recepto, omnibus his aliisque eius orae
 castellis, aut metu, aut voluntate, sine certamine, in de-
 ditionem acceptis, Coracesium praeter spem clausis
 portis tenebat eum. Ibi legati Rhodiorum auditi. et
 quamquam ea legatio erat, quae accendere regium ani-
 mum posset, temperavit irae: et, *legatos se Rhodium*
missurum, respondit, *iisque mandaturum, ut renovarent*
vetusta iura cum ea civitate, sua maiorumque suorum: et
vetarent eos pertimescere adventum^l) regis, nihil^m) aut iis
autⁿ) sociis eorum noxae futurum fraudive. nam, Roma-
norum amicitiam se non violaturum^o), argumento^p) et su-
am recentem ad eos legationem esse, et senatus honorifica
in se decreta responsaque. Tum forte legati redierant p)
 ab Roma, comiter auditi dimissique, ut tempus postula-
 bat, incerto adhuc adversus Philippum eventu belli.
 Quum haec legati regis in concione Rhodiorum agerent,
 nuncius venit, debellatum ad Cynoscephalas esse. Hoc
 nuncio accepto, Rhodii^q), demto metu a Philippo, omi-
 serunt^r) consilium obviam eundi classe Antiocho. Il-
 lam alteram curam non omiserunt, tuendae libertatis
 civitatum sociarum Ptolemaei, quibus bellum ab Anti-

k) miserunt Nephelida, (pro-
 montorium Ciliciae est, in-
 clitum foedere antiquo Athe-
 niensium) si eo non contine-
 ret copias suas Gron. Crev.
 c. Drak.

l) adventum pertimescere Eaed.
 c. Drak.

m) regis. Nihil Gron.

n) nihil his aut Gron. Crev. c.
 Drak.

o) violaturum. Argumento,
 commate post nam omisso,
 Gron.

p) redierunt Gron. Crev.

q) Rhodiis Eaed. c. Drak.

r) Philippo omni, erat Eaed. c.
 Drak.

ocho imminebat. nam alias auxiliis iuverunt, alias pro- U. c. 555.
videndo ac praemonendo conatus hostis: caussa que li- a. C. 197.
bertatis fuerunt Cauniis^{s)}; Myndiis, Halicarnassensi-
bus, Samiisque. Non operae est persequi, ut quaeque
acta in his locis sint, quum ad ea, quae proprie Romani
belli sunt, vix subficiam.

XXI. Eodem tempore et Attalus rex, aeger ab^{t)}
Thebis Pergamum advectus, moritur altero et septua-
gesimo anno; quum quatuor et quadraginta annos re-
gnasset. Huic viro, praeter divitias, nihil ad spem regni
fortuna dederat. his simul prudenter, simul magnifice
utendo, effecit, primum ut sibi, deinde ut aliis non indi-
gnus videretur regno. Victis deinde proelio uno Gallis,
quae tum gens recenti adventu terribilior Asiae erat,
regium adscivit nomen, cuius magnitudini semper ani-
mum aequavit. Summa iustitia suos rexit: unicam fi-
dem sociis praestitit: comis uxori ac liberis, quos su-
perstites habuit^{u)}; mitis ac munificus amicis fuit: re-
gnum adeo stabile ac firmum reliquit, ut ad tertiam stir-
pem possessio eius descenderit. Quum hic^{x)} status re-
rum in Asia, Graeciaque, et Macedonia esset, vixdum
terminato cum Philippo bello, pace certe nondum per-
petrata, ingens in Hispania ulteriore coortum est bel-
lum. M. Helvius eam provinciam obtinebat. Is literis
senatum certiore fecit, *Colcham^{y)} et Luscinum regulos
in armis esse: cum^{z)} Colcha decem et septem oppida, cum
Luscino validas urbes, Carmonem et Bardonem: in mari-
tima ora Malacinos, Sexetanosque, Baeturiam omnem^{a)},
et quae nondum animos nudaverunt^{b)}*, ad finitimorum

s) Cauneiis Gron. Crev.

t) ab del. Eaed. c. Drak.

u) praestitit: uxorem ac libe-
ros quatuor superstites ha-
buit Eaed. c. Drak.

x) is Eaed. c. Drak.

y) Colcam et paulo post Colca
Eaed. c. Drak.

z) esse. Cum Gron. c. Drak.

a) Cardonem et Bardonem; et
maritinam oram omnem
Gron. Crev. c. Drak. In
Gron. nomini Bardonem
comma subiectum est.

b) quae nondum animos nuda-
verat, omisso et, Eaed. c.
Drak.

U. c. 555. *motus consurrectura* ^{c)}. His literis a M. ^{d)} Sergio praetore, cuius iurisdictio inter cives erat, recitatis, decreverunt Patres, ut, comitiis praetorum perfectis, cui praetori provincia Hispania obvenisset, is primo quoque tempore de bello Hispaniae ad senatum referret.

XXII. Sub idem tempus consules Romam venerunt. quibus in aede Bellonae senatum habentibus, postulantibusque triumphum ob res prospere bello gestas, C. Atinius Labeo et C. Afranius ^{e)} tribuni plebis, ut separatim de triumpho agerent consules, postularunt. *communem se relationem de ea res fieri non passuros, ne per honos in dispari merito esset.* Quum Q. Minucius ^{f)} utrique provinciam Italiam obtigisse diceret, communi animo consilioque se et collegam res gessisse, et C. Cornelius ^{g)} adiiceret, Boios adversus se transgredientes Padum, ut Insubribus Cenomanisque auxilio essent, depopulante vicos eorum atque agros collega, ad sua tuenda aversos esse; tribuni *res tantas bello gessisse C. ^{h)} Cornelium fateri, ut non magis de triumpho eius, quam de honore Diis immortalibus habendo dubitari possit ⁱ⁾.* Non tamen nec illum, nec quemquam alium civem tantum gratia atque opibus valuisse, ut, quum sibi meritum triumphum ^{k)} inpetrasset, collegae eundem honorem inmeritum ^{l)} impudenter petenti daret. Q. Minucium in Liguribus levia proelia, vix digna dictu, fecisse: in Gallia magnum numerum militum amisisse. Nominabant etiam tribunos militum T. Juventium, et Cn. Ligurium legionis quartae ^{m)}, qui adversa pugna cum multis aliis viris fortibus, civibus ac sociis, cecidissent. *Oppidorum paucorum ac vicorum falsas, et in tempus simulatas, sine ullo*

c) *consurrecturam* Gron. Crev. c. Drak.

d) *M.* Gron. Crev. [In Crev. min. *M.* legitur.]

e) *Ursanius* Eaed. c. Drak.

f) *quumque Minucius* Eaed. c. Drak.

g) *gessisse; Cornelius* Eaed. c. Drak.

h) C. del. Eaed. c. Drak.

i) *posset* Gron. Crev.

k) *sibi met triumphum* Eaed. c. Drak.

l) *inmeritum* del. Eaed. c. Drak.

m) *et C. Labeonem eius fratrem* Eaed. c. Drak. In Gron. et Crev. Cn. pro C. legitur.

pignore deditiones factas esse. Hae inter consules tribu- U. c. 555.
nosque altercationes biduum tenuerunt, victique per- ^{u.} C. 197.
severantia tribunorum consules separatim retulerunt.

XXIII. C. ⁿ⁾ Cornelio omnium consensu decre-
tus triumphus. et Placentini Cremonensesque addide-
runt favorem consuli, gratias agentes commemorantes-
que, obsidione se esse ab eo liberatos. plerosque etiam,
quum apud hostes essent, servitute exemptos ^{o)}. Q. Mi-
nucius, tentata tantum relatione, quum adversum om-
nem senatum videret, in monte Albano se triumpha-
turum, et iure imperii consularis, et multorum clarorum
virorum exemplo, dixit. C. ^{p)} Cornelius de Insubribus
Cenomanisque in magistratu triumphavit. multa signa
militaria tulit, multa Gallica spolia captivis carpentis
transvexit: multi nobiles Galli ante currum traducti;
inter quos, quidam, Hamilcarem ducem Poenorum fu-
isse, auctores sunt. Ceterum magis in se convertit
oculos Cremonensium Placentinorumque colonum
turba pileatorum, currum sequentium. Tulit in trium-
pho ducenta triginta septem millia et ^{q)} quingentos ae-
ris, argenti bigati septuaginta novem millia. septuage-
nos aeris militibus divisit: duplex equiti centurioni-
que ^{r)}. Q. Minucius consul de Liguribus Boiisque Gallis
in monte Albano triumphavit. is triumphus, ut loco, et
fama rerum gestarum, et quod sumtum non erogatum
ex aerario omnes sciebant, inhonoratior fuit: ita signis,
carpentisque, et spoliis ferme aequabat. Pecuniae et-
iam prope par summa fuit: aeris translata ducenta et
quingenta quatuor millia, argenti bigati quinquagin-
ta tria millia et ducenti. militibus centurionibusque et
equitibus idem ^{s)} in singulos datum, quod dederat col-
lega.

XXIV. Secundum triumphum consularia comitia

n) Cn. Gron.

o) exceptos Gron. Crev. c.
Drak.

p) Cn. Gron.

q) et del. Gron. Crev. c. Drak.

r) duplex equiti, triplex centu-
rioni Eaed. c. Drak.

s) item Eaed. c. Drak.

U. c. 555. *habita. creati consules L. Furius Purpureo et M. Claudius Marcellus. Praetores postero die facti, Q. Fabius Buteo, Ti. Sempronius Longus, Q. Minucius Thermus, M. Acilius Glabrio, L. Apustius Fullo, C. Laelius.*
 a. C. 197. *Exitu eius anni literae a T. Quinctio venerunt, se signis conlatis cum rege Philippo in Thessalia pugnasse: hostium exercitum fusum fugatumque. Haec literae prius in senatu a Sergio praetore, deinde ex auctoritate Patrum in concione sunt recitatae. Ob res prospere gestas in dies quinque supplicationes decretae. Brevi post legati et a T. Quinctio et ab rege Philippo^{t)} venerunt. Macedones deducti extra urbem in villam publicam; ibique iis locus et lautia praebita: et ad aedem Bellonae senatus est datus^{u)}. Ibi^{x)} haud multa verba facta, quum Macedones, quodcunque^{y)} senatus censuisset, id regem facturum esse, dicerent. Decem legati more maiorum, quorum ex consilio T. Quinctius imperator leges pacis Philippo daret, decreti; adiectumque, ut in eo numero legatorum P. Sulpicius et P. Villius essent, qui consules provinciam Macedoniam obtinuissent. Cosanis eo die postulantibus, ut sibi colonorum numerus augeretur, mille adscribi iussi: dum ne quis in eorum numero esset, qui post P. Cornelium et Ti. Sempronium consules hostis fuisset.*

XXV. Ludi Romani eo anno in circo scenaeque ab aedilibus curulibus, P. Cornelio Scipione et Cn. Manlio Vulstone, et magnificentius, quam alias, facti, et laetius propter res bello bene gestas spectati, totique ter instaurati: plebei septies instaurati. M. ^{z)} Acilius Glabrio et ^{a)} C. Laelius eos ludos fecerunt: et ex ^{b)} argento multatio tria signa aenea, Cereri, Liberoque, et Liberae, posuerunt. L. Furius et M. Claudius Marcellus,

U. c. 556. *consulatu inito, quum de provinciis ageretur, et Italiam*
 a. C. 196.

t) *Philippo* del. Gron. Crev. c. Drak.

u) *habitus* Eaed. c. Drak.

x) *ibi* del. Eaed. c. Drak.

y) *quaecumque* Eaed. c. Drak.

z) *MP.* del. Eaed. c. Drak.

a) *et* del. Eaed. c. Drak.

b) *fecerunt. Ex* Eaed. c. Drak.

utrique provinciam senatus decerneret, ut Macedoni- U. c. 556.
am cum Italia sortirentur, tendebant^{c)}). Marcellus, pro- a. C. 196.
vinciae cupidior, pacem simulatam ac fallacem dicendo,
et rebellaturum, si exercitus inde deportatus esset, re-
gem, dubios sententiae Patres fecerat. Et forsitan obti-
nuissent consules, ni Q. Marcius Rex et C. Atinius La-
beo, tribuni plebis, se intercessuros dixissent: ni prius
ipsi ad plebem tulissent, vellent iuberentne cum rege
Philippo pacem esse. Ea rogatio in Capitolio ad plebem
lata est. omnes quinque et triginta tribus, uti rogatae,
iusserunt. Et quo magis pacem ratam esse in Macedonia
vulgo laetarentur, tristis ex Hispania nuncius adlatus
effecit, vulgataeque literae, *C. Sempronium Tuditanum*
proconsulem in citeriore Hispania proelio victum: exer-
citum eius fustum fugatumque, et multos^{d)} inlustres viros
in acie cecidisse. Tuditanum, cum gravi vulnere rela-
tum^{e)} ex proelio, haud ita multo post exspirasse. Consuli-
bus ambobus Italia provincia cum his legionibus, quas
superiores consules habuissent, decreta, et ut quatuor
legiones novas scriberent: duas urbanas^{f)}, duas, quae,
quo senatus censuisset, mitterentur. et T. Quinctius
Flamininus cum duabus legionibus provinciam eodem
exercitu obtinere iussus: imperium ei prorogatum sa-
tis iam ante videri esse^{g)}).

XXVI. Praetores deinde provincias sortiti, L.
Apustius Fullo urbanam iurisdictionem, M'. Acilius
Glabrio inter cives et peregrinos, Q. Fabius Buteo Hi-
spaniam ulteriorem, Q. Minucius Thermus citeriorem,
C. Laelius Siciliam, Ti. Sempronius Longus Sardiniam.
Q. Fabio Buteoni et Q. Minucio, quibus Hispaniae
provinciae evenerant, consules legiones singulas ex
quatuor ab se scriptis, quas videretur, uti darent, decre-
tum est; et^{h)}) socium ac nominis Latini quaterna mil-

c) petebant Gron. Crev. c.
Drak.

d) multos del. Eaed. c. Drak.

e) latum Eaed. c. Drak.

f) duas urbanas del. Eaed. c.
Drak.

g) esse del. Gron. Crev.

h) et del. Eaed. c. Drak.

U. c. 556. lia peditum, trecenos equites: iique^{l)} primo quoque
 a. C. 196. tempore in provincias ire iussi. Bellum in Hispania
 quinto post anno exortum est, quam simul cum Punico
 bello fuerat finitum. Priusquam hi praetores ad bellum
 prope novum, quia tum primum suo nomine, sine ullo^{k)}
 Punico exercitu aut duce, ad arma ierant, proficisceren-
 tur, aut ipsi consules ab urbe moverent; procurare, ut
 adsolet, prodigia, quae nunciabantur, iussi. P. Villius
 eques Romanus^{l)}, in Sabinos proficiscens, fulmine ipse
 equusque exanimati fuerant: aedes Feroniae in Cape-
 nate de coelo tacta erat: ad Monetae duarum hastarum
 spicula arserant: lupus, Esquilina porta ingressus, fre-
 quentissima parte urbis, quum in forum decucurris-
 set^{m)}, Tusco vico atque inde Germalumⁿ⁾, per portam
 Capenam prope intactus evaserat. Haec prodigia maio-
 ribus hostiis sunt procurata.

XXXVII. Iisdem diebus Cn. Cornelius Lentulus,
 qui ante Sempronium Tuditanum citeriorem Hispaniam
 obtinuerat, ovans ex senatusconsulto urbem est ingres-
 sus^{o)}. tulit prae se auri mille et quingenta quindecim
 pondo, argenti viginti millia, signati denarios^{p)} trigin-
 ta quatuor millia, et quingentos^{q)}. L. Stertinius ex ul-
 teriore Hispania, ne tentata quidem triumphi spe, quin-
 quaginta millia pondo argenti in aerarium intulit^{r)}: et
 de manubiis duos fornices in foro Boario ante Fortunae
 aedem et matris Matutae, unum in maximo circo fecit:
 et his fornicibus signa aurata inposuit. Haec per hie-
 mem ferme acta. Hibernabāt eo tempore Elatiae T.
 Quinctius^{s)}, a quo quum multa socii peterent, Boeoti
 petierunt inpetraveruntque, ut hi, qui suae gentis mili-

i) *hique* Gron. Crev. c. Drak.

ovans urbem esset ingressus

k) *nullo*, omisso vocabulo *si-*
ne, Eaed. c. Drak.

Gron. Crev.

p) *denarium* Eaed.

l) *L. Iulius Sequestri* Eaed. c.
 Drak.

q) *add. quinquaginta* Eaed. c.
 Drak.

m) *decucurisset* Eaed. c. Drak.

r) *tulit* Eaed. c. Drak.

n) *inde Melio* Gron. Crev.
Intemelio Drak.

s) *Athenis Quinctius* Eaed. c.
 Drak.

o) *quum ex senatusconsulto*

tassent apud Philippum, sibi restituerentur. id a Quintio facile inpetratum; non quia satis dignos eos esse credebat, sed quia, Antiocho rege iam suspecto, favor conciliandus nomini Romano apud civitates erat. Restitutis, confestim adparuit, quam nulla inita apud Boeotos gratia esset. nam et ad Philippum legatos ^{t)} gratias agentes ei ^{u)} pro redditis hominibus, perinde atque ab ipso iis et non a Quintio et Romanis id datum esset ^{x)}, miserunt: et comitiis proximis Boeotarchen nullam aliam ob causam Brachyllam quemdam, quam quod praefectus Boeotorum apud regem militantium fuisset, fecerunt; praeteritis Zeuxippo, et Pisistrato, aliisque, qui Romanae societatis auctores fuerant. Id aegre et in praesentia hi passi, et in futurum etiam metum ceperunt, quum ad portas prope sedente exercitu Romano ea fierent, quidnam se futurum esset, profectis in Italiam Romanis; Philippo ex propinquo socios adiuvante, et infesto his, qui partis adversae fuissent.

XXVIII. Dum Romana arma in propinquo ^{y)} habebant, tollere Brachyllam, principem fautorum regis, statuerunt. et tempore ad eam rem capto, quum in publico epulatus reverteretur domum temulentus, prosequentibus mollibus viris, qui ioci causa convivio celebri interfuerant; ab sex armatis, quorum tres Italici, tres Aetolici ^{z)} erant, circumventus occiditur. Fuga comitum et quiritatio facta, et tumultus tota urbe discurrentium cum luminibus. percussores proxima porta evaserunt. Luce prima concio frequens, velut ex ante indicto, aut voce ^{a)} praeconis convocata in theatro erat. Palam ab suo comitatu et obscoenis illis viris fremebant interfectum: animis autem Zeuxippum auctorem destinabant caedis. In praesentia placuit comprehendi

t) legatos del. Gron. Crev. c. Drak.

u) ei del. Eaed. c. Drak.

x) perinde atque ipsi id a Quintio et Romanis datum esset Eaed. c. Drak.

y) arma propinqua Eaed. c. c. Drak.

z) Aetoli Gron. Crev.

a) velut exstante indicio, ad vocem Eaed. c. Drak.

U. c. 556. eos, qui simul fuissent, quaestionemque ex his haberi.
 a. C. 196. qui dum quaeruntur, Zeuxippus et constanti^{h)} animo
 avertendi ab se criminis caussa in concionem progres-
 sus, errare ait homines, qui tam atrocem caedem perti-
 nere ad illos semiviros crederent; multaque in eam
 partem probabiliter argumentatur^{c)}, quibus fidem apud
 quosdam fecit, numquam, si sibi^{d)} conscius esset, obla-
 turum se multitudini, mentionemve eius^{e)} caedis, nullo
 lacescente, facturum fuisse. Alii non dubitare, inpu-
 denter obviam eundo crimini^{f)} suspicionem averti.
 Torti post paullo insontes, quum scirent ipsi nihil, opi-
 nione omnium pro indicio usi^{g)}, Zeuxippum et Pisi-
 stratum nominaverunt: nullo adiecto, cur scire quid-
 quam viderentur, argumento. Zeuxippus tamen cum
 Stratonida quodam nocte perfugit Tanagram, suam ma-
 gis conscientiam, quam indicium hominum nullius rei
 consciorum, metuens. Pisistratus, spretis indicibus,
 Thebis mansit. Servus erat Zeuxippo, totius internun-
 cius et minister rei; quem indicem Pisistratus timens,
 eo ipso timore ad indicium protraxit. Literas ad Zeu-
 xippum mittit, *servum conscium tolleret. Non tam ido-
 neum ad celandam rem eum videri sibi, quam ad agendam
 fuerit.* Has qui tulit literas, iussus^{h)} Zeuxippo dare
 quam primum. is, quia non statimⁱ⁾ conveniendi eius
 copia fuit, ipsi illi servo, quem ex omnibus domino fi-
 dissimum credebat, tradit: et adiicit^{k)}, a Pisistrato de
 re magnopere pertinente ad Zeuxippum esse. Consci-
 entia ictus, quum extemplo traditurum eas adfirmasset,
 aperit, perlectisque^{l)} literis, pavidus Thebas refugit,
 et ad magistratus indicium defert^{m)}. Et Zeuxippus qui-

b) Zeuxippus, consimili Gron.
 Grev. c. Drak.

c) argumentatus Eaed. c.
 Drak.

d) sibi del. Eaed. c. Drak.

e) eius del. Eaed. c. Drak.

f) obviam eundo inpu-
 denter criminis Eaed. c. Drak.

g) quum scirent ipsi opinionem
 omnium, ea pro indicio usi

Eaed. c. Drak.

h) iussit Eaed. c. Drak.

i) sibi Eaed. c. Drak.

k) tradidit: et adiicit Eaed.
 c. Drak.

l) aperit. Perlectis Eaed. c.
 Drak.

m) et ad magistratus indicium
 defert del. Eaed. c. Drak.

dem, fuga servi motus, Anthedonem ^{u)}, tutiorem exsilio locum ratus, concessit: de Pisistrato. aliisque ^{o)} quaestiones tormentis habitae, et sumtum supplicium est. U. o. 556.
a. C. 196.

XXIX. Efferavit ea caedes Thebanos Boeotosque omnes ad execrabile odium Romanorum; credentes, non sine consilio imperatoris Romani ^{p)} Zeuxippum principem gentis id facinus conscisse. ad rebellandum neque vires, neque ducem habebant. Proximum bello quod erat, in latrocinium versi, alios in hospitibus ^{q)}, alios vagos per hiberna milites, ad varios commēantes usus, excipiebant. quidam in ipsis itineribus, ad notas latebras ab ^{r)} insidiantibus, pars in deserta per fraudem deversoria ^{s)} deducti ^{t)} obprimebantur. postremo non tantum ab ^{u)} odio, sed etiam aviditate praedae, facinora fiebant ^{x)}: quia, negotiandi ferme causa argentum in zona habentes, in comitatibus erant. Quum primo pauci, deinde ^{y)} in dies plures desiderarentur, infamis esse Boeotia omnis coepit: et timidius, quam in hostico, egredi castris miles. Tum Quinctius legatos ad querendum ^{z)} de latrocinis per civitates mittit. Plurimae caedes circa Copaidem paludem inventae ^{a)}: ibi ex limo eruta extractaque ex stagno cadavera, saxi aut amphoris, ut pondere traherentur in profundum, adnexa. multa facinora Acraephaiae et Coroneae facta inveniebantur. Quinctius primo noxios tradi sibi iussit, et pro quingentis militibus (tot enim intercepti erant) quingenta talenta Boeotos conferre. Quorum neutrum quum fieret,

n) Athenas Gron. Crev. c. Drak.

o) concessit. De Pisistrato ali-
quae Eaed. c. Drak.

p) credentes, non sine consilio
imperatoris Romani del.
Eaed. c. Drak.

q) alios hospites Eaed. c.
Drak.

r) ab del. Eaed. c. Drak.

s) diversoria Gron. Crev.

t) devecti deductique Eaed. c.
Drak.

u) ab del. Eaed. c. Drak.

x) ea facinora faciebant Eaed.
c. Drak.

y) dem Gron. Crev.

z) quaerendum Gron.

a) plurimi pedites circa Cop-
idem paludem inventi Gron.
Crev. c. Drak.

U. c. 556. verbis tantum civitates excusarent, nihil publico consi-
 a. C. 196. lio factum esse; missis Athenas et in Achaiam legatis,
 qui testarentur socios^{b)}, iusto pioque bello se persecu-
 turum Boeotos, et cum parte copiarum Ap.^{c)} Claudio
 Acraephiam ire iusso, ipse^{d)} cum parte Coroneam cir-
 cumsedit^{e)}: evastatis prius agris, qua^{f)} ab Elatia duo
 diversa agmina iere. Hac perculsi clade Boeoti, quum
 omnia terrore ac fuga completa essent^{g)}, legatos mit-
 tunt. qui quum in castra non admitterentur, Achaei
 Atheniensesque supervenerunt. Plus auctoritatis
 Achaei habuerunt, deprecantes: quia^{h)}, ni inpetrassent
 pacem Boeotis, bellum simul gerere decreverantⁱ⁾. Per
 Achaeos et^{k)} Boeotis copia adeundi adloquendique Ro-
 manum facta est, inssisque tradere noxios, et multae
 nomine triginta talenta conferre, pax data, et ab obpu-
 gnatione recessum.

XXX. Post paucos dies decem legati ab Roma ve-
 nerunt, quorum ex consilio pax data Philippo in has le-
 ges est: *ut omnes*^{l)} *Graecorum civitates, quae in Euro-*
pa, quaeque in Asia essent, libertatem ac suas leges habe-
rent. quae earum sub ditione Philippi fuissent, praesidia
ex his Philippus deduceret, vacuasque traderet Romanis
ante Isthmiorum tempus. Deduceret et ex his^{m)}, *quae in*
*Asia essent, Euromo, Pedasisque*ⁿ⁾, *et Bargyliis, et las-*
so, et Myrina, et Abydo, et Thaso^{o)}, *et Perintho: eas quo-*
que enim placere liberas esse. De Cianorum libertate,
Quinctium^{p)} *Prusiae Bithynorum regi scribere*^{q)}, *quid*
senatui et decem legatis placuisset. Captivos transfugas-
que reddere Philippum Romanis, et naves omnes tectas

b) sociis Gron. Crev. c. Drak.

c) P. Eaed. c. Drak.

d) ipse del. Eaed. c. Drak.

e) circumsegit Eaed. c. Drak.

f) quam Drak.

g) complerent Gron. Crev. c.

h) ac Eaed. c. Drak.

i) decreverant Eaed. c. Drak.

k) et del. Gron. Crev.

l) est. Omnes Eaed. c. Drak.

m) deduceret: his, omissis ver-
 bis: vacuasque traderet Ro-
 manis ante Isthmiorum tem-
 pus. Deduceret et ex, Eaed.

c. Drak.

n) Pedasisque Gron.

o) Thasso Gron. Crev.

p) Quinctius Eaed. c. Drak.

q) scriberet Eaed. c. Drak.

tradere, praeter quinque^{r)}) et regiam unam inhabilis prope U. c. 556;
 magnitudinis, quam sexdecim versus remorum agebant. a. C. 196.
 Ne plus quinque millia^{s)}) armatorum haberet, neve ele-
 phantum ullum. Bellum extra Macedoniae fines ne inius-
 su senatus gereret. Mille talentum daret populo Romano:
 dimidium praeseus, dimidium pensionibus decem anno-
 rum. Valerius Antias, quaternum millium pondo ar-
 genti vectigal in decem annos inpositum regi tradit:
 Claudius in annos triginta^{t)}) quaterna millia pondo, et
 ducenta, praeseus viginti millia pondo. idem nomina-
 tim adiectum scribit, ne cum Eumene, Attali filio, (no-
 vus is tum rex erat) bellum gereret. In haec obsides ac-
 cepti, inter quos Demetrius Philippi filius. Adicit Va-
 lerius Antias, Attalo absentem Aeginam insulam ele-
 phantosque dono datos, et Rhodiis Stratoniceam, Cari-
 aequae^{u)}) alias urbes, quas Philippus tenuisset: Athe-
 niensibus insulas datas, Parum^{x)}), Imbrum, Delum,
 Scyrum.

XXXI. Omnibus Graeciae civitatibus hanc pa-
 cem adprobantibus, soli Aetoli^{y)}) decretum decem le-
 gatorum clam mussantes carpebant. *litteras inanes vana
 specie libertatis adumbratas esse. Cur enim alias Roma-
 nis tradi urbes, ne nominari eas, alias nominari, et sine
 traditione iuberi liberas esse? nisi quid^{z)}), quae in Asia
 sint, liberentur, longinquitate ipsa tutiores: quae in Grae-
 cia sint, ne nominatae quidem^{a)}) intercipientur, Corin-
 thum, et Chalcis, et Oreum, cum Eretria et Demetriade.
 Nec tota ex vano criminatio erat. dubitabatur enim de
 Corintho, et^{b)}) Chalcide, et Demetriade, quia in sena-
 tus consulto, quo missi decem legati ab urbe erant, cete-
 rae Graeciae atque Asiae urbes^{q)}) haud dubie liberaban-*

r) tradere, quin Gron. Crev.
 c. Drak.

s) ne plus quingentis Eaed. c.
 Drak.

t) annos, triginta, ommissis ver-
 bis: inpositum regi tradit:
 Claudius in annos, Eaed. c.
 Drak.

u) Caria atque Eaed. c. Drak.

x) Paron Eaed. c. Drak.

y) add. id Eaed. c. Drak.

z) ut Eaed. c. Drak.

a) quidem del. Eaed. c. Drak.

b) add. de Eaed. c. Drak.

c) urbes del. Eaed. c. Drak.

U. c. 556. tur: de his tribus urbibus legati, quod tempora reipu-
 a. C. 196. blicae postulassent, id e republica fideque sua facere
 ac ^{d)} statuere iussi erant. Antiochus rex erat, quem
 transgressurum in Europam, quum primum ei vires ^{e)}
 suae satis ^{f)} placuissent, non dubitabant. eitam oppor-
 tunas ad occupandum patere urbes volebant. Ab Ela-
 tia profectus Quinctius ^{g)} Anticyram cum decem lega-
 tis, inde Corinthum traiecit. ibi consilia de libertate
 Graeciae dies prope totos in concilio ^{h)} decem legato-
 rum tractabantur. Idemtidem Quinctius, *liberandam*
omnem Graeciam, si Aetolorum linguas, retundere, si ve-
ram caritatem, maiestatem, apud omnes nominis Romani
vellent esse: si fidem facere, ad liberandam Graeciam,
non ad transferendum a Philippo ad se imperium, sese^{l)}
mare traieciisse. Nihil contra ea de libertate urbium alii
 dicebant. ceterum ipsis tutius esse, manere paullisper sub
 tutela praesidii Romani, quam pro Philippo Antiochum
 dominum accipi. Postremo ita decretum est: *Corinthus*
redderetur Achaeis, ut in Acrocorintho tamen praesidi-
um esset: Chalcidem ac Demetriadem retineri, donec ou-
ra de Antiocho decessisset.

XXXII. Isthmiorum statum ludicrum aderat;
 semper quidem et alias frequens, quum propter specta-
 culi studium insitum genti, quo certamina omnis gene-
 ris artium, viriumque, et ^{k)} pernicitatis visuntur; tum
 quia propter opportunitatem loci, per duo diversa ma-
 ria omnium rerum usus ministrantis, humano generi
 concilium, Asiae Graeciaeque is mercatus erat. Tum
 vero non ad solitos modo usus undique convenerant,
 sed exspectatione erecti ^{l)}, qui deinde status futurus
 Graeciae, quae sua fortuna esset: alii alia ^{m)} non taciti

d) ac del. Gron. Crev. c. Drak.

e) ei res Eaed. c. Drak.

f) satis del. Eaed. c. Drak.

g) profectus Quinctius del. Eaed. c. Drak.

h) de libertate Graeciae dies prope totos in concilio del. Eaed. c. Drak.

i) se Eaed. c. Drak.

k) ac Eaed. c. Drak.

l) per duo diversa maria om-
 nium Graecorum undique
 conventus erat. Sed exspe-
 ctatione erecti etc. Eaed. c.
 Drak.

m) alia del. Eaed. c. Drak.

solum opinabantur, sed sermonibus etiam serebantⁿ⁾. U. c. 556.
 Romanos^{o)} facturos vix cuiquam persuadebatur Graecia^{a. C. 196.}
 omni cessuros. Ad spectaculum consederant^{o)}; et
 praeco cum tubicini, ut mos est, in mediam arenam, un-
 de sollemni carmine ludicrum indici solet, processit, et,
 tuba silentio facto, ita pronunciat: SENATUS ROMA-
 NUS^{p)} ET T. QUINCTIUS IMPERATOR, PHILIPPO REGÈ
 MACEDONIBUSQUE DEVICTIS, LIBEROS, INMUNES, SUI
 LEGIBUS ESSE IUBET CORINTHIOS, PHOCENSES, LO-
 CRENSESQUE OMNES, ET INSULAM EUBOEAM, ET MA-
 GHETAS, THESSALOS, PERRHAEBOS^{q)}, ACHAEOS PHTHI-
 OTAS. Percensuerat omnes gentes, quae sub ditione
 Philippi regis fuerant. Audita voce praeconis, maius
 gaudium fuit, quam quod universum homines accipe-
 rent^{r)}. Vix satis credere se quisque audisse: et^{s)} alii
 alios intueri, mirabundi velut ad^{t)} somnii vanam speci-
 em: quod ad quemque pertineret, suarum aurium fidei
 minimum credentes, proximos interrogabant. Revo-
 catus praeco, quum unusquisque non audire modo^{u)},
 sed videre libertatis suae nuncium averet, iterum pro-
 nunciavit^{x)} eadem. Tum ab certo iam gaudio tantus
 cum clamore plausus est ortus, totiesque repetitus, ut
 facile adpareret, nihil omnium bonorum multitudini
 gratius, quam libertatem esse. Ludicrum deinde ita ra-
 ptim peractum est, ut nullius nec animi, nec oculi spe-
 ctaculo intenti essent. adeo unum gaudium praeoccu-
 paverat omnium aliarum sensum voluptatum.

XXXIII. Ludis vero dimissis, cursu prope omnes
 tendere ad imperatorem Romanum: ut, ruente turbâ
 in unum, adire, contingere dextram cupientium, coro-
 nas lemniscosque iacientium, haud procul periculo fue-
 rit. Sederat trium ferme et triginta annorum; et quum

n) ferebant Gron. Crev.

o) Romani ad spectaculum
 consederunt Eaed. c. Drak.

p) senatus populusque Roma-
 nus Gron. Crev.

q) Perrhaebos Gron.

r) caperent Gron. Crev. c.
 Drak.

s) et del. Eaed. c. Drak.

t) ad del. Eaed. c. Drak.

u) modo del. Eaed. c. Drak.

x) pronunciaret Eaed. c. Drak.

U. c. 556. robur iuventae, tum gaudium ex tam insigni gloriae fru-
 a. C. 196. ctu, vires subpeditabat^y). nec praesens omnium modo
 effusa laetitia est; sed per multos dies gratis et cogitati-
 onibus, et sermonibus revocata: *Esse aliquam in terris*
gentem, quae sua impensa, suo labore ac periculo bella ge-
rat pro libertate aliorum: nec hoc finitimis, aut propin-
quae vicinitatis hominibus, aut terris continenti iunctis
praestet: maria traiciat, ne quod toto orbe terrarum iniu-
stum imperium sit, et ubique ius, fas, lex potentissima sint.
Una voce praekonis liberatas omnes Graeciae atque Asiae
urbes. Hoc spe concipere, audacis animi fuisse: ad effe-
ctum adducere, et^z) virtutis et fortunae ingentis.

XXXIV. Secundum Isthmia^a) Quinctius et de-
 cem legati legationes regum, gentium, civitatumque
 audivere. Primi omnium regis Antiochi vocati legati
 sunt. his eadem fere, quae^b) Romae egerant^c), verba
 sine fide rerum iactantibus, nihil^d) iam perplexe, ut
 ante, quum dubiae res incolumi Philippo erant, sed
 aperte denunciatum^e), ut excederet Asiae urbibus,
 quae aut Philippi, aut Ptolemaei regum fuissent. abs-
 tineret liberis civitatibus, nec unquam laçesseret ar-
 mis; et in pace et in libertate esse debere omnes ubique
 Graecas urbes^f). Ante omnia denunciatum, ne in Eu-
 ropam aut ipse transiret, aut copias traiceret. Dimissis
 regis legatis, conventus gentium civitatumque est ha-
 beri coeptus: eoque maturius peragebatur, quod decre-
 to^g) decem legatorum civitates nominatim pronuncia-
 bantur^h). Orestis, (Macedonum ea gens est) quod primi
 ab rege defecissent, suae leges redditae. Magnetes, et
 Perrhaebi, et Dolopes, liberi quoque pronunciati.
 Thessalorum genti, praeter libertatem concessam,

^y) *suppeditabant* Gron. Crev.
 c. Drak.

^z) *et* del. Eaed. c. Drak.

^a) *ista iam* Eaed. c. Drak.

^b) *eadem, quae fere* Eaed. c.
 Drak.

^c) *erant* Eaed. c. Drak.

^d) *iactata.* Nihil Eaed. c.
 Drak.

^e) *pronunciatum* Eaed. c. Drak.

^f) *abstineret liberas, omnesque*
Graecas Eaed. c. Drak.

^g) *decreta* Eaed. c. Drak.

^h) *pronunciabant* Eaed. c.
 Drak.

Achaei Phthiotae dati, Thebis Phthioticis et Pharsalo U. c. 556. exceptaⁱ⁾). Aetolos de Pharsalo et Leucade postulant, a. C. 196. ut ex foedere sibi restituerentur, ad senatum reiecerunt. Phocenses Locrensesque, sicut ante fuerant, adiecta decreti auctoritate, his contribuerunt^{k)}). Corinthus, et Triphylia, et Heraea (Peloponnesi et ipsa urbs est) reddita Achaeis. Oreum et Eretriam decem legati Eumeni regi, Attali filio, dabant. dissentiente Quinctio, ea una res^{l)} in arbitrium senatus reiecta est^{m)}): senatus libertatem his civitatibus dedit, Carysto adiectaⁿ⁾). Plenraro Lychnidus^{o)} et Parthini dati: Illyriorum utraque gens sub ditione Philippi fuerat. Amyndrum tenere iusserunt castella, quae per belli tempus Philippo capta ademisset.

XXXV. Dimisso conventu, decem legati, partiti munia inter se, ad liberandas suae quisque regionis civitates discesserunt; P. Lentulus Bargylas, L. Stertinius Hephaestiam et Thasum^{p)} et Thraciae urbes, P. Villius et L. Terentius ad regem Antiochum, Cn. Cornelius ad Philippum. qui, de minoribus rebus editis mandatis, percunctatus, si consilium non utile solum, sed etiam salutare, admittere auribus posset, quum rex gratias quoque se acturum diceret, si quid, quod in rem suam esset, expromeret, magnopere ei suasit, quoniam pacem inpetrasset, ad societatem amicitiamque petendam mitteret Romam legatos; ne, si quid Antiochus moveret, exspectasse, et temporum opportunitates captaisse ad rebellandum^{q)}), videri posset. Ad Tempe Thessalica Philippus est conventus. qui quum se missurum ex templo legatos respondisset; Cornelius Thermopylas, ubi frequens Graeciae statis diebus esse solet

i) *excepto* Gron. Crev. c. Drak.

k) *Phocenses, Locrenses, et quae sicut ante fuerant adiecta, decreti auctoritate his contribuerunt* Eaed. c. Drak.

l) *Quinctio, venit res* Eaed. c. Drak.

m) *reiecta est* del. Eaed. c. Drak.

n) *adiecto* Eaed. c. Drak.

o) *Lycus* Eaed. c. Drak.

p) *Thassum* Gron. Crev.

q) *bellandum* Eaed. c. Drak.

U. c. 556. conventus, (Pylaicum adpellant) venit: Aetolos praecipue monuit, ut constanter et fideliter in amicitia populi Romani permanerent. Aetolorum principes alii leniter questi sunt^{r)}, quod non idem erga suam gentem Romanorum animus esset post victoriam, qui in bello fuisset: alii ferocius incusarunt, exprobraruntque, *Non modo vinci sine Aetolis Philippum, sed ne transire quidem in Graeciam Romanos potuisse.* Adversus ea respondere (ne in altercationem excederet res) quum supersederet Romanus; *omnia eos aequa inpetratos, si Romam misissent,* dixit. itaque ex auctoritate eius decreti legati sunt. Hunc finem bellum cum Philippo habuit.

XXXVI. Quum haec in Graecia, Macedoniaque, et Asia gererentur, Etruriam infestam prope coniuratio servorum fecit. ad quaerendam obprimendamque eam M'. Acilius praetor, cui inter cives peregrinosque iurisdictio obtigerat, cum una ex duabus legione urbana est missus. Alios^{s)} iam congregatos pugnando vicit; ex his multi occisi, multi capti: alios verberatos crucibus adfixit, qui principes coniurationis fuerant: alios dominis restituit. Consules in provincias profecti sunt. Marcellum Boiorum ingressum fines, fatigato per diem totum milite via facienda, castra in tumulo quodamponentem, Corolamus quidam^{t)}, regulus Boiorum, cum magna manu adortus, ad tria millia hominum occidit: et illustres viri aliquot in illo tumultuario proelio ceciderunt, inter quos praefecti socium, T.^{u)} Sempronius Gracchus et^{x)} M. Iunius Silanus; et tribuni militum de legione secunda, M.^{y)} Ogulnius et P. Claudius. castra tamen ab Romanis inpigre permunita retentaque, quum hostes prospera pugna elati^{z)} nequidquam obpugnassent. Stativis deinde eisdem per dies aliquot sese

r) alii interquesti sunt Gron.
Crev. c. Drak.

s) missus, alios, verbo est
omisso, Eaed. c. Drak.

t) quidam del. Eaed. c. Drak.

u) Ti. Gron. Crev.

x) et del. Eaed. c. Drak.

y) A. Eaed. c. Drak.

z) a prospera pugna, omisso
vocabulo elati, Eaed. c.
Drak.

tenuit, dum et saucios curaret, et ex^{a)}) tanto terrore animos militum reficeret. Boii, ut est gens minime ad^{b)}) a. C. 556. morae taedium ferendum^{c)}) patiens, in castella sua vicisque passim^{d)}) dilapsi sunt. Marcellus, Pado confestim trajecto, in agrum Comensem, ubi Insubres, Comensibus ad arma excitis, castra habebant, legiones ducit. Galli feroces Boiorum ante dies paucos pugna in ipso itinere proelium committunt^{e)}): et primo adeo acriter invaserunt, ut antesignanos inpulerint. Quod ubi Marcellus^{f)}) animadvertit, veritus ne moti semel pellerentur, cohortem Marsorum quum obposuisset, equitum^{g)}) Latinorum omnes turmas in hostem emisit. Quorum quum primus secundusque in petus retudisset inferentem se ferociter hostem, confirmata et reliqua acies Romana restitit primo, deinde signa acriter intulit. nec ultra sustinuerunt certamen Galli, quin terga vertent, atque effuse fugerent. In eo proelio supra quadraginta millia hominum caesa, Valerius Antias scribit: et quingenta septem signa militaria capta, et carpenta quadringenta triginta duo, et aureos torques multos, ex quibus unum magni ponderis Claudius in Capitolio Iovi donum in aede positum scribit. Castra eo die Gallorum expugnata direptaque: et Comum oppidum intra dies paucos captum. Castella inde duodetriginta ad consulem defecerunt. Id quoque inter scriptores ambigitur, utrum in Boios prius, an Insubres, consul exercitum induxerit, adversamque prospera pugna oblitteraverit: an victoria, ad Comum parta, deformata clade in Boiis accepta sit.

XXXVII. Sub haec tam varia fortuna gesta, L. Furius Purpureo alter consul per tribum Sappiniam^{h)}) in

a) a Gron. Crev. c. Drak.

b) ob Gron. Crev.

c) ferendum del. Eaed. c. Drak.

d) assim del. Eaed. c. Drak.

e) ducit legiones. in ipso itinere proelium committunt Eaed. c. Drak.

f) Marcellus del. Eaed. c. Drak.

g) Marsorum opposuit: et equitum Eaed. c. Drak.

h) Sappiniam Eaed. c. Drak.

U. c. 556. Boios venit. Iam castro Mutilo adpropinquabat, quum,
 a. C. 296. veritus ne intercluderetur simul a Boiis Liguribusque,
 exercitumⁱ⁾ eadem via, qua adduxerat, reduxit, et ma-
 gno circuitu per aperta, eoque^{k)} tuta loca, ad collegam
 pervenit. dein iunctis exercitibus primum Boiorum
 agrum usque ad Felsinam oppidum populates peragra-
 verunt. Ea urbs, ceteraque circa^{l)} castella, et Boii fere
 omnes, praeter iuventutem, quae praedandi causa in
 armis erat, (tunc in devias silvas recesserat) in deditio-
 nem^{m)} venerunt. In Ligures deinde traductus exerci-
 tus. Boii negligentius coactum agmen Romanorum,
 quia ipsi procul abesse viderentur, inproviso adgressu-
 ros se rati, per occultos saltus secuti sunt. quos non
 adepti, Pado repente navibus trajecto, Laevos Libuos-
 que quum pervastassent, redeuntes inde per Ligurum
 extremos finesⁿ⁾, cum agresti praeda, in agmen inci-
 dunt Romanum. Celerius proelium acriusque commis-
 sum, quam si tempore locoque ad certamen destinato^{o)},
 praeparatis animis concurrissent. Ibi, quantam vii ad
 stimulandos animos ira haberet, adparuit. nam ita cae-
 dis magis, quam victoriae, avidi pugnarunt Romani, ut
 vix nuncium cladis hosti relinquerent. Ob has^{p)} res
 gestas, consulum literis Romam adlatis, supplicatio in
 triduum decreta est. Brevi post Marcellus Romam ve-
 nit, triumphusque ei magno consensu Patrum est decre-
 tus: Triumphavit in magistratu de Insu-bribus Comen-
 sibusque. Boiorum triumphi spem collegae reliquit:
 quia ipsi proprie adversa pugna in ea gente evenerat,
 cum collega^{q)} secunda. Multa spolia hostium captivis
 carpentis transvecta^{r)}, multa militaria signa lata, aeris
 trecenta viginti millia, argenti bigati ducenta triginta

i) exercitum del. Gron. Crev.
 c. Drak.

k) eaue Drak.

l) circa del. Gron. Crev. c.
 Drak.

m) ditionem Gron. Crev.

n) Ligurum extremo fine,
 omisso per, Eaed. c. Drak.

o) destinatis Eaed. c. Drak.

p) eas Eaed. c. Drak.

q) collegae, omisso cum, Eaed.
 c. Drak.

r) traducta Eaed. c. Drak.

quatuor millia. in pedites singulos dati octogeni^{a)} aeris: triplex equiti centurionique.

U. c. 556.
a. C. 196.

XXXVIII. Eodem anno Antiochus rex, quum hibernasset Ephesi, omnes Asiae civitates in antiquam imperii formulam redigere est conatus. Et ceteras quidem^{b)}, aut quia locis planis positae erant, aut quia parum moenibus armisque ac iuventuti fidebant, haud difficulter videbat^{c)} iugum accepturas. Smyrna et Lampsacus libertatem usurpabant: periculumque erat, ne, si concessum his foret, quod intenderent^{x)}, Smyrnam in Aeolide Ioniaque, Lampsacum in Hellesponto, aliae urbes sequerentur. Igitur et ipse ab Epheso ad Smyrnam obsidendam misit: et, quae Abydi copiae erant, praesidio tantum modico relicto, duci ad Lampsacum obpugnandum iussit. Nec vi tantum terrebat; sed, per legatos leniter adloquendo castigandoque temeritatem et pertinaciam, spem conabatur facere, brevi, quod^{y)} peterent, habituros; sed quum^{z)} satis et ipsis, et omnibus aliis adpareret, ab rege inpetratam eos libertatem, non per occasionem raptam, habere. Adversus quae respondebant, *Nihil neque mirari, neque succensere Antiochum debere, si spem libertatis differri non satis aequo animo paterentur.* Ipse initio veris, navibus ab Epheso profectus, Hellespontum petit: terrestres copias traici ab Abydo Chersonesum iussit. Quum ad Madytum, Chersonesi urbem, terrestri navalem exercitum iunxisset^{a)}, quia clausurant portas, circumdedit moenia armatis, et iam opera admoventi, deditio est facta. Idem metus Sestum incolentes aliasque^{b)} Chersonesi urbes in deditioem dedit. Lysimachiam inde omnibus simul navalibus terrestribusque copiis venit. quam

a) octingenti Gron. Crev. c. Drak.

t) conatus: reliquas quidem. Eaed. c. Drak.

u) videbat del. Eaed. c. Drak.

x) quos metuebat Gron. quos in Theba Crev. c. Drak.

y) quae Gron. Crev. c. Drak.

z) habituros. et tum Gron.

a) terrestres copias Madytum traiecit, Chersonesi urbem: terrestri navalem exercitum iunxit, et Gron. Crev. c. Drak.

b) facta: idem metus tum incolentes alias Eaed. c. Drak.

U. c. 556. quum desertam ac stratam propè omnem^{c)} ruinis in-
 a. C. 196. nisset, (ceperant autem, direptamque incenderant
 Thraces paucis ante annis) cupido eum restituendi no-
 bilem urbem, et loco sitam opportuno, cepit. Itaque
 omni cura simul est adgressus, et tecta inurosque resti-
 tuere, et partim redimere servientes Lysimachienses,
 partim fuga sparsos per Hellespontum Chersonesum-
 que conquirere et contrahere^{d)}: partim novos colonos,
 spe commodorum proposita, adscribere, et omni modo
 frequentare. simul ut Thracum submoveretur metus,
 ipse parte dimidia terrestrium copiarum ad depopulan-
 dum proxima Thraciae est profectus: partem navales-
 que socios omnes reliquit in operibus reficiendae urbis.

XXXIX. Sub hoc tempus et L. ^{e)} Cornelius, mis-
 sus ab senatu ad dirimenda inter Antiochum Ptolemae-
 umque reges certamina, Selymbriae substitit: et decem
 legatorum P. Lentulus a Bargyliis, P. Villius et L. Te-
 rentius a Thaso^{f)}, Lysimachiam petierunt. eodem et a
 Selymbria L. Cornelius, et ex Thracia post paucos dies
 Antiochus convenerunt. Primus congressus cum legatis,
 et deinceps invitatio benigna et hospitalis fuit. ut de
 mandatis statuque praesenti Asiae agi coeptum est, ani-
 mi exasperati sunt. Romani, omnia acta eius, ex quo
 tempore ab Syria classem^{g)} solvisset, displicere sena-
 tui, non dissimulabant, restituique et^{h)} Ptolemaeo ci-
 vitates omnes, quae ditionis eius fuissent, aequum cen-
 sebant. *Nam quod ad eas civitates adtineret, quas a Phi-
 lippo possessas Antiochus per occasionem, averso Philip-
 po in Romanum bellum, interceptisset, id vero ferendum non
 esse, Romanos per tot annos terra marique tanta periculi
 ac labores exhausisse, Antiochum belli praemia habere.
 Sed ut in Asiam adventus eius dissimulari ab Romanis,
 tamquam nihil ad eos pertinens, potuerit; quidⁱ⁾? quod*

c) omnem del. Gron. Crev. c.
 Drak.

d) conquirere contrahereque
 Eaed. c. Drak.

e) C. Gron.

f) Thasso Gron. Crev.

g) e Syria classe Eaed. c.
 Drak.

h) et del. Eaed. c. Drak.

i) quid del. Eaed. c. Drak.

iam etiam in Europam omnibus navalibus terrestribusque U. c. 536.
 copiis transierit, quantum a bello aperte Romanis indicto a. C. 196.
 abesse^k)? Illum quidem, etiamsi in Italiam traiciat, ne-
 gaturum. Romanos autem non expectaturos, ut id posset
 facere^l).

XL. Adversus ea Antiochus, *Mirari se*, dixit, Ro-
 manos tam diligenter inquirere^m), quid regi Antiocho fa-
 ciendum; at, quousque terra marique progrediendum
 fuerit ipsis, non cogitare. Asiam nihil ad populum Roma-
 num pertinere: nec magis illis inquirendum esse, quid An-
 tiochus in Asia, quam Antiocho, quid in Italia populus
 Romanus faciat. Quod ad Ptolemaeum adineat, cui
 ademptas civitates querantur; sibi cum Ptolemaeo et ami-
 citiam esse, et id agere se, ut brevi etiam adfinitas iunga-
 tur. Neo ex Philippi quidem adversa fortuna spolia ulla
 se petisse; aut adversus Romanos in Europam traiecis-
 se, sed qua Lysimachi quondam regnum fueritⁿ), (quo victo
 omnia, quae illius fuissent, iure belli Seleuci facta sint)
 existimare suae ditionis esse. Occupatis maioribus suis
 rerum aliarum^o) cura, primo quaedam ex his Ptolemae-
 um, deinde et Philippum usurpandae alienae possessionis
 causa tenuisse. Chersonesus quidem et proxima Thraci-
 ae, quae circa Lysimachiam sint, quem dubitare, quin
 Lysimachi fuerint? Ad ea recipienda in antiquum ius
 venisse^p): et Lysimachiam, deletam Thracum inpetu, de
 integro condere, ut Seleucus filius eam sedem regni habeat.

XLI. His disceptionibus per dies aliquot habi-
 tis, rumor sine ullo satis certo auctore adlatus de
 morte Ptolemaei regis, ut nullus exitus inponeretur
 sermonibus, effecit^q). nam et^r) dissimulabat pars utra-

k) a bello aperto Romanis ab-
 esse Gron. Crev. c. Drak.

l) Romanos autem non exspe-
 ctaturos, ut id posset facere
 del. Eaed. c. Drak.

m) ad ea rex, satis iam ante
 videre se, Romanos inquirere
 Eaed. c. Drak.

n) traiecis-
 Eaed. c. Drak.

o) add. alia Eaed. c. Drak.

p) Philippum, usurpando alie-
 na possedis- sicut quae-
 dam ex proxima Thracia,
 quae indubitate Lysimachi
 fuerint. Ad ea facienda in
 antiquum venisse Eaed. c.
 Drak.

q) offerit del. Eaed. c. Drak.

r) et del. Eaed. c. Drak.

U. c. 556. quese audisse; et L. Cornelius, cui legatio ad duos re-
 a. C. 196. ges, Antiochum Ptolemaeumque, mandata erat, spati-
 um modici temporis ad conveniendum Ptolemaeum pe-
 tebat: ut, priusquam moveretur aliquid in nova pos-
 sessione regni, perveniret in Aegyptum; et Antiochus
 suam fore Aegyptum, si tum occupasset^{s)}, censebat.
 Itaque, dimissis Romanis, relictoque Seleuco filio cum
 terrestribus copiis ad restituendam, ut instituerat, Lysi-
 machiam, ipse omni classe navigat Ephesum: legatis^{t)} ad
 Quinctium missis, qui ad fidem faciendam, nihil novatu-
 rum regem, de societate agerent^{u)}, oram Asiae legens,
 pervenit in Lyciam: Patarisque cognito, vivere Ptole-
 maeum, navigandi quidem in Aegyptum omissum consi-
 lium est. Cyprum nihilominus tendens, quum Chelido-
 niarum^{x)} promontorium superasset, paullisper sediti-
 one remigum est retentus in Pamphylia circa Euryme-
 dontem amnem. Inde profectum eum ad capita (quae vo-
 cant) Sari fluminis foeda tempestas oborta prope cum
 omni classe demersit. multae fractae, multae eiectae
 naves^{y)}: multae ita haustae mari, ut nemo in terram ena-
 rit^{z)}. Magna vis hominum ibi interiit, non remigum
 tantum militumque ignotae turbae, sed etiam insignium
 regis amicorum^{a)}. Conlectis reliquiis naufragii, quum
 res non in eo esset, ut Cyprum tentaret, minus opulen-
 to agmine, quam profectus erat, Seleuciam redit. ibi sub-
 duci navibus iussis (iam enim et^{b)} hiems instabat) ipse
 in hiberna Antiochiam concessit^{c)}. In hoc statu regum
 erant res.

XLII. Romae eo primum anno triumviri epulo-
 nes facti, C. Licinius Lucullus tribunus plebis^{d)}, qui

s) si tum occasio esset Gron.
 Crev. c. Drak.

t) navigans Ephesum, legatis
 Eaed. c. Drak.

u) qui ad fidem de societate
 agerent Eaed. c. Drak.

x) Chelidonium Eaed. c. Drak.

y) demersit. multae naves eie-
 ctae Eaed. c. Drak.

z) enaverit Eaed. c. Drak.

a) militumque ignotorum, sed
 etiam insignium amicorum
 Eaed. c. Drak.

b) et del. Gron. Crev.

c) processit Eaed. c. Drak.

d) Lucullus, P. Manlius Gron.
 Lucullus tribunus Crev. c.
 Drak.

legem de creandis his tulerat, et P. Manlius^{e)}, et P. Porcius Laeca. his triumviris, item ut pontificibus, lege^{a)} datum est^{f)} togae praetextae habendae ius. Sed magnum certamen cum omnibus sacerdotibus eo anno fuit quaestoribus urbanis, Q. Fabio Labeoni et L. Aurelio. Pecunia opus erat, quod ultimam pensionem pecuniae in bellum conlatae persolvi^{g)} placuerat privatis. Quaestores ab auguribus pontificibusque^{h)}, quod stipendium per bellum non contulissent, petebant. ab sacerdotibus tribuni plebisⁱ⁾ nequidquam adpellati, omniumque annorum, per quos non dederant, exactum est. Eodem anno duo mortui pontifices, novique in eorum locum subfecti, M. Marcellus consul in locum C. Sempronii Tuditani, qui praetor in Hispania decesserat: et L. Valerius Flaccus^{k)} in locum M. Cornelii Cethegi. Et Q. Fabius Maximus augur mortuus est admodum adulescens, priusquam ullum magistratum caperet: nec eo anno augur in eius locum est subfectus. Comititia inde consularia habita a M. Marcello consule. creati consules L. Valerius Flaccus, M. Porcius Cato. Praetores inde facti C. Fabricius Luscinus, C. Atinius Labeo, Cn. Manlius Vulso, Ap. Claudius Nero, P. Manlius, P. Porcius Laeca. Eo anno^{l)} aediles curules, M. Fulvius Nobilior et C. Flaminius, tritici decies centum millia hinis aeris populo descripserunt^{m)}: id C. Flamini honoris causa ipsius, patrisque, advexerant Siculi Romanam. Flaminius gratiam eius communicaverat cum collega. Ludi Romani et adparati magnifice sunt, et ter toti instaurati. Aediles plebis, Cn. Domitius Ahenobarbusⁿ⁾ et C. Scribonius Curio^{o)}, multos pecuarios ad populi iudicium adduxerunt: tres ex his condemnati sunt; ex eorum multatitia pecunia aedem in insula Fau-

e) et P. Manlius del. Gron.

Crev. P. Manlius, omissio et, Drak.

f) est del. Gron. Crev. c. Drak.

g) persolvere Eaed. c. Drak.

h) pontificibus Gron. Crev.

i) plebi del. Eaed. c. Drak.

k) Flaccus del. Eaed. c. Drak.

l) eo anno del. Eaed. c. Drak.

m) diviserunt Eaed. c. Drak.

n) Aenobarbus Gron.

o) curio maximus Gron. Crev.

ni fecerunt. Ludi plebei^{q)} per biduum instaurati, et epulum fuit ludorum caussa.

U. c. 557.
a. C. 195.

XLIII. L. Valerius Flaccus et M. Porcius Cato consules Idibus Martiis^{q)}, quo die magistratum iniierunt, de provinciis quum ad senatum retulissent, Patres censuerunt, *Quum in Hispania tantum glisceret bellum, ut iam consulari et duce et exercitu opus esset, placere, consules Hispaniam citeriorem et Italiam provincias aut comparare inter se, aut sortiri. Utri Hispania provincia evenisset, eum duas legiones et quindecim^{r)} millia socium Latini nominis, et octingentos^{s)} equites secum portare, et naves longas viginti ducere. Alter consul duas legiones scriberet. His Galliam provinciam obtineri satis esse, fractis proximo anno Insubrium et Boiorum animis. Cato Hispaniam, Valerius Italiam est sortitus. Praetores deinde provincias sortiti, C. Fabricius Luscinus urbanam, C. Atinius Labeo peregrinam, Cn. Manlius Vulso Siciliam, Ap. Claudius Nero Hispaniam ulteriorem, P. Porcius Laeca Pisas, ut ab tergo Liguribus esset: P. Manlius in Hispaniam citeriorem adiutor consuli datus^{t)}. T. Quinctio, suspectis non solum Antiocho et Aetolis, sed iam^{u)} etiam Nabide Lacedaemoniorum tyranno, prorogatum in annum imperium est, duas legiones ut haberet. in eas si quid supplementi opus esset, consules scribere, et mittere in Macedoniam iussi. Ap. Claudio praeter legionem, quam Q. Fabius habuerat, duo millia peditum et ducentos equites novos scriberet^{x)}, permisum. Par numerus peditum equitumque novorum P. Manlio in citeriorem Hispaniam decretus: et legio eadem, quae fuerat sub Q. y) Minucio praetore, data. Et Porcio Laecae ad Etruriam circa Pisas decem^{z)} millia peditum et quingenti equites ex Gallico exercitu decreti. In Sardinia prorogatum imperium Sempronio Longo.*

p) plebis Gron. Crev.

q) Cato consules Idibus Martiis del. Eaed. c. Drak.

r) quinque Eaed. c. Drak.

s) quingentos Eaed. c. Drak.

t) datus Eaed. c. Drak.

u) iam del. Eaed. c. Drak.

x) conscribere Eaed. c. Drak.

y) Q. del. Eaed. c. Drak.

z) duo Eaed. c. Drak.

XLIV. Provinciis ita distributis, consules, prius- U. c. 557.
 quam ab urbe proficiscerentur, ver sacrum ex decreto a. G. 195.
 pontificum iussi fecere^{a)}), quod A. Cornelius Mammula
 praetor voverat de senatus sententia populique iussu,
 Cn. Servilio, C. Flaminio consulibus. annis post uno et
 viginti factum est, quam votum. Per eosdem dies C.
 Claudius, Ap. filius, Pulcher augur in Q. Fabii Maximi
 locum, qui priore anno mortuus erat, lectus inaugura-
 tusque est. Mirantibus iam vulgo hominibus, quod,
 quum Hispania movisset, bellum neglegerent^{b)}), literae
 a Q. Minucio adlatæ sunt, *Se ad Turbam oppidum cum*
Budare et Besaside, imperatoribus Hispanis, signis con-
latis prospere pugnasse: duodecim millia hostium caesa:
Budarem imperatorem captum: ceteros fusos fugatosque.
 His literis lectis, minus terroris ab Hispanis erat, unde
 ingens bellum expectatum fuerat. Omnes curae, uti-
 que post adventum^{c)} decem legatorum, in Antiochum
 regem conversae. Hi, expositis prius, quae cum Philip-
 po acta essent, et quibus legibus data pax, non minorem
 belli molem restare ab Antiocho docuerunt. *Ingenti*
classe, egregio terrestri exercitu, in Europam eum tra-
iecissee. nisi avertisset vana spes, ex vaniore rumore orta,
Aegypti invadendae, mox bello Graeciam arsuram fuisse.
neque enim ne Aetolos quidem quieturos, quum ingenio in-
quietam, tum iratam Romanis gentem. Haerere et aliud
in visceribus Graeciae ingens malum, Nabin, nunc Lace-
daemoniorum, mox, si liceat, universae Graeciae futurum
tyrannum: avaritia et crudelitate omnes fama celebratos
tyrannos aequantem. Cui si Argos, velut arcem Pelopon-
neso inpositam, tenere liceat, deportatis in Italiam Roma-
nis exercitibus, nequidquam liberatam a Philippo Grae-
ciam fore, pro rege, si nihil aliud, longinquo vicinum ty-
rannum dominum habituram.

a) ex pontificum iussu fecere
 Gron. Grev. c. Drak.

b) quod Hispania movisset, bel-

lum neglegi Eaed. c. Drak.

c) post adventum utique Eaed.
 c. Drak.

U. c. 557.
a. C. 195.

XLV. Haec quum ab tam^{d)} gravibus auctoribus, tum qui omnia per se ipsos explorata referrent, audirentur, maior res, quod^{e)} ad Antiochum adtineret, maturanda magis, quando^{f)} rex quacumque de caussa in Syriam concessisset, de tyranno consultatio visa est. Quum diu disceptatum esset, utrum iam caussae satis videretur, cur decerneretur bellum^{g)}, an permetterent T. Quinctio: quod ad Nabin Lacedaemonium adtineret, faceret, quod^{h)} e republica censeret esse, permiserunt; eam rem esse rati, quae maturata dilatave non tam magni momenti ad summam rem publicamⁱ⁾ populi Romani esset. Magis id animadvertendum esse, quid Hannibal et Karthaginienses, si cum Antiocho ortum foret bellum, acturi essent. Adversae Hannibali factionis homines principibus Romanis, hospitibus^{k)} quisque suis, idemtidem scribebant, *Nuncios literasque ab Hannibale ad Antiochum missas, et ab rege ad eum clam legatos venisse. Ut feras quasdam nulla mitescere arte^{l)}, sic inmitem et^{m)} inplacabilem eius viri animum esse. marcescere otio situque, queri, civitatem, et inertia sopiriⁿ⁾; nec sine armorum sonitu excitari posse.* Haec probabilia memoria prioris belli, per unum illum non magis gesti, quam moti, faciebat. Irritaverat etiam recenti facto multorum potentium animos.

XLVI. Iudicum ordo Karthagine ea tempestate dominabatur; eo maxime, quod iidem perpetui iudices erant. Res, fama, vitaeque omnium in illorum potestate erat. qui unum eius ordinis offendisset^{o)}, idem omnes

d) iam ab Gron. Crev. c. Drak.

e) audirent maiores; quod Gron. c. Drak. audirentur, maiores, quod Crev.

f) maturanda his, quum Gron. Crev. c. Drak.

g) bellum del. Eaed. c. Drak.

h) quae Eaed. c. Drak.

i) ad summam rem Eaed. c. Drak.

k) amicis Eaed. c. Drak.

l) numquam mitescere, omisso vocabulo arte, Eaed. c. Drak.

m) et del. Eaed. c. Drak.

n) civitatem, queri eum, et inertia operis Eaed. c. Drak.

o) offendisset del. Eaed. c. Drak.

adversos habebat; nec accusator apud iudices insensos U. c. 557. deerat. Horum in tam inpotenti regno (neque enim ci- a. C. 195. viliter nimis opibus utebantur) praetor factus Hannibal vocari ad se quaestorem iussit. Quaestor id pro nihilo habuit^{p)}. nam et adversae factionis erat: et, quia ex quaestura in iudices, potentissimum ordinem, referebantur, iam pro futuris mox opibus animos gerebat. Enimvero indignum id ratus Hannibal, viatorem adprehendendum quaestorem misit: subductumque in concionem, non ipsum magis, quam ordinem iudicum, prae quorum superbia atque opibus nec leges quidquam essent, nec magistratus, accusavit. et, ut secundis auri- bus accipi orationem animadvertit, et infimorum quoque libertati gravem esse superbiam eorum, legem ex templo promulgavit, pertulitque, *Ut in singulos annos iudices legerentur, ne quis biennium continuum iudex esset.* Ceterum quantam eo facto ad plebem inierat gratiam, tantum magnae partis principum offenderat^{q)} animos. Adiecit et^{r)} aliud, quod^{s)}, bono publico, sibi proprias simultates irritavit. Vectigalia publica partim negligentia dilabebantur; partim praedae ac divisui principum quibusdam et magistratibus erant: quin et pecunia, quae in stipendium Romanis suo quoque anno penderetur, deerat, tributumque grave privatis inminere videbatur.

XLVII. Hannibal postquam, vectigalia quanta terrestria maritimaque essent, et in quas res erogarentur, animadvertit, et quid eorum ordinarii reipublicae usus consumerent, quantum peculatus averteret; omnibus residuis pecuniis exactis, tributo privatis remisso, satis locupletem rempublicam fore ad vectigal praestandum Romanis, pronunciavit in concione, et praestitit promissum. Tum vero isti, quos paverat per aliquot annos publicus peculatus, velut bonis ereptis,

p) vocare ad se quaestorem.
Idem pro nihilo habuit
Gron. Crev. c. Drak.

q) offendebat Eaed. c. Drak.
r) et del. Eaed. c. Drak.
s) quo Gron. Crev.

U. c. 557. non furto eorum manibus extorto, insensi et irati Ro-
 a. C. 195. manos in Hannibalem, et ipsos caussam odii quaerentes,
 instigabant. Ita ^{t)}, diu repugnante P.ⁿ⁾ Scipione Afri-
 cano, qui parum ex dignitate populi Romani esse duce-
 bat ^{x)}, subscribere odiis accusatorum ^{y)} Hannibalis, et
 factionibus Karthaginensium inserere publicam au-
 ctoritatem, nec satis habere bello vicisse Hannibalem,
 nisi velut accusatores calumniam in eum iurarent, ac
 nomen deferrent, tandem pervicerunt, ut legati Kar-
 thaginem mitterentur, qui ad ^{z)} senatum eorum argue-
 rent, Hannibalem cum Antiocho rege consilia belli faci-
 endi inire. Legati tres missi, Cn. ^{a)} Servilius, M. Clau-
 dius Marcellus, Q. Terentius Culleo. qui quum Kar-
 thaginem ^{b)} venissent, ex consilio inimicorum Hanni-
 balis, quaerentibus caussam adventus dici iusserunt:
 venisse se ^{c)} ad controversias, quae cum Masinissa rege
 Numidarum Karthaginensibus essent, dirimendas. id
 creditum vulgo. Unum Hannibalem ^{d)} se peti ab Roma-
 nis non fallebat; et ita pacem Karthaginensibus datam
 esse, ut inexpiabile bellum adversus se unum maneret.
 Itaque cedere tempori et fortunae statuit; et, praepa-
 ratis iam ante omnibus ad fugam, obversatus eo die in
 foro avertendae suspicionis caussa, primis tenebris ve-
 stitu forensi ad portam cum duobus comitibus ignaris
 consilii est egressus.

XLVIII. Quum equi, quo in loco iussi erant,
 praesto fuissent, nocte Byzacium (ita regionem quam-
 dam Afri vocant) transgressus ^{f)}, postero die ad mare ^{g)}
 inter Achollam et Thapsum ad suam turrem ^{h)} perve-

t) itaque Gron. Crev. c. Drak.

u) P. del. Eaed. c. Drak.

x) quia parum ex populi Roma-
 ni dignitate esse ducebat
 Eaed. c. Drak.

y) accusationibusque Eaed. c.
 Drak.

z) apud Eaed. c. Drak.

a) C. Eaed. c. Drak.

b) Karthaginem del. Eaed. c.
 Drak.

c) se del. Eaed. c. Drak.

d) Hannibalem unum Eaed. c.
 Drak.

e) omnibus ante Eaed. c. Drak.

f) nocte via cita regionem
 quamdam agri Vocani
 transgressus Eaed. c. Drak.

g) postero die mane Eaed. c.
 Drak.

h) turrim Eaed. c. Drak.

nit. Ibi eum parata instructaque remigio excepit navis. U. c. 557.
 ita Africa Hannibal excessit, saepius patriae, quam su- a. C. 195.
 um eventumⁱ⁾ miseratus. Eodem^{k)} die in Cercinam
 insulam traiecit. ubi quum in portu naves aliquot
 Phoenicum^{l)} onerarias cum mercibus invenisset, et ad
 egressum eum e nave concursus salutantium esset fa-
 ctus; percunctantibus^{m)} legatum se Tyrum missumⁿ⁾
 dici iussit. veritus tamen, ne qua earum navis nocte
 profecta Thapsum aut Adrumetum^{o)} nuntiaret, se
 Cercinae visum, sacrificio adparari iusso, magistros na-
 vium mercatoresque invitari iussit: et vela cum anten-
 nis ex^{p)} navibus conrogari, ut umbra (etenim media
 aestas forte erat) coenantibus in littore fieret. Quan-
 tum res et tempus patiebatur^{q)}, adparatae celebratae-
 que eius diei epulae sunt: multoque vino inserum no-
 ctis convivium productum. Hannibal, quum^{r)} primum
 fallendi eos, qui in portu erant, tempus habuit, navem
 solvit. ceteri sopiti quum postero die tandem ex somno
 pleni crapulae surrexissent, id quod serum erat, aliquot
 horas referendis^{s)} in naves conlocandisque^{t)} et aptan-
 dis armamentis absumserunt. Karthagine et multi-
 tudinis, adsuetae domum Hannibalis frequentare,
 concursus ad vestibulum aedium est factus. Ut^{u)} non
 comparere eum vulgatum est, in forum turba convenit
 principem civitatis quaerentium, et alii fugam conscis-
 se, (id quod erat) alii fraude Romanorum interfectum,
 idque magis, vulgo fremebant^{x)}: variosque vultus cer-
 neres, ut in civitate aliorum alias partes foventium fa-
 ctionibus discordi^{y)}. Visum deinde Cercinae eum, tan-
 dem adlatum est.

i) *suorum eventus* Gron. Crev.
 c. Drak.

k) *eo* Eaed. c. Drak.

l) *Phoenicum* del. Eaed. c.
 Drak.

m) *percunctantibus* Eaed. c.
 Drak.

n) *missum* del. Eaed. c. Drak.

o) *Achollam* Eaed. c. Drak.

p) *et* Gron.

q) *patiebantur* Drak.

r) *quam* Drak.

s) *remis* Gron. Crev. c. Drak.

t) *collocandis* Eaed. c. Drak.

u) *factus: et, ut* Eaed. c. Drak.

x) *idque magis, ferebant* Eaed.
 c. Drak.

y) *discordi* del. Eaed, c. Drak.

U. c. 557.
a. C. 195.

XLIX. Et^{z)} Romani legati quum in senatu expo-
suissent, *Compertum Patribus Romanis esse, et Philip-*
pum regem ante ab Hannibale maxime accensum, bellum
populo Romano fecisse, et nunc literas nunciosque ab eo ad
Antiochum et Aetolos missos, consiliaque inita impellen-
dae ad defectionem Karthaginis, nec alio eum quam ad
Antiochum regem profectum; haud quieturum eum an-
te^{a)}, quam bellum toto orbe terrarum concisset^{b)}. Id ei
non debere inpune esse^{c)}, si satisfacere Karthaginenses
populo Romano vellent, nihileorum sua voluntate, nec pu-
blico consilio factum esse: Karthaginenses^{d)} respon-
derunt, quicquid aequum censuissent Romani, facturos
esse. Hannibal prospero cursu Tyrum pervenit: excep-
ptusque a conditoribus Karthaginis, ut ab altera pa-
tria^{e)}, vir tam clarus omni genere honorum, paucos
moratus dies, Antiochiam navigat. ibi profectum iam
regem quum audisset, filiumque^{f)} eius sollemne ludo-
rum ad Daphnen celebrantem convenisset: comiter ab
eo exceptus, nullam moram navigandi fecit. Ephesi re-
gem est consecutus, fluctuantem adhuc animo, incer-
tumque de Romano bello. sed^{g)} haud parvum momen-
tum animo eius ad moliendum adventus Hannibalis fe-
cit. Aetolorum quoque eodem tempore alienati ab so-
cietate Romana animi sunt: quorum^{h)} legatos Phar-
salum et Leucadem, et quasdam alias civitates ex primo
foedere petentes, senatus ad T.ⁱ⁾ Quinctium reiecit.

^{z)} et del. Eaed. c. Drak.

a) nunciosque ab eo ad Antio-
chum regem profectos; haud
quieturum ante etc. Eaed. c.
Drak.

b) concisset Gron.

c) ne his debere inpune esse
Gron. Crev. c. Drak.

d) factum esse. Karthaginien-

ses Gron. c. Drak.

e) ut alia patria Gron. Crev.
c. Drak.

f) filium Gron. c. Drak. et fili-
um Crev.

g) bello, sed Gron. c. Drak.

h) quoniam Gron. Crev.

i) T. del. Eaed. c. Drak.

EPITOME LIBRI XXXIV.

Lex Oppia, quam C. Oppius tribunus plebis bello Punico de finiendis matronarum cultibus¹⁾ tulerat, cum magna²⁾ contentione abrogata est; quum M. 3) Porcius Cato auctor fuisset, ne ea lex aboleretur. Is, in Hispaniam profectus, bello, quod Emporiis orsus est, citeriorem Hispaniam pacavit. T. Quinctius Flaminius bellum adversus Lacedaemonios et tyrannum eorum Nabidem prospere gestum, data iis pace, qualem ipse voluit, liberatisque Argis, qui sub ditione tyranni erant, finivit. Senatus tunc primum secretus a populo ludos spectavit: ut id fieret, Sex. Aelius Paetus et C. Cornelius Cethegus censores intervenerunt, cum indignatione plebis. Coloniae pleraeque deductae sunt. M. Porcius Cato de Hispania triumphavit. Res praeterea in Hispania, et adversus Boios et Insubres Gallos feliciter gestae referuntur. T. Quinctius Flaminius, qui Philippum Macedonum regem et Nabidem Lacedaemoniorum tyrannum vicerat, Graeciamque omnem liberaverat, ob hanc rerum gestarum multitudinem triduo triumphavit. Legati Karthaginensium nunciaverunt, Hannibalem, qui ad Antiochum confugerat, bellum cum eo moliri. Tentaverat autem Hannibal per Aristonem Tyrium, sine literis Karthaginem missum, ad rebellandum Poenos concitare.

1) *cultibus matronarum* Gron.
Grev.

2) *maxima* Gron.

3) *M. del.* Gron. Grev. c. Drake

T. LIVII PATAVINI

LIBER XXXIV.

U. c. 557. **I**nter bellorum magnorum, aut vixdum finitorum, aut
a. C. 195. imminantium, curas intercessit res parva dictu, sed quæ
studiis in magnum certamen excesserit. M. Fundanius
et L. Valerius tribuni plebei ad plebem tulerunt de Op-
pia lege abroganda. Tulerat eam C. Oppius tribunus
plebis, Q. Fabio, Ti. Sempronio consulibus, in medio
ardore Punici belli, *Ne qua mulier plus semunciam^{a)} auri
haberet: neu vestimento versicolori uteretur: neu iuncto
vehiculo in urbe oppidove, aut propius inde mille passus,
nisi sacrorum publicorum causa, veheretur.* M. et P. Ju-
nii Bruti tribuni plebis legem Oppiam tuebantur, nec
eam se abrogari passuros aiebant. Ad suadendum dis-
suadendumque multi nobiles prodibant. Capitolium
turba hominum faventium adversantiumque legi com-
plebatur. Matronae nulla nec auctoritate, nec verecun-
dia, nec imperio virorum contineri limine poterant:
omnes vias urbis aditusque in forum obsidebant, viros
descendentes ad forum orantes, ut, florente republica,
crescente in dies privata omnium fortuna, matronis
quoque pristinum ornatum reddipaterentur. Augeba-
tur haec frequentia mulierum in dies. nam etiam ex
oppidis conciliabulisque conveniebant^{b)}. Iam et con-
sules praetoresque et alios magistratus adire et rogare
audebant. ceterum minime exorabilem alterum utique
consulem M. Porcium Catonem habebant, qui pro lege,
— quæ abrogabatur, ita disseruit:

a) *semuncia* Gron. Crev.

b) *convenerant* Eaed.

II. *Si in sua quisque nostrum matre familiae, Quirites, ius et maiestatem viri retinere instituisset, minus cum universis feminis negotiū haberemus. nunc domi victalibertas nostra in potentia muliebri, hic quoque in foro obteritur et calcatur: et, quia singulas sustinere non potuimus, universas horremus. Equidem fabulam et fictam rem ducebam esse, virorum omne genus in aliqua insula coniuratione muliebri ab stirpe sublatum esse. Ab nullo genere non^{c)} summum periculum est, si coetus, et concilia, et secretas consultationes esse sinas. Atque ego vix statuere apud animum meum possum, utrum peior ipsa res, an peiore exemplo agatur. Quorum alterum ad nos consules reliquosque magistratus, alterum ad vos, Quirites, magis pertineret^{d)}. nam utrum e republica sit, necne, id quod ad vos fertur, vestra existimatio est, qui in suffragium ituri estis. Haec consternatio muliebris, sive sua sponte, sive auctoribus vobis, M. Fundani et L. Valeri, facta est, haud dubie^{e)} ad culpam magistratum pertinens, nescio vobis, tribuni, an consulibus, magis sit deformis. vobis, si feminas ad concitandas tribunicias seditiones iam adduxistis: nobis, si, ut plebis quondam, sic nunc mulierum secessionem leges accipiendae sunt. Equidem non sine rubore quodam paullo ante per medium agmen mulierum in forum perveni. Quod nisi me verecundia singularum magis maiestatis et pudoris, quam universarum, tenuisset, ne compellatae a consule viderentur, dixissem: Qui hic mos est in publicum procurrendi, et obsidendi vias, et viros alienos adpellandi? Istud ipsum suos quaeque domi rogare non potuistis? An blandiores in publico, quam in privato, et alienis, quam vestris, estis? quamquam ne domi quidem vos, si sui iuris finibus matronas contineret pudor, quae leges hic rogarentur, abrogarenturve, curare decuit. Maiores nostri, nullam, ne privatam quidem, rem agere feminas sine auctore, voluerunt; in manu esse parentum, fratrum, virorum. nos (si diis placet) iam etiam rem publicam capessere eas*

c) add. aequae Gron. Crev.

d) pertinet Eaed.

e) dubio Gron.

U. c. 557. patimur, et foro prope^{f)}, et concionibus, et comitiis inimi-
 a. C. 195. sceri. Quid enim nunc aliud per vias et compita faci-
 unt, quam^{g)} rogationem^{h)} tribunorum plebis suadent, ali-
 ae legem abrogandam censent? Date frenos inpotenti na-
 turae et indomito animali, et sperate, ipsas modum licen-
 tiaefacturas, nisi vos feceritisⁱ⁾. Minimum hoc eorum est,
 quae iniquo animo feminae sibi aut moribus aut legibus in-
 iuncta patiuntur. omnium rerum libertatem, immo licen-
 tiam, (si vere^{k)} dicere volumus) desiderant. Quid enim, si
 hoc expugnauerint, non tentabunt?

III. Recensete omnia muliebria iura, quibus licenti-
 am earum adligaverint maiores nostri, per quaeque subie-
 cerint viris: quibus omnibus constrictas vix tamen conti-
 nere potestis. Quid? si carpere singula, et extorquere, et
 exaequari ad extremum viris patiemini, tolerabiles vobis
 eas fore creditis? extemplo, simul pares esse cõeperint, su-
 periores erunt. At, hercule, ne quid novum in eas rogetur,
 recusant. non ius, sed iniuriam deprecantur. Immo ut,
 quam accepistis, iussistis suffragiis vestris legem, quam
 usu tot annorum et experiendo comprobastis, hanc ut abro-
 getis: id est, ut unam tollendo legem ceteras infirmetis.
 Nulla lex satis commoda omnibus est: id modo quaeritur,
 si maiori parti et in summam prodest. Si, quod cuiquam
 privatim officiet ius, id destruet ac demolietur, quid adti-
 nebit universos rogare leges, quas mox abrogare, in quos
 latae sunt, possint? Volo tamen audire, quid sit, propter
 quod matronae consternatae procucurrerunt^{l)} in publi-
 cum, ac vix forose et concione abstinent^{m)}. Ut captivi ab
 Hannibale redimantur parentes, viri, liberi, fratres ea-
 rum? Procul abest: absitque semper, talis fortuna rei-
 publicae. sed tamen, quum fuit, negastis hoc piis precibus
 earum. At non pietas nec sollicitudo pro suis, sed religio,
 congregavit eas. Matrem Idaeam, a Pessinunte ex Phry-

f) quoque Gron. Crev.

g) add. quod aliae Eaed.

h) rogationes Eaed. c. Drak.

i) faciatis Gron. Crev.

k) vera Eaed. c. Drak.

l) procurrant Gron. Crev. pro-
 currerunt Drak.

m) abstineant Gron. Crev.

gia venientem, accepturae sunt. Quid honestum dictu U. c. 557.
saltem seditioni praetenditur muliebri? Ut auro et purpu- a. C. 195.
ra fulgeamus, inquit; ut carpentis, festis profestisque
diebus, velut triumphantes de lege victa et abrogata, et
captis et ereptis suffragiis vestris, per urbem vectemur: ne
ullus modus sumtibus, neⁿ) luxuriae sit.

IV. *Saepe me querentem de feminarum, saepe de vi-*
rorum, nec de privatorum modo, sed etiam magistratum,
sumtibus audistis; diversisque duobus vitiis, avaritia et
luxuria, civitatem laborare: quae pestes omnia magna
imperia everterunt. Haec ego, quo melior laetiorque in di-
es fortuna reipublicae est, imperiumque crescit, et iam in
Graeciam Asiamque transcendimus, omnibus libidinum
inlecebris repletas, et regias etiam adtrectamus gazas, eo
plus horreo, ne illae magis res nos ceperint, quam nos illas.
Infesta, mihi credite, signa ab Syracusis inlata sunt huic
urbi. iam nimis multos audio Corinthi et Athenarum or-
namenta laudantes mirantesque, et antefixa fictilia Deo-
rum Romanorum ridentes. Ego hos malo propitios Deos;
et ita spero futuros, si in suis manere sedibus patiemur.
Patrum nostrorum memoria per legatum Cineam Pyr-
rhus, non virorum modo, sed etiam mulierum animos donis
tentavit. nondum lex Oppia ad coercendam luxuriam mu-
liebrem lata erat: tamen nulla accepit. Quam caussam
fuisse censetis? Eadem fuit, quae maioribus nostris nihil
de hac re lege sancienti. nulla erat luxuria, quae coërce-
retur. Sicut ante morbos necesse est cognitos esse, quam
remedia eorum; sic cupiditates prius natae sunt, quam
leges, quae iis modum facerent. Quid legem Liciniam ex-
citavit de quingentis iugeribus, nisi ingens cupido agros
continuandi? Quid legem Cinciam de donis et muneribus,
nisi quia vectigalis iam et stipendiaria plebes esse sena-
tui coeperat? Itaque minime mirum est, nec Oppiam, nec
aliam ullam tum legem desideratam esse, quae modum
sumtibus mulierum faceret, quum aurum et purpuram da-

n) nec Gron. Crev.

U. c. 557. *ta et oblata ultro non accipiebant. Si nunc cum illis donis*
 a. C. 195. *Cineas urbem circumiret; stantes in publico invenisset, quae acciperent. Atque ego nonnullarum cupiditatum ne caussam quidem aut rationem inire possum. nam ut, quod alii liceat, tibi non licere, aliquid fortasse naturalis aut pudoris aut indignationis habeat; sic, aequato omnium cultu, quid unaquaeque vestrum veretur, ne in se conspiciatur? Pessimus quidem pudor est vel parsimoniae, vel paupertatis: sed utrumque lex vobis dedit, quum id, quod habere non licet, non habetis. Hanc, inquit, ipsam exaequationem non fero, illa locuples. cur non insignis auro et purpura conspicior? cur paupertas aliarum sub hac legis specie latet, ut, quod habere non possunt, habiturae, si liceret, fuisse videantur? Vultis hoc certamen uxoribus vestris iniicere, Quirites, ut divites id habere velint, quod nulla alia possit; pauperes, ne ob hoc ipsum contemnantur, supra vires se extendant? Nae, simul pudere, quod non oportet, coeperit; quod oportet, non pudebit. quae de suo poterit, parabit: quae non poterit, virum rogabit. Miserum illum virum, et qui exoratus, et qui non exoratus erit! quum, quod ipse non dederit, datum ab alio videbit. Nunc vulgo alienos viros rogant, et, quod maius est, legem et suffragia rogant, et a quibusdam impetrant, adversus te, et rem tuam, et liberos tuos inexorabiles. Simul lex modum sumtibus uxoris tuae facere desierit, tu numquam facies. Nolite eodem loco existimare, Quirites, futuram rem, quo fuit, antequam lex de hoc ferretur. Et, hominem inprobum non accusari, tutius est, quam absolvi: et luxuria non mota tolerabilior esset, quam erit nunc, ipsis vinculis, sicut ferae bestiae^o), irritata, deinde emissa. Ego nullo modo abrogandam legem Oppiam censeo. vos quod faxitis, Deos omnes fortunare velim.*

V. Post haec tribuni quoque plebei, qui se intercessuros professi erant, quum pauca in eandem sententiam adiecissent; tum L. Valerius pro rogatione ab se

^o) fera bestia Gron. Crev. c. Drak.

promulgata ita disseruit. Si privati tantummodo ad sua- U. c. 557-
dendum dissuadendumque id, quod a nobis rogatur, proces- a. C. 195.
sissent, ego quoque, quum satis dictum pro utraque parte
existimarem, tacitus suffragia vestra exspectassem. nunc,
quum vir gravissimus consul M. Porcius, non auctoritate
solum, quae tacita satis momenti habuisset, sed oratione
etiam longa et adcurata insectatus sit rogationem no-
stram, necessum est paucis respondere. qui tamen plura
verba in castigandis matronis, quam in rogatione nostra
dissuadenda, consumsit: et quidem, ut in dubio poneret,
utrum id, quod reprehenderet, matronae sua sponte, an no-
bis auctoribus, fecissent. Rem defendam, non nos; in quos
iecit magis hoc^{p)} consul verbo tenus^{q)}, quam ut re insi-
mularet. Coetum, et seditionem^{r)}, et interdum secessio-
nem muliebrem adpellavit, quod matronae in publico vos
rogassent, ut legem, in se latam per bellum temporibus du-
ris, in pace et florente ac beata republica abrogaretis. Ver-
ba magna, quae rei augendae causa conquirantur, et haec,
et alia esse scio: et M. Catonem oratorem non solum gra-
vem, sed interdum etiam trucem, esse scimus omnes, quum
ingenio sit mitis. Nam quid tandem novi matronae fece-
runt, quod frequentes in causa ad se pertinente in publi-
cum processerunt? Numquam ante hoc tempus in publico
adparuerunt? Tuas adversus te Origines revolvam. Acci-
pe, quoties id fecerint, et quidem semper bono publico. Iam
a principio, regnante Romulo, quum Capitolio ab Sabinis
capto, medio in foro signis conlatis dimicaretur, nonne in-
tercurso matronarum inter acies duas proelium sedatum
est? Quid? regibus exactis, quum Coriolano Marcio du-
ce, legiones Volscorum castra ad quintum lapidem posuis-
sent, nonne id agmen, quo obruta haec urbs esset, matro-
nae averterunt? Iam, urbe capta a Gallis, quo redempta
urbs est? nempe aurum matronae^{s)} consensu omnium in

p) haec Gron. Crev.

q) verbotenus Gron.

r) seditiones Gron. Crev. c.
Drak.s) iam urbe capta a Gallis
aurum, quo redempta urbsest, nempe matronae etc.
Gron. iam urbe capta a
Gallis, aurum quo redempta
urbs est, nempe matronae etc.
Crev.

U. c. 557. *publicum contulerunt. Proximo bello (ne antiqua repe-*
 a. C. 195. *tam) nonne et, quum pecunia opus fuit, viduarum pecuniae*
adiuverunt aerarium, et, quum Dii quoque novi ad opem
ferendam dubiis rebus arcesserentur, matronae universae
ad mare profectae sunt ad matrem Idaeam accipiendam?
Dissimiles, inquis^{t)}, caussae sunt. Nec mihi caussas ae-
quare propositum est. nihil novi factum, purgare satis est.
Ceterum, quod in rebus ad omnes pariter viros feminasque
pertinentibus fecisse eas nemo miratus est, in causa pro-
prie ad ipsas pertinente miramur fecisse? Quid autem fe-
cerunt? superbas, me Dius fidius, aures habemus, si,
quum domini servorum non fastidiant preces, nos rogari
ab honestis feminis indignamur.

VI. *Venio nunc ad id, de quo agitur: in quo duplex*
consulis oratio fuit, nam et legem ullam omnino abrogari
est indignatus; et eam praecipue legem, quae luxuriae mu-
liebris coercendae causa lata esset. Et illa communis pro
legibus, visa consularis oratio est: et haec adversus luxu-
riam severissimis moribus conveniebat. Itaque periculum
est, nisi, quid in utraque re vani sit, docuerimus, ne quis
error vobis obfundatur. Ego enim, quemadmodum ex his
legibus, quae non in tempus aliquod, sed perpetuae utilita-
tis causa in aeternum latae sunt, nullam abrogari debere
fateor, nisi quam aut usus coarguit, aut status aliquis rei-
publicae inutilem fecit; sic, quas tempora aliqua deside-
rarunt leges, mortales (ut ita dicam) et temporibus ipsis
mutabiles esse video. Quae in pace latae sunt, plerumque
bellum abrogat; quae in bello, pax: ut in navis admini-
stratione alia in secundam, alia in adversam tempestatem
usui sunt. Haec quum ita natura distincta sint, ex utro
tandem genere ea lex esse videtur, quam abrogamus? An
vetus regia lex, simul cum ipsa urbe nata? An (quod se-
cundum est) ab decemviris ad condenda iura creatis in du-
odecim tabulis scripta? Sine qua quum maiores nostri
non existimarint decus matronale^{u)} servari posse, nobis

t) inquit Gron. Crev.

u) matronale decus Eaed.

quoque verendum sit, ne cum ea pudorem sanctitatemque U. c. 557.
 feminarum abrogemus? Quis igitur nescit, novam istam a. C. 195.
 legem esse, Q. Fabio et ^{x)} Ti. Sempronio consulibus vigin-
 ti annis ante latam? sine qua quum per tot annos matro-
 nae optimis moribus vixerint, quod tandem, ne abrogata
 ea effundantur ad luxuriam, periculum est? Nam si ista
 lex ideo lata esset, ut finiret libidinem muliebrem, veren-
 dum foret, ne abrogata incitaret: cur sit autem lata, ip-
 sum indicavit ^{y)} tempus. Hannibal in Italia erat victor
 ad Cannas: iam Tarentum, iam Arpos, iam Capuam ha-
 bebat: ad urbem Romam admoturus exercitum videbatur:
 defecerant socii: non milites in supplementum, non soci-
 os navales ad classem tuendam, non pecuniam in aerario
 habebamus: servi, quibus arma darentur, ita ut pretium
 pro iis bello perfecto dominis solveretur, emebantur: in
 eandem diem pecuniae, frumentum et cetera, quae belli
 usus postulabant, praebenda publicani se conducturos pro-
 fessi erant: servos ad remum, numero ex censu constituto,
 cum stipendio nostro dabamus: aurum et argentum omne,
 ab senatoribus eius rei initio orto, in publicum confereba-
 mus: viduae et pupilli pecunias suas in aerarium defere-
 bant: cautum erat, quo ne plus auri et argenti facti, quo
 ne plus signati argenti et aeris domi haberemus. Tali tem-
 pore in luxuria et ornatu matronae occupatae erant, ut ad
 eam coercendam lex Oppia desiderata sit? quum, quia
 Cereris sacrificium, lugentibus omnibus matronis, inter-
 missum erat, senatus finire luctum triginta diebus iussit.
 Cum non adparet, inopiam et miseriam civitatis, et ^{z)} quia
 omnium privatorum pecuniae in usum publicum vertendae
 erant, istam legem scripsisse, tamdiu mansuram, quam-
 diu caussa scribendae legis mansisset? Nam si, quae tunc
 temporis caussa aut decrevit senatus, aut populus iussit,
 in perpetuum servari oportet, cur pecunias reddimus pri-
 vatis? cur publica praesenti pecunia locamus? cur servi,
 qui militent, non emuntur? cur privati non damus remi-
 ges, sicut tunc ^{a)} dedimus?

x) et del. Gron. Crev.

y) indicabit Eaed.

z) et del. Eaed.

a) tunc del. Eaed.

U. C. 557.
a. C. 195.

VII. *Omnes alii ordines, omnes homines mutationem in meliorem statum reipublicae sentient: ad coniuges tantum nostras pacis et tranquillitatis publicae fructus non perveniet? Purpura viri utemur, praetextati in magistratibus, in sacerdotiis; liberi nostri praetextis purpura togis utentur; magistratibus in coloniis municipiisque, hic Romae infimo generi magistris vicorum togae praetextae habendae ius permittemus; nec id ut vivi solum habeant tantum insigne, sed etiam ut cum eo crementur mortui: feminis dumtaxat purpurae usum interdicemus? et, quum tibi viro liceat purpura in veste stragula uti, matrem familiae tuam purpureum amiculum habere non sines? et equus tuus speciosius instratus erit, quam uxor vestita? Sed in purpura, quae teritur, absumitur, iniustam quidem, sed aliquam tamen, causam tenacitatis video: in auro vero, in quo praeter manus pretium nihil intertrimenti fit, quae malignitas est? praesidium potius in eo est et ad privatos, et ad publicos usus, sicut^{b)} experti estis. Nullam aemulationem inter se singularum, quando nulla haberet, esse aiebat. At, hercule, universis dolor et indignatio est, quum sociorum Latini nominis uxoribus vident ea concessa ornamenta, quae sibi ademta sint; quum insignes eas esse auro et purpura; quum illas vehi per urbem, se pedibus sequi: tamquam in illarum civitatibus, non in sua, imperium sit. Virorum hoc animos vulnerare posset: quid muliercularum censetis, quas etiam parva movent? Non magistratus, nec sacerdotia, nec triumphi, nec insignia, nec dona, aut spolia bellica his contingere possunt. Munditiae, et ornatus, et cultus, haec feminarum insignia sunt: his gaudent et gloriantur; hunc mundum muliebrem adpellarunt maiores nostri. Quid aliud in luctu, quam purpuram atque aurum deponunt? quid, quum eluxerunt, sumunt? quid in gratulationibus supplicationibusque, nisi excellentiorem ornatum^{c)}, adiiciunt? Scilicet, si legem Oppiam abrogaveritis, non vestri arbitrii erit,*

b) et ad publicos et ad privatos
usus, sicuti Gron. Grev.

c) excellentiores ornatus Drak.

si quid eius vetare volueritis, quod nunc lex vetat. minus filiae, uxores, sorores etiam quibusdam in manu erunt. Numquam, salvis suis, exiit servitus muliebri: et ipsae libertatem, quam viduitas et orbitas facit, detestantur. In vestro arbitrio suum ornatum, quam in legis, malunt esse. Et vos in manu et tutela, non in servitio, debetis habere eas; et malle patres vos aut viros, quam dominos, dici. Invidiosis nominibus utebatur modo consul. seditionem muliebrem et secessionem adpellando. Id enim periculum est, ne Sacrum montem, sicut quondam irata plebs, aut Aventinum capiant. Patiendum huic infirmitati est, quodcumque vos censueritis, quo plus potestis, eo moderatius imperio uti debetis.

VIII. Haec quum contra legem proque lege dicta essent, aliquanto maior frequentia mulierum postero die sese in publicum effudit, unoque agmine omnes tribunorum ianuas obsederunt, qui collegarum rogationi intercedebant: nec ante abstiterunt, quam remissa intercessio ab tribunis esset. Nulla deinde dubitatio fuit, quin omnes tribus legem abrogarent. viginti annis^{d)} post abrogata est, quam lata. M. Porcius consul, postquam abrogata est Oppia lex, extemplo viginti quinque navibus longis, quarum quinque sociorum erant, ad^{e)} Lunae portum profectus, eodem exercitu convenire iusso, et, edicto per oram maritimam misso, navibus omnis generis contractis, ab Luna proficiscens edixit, ut ad Portum Pyrenaei sequerentur. inde se frequentis classe ad hostes iturum. Praetervecti Ligustinos montes sinumque Gallicum, ad diem, quam edixerat, convenerunt. inde Rhodam ventum, et praesidium Hispanorum, quod in castello erat, vi deiectum. Ab Rhoda secundo vento Emporias perventum. ibi copiae omnes, praeter socios navales, in terram expositae.

IX. Jam tunc Emporiae duo oppida erant muro divisa. Unum Graeci habebant, a Phocaea, unde et Mas-

^{d)} anno vigesimo Gron. Crev.
c. Drak.

^{e)} longis (quinque sociorum
erant) ad Drak.

U. c. 557. silienses, oriundi: alterum Hispani. sed Graecum oppidum in mare expositum, totum orbem muri minus quadringentos passus patentem habebat: Hispanis retractior a mari trium millium passuum in circuitu murus erat. Tertium genus, Romani coloni ab Divo Caesare, post devictos Pompeii liberos, adiecti. nunc in corpus unum confusi omnes; Hispanis prius, postremo et Graecis in civitatem Romanam adscitis. Miraretur, qui tum cerneret, aperto mari ab altera parte, ab altera Hispanis, tam ferae et bellicosae genti, obiectos, quae res eos tutaretur, disciplina erat custos infirmitatis, quam inter validiores optime timor continet. Partem muri versam in agros egregie munitam habebant, una tantum in eam regionem porta inposita: cuius adsiduus custos semper aliquis ex magistratibus erat. nocte pars tertia civium in muris excubabant: neque moris tantum aut legis caussa, sed, quanta si hostis ad portas esset, et servabant vigilias, et circumibant, cura. Hispanum neminem in urbem recipiebant. ne ipsi quidem temere urbe excedebant. ad mare patebat omnibus exitus. porta ad Hispanorum oppidum versa numquam nisi frequentes, pars tertia fere, cuius proxima nocte vigiliae in muris fuerant, egrediebantur. Caussa exeundi haec erat: commercio eorum Hispani, imprudentes maris, gaudebant: mercarique et ipsi ea, quae externa navibus inveherentur, et agrorum exigere fructus, volebant. huius mutui usus desiderium, ut Hispana urbs Graecis pateret, faciebat. Erant etiam eo tutiores, quod sub umbra Romanae amicitiae latebant: quam sicut minoribus viribus, quam Massilienses, pari colebant fide. tunc quoque consulem exercitumque comiter ac benigne acceperunt. Paucos ibi moratus dies Cato, dum exploraret, ubi et quantae hostium copiae essent; ut ne mora quidem segnis esset, omne id tempus exercendis militibus consumsit. Id erat forte tempus anni, ut frumentum in areis Hispani^{f)} haberent. itaque, redemptoribus vetitis

f) Hispani del. Gron. Crev. c. Drak.

frumentum parare, ac Romam dimissis, *Bellum*, inquit, ^{U. c. 557.}
se ipsum alet. Profectus ab Emporiis agros hostium urit ^{a. C. 195.}
 vastatque: omnia fuga et terrore complet.

X. Eodem tempore M. Helvio, decedenti ex ulte-
 riore Hispania cum praesidio sex millium, dato ab Ap.
 Claudio praetore, Celtiberi agmine ingenti ad oppidum
 Illiturgi obcurrerunt^g). Viginti millia armatorum fuis-
 se, Valerius scribit; duodecim millia ex iis caesa, oppi-
 dum Illiturgi receptum, et puberes omnes interfectos.
 Inde ad castra Catonis Helvius pervenit. et, quia tuta
 iam ab hostibus regio erat, praesidio in ulteriorem Hi-
 spaniam remisso, Romam est profectus, et ob rem feli-
 citer gestam ovans urbem est ingressus. Argenti infe-
 cti tulit in aerarium quatuordecim millia pondo septin-
 genta triginta duo; et signati bigatorum septemdecim
 millia viginti tria: et Oscensis argenti centum viginti
 millia quadringentos triginta octo^h). Causa triumphi
 negandi senatui fuit, quod alieno auspicio et in aliena
 provincia pugnasset. Ceterum biennio post redierat,
 quum, provincia successor Q. Minucio tradita, annum
 insequentem retentus ibi longo et gravi fuisset morboⁱ).
 Itaque duobus modo mensibus ante Helvius ovans ur-
 bem est ingressus, quam successor eius Q. Minucius
 triumpharet. Illic quoque tulit argenti pondo triginta
 quatuor millia octingenta, bigatorum septuaginta octo
 millia, et Oscensis argenti ducenta septuaginta octo
 millia.

XI. In Hispania interim consul haud procul Em-
 porii castra habebat. Eo legati tres ab Ilorgetum regu-
 lo Bilistage, in quibus unus filius eius^k) erat, venerunt,
 querentes, *castella sua obpugnari, nec spem ullam esse re-*
sistendi, nisi praesidio Romanus miles esset. Tria^l) *mil-*
lia militum satis esse: nec hostes, si tanta manus venis-

g) occurrunt Gron. Crev.

h) argenti viginti millia qua-
 dringenta triginta octo
 Eaed.

i) morbo fuisset Eaed. c. Drak.

k) eius del. Eaed. c. Drak.

l) praesidium Romani misis-
 sent. Quina millia Gron.
 Crev.

U. c. 557. *set, mansuros. Ad ea consul, Moveri quidem se^{m)} vel per-*
 a. C. 195. *iculo eorum, vel metu, dicere: sed sibi nequaquam tan-*
tum copiarum esse, ut, quum magna vis hostium haud pro-
cul absit, et, quam mox signis conlatis dimicandum sit, in
dies expectetⁿ⁾), dividendo exercitum minuere tuto vires
posset. Legati, ubi haec audierunt, flentes ad genua
consulis provolvuntur. Orant, Ne se in rebus tam trepi-
dis deserat. Quo enim se, repulsos ab Romanis, ituros?
Nullos se socios, nihil usquam in terris aliud spei habere.
Potuisse se extra id periculum esse, si decedere fide, si con-
iurare cum ceteris voluissent. nullis minis, nullis terricu-
lis se motos, sperantes satis opis et auxilii sibi in Romanis
esse. Id si nullum sit, si sibi a consule negetur, Deos homi-
nesque se testes facere, invitos et coactos se, ne eadem, quae
Saguntini passi sint^{o)}), patiantur, defecturos: et cum ce-
teris potius Hispanis, quam solos, perituros esse.

XII. Et illo quidem die sic sine responso dimissi.
 Consulem nocte, quae insecuta est, anceps cura agitare:
 nolle deserere socios, nolle minuere exercitum; quod
 aut moram sibi ad dimicandum, aut in dimicando peri-
 culum adferre posset. Stat sententia, non minuere co-
 pias, ne quid interim hostes inferant ignominiae: so-
 ciis spem pro re ostentandam^{p)} censet. Saepe vana pro-
 veris, maxime in bello, valuisse: et credentem se ali-
 quid auxilii habere, perinde atque haberet, ipsa fiducia,
 et sperando atque audendo servatum. Postero die le-
 gatis respondit, *Quamquam vereatur, ne suas vires, aliis*
eas commodando, minuat; tamen illorum se temporis ac
periculi magis, quam sui, rationem habere. Denunciari
militum parti tertiae ex omnibus cohortibus iubet, ut
cibum, quem in naves inponant, mature coquant: na-
vesque in diem tertium expediri iussit. Duos ex legatis
Bilistagi atque Ilergetibus nunciare ea iubet; filium

m) *se* del. Gron.

n) *cum qua mox signis conlatis*
dimicandum sibi in dies ex-
spectet Gron. c. Drak.

o) *sunt* Gron. Crev.

p) *ostendendam* Drak.

reguli comiter habendo, et muneribus apud se retinet. ^{U. c. 557.}
 Legati non ante profecti, quam inpositos in naves mili- ^{a. G. 195.}
 tes viderunt: id pro haud dubio iam nunciantes, non
 suos modo, sed etiam hostes, fama Romani auxilii ad-
 ventantis inpleverunt.

XIII. Consul, ubi satis, quod in speciem fuit,
 ostentatum est, revocari ex navibus milites iubet. ipse,
 quum iam id tempus anni adpeteret, quo geri res pos-
 sent, castra hiberna tria millia ^{q)} passuum ab Emporiis
 posuit. inde per occasiones, nunc hac parte, nunc illa,
 modico praesidio castris relicto, praedatum milites in
 hostium agros educebat. Nocte ferme proficiscebantur,
 ut et quam longissime a ^{r)} castris procederent, et
 inopinatos ^{s)} obprimerent. Et exercebat ea res novos
 milites, et hostium magna vis excipiebatur: nec iam
 egredi extra munimenta castellorum audebant. Ubi sa-
 tis admodum et suorum et hostium animos est expertus,
 convocari tribunos, praefectosque, et equites omnes, et
 centuriones iussit. *Tempus, inquit, quod saepe optastis,*
venit, quo vobis potestas fieret virtutem vestram ostenden-
di. Adhuc praedonum magis, quam bellantium, milita-
stis more: nunc iusta pugna hostes cum hostibus conseretis
manum ^{t)}. non agros inde populari, sed urbium opes ex-
haurire ^{u)} licebit. Patres nostri, quum Hispania Kartha-
giniensium, et imperatores ibi et exercitus essent, ipsi nul-
lum imperatorem, nullos in ea milites haberent; tamen
addere hoc in foedere voluerunt, Ut imperii sui Iberus flu-
vius esset finis. Nunc, quum duo praetores, quum consul,
quum tres exercitus Romani Hispaniam obtineant, Kar-
thaginiensium iam prope decem annis nemo in his provin-
ciis sit, imperium nobis citra Iberum amissum est. Hoc
armis et virtute recuperetis oportet: et nationem, rebellan-
tem magis temere, quam constanter bellantem, iugum, quo
se exiit, accipere rursus cogatis. In hunc modum ma-

q) mille, omisso vocabulo tria;
 Gron. Grev.

r) e Gron.

s) inopinantes Gron. Grev.

t) manus Eaed.

u) haurire Eaed.

U. c. 557. xime adhortatus pronunciat, se nocte ad castra hostium
a. C. 195. ducturum. ita ad corpora curanda dimissi.

XIV. Nocte media^x), quum auspicio operam dedisset, profectus, ut locum, quem vellet, priusquam hostes sentirent, caperet, praeter castra hostium circumducit, et prima luce, acie instructa, sub ipsum vallum tres cohortes mittit. Mirantes barbari ab tergo adparuisse Romanum, discurrere ipsi ad arma. Interim consul apud suos, *Nusquam, nisi in virtute, spes est, milites, inquit, et ego sedulo, ne esset, feci. inter castra nostra et nos medii hostes. ab tergo hostium ager est. quod pulcherrimum, idem tutissimum est, in virtute spem positam habere.* Sub haec cohortes recipi iubet, ut barbaros simulatione fugae eliceret. Id, quod crediderat, evenit. pertinuisse et cedere rati Romanos, porta erumpunt: et, quantum inter castra sua et hostium aciem relictum erat loci, armatis complent. Dum trepidant acie instruenda, consul, iam paratis ordinatisque omnibus, incompósitos adgreditur. equites primos ab utroque cornu in pugnam educit, sed in dextro extemplo pulsī, cedentesque trepidi etiam pediti terrorem intulere. Quod ubi vidit consul, duas cohortes delectas ab dextro latere hostium circumduci iubet, et ab tergo se ostendere, priusquam concurrerent peditum acies. is terror obiectus hosti rem, metu Romanorum equitum inclinatam, aequav t. tamen adeo turbati erant dextrae alae equites peditesque, ut quosdam consul manu ipse reprehenderit, et aversos^y) in hostem verterit^z). ita, et quamdiu missilibus pugnatum est, anceps pugna erat: et iam ab^a) dextra parte, unde terror et fuga coeperat, aegre Romanus restabat. Ab^b) sinistro cornu et ab fronte urgebantur barbari, et cohortes ab tergo instantes pavidi respiciebant. Ut, emissis soliferreis falaricisque, gladios strinxerunt, tum velut redintegrata est pugna. non

x) media nocte Gron. Crev.

hostem Crev.

y) adversos Gron. c. Drak.

a) a Gron. Crev.

z) reprehenderit, verteritque in

b) a Eaed.

caecis ictibus procul ex inproviso vulnerabantur: sed, ^{U. c. 557.}
pede conlato, tota in virtute, ac viribus spes erat. ^{c. G. 195.}

XV. Fessos iam suos consul, ex secunda acie subsidiariis cohortibus in pugnam inductis, accendit. nova acies facta. integri recentibus telis fatigatos adorti hostes primum acri inpetu, velut cuneo, perculerunt: deinde dissipatos in fugam averterunt: effusoque per agros cursu, castra repetebantur. Ubi omnia fuga completa vidit Cato, ipse ad secundam legionem, quae in subsidio posita erat, equo revehitur: et signa prae se ferri, plenoque gradu ad castra hostium obpugnanda succedere iubet. si quis extra ordinem avidius procurrit, et ipse interequitans sparo percutit, et tribunos centurionesque castigare iubet. Iam castra hostium obpugnabantur: saxisque, et sudibus, et omni genere telorum submovebantur a vallo Romani. ubi recens admota legio est, tum et obpugnantibus animus crevit, et infensius hostes pro vallo pugnabant. Consul omnia oculis perlustrat, ut, qua minima vi resistatur^{c)}, ea parte inrumpat. ad sinistram portam infrequentes videt: eo secundae legionis principes hastatosque inducit. Non sustinuit inpetum eorum statio, quae portae adposita^{d)} erat, et ceteri, postquam intra vallum hostes vident, ipsis castris exuti, signa armaque abiiciunt. caeduntur in portis, suomet ipsi agmine in arto haerentes: secundam terga hostium caedunt, ceteri castra diripiunt. Valerius Antias supra quadraginta millia hostium caesa eo die scribit. Cato ipse, haud sane detractor^{e)} laudum suarum, multos caesos ait; numerum non adscribit.

XVI. Tria eo die laudabilia fecisse putatur. unum, quod, circumducto exercitu, procul navibus suis castrisque, ubi spem nisi in virtute haberent, inter medios hostes proelium commisit: alterum, quod cohortes ab tergo hostibus obiecit: tertium, quod secundam le-

c) resistitur Gron. Crev. restatur Drak.

d) opposita Gron. Crev.
e) detractor Eaed.

U. c. 557. gionem, ceteris omnibus effusis ad sequendos hostes
 a. c. 195. pleno gradu sub signis compositam instructamque subi-
 read portam castrorum iussit. Nihil deinde a victoria
 cessatum. quum, receptui signo dato, suos spoliis onu-
 stos in castra reduxisset, paucis horis noctis ad quietem
 datis, ad praedandum in agros duxit. Effusius, ut sparsis
 hostibus fuga, praedati sunt. quae res non minus, quam
 pugna pridie adversa, Emporitanos Hispanos adcolas-
 que eorum in deditionem compulit. multi et aliarum
 civitatum, qui Emporias perfugerant, dediderunt se.
 quos omnes, adpellatos benigne, vinoque et cibo cura-
 tos, domos dimisit. Confestim inde castra movit: et,
 quacumque incedebat agmen, legati dedentium civita-
 tes suas obcurrerant. et quum Tarraconem venit, iam
 omnis cis Iberum Hispania perdomita erat, captivique
 et Romani, et socium ac Latini nominis, variis casibus
 in Hispania obpressi, donum consuli a barbaris reduce-
 bantur. Fama deinde vulgatur, consulem in Turdetani-
 am exercitum ducturum, et ad devios montanos, pro-
 fectum etiam, falso perlatum est^{f)}. Ad hunc vanum et
 sine auctore ullo rumorem, Bergistanorum civitatis se-
 ptem castella defecerunt. eos, deducto exercitu, consul
 sine memorando proelio in potestatem redegit. Haud
 ita multo post iidem, regresso Tarraconem consule, pri-
 usquam inde quoquam procederet, defecerunt. Iterum
 subacti: sed non eadem venia victis fuit. sub corona
 venire omnes, ne saepius pacem sollicitarent.

XVII. Interim P. Manlius praetor, exercitu vete-
 re a Q. Minucio, cui successerat, accepto, adiuncto et
 Ap. Claudii Neronis ex ulteriore Hispania vetere item
 exercitu, in Turdetaniam proficiscitur. Omnium Hispano-
 rum maxime inbelles habentur Turdetani. freti ta-
 men multitudine sua obviam ierunt agmini Romano.
 Eques inmissus turbavit extemplo aciem eorum. pede-
 stre proelium nullius ferme certaminis fuit. milites ve-

f) et ad devios montanos profe-
 cturum etiam falso perlatum

est Gron. Crev. c. Drak.

teres, periti hostium bellicque, haud dubiam pugnam fecerunt. Nec tamen ea pugna debellatum est. decem millia Celtiberum mercede Turduli conducunt, alienisque armis parabant bellum. Consul interim, rebellionem Bergistanorum ictus, ceteras quoque civitates ratus per occasionem idem facturam, arma omnibus cis Iberum Hispanis ademit. quam rem adeo aegre passi, ut multi mortem sibi met ipsi^{g)} consciscerent: ferox genus, nullam vitam rati sine armis esse. Quod ubi consuli renuntiatum est, senatores omnium civitatum ad se vocari iussit, atque iis, *Non nostra, inquit, magis, quam vestra, refert, vos non rebellare: siquidem id maiore Hispanorum malo, quam exercitus Romani labore, semper adhuc factum est. Id ut ne fiat, uno modo arbitror caveri posse, si effectum erit, ne possitis rebellare. Volo id quam mollissima via consequi. vos quoque in ea re consilio me adiuvalite. nullum libentius sequar, quam quod vosmet ipsi adtuleritis.* Tacentibus spatium se ad deliberandum dierum paucorum dare dixit. quum revocati secundo quoque concilio tacuissent, uno die muris omnium dirutis, ad eos, qui nondum parebant, profectus, ut in quamque regionem venerat, omnes, qui circa incolebant, populos in deditionem accepit. Segesticam tantum, gravem atque opulentam civitatem, vineis et pluteis cepit.

XVIII. Eo maiorem habebat difficultatem in subigendis hostibus, quam qui primi venerunt^{h)} in Hispaniam; quod ad illos taedio imperii Karthaginensium Hispani deficiebant; huic ex usurpata libertate in servitutem velut adserendi erant: et ita mota omnia accepit, ut alii in armis essent, alii obsidione ad defectionem cogerentur: nec, nisi in tempore subventum foret, ultra sustentaturi fuerint. Sed in consule ea vis animi atque ingenii fuit, ut omnia maxima minimaque per se adiret atque ageret: nec cogitaret modo imperaretque, quae in rem essent, sed pleraque ipse per se transigeret;

g) sibi met ipsis Gron. Crev.

h) venerant Eaed.

U. c. 557. nec in quemquam omnium gravius severiusque, quam
 a. C. 195. in semet ipsum, imperium exerceret; parsimonia, et
 vigiliis, et labore cum ultimis militum certaret; nec
 quidquam in exercitu suo praecipui, praeter honorem
 atque imperium, haberet.

XIX. Difficilius bellum in Turdetania praetori P. Manlio Celtiberi, mercede exciti ab hostibus, sicut ante dictum est, faciebant. itaque eo consul, arcessitus literis praetoris, legiones duxit. Ubi eo venit, (castra separatim Celtiberi et Turdetani habebant) cum Turdetanis extemplo levia proelia, incursantes in stationes eorum, Romani facere; semperque victores ex quamvis temere coepto certamine abire. Ad Celtiberos in conloquium tribunos militum ire consul, atque iis trium conditionum electionem ferre, iubet. Primam, si transire ad Romanos velint, et duplex stipendium accipere, quam quantum a Turdetanis pepigissent: alteram, si domos abire, publica fide accepta, nihil eam rem noxae futuram, quod hostibus se Romanorum iunxissent: tertiam, si utique bellum placeat, diem locumque constituent, ubi secum armis decernant. A Celtiberis dies ad consultandum petita. concilium inmixtis Turdetanis habitum magno cum tumultu: eo minus decerni quidquam potuit. Quum incertum, bellum an pax cum Celtiberis esset, commeatus tamen, haud secus quam in pace, ex agris castellisque hostium Romani portabant: dein saepe munimenta eorum, velut communi pacto commercio privatis induciis, ingredientiens: Consul ubi hostes ad pugnam elicere nequit, primum praedatum sub signis aliquot expeditas cohortes in agrum integrae regionis ducit: deinde audito, Seguntiae Celtiberum omnes sarcinas impedimentaue relictas, eo pergit ducere ad obpugnandum. Postquam nulla moventur re, persoluto stipendio, non suis modo, sed etiam praetoris militibus, relictoque omni exercitu in castris praetoriis, ipse cum septem cohortibus ad Iberum est regressus.

XX. Ea tam exigua manu oppida aliquot cepit. U. c. 557.
 defecere ad eum Sedetani, Ausetani, Suessetani. La- a. C. 195.
 cetanos, deviam et silvestrem gentem, quum insita feri-
 tas continebat in armis, tum conscientia, dum consul
 exercitusque Turdulo bello est occupatus, depopula-
 torum subitis incursionibus sociorum. Igitur ad oppi-
 dum eorum obpugnandum consul ducit, non Romanas
 modo cohortes, sed iuventutem etiam merito infenso-
 rum iis sociorum. Oppidum longum, in latitudinem
 haudquaquam tantumdem patens, habebant. quadrin-
 gentos inde ferme passus constituit signa. Ibi delecta-
 rum cohortium stationem relinquens, praecepit eis, ne
 se ex eo loco ante moverent, quam ipse ad eos venisset.
 ceteras copias ad ulteriorem partem urbis circumducit.
 Maximum ex omnibus auxiliis numerum Suessetanae
 iuventutis habebat. eos ad murum obpugnandum subire
 iubet. Quorum ubi arma signaque Lacetani cognovere;
 memores, quam saepe in agro eorum inpune persultas-
 sent, quoties ipsos signis conlatis fudissent fugassent-
 que; patefacta repente porta, universi in eos erum-
 punt. Vix clamorem eorum, nedum inpetum, Suesse-
 tani tulere: quod postquam, sicut futurum ratus erat,
 consul fieri etiam vidit; equo citato subter murum ho-
 stium ad cohortes advehitur: atque eas adreptas, effu-
 sis omnibus ad sequendos Suessetanos, qua silentium
 ac solitudo erat, in urbem inducit: priusque omnia ce-
 pit, quam se reciperent Lacetani. mox ipsos, nihil
 praeter arma habentes, in deditionem accepit.

XXI. Confestim inde victor ad Vergium castrum
 ducit. receptaculum id maxime praedonum erat: et
 inde incursiones in agros pacatos provinciae eius fie-
 bant. Transfugit inde ad consulem princeps Vergesta-
 nus, et purgare se ac populares coepit; *non esse in manu*
ipsis rempublicam. praedones receptos totum suae potesta-
tis id castrum fecisse. Consul eum domum redire, con-
 ficta aliqua probabili, cur abfuisset, caussa, iussit.
Quum se muros subisse cerneret, intentosque praedones ad

U. c. 557. *tuenda moenia esse; tum uti cum suae factionis homini-*
 a. C. 195. *bus meminisset arcem occupare.* Id, uti praeceperat, fa-
 ctum. Repente anceps terror, hinc muros adscendenti-
 bus Romanis, illinc arce capta, barbaros circumvasit.
 Huius potitus loci consul eos, qui arcem tenuerant, libe-
 ros esse cum cognatis, suaque habere iussit: Vergesta-
 nos ceteros, quaestori, ut venderet, imperavit: de prae-
 donibus supplicium sumpsit. Pacata provincia, vectiga-
 lia magna instituit ex ferrariis argentariisque; quibus
 tum institutis, locupletior in dies provincia fuit. Ob has
 res gestas in Hispania supplicationem in triduum Patres
 decreverunt.

XXII. Eadem aestate alter consul L. Valerius
 Flaccus in Gallia cum Boiorum manu propter Litanam
 silvam, signis conlatis, secundo proelio confligit. Octo
 millia Gallorum caesa traduntur: ceteri, omisso bello,
 in vicos suos atque agros dilapsi. Consul reliquum ae-
 statis circa Padum Placentiae et Cremonae exercitum
 habuit, restituitque, quae in iis oppidis bello diruta fu-
 erant. Quum hic status rerum in Italia Hispaniaque es-
 set, T. Quinctio, in Graecia ita hibernis actis, ut, exce-
 ptis Aetolis, quibus nec pro spe victoriae praemia con-
 tingerant, nec diu quies placere poterat, universa Grae-
 cia, simul pacis libertatisque perfruens bonis, egregie
 statu suo gauderet, nec magis in bello virtutem Romani
 ducis, quam in victoria temperantiam iustitiamque et
 moderationem miraretur, senatusconsultum, quo bel-
 lum adversus Nabin Lacedaemonium decretum erat,
 adfertur. Quo lecto, Quinctius conventumⁱ⁾ Corin-
 thum omnium sociarum civitatum legationibus in di-
 em certam edicit. ad quam ubi^{k)} frequentes undique
 principes convenerunt, ita ut ne Aetoli quidem abes-
 sent, tali oratione est usus: *Bellum adversus Philippum*
non magis communi animo consilioque Romani et Graeci
gesserunt, quam utrique suas causas belli habuerunt.

i) *Quinctius. conventu* Gron.
 Crev. c. Drak.

k) *edicto, ubi* Eaed. c. Drak.

Nam et Romanorum amicitiam, nunc Karthaginienses U. c. 557.
hostes eorum iuvando, nunc hic sociis nostris obpugnan- a. C. 195.
dis, violaverat; et in votalis fuit, ut nobis, etiamsi no-
strarum oblivisceremur iniuriarum, vestrae iniuriae satis
digna caussa belli fuerint. Hodierna consultatio tota ex
vobis pendet. Refero enim ad vos, utrum Argos, sicut sci-
tis ipsi, ab Nabide occupatos pati velitis sub ditione eius
esse: an aequum censeatis, nobilissimam vetustissimam-
que civitatem, in media Graecia sitam, repeti in libertatem,
et eodem statu, quo ceteras urbes Peloponnesi et Graeciae,
esse. Haec consultatio, ut videtis, tota de re pertinente ad
vos est: Romanos nihil contingit, nisi quatenus liberatae
Graeciae, unius civitatis servitus, non plenam, nec inte-
gram gloriam esse sinit. Ceterum si vos nec cura eius ci-
vitatis, nec exemplum, nec periculum movet, ne serpat la-
tius contagio eius mali; nos aequi bonique facimus. De
hac re vos consulo, staturus eo, quod plures censueritis.

XXIII. Post orationem Romani imperatoris, per-
 censerī aliorum sententiae coeptae sunt. Quum legatus
 Atheniensium, quantum poterat grātiis agendis, Ro-
 manorum in Graeciam merita extulisset, inploratos au-
 xilium, adversus Philippum tulisse opem; non rogatos,
 ultro adversus tyrannum Nabin obferre auxilium; indi-
 gnatusque esset, haec tanta merita sermonibus tamen ali-
 quorum carpi, futura calumniantium; quum fateri potius
 praeteritorum gratiam deberent; adparebat inaccessi Ae-
 tolos. Igitur Alexander princeps gentis, invectus pri-
 mum in Athenienses, libertatis^{l)} quondam duces et au-
 ctiores, adsentationis propriae gratia communem caus-
 sam prodentes^{m)}; questus deinde, Achaeos, Philippo
 quondam milites, postremum ab inclinata eius fortuna
 transfugas, et Corinthum recepisse, et id agere, ut Argos
 habeant: Aetolos, primos hostes Philippi, semper socios
 Romanorum, pactos in foedere suas urbes agrosque fore de-
 victo Philippo, fraudari Echino et Pharsalo; insimula-

l) qui libertatis Gron. Crev. m) proderent Eaed.

U. c. 557. vit fraudis Romanos: Quod, vano titulo libertatis ostentato, Chalcidem et Demetriadem praesidiis tenerent; qui Philippo, cunctanti deducere inde praesidia, obicere semper soliti sintⁿ⁾, numquam, donec Demetrias, Chalcisque, et Corinthus tenerentur, liberam Graeciam fore: postremo, quia^{o)} remanendi in Graecia retinendique exercitus Argos et Nabin caussam facerent. Deportarent^{p)} legiones in Italiam. Aetolos polliceri, aut conditionibus et voluntate sua Nabin praesidium Argis deducturum, aut vi atque armis coacturos in potestate consentientis Graeciae esse.

XXIV. Hac^{q)} vaniloquentia primum Aristaenum praetorem Achaeorum excitavit. Ne istuc, inquit, Iupiter optimus maximus sirit, Iunoque regina, cuius in tutela Argi sunt, ut illa civitas inter tyrannum Lacedaemonium et latrones Aetolos praemium sit posita, in eo discrimine, ut miserius a vobis^{r)} recipiatur, quam ab illo capta est. Mare interiectum ab istis praedonibus non tuetur nos, T. Quincti. Quid, si in media Peloponneso arcem sibi fecerint, futurum nobis est? Linguam tantum Graecorum habent, sicut speciem hominum. Moribus ritibusque effractorioribus, quam ulli barbari, immo quam^{s)} inmanes beluae, vivunt. Itaque vos rogamus, Romani, ut et ab Nabide Argos recuperetis, et itares Graeciae constituatis, ut ab latrocinio quoque Aetolorum satis pacata haec relinquatis. Romanus, cunctis undique increpantibus Aetolos, responsurum se fuisse iis, dixit, nisi ita infensos omnes in eos videret, ut sedandi potius, quam irritandi, essent. Contentum itaque opinione ea, quae de Romanis Aetolisque esset, referre se, dixit, quid de Nabidis bello placeret, nisi redderet Achaeis Argos? Quum omnes bellum decressent; auxilia ut pro viribus suis quaeque civitates mitterent, est hortatus. Ad Aetolos legatum etiam

n) sunt Gron. Crev. c. Drak.

o) fore. Postremo, qui Gron.
fore: postremo, qui Crev.

p) facerent, deportarent Gron.

q) haec Gron. Crev.

r) nobis Eaed. c. Drak.

s) immo quam del. Eaed. c.
Drak.

misit: magis ut nudaret animos, id quod evenit, quam U. c. 557.
spe inpetrari posse. a. C. 195.

XXV. Tribunis militum, ut exercitum ab Elatia arcesserent, imperavit. Per eosdem dies et Antiochi legatis, de societate agentibus, respondit, *Nihil se, absentibus decem legatis, sententiae habere. Romam eundem ad senatum iis esse.* Ipse copias adductas ^{t)} ab Elatia ducere Argos pergit; atque ei circa Cleonas Aristaeus praetor, cum decem millibus Achaeorum, equitibus mille, obcurrit: et haud procul inde, iunctis exercitibus, posuerunt castra. Postero die in campum Argivorum descenderunt, et quatuor ferme ^{u)} millia ab Argis locum castris capiunt. Praefectus praesidio Laconum erat Pythagoras, gener idem tyranni, et uxoris eius frater: qui sub adventum Romanorum et utrasque arces, (nam duas habent Argi) et loca alia, quae aut opportuna, aut suspecta erant, validis praesidiis firmavit. sed inter agenda haec pavorem iniectum adventu Romanorum dissimulare haudquaquam poterat: et ad externum terrorem intestina etiam seditio accessit. Damocles erat Argivus, adolescens maioris animi, quam consilii: qui primo, iureiurando interposito, de praesidio expellendo cum idoneis conlocutus, dum vires adiciere coniurationi studet, incautior fidei aestimator fuit. Conloquentem eum cum suis satelles a praefecto missus quum arcesseret, sensit proditum consilium esse; hortatusque coniuratos, qui aderant, ut potius, quam extortiri morerentur, arma secum caperent: atque ita cum paucis in forum ire pergit, clamitans, ut, qui salvam rempublicam vellent, auctorem et ducem se libertatis sequerentur. Haud sane movit quemquam, quia nihil usquam spei propinquae, nedum satis firmi praesidii, cernebant. Haec vociferantem eum Lacedaemonii, circumventum cum suis, interfecerunt. comprehensi deinde quidam et alii. ex iis occisi plures, pauci in cu-

t) *eductas* Gron. Crev.

u) *fere* Eaed.

U. c. 557. stodium coniecti. multi proxima nocte, funibus per
 a. C. 195. murum demissi, ad Romanos transfugerunt.

XXVI. Quinctius, adfirmantibus iis, si ad portas Romanus exercitus fuisset, non sine effectu futurum eum motum fuisse, et, si propius castra admoverentur, non quieturos Argivos, misit expeditos pedites equitesque, qui circa Cylarabin (gymnasium id est minus trecentos passus ab urbe) cum erumpentibus a porta Lacedaemoniis proelium commiserunt, atque eos haud magno certamine compulerunt in urbem, et castra eo ipso loco, ubi pugnatum erat, imperator Romanus posuit. Diem inde unum in speculis fuit, si quid novi motus oriretur. postquam obpressam metu civitatem vidit, advocat concilium^{x)} de obpugnandis Argis. Omnium principum Graeciae, praeter Aristaenum, eadem sententia erat, quum^{y)} caussa belli non alia esset, inde potissimum ordiundi^{z)} bellum. Quinctio id nequaquam placebat, sed Aristaenum, contra omnium consensum disserentem, cum haud dubia adprobatione audivit. et ipse adiecit, *quum pro Argivis adversus tyrannum bellum susceptum sit, quid minus conveniens esse, quam omisso hoste Argos obpugnari? Se vero caput belli Lacedaemonem et tyrannum petiturum.* Et, dimisso concilio, frumentatum expeditas cohortes misit. Quod maturi erat circa, demessum et convectum est. viride, ne hostes innox haberent, protritum et corruptum. Castra deinde movit, et, Parthenio superato monte, praeter Tegeam tertio die ad Caryas posuit castra. ibi, priusquam hostium intraret agrum, sociorum auxilia exspectavit. Venerunt Macedones a Philippo mille et^{a)} quingenti, et Thessalorum equites quadringenti. nec iam auxilia, quorum adfatim erat, sed comneatus finitimis urbibus imperati morabantur Romanum. Navales quoque magnae copiae conveniebant. Iam ab Leucade L. Quin-

x) consilium et paullo post dimisso consilio Crev.

y) erat; quum Gron. Crev. c. Drak.

z) ordiendum Gron. Crev.

a) et del. Eaed. c. Drak.

ctius quadraginta navibus venerat: iam Rhodiae de- U. c. 557.
cem et octo tectae naves, iam Eumenes rex circa Cyclada. C. 195.
das insulas erat cum decem tectis navibus, triginta lembis, mixtisque aliis minoris formae navigiis. ipsorum quoque Lacedaemoniorum exsules permulti. tyrannorum iniuria pulsus, spe recuperandae patriae in castra Romana convenerunt^{b)}. Multi autem erant, iam per aliquot aetates, ex quo tyranni tenebant Lacedaemonem, alii ab aliis pulsus. Princeps erat exsulum Agesipolis, cuius iure gentis regnum Lacedaemone erat, pulsus infans ab Lycurgo tyranno post mortem Cleomenis, qui primus tyrannus Lacedaemone fuit.

XXVII. Quum terra marique tantum belli circumstaret tyrannum, et prope nulla spes esset vere suas hostiumque aestimanti vires^{c)}, non tamen omisit bellum: sed et a Creta mille delectos iuventutis eorum excivit, quum mille iam haberet: et tria millia mercenariorum militum, decem millia popularium cum castellanis agrestibus in armis habuit: et fossa valloque urbem communivit. et, ne quid intestini motus oriretur, metu et acerbitate poenarum tenebat animos, quoniam, ut salvum vellent tyrannum, sperare non poterat. Quum suspectos quosdam civium haberet, eductis in campum omnibus copiis, (Dromon ipsi vocant) positus armis, ad concionem vocari iubet^{d)} Lacedaemonios, atque eorum concioni satellites armatos circumdedit. et pauca praefatus, *Cur sibi omnia timenti caventique ignoscendum in tali tempore foret: et ipsorum referre, si quos suspectos status praesens rerum faceret, prohiberi potius, ne quid moliri possint, quam puniri molientes. Itaque quosdam se in custodia habiturum, donec ea, quae instet, tempestas praeterat. Hostibus repulsis, (a quibus, si modo proditio intestina satis caveatur, minus periculi esse) extemplo eos emissurum.* Sub haec citari nomina

b) convenerant Gron. Crev. c.
Drak.

aestimanti, non etc. Eaed.
d) iussit Eaed. c. Drak.

c) esset vires suas hostiumque
T. Liv. Tom. III.

U. c. 557. octoginta ferme principum iuventutis iussit: atque eos,
 a. C. 195. ut quisque ad nomen responderat, in custodiam tradi-
 dit: nocte insequenti omnes interfecti. Ilotarum dein-
 de quidam, (hi sunt iam inde antiquitus castellani, agre-
 ste genus) transfugere voluisse insimulati, per omnes
 vicos sub verberibus acti necantur. hoc terrore obstu-
 puerant multitudinis animi ab omni conatu novorum
 consiliorum. Intra munitiones copias continebat, nec
 parem se ratus, si dimicare acie vellet; et urbem relin-
 quere, tam suspensis et incertis omnium animis, ine-
 tuens.

XXVIII. Quinctius, satis iam omnibus paratis,
 profectus ab stativis, die altero ad Sellasiam super Oe-
 nunta fluvium pervenit: quo in loco Antigonus, Mace-
 donum rex, cum Cleomene, Lacedaemoniorum tyran-
 no, signis conlatis dimicasse dicebatur. inde, quum au-
 disset adscensum ^{e)} difficilis et arctae viae esse, brevi per
 montes circuitu praemissis, qui munirent viam, lato sa-
 tis et patenti limite ad Eurotam amnem, sub ipsis prope
 fluentem moenibus, pervenit. ubi castra metantes Ro-
 manos Quinctiumque ipsum, cum equitibus atque ex-
 peditis praegressum, auxiliares tyranni adorti, in ter-
 rore ac tumultum coniecerunt, nihil tale expectan-
 tes, quia nemo his obuius toto itinere fuerat, ac veluti
 pacato agro transierant. Aliquamdiu peditibus equites,
 equitibus pedites vocantibus, quum in se cuique mini-
 mum fiduciae esset, trepidatum est. tandem signa le-
 gionum supervenerunt: et, quum primi agmini cohortes
 inductae in proelium essent, qui modo terrori fue-
 rant, trepidantes in urbem compulsi sunt. Romani,
 quum tantum a muro recessissent, ut extra ictum teli
 essent, acie directa paullisper steterunt. Postquam ne-
 mo hostium contra exhibat, redierunt in castra. Postero
 die Quinctius prope flumen praeter urbem sub ipsas
 Menelai montis radices ducere copias instructas pergit.

e) *ascensum* Gron.

primae legionariae cohortes ibant: levis armatura et equites agmen cogeant. Nabis intramurum instructos paratosque sub signis habebat mercenarios milites, (in quibus omnis fiducia erat) ut ab tergo hostem adgrederetur. postquam extremum agmen praeteriit, tum ab oppido, eodem quo pridie eruperant tumultu, pluribus simul locis erumpunt. Ap. Claudius agmen cogeat: qui ad id, quod futurum erat, ne inopinatus accideret, praeparatis suorum animis, signa extemplo convertit, totumque in hostem agmen circumegit. Itaque, velut rectae acies concurrissent, iustum aliquamdiu proelium fuit. tandem Nabidis milites in fugam inclinarunt. quae minus infida ac trepida fuisset, ni Achaei locorum prudentes institissent. hi et caedem ingentem ediderunt, et dispersos passim fuga plerosque armis exuerunt. Quinctius prope Amyclas posuit castra. inde, quum perpopulatus omnia circumiecta urbi frequentis et amoeni agri loca esset, nullo iam hostium porta^{f)} excedente, movit castra ad flumen Eurotam inde vallem Taygeto subiectam agrosque ad mare pertinentes evastat.

XXIX. Eodem fere tempore L. Quinctius maritimae orae oppida, partim voluntate, partim metu aut vi, recepit. certior deinde factus, Gythium oppidum omnium maritimarum rerum Lacedaemonijs receptaculum esse, nec procul a mari castra Romana abesse, omnibus id copiis adgredi constituit. Erat eo tempore valida urbs, et multitudine civium incolarumque et omni bellico adparatu instructa. In tempore Quinctio, rem haud facilem adgredienti, rex Eumenes et classis Rhodiorum supervenerunt. ingens multitudo navalium sociorum, e tribus contracta classibus, intra paucos dies omnia, quae ad obpugnationem urbis terra marique munitae facienda opera erant, effecit. Iam testudinibus adnotis murus subruebatur: iam arietibus quatiebatur. Itaque una crebris ictibus eversa est turris, quodque cir-

^{f)} portam Crev.

U. c. 557. ca muri erat, casu eius prostratum: et Romani simul a
 a. C. 195. portu ^g), unde aditus planior erat, ut distenderent ab
 apertiore loco hostes, simul per patefactum ruina iter
 inrumpere conabantur. nec multum absuit, quin, qua
 intenderant, penetrarent. sed tardavit inpetum eorum
 spes obiecta dedendae urbis, mox deinde eadem turbata.
 Dexagoridas et Gorgopas pari imperio praeerant urbi.
 Dexagoridas miserat ad legatum Romanum, traditu-
 rum se urbem ^h). et quum ad eam rem tempus et ratio
 convenisset, a Gorgopa proditor interficitur. inten-
 tiusque ab uno urbs defendebatur: et difficilior facta
 obpugnatio erat, ni T. Quinctius cum quatuor millibus
 delectorum militum supervenisset. Is quum supercilio
 haud procul distantis tumuli ab urbe instructam aciem
 ostendisset, et ex altera parte L. Quinctius ab operibus
 suis terramarique instaret; tum vero desperatio Gor-
 gopam quoque coegit id consilii, quod in altero morte
 vindicaverat, capere. et pactus, ut abducere inde mili-
 tes, quos praesidii caussa habebat, liceret, tradidit
 Quinctio urbem, Priusquam Gythium traderetur, Py-
 thagoras, praefectus Argis relictus ⁱ), tradita custodia
 urbis Timocrati Pellenensi, cum mille mercenariis mili-
 tibus, et duobus millibus Argivorum, Lacedaemonem
 ad Nabin venit.

XXX. Nabis, sicut primo adventu Romanae
 classis et traditione oppidorum maritimae orae conter-
 ritus erat, sic, parva spe quum adquievisset, Gythio ab
 suis retento, postquam id quoque traditum Romanis au-
 divit esse, quum ab terra, omnibus circa hostibus ^k), ni-
 hil spei esset, a mari quoque toto se interclusum, ce-
 dendum fortunae ratus, caduceatorem primum in ca-
 stra misit ad explorandum, si paterentur legatos ad se
 mitti. qua inpetrata re, Pythagoras ad imperatorem
 venit, nullis cum aliis mandatis, quam ut tyranno con-

^g) porta Gron.

^h) traditurus urbem Gron.
 Grev.

ⁱ) relictis Eaed.

^k) omnibus circa hostium
 Gron.

loqui cum imperatore liceret^{l)}. Consilio^{m)} advocato, U. c. 557.
 quum omnes dandum colloquium censuissent, dies lo- a. C. 195.
 cusque constituitur. In mediae regionis tumulos, modi-
 cis copiis sequentibus, quum venissent, relictis ibi in
 statione conspecta utrimque cohortibus, Nabis cum de-
 lectis custodibus corporis, Quinctius cum fratre et Eu-
 mene rege, et Sosilao Rhodio, et Aristaeno Achaeorum
 praetore, tribunisque militum paucis descendit.

XXXI. Ibi permissio, ut, seu dicere prius, seu au-
 dire mallet, ita coepit tyrannus. *Si ipse per me, T.*
Quincti, vosque, qui adestis, causam excogitare, cur mihi
aut indixissetis bellum, aut inferretis, possem; tacitus
eventum fortunae meae expectassem. nunc imperare ani-
mo nequivi, quin, priusquam perirem, cur periturus es-
sem, scirem. Et, hercule, si tales essetis, quales esse Kar-
thaginenses fama est, apud quos nihil societatis fides
sancti haberet; in me quoque vobis quid faceretis minus
pensi esse, non mirarer. Nunc, quum vos intueor, Roma-
nos esse video, qui rerum divinarum foedera, humanarum
fidem socialem sanctissimam habeatis. Quum me ipse re-
spxi, eum esse spera, cui et publice, sicut ceteris Lace-
daemoniis, vobiscum vetustissimum foedus sit: et meo
nomine privatim amicitia ac societas, nuper Philippi bel-
lo renovata. At enim ego eam violavi et everti, quod Ar-
givorum civitatem teneo. Quomodo hoc tuear? re, an
tempore? Res mihi duplicem defensionem praebet. nam et,
ipsis vocantibus ac tradentibus, urbem eam accepi, non
occupavi. et accepi, quum Philippi partium, non in ve-
stra societate esset. Tempus autem eo me liberat, quod,
quum iam Argos haberem, societas mihi vobiscum conve-
nit: et, ut vobis mitterem ad bellum auxilia, non ut Ar-
gis praesidium deducere, pepigistis. At, hercle, in ea
controversia, quae de Argis est, superior sum et aequita-
tere, quod non vestram urbem, sed hostium; quod volen-
tem, non vi coactam, accepi; et vestra confessione, quod

l) liceat Gron. Crev.

m) concilio Gron.

U. c. 557. in conditionibus societatis mihi Argos reliquistis. Ceterum nomen tyranni et facta meⁿ⁾ premunt, quod servos ad libertatem voco, quod in agros inopem plebem deduco. De nomine hoc respondere possum me, qualiscumque sum, eundem esse, qui fui, quum tu ipse mecum, T. Quincti, societatem pepigisti. Tum me regem adpellari a vobis meminini: nunc tyrannum vocari video. Itaque si ego nomen imperii mutassem, mihi meae inconstantiae; quum vos mutetis, vobis vestrae reddenda ratio est. Quod ad multitudinem servis liberandis auctam, et egentibus divisum agrum adtinet, possum quidem et in hoc me iure temporis tutari. Iam feceram haec, quali acumque sunt, quum societatem mecum pepigistis, et auxilia in bello adversus^{o)} Philippum accepistis. Sed si nunc ea fecissem, non dico, quid in eo vos laesissem, aut vestram amicitiam violassem? sed illud, me more atque instituto maiorum fecisse. Nolite ad vestras leges atque instituta exigere ea, quae Lacedaemone fiunt. Nihil comparare singula necesse est^{p)}. vos a censu equitem, a censu peditem legitis; et paucos excellere opibus, plebem subiectam esse illis. vultis. Noster legumlator non in paucorum manu rempublicam esse voluit, quem vos senatum adpellatis; nec excellere unum aut alterum ordinem in civitate: sed per aequationem fortunae ac dignitatis fore credidit, ut multi essent, qui arma pro patria ferrent. Pluribus me peregissem, quam pro patrio sermone^{q)} fateor. Et breviter peroratum esse potuit; Nihil me, postquam vobiscum amicitiam institui, cur eius vos poeniteret, comisisse.

XXXII. Ad haec imperator Romanus: Amicitia et societas nobis nulla tecum, sed cum Pelope, rege Lacedaemoniorum iusto ac legitimo, facta est. Cuius ius tyranni quoque, qui postea per vim tenuerunt Lacedaemone imperium, (quia nos bellis nunc Punica, nunc Gallica, nunc alia ex aliis occupaverant) usurparunt; sicut tu

n) me del. Gron. Crev.

o) adversum Eaed.

p) est del. Eaed.

q) pro patriae sermone brevitatibus Eaed. c. Drak.

quoque hoc Macedonico bello fecisti. Nam quid minus U. c. 557^J
 conveniret, quam eos ^a); qui pro libertate Graeciae adver- a. C. 195^b
 sus Philippum gereremus bellum, cum tyranno instituere
 amicitiam? et tyranno quam, qui umquam, saevissimo ^c)
 et violentissimo in suos? Nobis vero, etiamsi Argos ac-
 cepisses per fraudem, nec teneres, liberantibus omnem
 Graeciam, Lacedaemon quique vindictanda in antiquam
 libertatem erat atque in leges suas, quarum modo, tam-
 quam aemulus Lycurgi, mentionem fecisti. An, ut ab
 Iasso et Bargyliis praesidia Philippi deduantur, curae
 erit nobis? Argos et Lacedaemonem, duas clarissimas
 urbes, lumina quondam Graeciae, sub pedibus tuis relin-
 quemus; quae titulum nobis liberatae Graeciae servientes
 deforment? At enim cum Philippo Argivi senserunt. Re-
 mittimus hoc tibi, ne nostram vicem intras aris. Satis com-
 pertum habemus, duorum, aut summum trium in ea re,
 non civitatis, culpam esse: tam, hercle, quam in tetuoque
 praesidio arcessiendo accipiendoque in arcem nihil esse ^d)
 publico consilio actum. Thessalos, et Phocenses, et Lo-
 crenes, consensu omnium scimus partium Philippi fuis-
 se; tamen cum cetera liberavimus Graecia. Quid tan-
 dem ^e) censes in Argivis, qui insontes publici consilii sint,
 facturos? Servorum ad libertatem vocatorum, et egenti-
 bus hominibus agri divisi crimina tibi obici dicebas. non
 quidem nec ipsa mediocria: sed quid ista sunt prae iis;
 quae a te tuisque quotidie alia super alia facinora edun-
 tur? Exhibe liberam concionem vel Argis, vel Lacedae-
 mone, si audire iuvat vera dominationis impotentissimae
 crimina. Ut omnia alia vetustiora omittam, quam cae-
 dem Argis Pythagoras iste gener tuus pene in oculis meis
 edidit? quam tu ipse, quum iam prope in finibus Lacedae-
 moniorum essem? Agedum, quos in concione compre-
 hensos, omnibus audientibus civibus tuis, in custodia te
 habiturum esse pronuntiasti, iube vinctos produci ut mi-

r) nos Gron.

s) et tyranno, quam qui umquam,
 saevissimo Crev.

t) sit Gron. Crev. c. Drak.

u) fuisse. tamen quum ceteram
 liberaverimus Graeciam,
 quid tandem etc. Eaed. c.
 Drak.

U. c. 557. *seri parentes, quos falso lugent, vivere sciant. At enim^{x)}*,
 a. C. 195- *ut iam ita sint haec, quid ad vos, Romani? Hoc tu dicas
 liberantibus Graeciam? hoc iis, qui, ut liberare possent,
 mare traiecerunt, terra marique gesserunt bellum? Vos
 tamen, inquis, vestramque amicitiam ac societatem pro-
 prie non violavi. Quoties vis te id arguam fecisse? Sed
 nolo pluribus: summam rem complectar. Quibus igitur
 rebus amicitia violatur? Nempe his maxime duabus^{y)},
 si socios meos praehostibus habeas; si cum hostibus te con-
 iungas. Utrumque a te factum est^{z)}, nam et Messenen,
 uno atque eodem iure foederis, quo et Lacedaemonem, in
 amicitiam nostram acceptam, socius ipse sociam nobis
 urbem vi atque armis cepisti: et cum Philippo, hoste no-
 stro, non societatem solum, sed, si Diis placet, adfinita-
 tem etiam per Philochem praefectum eius pepigisti: et bel-
 lum adversus^{a)} nos gerens mare circa Maleam infestum
 navibus piraticis fecisti: et plures prope cives Romanos,
 quam Philippus, cepisti atque occidisti: tutiorque Ma-
 cedoniae ora, quam promontorium Maleae commeatus ad
 exercitus nostros portantibus navibus fuit. Proinde parce,
 sis, fidem ac iura societatis iactare; et, omissa populari
 oratione, tamquam tyrannus et hostis loquere.*

XXXIII. Sub haec Aristaenus nunc monere Na-
 bin, nunc etiam orare, ut, dum liceret, dum occasio es-
 set, sibi ac fortunis suis consuleret. Referre deinde no-
 minationem tyrannos civitatum finitimarum coepit, qui,
 deposito imperio, restitutaque libertate suis, non tutam
 modo, sed etiam honoratam inter cives senectutem
 egissent. His dictis in vicem auditisque, nox prope di-
 remit colloquium. Postero die Nabis, *Argis se cedere ac
 deducere praesidium, quando ita Romanis placeret, et ca-
 ptivos et perfugas redditurum, dixit. Aliud si quid postu-
 larent, scriptum ut ederent, petiit, ut deliberare cum ami-*

x) enim, omissobat, Gron. Crev.

y) quibus igitur amicitia vio-
 latur? Nempe his duabus
 rebus maxime Gron. quibus
 igitur rebus amicitia viola-

tar? Nempe his duabus ma-
 xime Crev.

z) utrum non a te factum est?
 Gron. Crev. o. Drak.

a) adversum Gron. Crev.

*cis posset. Ita et tyranno ad consultandum tempus datum est: et Quinctius, sociorum etiam principibus adhibitis, habuit consilium^{b)}. Maximae partis sententia erat: Perseverandum in bello esse, et tollendum tyrannum. numquam aliter tutam libertatem Graeciae fore. Satiùs multo fuisse, non moveri bellum adversus eum, quam omitti motum. et ipsum velut comprobata dominatione firmiorem futurum, auctore iniusti imperii adsumto populo Romano; et exemplo multos in aliis civitatibus ad insidiandum libertati civium suorum incitaturum. Ipsi-
us imperatoris animus ad pacem inclinatioer erat. videbat enim, compulso intra moenia hoste, nihil praeter obsidionem restare. Eam autem fore diuturnam. Non enim Gythium, quod ipsum tamen traditum, non expugnatum esset, sed Lacedaemonem, validissimam urbem viris armisque, obpugnaturus. Unam spem fuisse, si qua admoventibus exercitum dissensio inter ipsos ac seditio excitari posset. quum signa portis prope inferri cernerent, neminem se movisse. Adiciebat, et cum Antiocho infidam pacem, Villium legatum inde redeuntem nunciare; multo maioribus, quam ante, terrestribus navalibusque copiis in Europam eum transisse. Si occupasset obsidio Lacedaemonis exercitum, quibus aliis copiis adversus regem tam validum ac potentem bellum gesturos? Haec propagalam dicebat: illa tacita suberat cura, ne novus consul Graeciam provinciam sortiretur, et inchoati belli victoria successorì tradenda esset.*

XXXIV. Quum adversus tendendo nihil moveret socios, simulandose transire in eorum sententiam, omnes in adsensum consilii sui traduxit. Bene vertat, inquit, quando ita placet, obsideamus Lacedaemonem^{c)}. Illud modo ne fallat^{d)} ceterum, quum res tam lenta, quam ipsi scitis, obpugnatio urbium sit, et obsidentibus prius saepe, quam obsessis, taedium adferat, iam nunc hoc ita

b) concilium Gron.

c) obsideamus Lacedaemonem, quando ita placet. Gron.

Crev.

d) illud modo ne fallat del. Eaed.

U. c. 557. proponere vos animis oportet; hibernandum circa Lacedaemona C. 195. daemoneis moenia esse. Quae mora si laborem tantum ac periculum haberet; ut et animis, et corporibus ad sustinenda ea parati essetis, hortarer vos. Nunc inpensa quodque magna eget in opera, in machinationes, et tormenta; quibus tanta urbs obpugnanda est; in commeatus vobis nobisque^{e)} in hiemem expediendos. Itaque, ne aut repente trepidetis, aut rem inchoatam turpiter destitueritis, scribendum ante vestris civitatibus censeo, explorandumque, quid quaeque animi, quid virium habeat. Auxiliorum satis superque habeo: sed, quo plures sumus, pluribus rebus egebimus. Nihil iam praeter nudum solum ager hostium habet. Ad hoc hiems accedit, ad comportandum ex longinquo difficilis. Haec oratio primum animos omnium ad respicienda cuique domestica mala convertit; segnitiam, invidiam et obtreccionem dominantium adversus militantes, libertatem difficilem ad consensum, inopiam publicam, malignitatem conferendi ex privato. Versis itaque subito voluntatibus, faceret^{f)}, quod e republica populi Romani sociorumque esse crederet, imperatori permiserunt.

XXXV. Inde Quinctius, adhibitis legatis tantum tribunisque militum, condiciones, in quas cum tyranno pax fieret, has conscripsit. Sex mensium induciae ut essent Nabidi Romanisque, et Eumeni regi, et Rhodiis. Legatos extemplo mitterent Romam T. Quinctius et Nabidus, ut pax ex auctoritate senatus confirmaretur. Ex qua die scriptae condiciones pacis editae Nabidi forent, ea dies ut induciarum principium esset: et ut ex eadie intra decimum diem ab Argis ceterisque oppidis, quae in Argivorum agro^{g)} essent, praesidia omnia deducerentur: vacuae et libera traderentur Romanis. et^{h)} ne quod inde mancipium regium publicumve aut privatum educeretur; et, si qua anteeducta forent, dominis recte restituerentur. Naves, quas civitatibus maritimis ademisset, redderet: ne-

e) nobis vobisque Gron. Grev.

f) facere Eaed. c. Drak.

g) agris Gron. c. Drak.

h) et del. Gron. Grev.

ve ipse navem ullam, praeter duos lembos, qui non plus ^{U. c. 5575} quam sexdecim remis agerentur, haberet. Per fugas et ^{a. C. 195} captivos omnibus sociis populi Romani civitatibus redderet, et Messeniis omnia, quae comparerent, quaeque domini cognoscerent. Exsulis quoque Lacedaemonis liberos et coniuges restitueret, quae earum viros sequi voluissent: invita ne quae exsulis comes esset. Mercenariorum militum Nabidis, qui aut in civitates suas, aut ad Romanos transissent ^{k)}, iis res suae omnes recte redderentur. In Creta insula ne quam urbem haberet: quas habuisset, redderet Romanis. Ne quam societatem cum ullo ^{l)} Cretensium aut quoquam alio institueret, neu bellum gereret. Civitatibus omnibus, quas ipse restituisset, quaeque se suaeque in fide ac ditionem populi Romani tradidissent, omnia praesidia deduceret: seque ipse suosque ab his abstineret. Ne quod oppidum, ne quod castellum in suo alienove agro conderet. Obsides, ea ita futura, daret quinque, quos imperatori Romano placuisset; filium in his suum: et talenta centum argenti in praesenti, et quinquaginta talenta in singulos annos per annos octo.

XXXVI. Haec conscripta, castris propius urbem motis, Lacedaemonem mittuntur, nec sane quidquam eorum satis placebat tyranno: nisi quod, praeter spem, reducendorum exsulum mentio nulla facta erat. maxime autem omnium ea res offendeat, quod et naves, et maritimae civitates adeintae erant. Fuerat autem ei magno fructui mare, omnem oram Maleae ^{m)} praedatoriis navibus infestam habenti. iuventutem praeterea civitatum earum ad supplementum longe optimi generis militum habebat. Has conditiones, quamquam ipse in secreto volutaverat cum amicis, vulgo tamen omnes fama ferebant, vanis, ut ad ceteram fidem, sic ad secreta tegenda, satellitum regionum ingeniis. Non tam omnia universi, quam ea, quae ad quemque pertinerent, singuli carpebant. qui exsulum coniuges in ma-

i) et del. Gron, Crev.

k) transissent Eaed.

l) ulla Gron.

m) a Malea Gron, Crev.

U. c. 559. trimonio habebant, aut ex bonis eorum aliquid posse-
 a. C. 195. derant, tamquam amissuri, non reddituri, indigna-
 bantur. servis liberatis a tyranno non irrita modo futu-
 ra libertas, sed multo foedior, quam fuisset ante, ser-
 vitus redeuntibus in iratorum dominorum potestatem
 ante oculos obversabatur. mercenarii milites et pretia
 militiae casura in pace aegre ferebant, et reditum sibi
 nullum esse incivitates videbant, infensas non tyran-
 nis magis, quam satellitibus eorum.

XXXVII. Haec inter se primo in circulis serentes
 fremere: deinde ad arma subito discurrerunt. Quo tu-
 multu quum per se satis irritatam multitudinem cerne-
 ret tyrannus, concionem advocari iussit. ubiⁿ⁾ quum
 ea, quae imperarentur a^{o)} Romanis, exposuisset, et
 graviora atque indigniora quaedam falso adfinxisset, et
 ad singula, nunc ab universis, nunc a partibus concio-
 nis, adclamaretur, interrogavit, *Quid se respondere ad
 ea, aut quid facere vellent?* Prope una voce omnes, *Ni-
 hil respondere, bellum geri*, iusserunt. et pro se quisque,
 qualia multitudo solet, bonum animum habere, et bene
 sperare iubentes, *fortes fortunam adjuvare*, aiebant.
 His vocibus incitatus tyrannus, et Antiochum Aeto-
 losque adiuturos pronunciat; et sibi ad obsidionem su-
 stinendam copiarum adfatim esse. Exciderat pacis
 mentio ex omnium animis, et in stationes non ultra
 quieturi discurrunt. Paucorum lacescentium excursio
 et emissa iacula extemplo et^{p)} Romanis dubitationem,
 quin bellandum esset, exemerunt. Levia inde proelia
 per quatrimum primum sine ullo satis certo eventu
 comissa. quinto die prope iusta pugna adeo paventes in
 oppidum Lacedaemonii compulsi sunt, ut quidam mi-
 lites Romani, terga fugientium caedentes, per inter-
 missa, ut tunc erant, moenia urbem intrarint.

XXXVIII. Et tunc quidem Quinctius, satis eo
 terrore coercitis excursionibus hostium, nihil praeter

n) *ibi* Gron. Crev. 1) *ibi*

o) *ab* Eaed.

p) *et del.* Eaed.

ipsius obpugnationem urbis superesse ratus, missis, qui U. c. 557.
 omnes navales socios a Gythio arcesserent, ipse interim a. C. 195.
 cum tribunis militum ad visendum urbis situm moenia
 circumvehitur. Puerat quondam sine muro Sparta.
 tyranni nuper locis patentibus planisque obiecerant
 murum: altiora loca, et difficiliora aditu, stationibus
 armatorum promunimento obiectis tutabantur. Ubi sa-
 tis omnia inspexit, corona obpugnandum^{q)} ratus, om-
 nibus copiis (erant autem Romanorum sociorumque,
 simul peditum equitumque, simul terrestrium ac^{r)} na-
 valium copiarum, ad quinquaginta millia hominum)
 urbem cinxit. Alii scalas, alii ignem, alii alia, quibus
 non obpugnarent modo, sed etiam terrerent, porta-
 bant. Iussi clamore sublato subire undique omnes, ut,
 qua primum obcurrerent, quave opem ferrent, ad om-
 nia simul paventes Lacedaemonii ignorarent. Quod
 roboris in exercitu erat, trifariam divisum. parte una
 a Phoebeo, altera a Dictynneo, tertia ab eo loco, quem
 Heptagonias adpellant (omnia autem haec aperta sine
 muro loca sunt) adgredi iubet. Quum tantus undique
 terror urbem^{s)} circumvasisset; primo tyrannus et ad
 clamores repentinos, et ad nuncios trepidos motus, ut
 quisque maxime laboraret locus, aut ipse obcurreret,
 aut aliquos mittebat. deinde, circumfuso undique pa-
 vore, ita obtorpuit, ut nec dicere, quod in rem esset,
 nec audire posset; nec inops modo consilii, sed vix
 mentis composesset.

XXXIX. Romanos primo sustinebant in angu-
 stiis Lacedaemonii: ternaque acies tempore uno locis
 diversis pugnabant. deinde, crescente certamine, ne-
 quaquam erat proelium par. missilibus enim Lacedae-
 monii pugnabant, a quibus se et magnitudine scuti per-
 facile Romanus tuebatur miles, et quod alii vani, alii
 leves admodum ictus erant. nam propter angustias loci
 confertamque turbam non modo ad emittenda cum pro-

q) oppugnandam Gron. Crev.

s) urbem del. Gron.

r) terrestriumque ac Eaed.

U. c. 657. cursu, quo plurimum concitantur tela, spatium habebant: sed ne ut de gradu quidem libero ac stabili conarentur. Itaque ex adverso missa tela, nulla in corporibus, rara in scutis haerebant. a circumstantibus ex superioribus locis quidam vulnerati sunt: mox progressos iam etiam ex tectis non tela modo, sed tegulae quoque, inopinantes perculerunt. Sublatis deinde supra capita scutis, continuatisque ita inter se, ut non modo ad coecos irtus, sed ne ad inserendum^{t)} quidem ex propinquo telum loci quidquam esset, testudine facta subibant. et primae^{u)} angustiae paullisper, sua hostiumque refertae turba, tenuerunt: postquam in patentiorrem viam urbis paullatim urgentes hostem processere, non ultra vis eorum atque inpetus sustineri poterant. Quum terga vertissent Lacedaemonii, et effusa fuga superiora peterent loca; Nabis quidem, ut capta urbe trepidans, quam ipse evaderet, circumspectabat. Pythagoras quum ad cetera animo officioque ducisungebatur, tum vero unus, ne caperetur urbs, causa fuit. succendi enim aedificia proxima muro iussit. quae quum momento temporis arsissent, ut adiuvantibus ignem, qui alias ad extinguendum opem ferre solent, ruere in Romanos tecta: nec tegularum modo fragmenta, sed etiam ambusta tigna, ad armatos pervenire, et flamma late fundi, fumus terrorem etiam maiorem, quam periculum, facere. Itaque et qui extra urbem erant Romanorum, tum maxime inpetus facientes, recessere a muro: et, qui iam intraverant, ne incendio ab^{x)} tergo oriente intercluderentur ab suis, receperunt sese. et Quinctius, postquam, quid rei esset, vidit, receptui canere iussit. ita iam a capta prope urbe revocati redierunt in castra.

XL. Quinctius plus ex timore hostium, quam ex re ipsa, spei nactus, per triduum insequens territavit eos; nunc proeliis lacessendo, nunc operibus interse-

t) *inferendum* Gron. Crev. c.
Drak.

u) *primo* Gron. Crev.
x) *a* Eacd.

piendo quaedam; ne exitus ad fugam esset. His com-^{U. c. 557.}
^{a. C. 195.}minationibus compulsus tyrannus Pythagoram rursus
 oratorem misit, quem Quinctius primo adspernatum^{y)}
 excedere castris iussit. deinde suppliciter orantem, ad-
 volutumque genibus, tandem audivit. Prima oratio fuit
 omnia permittentis arbitrio Romanorum: dein^{z)}, quum
 ea velut vana et sine effectum nihil proficerent, eo dedu-
 cta res est, ut his conditionibus, quae ex scripto paucis
 ante diebus editae erant, induciae fierent: pecuniaque
 et obsides accepti. Dum obpugnatur tyrannus, Argivi,
 nunciis aliis prope super alios adferentibus, tantum non
 iam captam Lacedaemonem esse, erecti et ipsi, simul
 eo quod Pythagoras cum parte validissima praesidii ex-
 cesserat, contempta paucitate eorum, qui in arce erant,
 duce Archippo quodam, praesidium expulerunt. Ti-
 mocratem Pellenensem, quia clementer praefuerat, vi-
 rum fide data emisit. Huic laetitiae Quinctius su-
 pervenit, pace data tyranno, dimissisque ab Lacedae-
 mone Eumene, et Rhodiis, et L. Quinctio fratre ad
 classem.

XLI. Laeta civitas celeberrimum festorum die-
 rum ac nobile ludicrum Nemeorum, die stata propter
 belli mala praetermissum, in adventum Romani exer-
 citus ducisque indixerunt, praefeceruntque ludis ipsum
 imperatorem. Multa erant, quae gaudium cumlarent.
 reducti cives ab Lacedaemone erant, quos nuper Pytha-
 goras, quosque ante Nabis abduxerant: redierant, qui
 post compertam a Pythagora coniurationem, et caede
 iam coepta, effugerant: libertatem ex longo intervallo,
 libertatisque auctores Romanos, quibus causa bellan-
 di cum tyranno ipsi fuissent, cernebant. testata quoque
 ipso Nemeorum die voce praeconis libertas est Argivo-
 rum. Achaeis quantum restituti Argi in commune
 Achaiae concilium laetitiae adferebant; tantum serva
 Lacedaemon relictam, et lateri adhaerens tyrannus, non

y) *aspernatus* Gron. Crev.z) *deinde* Eaed.

U. c. 557. sincerum gaudium praebebant^{a)}). Aetoli vero eam rem
 a. C. 195. omnibus conciliis lacerare. *Cum Philippo non ante desi-*
tum bellari, quam omnibus excederet Graeciae urbibus.
Tyranno relictam Lacedaemonem: regem autem legiti-
 mum, qui in Romanis fuerit^{b)} castris, ceterosque nobilis-
simos cives in exsilio victuros. Nabidis dominantis sa-
tellitem factum populum Romanum. Quinctius ab Argis
 Elatiam, unde ad bellum Spartanum profectus erat, co-
 pias reduxit. Sunt, qui non ex oppido proficiscentem
 bellum gessisse tyrannum tradant, sed castris adversus
 Romana castra positis. diuque cunctatum, quum Aeto-
 lorum auxilia expectasset, coactum ad extremum acie
 configere, inpetu in pabulatores suos ab Romanis fa-
 cto: eo proelio victum, castrisque exutum pacem petis-
 se; quum cecidissent quindecim millia militum, capta
 plus quatuor millia essent.

XLII. Eodem fere tempore et a T. Quinctio de re-
 bus ad Lacedaemonem gestis, et ab M. Porcio consule
 ex Hispania literae adlatae: utriusque nomine in dies
 ternos^{c)} supplicatio a senatu decreta est. L. Valerius
 consul, quum post fusos circa Litanam silvam Boios
 quietam provinciam habuisset, comitiorum caussa Ro-
 nam rediit; et creavit consules P. Cornelium Scipio-
 nem Africanum iterum et Ti. Sempronium Longum.
 Horum patres primo anno secundi Punici belli consules
 fuerant. Praetoria inde comitia habita. creati P. Cor-
 nelius Scipio, et duo Cn. Cornelii, Merenda et Blasio,
 et Cn. Domitius Ahenobarbus^{d)}, et Sex. Digitius, et
 T. Iuventius Thalna. Comitiiis perfectis, consul in pro-
 vinciam rediit. Novum ius eo anno a Ferentinatibus
 tentatum, ut Latini, qui in coloniam Romanam nomina
 dedissent, cives Romani essent. Puteolos, Salernum-
 que, et Buxentum adscripti coloni, qui nomina dede-
 rant, quum ob id se pro civibus Romanis ferrent, se-
 natus iudicavit, non esse eos cives Romanos.

a) *relicta, lateri adhaerens ty-*
ranni, non sincerum gaudi-
um praebebat Drak.

b) *fuerat* Gron. Crev. c. Drak.

c) *ternos in dies* Gron. Crev.

d) *Aenobarbus* Gron.

XLIII. Principio anni, quo P. Scipio Africanus^{U. c. 558.} iterum et Ti. Sempronius Longus consules fuerunt, legati Nabidis tyranni Romam venerunt^{a. C. 194.}). Iis^{f)} extra urbem in aede Apollinis senatus datus est. pax, quae cum T. Quinctio convenisset, ut rata esset, petierunt, inpetraveruntque. De provinciis quum relatum esset, senatus frequens in eam sententiam ibat; ut, quoniam in Hispania et Macedonia debellatum foret, consulibus ambobus Italia provincia esset. Scipio, *satis esse Italiae unum consulem*, censebat: *alteri decernendam Macedoniam esse. Bellum grave ab Antiocho imminere. iam ipsum sua sponte in Europam transgressum. Quid deinde facturum censerent, quum hinc Aetoli haud dubie hostes vocarent ad bellum, illinc Hannibal, Romanis cladibus insignis imperator, stimularet?* Dum de provinciis consulum disceptatur, praetores sortiti sunt. Cn. Domitio urbana iurisdictio, T. Iuventio peregrina evenit. P. Cornelio Hispania ulterior, Sex. Digitio citerior: duobus Cn. Corneliis, Blasioni Sicilia, Merendae Sardinia. In Macedoniam novum exercitum transportari non placuit. eum, qui esset ibi, reduci in Italiam a Quinctio, ac dimitti, item eum exercitum dimitti, qui cum M. Porcio Catone in Hispania esset. Consulibus ambobus Italiam provinciam esse, et duas urbanas eos^{g)} legiones scribere: ut, dimissis, quos senatus censuisset, exercitibus, octo omnino Romanae legiones essent.

XLIV. Ver sacrum factum erat priore anno, M. Porcio et L. Valerio consulibus. id quum P. Licinius pontifex non esse recte factum collegio primum, deinde ex auctoritate collegii Patribus, renunciasset, de integro faciendum arbitrato pontificum censuerunt; ludosque magnos, qui una voti essent, tanta pecunia, quanta adsoleret, faciendos. Ver sacrum videri pecus, quod natum esset inter Kalendas Martias, et pridie Kalendas Maias, P. Cornelio Scipione et Ti. Sempronio Longo

e) add. duo Gron. Crev.

g) eo Eaed.

f) his Eaed.

U. c. 558. consulibus. Censorum inde comitia habita sunt. creati
 a. C. 194. censores Sex. Aelius Paetus et C. Cornelius Cethegus
 principem senatus P. Scipionem consulem, quem et
 priores censores legerant, legerunt. tres omnino sena-
 tores, neminem curuli honore usum, praeterierunt.
 Gratiam quoque ingentem apud eum ordinem pepere-
 runt, quod, ludis Romanis, aedilibus currulibus impe-
 rarunt, ut loca senatoria secernerent a populo. nam
 antea in promiscuo spectabant. Equitibus quoque per-
 paucis ademti equi, nec in ullum ordinem saevitum.
 Atrium Libertatis et Villa publica ab eisdem reflecta
 amplificataque. Versacrum ludique votivi, quos vove-
 rat P.^{h)} Sulpicius Galba consul, facti. Quum spectacu-
 lo eorum occupati animi omnium essent, Q. Pleminius,
 qui propter multa in Deos hominesque scelera, Locris
 admissa, in carcerem coniectus fuerat, comparaverat
 homines, qui pluribus simul locis urbis nocte incendia
 facerent; ut in consternata nocturno tumultu civitate
 refringi carcer posset. ea res indicio conscriptorum palam
 facta, delataque ad senatum est. Pleminius in inferio-
 rem demissus carcerem est, necatusque.

XLV. Coloniae civium Romanorum eo anno de-
 ductae sunt Puteolos, Vulturnum, Liternum; treceni
 homines in singulas. Item Salernum Buxentumque co-
 loniae civium Romanorum deductae sunt. deduxere
 triumviri, T. Sempronius Longus, qui tum consul erat,
 M. Servilius, Q. Minucius Thermus. Ager divisus est,
 qui Campanorum fuerat. Sipontum item in agrum, qui
 Arpinorum fuerat, coloniam civium Romanorum alii
 triumviri, D. Iunius Brutus, M. Baebius Tamphilus,
 M. Helvius deduxerunt. Tempsam item et Crotonem ci-
 vium Romanorum coloniae deductae. Tempsanus ager
 de Bruttiiis captus erat; Bruttii Graecos expulerant.
 Crotonem Graeci habebant. Triumviri Cn. Octavius,
 L. Aemilius Paullus, C. Plaetoriusⁱ⁾ Crotonem; Tem-

h) Ser. Gron. Crev. c. Drak.

i) Pletorius Gron. Crev.

psam L. Cornelius Merula et C. Salonius deduxerunt. U. c. 558.
 Prodigia quoque alia visa eo anno Romae sunt, alia nun- a. C. 194.
 ciata. In foro, et comitio, et Capitolio sanguinis guttae
 visae sunt: et terra aliquoties pluit: et caput Vulcani
 arsit. Nunciatum est, Nare amni^{k)} lac fluxisse: pue-
 ros ingenuos Arimini sine oculis ac naso; et in Piceno
 agro non manus, non pedes habentem natum. ea prodi-
 gia ex pontificum decreto procurata. Et sacrificium no-
 vemdiale factum, quod Hadriani nunciaverant, in agro
 suo lapidibus pluisse.

- XLVI. In Gallia L. Valerius Flaccus proconsul
 circa Mediolanum cum Gallis Insubribus, et Boiis, qui
 Dorulaco duce ad concitandos Insubres Padum trans-
 gressi erant, signis conlatis depugnavit. decem millia
 hostium sunt caesa. Per eos dies collega eius M. Porcius
 Cato ex Hispania triumphavit. tulit in eo triumpho ar-
 genti infecti viginti quinque millia pondo, bigati cen-
 tum viginti tria millia, Oscensis quingenta quadragin-
 ta: auri pondo mille quadringenta. Militibus ex praeda
 divisit, in singulos, ducenos septuagenos aeris, triplex
 equiti. Ti. Sempronius consul, in provinciam profe-
 ctus, in Boiorum primum agrum legiones duxit. Boio-
 rix tum regulus eorum, cum duobus fratribus tota gente
 concitata ad rebellandum, castra locis apertis^{l)} posuit:
 ut adpareret dimicatu-
 ros, si hostis fines intrasset. Con-
 sul ubi, quantae copiae, quanta fiducia esset hosti, sen-
 sit, nuncium ad collegam mittit, *ut, si videretur ei, ma-
 turaret venire. se tergiversando in adventum eius rem ex-
 tracturum.* Quae caussa consuli cunctandi, eadem Gal-
 lis (praeterquam quod cunctatio hostium animos facie-
 bat) rei maturandae erat, ut, priusquam coniungeren-
 tur consulum copiae, rem transigerent. per biduum ta-
 men nihil aliud quam steterunt parati ad pugnandum,
 si quis contra egrederetur: tertio^{m)} subiere ad vallum,
 castraque ab omni simul parte adgressi sunt. Consul

k) Interamnae Gron. Crev.

m) add. vi Gron. Crev.

l) idoneis Gron.

U. c. 558. extemplo arma capere milites iussit. armatos inde
 a. C. 194. paullisper continuit: ut et stolidam fiduciam hosti au-
 geret, et disponderet copias, quibus quaeque portis
 erumperent. Duae legiones duabus principalibus portis
 signa efferre iussae. sed in ipso exitu ita conferti ob-
 stitere Galli, ut clauderent viam. Diu in angustiis pu-
 gnatum est. nec dextris magis gladiisque gerebatur, res,
 quam scutis corporibusque ipsis obnisi urgebant; Ro-
 mani, ut signa foras efferrent; Galli, ut aut ipsi in ca-
 stra penetrarent, aut exire Romanos prohiberent. nec
 ante in hanc aut illam partem moveri acies potuerunt,
 quam Q. Victorius primipili centurio, et C. Atinius tri-
 bunus militum, quartae hic, ille secundae legionis,
 (rem in asperis proeliis saepe tentatam) signa adempta
 signiferis in hostes inieceruntⁿ⁾. dum repetunt enixe
 signum, priores secundani se porta eiecere.

XLVII. Iam hī extra vallum pugnabant, quarta
 legione in porta haerente, quum alius tumultus ex
 aversa parte castrorum est exortus. in portam quaesto-
 riam inruperant Galli: resistentesque pertinacius oc-
 ciderant L. Postumium quaestorem, cui Tympano fuit
 cognomen, et M. Atinium, et P. Sempronium, praeefe-
 ctos socium, et ducentos ferme milites. Capta ab ea
 parte castra erant, donec cohors extraordinaria, missa
 a consule ad tuendam quaestoriam portam, et eos, qui
 intra vallum erant, partim occidit, partim expulit ca-
 stris, et inrumpentibus obstitit. Eodem fere tempore
 et quarta legio cum duabus extraordinariis cohortibus
 porta erupit. ita simul tria proelia circa castra locis di-
 stantibus erant: clamoresque dissoni ad incertos suo-
 rum eventus a praesenti certamine animos pugnantium
 avertabant. Usque ad meridiem aequis viribus, ac pro-
 pe parispe, pugnatum est. labor et aestus mollia et flu-
 ida corpora Gallorum, et minime patientia sitis, quum
 decedere pugna coegisset, in paucos restantes inpetum

ⁿ⁾ iecerunt Gron. Crev.

Romani fecerunt, fusosque compulerunt in castra. Si- U. c. 558.
 gnum inde receptum a consule datum est; ad quod pars a. C. 194.
 maior receperunt sese; pars, certaminis studio et spe
 potiundi castris hostium, perstitit ad vallum. Eorum
 paucitate contemta, Galli universi ex castris erupe-
 runt^o): fusi inde Romani, quae imperio consulis no-
 luerant, suo pavore ac terrore castra repetunt. ita varia
 hinc atque illinc nunc fuga, nunc victoria^p) fuit. Gal-
 lorum tamen ad undecim millia, Romanorum quinque
 millia, sunt occisa. Galli recipere in intima finium sese.

XLVIII. Consul Placentiam legiones duxit. Sci-
 pionem alii, coniuncto exercitu cum collega, per Boio-
 rum Ligurumque agros populantem isse, quoad pro-
 gredi silvae paludesque passae sint, scribunt: alii, nul-
 la memorabili re gesta, Romam comitiorum causa re-
 disse^q). Eodem hoc anno T. Quinctius Elatiae, quo in
 hiberna reduxerat copias, totum hiemis tempus iure
 dicundo consumsit, mutandisque iis, quae aut ipsius
 Philippi, aut praefectorum eius licentia in civitatibus
 facta erant, quum, suae factionis hominum vires augen-
 do, ius ac libertatem aliorum deprimerent^r). Veris
 initio Corinthum, conventu edicto, venit. ibi omnium
 civitatum legationes in concionis modum circumfusas
 est adlocutus; orsus ab inita primum Romanis amicitia
 cum Graecorum gente, et imperatorum, qui ante se in
 Macedonia fuissent, suisque rebus gestis. Omnia cum
 ad probatione ingenti sunt audita; praeterquam quum
 ad mentionem Nabidis ventum esset, id minime con-
 veniens liberanti Graeciam videbatur, tyrannum relinqui-
 se, non suae solum patriae gravem, sed omnibus circa
 civitatibus metuendum, haerentem visceribus nobilis-
 simae civitatis.

XLIX. Nec ignarus huius habitus animorum
 Quinctius, *Si sine excidio Lacedaemonis fieri potuisset,*

^o) erumpunt Gron. Crev.

^p) nunc victoria, nunc fuga
 Eaed.

^q) comitiorum causa rediisse
 Roman Eaed. c. Drak.

^r) deprimeret Eaed. c. Drak.

U. c. 558. fatebatur, pacis cum tyranno mentionem admittendam
 a. C. 194. auribus non fuisse. nunc, quum aliter, quam ruina gravissimae^s) civitatis, obprimi non posset, satius visum esse, tyrannum debilitatum, ac totis prope viribus ad nocendum cuiquam ademptis, relinqui; quam intermori vehementioribus, quam quae pati posset, remediis civitatem sinere, in ipsa vindicta libertatis perituram. Praeteritorum commemorationi subiecit, Proficisci sibi in Italiam, atque omnem exercitum deportare, in animo esse. Demetriadis Chalcidisque praesidia intra decimum diem audituros deducta: Acrocorinthum ipsis extemplo videntibus vacuum Achaeis traditurum: ut omnes scirent, utrum Romanis, an Aetolis, mentiri mos esset; qui male commissam libertatem populo Romano sermonibus distulerint, et mutatos pro Macedonibus Romanos dominos. Sed illis, nec quid dicerent, nec quid facerent, quidquam umquam pensi fuisse. Reliquas civitates monere, ut ex factis, non ex dictis, amicos pensent: intelligantque, quibus credendum, et a quibus cavendum sit. Libertate modice utantur. temperatam eam, salubrem et singulis, et civitatibus esse: nimiam et aliis gravem, et ipsis, qui habeant, effrenatam et praecipitem esse. Concordiae in civitatibus, principes et ordines inter se, et in commune omnes civitates, consulerent. adversus consentientes nec regem quemquam satis validum, nec tyrannum fore, Discordiam et seditionem omnia opportuna insidiantibus facere, quum pars, quae domestico certamine inferior sit, externo potius se adplicet, quam civi cedat. Alienis armis partam, externa fide redditam libertatem sua cura custodirent servarentque: ut populus Romanus dignis datam libertatem, ac munus suum bene positum sciret.

L. Has velut parentis voces quum audirent, manare omnibus gaudio lacrimae, adeo ut ipsum quoque confunderent dicentem. Paullisper fremitus adprobantium dicta fuit, monentiumque aliorum alios, ut eas

s) Gravissima Gron. c. Drak.

voces, velut oraculo missas, in pectora animosque de- U. c. 558.
mitterent. Silentio deinde facto, petiit ab iis, ut cives a. C. 194.
Romanos, si qui apud eos in servitute essent, conquisi-
tos intra duos menses mitterent ad se in Thessaliam.
*Ne ipsis quidem honestum esse, in liberata terra liberato-
res eius servire.* Omnes adclamarunt, gratias se inter ce-
tera etiam ob hoc agere, quod admoniti essent, ut tam pio,
tam necessario officio fungerentur. Ingens numerus erat
bello Punico captorum, quos Hannibal, quum a suis non
redimerentur, venum dederat. Multitudinis eorum ar-
gumentum sit^{t)}, quod Polybius scribit, centum talen-
tis eam rem Achaeis stetisse: quum quingenos denari-
os pretium in capita, quod redderetur dominis, statu-
issent. Mille enim ducentos ea ratione Achaia habuit.
Adiice nunc pro portione, quot verisimile sit totam
Graeciam habuisse. Nondum conventus dimissus erat,
quum respiciunt praesidium, ab Acrocorintho descen-
dens, protinus ad portam duci atque abire. Quorum
agmen imperator secutus, prosequentibus cunctis, ser-
vatorem liberatoremque adclamantibus, salutatis^{u)} di-
missisque eis, eadem, qua venerat, via Elatiam rediit.
inde cum omnibus copiis Ap. Claudium legatum dimit-
tit. per Thessaliam atque Epirum ducere Oricum iubet,
atque ibi se opperiri. inde namque in animo esse, exer-
citus in Italiam traicere. et L. Quinctio fratri, legato
et praefecto classis, scribit, ut onerarias ex omni Grae-
ciae ora eodem contraheret.

LI. Ipse, Chalcidem profectus, deductis non a
Chalcide solum, sed etiam ab Oreo atque Eretria, prae-
sidiis, conventum ibi Euboicarum civitatum habuit:
commonitosque, in quo statu rerum accepisset eos, et
in quo relinqueret, dimisit. Demetriadem inde profici-
scitur: deductoque praesidio prosequentibus cunctis,
sicut Corinthi et Clalcide, pergit ire in Thessaliam: ubi
non liberandae modo civitates erant, sed ex omni con-

t) est Gron. Crev.

u) acclamantibus. Salutatis
Gron.

U. c. 558. luvione et confusione in aliquam tolerabilem formam
 a. C. 194. redigendae. Nec enim temporum modo vitiis, ac violentia, et licentia regia turbati erant: sed inquieto etiam ingenio gentis, nec comitia, nec conventum, nec concilium ullum, non per seditionem actumultum, iam inde a principio ad nostram usque aetatem, traducentis^{x)}.
 A censu maxime et senatum et iudices legit: potentiorumque eam partem civitatum fecit, cui salva tranquillaeque omnia magis esse expediebat.

LII. Ita quum percensuisset Thessaliam, per Epirum in Oricum, unde erat traiecturus, venit. Ab Oricopiae omnes Brundisium transportatae. inde per totam Italiam ad urbem prope triumphantes, non minore agmine rerum captarum, quam suo, praese acto, venerunt. Postquam Romam ventum est, senatus extra urbem Quinctio ad res gestas edisserendas datus est, triumphusque meritis ab lubentibus decretus. Triduum triumphavit. die primo arma, tela, signaque aerea et marmorea transtulit, plura Philippo adempta, quam quae ex civitatibus ceperat: secundo die aurum argentumque, factum infectumque et signatum. Infecti argenti fuit decem et octo millia pondo, et ducenta septuaginta facti: vasa multa omnis generis, caelata pleraque, quaedam eximiae artis: et ex aere multa fabrefacta. ad hoc clipea argentea decem. Signati argenti octoginta quatuor millia fuere Atticorum: tetradrachma^{y)} vocant: trium fere denariorum in singulis argenti est pondus. Auri pondo fuit tria millia septingenta quatuordecim, et clipeum unum ex auro totum: et Philippi nummia aurei quatuordecim millia, quingenti quatuordecim. Tertio die coronae aureae, dona civitatum, translatae centum quatuordecim: et hostiae ductae: et ante currum multi nobiles captivi obsidesque, inter quos Demetrius regis Philippi filius fuit, et Armenes, Nabidis tyranni filius, Lacedaemonius. Ipse deinde

x) traduecentes Gron. Crev. c.
 Drak.

y) tetradrachmum Gron.
 Crev.

Quinctius in urbem est invectus. secuti currum milites²⁾ frequentes, ut omni ex provincia exercitu deportato. His duceni^{a)} quinquageni aeris in pedites divisi: duplex centurioni, triplex equiti. Praebuerunt speciem triumpho capitibus rasis secuti, qui servitute exempti fuerant.

U. c. 558.

a. C. 194.

LIII. Exitu huius anni Q. Aelius Tubero tribunus plebis ex senatusconsulto tulit ad plebem, plebesque scivit, *Ut Latinae duae coloniae, una in Bruttios, altera in Thurinum agrum, deducerentur.* His deducendis triumviri creati, quibus in triennium imperium esset, in Bruttios Q. Naevius, M. Minucius Rufus, M. Furius Crassipes: in Thurinum agrum Cn. Manlius, Q.^{b)} Aelius, L. Apustius. ea bina comitia Cn. Domitius praetor urbanus in Capitolio habuit. Aedes eo anno aliquot dedicatae sunt: una Iunonis Sospitae in foro olitorio, vota locataque quadriennio ante a C. Cornelio consule Gallico bello; censor idem dedicavit: altera Fauni. aediles eam biennio ante ex multatio argento faciendam locarant, C. Scribonius et Cn. Domitius; qui praetor urbanus eam dedicavit. et aedem Fortunae Primeniae in colle Quirinali dedicavit Q. Marcius Ralla, duumvir ad id ipsum creatus. voverat eam decem annis ante Punico bello P. Sempronius Sophus consnl^{c)}; locaverat idem censor. Et in insula Iovis aedem C. Servilius duumvir dedicavit. vota erat sex annis ante Gallico bello ab L. Furio Purpureone praetore; ab eodem postea consule locata. Haec eo anno acta.

LIV. P. Scipio ex provincia Gallia ad consules subrogandos venit^{d)}. Comitia consulum fuere, quibus creati sunt L. Cornelius Merula et Q. Minucius Therminus. Postero die creati sunt praetores L. Cornelius Scipio, M. Fulvius Nobilior, C. Scribonius, M. Valerius Messala, L. Porcius Licinus, et C. Flaminius. Mega-

2) milites secuti currum Gron.

b) P. Gron. Crev.

Crev. c. Drak.

c) consul del. Eaed. c. Drak.

a) ducenti Gron.

d) rediit Gron. Crev.

U. c. 559. lesia, ludos scenicos, C. Atilius Serranus, L. Scriboni-
 c. C. 193. us Libo aediles curules primi fecerunt. Horum aedi-
 lium ludos Romanos primum senatus a populo secretus
 spectavit, praebuitque sermones, (sicut omnis novitas
 solet) aliis, *tandem, quod multo ante debuerit, tributum,*
censentibus, amplissimo ordini; aliis, *demptum ex digni-*
tate populi, quidquid maiestati Patrum adiectum esset,
interpretantibus. et omnia discrimina talia, quibus or-
dines discernentur, et concordiae, et libertatis aequae
minuendae esse. Ad quingentesimum quinquagesimum
octavum annum in promiscuo spectatum esse. Quid repen-
te factum, cur inmisceri sibi in cavea Patres plebem nol-
lent? cur dives pauperem consessorem fastidiret? novam
et superbam libidinem, ab nullius ante gentis senatu neque
desideratam, neque institutam. Postremo ipsum quoque
 Africanum, quod consul auctor eius rei fuisset, poeni-
 tuisse ferunt. adeo nihil motum ex antiquo, probabile
 est: veteribus, nisi quae usus evidenter arguit, stari
 malunt.

LV. Principio anni, quo L. Cornelius, Q. Minuci-
 us consules fuerunt, terrae motus ita crebri nunciaban-
 tur, ut non rei tantum ipsius, sed feriarum quoque ob id
 indictarum, homines taederet. nam neque senatus ha-
 beri, neque res publica administrari poterat, sacrifican-
 do expiandoque occupatis consulibus. Postremo, de-
 cemviris adire libros iussis, ex responso eorum suppli-
 catio per triduum fuit. coronati ad omnia pulvinaria
 supplicaverunt: edictumque est, ut omnes, qui ex
 una familia essent, pariter supplicarent. item ex au-
 ctoritate senatus consules edixerunt, ne quis, quo die,
 terrae motu nunciato, feriae indictae essent, eo die ali-
 um terrae motum nunciaret. Provincias deinde consu-
 les prius, tum praetores sortiti. Cornelio Gallia, Minu-
 cio Ligures evenerunt. Sortiti praetores, C. Scriboni-
 us^{e)} urbanam, M. Valerius peregrinam, L. Cornelius

e) Cornelius Galliam, Minu-
 cius Ligures sortiti sunt. C.

Scribonius Gron. Crev. c.
 Drak.

Siciliam, L. Porcius Sardiniam, C. Flaminius Hispani- U. c. 559.
am citeriorem, M. Fulvius Hispaniam ulteriorem. a. C. 193.

LVI. Nihil belli eo anno expectantibus consuli-
bus, literae M. Cincii (praefectus is^{f)} Pisis erat) adla-
tae: *Ligurum viginti millia armatorum, coniuratione
per omnia conciliabula universae gentis facta, Lunensem
primum agrum depopulatos, Pisanum deinde finem trans-
gressos, omnem oram maris peragrasse. Itaque Minucius
consul, cui Ligures provincia evenerat, ex auctoritate
Patrum in Rostra descendit^{g)}, et edixit, Ut legiones
duae urbanae, quae superiore anno conscriptae essent,
post diem decimum Arretii adessent. in earum locum se
duas legiones urbanas scripturum. item sociis et Latino
nomini^{h)}, magistratibus legatisque eorum, qui milites
dare debebant, edixit, ut in Capitolio se adirent. Iisⁱ⁾
quindecim millia peditum et quingentos equites, pro
numero cuiusque iuniorum, descripsit: et inde e Capi-
tolio protinus ire ad portam, et, ut maturaretur res, pro-
ficisci ad delectum iussit. Fulvio Flaminioque terna
millia Romanorum peditum et centeni equites in sup-
plementum, et quina millia socium Latini nominis et
duceni equites decreti; mandatumque praetoribus, ut
veteres dimitterent milites, quum in provinciam ve-
nissent. Quum milites, qui in legionibus urbanis erant,
frequentes tribunos plebis^{k)} adissent, uti causas cog-
noscerent eorum, quibus aut emerita stipendia, aut
morbus causae essent, quo minus militarent; eam
rem literae Ti. Sempronii discusserunt, in quibus
scriptum erat, *Ligurum decem^{l)} millia in agrum Pla-
centinum venisse: et eum usque ad ipsa coloniae moenia et
Padi ripas cum caedibus et incendiis perpopulatos esse.
Boiorum quoque gentem ad rebellionem spectare. Ob eas
res tumultum esse decrevit senatus; tribunos plebei non
placere causas militares cognoscere, quo minus ad edi-**

f) is del. Gron. Crev.

g) ascendit Eaed. c. Drak.

h) Latini nominis Gron.

i) ex iis Gron.

k) plebeior Gron. plebei Crev.

l) quindecim Gron. Crev.

U. c. 559. *etum conveniretur*^{m)}. Adiecerunt etiam, ut socii nomi-
 a. C. 195. nis Latini, qui in exercitu P. Cornelii, Ti. Sempronii
 fuissent, et dimissi ab iis consulibus essent, ut, ad quam
 diem L. Cornelius consul edixisset, et in quem locum
 edixisset Etruriae, convenirent: et utiⁿ⁾ L. Cornelius
 consul, in provinciam proficiscens, in oppidis agrisque,
 qua iturus esset, si quos ei videretur, milites scribe-
 ret, armaretque, et duceret secum: dimittendique ei,
 quos eorum, quandoque vellet, ius esset.

LVII. Postquam consules, delectu habito, profe-
 cti sunt in provincias, tum T. Quinctius postulavit, *ut*
de his, quae cum decem legatis ipse statuisset, senatus au-
diret; eaque, si videretur, auctoritate sua confirmaret.
Ideos facilius facturos, si legatorum verba, qui ex univer-
sa Graecia et magna parte Asiae, quique ab regibus venis-
sent, audissent. Hae legationes a C. Scribonio praetore
 urbano in senatum introductae sunt; benigneque om-
 nibus responsum. Cum Antiocho quia longior disce-
 ptatio erat, decem legatis, quorum pars aut^{o)} in Asia,
 aut Lysimachiae apud regem fuerant, delegata est. T.
 Quinctio mandatum, ut, adhibitis iis, legatorum regis
 verba audiret, responderetque iis, quae ex dignitate
 atque utilitate populi Romani responderi possent. Me-
 nippus et Hegesianax principes regiae legationis erant.
 ex iis Menippus, *Ignorare se, dixit, quidnam perplexi*
sua legatio haberet, quum simpliciter ad amicitiam pe-
tendam iungendamque societatem venissent. Esse autem
tria genera foederum, quibus inter se paciscerentur amici-
tias civitates regesque. Unum, quum bello victis diceren-
tur leges. ubi enim omnia ei, qui armis plus posset, dedi-
ta essent, quae ex iis habere victos, quibus multari eos
velit, ipsius ius atque arbitrium esse. Alterum, quum pa-
res bello aequo foedere in pacem atque amicitiam venirent.
tunc enim repeti reddique per conventionem res, et, si qua-
rum turbata bello possessio sit, eas aut ex formula iuris

m) *convenirent* Gron. Crev. c.
 Drak.

n) *ut* Gron. Crev.
 o) *aut del.* Eaed. c. Drak.

antiqui, aut ex partis utriusque commodo componi. Ter- U. c. 559.
tium esse genus, quum, qui hostes numquam fuerint, ad a. C. 193.
amicitiam sociali foedere inter se iungendam coeant, eos
neque dicere, neque accipere leges; id enim victoris et vi-
cti esse. Ex eo genere quum Antiöchus esset, mirari se,
quod Romani aequum censeant, ei leges dicere, quas Asiae
urbium liberas et immunes, quas stipendiarias esse velint;
quas intrare praesidia regia regemque vetent. Cum Phi-
lippo enim hoste pacem, non cum Antiocho amico societa-
tis foedus ita sancendum esse.

LVIII. Ad ea Quinctius: Quoniam vobis distincte
 agere libet, et genera iungendarum amicitiarum enumera-
 re, ego quoque duas conditiones ponam, extra quas nullam
 esse regi nuncietis amicitiae cum populo Romano iungen-
 dae. Unam, si nos nihil, quod ad urbes Asiae adtinet, cu-
 rare velit, ut et ipse omni Europa abstineat. alteram, si
 se ille Asiae finibus non contineat, et in Europam tran-
 scendat, ut et Romanis ius sit, Asiae civitatum amicitias
 et tueri, quas habeant, et novas complecti. Enimvero id
 auditu etiam, dicere, indignum esse, Hegesianax, Thra-
 ciae et Chersonesi urbibus arceri Antiochum; quae Seleu-
 cus proavus eius, Lysimacho rege bello victo et in acie cae-
 so, per summum decus parta reliquerit; pari cum laude
 partim ab Thracibus possessa armis receperit Antiochus,
 partim deserta, sicut ipsam Lysimachiam, et revocatis
 cultoribus frequentaverit, et, quae strata ruinis atque in-
 cendiis erant, ingentibus impensis aedificaverit. Quid
 igitur simile esse, ex ea possessione, ita parta, ita recu-
 perata, deduci Antiochum, et Romanos abstinere Asia,
 quae numquam eorum fuerit? Amicitiam Romanorum
 expetere Antiochum: sed quae inpetrata gloriae sibi, non
 pudori, sit. Ad haec Quinctius, Quandoquidem, inquit,
 honesta pensamus; sic ut aut sola, aut prima certe, pen-
 sari decet principi orbis terrarum populo et tanto regi;
 utrum tandem videtur honestius, liberas velle omnes, quae
 ubique sunt, Graeciae urbes, an servas et vectigales face-

U. C. 559. re? Si sibi Antiochus pulchrum esse censet, quas urbes
 a. C. 193. proavus belli iure habuerit, avus paterque numquam
 usurpaverint pro suis, eas repetere in servitutem; et po-
 pulus Romanus, susceptum patrociniū libertatis Grae-
 corum non deserere, fidei constantiaeque suae ducit esse.
 Sicut a Philippo Graeciam liberavit, ita et ab Antiocho
 Asiae urbes, quae Graii nominis sint, liberare in animo
 habet. Neque enim in Aeolidem Ioniamque coloniae in ser-
 vitutem regiam missae sunt: sed stirpis augendae causa,
 gentisque vetustissimae per orbem terrarum propagandae.

LIX. Quum haesitaret Hegesianax, nec inficiari
 posset, honestiorem causam libertatis, quam servitu-
 tis, praetexti titulo; Quin mittimus ambages, inquit P.
 Sulpicius, qui maximus natu ex decem legatis erat. Al-
 teram ex duabus conditionibus, quae modo diserte a Quin-
 ctio datae sunt, legite: aut supersedete de amicitia agere.
 Nos vero, inquit Menippus, nec volumus, nec possumus
 pacisci quidquam, quo regnum Antiochi minuatur. Po-
 stero die Quinctius legationes universas Graeciae Asi-
 aeque quum in senatum introduxisset, ut scirent, quali
 animo populus Romanus, quali Antiochus erga civita-
 tes Graeciae essent; postulata et sua, et regis exposuit.
 Renunciarent civitatibus suis, populum Romanum, qua
 virtute quaque fide libertatem eorum a Philippo vindica-
 verit, eadem ab Antiocho, nisi decedat Europa, vindica-
 turum. Tum Menippus deprecari et Quinctium et Pa-
 tres institit, Nefestinarent decernere, quo decreto turba-
 turi orbem terrarum essent. Tempus et sibi sumerent, et
 regi ad cogitandum darent. cogitaturum, quum renun-
 ciatae condiciones essent: et inpetraturum aliquid, aut
 pacis causa concessurum^p). Ita integra dilata res est.
 legatos mitti ad regem eosdem, qui Lysimachiae apud
 eum fuerant, placuit, P. Sulpicium, P. Villium, P. Ae-
 lium.

LX. Vixdum ii profecti erant, quum a Kartha-

b) consensurum Gron. Crev. c. Drak.

gine legati, bellum haud dubie parare Antiochum, Han-^{U. c. 559.}
 nibale ministro, adtulerunt, inieceruntque curam, ne^{a. C. 193.}
 simul et Punicum bellum excitaretur. Hannibal, patria
 profugus, pervenerat ad Antiochum, sicut ante dictum
 est: et erat apud regem in magno honore, nulla alia ar-
 te, nisi quod volutanti diu consilia de Romano bello ne-
 mo aptior super tali re particeps sermonis esse poterat.
 Sententia eius una atque eadem semper erat, *ut in Ita-*
lia bellum gereretur. Italiam et commeatus et militem
praebituram externo hosti. Si nihil ibi moveatur, liceat-
que populo Romano viribus et copiis Italiae extra Italiam
bellum gerere; neque regem, neque gentem ullam parem
Romanis esse. Sibi centum tectas naves, et^q) decem
millia peditum, mille equites deposcebat. Eo se classe
primum Africam petiturum. magnopere confidere, et
Karthaginienses ad rebellandum ab se compelli posse.
Si illi cunctentur, se aliqua parte Italiae bellum exci-
taturum Romanis. Regem cum ceteris omnibus transire
in Europam debere, et in aliqua parte Graeciae copias
continere, neque traiccientem, et (quod in speciem fa-
mamque belli satis sit) paratum traiccere.

LXI. In hanc sententiam quum adduxisset re-
 gem, praeparandos sibi ad id popularium animos ratus,
 literas, ne quo casu interceptae palam facerent conata,
 scribere non est ausus. Aristonem quemdam Tyrium
 nactus Ephesi, expertusque solertiam levioribus mini-
 steriis; partim donis, partim spe praemiorum onera-
 tum, quibus etiam ipse rex adnuerat, Karthaginem
 cum mandatis mittit; edit nomina eorum, quibus
 conventis opus esset: instruit etiam secretis notis,
 per quas haud dubie agnoscerent sua mandata esse.
 Hunc Aristonem Karthagine obversantem non prius
 amici, quam inimici Hannibalis, qua de causa ve-
 nisset, cognoverunt. Et primo in circulis conviviis-
 que celebrata sermonibus res est, deinde in senatu
 quidam, *Nihil actum esse, dicere, exsilio Hannibalis,*

q) et del. Gron. Crev.

U. c. 559. si absens quoque novas moliri res, sollicitandoque ani-
 a. C. 139. mos hominum turbare statum civitatis posset. Aristonem quemdam, Tyrium advenam, instructum mandatis ab Hannibale et ab Antiocho rege, venisse: certos homines quotidie cum eo secreta colloquia serere; et in occulto coqui, quod ^{r)} mox in omnium perniciem erupturum esset. Conclamare omnes, Vocari Aristonem debere, et quaeri, quid venisset: et, nisi expromeret, cum legatis Romam mitti. satis pro temeritate unius hominis suppliciorum pensum esse. Privatos suo periculo peccaturos. rempublicam non extra noxam modo, sed etiam extra famam noxae, conservandam esse. Vocatus Aristo purgare sese, et firmissimo propugnaculo uti, quod literarum nihil ^{s)} ad quemquam adtulisset. ceterum nec caussam adventus satis expediebat, et in eo maxime haesitabat, quod cum Barcinae solum factionis hominibus conlocutum eum arguebant. Orta deinde altercatio est, aliis pro speculatore comprehendendi iam et custodiri iubentibus, aliis negantibus, tumultuandi caussam esse. mali rem exempli esse, de nihilo hospites corripiti. Idem Karthaginensibus, et Tyri, et in aliis emporiis, in quae frequenter commeent, eventurum. Dilata eo die res est. Aristo, Punico ingenio inter Poenos usus, tabellas conscriptas celeberrimo loco supra sedem quotidianam magistratuum ^{t)} prima vespera suspendit. ipse de tertia vigilia navem conscendit et profugit. Postero die, quum Sufetes ad ius dicendum consedisent, conspectae tabellae, demtaeque, et lectae. Scriptum erat, ARISTONEM, PRIVATIM AD NEMINEM, PUBLICE AD SENIORES (ita senatum vocabant) MANDATA HABUISSE. Publicato crimine, minus intenta de paucis quaestio erat. mitti tamen legatos Romam, qui rem ad con-

r) serere, et in occulto colloqui; quod Gron. serere, et in occulto colloqui, quod Crev. c. Drak.

s) nihil literarum Gron. Crev.

t) magistratus Gron.

sules et ad ^{u)} senatum deferrent, placuit; simul qui ^{U. c. 559.}
de iniuriis Masinissae quererentur. ^{a. C. 193.}

LXII. Masinissa postquam et infames Karthaginenses, et inter se ipsos discordes sensit, principes propter conloquia Aristonis senatui, senatum propter indicium eiusdem Aristonis populo suspectum; locum iniuriae esse ratus, agrum maritimum eorum et depulatus est, et quasdam urbes vectigales Karthaginensium sibi coegit stipendium pendere. Emporia vocant eam regionem. ora est minoris Syrtis, et agri uberis; una civitas eius Leptis: ea singula in dies talenta vectigal Karthaginiensibus dedit. Hanc tum regionem et totam infestam Masinissa, et ex quadam parte dubiae possessionis, sui regni, an Karthaginensium esset, effecerat. et quia simul ad purganda crimina, et questum de se Romam eos ituros comperit; qui et illa onerarent suspicionibus, et de iure vectigalium disceptarent, legatos et ipse Romam mittit ^{x)}. Auditi de Tyrio advena primum Karthaginenses curam iniecere Patribus, ne cum Antiocho simul et Poenis bellandum esset. maxime ea suspicio crimen urgebat, quod, quem comprehensum Romam mitti placuisset, nec ipsum, nec navem eius custodissent. De agro deinde cum regis legatis disceptari coeptum. Karthaginenses iure finium causam tutabantur: *quod intra eos terminos esset, quibus P. Scipio victor agrum, qui iuris esset Karthaginensium, finisset: et confessione regis: qui, quum Aphirem profugum ex regno suo, cum parte Numidarum vagantem circa Cyrenas, persequeretur, precario ab se iter per eum ipsum agrum, tamquam haud dubie Karthaginensium iuris, petisset. Numidae et de terminatione Scipionis mentiri eos arguebant: et, si quis veram originem iuris exigere vellet, quem proprium agrum Karthaginensium in Africa esse? Advenis, quantum secto bovis tergo amplecti loci potuerint, tantum ad urbem communiendam precario datum. quid-*

u) ad del. Gron. Crev.

x) misit Gron. Crev.

U. c. 559. *quid Byrsam sedem suam excesserint, vi atque iniuria*
 a. C. 193. *partum habere. Neque eum y), de quo agatur, probare*
eos posse, non modo semper, ex quo coeperint, sed ne
diu quidem eos possedissee. Per opportunitates, nunc
illos, nunc reges Numidarum, usurpasse ius: semperque
penes eum possessionem fuisse, qui plus armis potuisset.
Cuius conditionis res fuerit, priusquam hostes Romanis
Karthaginienses, socius atque amicus rex Numidarum
esset, eius sinerent esse: nec se interponerent, quo minus,
qui possent, tenerent. Responderi legatis utriusque
partis placuit, missuros se in Africam, qui inter popu-
lum Karthaginiensem et regem in re praesenti discep-
tarent. Missi P. Scipio Africanus, et C. Cornelius
Cethegus, et M. Minucius Rufus; audita inspectaque
re, suspensa omnia, neutro inclinatis sententiis, re-
liquere. Id utrum suas sponte fecerint, an quia man-
datum ita fuerit, non tam certum est, quam videtur
tempori aptum fuisse, integro certamine eos relinqui.
Nam, ni ita esset, unus Scipio, vel notitia rei, vel
auctoritate, ita de utrisque meritis, finire nutu dis-
ceptationem potuisset.

y) enim Gron.

EPITOME LIBRI XXXV.

P. Scipio Africanus legatus ad Antiochum Ephesi cum Hannibale, qui se Antiocho iunxerat, conlocutus est; ut, si fieri posset, metum ei, quem ex populo Romano concēperat, eximeret. Inter alia quum quaereret, quem fuisse maximum imperatorem Hannibal crederet, respondit: *Alexandrum Macedonum regem, quod parva manu innumerabiles exercitus fudit; quodque ultimas oras, quas visere supra spem humanam esset, peragrasset.* Quaerenti deinde, quem secundum poneret, Pyrrhum, inquit, castra metari primum docuisse. ad hoc neminem elegantius loca cepisse, praesidia disposuisse. Exsequenti, quem tertium diceret, semet ipsum dixit. Ridens Scipio, *Quidnam tu diceres, si me,* inquit, *vicisses? Tunc vero,* inquit, *me et ante Alexandrum, et ante Pyrrhum, et ante alios posuissem.* Inter cetera prodigia, quae plurima fuisse traduntur, bovem Cn. Domitii consulis locutum, *Roma cave tibi,* refertur. Adparant in Antiochum bellum Romani. Nabis Lacedaemoniorum tyrannus, incitatus ab Aetolis, qui et Philippum et Antiochum ad inferendum bellum populo Romano sollicitabant, a populo Romano descivit; et, bello adversus Philopoemenem Achaeorum praetorem gesto, ab Aetolis et ab 1) Alexameno duce eorum 2) interfectus est. Aetoli quoque ab amicitia populi Romani defecerunt. cum quibus societate iuncta, Antiochus Syriae rex, quum bellum Graeciae intulisset, complures urbes occupavit: inter quas Chalcidem, et totam Euboeam. Res praeterea in Liguribus gestas et adparatum belli ab Antiocho continet.

1) ab del. Crev.

2) et ab Alexameno duce eorum del. Gron.

T. LIVII PATAVINI

LIBER XXXV.

U. c. 559.
a. C. 193.

Prinipio anni, quo haec gesta sunt, Sex. Digitius praetor in Hispania citeriore cum civitatibus iis, quae post profectionem M. Catonis permultae rebellaverant, crebra magis, quam digna dictu, proelia fecit, et adeo pleraque adversa, ut vix dimidium militum, quam quod acceperat, successori tradiderit. Nec dubium est, quin omnis Hispania sublatura animos fuerit, ni alter praetor P. Cornelius Cn. F. Scipio trans Iberum multa secunda proelia fecisset: quo terrore non minus quinquaginta oppida ad eum defecerunt. Praetor haec gesserat Scipio. Idem pro praetore, Lusitanos, pervastata ulteriori provincia, cum ingenti praeda domum redeunt, in ipso itinere adgressus, ab hora tertia diei ad octavam incerto eventu pugnavit, numero militum impar, superior aliis: nam et acie frequenti armatis adversus longum et inpeditum turba pecorum agmen, et recenti milite adversus fessos longo itinere concurrerat. Tertia namque vigilia exierant hostes: huic nocturno itineri tres diurnae horae accesserant: nec ulla quiete data, laborem viae proelium exceperat. Itaque principio pugnae vigoris aliquid in corporibus animisque fuit, et turbaverant primo Romanos: deinde aequata paullisper pugna est. In hoc discrimine ludos Iovi, si ^{a)} fudisset cecidissetque hostes, propraetor vovit. Tandem gradum acrius

a) add. vi Gron. Crev. c.
Drak.

intulere Romani, cessitque Lusitanus. deinde prorsus U. c. 559. terga dedit. et, quum institissent fugientibus victores, a. C. 193. ad duodecim millia hostium sunt caesa: capti quingenti quadraginta, omnes fere ^{b)} equites: et signa militaria capta centum triginta quatuor. de exercitu Romano septuaginta et tres amissi. Pugnatum haud procul Ilipa urbe est. Eo victorem opulentum praedae exercitum P. Cornelius reduxit. ea omnis ante urbem exposita est; potestasque dominis suas res cognoscendi facta est ^{c)}. cetera vendenda quaestori data; quod inde reffectum est, militi divisum.

II. Nondum ab Roma profectus erat C. Flaminius praetor, quum haec in Hispania gerebantur. itaque tam adversae, quam secundae res per ipsum amicosque eius magnis sermonibus celebrabantur: et tentaverat, quoniam bellum ingens in provincia exarsisset, et exiguas reliquias exercitus ab Sex. Digitio, atque eas ipsas plenas pavoris ac fugae accepturus esset, ut unam sibi ex urbanis legionibus decernerent: ad quam quum militem ab se ipso scriptum ex senatusconsulto adiecisset, eligeret ex omni numero sex ^{d)} millia et quingentos pedites, et equites trecentos. *Ea se legione (nam in Sex. Digitii exercitu haud multum spei esse) rem gesturum.* Seniores negare, *Ad rumores, a privatis temere in gratiam magistratuum confictos, senatusconsulta facienda esse. nisi quod aut praetores ex provinciis scriberent, aut legati renunciarent, nihil ratum haberi debere.* Si tumultus in Hispania esset, placere, tumultuarios milites extra Italiam scribi a praetore. Mens ea senatus fuit, ut in Hispania tumultuarii milites legerentur. Valerius Antias et in Siciliam navigasse delectus caussa C. Flaminium scribit: et ex Sicilia Hispaniam petentem, tempestate in Africam delatum, vagos milites de exercitu P.

b) ferme Gron. Crev.

d) tria Gron. Crev.

c) est del. Gron. Crev. c.

Drak.

U. c. 559. Africani sacramento rogasse: his duarum provinciarum
 a. C. 193. delectibus tertium in Hispania adiecisse.

III. Nec in Italia segnius Ligurum bellum crescebat. Pisas iam quadraginta millia ^{e)} hominum, adfluente quotidie multitudine ad famam belli spemque praedae, circumsedebant. Minucius consul Arretium die, quam dixerat ^{f)} ad conveniendum militibus, venit. inde quadrato agmine ad Pisas duxit; et, quum hostes non plus mille passuum ab oppido ^{g)} trans fluvium movissent castra, consul urbem, haud dubie servatam adventu suo, est ingressus. Postero die et ipse trans fluvium quingentos fere passus ^{h)} ab hoste posuit castra. inde levibus proeliis a populationibus agrum sociorum tutabatur. in aciem exire non audebat, novo milite, et ex multis generibus hominum conlecto, necdum noto satis inter se, ut fidere alii aliis possent. Ligures multitudine freti et in aciem exhibant, parati de summa rerum decernere: et abundantes militum numero passim multas manus per extrema finium ad praedandum emittebant: et, quum coacta vis magna pecorum praedaeque esset, paratum erat praesidium, per quod in castella eorum vicosque ageretur.

IV. Quum bellum Ligustinum ad Pisas constitisset, consul alter L. Cornelius Merula per extremos Ligurum fines exercitum in agrum Boiorum induxit, ubi longe alia belli ratio, quam cum Liguribus, erat. Consul in aciem exhibat, hostes pugnam detrectabant: praedatumque, ubi nemo obviam exiret, discurrabant Romani; Boii diripi sua inpune, quam tuendo ea conserere certamen, malebant. Postquam omnia ferro ignique satis evastata erant, consul agro hostium excessit, et ad Mutinam agmine incauto, ut inter paca-

e) millibus Eaed.

f) quem edixerat Eaed. quem dixerat Drak.

g) quum hostes non plus passuum tribus millibus ab oppido Gron. Crev. quum

hostes mille passuum ab oppido Drak.

h) ferme mille passus Gron. Crev. fere quingentos passus Drak.

tos, ducebat. Boii, ubi egressum e finibus suis hostem sensere, sequebantur silenti agmine, locum insidiis quaerentes. nocte praetergressi castra Romana saltum, qua transeundum erat Romanis, insederunt. Id quoniam parum occulte fecissent, consul, qui multa nocte solitus erat movere castra, ne nox terrorem in tumultuario proelio augeret, lucem expectavit: et, quum lucem moveret, tamen turmam equitum exploratum misit. Postquam relatum est, quantae copiae, et in quo loco essent, totius agminis sarcinas in medium conici iussit. et triarios vallum circumiicere: cetero exercitu instructo ad hostem accessit. Idem et Galli fecerunt, postquam apertas esse insidias, et recto ac iusto proelio, ubi vera virtus vinceret, dimicandum viderunt.

V. Hora secunda ferme concursum est. sinistra sociorum ⁱ⁾ ala et extraordinarii prima in acie pugnant. praerant duo consulares legati, M. Marcellus et Ti. Sempronius, prioris anni consul. Novus consul nunc ad prima signa erat, nunc legiones continebat in subsidiis; ne certaminis studio prius procurerent ^{k)}, quam datum signum esset. equites earum extra aciem in locum patentem Q. et P. Minucios tribunos militum educere iussit. inde, quum signum dedisset, inpetum ex aperto facerent. Haec agenti nuncius venit a Ti. Sempronio Longo, *non sustinere extraordinarios inpetum Gallorum, et caesos permultos esse: et, qui supersint, partim labore, partim metu remisisse ardorem pugnae. legionem alteram ex duabus, si videretur, submitteret, priusquam ignominia acciperetur.* Secunda legio missa est, et extraordinarii recepti. Tum redintegrata est pugna. Quum ^{l)} et recens miles, et frequens ordinibus legio successisset, et sinistra ^{m)} ala ex proelio subducta est; dextra in pri-

i) add. equitum Gron. Crev.

k) concurrerent Eacd.

l) pugna; quum Gron. pugna

quum Crev.

m) successit. sinistra Gron: Crev.

U. c. 559. mam aciem subiit. Sol ingenti ardore torrebat minime
 C. a. 193. patientia aestus corpora Gallorum: densis tamen ordinibus nunc alii in alios, nunc in scuta incumbentes, sustinebant in petus Romanorum. Quod ubi animadvertit consul, ad perturbandos ordines eorum C. Livium Salinatorem, qui praeerat alariis equitibus, quam concitatissimos equos inmittere iubet: et legionarios equites in subsidiis esse. Haec procella equestris primo confudit et turbavit, deinde dissipavit aciem Gallorum; non tamen, ut terga darent. Obstabant duces, hastilibus caedentes terga trepidantium, et redire in ordines cogentes: sed interequitantes alarii non patientur. Consul obtestabatur milites, *Ut paullulum adniterentur: victoriam in manibus esse, dum perturbatosⁿ⁾ et trepidantes viderent, instarent. si restitui ordines sissent^{o)}, integro rursus eos proelio et dubio dimicatuuros.* Inferre vexillarios iussit signa. omnes connisi tandem averterunt hostem. Postquam terga dabant, et in fugam passim effundebantur, tum ad persequendos eos legionarii equites inmissi. Quatuordecim millia Boiorum eo die caesa sunt; vivi capti mille nonaginta duo: equites septingenti viginti unus, tres duces eorum, signa militaria ducenta duodecim, carpenta sexaginta tria. Nec Romanis incruenta victoria fuit. supra quinque millia militum, ipsorum aut sociorum, sunt amissa, centuriones tres et viginti, praefecti socium quatuor, et M. Genucius, et Q. et M. Marcii^{p)}, tribuni militum secundae legionis.

VI. Eodem fere tempore duorum consulum litterae adlatae sunt, L. Cornelii de proelio ad Mutinam cum Boiis facto, et Q. Minucii a Pisis. *Comitia suae sortis esse. ceterum adeo suspensa omnia in Liguribus se habere, ut abscedi inde, sine perniciie sociorum et damno reipublicae, non possit. Si ita videretur Patribus, mitterent ad collegam, ut is, qui profligatum*

n) turbatos Gron. Crev.

o) sissent Eaed.

p) et M. Genucius, et M.

Marcus Eaed. c. Drak.

bellum haberet, ad comitia Romam rediret: si id facere U. c. 559.
gravaretur, quod non suae sortis id negotium esset, se a. C. 193.
quidem facturum, quodcumque senatus censuisset; sed
etiam atque etiam viderent, ne magis e republica esset
interregnum iniri, quam ab se in eo statu relinqui pro-
vinciam. Senatus C. Scribonio negotium dedit, ut
duos legatos ex ordine senatorio mitteret ad L. Corne-
lium consulem, qui literas collegae ad senatum missas
deferrent ad eum; et nunciarent, senatum, ni is ad
magistratus subrogandos Romam veniret, potius, quam
Q. Minucius a bello integro avocaretur, interregnum
iniri passurum. Missi legati renunciarunt, L. Corne-
lium ad magistratus subrogandos Romam venturum.
De literis L. Cornelii, quas scripserat secundum proe-
lium cum Boiis factum, disceptatio in senatu fuit:
quia privatum plerisque senatoribus legatus M. Clau-
dus scripserat, Fortunae populi Romani et militum
virtuti gratiam habendam, quod res bene gesta esset.
Consulis opera et militum aliquantum amissum, et ho-
stium exercitum, cuius delendi oblata fortuna fuerit,
elapsum. Milites eo plures perisse, quod tardius ex sub-
sidiis, qui laborantibus opem ferrent, successissent.
Hostes e manibus emissos, quod equitibus legionariis et
tardius datum signum esset, et persequi fugientes non
licuisset.

VII. De ea re nihil temere decerni placuit: ad frequentiores consultatio dilata est. Instabat enim cura alia, quod civitas foenore laborabat: et quod ^{q)}, quum multis foenebribus legibus constricta avaritia esset, via fraudis inita erat, ut in socios, qui non tenerentur iis legibus, nomina transcriberent; ita libero foenore obruebant debitores. Cuius coercendi ^{r)} quum ratio quaereretur, diem finiri placuit Feralia, quae proxime fuissent: ut, qui post eam diem socii civibus Romanis credidissent pecunias, profiterentur; et ex ea die pecuniae creditae, quibus debitor vellet

q) quid del. Gron. Crev.

r) cernendi Eaed.

U. c. 559. legibus, ius creditori diceretur. Inde, postquam pro-
 a. C. 293. fessionibus detecta est magnitudo aeris alieni, per
 hanc fraudem contracti, M. Sempronius tribunus ple-
 bis ex auctoritate Patrum plebem rogavit, plebesque
 scivit, ut cum sociis ac nomine Latino pecuniae cre-
 ditae ius idem, quod cum civibus Romanis, esset.
 Haec in Italia domi militiaeque acta. In Hispania
 nequaquam tantum belli fuit, quantum auxerat fama.
 C. Flaminius in citeriori Hispania oppidum Iluciam
 in Oretanis cepit: deinde in hiberna milites deduxit.
 et per hiemen proelia aliquot, nulla memoria digna,
 adversus latronum magis, quam hostium, excursio-
 nes, vario tamen eventu, nec sine militum iactura,
 sunt facta. Maiores res gestae a M. Fulvio. Is apud
 Toledum oppidum cum Vaccaeis Vectonibusque et Cel-
 tiberis signis conlatis dimicavit: exercitum earum gen-
 tium fudit fugavitque; regem Hilermum vivum cepit.

VIII. Quum ^{s)} haec in Hispania gerebantur ^{t)},
 comitiorum iam adpetebat dies. itaque L. Cornelius
 consul, relicto ad exercitum M. Claudio legato, Ro-
 mam venit. Is in senatu quum de rebus ab se gestis
 disservisset, quoque in statu provincia esset; questus
 est cum Patribus conscriptis, quod, tanto bello una
 secunda pugna tam feliciter perfecto, non esset ha-
 bitus Diis immortalibus honos. Postulavit deinde, ut
 supplicationem simul triumphumque decernerent.
 Prius tamen, quam relatio fieret, Q. Metellus, qui
 consul dictatorque fuerat, *Literas eodem tempore, dixit,
 et consulis L. Cornelii ad senatum, et M. Marcelli ad
 magnam partem senatorum, adlatas esse, inter se pu-
 gnantes: eoque dilatam esse consultationem, ut praesen-
 tibus auctoribus earum literarum disceptaretur. Itaque
 exspectasse sese, ut consul, qui sciret ab legato suo adver-
 sus se scriptum aliquid, quum ipsi veniendum esset, de-
 duceret eum secum Romam: quum etiam verius esset,
 Ti. Sempronio imperium habenti tradi exercitum, quam*

s) dum Gron. Crev.

t) agerentur Eaed.

legato. Nunc videri esse amotum de industria, ne ^{u)} U. c. 559. ea, quae scripsisset, praesens diceret, aut argueret co-
ram: et, si quid vani adferret, argui posset, donec
ad liquidum veritas explorata esset. Itaque nihil eorum,
quae postularet consul, decernendum in praesentia cen-
sere. Quum pergeret nihilo segnius referre, ut sup-
plicatio decerneretur, triumphantique sibi ^{x)} urbem
invehiliceret; M. et C. Titinii tribuni plebis, se inter-
cessuros, si de ea re fieret senatusconsultum, dixerunt.

IX. Censores erant priore anno creati Sex. Aelius Paetus et C. Cornelius Cethegus. Cornelius lustrum condidit. censa sunt civium capita centum quadraginta tria millia, septingenta quatuor. Aquae ingentes eo anno fuerunt, et Tiberis loca plana urbis inundavit. Circa portam Flumentanam etiam conlapsa quaedam ruinis sunt: et porta Coelimontana fulmine icta est, murusque circa multis locis de coelo tactus. Et Ariciae, et ^{y)} Lanuvii, et in Aventino, lapidibus pluit; et a Capua nunciatum est, examen vesparum ingens in forum advolasse, et in Martis aede consedissee. eas conlectas cum cura, et igni crematas esse. Horum prodigiorum caussa decemviri libros adire iussi, et novemdiale sacrum factum, et supplicatio indicta est, atque urbs lustrata. Iisdem diebus aediculam Victoriae Virginis, prope aedem Victoriae, M. Porcius Cato dedicavit biennio post, quam vovit. Eodem anno coloniam Latinam in agrum Thurinum triumviri deduxerunt Cn. Manlius Vulso, L. Apustius Fullo, Q. Aelius Tubero, cuius lege deducebatur. tria millia peditum iere, trecenti equites: numerus exiguus pro copia agri. Dari potuere tricena iugera in pedites, sexagena in equites. Apustio auctore, tertia pars agri demta est: quo postea, si vellent, novos colonos adscribere possent. Vicena iugera pedites, quadragena equites acceperunt.

n) qui Eaed.
 x) add. in Eaed.

y) et del. Gron. Crev.

U. c. 559.

a. C. 193.

X. In exitu iam annus erat, et ambitio magis, quam umquam alias, exarserat consularibus comitiis: multi et potentes petebant patricii plebeiique: P. Cornelius Cn. filius Scipio, qui ex Hispania provincia nuper decesserat magnis rebus gestis, et L. Quinctius Flaminius, qui classi in Graecia praefuerat, et Cn. Manlius Vulso. hi patricii. Plebei autem C. Laelius, Cn. Domitius, C. Livius Salinator, M. Acilius. sed omnium oculi in Quinctium Corneliumque coniecti. nam et in unum locum petebant ambo patricii, et rei militaris gloria recens utrumque commendabat. Ceterum ante omnia certamen accendebant fratres candidatorum, duo clarissimi aetatis suae imperatores. maior gloria in Scipione ^{z)}: et, quo maior, eo propior invidiam ^{a)}. Quinctii recentior, ut qui eo anno triumphasset. Accedebat, quod alter decimum iam prope annum adsiduus in oculis hominum fuerat; quae res minus verendos magnos homines ipsa satietate facit: consul iterum post devictum Hannibalem, censorque fuerat. In Quinctio nova et recentia omnia ad gratiam erant: nihil nec petierat a populo post triumphum, nec adeptus erat: *pro fratre germano, non patruele, se petere aiebat: pro legato et partecipe administrati ^{b)} belli. se terra, fratrem mari, rem gessisse.* His obtinuit, ut praeferreretur candidato, quem Africanus frater ducebat ^{c)}; quem Cornelia gens, Cornelio consule comitia habente; quem tantum praedictum senatus, virum e civitate optimum iudicatum, qui matrem Idaeam Pessinunte venientem in urbem acciperet. L. Quinctius et Cn. Domitius Ahenobarbus consules facti, adeo ne in plebeio quidem consule, quum pro C. Laelio niteretur, Africanus valuit. Postero die praetores creati L. Scribonius Libo, M. Fulvius Centumalus, A. Atilius Serranus,

z) gloria Scipionis Eaed.

a) invidiae Eaed.

b) administrandi Crev.

c) deducebat Gron. Crev.

M. Baebius Tamphilus, L. Valerius Tappo ^{d)}, Q. Sa-
lonius Sarra. Aedilitas insignis eo anno fuit M. Ae-
mili Lepidi et L. Aemilii Pauli. Multos pecuarios
damnarunt: ex ea pecunia clipea inaurata in fastigio
Iovis aedis posuerunt. Porticum unam extra portam
Trigeminam, emporio ad Tiberim adiecto; alteram
a porta Fontinali ad Martis aram, qua in Campum
iter esset, perduxerunt.

XI. Diu nihil in Liguribus dignum memoria
gestum erat. Extremo eius anni bis in magnum pe-
riculum res adducta est. nam et castra consulis obpu-
gnata, aegre sunt defensa: et non ita multo post per
saltum angustum quum duceretur agmen Romanum,
ipsas fauces exercitus Ligurum insedit. qua quum
exitus non pateret, converso agmine redire institit
consul: et ab ^{e)} tergo fauces saltus occupatae a parte
hostium erant, Caudinaeque cladis memoria non ani-
mis modo, sed prope oculis, obversabatur. Numidas
octingentos ferme equites inter auxilia habebat. eorum
praefectus¹ consuli pollicetur, *Se parte, utra vellet,*
cum suis erupturum. Tantum uti diceret, utra pars
frequentior vicis esset. in eos se inpetum facturum: et
nihil prius quam flammam tectis iniecturum, ut is pavor
cogeret Ligures excedere saltu, quem obsiderent, et
discurrere ad opem ferendam suis. Conlaudatum eum
consul spe praemiorum onerat. Numidae equos con-
scendunt, et obequitare stationibus hostium, neminem
laccessentes, coeperunt. Nihil primo adpectu con-
temptius. equi hominesque paulluli et graciles: dis-
cinctus et inermis eques, praeterquam quod iacula
secum portat: equi sine frenis, deformis ipse cursus
rigida cervice et extento capite currentium. Hunc
contemptum de industria augentes, labi ex equis, et
per ludibrium spectaculo esse. Itaque, qui primo
intenti paratique, si laccesserentur, in stationibus

d) Tappus Eaed.

e) a Eaed.

U. c. 559. fuerant, iam inermēs sedentesque pars maxima spē-
 a. C. 193. ctabant. Numidae adequitare, dein refugere, sed propius
 saltum paullatim evehi: velut quos impotentes regen-
 di equi invitos efferrent. postremo subditis calcaribus
 inter ^{f)} medias stationes hostium erupere: et, in
 agrum latioremevecti, omnia propinqua viae tecta
 incendunt. proximo deinde vico inferunt ignem, ferro
 flammaque omnia pervastant. Fumus primo conspē-
 ctus, deinde clamor trepidantium in vicis auditus,
 postremo seniores puerique refugientes tumultum in
 castris fecerunt. itaque sine consilio, sine imperio,
 pro se quisque currere ad sua tutanda^{g)}: momentoque
 temporis castra relicta erant, et obsidione liberatus
 consul, quo intenderat, pervenit.

XII. Sed neque Boii, neque Hispani, cum qui-
 bus eo anno bellatum erat, tam inimici infestique
 erant Romanis, quam Aetolorum gens. Ii post de-
 portatos ex Graecia exercitus primo in spe fuerant,
 et Antiochum in vacuum Europae possessionem ventu-
 rum; nec Philippum, aut Nābin quieturos. Ubi nihil
 usquam moveri viderunt, agitandum aliquid miscen-
 dumque rati, ne cunctando senescerent consilia, con-
 cilium Naupactum indixerunt. Ibi Thoas praetor
 eorum, conquestus iniurias Romanorum statumque
 Aetoliae, *quod omnium Graeciae gentium civitatum-*
que inhonoratissimi post eam victoriam essent, cuius
caussa ipsi fuissent, legatos censuit circa reges mitten-
 dos; qui non solum tentarent animos eorum, sed suis
 quemque stimulis moverent ad Romanum bellum.
 Damocritus ad Nābin, Nicander ad Philippum, Dicae-
 archus frater praetoris ad Antiochum est missus. Ty-
 ranno Lacedaemonio Damocritus, *ademptis maritimis*
civitatibus enervatam tyrannidem, dicere. inde militem,
inde naves navalesque socios habuisse. inclusum suis
prope muris Achaëos videre dominantes in Peloponneso.

f) per Gron. Creve

g) tuenda Eaed.

numquam habiturum recuperandi sua occasionem, si U. c. 559.
 eam, quae tum esset, praetermisisset. Nullum exerci-^{a. C. 195.}
 tum Romanum in Graecia esse: nec propter Gythium,
 aut maritimos alios Laconas, dignam causam existi-
 maturos Romanos, cur legiones in Graeciam rursus ^{h)}
 transmittant. Haec ad incitandum animum tyranni
 dicebantur, ut, quum in Graeciam Antiochus traie-
 cisset, conscientia violatae per sociorum iniurias Ro-
 manae amicitiae, coniungeret se cum Antiocho. Et
 Philippum Nicander haud dissimili oratione incitabat.
 erat etiam maior orationi materia, quo ex altiore
 fastigio rex, quam tyrannus, detractus erat, quoque
 plures ademtae res. Ad hoc vetusta regum Macedo-
 niae fama, peragratusque orbis terrarum victoriis
 eius gentis referebatur. Et tutum vel incepto, vel
 eventu se consilium adferre. nam neque, ut ante se mo-
 reat Philippus, quam Antiochus cum exercitu trans-
 ierit in Graeciam, suadere; et, qui sine Antiocho ad-
 versus Romanos Aetolosque tam diu sustinuerit bellum,
 ei, adiuncto Antiocho, sociis Aetolis, qui tum gravi-
 ores hostes, quam Romani, fuerint, quibus tandem
 viribus resistere Romanos posse? Adiciebat de duce
 Hannibale, nato adversus Romanos hoste, qui plures
 et duces et milites eorum occidisset, quam quot super-
 essent. Haec Philippo Nicander. Alia Dicaearchus
 Antiocho: et omnium primum, praedam de Philippo
 Romanorum esse dicere, victoriam Aetolorum, et adi-
 tum in Graeciam Romanis nullos alios, quam Aetolos,
 dedisse; et ad vincendum vires eosdem praeuisse deinde
 quantas peditum equitumque copias praebituri Anti-
 ocho ad bellum essent: quae loca terrestribus copiis,
 quos portus maritimis. Tum de Philippo et Nabide
 libero mendacio abutebatur: paratum utrumque ad
 rebellandum esse: et primam quamque occasionem re-
 cuperandi ea, quae bello amisissent, adrepturos. Ita

h) rursus Gron. Crev.

U. c. 559. per totum simul orbem terrarum Aetoli Romanis
 a. C. 193. concitabant bellum. reges tamen aut non moti, aut
 tardius moti sunt.

XIII. Nabis extemplo, circa omnes vicos maritimos dimisit, ad seditiones in iis miscendas: et alios principum donis ad suam causam perduxit, alios pertinaciter in societate Romana manentes occidit. Achaeis omnium maritimorum Laconum tuendorum ⁱ⁾ a T. Quinctio cura mandata erat. itaque extemplo et ad tyrannum legatos miserunt, qui admonerent foederis eum Romani, denunciarentque, ne pacem, quam tantopere petisset, turbaret: et auxilia ad Cythium, quod iam obpugnabatur a tyranno, et Romam, qui ea nunciarent, legatos miserunt. Antiochus rex, ea hieme Raphiae in Phoenice Ptolemaeo regi Aegypti filia in matrimonium data, quum Antiochiam se recepisset, per Ciliciam, Tauro monte superato, extremo iam hiemis Ephesum pervenit: inde principio veris, Antiocho filio misso in Syriam ad custodiam ultimarum partium regni, ne quid, absente se, ab tergo moveretur, ipse cum omnibus terrestribus copiis ad Pisidas, qui circa Sidam incolunt, obpugnandos est profectus. Eo tempore legati Romani P. Sulpicius et ^{k)} P. Villius, qui ad Antiochum (sicut ante dictum est) missi erant, iussi prius Eumenem adire, Elaeam venire; inde Pergamum (ibi regia Eumenis fuit) escenderunt ^{l)}. Cupidus belli adversus Antiochum Eumenes erat, gravem, si pax esset, adcolam tanto potentioorem regem credens; eundem, si motum bellum esset, non magis parem Romanis fore, quam Philippus fuisset: et aut funditus sublatum iri: aut, si pax victo daretur, multa illi detracta sibi accessura: ut facile deinde se ab eo sine ullo Romano auxilio tueri posset. Etiam, si quid adversi casurum foret, satius esse Romanis sociis quamcumque fortu-

i) ab Gron. Crev.
 k) et del. Gron. Crev.

l) ascenderunt Eaed.

nam subire, quam solum aut imperium pati Antiochi, ^{U. c. 559.}
aut abnuentem vi atque armis cogi. Ob haec, quan- ^{a. C. 193.}
tum auctoritate, quantum consilio valebat, incitabat
Romanos ad bellum.

XIV. Sulpicius aeger Pergamī substitit. Vil-
lius, quum Pisidiae bello occupatum esse regem au-
disset, Ephesum profectus, dum paucos ibi moratur
dies, dedit operam, ut cum Hannibale, qui tum ibi
forte erat, saepe congredederetur; ut animum eius et
tentaret, si qua posset, et metum demeret periculi
ei quidquam ab Romanis esse. His conloquiis aliud
quidem actum nihil est: seculum tamen sua sponte
est, velut consilio petatum esset, ut vilior ob ea regi
Hannibal et suspectior ad omnia fieret. Claudius, se-
cutus Graecos Acilianos libros, P. Africanum in ea
fuisse legatione tradit: eumque Ephesi conlocutum
cum Hannibale. Et sermonem etiam unum refert,
quo quaerenti Africano, *quem fuisse maximum impe-*
ratorem Hannibal crederet? respondisse, *Alexan-*
drum Macedonum regem; quod parva manu innumera-
biles exercitus fudisset, quodque ultimas ⁿⁿ⁾ *oras, quas*
visere supra spem humanam esset, peragrasset. Quae-
renti deinde, *quem secundum poneret?* *Pyrrhum,*
dixisse, *castra metari primum docuisse. ad hoc nemi-*
nem elegantius loca cepisse, praesidia disposuisse; ar-
tem etiam conciliandi sibi homines eam habuisse, ut
Italicæ gentes regis externi, quam populi Romani,
tamdiu principis in ea terra, imperium esse mallent.
Exsequenti, *quem tertium duceret?* haud dubie semet
ipsum dixisse. Tum risum obortum Scipioni, et
subiecisse: *Quidnam tu diceres, si me vicisses? Tum*
me vero, inquit, et ante Alexandrum, et ante Pyrrhum,
et ante omnes alios imperatores esse. Et perplexum
Punico astu responsum, et inprovisum adsentationis
genus Scipionem movisse, quod e grege se imperatorum
velut inaestimabilem secrevisset.

nn) ultimas del. Drak.

U. c. 559.
c. C. 193.

XV. Villius ab Epheso Apameam processit. eo et Antiochus, audito Romanorum legatorum adventu, obcurrit: Apameae congressis disceptatio eadem ferme fuit, quae Romae inter Quinctium et legatos regis fuerat. mors nuntiata Antiochi, filii regis, quem missum paullo ante dixeram in Syriam, diremit conloquia. Magnus luctus in regia fuit, magnumque eius iuvenis desiderium. id enim iam specimen sui dederat, ut, si vita longior contigisset, magni iustique regis in eo indolem fuisse adpareret. Quo carior acceptiorque omnibus erat, eo mors eius suspectior fuit, gravem successorem eum instare senectuti suae patrem credentem, per spadones quosdam, talium ministeriis facinorum acceptos regibus, veneno sustulisse. Eam quoque causam clandestino facinori adiiiciebant, quod, quum Seleuco filio Lysimachiam dedisset, Antiocho quam similem daret sedem, ut procul ab se honore eum quoque ablegaret, non habuisset. Magni tamen luctus species per aliquot dies regiam tenuit: legatusque Romanus, ne alieno tempore incommodus obversaretur, Pergamum concessit. Rex Ephesum, omisso, quod inchoaverat, bello, rediit. ibi, per luctum regia clausa, cum Minione quodam, qui princeps amicorum eius erat, secreta consilia agitavit. Minio, ignarus omnium externorum, viresque aestimans regis ex rebus in Syria aut Asia gestis, non causa modo superiorem esse Antiochum, quod nihil aequi postularent Romani, sed bello quoque superaturum credebat. Fugienti regi disceptationem cum legatis, seu iam experto eam minus prosperam, seu moerore recenti confuso, professus Minio, se, quae pro causa essent, dicturum, persuasit, ut a Pergamo arcesserentur legati.

XVI. Iam convaluerat Sulpicius: itaque ambo Ephesum venerunt. Rex a Minione excusatus, et absente eo res agi coepta est. Ibi praeparata oratione Minio; *Specioso titulo*, inquit, *uti vos, Romani, Grae-*

carum civitatum liberandarum video: sed facta vestra U. c. 559.
orationi non conveniunt; et aliud Antiocho iuris sta- a. C. 193.
tuitis, alio ipsi utimini. Qui enim magis Smyrnaei
Lampsacenique Graeci sunt, quam Neapolitani, et Rhe-
gini, et Tarentini, a quibus stipendium, a quibus naves ex
foedere exigitis? Cur Syracusas, atque in alias Siciliae
Graecas urbes praetorem quotannis, cum imperio et virgis
et securibus, mittitis? nihil aliud profecto dicatis, quam
armis superatis vos iis has leges inposuisse. Eandem
de Smyrna et Lampsaco civitatibusque, quae Ioniae
aut Aeolidis sunt, causam ab Antiocho accipite. Bello
superatas a maioribus, et stipendiarias ac vectigales
factas, in antiquum ius repetit. itaque ad haec ei res-
ponderi velim, si ex aequo disceptatur, et non belli
caussa quaeritur. Ad ea Sulpicius, Fecit verecunde,
inquit, Antiochus, qui, si alia pro causa eius non
erant, quae dicerentur, quemlibet ista, quam se, dicere
maluit. Quid enim simile habet civitatum earum,
quas comparasti, causa? Ab Rheginis, et Neapoli-
tanis, et Tarentinis, ex quo in nostram venerunt pote-
statem, uno et perpetuo tenore iuris, semperⁿ⁾ usurpato,
numquam intermisso, quae ex foedere debent, exigimus.
Potesne tandem dicere, ut ii populi non per se, non
per alium quemquam foedus mutaverint, sic^{o)} Asiae
civitates, ut semel venerunt in maiorum Antiochi pote-
statem, in perpetua possessione regni vestri permansisse,
et non alias earum in Philippi, alias in Ptolemaei fu-
isse potestate, alias per multos annos nullo ambigente
libertatem usurpasse? Nam si, quod aliquando servi-
erunt, temporum iniquitate pressi, ius post tot secula
adserendi eor in servitutem faciet^{p)}; quid abest, quin
actum nobis nihil sit, quod a Philippo liberavimus Grae-
ciam, et repetant posterius eius Corinthum, Chalcidem,
Demetriadem, et Thessalorum totam gentem? Sed quid

n) iuris semper Gron. Crev.

p) facit Gron. Crev.

o) add. et Eaed.

U. c. 559. *ego caussam civitatum ago, quam, ipsis agentibus, et*
 a. C. 193. *nos et regem ipsum cognoscere aequius est?*

XVII. Vocari deinde civitatum legationes iussit, praeparatas iam ante et instructas ab Eumene, qui, quantumcumque virium Antiocho decessisset, suo id accessurum regno ducebat. Admissi plures, dum suas quisque nunc querelas, nunc expostulationes inserit, et aequa iniquis miscent ^{a)}, e disceptatione altercationem fecerunt. itaque, neque remissa ulla re, neque inpetrata, aequae ac venerant, omnium incerti legati Romam redierunt. Rex, dimissis iis, consilium de bello Romano habuit. Ibi alius alio ferocius (quia ^{r)} quo quisque asperius adversus Romanos locutus esset, eo spes gratiae maior erat) alius superbiam postulatorum increpare, tamquam Nabidi victo, sic Antiocho, maximo Asiae regum, inponentium leges. *quamquam Nabidi tamen dominationem in patriam suam, et patriam Lacedaemonem, remissam. Antiocho si Smyrna et Lampsacus imperata faciant, indignum videri; alii ^{s)}, parvas et vix dictu dignas belli caussas tanto regi eas civitates esse. sed initium semper a parvis iniusta imperandi fieri ^{t)}: nisi crederent, Persas, quum aquam terramque ab Lacedaemoniis petierunt, gleba terrae et haustu aquae eguisse. Per similem tentationem Romanis de duabus civitatibus agi. et alias civitates, simul duas iugum exuisse vidissent, ad liberatorem populum defecturas. Si non libertas servitute potior sit, tamen omni praesenti statu spem cuique novandi res suas blandiorem esse.*

XVIII. Alexander Acarnan in consilio ^{u)} erat, Philippi quondam amicus, nuper relicto eo secutus opulentiorum regiam Antiochi: et, tamquam peritus

q) *postulationes inserit, aequa iniquis miscentes* Eaed.

r) *ibi alius alio ferocius: quia, signis parentheseos omissis et puncto post maior erat posito,* Eaed.

s) *videri alii* Gron. c. Drak. *videri. Alii* Crev.

t) *semper per ius iniusta inpetrandi fieri* Gron.

u) *concilio* Gron. Crev.

Graeciae, nec ignarus Romanorum, in eum gradum U. e. 559.
amicitiae regis, ut consiliis quoque arcanis interesset, a. C. 193.
acceptus erat. Is, tamquam non, utrum bellandum
esset, nec ne, consuleretur, sed ubi et qua ratione
bellum gereretur, *Victoriam se haud dubiam propo-*
nere animo adfirmabat, *si in Europam transisset rex,*
et in aliqua Graeciae parte sedem bello cepisset. Iam
primum Aetolos, qui umbilicum Graeciae incolerent,
in armis eum inventurum, antesignanos ad asperrima
quaeque belli paratos. In duobus velut cornibus Grae-
ciae, Nabin a Peloponneso concitaturum omnia, repe-
tentem Argivorum urbem, repetentem maritimas civi-
tates: quibus eum depulsum Romani Lacedaemonis
muris inclusissent; a Macedonia Philippum, ubi primum
bellicum cani audisset, arma capturum. Nosse se spi-
ritus eius, nosse animum: scire, ferarum modo, quae
claustris aut vinculis teneantur, ingentes iam diu iras
eum in pectore volvere. meminisse etiam se, quoties in
bello precari omnes Deos solitus sit, ut Antiochum sibi
darent adiutorem. cuius voti si compos nunc fiat, nul-
lam moram rebellandi facturum. Tantum non cunctan-
dum, neque cessandum esse. in eo enim victoriam verti,
si et loca opportuna, et socii praeoccuparentur. Han-
nibalem quoque sine mora mittendum in Africam esse
ad distringendos Romanos.

XIX. Hannibal non adhibitus in consilium *),
propter colloquia cum Villio suspectus regi, et in
nullo postea honore habitus, primo eam contumeliam
tacitus tulit: deinde melius esse ratus, et percun-
ctari causam repentinae alienationis, et purgare se,
tempore apto, quaesita simpliciter iracundiae causa
auditaque, *Pater Hamilcar, inquit, Antioche, par-*
um admodum me, quum sacrificaret, altaribus admo-
tum iureiurando adegit, numquam amicum fore populi
Romani. Sub hoc sacramento sex et triginta annos

*) concilium Gron.

U. c. 559. *militavi: hoc me in pace patria mea expulit* 1): *hoc*
 a. C. 193. *patria extorrem in tuam regiam adduxit: hoc duce, si*
tu spem meam destitueris, ubicumque vires, ubi arma
esse sciam, huc veniam, toto orbe terrarum quaerens
aliquos Romanis hostes. Itaque, si quibus tuorum
meis criminibus apud te crescere libet, aliam materiam
crescendi ex me 2) *quaerant. Odi, odioque sum Roma-*
nis. id me verum dicere, pater Hamilcar et Dii testes
sunt. Proinde, quum de bello Romano cogitabis, inter
primos amicos Hannibalem habeto. si qua res te ad
pacem compellet, in id consilium alium, cum quo deli-
beres, quaerito. Non movit modo talis oratio regem,
sed etiam reconciliavit Hannibali. Ex consilio ita
discessum est, ut bellum gereretur.

U. c. 560. XX. Romae destinabant quidem sermonibus
 a. C. 192. hostem Antiochum, sed nihildum ad id bellum prae-
 ter animos parabant. Consulibus ambobus Italia
 provincia decreta est: ita ut inter se compararent,
 sortirenturve, uter comitiis eius anni praeesset. ad
 utrum ea non pertineret cura, ut paratus esset, si quo
 eum extra Italiam opus esset ducere legiones. Huic
 consuli permissum, ut duas legiones scriberet novas,
 et socium Latini nominis viginti millia, et equites
 octingentos a). Alteri consuli duae legiones decretae,
 quas L. Cornelius consul superioris anni habuisset:
 et socium ac Latini nominis ex eodem exercitu b)
 quindecim millia, et equites quingenti. Q. Minucio
 cum exercitu, quem in Liguribus habebat, proroga-
 tum imperium. additum, in supplementum ut qua-
 tuor millia peditum Romanorum scriberentur, et cen-
 tum quinquaginta equites; et sociis eodem quinque
 millia peditum imperarentur, ducenti quinquaginta
 equites. Cn. Domitio extra Italiam, quo senatus
 censuisset, provincia evenit, L. Quinctio Gallia et
 comitia habenda. Praetores deinde provincias sortiti:

y] extulit Gron.

2) quam ex me Gron. Crev.

a) nongentos Eaed.

b) add. pedites Eaed.

M. Fulvius Centumalus urbanam, L. Scribonius Libo U. c. 560. peregrinam, L. Valerius Tappo ^{c)} Siciliam, Q. Sa-^{a. C. 192.} lonius Sarra Sardiniam, M. Baebius Tamphilus Hispaniam citeriorem, A. Atilius Serranus ulteriorem. Sed his duobus primum senatusconsulto, deinde plebis etiam scito permutatae provinciae sunt. Atilio classis et Macedonia, Baebio Bruttii decreti. Flaminio Fulvioque in Hispaniis prorogatum imperium, Baebio Tamphilo in Bruttios duae legiones decretae, quae priore anno urbanae fuissent: et ut ^{d)} sociis eodem millia peditum quindecim imperarentur, et quingenti equites. Atilius triginta naves quinqueremes facere iussus, et ex navalibus veteres deducere, si quae utiles essent, et scribere navales socios. Et consulibus ^{e)} imperatum, ut ei duo millia socium ac Latini nominis, et mille pedites darent ^{f)} Romanos. Hi duo praetores et duo exercitus, terrestres navalisque, adversus Nabin, aperte iam obpugnantem socios populi Romani, dicebantur parari. Ceterum legati ad Antiochum missi expectabantur: et ^{g)}, priusquam ii redissent, vetuerat Cn. Domitium consulem senatus ab urbe discedere.

XXI. Praetoribus Fulvio et Scribonio, quibus, ut ius dicerent Romae, provincia erat, negotium datum, ut, praeter eam classem, cui Atilius praefuturus erat, centum quinqueremes pararent. Priusquam consul praetoresque in provincias proficiscerentur, supplicatio fuit prodigiorum causa. Capram sex hœdos uno foetu edidisse, ex Piceno nunciatum est: et Arretii puerum natum unimanum: Amiterni terra pluuisse: Formiis portam murumque de coelo tacta: et (quod maxime terrebat) consulis Cn. Domitii bovem locutum, ROMA CAVE TIBI. Ceterorum prodigiorum causa supplicatum est: bovem cum

c) *Tappus* Gron. Crev.d) *ut et* Eaed.e) *consuli* Eaed.f) *daret* Eaed.g) *et del.* Eaed.

U. c. 560. cura servari aliquae aruspices iusserunt. Tiberis, in-
 a. C. 192. festiore quam priore inpetu inlatus urbi, duo pontes,
 aedificia multa, maxime circa portam Flumentanam,
 evertit. Saxum ingens, sive imbribus, sive motu
 terrae levioze, quam ut alioqui sentiretur, labefacta-
 tum, in vicum Iugarium ex Capitolio procidit, et mul-
 tos obpressit. In agris passim inundatis pecua ablata,
 villarum strages facta est. Priusquam L. Quinctius
 consul in provinciam perveniret, Q. Minucius in agro
 Pisano cum Liguribus signis conlatis pugnavit: no-
 vem millia hostium occidit: ceteros fusos fugatosque
 in castra compulit. Ea usque in noctem magno certa-
 mine obpugnata defensaque sunt. nocte clam profecti
 Ligures: prima luce Romanus vacua castra invasit.
 praedae minus inventum est, quod subinde spolia
 agrorum capta domos mittebant. Minucius nihil de-
 inde laxamenti hostibus dedit. ex agro Pisano in Li-
 gures profectus, castella vicosque eorum igni ferro-
 que pervastavit: ibi praeda Etrusca, quae missa a po-
 pulatoribus fuerat, repletus est miles Romanus.

XXII. Sub idem tempus legati ab regibus Ro-
 mam reverterunt. qui quum nihil, quod satis matu-
 ram causam belli haberet, nisi adversus Lacedae-
 monium tyrannum, adtulissent, quem et Achaei le-
 gati nunciabant^{h)}, contra foedus maritimam oram La-
 conum obpugnare; Atilius praetor cum classe missus
 est in Graeciam ad socios tuendos. Consules, quan-
 do nihil ab Antiocho instaret, proficisci ambo in pro-
 vincias placuit. Domitius ab Arimino, qua proximi-
 mum fuit, Quinctius per Ligures in Boios venit. Duo
 consulum agmina diversa late agrum hostium pervas-
 tarunt. primo equites eorum pauci cum praefectis,
 deinde universus senatus, postremo in quibus aut for-
 tuna aliqua, aut dignitas erat, ad mille quingenti ad
 consules transfugerunt. Et in utraque Hispania eo
 anno res prospere gestae. nam et C. Flaminius oppi-

^{h)} *annunciabant* Gron. Crev.

dum Litabrum, munitum opulentumque, vineis ex- U. c. 560.
pugnavit, et nobilem regulum Corribilonem vivum a. C. 192.
cepit: et M. Fulvius proconsul cum duobus exerciti-
bus hostium duo secunda proelia fecit: oppida duoⁱ⁾
Hispanorum, Vesceliam Holonemque, et castella
multa expugnavit: alia voluntate ad eum defecerunt.
tum in Oretanos progressus, et ibi duobus potitus op-
pidis, Noliba et Cusibi, ad Tagum amnem ire pergit.
Toletum ibi parva urbs erat, sed loco munito^{k)}. eam
quum obpugnaret, Vectonum magnus exercitus To-
letanis subsidio venit. Cum his signis conlatis pros-
pere pugnavit: et, fuis Vectonibus, operibus Tole-
tum cepit.

XXIII. Ceterum eo tempore minus ea bella,
quae gerebantur, curae Patribus erant, quam expec-
tatio nondum coepti cum Antiocho belli. nam etsi
per legatos idemtidem omnia explorabantur, tamen
rumores, temere sine ullis auctoribus orti, multa falsa
veris miscebant. Inter quae adlatum erat, quum in
Aetoliam venisset Antiochus, extemplo classem eum
in Siciliam missurum. Itaque senatus, etsi praeto-
rem Atilium cum classe miserat in Graeciam, tamen,
quia non copiis modo, sed etiam auctoritate opus erat
ad tuendos sociorum animos, T. Quinctium, et Cn.^{l)}
Octavium, et Cn. Servilium, et P. Villium legatos
in Graeciam misit; et, ut M. Baebius ex Bruttis ad
Tarentum et Brundisium promoveret legiones, decre-
vit; ut inde, si res posceret, in Macedoniam traice-
ret; et ut M. Fulvius praetor classem navium viginti^{m)}
mitteret ad tuendam Siciliae oram: et utⁿ⁾ cum
imperio esset, qui classem eam duceret: (duxit L. Op-
pius Salinator, qui priore anno aedilis plebis fuerat)
et ut idem praetor L. Valerio collegae scriberet, *Pe-
riculum esse, ne classis regis Antiochi ex Aetolia in Si-
ciliam traiceret: itaque placere senatui, ad eum exer-*

i) duo del. Gron. Crev.

k) munita Eaed.

l) C. Eaed.

m) triginta Eaed. c. Drak.

n) ut del. Gron. Crev.

U. c. 560. *citum, quem haberet, tumultuariorum militum ad duo-*
 a. C. 195. *decim millia^o), et quadringentos equites scribere eum,*
quibus oram maritimam provinciae, qua vergeret in
Graeciam, tueri posset. Eum delectum praetor non
ex Sicilia ipsa tantum, sed etiam ex circumiacentibus
insulis habuit: oppidaque omnia maritima, quae in
Graeciam versa erant, praesidiis firmavit. Addidit
alimenta rumoribus adventus Attali, Eumenis fra-
tris, qui nunciavit, Antiochum regem Hellespontum
cum exercitu transisse; et Aetolos ita se parare, ut
sub adventum eius in armis essent. Et Eumeni ab-
senti, et praesenti Attalo gratiae actae: et aedes li-
berae, locus, lautia decreta, et munera data, equi
duo, bina equestria arma, et vasa argentea centum
pondo, et aurea viginti pondo.

XXIV. Quum alii atque alii nuncii bellum in-
 stare adferrent, ad rem pertinere visum est, consu-
 les primo quoque tempore creari. Itaque senatuscon-
 sultum factum est, ut M. Fulvius praetor literas ex-
 templo ad consulem mitteret, quibus certior fieret,
 senatui placere, provincia exercituque tradito legatis,
 Romam reverti eum, et ex itinere praemittere edic-
 tum, quo comitia consulibus creandis ediceret. Pa-
 ruit his literis consul, et, praemisso edicto, Romam
 venit. Eo quoque anno magna ambitio fuit, quod
 patricii tres in unum locum petierunt, P. Cornelius
 Cn. F. Scipio, qui priore anno repulsam tulerat, et
 L. Cornelius Scipio et Cn. Manlius Vulso. P. Sci-
 pioni, ut dilatum viro tali, non negatum, honorem
 adpareret, consulatus datus est. additur^{p)} ei de plebe
 collega, M^o. Acilius Glabrio. Postero die praetores
 creati, L. Aemilius Paullus, M. Aemilius Lepidus,
 M. Iunius Brutus, A. Cornelius Mammula, C. Livius,
 et L. Oppius; utrique eorum Salinator cognomen
 erat. Oppius is erat, qui classem viginti^{q)} navium

o) add. *peditus* Gron. Crev.

p) *additus* Eacd.

q) *triginta* Eacd. c. Drak.

in Siciliam duxerat. Interim dum novi magistratus U. c. 560. sortirentur provincias, M. Baebius a Brundisio cum a. C. 192. omnibus copiis transire in Epirum est iussus, et circa Apolloniam copias continere: et M. Fulvio praetori urbano negotium datum est, ut quinqueremes novas quinquaginta faceret.

XXV. Et populus quidem Romanus ita se ad omnes conatus Antiochi praeparabat. Nabis iam non differebat bellum, sed summa vi Gythium obpugnabat; et, infensus Achaeis, quod miserant obsessis praesidium, agros eorum vastabat. Achaei, non antea ausi capessere bellum, quam ab Roma revertissent legati, ut, quid senatui placeret, scirent, post reditum legatorum et Sicyonem concilium edixerunt, et legatos ad T. Quinctium miserunt, qui consilium ab eo peterent. In concilio omnium ad bellum extemplo capessendum inclinatae sententiae erant: litterae T. Quinctii cunctationem iniecerunt, quibus auctor erat praetorem classemque Romanam expectandi. Quum principum alii in sententia permanerent; alii utendum eius, quem ipsi consuluisset, consilio censerent; multitudo Philopoemenis sententiam exspectabat. Praetor is tum erat, et omnes eo tempore et prudentia et auctoritate anteibat. Is praefatus, *Bene comparatum apud Achaeos^{r)} esse, ne praetor, quum de bello consulisset, ipse sententiam diceret: statuere quam primum ipsos, quid vellent, iussit. Praetorem decreta eorum cum fide et cura executurum: adniscurumque, ut, quantum in^o consilio humano positum esset, nec pacis eos poeniteret, nec belli.* Plus ea oratio momenti ad incitandos ad bellum habuit, quam si aperte suadendo cupiditatem res gerendi ostendisset. Itaque ingenti consensu bellum decretum est: tempus et ratio administrandi eius libera praetori permissa sunt. Philopoemen, praeterquam

r) *Aetolos* Gron. Crev. e. Drak.

U. c. 560. quod ita Quinctio placeret, et ipse existimabat classem
 a. C. 192. Romanam exspectandam, quae a mari Gythium tueri posset, sed metuens, ne dilationem res non pateretur, et non Gythium solum, sed praesidium quoque missum ad tuendam urbem amitteretur, naves Achaeorum deduxit.

XXVI. Comparaverat et tyrannus modicam classem ad prohibenda, si qua obsessis mari submitterentur, praesidia, tres tectas naves, et lembos pristisque, tradita vetere classe ex foedere Romanis. Harum novarum tum navium agilitatem ut experiretur^{s)}, simul ut^{t)} omnia satis apta ad certamen essent, provectos in altum quotidie remigem militemque simulacris navalis pugnae exercebat, in eo ratus verisimilem obsidionis, si praesidia maritima interclusisset. Praetor Achaeorum, sicut terrestrium certaminum arte quemvis clarorum imperatorum vel usu vel ingenio aequabat, ita rudis in re navali erat; Arcas, mediterraneus homo, externorum etiam omnium, nisi quod in Creta praefectus auxiliorum militaverat, ignarus. Navis erat quadriremis vetus, capta annis octoginta ante, quum Crateri uxorem Nicaeam a^{u)} Naupacto Corinthum veheret. huius famamotus (fuerat enim nobile in classe regia quondam navigium) deduci ab Aegio putrem iam admodum et vetustate dilabentem iussit. Hac tum praetoria nave praecedente classem, quum in ea Patrensis Tiso praefectus classis veheretur, occurrerunt a Gythio Laconum naves: et primo statim incursu ad novam et firmam navem vetus, quae per se ipsa omnibus compagibus aquam acciperet, divulsa est: captique omnes, qui in nave erant. cetera classis, praetoria nave amissa, quantum quaeque remis valuit, fugerunt. ipse Philopoemen in levi speculatoria nave fugit: nec ante

s) harum ut novarum tum navium agilitatem experiretur Gron. Crev.

t) ut del. Eaed.

u) ab Eaed. c. Drak.

fugae finem, quam Patras ventum est^{x)}, fecit. Ni- U. c. 560.
hil ea res animum militaris viri, et multos experti^{a. C. 192.}
casus, inminuit. quin contra, si in re navali, cuius
esset ignarus, obfendisset, eo plus in ea, quorum
usu calleret, spei nactus, brevi id tyranno gaudium
se effecturum adfirmabat.

XXVII. Nabis, quum prospera rē elatus^{y)}, tum
spem etiam haud dubiam nactus, nihil iam a mari
periculi fore, et terrestres aditus claudere opportune
positis praesidiis voluit. tertia parte copiarum ab ob-
sidione Gythii abducta, ad Pleias posuit castra. In-
minet is locus et Letucis, et Acriis^{z)}, qua videban-
tur hostes exercitum admoturi. Quum ibi stativa
essent, et pauci tabernacula haberent, multitudo alia
casas ex arundine^{a)} textas fronde, quae umbram
modo praeberet, texissent; priusquam in conspectum
hosti^{b)} veniret Philopoemen, nec opinantem eum
inproviso genere belli adgredi statuit. Navigia parva
in stationem occultam agri Argivi contraxit: in ea
expeditos milites, caetratos plerosque, cum fundis
et iaculis et alio levi genere armaturae, inposuit.
inde litora legens, quum ad propinquum castris ho-
stium promontorium venisset, egressus callibus notis,
nocte Pleias pervenit: et, sopitis vigilibus, ut in
nullo propinquo metu, ignem casis ab omni parte
castrorum iniecit. Multi prius incendio absumti sunt,
quam hostium adventum sentirent: et, qui senserat,
nullam opem ferre potuerunt. Ferro flammaque
omnia absumta: perpauci tamen ex tam ancipiti peste
ad Gythium in maiora castra perfugerunt. Ita percussis
hostibus, Philopoemen protinus ad depopulandam
Tripolim Laconici agri, qui proximus finem Megalo-
politarum est, duxit: et, magna vi pecorum homi-
numque inde abrepta, priusquam a Gythio tyrannus

x) sit Gron. Crev.

y) elatusre Eaed. c. Drak.

z) Acriis Gron. Crev. [In

Crev. min. Acriis legitur.]

a) arundinibus Eaed.

b) hostium Eaed. c. Drak.

U. c. 560. praesidium agris mitteret, discessit. Inde^{c)} Tegeam
 a. C. 192. exercitu contracto, concilioque eodem et Achaeis et
 sociis indicto, in quo et Epirotarum et Acarnanum
 fuere principes, statuit, quoniam satis et suorum a
 pudore maritimae ignominiae restituti animi, et hos-
 tium conterriti essent, ad Lacedaemonem ducere:
 eo modo uno ratus ab obsidione Gythii hostem abduci
 posse. Ad Caryas^{d)} primum in hostium terra posuit
 castra. Eo ipso die Gythium expugnatum est. cu-
 ius rei ignarus Philopoemen, castra ad Barbosthenem
 (mons est decem millia passuum ab Lacedaemone)
 promovit. Et Nabis, recepto Gythio, cum expedito
 exercitu inde profectus, quum praeter Lacedaemo-
 nem raptim duxisset, Pyrrhi (quae vocant) castra
 occupavit: quem peti locum ab Achaeis, non dubi-
 tabat. inde hostibus obcurrit. Obtinebant autem
 longo agmine propter angustias viae prope quinque
 millia passuum. cgebatur agmen ab equitibus, et
 maxime a parte auxiliorum: quod existimabat Philo-
 poemen, tyrannum mercenariis militibus, quibus
 plurimum fideret, ab^{e)} tergo suos adgressurum. Duae
 res simul inopinatae perculerunt eum: una, prae-
 occupatus, quem petebat, locus: altera, quod primo
 agmini obcurrisse hostem cernebat, ubi, quum per
 loca confragosa iter esset, sine levis armaturae prae-
 sidio signa ferri non videbat posse.

XXVIII. Erat autem Philopoemen praecipuae
 in ducendo agmine locisque capiendis solertiae atque
 usus: nec belli tantum temporibus, sed etiam in pace,
 ad id maxime animum exercuerat. Ubi iter quopi-
 am faceret, et ad difficilem transitu saltum venisset,
 contemplatus ab omni parte loci naturam, quum so-
 lus iret^{f)}, secum ipse agitabat animo; duum comi-
 tes haberet, ab iis quaerebat, *Si hostis eo loco ad-
 paruisset, quid, si a fronte, quid, si ab latere hoc aut*

c) *idem* Gron.d) *Carias* Gron.e) *a* Gron. Crev.f) *erat* Gron.

illo, quid, si ab ^{g)} tergo adoriretur, capiendum consilii foret? Posse instructos recta acie, posse inconditum agmen, et tantummodo aptum viae, obcurrere. Quem locum ipse capturus esset, cogitando aut quaerendo exsequebatur; aut quod armatis, aut quo genere armorum (plurimum enim interesse) usurus; quo inpedimenta, quo sarcinas, quo turbam inermem reiiceret; quanto ea, aut quali praesidio custodiret; et utrum pergere, qua coepisset ire via, an eam ^{h)}, qua venisset, repetere melius esset; castris quoque quem locum caperet, quantum munimento amplecteretur loci, qua opportuna aquatio, qua pabuli lignorumque copia esset. qua postero die castra moventi tutum maxime iter, quae forma agminis foret. His curis cogitationibusque ita ab ineunte aetate animum agitaverat, ut nulla ei nova in tali re cogitatio esset. Et tum omnium primum agmen constituit: dein Cretenses auxiliares et, quos Tarentinos vocabant, equites, binos secum trahentes equos, ad prima signa misit: et, iussis equitibus subsequi, super torrentem, unde aquari possent, rupem occupavit. Eo inpedimenta omnia et calonum turbam coniectam armatis circumdedit, et pro natura loci castra communivit. tabernacula statuere in aspretis et inaequabili solo difficile erat. Hostes quingentos passus aberant. ex eodem rivo utrimque cum praesidio levis armaturae aquati sunt: et, priusquam (qualia in propinquis castris solent) contraheretur certamen, nox intervenit. Postero die adparebat pugnandum pro aquatoribus circa rivum esse, nocte in valle a conspectu hostium aversa. quantam multitudinem locus oculere poterat, condidit, caetorum.

XXIX. Luce orta, Cretensium levis armatura et Tarentini equites super torrentem proelium commiserunt. Telemnastus ⁱ⁾ Cretensis popularibus suis,

g) a Gron. Crev.

h) ea Gron.

i) Latemnastus Gron. Crev.

U. c. 560. equitibus Lycortas Megalopolitanus praeerat. Cre-
 a. C. 192. tenses et hostium auxiliares, equitumque idem ge-
 nus Tarentini, praesidio aquatoribus erant. Ali-
 quamdiu dubium proelium fuit, ut eodem ex parte
 utraque hominum genere, et armis paribus. Proce-
 dente certamine, et numero vicere tyranni auxilia-
 res, et quia ita praeceptum a Philopoemene praefec-
 tis erat, ut, modico edito proelio, in fugam inclina-
 rent, hostemque ad insidiarum locum pertraherent.
 Effuse^{k)} secuti fugientes per convallem, plerique et
 vulnerati, et interfecti sunt, priusquam occultum
 hostem viderent. Caetrati ita, quantum latitudo
 vallis patiebatur, instructi sederant, ut facile per
 intervalla ordinum fugientes suos acciperent. Con-
 surgunt deinde ipsi integri, recentes, instructi: et
 in hostes inordinatos, effusos, labore etiam et vul-
 neribus fessos, inpetum faciunt. Nec dubia victoria
 fuit. extemplo terga dedit tyranni miles: et haud
 paullo concitatore cursu, quam secutus erat, fugi-
 ens, ad castra est compulsus. multi caesi captique
 in ea fuga sunt. Et in castris quoque foret trepidatum,
 ni Philopoemen receptui cani iussisset; loca magis
 confragosa, et, quacumque temere processisset, ini-
 qua, quam hostem, metuens. Inde et ex fortuna
 pugnae, et ex ingenio ducis coniectans, in quo tum
 is pavore esset, unum de auxiliaribus specie trans-
 fugae mittit ad eum, qui pro comperto adferret:
 Achaeos statuuisse postero die ad Eurotam amnem,
 qui prope ipsis adfluit moenibus, progredi^{l)}, ut in-
 tercluderent iter; ne aut tyrannus, quum vellet, re-
 ceptum ad urbem haberet; aut commeatus ab urbe
 in castra portarentur: simul etiam tentaturus^{m)}, si
 quorum animi sollicitari ad defectionem a tyranno
 possent. Non tam fidem dictis perfuga fecit, quam
 perculso metu relinquendi castra caussam probabilem

k) pertraherent; effuse Gron.

l) procedere Gron. Crev.

m) tentaturos Crev.

præbuit. Postero die Pythagoram cum auxiliariis ^{U. a. 560.} et equitatu stationem agere pro vallo iussit. ipse, ^{a. C. 192.} tamquam in aciem cum robore exercitus egressus, signa ocus ferri ad urbem iussit.

XXX. Philopoemen, postquam citatum agmen per angustam et proclivem viam duci raptim vidit, equitatum omnem et Cretensium auxiliares in stationem hostium, quae pro castris erat, emittit. Illi, ubi hostes adesse, et a suis se desertos viderunt, primo in castra recipere se conati sunt: deinde, postquam instructa acies tota Achaeorum admovebatur, metu ne cum ipsis castris caperentur, sequi suorum agmen aliquantum praegressum insistent. Extemplo caetrati Achaeorum in castra inpetum faciunt, et diripiuntⁿ⁾: ceteri ad persequendos hostes ire pergunt. Erat iter tale, per quod vix tranquillum ab hostili metu agmen expediri posset. Ut vero ad postremos proelium ortum est, clamorque terribilis a tergo paventium ad prima signa est perlatus, pro se quisque, armis abiectis, in circumiectas itineri silvas diffugiunt, momentoque temporis strage armorum septa via est, maxime hastis; quae, pleraeque adversae cadentes, velut vallo obiecto iter impediabant. Philopoemen, utcumque possent, instare et persequi auxiliariis iussis, (utique enim equitibus haud facilem futuram fugam) ipse gravius agmen via patentiore ad Eurotam amnem deduxit. ibi castris sub occasum solis positus, levem armaturam, quam ad persequendum reliquerat hostem, operiebatur. qui ubi prima vigilia venerunt, nuntiantes, tyrannum cum paucis ad urbem penetrasse, ceteram multitudinem inermem toto sparsam vagari saltu, corpora curare eos iubet. ipse ex cetera copia militum (qui, quia priores in castra venerant, refecti et cibo sumto, et modica quiete erant) delectos, ni-

n) et diripiunt del. Crev.

U. c. 560. hil praeter gladios secum ferentes, extemplo educit,
 a. C. 192. et duarum portarum itineribus, quae Pheras, quae-
 que Barbosthenem ferunt, eos instruxit; qua ex
 fuga recepturos sese hostes credebat. Nec eum opi-
 nio fefellit. nam Lacedaemonii, quoad lucis super-
 fuit quidquam, deviis callibus medio saltu se recipie-
 bant. Primo vespere ut lumina in castris hostium
 conspexere, e regione eorum occultis semitis se te-
 nuerunt: ubi ea sunt praegressi^o), iam tutum rati,
 in patentes vias descenderunt. ibi excepti ab insi-
 dente hoste passim ita multi caesi captique sunt, ut
 vix quarta pars de toto exercitu evaserit. Philopoe-
 men, incluso tyranno in urbem, insequentes dies
 prope triginta vastandis agris Laconum absumsit, de-
 bilitatisque ac prope fractis tyranni viribus, domum
 rediit, aequantibus eum gloria rerum Achaeis impe-
 ratori Romano, et, quod ad Laconicum bellum adti-
 neret, praeferebantibus etiam.

XXXI. Dum inter Achaeos et tyrannum bellum
 erat, legati Romanorum circumire sociorum urbes,
 solliciti, ne Aetoli partis aliculus animos ad Antio-
 chum avertissent. minimum operae in Achaeis ade-
 undis consumserunt; quos, quia Nabidi infesti erant,
 ad cetera quoque satis fidos censebant esse. Athenas
 primum, inde Chalcidem, inde in Thessaliam iere:
 adlocutique concilio frequenti Thessalos, Demetria-
 dem iter flexere. eo Magnetum concilium indictum
 est. Adcuratior ibi habenda oratio fuit, quod pars
 principum alienati a Romanis, totique Antiochi et
 Aetolorum erant: quia, quum reddi filium obsidem
 Philippo adlatum esset, stipendiumque inpositum
 remitti, inter cetera vana adlatum erat, Demetria-
 dem quoque ei reddituros Romanos esse. Id ne fieret,
 Eurylochus princeps Magnetum, factionisque eius
 quidam, omnia novari Aetolorum Antiochique ad-

o) ubi praetergressi ea sunt Gron. Crev.

ventu malebant. Adversus eos ita disserendum erat, U. C. 560.
 ne, timorem vanum iis demendo, spes incisa Phi- a. C. 192.
 lippum abalienaret: in quo plus ad omnia momenti,
 quam in Magnetibus, esset. Illa tantum commemo-
 rata, *quum totam Graeciam beneficio libertatis obno-*
xiam Romanis esse, tum eam civitatem praecipue. Ibi
enim non praesidium modo Macedonum fuisse, sed re-
giam exaedificatam, ut praesens semper in oculis ha-
bendus esset dominus. Ceterum nequidquam ea facta,
si Aetoli Antiochum in Philippi regiam adducerent,
et novus et incognitus pro vetere et experto habendus
rex esset. Magnetarchen summum magistratum vo-
 cant. is tum Eurylochus erat. ac potestate ea fretus,
 negavit dissimulandum sibi et Magnetibus esse, quae
 fama vulgata de reddenda Demetriade Philippo foret. id
 ne fieret, omnia et conanda et audenda Magnetibus esse.
 Et inter dicendi contentionem inconsultius evector
 proiecit, *Tum quoque specie liberam Demetriadem esse:*
re vera omnia ad nutum Romanorum fieri. Sub hanc
 vocem fremitus variantis multitudinis fuit, partim ad-
 sensum, partim indignationem ^{r)}, dicere id ausum
 eum. Quinctius quidem adeo exarsit ira, ut, manus
 ad coelum tendens, Deos testes ingrati ac perfidi
 animi Magnetum invocaret. Hac voce perterritis
 omnibus, Zeno, ex principibus unus, magnae tum
 ob eleganter actam vitam auctoritatis, tum quod sem-
 per Romanorum haud dubie partis fuerat, ab Quin-
 ctio ^{q)} legatisque aliis flens petiit, *ne unius amentiam*
civitati adsignarent. Suo quemque periculo furere. Ma-
gnetas ^{r)} non libertatem modo, sed omnia, quae homi-
nibus sancta caraque sint, T. Quinctio et populo Ro-
mano debere. Nihil quemquam ab Diis immortalibus
precari posse, quod non Magnetes ab illis haberent;
et in corpora sua citius per furorem saevituros, quam
ut Romanam amicitiam violarent.

p) partim assentientium, par-
 tim indignantium Crev.

q) ab T. Quintio Gron. Cræv.
 r) Magnetes Eaed.

U. c. 560.
a. C. 192.

XXXII. Huius orationem subsecutae multitudinis preces sunt. Euryloclus ex concilio itineribus occultis ad portam, atque inde protinus in Aetoliam profugit. Iam enim, et id magis in dies, Aetoli defectionem nudabant: eoque ipso forte tempore Thoas, princeps gentis, quem miserant ad Antiochum, redierat, indeque Menippum secum adduxerat, regis legatum. Qui, priusquam concilium iis daretur, impleverant omnium aures terrestres navalesque copias commemorando; *ingentem vim peditum equitumque venire: ex India elephantos; ante ^{s)} omnia* (quo maxime moveri credebant multitudinis animos) *tantum advehi auri, ut ipsos emere Romanos possit.* Adparebat, quid ea oratio in concilio motura esset. nam et venisse eos, et, quae agerent, omnia Romanis legatis deferebantur: et, quamquam prope abscisa ^{t)} res erat, tamen non ab re esse Quinctio visum est, sociorum aliquos legatos interesse ei concilio, qui admonerent Romanae societatis Aetolos, qui vocem liberam mittere adversus regis legatum auderent. Athenienses maxime in eam rem idonei visi sunt, propter et ^{u)} civitatis dignitatem, et vetustam societatem cum Aetolis. ab iis Quinctius petiit, ut legatos ad Panaetolicum concilium mitterent. Thoas primus in eo concilio renunciavit legationem. Menippus post eum intramissus, *Optimum fuisse omnibus, qui Gracciam Asiamque incolerent, ait, integris rebus Philippi potuisse intervenire Antiochum: sua quemque habiturum fuisse, neque omnia sub nutum ditionemque Romanam perventura.* Nunc quoque, inquit, si modo vos, quae inchoastis, consilia constanter perducitis ad exitum, poterit, Diis iuvantibus, et Aetolis sociis, Antiochus quamvis inclinatas Graeciae res restituere in pristinam dignitatem. Ea autem in libertate posita est, quae suis stat viribus, non ex alieno arbitrio pen-

s) ad Eaed.

u) et propter Gron.

t) abscissa Eaed.

det. Athenienses, quibus primis, post regiam legationem, dicendi, quae vellent, potestas facta est, mentione omni regis praetermissa, Romanae societatis Aetolos, meritorumque in universam Graeciam T. Quinctii, admonuerunt, *ne temere eam celeritate nimia consiliorum everterent. Consilia calida et audacia prima specie laeta, tractatu dura, eventu tristia esse. legatos Romanos, et in iis T. Quinctium, haud procul inde abesse. Dum integra omnia essent, verbis potius de iis, quae ambigerentur, disceptarent, quam Asiam Europamque ad funestum armarent bellum.*

XXXIII. Multitudo avida novandi res, Antiochi tota erat: et ne admittendos quidem in concilium Romanos censebant. principum maxime seniores auctoritate obtinuerunt, ut daretur iis concilium. Hoc decretum Athenienses quum retulissent, eundem in Aetoliam Quinctio visum est. Aut enim moturum aliquid, aut omnes homines testes fore, penes Aetolos belli culpam esse: Romanos iusta ac prope necessaria sumtuos arma. Postquam ventum est eo, Quinctius in concilio, orsus a principio societatis Aetolorum cum Romanis, et quoties ab iis fides mota foederis esset, pauca de iure civitatum, de quibus ambigeretur, disseruit. *Si quid tamen aequi se habere arbitrarentur, quanto esse satius Romam mittere legatos, seu disceptare, seu rogare senatum mallent; quam populum Romanum cum Antiocho, lanistis Aetolis, non sine motu magno generis humani, et pernicie Graeciae dimicare? nec ullos prius cladem eius belli sensuros, quam qui movissent.* Haec nequidquam velut vaticinatus Romanus. Thoas deinde ceterique factionis eiusdem cum adsensu omnium auditi, pervicerunt, ut, ne dilato quidem concilio, et absentibus Romanis, decretum fieret, quo arcesseretur Antiochus ad liberandam Graeciam, disceptatumque inter Aetolos et Romanos. Huic tam superbo decreto addidit propriam contumeliam Damocritus praetor eorum. nam

U. c. 560. quum id ipsum decretum posceret eum Quinctius, non
 a. C. 192. veritus maiestatem viri, *aliud in praesentia, quod
 magis instaret, praevertendum sibi esse, dixit: decre-
 tum responsumque brevi in Italia, castris super ripam
 Tiberis positis, daturum.* tantus furor illo tempore
 gentem Aetolorum, tantusque magistratus eorum
 cepit.

XXXIV. Quinctius legatique Corinthum redie-
 runt. inde, ut quaeque de Antiocho, nihil per se
 ipsi moturi ^{x)}, et sedentes exspectare adventum vi-
 derentur regis, concilium quidem universae gentis
 post dimissos Romanos non habuerunt: per apocle-
 tos autem (ita vocant sanctius consilium ^{y)}): ex de-
 lectis constat viris) id agitabant, quonam modo res
 in Graecia novarentur. Inter omnes constabat, in
 civitatibus principes, optimum quemque, Romanae
 societatis esse, et praesenti statu gaudere. multitu-
 dinem, et quorum res non ex sententia ipsorum es-
 sent, omnia novare ^{z)} velle. Aetoli consilium uno
 die spei quoque non audacis modo, sed etiam impu-
 dentis, ceperunt, Demetriadem, Chalcidem, et La-
 cedaemonem occupandi. Singuli in singulas missi
 sunt principes; Thoas Chalcidem, Alexamenus Lace-
 daemonem, Diocles Demetriadem. Hunc exsul Eu-
 rylochus, de cuius fuga caussaue fugae ante dictum
 est, quia reditus in patriam nulla spes alia erat, ad-
 iuvit. Literis Eurylochi admoniti propinqui amici-
 que, et qui eiusdem factionis erant, liberos et con-
 iugem eius cum sordida veste, tenentes velamenta
 supplicum, concionem frequentem adire iubent,
 singulos universosque obtestantes, ne insontem, in-
 demnatum consenescere in exsilio sinerent. Et sim-
 plices homines misericordia, et improbos seditiosos-
 que inmiscendi res tumultu Aetolico spes movit:
 pro se quisque revocare iuebant. His praeparatis,

x) *moti* Gron. Crev. c. Drak.

z) *novari* Gron. Crev.

y) *concilium* Gron.

Diocles, cum omni equitatu (et erat tunc praefectus equitum) specie reducentis exsulem hospitem profectus, die ac nocte ingens iter emensus, quum milia sex ab urbe abesset, luce prima tribus electis turmis, cetera multitudine equitum subsequi iussa, praecessit. postquam portae adpropinquabat, desilire omnes ex equis iussit, et loris ducere equos, itineris maxime modo, solutis ordinibus: ut comitatus magis praefecti videretur, quam praesidium. Ibi una ex turmis ad portam relictā, ne excludi subsequens equitatus posset, media urbe ac per forum, manu Eurylochum tenens, multis obcurrentibus gratulantibusque, domum deduxit. Mox equitum plena urbs erat, et loca opportuna occupabantur. tum in domos missi, qui principes adversae factionis interficerent. Ita Deme-
trias Aetolorum facta est.

XXXV. Lacedaemone non urbi vis adferenda, sed tyrannus dolo capiendus erat: quem, spoliatum maritimis oppidis a Romanis, tunc intra moenia etiam Lacedaemonis ab Achaeis compulsus, qui occupasset occidere, eum totius gratiam rei apud Lacedaemonios laturum. Caussam mittendi ad eum habuerunt, quod fatigabat precibus, ut auxilia sibi, quum illis auctoribus rebellasset, mitterentur. Mille pedites Alexameno dati sunt, et triginta delecti ex iuventute equites. Iis ^{a)} a praetore Damocrito in consilio arcano gentis, de quo ante dictum est, denunciatum, *Ne se ad bellum Achaicum aut rem ullam, quam sua quisque opinione praecipere posset, crederent missos esse. quidquid Alexamenum res monuisset subiti consilii capere, ad id, quamvis inopinatum, temerarium, audax, obedienter exsequendum parati essent, ac pro eo acciperent, tamquam ad id unum agendum missos ab domo se sci-
rent.* Cum his ita praeparatis Alexamenus ad tyrannum venit, quem adveniēns extemplo spei inplevit. Antiochum iam in Europam transisse, mox in Grae-

a) his Crev.

U. c. 560. *cia fore; terras, maria, armis, viris completurum. Non*
 a. C. 192. *cum Philippo rem esse credituros Romanos. numerum iniri-*
peditum equitumque ac navium non posse: elephantor-
um aciem conspectu ipso debellaturam. Aetolos toto
suo exercitu paratos esse venire Lacedaemonem, quum
res poscat: sed frequentes armatos ostendere advenienti
regi voluisse. Nabidi quoque et ipsi faciendum esse,
ut, quas haberet copias, non sineret sub tectis marces-
cere otio: sed educeret, et in armis decurrere cogeret,
simul animos acueret, et corpora exerceret. Consuetu-
dine leviorē laborem fore: et comitate ac benignitate
ducis etiam non iniucundum fieri posse. Educi inde
frequenter ante urbem in campum ad Eurotam am-
nem coepere. Satellites tyranni media fere in acie
consistebant, tyrannus cum tribus summum equitibus,
inter quos plerumque Alexamenus erat, ante signa
vectabatur, cornua extrema invisens; in dextro
cornu Aetoli erant, et qui venerant mille cum Ale-
xameno. Fecerat sibi morem Alexamenus, nunc
cum tyranno inter paucos ordines circumeundi, mo-
nendique eum, quae in rem esse videbantur; nunc
in dextrum cornu ad suos adequitandi; mox inde,
velut imperato, quod res poposcisset, recipiendi
se ad tyrannum. Sed, quem diem patrando facinori
statuerat, eo paullisper cum tyranno vectatus, quum
ad suos concessisset, tum^{b)} equitibus ab domo secum
missis, Agenda, inquit, res est, iuvenes, audendaque,
quam me duce inpigre exsequi iussi estis. Parate ani-
mos dextrasque, ne quis in eo, quod me viderit facien-
tem, cesset. Qui cunctatus fuerit, et suum consilium
meo interponet, sciat sibi reditum ad penates non esse.
 Horror cunctos cepit: et meminerant, cum quibus
 mandatis exissent. Tyrannus ab laevo cornu venie-
 bat. Ponere hastas equites Alexamenus iubet, et se
 intueri. colligit et ipse animum confusum tantae co-
 gitatione rei. Postquam adpropinquabat, inpetum

b) cum Gron.

facit, et, transfixo equo, tyrannum deturbat. Ia- U. c. 560.
contenti equites confodiunt. multis frustra in lorica^a. C. 192.
ictibus datis, tandem in nudum corpus vulnera per-
venerunt: et, priusquam a media acie subcurreretur,
expiravit.

XXXVI. Alexamenus cum omnibus Aetoliscitato
gradu ad regiam occupandam pergit. Corporis custo-
des, quum res in oculis gereretur, pavor primo cepit:
deinde, postquam abire Aetolorum agmen videre, con-
currunt ad relictum tyranni corpus: et spectatorum
turba ex custodibus vitae mortisque ultoribus est^c)
facta. Nec movisset se quisquam, si extemplo, po-
sitis armis, vocata in concionem multitudo fuisset;
et oratio habita temporis conveniens; frequentes inde
retenti in armis Aetoli sine iniuria cuiusquam. sed^d);
ut oportuit in consilio fraude coepto, omnia in matu-
randam perniciem eorum, qui fecerant, sunt acta.
Dux regia inclusus diem ac noctem in scrutandis the-
sauris tyranni consumsit: Aetoli, velut capta urbe,
quam liberasse videri volebant, in praedam versi.
Simul indignitas rei, simul contentus, animos Lace-
daemoniis ad coeundum fecit. alii dicere, exturban-
dos Aetolos, et libertatem, quum restitui videretur,
interceptam repetendam. alii, ut caput agenda rei es-
set regii generis aliquem in speciem adsumendum. La-
conicus eius stirpis erat puer admodum, eductus^e) cum
liberis tyranni. eum in equum inponunt, et, armis ad-
reptis, Aetolos vagos per urbem caedunt. Tum
regiam invadunt. ibi Alexamenum cum paucis resi-
stentem obtruncant. Aetoli circa Chalcioecon (Miner-
vae est templum aereum) congregati caeduntur. Pau-
ci, armis abiectis, pars Tegeam, pars Megalopolim

c) est del. Gron. Crev.

d) conveniens, frequentibus
inde retentis in armis Ae-
tolis, sine iniuria cuius-
quam: sed etc. Gron. con-
veniens; frequentibus inde

retentis in armis Aetolis,
sine iniuria cuiusquam.
sed etc. Crev.

e) educatus Gron. Crev.
c. Drak.

U. c. 560. perfugiunt. ibi, comprehensi a magistratibus, sub
a. C. 192. corona venierunt.

XXXVII. Philopoemen, audita caede tyranni, profectus Lacedaemonem, quum omnia turbata metu invenisset; evocatis principibus, et oratione habita, qualis habenda ab Alexameno fuerat, societati Achaeorum Lacedaemonios adiunxit: eo etiam facilius, quod forte ad idem tempus, ^{f)} A. Atilius cum quatuor et viginti quinquere milibus ad Gythium accessit. Iisdem diebus circa Chalcidem Thoas, per Euthymidam principem, pulsum opibus eorum, qui Romanae societatis erant, post T. Quinctii legatorumque adventum, et Herodorum Cianum mercatorem, sed potentem Chalcide propter divitias, praeparatis ad prodicionem iis, qui Euthymidae factionis erant, nequaquam eandem fortunam, qua Demetrias per Eurylochum occupata erat, habuit. Euthymidas ab Athenis (eum domicilio delegerat locum) Thebas primum, hinc Salganea processit; Herodorus ad Thronium. Inde ^{g)} haud procul in Maliaco sinu duo millia peditum Thoas et ^{h)} ducentos equites, onerarias leves ad triginta habebat. eas cum sexcentis peditibus Herodorus traicere in insulam Atalantam iussus: ut inde, quum pedestres copias adpropinquare iam Aulidi atque Euripo sensisset, Chalcidem traiceret. ipse ceteras copias, nocturnis maxime itineribus, quanta poterat celeritate, Chalcidem ducebat.

XXXVIII. Mictio et Xenoclidēs, penes quos tum summa rerum, pulso Euthymida, Chalcide erat, seu ipsi per se suspicati, seu indicata re, primo pavidi, nihil usquam spei, nisi in fuga, ponebant. deinde, postquam resedit terror, et prodi et deserere patriam modo, sed etiam Romanorum societatem, cernebant, consilio tali animum adiecerunt.

f) quod ad idem forte tempus Gron. Grev.

g) et Thoas Gron.

h) processit. Herodorus ad Thronium, inde Gron.

Sacrum anniversarium eo forte tempore Eretriae U. c. 560: Amarynthidis Dianae erat: quod non popularium a. C. 192. modo, sed Carystiorum etiam coetu celebratur. Eo miserunt, qui orarent Eretrienses Carystiosque, *Ut et suarum fortunarum in eadem insula geniti misererentur, et Romanam societatem respicerent, ne sinerent Aetolorum Chalcidem fieri. Euboeam habituros, si Chalcidem habuissent. Graves fuisse Macedonas dominos; multo minus tolerabiles futuros Aetolos.* Romanorum maxime respectus civitates movit, et virtutem nuper in bello, et in victoria iustitiam benignitatemque expertas. itaque, quod roboris in iuventute erat, utraque civitas armavit misitque. His tuenda moenia Chalcidis oppidani quum tradidissent, ipsi omnibus copiis transgressi Euripum, ad Salganea posuerunt castra. inde caduceator primum, deinde legati ad Aetolos missi percunctatum, quo suo dicto factove socii atque amici ad se obpugnandos venirent? Respondit Thoas dux Aetolorum, *Non ad obpugnandos, sed ad liberandos ab Romanis, venire sese. Splendidiore nunc eos catena, sed*ⁱ⁾ *multo graviore, vinctos esse, quam quum praesidium Macedonum in arce habuissent. Se vero, negare Chalcidenses, aut servire ulli, aut praesidio cuiusquam egere.* Ita digressi ex conloquio legati ad suos. Thoas et Aetoli, ut qui spem omnem in eo, ut inproviso obprimerent, habuissent, ad iustum bellum obpugnationemque urbis mari ac terra munitae haudquaquam pares, domum rediere. Euthymidas, postquam castra popularium ad Salganea esse, profectosque Aetolos audivit, et ipse a Thebis Athenas rediit. Et Herodorus, quum per aliquot dies intentus ab Atalanta signum nequidquam expectasset, missa speculatoria nave, ut, quid morae esset, sciret, postquam rem omissam a sociis vidit, Thronium, unde venerat, repetit.

i) et Gron.

U. c. 560. XXXIX. Quinctius quoque, his auditis, ab
 a. C. 192. Corintho veniens navibus, in Chalcidis Euripo Eumeni regi obcurrit. Placuit, quingentos milites praesidii caussa relinqui Chalcide ab Eumene rege: ipsum Athenas ire. Quinctius, quo profectus erat, Demetriadem contendit: ratus Chalcidem liberatam momenti aliquid apud Magnetas ad repetendam societatem Romanam facturam. Et, ut praesidii aliquid esset suae partis hominibus, Eunomo praetori Thesalorum scripsit, ut armaret iuventutem, et Villium ad Demetriadem praemisit ad tentandos animos: non aliter, nisi pars aliqua inclinaret ad respectum, pristinae societatis, rem adgressurus. Villius quinquere mi nave ad ostium portus est invectus. Eo multitudo Magnetum omnis, quum se effudisset, quaesivit Villius, utrum ad amicos, an ad hostes, sese venisse mallent? Respondit Magnetarches Eurylochus, *Ad amicos venisse eum: sed abstineret portu, et sineret Magnetas in concordia et libertate esse, nec per conloquii speciem multitudinem sollicitaret.* Altercatio inde, non sermo, fuit: quum Romanus ut ingratos increparet Magnetas, imminentesque praediceret clades: multitudo obstreperet, nunc senatum, nunc Quinctium accusando. ita irritum incepto Villius ad Quinctium sese recepit. At Quinctius, nuncio ad praetorem misso, ut reduceret domum copias, ipse navibus Corinthum rediit.

XL. Abstulerunt me velut de spatio Graeciae res inmixtae Romanis: non quia ipsas operae pretium esset perscribere, sed quia causae fuerunt cum Antiocho belli. Consulibus designatis, (inde namque diverteram) L. Quinctius et Cn. Domitius consules in provincias profecti sunt: Quinctius in Ligures, Domitius adversus Boios. Boii quieverunt: atque etiam senatus eorum cum liberis, et praefecti cum equitatu (summa omnium mille et quingenti) consuli dederunt sese. Ab altero consule ager

Ligurum late est vastatus, castellaque aliquot capta: U. c. 560^b unde non praeda modo omnis generis cum captivis a. C. 192^c parta, sed recepti quoque aliquot cives sociique, qui in hostium potestate fuerant. Eodem hoc anno Vibonem colonia deducta est ex ^{k)} senatusconsulto plebeique scito. tria millia et septingenti pedites ierunt, trecenti equites. Triumviri deduxerunt eos, Q. Naevius, M. Minucius ^{l)}, M. Furius Crassipes. quina dena iugera agri data in singulos pedites sunt, duplex equiti ^{m)}. Bruttiorum proxime fuerat ager: Bruttii ceperant de Graecis. Romae per idem tempus duo maximi fuerunt terrores; diutinus ⁿ⁾ alter sed segnior. Terra dies duodequadraginta movit. per totidem dies feriae in sollicitudine ac metu fuere. in triduum eius rei causa supplicatio habita est. Ille non pavor vanus, sed vera multorum clades fuit. incendio a foro Boario orto, diem noctemque aedificia in Tiberim versa arsere, tabernaeque omnes cum magni pretii mercibus conflagraverunt.

XLI. Iam fere in exitu annus erat: et in dies magis fama de Antiochi bello, et cura Patribus crescebat. Itaque de provinciis magistratuum designatorum, quo intentiores essent omnes, agitari coeptum est. Decrevere, ut consulibus Italia, et quo senatus censuisset, (iam esse bellum adversus Antiochum regem omnes sciebant) provinciae essent. cuius ea sors esset, quatuor millia peditum civium Romanorum, et trecenti equites, sex millia socium Latini nominis cum quadringentis equitibus sunt decreta. Eorum delectum habere L. Quinctius consul iussus: ne quid moraretur, quo minus consul novus, quo senatus censuisset, extemplo proficisci posset. Item de provinciis praetorum decretum est: prima ut sors duae, urbanaeque et inter cives ac pere-

k) ex del. Gron. Crev.

l) *Minutius* Gron. *Drak.*m) *diutius* Gron.n) *equitibus* Gron. Crev. c.*Drak.*

U. c. 560. grinos iurisdictio esset: secunda, Bruttii: tertia, clas-
 a. C. 192. sis, ut navigaret, quo senatus censuisset: quarta,
 Sicilia: quinta, Sardinia: sexta, Hispania ulterior. im-
 peratum praeterea L. Quinctio consuli est, ut duas
 legiones civium Romanorum novas conscriberet; et
 socium ac Latini nominis viginti millia peditum, et
 octingentos equites. eum exercitum praetori, cui
 Bruttii provincia evenisset, decreverunt. Aedes
 duae Iovi eo anno in Capitolio dedicatae sunt. Vo-
 verat L. Furius Purpureo praetor Gallico bello unam,
 alteram consul. dedicavit Q. Marcius Ralla duumvir.
 Iudicia in foeneratores eo anno multa severe sunt
 facta, accusantibus privatos aedilibus curulibus, M.
 Tuccio et P. Iunio Bruto. de multa damnatorum
 quadrigae inauratae in Capitolio positaе, et in cella
 Iovis, supra fastigium aediculae, duodecim ^o) clipea
 inaurata: et iidem porticum extra portam Trigeminam
 inter lignarios fecerunt.

XLII. Intentis in adparatum novi belli Romanis,
 ne ab Antiocho quidem cessabatur. Tres eum civi-
 tates tenebant, Smyrna, et Alexandria Troas, et
 Lampsacus; quas neque vi expugnare ad eam diem
 poterat, neque conditionibus in amicitiam perlicere,
 neque ab ^{p)} tergo relinquere, traiciens ipse in Euro-
 pam, volebat. Tenuit eum et de Hannibale delibe-
 ratio. Et primo naves apertae, quas cum eo missu-
 rus in Africam fuerat, moratae sunt: deinde, an
 omnino mittendus esset, consultatio mota est, ma-
 xime a Thoante Aetolo, qui, omnibus in Graecia tu-
 multu completis, Demetriadem adferebat in potes-
 tate esse: et, quibus mendaciis de rege, multipli-
 cando verbis copias eius, erexerat multorum in Grae-
 cia animos, iisdem et regis spem inflabat: *omnium*
votis eum arcessi. contursum ad litora futurum, unde

o) positaе in cella Iovis su-
 pra fastigium aediculae,
 et duodecim etc. Gron.

Crev. c. Drak.
 p) a Eaed. c. Drak.

classem regiam prospexissent. Hic idem ausus de Han- U. c. 560.
nibale est movere sententiam prope iam certam re- a. C. 192.
gis. nam neque dimittendam partem navium a classe
regia censebat: neque, si mittendae naves forent, mi-
nus quemquam^{q)} ei classi, quam Hannibalem, prae-
ficiendum. Exsulem illum et Poenum esse, cui mille
in dies nova consilia vel fortuna sua, vel ingenium
possit facere. Et ipsam eam gloriam belli, qua velut
dote Hannibal concilietur, nimiam in praefecto regio
eae. Regem conspici, regem unum ducem, unum im-
peratorem videri debere. Si classem, si exercitum
amittat Hannibal, idem damni fore, ac si per alium
ducem amittantur. si quid prospere eveniat, Hannibal
is eam, non Antiochi, gloriam fore. Si vero univer-
so bello vincendi Romanos fortuna detur, quam spem
esse, sub rege victurum Hannibalem uni subiectum;
qui patriam prope non tulerit? Non ita se a iuventa
eum gessisse, spe animoque complexum orbis terrarum
imperium, ut in senectute dominum laturus videatur.
Nihil opus esse regi Hannibale duce, comite et consili-
ario eodem ad bellum uti posse. Modicum fructum ex
ingenio tali neque gravem, neque inutilem fore, si
summa petantur, et dantem, et adipientem praegra-
vatura.

XLIII. Nulla ingenia tam prona ad invidiam sunt, quam eorum, qui genus ac fortunam suam animis non aequant: quia virtutem et bonum alienum oderunt. Extemplo consilium mittendi Hannibalis, quod unum in principio belli utiliter cogitatum erat, abiectum est. Demetriadis maxime defectione ab Romanis ad Aetolos elatus, non ultra differre profectionem in Graeciam constituit. Priusquam solveret naves, Ilium a mari escendit^{r)}, ut Minervae sacrificaret. Inde ad classem regressus, proficiscitur quadraginta tectis navibus, apertis sexaginta: et du-

q) *quempiam* Gron. c. Drak.

Drak.

r) *adscendit* Gron. Crev. c.

U. c. 560. centae onerariae cum omnis generis commeatu bel-
 a. C. 192. ligoque alio adparatu sequebantur. Imbrum primo
 insulam tenuit: inde Sciathum traiecit. ubi conlec-
 tis^{s)} in alto, quae dissipatae erant, navibus, ad Pte-
 leum primum continentis venit. Ibi^{t)} Eurylochus ei
 Magnetarches principesque Magnetum ab Demetriade
 occurrerunt. quorum frequentia laetus, die postero
 in urbis portum navibus est invectus. Copias haud
 procul inde exposuit. decem millia peditum fuere,
 et quingenti equites, sex elephanti; vix ad Graeciam
 nudam occupandam satis copiarum, nedum ad su-
 stinendum Romanum bellum. Aetoli, postquam De-
 metriadem venisse Antiochum adlatum est, concilio
 indicto, decretum, quo arcesserent eum, fecerunt.
 Iam profectus ab Demetriade rex, quia ita decretu-
 ros sciebat, Phalara^{u)} in sinum Maliacum processe-
 rat. inde, decreto accepto, Lamiam venit, excep-
 tus ingenti favore multitudinis, cum plausibus cla-
 moribusque, et quibus aliis laetitia effusa vulgi sig-
 nificatur.

XLIV. In concilium ut ventum est, aegre a
 Phaenea praetore principibusque aliis^{x)} introductus,
 facto silentio^{y)}, rex dicere orsus. Prima eius oratio
 fuit excusantis, *Quod tanto minoribus spe atque opi-
 nione omnium copiis venisset. Id suae impensae erga
 eos voluntatis maximum debere indicium esse, quod
 nec paratus satis ulla re, et tempore ad navigandum
 immaturo, vocantibus legatis eorum, haud gravate
 obsecutus esset, credidissetque, quum se vidissent Ae-
 toli, omnia vel in se uno posita praesidia existimatu-
 ros esse. Ceterum eorum quoque se, quorum expecta-
 tio destituta in praesentia videatur, spem abunde ex-
 pleturum. Nam simul primum anni tempus navigabile*

s) ubi, conlectis Drak.

t) venit, ibi Drak.

u) Phaleram Gron. Crev.

x) aliis del. Gron. Crev.

c. Drak.

y) inde facto silentio Eaed.

c. Drak.

praebuisset mare, omnem se Graeciam armis, viris, equis, omnem oram maritimam classibus completurum. Nec impensae, nec labori, nec periculo parsurum, donec, depulso cervicibus eorum imperio Romano, liberam vere Graeciam, atque in ea principes Aetolos fecisset. cum exercitibus commeatus quoque omnis generis ex Asia venturos. In praesentia curae esse Aetolis debere, ut copia frumenti suis, et annona tolerabilis rerum aliarum subpeditetur.

U. c. 560
a. C. 192.

XLV. In hanc sententiam rex cum magno omnium adsensu locutus discessit. Post discessum regis, inter duos principes Aetolorum, Phaeneam et Thoa-
ntem, contentio fuit. Phaeneas, reconciliatore pacis et disceptatore de iis, quae in controversia cum populo Romano essent, utendum potius Antiocho, censebat, quam duce belli. *Adventum eius et maiestatem ad verecundiam faciendam Romanis vim maiorem habituram, quam arma. Multa homines, ne bellare necesse sit^{z)}, voluntate remittere, quae bello et armis cogi non possint. Thoas negare, Paci studere Phaeneam: sed discutere adparatum belli velle, ut taedio et inpetus relanguescat regis, et Romani tempus ad comparandum habeant. Nihil enim aequi ab Romanis inpetrari posse, toties legationibus missis Romam, toties cum ipso Quinctio disceptundo, satis expertum esse: neo, nisi abscissa omni spe, auxilium Antiochi inploraturos fuisse. Quo celerius spe omnium oblato, non esse elanguescendum, sed orandum potius regem, ut, quoniam, quod maximum fuerit, ipse vindex Graeciae venerit, copias quoque terrestres navalesque arcessat. Armatum regem aliquid inpetraturum: inermem non pro Aetolis modo, sed ne pro se quidem ipso, momenti ullius futurum apud Romanos. Haec vicit sententia: imperatoremque regem adpellandum censuerunt: et triginta principes, cum quibus, si qua vellet, consultaret, delegerunt.*

z) ne bellarent, verbis necesse sit omissis, Gron.

Crev.

U. c. 560.
a. C. 192.

XLVI. Ita, dimisso concilio, multitudo omnis in suas civitates dilapsa est. Rex postero die cum apocletis eorum, unde bellum ordiretur, consultabat. Optimum visum est, Chalcidem, frustra nuper ab Aetolis tentatam, primum adgredi: et celeritate in eam rem magis, quam magno conatu et adparatu, opus esse. Itaque cum mille peditibus rex, qui ab Demetriade secuti erant, profectus per Phocidem est: et alio itinere principes Aetoli, iuniorum paucis evocatis, ad Chaeroneam obcurrerunt, et decem constratis navibus secuti sunt. Rex, ad Salganea castris positus, navibus ipse cum principibus Aetolorum Euripum traiecit, et, quum haud procul portu egressus esset, magistratus quoque Chalcidensium et principes ante portam processerunt. Pauci utrimque ad colloquium congressi sunt. Aetoli magnopere suadere, ut, salva Romanorum amicitia, regem quoque adsumerent socium atque amicum. Neque enim eum inferendi belli, sed liberandae Graeciae, caussa in Europam traiecisse; et liberandae re^{a)}), non verbis et simulatione, quod fecissent Romani. Nihil autem utilius Graeciae civitatibus esse, quam utramque complecti amicitiam. ita enim ab utriusque iniuria tutam alterius semper praesidio et fiducia fore. Nam si non recepissent regem, viderent, quid patendum iis extemplo foret: quum Romanorum procul auxilium, hostis Antiochus, cui resistere viribus suis non possent, ante portas esset. Ad haec Mictio, unus ex principibus, Mirari se, dixit, ad quos liberandos Antiochus, relicto regno suo, in Europam traiecisset. Nullam enim civitatem se in Graecia nosse, quae aut praesidium habeat, aut stipendium Romanis pendat, aut foedere iniquo adligata, quas nolit, leges patiatur. Itaque Chalcidenses neque vindice libertatis ullo egere^{b)}), quum liberi sint, neque praesidio, quum pacem eius-

a) traiecisse; liberandae
vero re Gron. Crev.

b) indigere Gron. Crev.

dem populi Romani beneficio et libertatem habeant. U. c. 560.
Amicitiam regis non adspernari, neque ipsorum Aetol- a. C. 192.
lorum. id primum eos pro amicis facturos, si insula
excedant, atque abeant. nam ipsis certum esse, non
modo non recipere moenibus, sed ne societatem quidem
ullam pacisci, nisi ex auctoritate Romanorum.

XLVII. Haec renunciata regi ad naves, ubi restiterat, quum essent; in praesentia (neque enim iis venerat copiis, ut vi agere quidquam posset) reverti Demetriadem placuit. ibi, quoniam primum vanum inceptum^{c)} evasisset, consultare cum Aetolis rex, quid deinde fieret. Placuit, Achaeos et Amynandrum, regem Athamanum, tentare. Boeotorum gentem aversam ab Romanis iam inde a Brachyllae morte, et quae secuta eam fuerant, censebant. Achaeorum Philopoemenem principem, aemulatione gloriae in bello Laconum, infestum invisumque esse Quintio credebant. Amynander uxorem Apamiam, filiam Alexandri cuiusdam Megalopolitani, habebat; qui, se oriundum a Magno Alexandro ferens, filiis duobus Philippum atque Alexandrum, et filiae Apamiam nomina inposuerat: quam, regiis inclitam nuptiis, maior ex fratribus Philippus secutus in Athamaniam fuerat. Hunc, forte ingenio vanum, Aetoli et Antiochus inpulerant in spem, quod is vere regum stirpis esset, regni Macedoniae, si Amynandrum Athamanesque Antiocho coniunxisset. et ea vanitas promissorum non apud Philippum modo, sed etiam apud Amynandrum, valuit.

XLVIII. In Achaia legatis Antiochi Aetolorumque, coram T. Quintio, Aegii datum est concilium. Antiochi legatus prior, quam Aetoli, est auditus. Is, ut plerique, quos opes regiae alunt, vaniloquus, maria terrasque inani sonitu verborum complevit. *Equitum innumerabilem vim traici Hellesponto in Europam, partim loricatos, quos cataphractos vocant;*

c) inane coeptum Eaed.

U. c. 560. *partim sagittis ex equo utentes, et, a quo nihil satis*
 a. C. 192. *tecti sit, aversos refugiente equo certius figentes. His*
equestribus copiis quamquam vel totius Europae exer-
citus in unum coacti obrui possent, adiciebat multi-
plices copias peditum, et nominibus quoque gentium
vix fando auditis terrebat; Dahas, Medos, Elymae-
osque et Cadusios ^{d)} adpellans. Navalium vero copi-
arum, quas nulli portus capere in Graecia possent, dex-
trum cornu Sidonios et Tyrios; sinistrum Aradios, et
ex Pamphylia Sidetas tenere; quas gentes nullae um-
quam nec arte, nec virtute navali aequassent. Iam
pecuniam, iam alios belli adparatus referre, superva-
caneum esse. scire ipsos, abundasse semper auro regna
Asiae. Itaque non cum Philippo, nec Hannibale rem
futuram Romanis, principe altero unius ^{e)} civitatis,
altero Macedoniae tantum regni finibus incluso; sed
cum magno Asiae totius partisque Europae rege. Eum
tamen, quamquam ab ultimis orientis terminis ad libe-
randam Graeciam veniat, nihil postulare ab Achaeis,
in quo fides eorum adversus Romanos, priores socios
atque amicos, deditur. Non enim, ut secum adversus
eos, arma capiant, sed ut neutri parti sese coniungant,
petere. Pacem utrique parti, quod medios deceat ami-
cos, optent: bello se non interponant. Idem ferme et
Aetolorum legatus Archidamus petiit, ut, quae facil-
lima et tutissima esset, quietem praestarent, specta-
toresque belli, fortunarum alienarum eventum sine
ullo discrimine rerum suarum opperirentur. Pro-
vectus deinde est intemperantia linguae in maledicta,
nunc communiter Romanorum, nunc proprie ipsius
Quinctii: ingratos adpellans, et exprobens non victo-
riam modo de Philippo virtute Aetolorum partem, sed
etiam salutem; ipsumque et exercitum sua opera serva-
tos, quo enim illum unquam imperatoris functum officio
esse? Auspiciantem, inmotantemque, et vota nuncu-

d) Caddusios Gron. c. Drak.

c. Drak.

e) unius del. Gron. Crev.

pantem sacrificuli patris modo in acie vidisse, quum U. c. 560.
ipse corpus suum pro eo telis hostium obliiceret. c. C. 192.

XLIX. Ad ea Quinctius, Coram quibus magis, quam apud quos, verba faceret, dicere, Archidamum rationem habuisse. Achaeos enim probe scire, Aetolorum omnem ferociam in verbis, non in factis, esse: et in conciliis magis concionibusque, quam in acie, adparere, itaque parvi Achaeorum existimationem, quibus notos esse se scirent, fecisse: legatis regis, et per eos absenti regi eum se iactasse. Quod si quis antea ignorasset, quae res Antiochum et Aetolos coniunxisset, ex legatorum sermone potuisse adparere: mentiendo in vicem iactandoque vires, quas non haberent, inflasse vana spe, atque inflatos esse: dum ii ^{f)} ab se Philip-pum victum, sua virtute protectos Romanos, et quae modo audiebatis, narrant; vos ceterasque civitates et gentes suam sectam esse secuturos: rex contra peditum equitumque nubes iactat, et consternit maria suis classibus. Est autem res simillima coenae Chalcidensis hospitis mei, hominis et boni, et sciti convivatoris. apud quem solstitiali tempore comiter accepti quum miraremur, unde illi eo tempore anni tam multa et varia venatio; homo non, quam isti sunt, gloriosus, renidens, condimentis, ait, varietatem illam et speciem ferinae carnis ex mansueto sue factam. Hoc dici apte in copias regis, quae paullo ante iactatae sint, posse: Varia enim genera armorum, et multa nomina gentium inauditarum, Dahae, et Medos, et Cadusios, et ^{g)} Elymaeos, Syros omnes esse: haud paullo mancipiorum melius, propter servilia ingenia, quam militum genus. et utinam subiicere oculis vestris, Achaei, possem concussationem regis magni ab Demetriade, nunc Lamiam in concilium Aetolorum, nunc Chalcidem! Videretis vix duarum male plenarum legiuncularum instar in castris regis: videretis regem, nunc mendicantem prope frumentum ab Aetolis, quod militi admetiatur: nuno

f) hi Crev.

g) et del. Gron.

U. c. 560. *mutuas pecunias fœnore in stipendium quaerentem: nunc*
 a. C. 192. *ad portas Chalcidis stantem: et mox inde exclusum, nihil aliud quam Aulide atque Euripo spectatis, in Aetoliam redeuntem. Male crediderunt et Antiochus Aetolis, et Aetoli regiae vanitati. Quo minus vos decipi debetis, sed expertae potius^{h)} spectataeque Romanorum fidei credere. Nam quod optimum esse dicantⁱ⁾, non interponi vos bello: nihil immo tam alienum rebus vestris est. Quippe sine gratia, sine dignitate, praemium victoris eritis.*

L. Nec absurde adversus utrosque respondisse visus est, et facile erat orationem apud faventes aequis auribus accipi. nulla enim nec disceptatio, nec dubitatio fuit, quin omnes, eosdem genti Achaeorum hostes et amicos, quos populus Romanus censuisset, iudicaret, bellumque et Antiocho, et Aetolis nunciari iuberent. Auxilia etiam, quo censuit Quinctius, quingentorum militum Chalcidem, quingentorum Piraeum extemplo miserunt. Erat enim haud procul seditione Athenis res, trahentibus ad Antiochum quibusdam spe largitionum venalem pretio multitudinem; donec ab iis, qui Romanae partis erant, Quinctius est aditus, et, accusante Leonte quodam, Apollodorus auctor defectionis damnatus, atque in exsilium est eiectus. Et ab Achaeis quidem cum tristi responso legatio ad regem rediit. Boeoti nihil certi responderunt: *quum Antiochus in Boeotiam venisset, tum, quid sibi faciundum esset, se deliberaturos esse.* Antiochus, quum ad Chalcidis praesidium, et Achaeos et Eumenem regem misisse audisset, maturandum ratus, ut et praevenirent sui, et venientes, si possent, exciperent, Menippum cum tribus ferme millibus militum, et cum omni classe Polyxenidam mittit. ipse paucos post dies sex millia suorum militum, et ex ea copia, quae Lamiæ repente colligi potuit, non ita multos Aetolos

h) toties Gron. i) dicunt Crev.

ducit. Achaei quingenti, et ab Eumene rege modi-^{U. c. 560.}
cum auxilium missum, duce Xenoclide Chalcidensi,^{a. G. 192.}
nondum obsessis itineribus, tuto transgressi Euripum,
Chalcidem pervenerunt. Romani milites, quingenti
ferme et ipsi, quum iam Menippus castra ante Salga-
nea ad Hermaeum, qua transitus ex Boeotia in Eu-
boeam insulam est, haberet, venerunt. Mictio erat
cum iis, legatus a Chalcide ad Quintium, ad id ip-
sum praesidium petendum, missus. qui postquam
obsessas ab hostibus fauces vidit, omisso ad Aulidem
itinere, Delium convertit, ut inde in Euboeam trans-
missurus.

LI. Templum est Apollinis Delium, imminens
mari: quinque millia passuum ab ^{k)} Tanagra abest.
minus quatuor millium inde in proxima Euboeae est
mari traiectus. Ubi et in fano lucoque, ea religione
et eo iure sancto, quo sunt templa, quae ^{l)} asyla
Graeci adpellant, et nondum aut indicto bello, aut
ita commisso, ut strictos gladios, aut sanguinem
usquam factum audissent, quum per magnum otium
inilites, alii ad spectaculum templi lucique versi, alii
in litore inermes vagarentur, magna pars per agros
lignatum pabulatumque dilapsa esset; repente Me-
nippus, palatos passim adgressus, eos cecidit, ad
quingenta vivos cepit. perpauci effugerunt, in
quibus Mictio parva oneraria nave exceptus. Ea res
Quintio Romanisque, sicut iactura militum molesta,
ita ad ius inferendi Antiocho belli adiecisse aliquan-
tum videbatur. Antiochus, admoto ad Aulidem
exercitu, quum rursus oratores, partim ex suis, par-
tim Aetolos, Chalcidem misisset, qui eadem illa,
quae nuper, cum minis gravioribus agerent, nequid-
quam contra Mictione et Xenoclide tendentibus, fa-
cile tenuit, ut portae sibi aperirentur. Qui Romanae

k) a Gron. Crev. c. Drak.

l) quae del. Gron. Crev.
verbis: asyla Graeci ap-

pellant, parentesi inclu-
sis.

U. c. 560. partis erant, sub adventum regis urbe excesserunt.
 a. C. 192. Achaeorum et Eumenis milites Salganea tenebant.
 Et in Euripo castellum Romani milites pauci custodiae caussa loci communiebant. Salganea Menippus, rex ipse castellum Euripi obpugnare est adortus. Priores Achaei et Eumenis milites pacti, ut sine fraude liceret abire, praesidio excesserunt. pertinacius Romani Euripum tuebantur. Hi quoque tamen, quum terra marique obsiderentur, et iam machinas tormentaue comportari viderent, non tulere obsidionem. Quum id, quod caput erat Euboeae, teneret rex, ne ceterae quidem eius insulae urbes imperium abnuerunt. magnoque principio sibi orsus bellum videbatur, quod tanta insula et tot opportuna urbes in suam ditionem venissent.

EPITOME LIBRI XXXVI.

Man. Acilius Glabrio consul Antiochum, apud Thermopylas, Philippo rege adiuvante, victum, Graecia expulit, idemque Aetolos subegit. P. Cornelius Scipio Nasica consul aedem matris Deum, quam ipse in Palatium intulerat, vir optimus a senatu iudicatus, dedicavit; idemque Boios Gallosque in deditionem accepit, et de iis triumphavit. Praeterea navalia certamina prospera adversus praefectos Antiochi regis referuntur.

T. LIVII PATAVINI

LIBER XXXVI.

P. Cornelium Cn. filium Scipionem et M. Acilium U. c. 56r.
Glabrionem consules, inito magistratu, Patres, pri- a. C. 191.
usquam de provinciis agerent, res divinas facere
maioribus hostiis iusserunt in omnibus fanis, in qui-
bus lectisternium maiorem partem anni fieri solet;
precarique, quod senatus de novo bello in animo
haberet, ut ea res senatui populoque Romano bene
atque ^{a)} feliciter eveniret. Ea omnia sacrificia laeta
fuerunt, primisque hostiis perlitatum est: et ita
aruspices responderunt, eo bello terminos populi
Romani propagari, victoriam ac triumphum ostendi.
Haec quum renunciata essent, solutis religione animis,
Patres rogationem ad populum ferri iusserunt: *Vellent*
iuberentne, cum Antiocho rege, quique eius sectam ^{b)}
secuti essent, bellum iniri? si ea rogatio perlata esset,
tum, si ita videretur consulibus, rem integram ad
senatum referrent. P. Cornelius eam rogationem
pertulit. tum senatus decrevit, ut consules Italiam
et Graeciam provincias sortirentur; cui Graecia eve-
nisset, ut praeter eum numerum militum, quem L.
Quinctius in eam provinciam ex auctoritate senatus
scripsisset imperassetve, ut eum exercitum acciperet,
quem M. Baebius praetor anno prior ex senatuscon-
sulto in Macedoniam traiecisset. Et extra Italiam
permissum, ut, si res postulasset, auxilia ab sociis,
ne supra quinque millium numerum, acciperet. L.

a) ac Gron. Crev. c. Drak.

b) *sectam eius* Eaed. c. Drak.

II. c. 561. Quinctium superioris anni consulem legari ad id bel-
 a. C. 191. lum placuit. Alter consul, cui Italia provincia even-
 nisset, cum Boiis iussus bellum gerere, utro exer-
 citu mallet ex duobus, quos superiores consules habu-
 issent; alterum ut mitteret Romam, eaeque urbanae
 legiones essent paratae, quo senatus censuisset.

II. His ita in senatu ad id, quae cuius provincia foret, decretis, tum demum sortiri consules placuit. Acilio Graecia, Cornelio Italia evenit. Certa deinde sorte senatusconsultum factum est: *quod populus Romanus eo tempore duellum iussisset esse cum rege Antiocho* ^{c)}, *quique sub imperio eius essent, ut eius rei causa supplicationem imperarent consules: utique M. Acilius consul ludos magnos Iovi voveret, et dona ad omnia pulvinaria.* Id votum in haec verba, prae-eunte P. Licinio pontifice maximo, consul nuncupa-vit: *Si duellum, quod cum rege Antiocho* ^{d)} *sumi populus iussit, id ex sententia senatus populi que Romani confectum erit; tum tibi, Iupiter, populus Romanus ludos magnos dies decem continuos faciet; donaque ad omnia pulvinaria dabuntur de pecunia, quantam senatus decreverit. Quisquis magistratus eos ludos quando ubique faxit, hi ludi recte facti, donaque data recte sunt.* Supplicatio inde ab duobus consulibus edicta per biduum fuit. Consulibus sortitis provincias, ex-templo et praetores sortiti sunt. M. Iunio Bruto iurisdic-tio utraque evenit, A. Cornelio Mammulae Bruttii, M. Aemilio Lepido Sicilia, L. Oppio Salinatori Sardinia, C. Livio Salinatori classis, L. Aemilio Paulo Hispania ulterior. His ita exercitus decreti. A. Cornelio novi milites, conscripti priore anno ex senatusconsulto a L. Quinctio consule, dati sunt; iussusque tueri omnem oram circa Tarentum Brundisiumque. L. Aemilio Paulo in ulteriorem Hispaniam praeter eum exercitum, quem a M. Fulvio

c) *cum rege Antiocho esse*
 Gron. Crev. id

d) *Antiocho rege Eaed. c.*
 Drak.

propraetore accepturus esset, decretum est ^{e)}, ut novorum militum tria millia duceret, et trecentos equites; ita ut in iis duae partes socium Latini nominis, tertia civium Romanorum esset. Idem supplementi ad C. Flaminium, cui imperium prorogabatur, in Hispaniam citeriorem est missum. M. Aemilius Lepidus a L. Valerio, cui successurus esset, simul provinciam exercitumque accipere iussus: L. Valerium, si ita videretur, pro praetore ^{f)} in provincia retinere, et provinciam ita dividere, ut una ab Agri-
gento ad Pachynum esset, altera a Pachyno Tyndarium. Eam maritimam oram L. Valerius viginti navibus longis custodiret. Eidem praetori mandatum, ut duas decumas frumenti exigeret: id ad mare comportandum devehendumque in Graeciam curaret. Idem L. Oppio de alteris decumis exigendis in Sardinia imperatum. Ceterum non in Graeciam, sed Romam, id frumentum portari placere. C. Livius praetor, cui classis evenerat, cum triginta navibus paratis trañcere in Graeciam primo quoque tempore iussus, et ab Atilio naves accipere. veteres naves, quae in navalibus erant, ut reficeret et armaret, M. Iunio praetori negotium datum est, et in eam classem socios navales libertinos legeret.

III. Legati terni in Africam ad Karthaginienses et in Numidiam ad frumentum rogandum, quod in Graeciam portaretur, missi; pro quo pretium solveret populus Romanus. Adeoque in adparatum curamque eius belli civitas intenta fuit, ut P. Cornelius consul ediceret, *Qui senatores essent, quibusque in senatu sententiam dicere liceret, quique minores magistratus essent, ne quis eorum longius ab urbe Roma abiret, quam unde eo die redire posset; neve uno tempore quinque senatores ab urbe Romana abessent.* In comparando in pigre classem C. Livium praetorem contentio, orta cum colonis maritimis, paullisper

e) est del. Gron. Crev.

f) propraetore Eaed.

U. c. 561. tenuit. Nam, quum cogerentur in classem, tribunos
 a C. 191. plebei ^{g)} adpellarunt: ab iis ad senatum reiecti sunt.
 Senatus ita, ut ad unum omnes consentirent, decre-
 vit, vacationem rei navalis his ^{h)} colonis non esse.
 Ostia, et Fregenae, et Castrum novum, et Pyrgi,
 et Antium, et Tarracina, et Minturnae, et Sinuessa
 fuerunt, quae cum praetore de vacatione certaverunt.
 Consul deinde M. Acilius ex senatusconsulto ad col-
 legium fecialium retulit: *Ipsine utique regi Antiocho*
indiceretur bellum, an ad praesidium nunciaretur ⁱ⁾? et
num Aetolis quoque separatim indici iuberent bellum?
et num prius societas eis et amicitia renuncianda esset,
quam bellum indicendum? Feciales responderunt:
Iam ante sese, quum de Philippo consulerentur, de-
cresce, nihil referre, ipsi coram, an ad praesidium,
nunciaretur. Amicitiam renunciata[m] videri, quum lega-
tis, toties repetentibus res, nec reddi, nec satisfieri aequum
censuissent. Aetolos ultro sibi bellum indixisse, quum
Demetriadem, sociorum urbem, per vim occupassent;
Chalcidem terra marique obpugnatum issent; regem
Antiochum in Europam ad bellum populo Romano in-
ferendum traduxissent. Omnibus iam satis compara-
 tis, M. Acilius consul edixit: *Ut, quos L. Quin-*
ctius milites conscripsisset, et quos sociis nominique
Latino imperasset, quos secum in provinciam ire oport-
eret, et tribuni militum legionis primae et tertiae, uti
omnes Brundisium Idibus Maiis convenirent. ipse ante
 diem quintum Nonas Maias paludatus urbe egressus
 est. Per eosdem dies et praetores in provincias pro-
 fecti sunt.

IV. Sub idem tempus legati ab duobus regibus,
 Philippo Macedoniae ^{k)} et Ptolemaeo Aegypti rege ^{l)}
 Romam venerunt, pollicentes ad bellum auxilia, et
 pecuniam, et frumentum. ab Ptolemaeo etiam mille

g) plebis Gron. Crev.

h) eis Crev.

i) an satis esset ad praesi-

dium aliquod eius nun-
 ciare Gron. Crev.

k) Macedoniae del. Gron.

l) rege del. Crev. c. Drak.

pondo auri, viginti millia pondo argenti adlata. U. c. 561.
 Nilul eius acceptum. Gratiae regibus actae. et, quum^a C. 191.
 uterque se cum omnibus copiis in Aetoliam venturum,
 belloque interfuturum polliceretur, Ptolemaeo id
 remissum: Philippi legatis responsum, gratum eum
 senatui populoque Romano facturum, si M. Acilio
 consuli non defuisset. Item ab Karthaginiensibus
 et Masinissa rege legati venerunt. Karthaginienses
 tritici modium mille, hordei quingenta millia ad ex-
 ercitus, dimidium eius Romam adportaturos polli-
 citi sunt: id ut ab se munus Romani acciperent,
 petere sese^m). et classem suorum suo sumtu compa-
 raturos: et stipendium, quod pluribus pensionibus
 in multos annos deberent, praesens omne daturus.
 Masinissae legati quingenta millia modium tritici,
 trecenta hordei ad exercitus in Graeciam; Romam
 trecenta millia modium tritici, ducenta quinquaginta
 hordei; equites quingentos, elephantos viginti regem
 ad M. Acilium consulem missurum. De frumento
 utrisque responsum, ita usum eo populum Roma-
 num, si pretium acciperent. De classe Karthagini-
 ensibus remissum; praeterquam si quid navium ex
 foedere deberent. de pecunia item responsum, nul-
 lam ante diem accepturos.

V. Quum haec Romae agebantur, Chalcide An-
 tiochus, ne cessaret per hibernorum tempus, partim
 ipse sollicitabat civitatum animos mittendis legatis,
 partim ultro ad eum veniebant: sicutⁿ) Epirotae
 communi gentis consensu, et Elei e Peloponneso
 venerunt. Elei auxilium adversus Achaeos petebant,
 quos, post bellum non ex sua sententia indictum
 Antiocho, primum civitati suae arma inlaturos cre-
 debant. Mille iis pedites cum duce Cretensi Eupha-
 ne sunt missi. Epirotarum legatio erat minime in
 partem ullam liberi aut simplicis animi. Apud

m) *se* Gron. Crev. c. Drak.n) *sicuti* Gron. Crev.

U. c. 591. regem gratiam initam volebant cum eo, ut caverent,
 a. C. 191. ne quid offenderent Romanos. petebant enim, *ne se temere in causam deduceret, expositos adversus Italiam pro omni Graecia, et primos inpetus Romanorum excepturos. Sed, si ipse posset terrestribus navalibusque copiis praesidere Epiro, cupide eum omnes Epirotas et urbibus et portubus suis accepturos. si id non posset, deprecari, ne se nudos atque inermes Romano bello obiceret.* Hac legatione id agi adparebat, ut, sive (quod magis credebant) abstinuisset Epiro, integra sibi omnia apud exercitus Romanos essent, conciliata satis apud regem gratia, quod accepturi fuissent venientem; sive venisset, sic quoque spes veniae ab Romanis foret, quod, non exspectato longinquo auxilio ab se, praesentis viribus subcubuissent. Huic tam perplexae legationi, quia non satis in promptu erat, quid responderet, legatos se missurum ad eos dixit, qui de iis, quae ad illos seque communiter pertinerent, loquerentur.

VI. In Boeotiam ipse profectus est, causas in speciem irae adversus Romanos eas, quas ante dixi, habentem; Brachyllae necem, et bellum a Quintio Coroneae, propter Romanorum militum caedes, inlatum; re vera per multa iam secula publice privatimque labante egregia quondam disciplina gentis, et multorum eo statu, qui diuturnus esse sine mutatione rerum non posset. Obviam effusis undique Boeotiae principibus, Thebas venit. ibi in concilio gentis, quamquam et ad Delium, inpetu in praesidium Romanum facto, et ad Chalcidem commiserat nec a parvis nec dubiis principiis bellum, tamen eandem orationem exorsus, qua in conloquio primo ad Chalcidem, quaque per legatos in concilio Achaeorum usus erat, ut amicitiam secum institui, non bellum indici Romanis postularet. Neminem^{o)}, quid age-

o) postularet; *neminem*
 Gron. c. Drak. *postula-*

ret, neminem Crev.

retur, fallebat. decretum tamen sub levi verborum U. c. 561.
 praetextu pro rege adversus Romanos factum est. a. C. 191.
 Hac quoque gente adiuncta, Chalcidem regressus, prae-
 missis inde literis, ut Demetriadem convenirent
 principes Aetolorum, cum quibus de summa rerum
 deliberaret, navibus eo ad diem indictam concilio
 venit. Et Amynander aditus ad consultandum ex
 Athamania: et Hannibal Poenus^{p)}, iam diu non
 adhibitus, interfuit ei concilio. Consultatum de
 Thessalorum gente est, quorum omnibus, qui aderant,
 voluntas tentanda videbatur. in eo modo diversae
 sententiae erant, quod alii extemplo agendum; alii
 ex hieme, quae tum^{q)}, ferme media erat, differendum
 in veris principium; et alii legatos tantummodo mit-
 tendos; alii cum omnibus copiis eundem censebant,
 terrendosque metu, si cunctarentur.

VII. Quum circa hanc fere consultationem dis-
 ceptatio omnis verteretur, Hannibal, nominatim
 interrogatus sententiam, in universi belli cogitatio-
 nem regem atque eos, qui aderant, tali oratione
 avertit: *Si, ex quo traiecimus in Graeciam, adhibi-*
tus essem in consilium, quum de Euboea, de Achaeis,
de Boeotia agebatur; eandem^{r)} sententiam dixissem,
quam hodie, quum de Thessalis agitur, dicam. Ante
omnia Philippum et Macedonas in societatem belli
quacumque ratione censeo deducendos esse. nam quod
ad Euboeam Boeotosque et Thessalos adinet, cui du-
bium est, quin, ut quibus nullae suae vires sint, prae-
sentibus adulando semper, quem metum in consilio ha-
beant, eodem ad inpetrandam veniam utantur? simul
ac Romanum exercitum in Graecia viderint, ad consue-
tum imperium se avertant? nec iis noxae^{s)} futurum
sit, quod, quum Romani procul abessent, vim tuam
praesentis exercitusque tui experiri noluerint? Quanto
igitur prius potiusque est, Philippum nobis coniun-

p) Poenus del. Gron. Crev.

r) eam Eaed.

q) tunc Eaed.

s) noxae Eaed. c. Drak.

U. c. 561. gere, quam hos? cui, si semel in caussam descēderit,
 a. C. 191. nihil integri futurum sit, quique eas vires adferat,
 quae non accessio tantum ad Romanum esse bellum, sed
 per se ipsae nuper sustinere potuerint Romanos. Hoc
 ego adiuncto. (absit verbo invidia) qui dubitare de eventu
 possim? quum, quibus adversus Philippum valuerint
 Romani, iis nunc fore videam ut ipsi obpugnentur. Ae-
 toli, qui Philippum (quod inter omnes constat) vice-
 runt, cum Philippo adversus Romanos pugnabunt. Amy-
 nander atque Athamanum gens, quorum secundum
 Aetolos plurima fuit opera in eo bello, nobiscum sta-
 bunt. Philippus tum, te quieto, totam molem susti-
 nebat belli: nunc duo maximi reges, Asiae Europaeque
 viribus, adversus unum populum, (ut meam utram-
 que fortunam taceam) patrum certe aetate ne uni qui-
 dem Epirotarum regi parem, (quid^t) tandem erit vo-
 biscum comparatus?) geretis bellum. Quae igitur res
 mihi fiduciam praebet, coniungi nobis Philippum pos-
 se? Una, communis utilitas, quae societatis maximum
 vinculum est: altera, auctores vos Aetoli. Vester
 enim legatus hic Thoas inter cetera, quae ad excien-
 dum in Graeciam Antiochum dicere est solitus, ante
 omnia hoc semper adfirmavit; fremere Philippum, et
 aegre pati, sub specie pacis leges servitutis sibi inpo-
 sitas. Ille quidem ferae bestiae vinctae aut clausae,
 et refringere claustra cupienti, regis iram verbis ae-
 quabat. cuius si talis animus est, solvamus nos eius
 vincula, et claustra refringamus, ut erumpere diu co-
 ercitam iram in hostes communes possit. Quod si ni-
 hil eum legatio nostra moverit, at nos, quoniam nobis
 eum adiungere non possumus, ne^u) hostibus nostris
 ille adiungi possit, caveamus. Seleucus filius tuus
 Lysimachiae est: qui si eo exercitu, quem secum ha-
 bet, per Thraciam proxima Macedoniae coeperit de-

t) quicquid, omissis paren-
 theseos signis et commā-
 te post comparatus posito,

Gron. qui quid Crev.
 u) ut Gron.

populari; facile ab auxilio ferendo Romanis Philippum ad sua potissimum tuenda avertet. De Philippo meam sententiam habes. De ratione universi belli quid sentirem, iam ab initio non ignorasti. quod si tum auditus forem, non in Euboea Chalcidem captam, et castellum Euripi expugnatum Romani, sed Etruriam Ligurumque et Galliae Cisalpinæ oram bello ardere, et, qui maximus iis terror est, Hannibalem in Italia esse audirent. Nunc quoque arcessas censeo omnes navales terrestresque copias. Sequantur classem onerariae cum commeatibus. nam hic sicut ad belli munera pauci sumus, sic nimis multi pro inopia commeatuum. Quum omnes tuas contraxeris vires, divisam classem partim Corcyrae in statione habebis, ne transitus Romanis liber ac tutus pateat: partim ad litus Italiae, quod Sardiniam Africamque spectat, traicies: ipse cum omnibus terrestribus copiis in Bullinum^{x)} agrum procedes. Inde Graeciae praesidebis, et speciem Romanis traiecturum te praebens, et, si res poposcerit, traiecturus. Haec suadeo, qui, ut non omnis peritissimus sim belli, cum Romanis certe bellare bonis malisque meis didici. In quae consilium dedi, in eadem nec infidelem, nec segnem operam polliceor. Dii adprobent eam sententiam, quae tibi optima visa fuerit.

VIII. Haec ferme Hannibalis oratio fuit; quam laudarunt magis in praesentia, qui aderant, quam rebus ipsis exsecuti sunt. nihil enim eorum est factum, nisi quod ad classem copiasque arcessendas ex Asia Polyxenidam misit. Legati Larissam ad concilium Theſſalorum sunt missi, et Aetolis Amynandroque dies ad conveniendum exercitui Pheras est dictus^{y)} eodem et rex cum suis copiis confestim venit. Ibi dum opperitur^{z)} Amynandrum atque Aetolos, Philippum Megalopolitanum cum duobus milibus hominum ad legenda ossa Macedonum circa Cy-

x) *Byllinum* Gron. Crev.
c. Drak.

y) *indictus* Gron.
z) *opperiretur* Gron.

U. c. 561. noscephalas, ubi debellatum erat cum Philippo, mi-
 a. C. 191. sit; sive ab ipso, quaerente sibi commendationem ad
 Macedonum gentem et invidiam regi, quod insepul-
 tos milites, reliquisset, monitus; sive ab insita re-
 gibus vanitate ad consilium specie amplum, re inane,
 animo adiecto. Tumulus est, in unum ossibus, quae
 passim strata erant, coacervatis, factus; qui nullam
 gratiam ad Macedonas, odium ingens ad Philippum
 movit. Itaque, qui ad id tempus fortunam esset in
 consilio habiturus, is extemplo ad M. Baebium pro-
 praetorem misit, *Antiochum in Thessaliam inpetum
 fecisse. si videretur ei, moveret ex hibernis: se obviam
 processurum, ut, quid agendum esset, consultarent.*

IX. Antiocho, ad Pheras iam castra habenti,
 ubi coniunxerant ei se Aetoli et Amynder, legati
 ab Larissa venerunt, quaerentes, quod ob factum
 dictumve Thessalorum bello lacerasset eos? simul
 orantes, ut, remoto exercitu, per legatos, si quid ei
 videretur, secum disceptaret. Eodem tempore quin-
 gentos armatos, duce Hippolochus, Pheras in praesi-
 dium miserunt: hi, exclusi aditu, iam omnia itine-
 ra obsidentibus regiis, Scotussam se receperunt.
 Legatis Larissaeorum rex clementer respondit, *Non
 belli faciendi, sed tuendae et stabiliendae libertatis
 Thessalorum causa, se Thessaliam intrasse. Simi-
 lia his qui cum Pheraeis ageret, missus. cui nullo
 dato responso, Pheraei ipsi^{a)} legatum ad regem,
 principem civitatis Pausaniam, miserunt. Qui quum
 haud dissimilia his, ut in causa pari, quae pro Chal-
 cidensibus in conloquio ad Euripi fretum dicta erant,
 quaedam etiam ferocius, egisset; rex etiam atque
 etiam deliberare eos iussos, ne id consilii caperent,
 cuius, dum in futurum nimis cauti et providi essent,
 extemplo poeniteret, dimisit. Haec renunciata Phe-
 ras legatio quum esset, ne paullum quidem dubita-
 runt, quin pro fide erga Romanos, quidquid fors*

a) add. suum Gron. Crev.

belli tulisset, paterentur. Itaque et hi summa ope U. c. 561.
 parabant se ad urbem defendendam: et rex ab omni a. C. 191.
 parte simul obpugnare moenia est adgressus; et, ut^{b)}
 qui satis intelligeret, (neque enim dubium erat) in
 eventu eius urbis positum esse, quam primam ad-
 gressus esset, aut sperni deinde ab universa gente
 Thessalorum, aut timeri se, omnem undique ter-
 rorem obsessis iniecit. Primum inpetum obpugna-
 tionis satis constanter sustinuerunt: dein^{c)}, quum
 multi propugnantes caderent, aut vulnerarentur, la-
 bare animi coepere. Revocati deinde castigationi-
 bus principum ad perseverandum in proposito, relicto
 exteriori circulo muri, deficientibus iam copiis, in
 interiorem partem urbis concesserunt; cui brevior
 orbis munitionis circumiectus erat. postremo victi
 malis, quum timerent, ne vi captis nulla apud vic-
 torem venia esset, dediderunt sese. Nihil inde mo-
 ratus rex, quatuor millia armatorum, dum recens
 terror esset, Scotussam misit. nec ibi mora deditio-
 nis est facta, cernentibus Pheraeorum recens exem-
 plum: qui, quod pertinaciter primo abnuerant, malo
 domiti tandem fecissent. cum ipsa urbe Hippolo-
 chus Larissaeorumque deditum est praesidium. Di-
 missi ab rege inviolati omnes; quod eam rem mag-
 ni momenti futuram rex ad conciliandos Larissaeo-
 rum animos credebat.

X. Intra decimum diem, quam Pheras venerat,
 his perfectis, Cranonem, profectus^{d)} cum toto exer-
 citu, primo adventu cepit. inde Cypaeram et Me-
 tropolim, et iis circumiecta castella recepit; omnia-
 que iam regionis eius, praeter Atracem et Gyrtomem,
 in potestate erant. Tum adgredi Larissam
 constituit: ratus vel terrore ceterarum expugnatarum,
 vel beneficio praesidii dimissi, vel exemplo
 tot civitatum dudentium sese, non ultra in pertina-

b) *aggressus. ut Gron. ag-*
gressus. Et, ut Crev.

c) *deinde, Gron. Crev.*

d) *Cranonem profectus Eaed.*

U. c. 561. cia mansuros. Elephantis agi ante signa terroris
 a. C. 191. caussa iussis, quadrato agmine ad urbem incessit:
 ut incerti fluctuarentur animi magnae partis Laris-
 saeorum inter metum praesentem hostium et vere-
 cundiam absentium sociorum. Per eosdem dies Amy-
 nander cum Athamanum iuventute occupat Pelli-
 naeum: et Menippus, cum tribus millibus peditum
 Aetolorum et ducentis equitibus in Perrhaebiam
 profectus, Malloeam et Cyretias vi cepit, depopula-
 tusque est agrum Tripolitanum. His raptim perac-
 tis, Larissam ad regem redeunt: consultanti, quid-
 nam agendum esset de Larissa, supervenerunt. Ibi
 in diversum sententiae tendebant: aliis, vim adhi-
 bendam, et non differendum censentibus, quin ope-
 ribus ac machinis simul undique moenia adgrederen-
 tur urbis sitae in plano, apertae campestri undique
 aditu^e): aliis nunc vires urbis, nequaquam Pheris
 conferendae, memorantibus: nunc hiemem et tem-
 pus anni nulli bellicae rei, minime obsidioni atque
 obpugnationi urbium, aptum. Incerto regi inter
 spem metumque legati a Pharsalo, qui ad dedendam
 urbem suam forte venerant, animos auxerunt. M.
 Baebius interim, cum Philippo in Dassaretiis con-
 gressus, Ap. Claudium ex communi consilio ad prae-
 sidium Larissae misit, qui per Macedoniam magnis
 itineribus in iugum montium, quod super Gonnos
 est, pervenit. Oppidum Gonni viginti millia ab La-
 rissa abest, in ipsis faucibus saltus, quae Tempe
 adpellantur, situm. Ibi castra metatus latius, quam
 pro copiis, et plures, quam quot satis in usum erant,
 ignes quum accendisset, speciem, quam quaesierat,
 hosti fecit, omnem ibi Romanum exercitum cum
 rege Philippo esse. Itaque hiemem instare apud
 suos caussatus rex, unum tantum moratus diem, ab

e) in plano, a parte cam-
 pestri undique facilis adi-
 tu Gron. in plano, aper-

tae, campestri undique
 aditu Crev. c. Drak.

Larissa recessit, et Demetriadem rediit: Aetolique U. c. 591.
et Athamanes in suos receperunt se fines. Appius, ^{a.} C. 191.
etsi, cuius rei caussa missus erat, solutam cernebat
obsidionem, tamen Larissam ad confirmandos in re-
liquum sociorum animos descendit: duplexque lae-
titia erat, quod et hostes excesserant finibus, et in-
tra moenia praesidium Romanum cernebant.

XI. Rex Chalcidem a Demetriade profectus, amo-
re captus virginis Chalcidensis Cleoptolemi filiae,
quum patrem, primo adlegando, deinde coram ipse
rogando, fatigasset, invitum se gravioris fortunae
conditioni inligantem, tandem inpetrata re, tam-
quam in media pace nuptias celebrat: et reliquum
hiemis, oblitus quantas simul duas res suscepisset,
bellum Romanum et Graeciam liberandam, omissa
omnium rerum cura, in conviviis et vinum sequen-
tibus voluptatibus, ac deinde, ex fatigatione magis,
quam satietate earum, in somno traduxit. Eadem
omnes praefectos regios (qui ubique, ad Boeotiam
maxime, praepositi hibernis erant) cepit luxuria:
in eandem et milites effusi sunt. nec quisquam eorum
aut arma induit, aut stationem, aut vigilias servavit;
aut quidquam, quod militaris operis, aut muneris
esset, fecit. Itaque principio veris, quum per Pho-
cidem Chaeroneam^{f)}, quo convenire omnem undi-
que exercitum iusserat, venisset; facile animadver-
tit, nihilo severiore disciplina milites, quam ducem,
hibernasse. Alexandrum inde Acarnana^{g)} et Menip-
pum Macedonem Stratum Aetoliae copias ducere
iussit. ipse, Delphis sacrificio Apollini facto, Nau-
pactum processit. consilio^{h)} principum Aetoliae ha-
bito, via, quae praeter Calydonemⁱ⁾ et Lysimachiam
fert ad Stratum, suis, qui per Maliacum sinum veni-
ebant, obcurrit. Ibi Mnasilochus^{k)} princeps Acar-

f) per Phocidem in Acarna-
niam Gron.

g) Acarnanem Gron. Crev.

h) concilio Crev.

i) Chalcidem Gron. Crev.

k) Mnesilochus Eaed. c. Drak.

U. c. 561. nanum, multis emtus donis, non ipse solum gentem
 a. C. 191. regi conciliabat, sed Clytum etiam praetorem, penes
 quem tum summa potestas erat, in suam sententiam
 adduxerat. Is quum Leucadios, quod Acarnaniae
 caput est, non facile ad defectionem posse cerneret
 inPELLI, propter metum Romanae classis, quae cum
 Atilio, quaeve circa Cephaleniam erat, arte eos
 est adgressus. nam quum in concilio dixisset, tuen-
 da mediterranea Acarnaniae esse, et omnibus, qui
 arma ferrent, exeundum ad Medionem et Thyrium,
 ne ab Antiocho aut Aetolis occuparentur; fuere, qui
 dicerent, nihil adtinere omnes tumultuose concitari:
 satis esse quingentorum hominum praesidium. eam
 iuventutem nactus, trecentis Medione, ducentis
 Thyrii in praesidio positis, id agebat, ut pro obsidi-
 bus futuri venirent in potestatem regis.

XII. Per eosdem dies legati regis Medionem ve-
 nerunt. quibus auditis, quum in concione, quidnam
 respondendum regi esset, consultaretur; et alii ma-
 nendum in Romana societate, alii non adspernan-
 dam amicitiam regis censerent; media visa est Cly-
 ti sententia, eoque accepta¹⁾ ut ad regem mitterent
 legatos, peterentque ab eo, ut Medionios super tanta
 re consultare in concilio Acarnanum pateretur. In
 eam legationem Mnasilochus, et qui eius factionis
 erant, de industria coniecti, clam missis, qui regem
 admovere copias iuberent, ipsi terebant tempus. ita-
 que vixdum iis egressis legatis^{m)}, Antiochus in fini-
 bus, moxⁿ⁾ ad portas erat, et trepidantibus, qui ex-
 pertes prodicionis fuerant, tumultuoseque iuventu-
 tem ad arma vocantibus, ab Clyto et Mnasilochis in
 urbem est inductus: et, aliis sua voluntate adfluenti-
 bus, metu coacti etiam, qui disseshtiebant, ad regem
 convenerunt. quos placida oratione territos quum
 permulsisset, ad spem vulgatae clementiae aliquot

1) add. est Gron. Crev. c.
 Drak.

m) legatis del. Gron. Crev.
 n) et mox Eaed.

populi Acarnaniae defecerunt. Thyrium a Medione U. c. 561. profectus est, Mnasilochus eodem et legatis praemis- a. C. 191. sis. Ceterum detecta Medione fraus cautiore, non timidiore, Thyrienses fecit, dato ei haud perplexo responso, nullam se novam societatem, nisi ex auctoritate Romanorum imperatorum, accepturos, portisque clausis, armatos in muris disposuerunt. Et peropportune ad confirmandos Acarnanum animos Cn. Octavius missus a Quinctio, quum praesidium et paucas naves ab A. Postumio, qui ab Atilio legato Cephaleniae praepositus fuerat, accepisset, Leucadem venit, inplevitque spei socios: M. Acilium consulem iam cum legionibus mare traiecis- se, et in Thessalia castra Romana esse. Hunc rumorem quia similem veri tempus anni maturum iam ad navigandum faciebat; rex, praesidio Medione inposito, et in quibusdam aliis Acarnaniae oppidis, Thyrio abcessit, et per Aetoliae ac Phocidis urbes Chalcidem rediit.

XIII. Sub idem tempus M. Baebius et Philippus rex, iam ante per hiemem in Dassaretiis congressi, quum Ap. Claudium, ut obsidione Larissam eximeret, in Thessalam misissent, quia id tempus rebus gerendis immaturum erat, in hiberna regressi, principio veris coniunctis copiis in Thessalam descenderunt. In Acarnania tum Antiochus erat. Advenientes, Philippus Malloeam Perrhaebiae, Baebius Phacium est adgressus, quo primo prope inpetu capto, Phaestum eadem celeritate capit. inde Atracem quum se recepisset, Cyretias hinc et Eritium ^o) occupat: praesidiisque per recepta oppida dispositis, Philippo rursus obsidenti Malloeam se coniungit. Sub adventum Romani exercitus, seu ad metum virium, seu ad spem veniae, quum dedidissent sese; ad ea recipienda oppida, quae Athamanes occupaverant,

o) Phricium Gron. Crev.

U. c. 561. uno agmine ierunt. Erant autem haec, Aeginium, Eri-
a. C. 191. cinium^{p)}, Gomphi, Silana, Tricca, Meliboea, Phaloria.

Inde Pellinaeum, ubi Philippus Megalopolitanus cum quingentis peditibus et equitibus quadraginta in praesidio erat, et circumsidunt, et, priusquam obpugnant, mittunt ad Philippum, qui monerent^{q)}, ne vim ultimam experiri vellet. Quibus ille satis ferociter respondit, vel Romanis, vel Thessalis se crediturum fuisse: in Philippi se potestatem commissurum non esse. Postquam adparuit vi agendum, quia videbatur et Limnaeam eodem tempore obpugnari posse, regem ad Limnaeam ire placuit: Baebius restitit ad Pellinaeum oppugnandum^{r)}.

XIV. Per eos forte dies M'. Acilius consul, cum viginti^{s)} millibus peditum, duobus millibus equitum, quindecim elephantis, mari trajecto, pedestres copias Larissam ducere delectos militum tribunos iussit. ipse cum equitatu Limnaeam ad Philippum venit. Adventu consulis deditio sine cunctatione est facta: traditumque praesidium regium, et cum iis Athamanes. Ab Limnaea Pellinaeum consul proficiscitur. Ibi primi Athamanes tradiderunt sese, deinde et Philippus Megalopolitanus: cui, decedenti de praesidio, quum obviis forte fuisset Philippus rex, ad ludibrium regem eum consultari iussit; ipse congressus fratrem, haud sane decoro maiestati suae ioco, adpellavit. Deductus inde ad consulem custodiri iussus, et haud ita multo post in vinculis Romanam missus. cetera multitudo Athamanum aut militum Antiochi regis, quae in praesidiis deditorum per eos dies oppidorum fuerat, Philippo tradita regi est. fuere autem ad tria millia hominum. Consul Larissam est profectus, ibi de summa belli consultaturus. in itinere ab Pieria et Metropoli legati tradentes urbes

p) *Ericinum* Eaed.

q) *moneret* Eaed. c. Drak.

r) *ad Pellinaeum oppidum*

Gron.

s) *decem* Gron. c. Drak.

suas obcurrerunt. Philippus, Athamanum praecipue ^{U. c. 561.}
 captivis indulgenter habitis, ut per eos conciliaret ^{a. G. 191.}
 gentem, nactus spem Athamaniae potiundae, exer-
 citum eo duxit, praemissis in civitatis captivis. Et
 illi magnam auctoritatem apud populares habuerunt,
 clementiam erga se regis munificentiamque comme-
 morantes: et Amynander, cuius praesentis maiestas
 aliquos in fide continuisset, veritus ne traderetur
 Philippo iam pridem hosti, et Romanis merito tunc^{t)}
 propter defectionem infensis, cum coniuge ac liberis
 regno excessit, Ambraciamque se contulit. ita Atha-
 mania omnis in ius ditionemque Philippi concessit.
 Consul, ad reficienda maxime iumenta, quae et
 navigatione, et postea itineribus fatigata erant, pau-
 cos Larissae moratus dies, velut renovato modica
 quiete exercitu Cranonem est progressus ^{u)}. Veni-
 enti Pharsalus, Scotussa, et Pherae, quaeque in eis
 praesidia Antiochi erant, deduntur. ex iis interro-
 gatis, qui manere secum vellent, mille volentes
 Philippo tradit: ceteros inermes Demetriadem remit-
 tit. Proernam inde recepit, et quae circa eam ca-
 stella erant. Ducere tum porro in sinum Maliacum
 coepit. Adpropinquante faucibus, super quas siti
 Thaumaci sunt, deserta urbe, iuventus omnis armata
 silvas et itinera insedit, et in agmen Romanum ex
 superioribus locis incursavit. Consul primo mittere,
 qui ex propinquo conloquentes deterrerent eos a tali
 furore: postquam perseverare in incepto vidit, tri-
 buno cum duorum signorum militibus circummisso,
 interclusit ad urbem iter armatis, vacuamque eam
 cepit. tum, clamore ab tergo captae urbis audito,
 refugientium undique ex silvis insidiatorum caedes
 facta est. A Thaumacis altero die consul ad Sper-
 cheum ^{x)} amnem pervenit: inde Hypataeorum agros va-
 stavit.

t) tum Gron. Crev.

u) profectus Eaed.

x) Sperchium Gron. Crev.
c. Drak.

U. c. 561. XV. Quum haec agebantur, Chalcide erat Antiochus, iam ^{y)} tum cernens, nihil se ex Graecia, praeter amoena Chalcide hiberna et infames nuptias, petisse. Tunc Aetolorum ^{z)} vana promissa incusare et Thoantem: Hannibalem vero, non ut prudentem tantum virum, sed prope vatem omnium, quae tum evenirent, admirari. ne tamen temere coepta segnitia insuper everteret, nuncios in Aetoliam mittit, ut, omni contracta iuventute, convenirent Lami- am; et ipse ^{a)} eo decem millia fere peditum ex iis, qui postea venerant ex Asia, ¹expleta, et equites quingentos duxit. Quo quum aliquanto pauciores, quam umquam antea, convenissent, et principes tantummodo cum paucis clientibus essent, atque ii dicerent, omnia sedulo ab se facta, ut quam plurimos ex civitatibus suis evocarent; nec auctoritate, nec gratia, nec imperio adversus detrectantes militiam valuisse; destitutus undique et ab suis, qui morabantur in Asia, et ab sociis, qui ea, in quorum spem vocaverant, non praestabant, intra saltum Thermopylarum sese recepit. Id iugum, sicut Apen- nini dorso Italia dividitur, ita mediam Graeciam dirimit. ante saltum Thermopylarum in septentrio- nem versa Epirus, et Perrhaebia, et Magnesia, et Thessalia est, et Phthiotae Achaei, et sinus Malia- cus. intra fauces ad meridiem vergunt Aetoliae pars maior, et Acarnania, et cum Locride Phocis, et Boeotia adiunctaque insula Euboea, et, excurrente in altum, velut promontorio, Attica terra, sita ab tergo et Peloponnesus. Hoc iugum, ab Leucate et mari ad occidentem verso per Aetoliam ad alterum mare orienti obiectum tendens, ea aspreta rupesque interiectas habet, ut non modo exercitus, sed ne

y) *Antiochus: qui, iam* Eaed.
c. Drak.

tunc, Eaed. c. Drak.

z) *petissae, Aetolorum, omisso*

a) *convenirent. Iam et ipse*
Eaed. c. Drak.

expediti quidem facile ullas ^{b)} ad transitum calles ^{U. c. 561.}
 inveniant. Extremos ad orientem montes Oetam ^{a. C. 191.}
 vocant, quorum quod altissimum est, Callidromon
 adpellatur: in cuius valle ad Maliacum sinum ver-
 gente iter est non latius, quam sexaginta passus.
 Haec una militaris via est, qua traduci exercitus,
 si non prohibeantur, possint. ideo Pylae, et ab aliis,
 quia calidae aquae in ipsis faucibus sunt, Thermo-
 pylae locus adpellatur, nobilis Lacedaemoniorum ad-
 versus Persas morte magis memorabili, quam pugna.

XVI. Haudquaquam pari tum animo Antiochus,
 intra portas loci eius castris positis, munitionibus
 insuper saltum inpediebat. et, quum duplici vallo
 fossaeque, et muro etiam, qua res postulabat, ex
 multa copia passim iacentium lapidum, permunisset
 omnia, satis fidens, numquam ea vim Romanum
 exercitum facturum, Aetolos ex quatuor millibus
 (tot enim convenerant) partim ad Heracleam prae-
 sidio obtinendam, quae ante ipsas fauces posita est,
 partim Hypatam mittit, et Heracleam haud dubius
 consulem obpugnaturum, et iam multis nunciantibus,
 circa Hypatam omnia evastari. Consul, depopulatus
 Hypatensem primo, deinde Heracleensem agrum,
 inutiles utrobique auxilio Aetolorum, in ipsis fau-
 cibus prope fontes calidarum aquarum adversus
 regem castra posuit. Aetolorum utraeque manus
 Heracleam sese incluserunt. Antiochum, cui, prius-
 quam hostem cerneret, satis omnia permunita et
 praesidiis obsepta videbantur, timor deinde incessit,
 ne quas ^{c)} per imminentia iuga calles inveniret ad
 transitum Romanus. nam et Lacedaemonios quondam
 ita a Persis circumitos fama erat; et nuper Philip-
 pum ab iisdem Romanis. itaque nuncium Heracleam
 ad Aetolos mittit, ut hanc saltem sibi operam eo
 bello praestarent, ut vertices circa montium occupa-
 rent obsiderentque, ne qua transire Romanus posset.

b) ullos Gron. Crev. c) quos Eaed.

U. c. 561. Hoc nuncio audito, dissensio inter Aetolos orta est.
 a. C. 191. pars imperio parendum regis atque eundum censebant, pars subsistendum Heracleae ad utramque fortunam; ut, sive victus a consule rex esset, in expedito haberent integras copias ad opem propinquis ferendam civitatibus suis: sive vinceret, ut dissipatos in fugam Romanos persequerentur. Utraque pars non mansit modo in sententia sua, sed etiam executi sunt consilium. duo millia Heracleae substituerunt: duo trifariam divisa Callidromum, et Rhoduntiam, et Tichiunta (haec nomina cacuminibus sunt) occupare.

XVII. Consul postquam insessa superiora loca ab Aetolis vidit, M. Porcium Catonem et L. Valerium Flaccum, consulares legatos, cum binis millibus delectorum peditum ^{d)}, ad castella Aetolorum, Flaccum in Rhoduntiam et Tichiunta, Catonem in Callidromum mittit. ipse, priusquam ad hostem copias admoveret, vocatos in concionem milites paucis est adlocutus: *Plerosque omnium ordinum, milites, inter ^{e)} vos esse video, qui in hac eadem provincia T. Quinctii ductu auspicioque militaveritis. Macedonico bello in exsuperabilis magis saltus ad amnem Aoum fuit, quam hic. Quippe portae sunt hae, et unus, inter duo maria clausis omnibus, velut naturalis transitus est. munitiones et locis opportunioribus tunc fuerunt, et validiores inpositae: exercitus hostium ille et numero maior, et militum genere aliquanto melior. Quippe illic Macedones Thracesque et Illyrii erant, ferocissimae omnes gentes: hic Syri et Asiatici Graeci sunt, levissima genera hominum et servituti nata. Rex ille bellicosissimus, exercitatus iam inde ab iuventa finitimis Thracum atque Illyriorum, et circa omnium adcolarum bellis; hic, ut aliam omnem vitam omittam ^{f)}, is est, qui, quum ad inferendum populo Romano bellum*

d) militum Gron. Crev.

Gron.

e) ordinum milites inter

f) sileam Gron. Crev.

ex Asia in Europam transisset, nihil memorabilius U. c. 561. toto tempore hibernorum gesserit, quam quod amoris a. G. 191. caussa ex domo privata, et obscuri etiam inter populares generis, uxorem duxit: et novus maritus, velut saginatus nuptialibus coenis, ad pugnam processit. Summa virium speique eius in Aetolis fuit; gente vanissima et ingratiissima, ut vos prius experti estis, nunc Antiochus experitur. Nam nec convenerunt frequentes, nec contineri in castris potuerunt, et in seditione ipsi inter se sunt: et quum Hypatam tuendam Heracleamque depoposcissent, neutram tutati, refugerunt in iuga montium, pars Heracleae incluserunt sese. Rex ipse confessus, nusquam aequo campo non modo congregi se ad pugnam audere, sed ne castra quidem in aperto ponere, relictis omni ante se regione ea, quam se nobis ac Philippo ademisse gloriabatur, condidit se intra rupes: ne ante fauces quidem saltus, ut quondam Lacedaemonios fama est, sed intra penitus retractis castris: quod quantum interest ad timorem ostendendum, an muris alicuius urbis obsidendum sese incluserit? Sed neque Antiochum tuebuntur angustiae g), nec Aetolos vertices illi, quos ceperunt. Satis undique provisum atque h) praecautum est, ne quid adversus vos in pugna praeter hostes esset. Illud proponere animo vestro debetis, non vos pro Graeciae libertate tantum dimicare, (quamquam is quoque egregius titulus esset, liberatam a Philippo ante, nunc ab Aetolis et ab Antiocho liberare) neque ea tantum in praemium vestrum cessura, quae nunc in regiis castris sunt: sed illum quoque omnem adparatum, qui in dies ab Epheso expectatur, praedae futurum: Asiam deinde Syriamque, et omnia usque ad ortus solis ditissima regna imperio Romano aperturos. Quid deinde aberit, quin ab Gadibus ad mare rubrum Oceano fines terminemus, qui orbem terrarum amplexu finit, et omne humanum genus secundum Deo nomen Romanum veneretur? In haec

g) angustiae del. Gron.

h) antequae Gron. Crev.

U. c. 561. *tantâ praeemia dignos parate animos, ut crastino die,*
 a. C. 191. *bene iuvantibus Diis, acie decernamus.*

XVIII. Ab hac concione dimissi milites, priusquam corpora curarent, arma telaque parant. Luce prima, signo pugnae proposito, instruit aciem consul, arta fronte, ad naturam et angustias loci. Rex, postquam signa hostium conspexit, et ipse copias educit ⁱ⁾. Levis armaturae partem ante vallum in primo locavit: tum Macedonum robur, quos Sarisophoros adpellabant, velut firmamentum circa ipsas munitiones constituit. his ab sinistro cornu iaculatorum sagittariorumque et funditorum manum sub ipsis radicibus montis posuit, ut ex altiore loco nuda latera hostium incesserent. ab dextro Macedonibus ad ipsum munimentorum finem, qua loca usque ad mare invia palustri limo et voraginibus claudunt, elephantos cum adsueto praesidio posuit; post eos, equites; tum, modico intervallo relicto, ceteras copias in secunda acie. Macedones, pro vallo locati, primo facile sustinebant Romanos, tentantes ab omni parte aditus: multum adiuvantibus, qui ex loco superiore fundis, velut nimbum, glandes et sagittas simul ac ^{k)} iacula ingerebant. deinde, ut maior, nec iam toleranda vis hostium inferebat se, pulsî loco intra munimenta, subductis ordinibus, concesserunt: inde ex vallo prope alterum vallum, hastis prae se obiectis, fecerunt. et ita modica altitudo valli erat, ut et locum superiorem ad pugnandum suis praeberet, et propter longitudinem hastarum subiectum haberet hostem. Multi, temere subeuntes vallum, transfixi sunt: et aut incepto irritò recessissent, aut plures cecidissent, ni M. Porcius ab iugo Callidromi, deiectis inde Aetolis, et magna ex parte caesis, (incautos enim et plerosque sopitos obpresserat) super inminentem castris collem adparuisset.

i) *eduxit* Gron. Grev. c. k) *et* Gron. Grev.
 Drak.

XIX. Flacco non eadem fortuna ad Tichiunta ^{U. c. 561.}
et Rhoduntiam, nequidquam subire ad ea castella ^{a. C. 191.}
conato, fuerat. Macedones, quique alii in castris
regiis erant, primo, dum procul nihil aliud, quam
turba et agmen, adparebat, Aetolos credere, visa
procul pugna, subsidio venire. ceterum, ut primum
signaque et arma ex propinquo cognita errorem ape-
ruerunt, tantus repente pavor omnes cepit, ut, ab-
iectis armis, fugerent. et munimenta sequentes in-
pedierunt, et angustiae vallis, per quam sequendi
erant; et maxime omnium, quod elephanti novissimi
agminis erant, quos pedes aegre praeterire, eques
nullo poterat modo, timentibus equis, tumultumque
inter se maiorem, quam in proelio, edentibus. Ali-
quantum temporis et direptio castrorum tenuit. Scar-
pheam ^{l)} tamen eodie consecuti ^{m)} sunt hostem. Mul-
tis in ipso itinere caesis captisque, non equis viris-
que tantum, sed etiam elephantis, quos capere non
potuerant, interfectis, in castra reverterunt; quae
tentata eo die inter ipsum pugnae tempus ab Aetolis,
Heracleam obtinentibus praesidio, sine ullo haud
parum audacis incepti effectum, fuerant. Consul, no-
ctis insequentis tertia vigilia praemisso equitatu ad
persequendum hostem, signa legionum prima luce
movit. Aliquantum viae praeceperat rex; ut qui
non ante, quam Elatiae, ab effuso constiterit cursu:
ubi primum reliquiis pugnaeque et fugae conlectis,
cum perexigua manu semiermum militum Chalcidem
se recepit. Romanus equitatus ipsum quidem regem
Elatiae adsecutus non est, sed magnam partem ag-
minis, aut lassitudine subsistentis, aut errore, ut
qui sine ducibus per ignota itinera fugerent, dissipa-
tos obpresserunt. nec praeter quingentos, qui circa
regem fuerunt, ex toto exercitu quisquam effugit:
etiam ex decem millibus militum, quos, Polybio

l) *Scarphiam* Grou. Crav.
c. Drak.

m) *persecuti* Eaed. c. Drak.

U. c. 561. auctore, traiecisce secum regem in Graeciam scrip-
 a. C. 191. simus, exiguus numerus. quid si Antiati Valerio
 credamus, sexaginta millia militum fuisse in regio
 exercitu scribenti, quadraginta inde millia cecidisce,
 supra quinque millia capta cum signis militaribus du-
 centis triginta? Romanorum centum quinquaginta
 in ipso certamine pugnae, ab incursu Aetolorum se-
 tuentes non plus quinquaginta interfecti sunt.

XX. Consule per Phocidem et Boeotiam exer-
 citum ducente, consciae defectionis civitates cum
 velamentis ante portas stabant, metu ne hostiliter
 diriperentur. ceterum per omnes dies haud secus,
 quam in pacato agro, sine vexationeⁿ⁾ ullius rei ag-
 men^{o)} processit, donec in agrum Coronaeum^{p)} ven-
 tum est. Ibi statua regis Antiochi, posita in tem-
 plo Minervae Itoniae, iram accendit: permissumque
 militi est, ut circumiectum templo agrum populare-
 tur. deinde cogitatio animum subiit, quum communi
 decreto Boeotorum posita esset statua, indignum
 esse, in unum Coronensem agrum saevire. Revoca-
 to extemplo milite, finis populandi factus: castigati
 tantum verbis Boeoti ob ingratum in tantis tamque
 recentibus beneficiis animum erga Romanos. Inter
 ipsum pugnae tempus decem naves regiae cum prae-
 fecto Isidoro ad Thronium in sinu Maliaco stabant.
 eo gravis vulneribus Alexander Acarnan, nuncius
 adversae pugnae, quum perfugisset, trepidae inde
 recenti terrore naves Cenaenum Euboeae petierunt.
 ibi mortuus sepultusque Alexander. Tres, quae ex
 Asia profectae eundem portum tenuerant, naves,
 audita exercitus clade, Ephesum redierunt. Isido-
 rus ab Cenaeo Demetriadem, si forte eo deferret
 fuga regem, traiecit. Per eosdem dies A. Atilius,
 praefectus Romanae classis, magnos regios comme-
 atus, iam fretum, quod ad Andrum insulam est,

n) violatione Gron. Crev.
 c. Drak.

o) Coronaeum Crev.
 p) agmine Gron.

praetervectos, excepit: alias mersit, alias cepit na-^{U. c. 561.}
 ves. quae novissimi ^{a. C. 191.} ^{q)} agminis erant, cursum in Asiam
 verterunt. Atilius Piraeum, unde profectus erat,
 cum agmine captivarum navium revectus, magnam
 vim frumenti et Atheniensibus et aliis eiusdem re-
 gionis sociis divisit.

XXI. Antiochus, sub adventum consulis a Chal-
 cide profectus, Tenum primo tenuit: inde Ephesum
 transmisit. Consuli Chalcidem venienti portae patue-
 runt, quum, adpropinquante eo, Aristoteles, prae-
 fectus regis, urbe excessisset. et ceterae urbes in Eu-
 boea sine certamine traditae, post paucosque dies ^{r)},
 omnibus perpacatis, sine ullius noxa urbis exercitus
 Thermopylas reductus, multo modestia post victo-
 riam, quam ipsa victoria, laudabilior. Inde consul M.
 Catonem, per quem, quae gesta essent, senatus po-
 pulusque Romanus haud dubio auctore sciret, Ro-
 mam misit. Is a Creusa (Thespiensium emporium
 est, in intimo sinu Corinthiaco retractum) Patras
 Achaiae petit: a Patris Corcyram usque Aetoliae at-
 que Acarnaniae litora legit, atque ita ad Hydruntum
 Italiae traiecit. quinto die inde pedestri itinere Romam
 ingenti cursu pervenit. ante lucem ingressus urbem, a
 porta ad praetorem M. Iunium iter intendit. Is prima
 luce senatum vocavit. quo L. Cornelius Scipio, aliquot
 diebus ante a consule dimissus, quum adveniens audis-
 set, praegressum Catonem in senatu esse, superve-
 nit exponenti, quae gesta essent. Duo inde legati inssu
 senatus in concionem sunt producti: atque ibi eadem,
 quae in senatu, de rebus in Aetolia gestis exposue-
 runt. Supplicatio in triduum decreta est; et ut qua-
 draginta hostiis maioribus praetor, quibus Diis ei vi-
 deretur, sacrificaret. Per eosdem dies et M. Fulvius
 Nobilior, qui biennio ante praetor in ^{s)} Hispaniam

q) *novissimae* Gron. Crev. c. Drak.

r) *paucosque per dies* Gron. Crev.

s) *add. ulteriorem* Eaed.

U. c. 561. erat profectus, ovans urbem est ingressus: argenti
 a. C. 191. bigati prae se tulit centum ¹⁾ triginta millia: et extra
 numeratum duodecim millia pondo argenti: auripon-
 do centum viginti septem.

XXII. Acilius consul ab Thermopylis Heracleam
 ad Aetolos praemisit, *ut tunc saltem, experti regiam
 vanitatem, resipiscerent; traditaque Heraclea, cogi-
 tarent de petenda ab senatu seu furoris sui, seu erroris
 venia. et ceteras* ^{u)} *Graeciae civitates defecisse eo bello
 ab optime de se meritis Romanis: sed, quia post fugam
 regis, cuius fiducia officio* ^{x)} *decessissent, non addi-
 dissent pertinaciam culpaе, in fidem receptas esse. Ae-
 tolos quoque, quamquam non secuti sint regem, sed
 arcessierint, et duces belli, non socii fuerint, si poe-
 nitere possint, posse et incolumes esse. Ad ea quum
 pacati nihil responderetur, adpareretque, armis rem
 gerendam, et, rege superato, bellum Aetolicum in-
 tegrum restare; castra ab Thermopylis ad Heracleam
 movit: eoque ipso die, ut situm nosceret urbis, ab
 omni parte equo moenia est circumvectus. Sita est
 Heraclea in radicibus Oetae montis: ipsa in campo,
 arcem imminentem loco alto et undique praecipiti
 habet. Contemplatus omnia, quae noscenda erant,
 quatuor simul locis adgredi urbem constituit. a flu-
 mine Asopo, qua et gymnasium est, L. Valerium
 operibus atque obpugnationi praeposuit: partem ^{y)}
 extra muros, quae frequentius prope, quam urbs,
 habitabatur, Ti. Sempronio Longo obpugnandam de-
 dit: a ^{z)} sinu Maliaco, quae aditum haud facilem
 pars habebat, M. Baebium; ab altero amniculo, quem
 Melana vocant, adversus Dianae templum, Ap. Clau-
 dium obposuit. Horum magno certamine intra pau-
 cos dies turre, arietesque, et alius omnis adparatus
 obpugnandarum urbium perficitur. Et quum ager*

t) add. et Eaed.

u) ceterae Gron. Crev.

x) ab officio Eaed.

y) arcem Eaed. c. Drak.

z) a del. Gron.

Heracleensis paluster omnis frequensque proceris arboribus, benigne ad omne genus operum materiam suppeditabat: tum, quia refugerant intra moenia Aetoli, deserta, quae ^{a)} in vestibulo urbis erant, tecta in varios usus non tigna modo et tabulas, sed laterem quoque, et caementa, et saxa variae magnitudinis, praebebant.

XXIII. Et Romani quidem operibus magis, quam armis, urbem obpugnabant: Aetoli contra armis se tuebantur. nam, quum ariete quaterentur muri, non laqueis, ut solet, exceptos declinabant ictus; sed armati frequentes, quidam ignes etiam, quos aggeribus iniicerent, ferebant. fornices quoque in muro erant apti ad excurrendum: et ipsi, quum pro dirutis reficerent muros, crebriores eos, ut pluribus erumperetur in hostem locis, faciebant. Hoc primis diebus, dum integrae vires erant, et frequentes et impigre fecerunt: in dies deinde, pauciores et segnius. Etenim, quum multis urgerentur rebus, nulla eos res aeque, ac vigiliae conficiebant; Romanis in magna copia militum succedentibus aliis in stationem aliorum, Aetolos propter paucitatem eosdem dies noctesque adsiduo labore urente. Per quatuor et viginti dies, ita ut nullum tempus vacuum dimicatione esset, adversus quatuor e partibus simul obpugnantem hostem nocturnus diurno continuatus labor est. Quum fatigatos iam Aetolos sciret consul et ex ratione temporis, et quod ita transfugae adfirmabant, tale consilium iniit. media nocte receptui signum dedit, et ab obpugnatione simul omnes milites deductos usque ad tertiam diei horam quietos in castris tenuit. inde coepta obpugnatio ad mediam rursus noctem perducta est: intermissa deinde usque ad tertiam diei horam. Fatigationem rati caussam esse Aetoli non continuandae obpugnationis, quae et ipsos

a) *desertaque* Gron.

U. c. 561. adfecerat, ubi Romanis datum receptui signum esset,
 a. C. 191. velut ipsi quoque hoc revocati, pro se quisque ex
 stationibus decedebant: nec ante tertiam diei horam
 armati in muris adparebant.

XXIV. Consul, quum nocte media intermisisset obpugnationem, quarta vigilia rursus ab tribus partibus summa vi adgressus, ab una T. Sempronium tenere intentos milites signumque exspectantes iussit, ad ea in nocturno tumultu, unde clamor exaudiretur, haud dubie ratus hostes concursuros. Aetoli pars sopiti adfecta labore ac vigiliis corpora ex somno moliebantur: pars vigilantes adhuc ad strepitum pugnantium in tenebris currunt. Hostes partim per ruinas iacentis muri transcendere conantur: partim scalis adscensus tentant. adversus quos undique ad opem ferendam obcurrunt Aetoli. Pars una, in qua aedificia extra urbem erant, neque defenditur, neque obpugnatur: sed, qui obpugnarent, intenti signum exspectabant; defensor nemo aderat. Jam dilucescebat, quum signum consul dedit: et sine ullo certamine partim per semiruta partim scalis integros muros transcendere. Simul clamor, index capti oppidi, est exauditus, undique Aetoli, desertis stationibus, in arcem fugiunt. Oppidum victores permissu consulis diripiunt; non tam ab ira, nec ab odio, quam ut miles, coërcitus in tot receptis ex potestate^{b)} hostium urbibus, aliquo tandem loco fructum victoriae sentiret. Revocatus inde a medio ferme die milites quum in duas divisisset partes, unam radicibus montium circumduci ad rupem iussit, quae, fastigio altitudinis par, media valle velut abrupta ab arce erat; sed adeo prope geminata cacumina eorum montium sunt, ut ex vertice altero coniici tela in arcem possint: cum dimidia parte militum^{c)} consul, ab

b) *ex potestate* del. Crev.

c) *militum parte* Gron. Crev.

urbe escensurus ^{d)} in arcem, signum ab iis, qui ab U. c. 561. tergo in rupem evasuri erant, expectabat. Non tu- ^{a. C. 191.} lere, qui in arce erant, Aetoli primum eorum, qui rupem ceperant, clamorem, deinde inpetum ab urbe Romanorum, et fractis iam animis, et nulla ibi praeparata re ad obsidionem diutius tolerandam: utpote congregatis feminis, puerisque, et inbelli alia turba in arcem, quae vix capere, nedum tueri, multitudinem tantam posset. itaque, ad primum inpetum abiectis armis, dediderunt sese. Traditus inter ceteros princeps Aetolorum Damocritus est: qui principio belli decretum Aetolorum, quo arcessendum Antiochum censuerant, T. Quinctio poscenti responderat: *In Italia daturum, quum castra ibi Aetoli posuissent.* ob eam ferociam maius victoribus gaudium traditus fuit.

XXV. Eodem tempore, quo Romani Heracleam, Philippus Lamiam ex composito obpugnabat, circa Thermopylas cum consule, redeunte ex Boeotia, ut victoriam ipsi populoque Romano gratularetur, excusaretque, quod morbo inpeditus bello non interfuisset, congressus. inde diversi ad duas simul obpugnandas urbes profecti. Intersunt septem millia ferme passuum. et quia Lamia quum posita est in tumulo, tum regionem maxime Oetae spectat, oppido quam breve intervallum videtur ^{e)}, et omnia in conspectu sunt. Quum ^{f)} enixe, velut proposito certamine, Romani Macedonesque diem ac noctem aut in operibus, aut in proeliis essent, hoc maior difficultas Macedonibus erat, quod Romani aggere et vineis, et omnibus supra terram operibus, subtus Macedones cuniculis obpugnabant: et in asperis locis silex saepe in-

d) ascensurus Crev.

e) tum regionem ea maxime despectat oppidum, qua breve intervallum videtur Gron. c. Drak. tum re-

gionem ea maxime despectat, oppido quam breve intervallum videtur Crev. f) sunt; quum Gron. c. Drak.

U. c. 561. penetrabilis ferro obcurrebat. et, quum parum pro-
 a. C. 191. cederet inceptum, per colloquia principum oppida-
 nos tentabat rex, ut urbem dederent; haud dubius,
 quin, si prius Heraclea capta foret, Romanis se po-
 tius, quam sibi dedituri essent, suamque gratiam
 consul in obsidione liberanda facturum esset. Nec eum
 opinio est frustrata: confestim enim ab Heraclea capta
 nuncius venit, ut obpugnatione absisteret: *aequius esse,*
Romanos milites, qui acie dimicassent cum Aetolis,
praemia victoriae habere. Ita recessum ab Lamia est,
 et propinquae clade urbis ipsi, ne quid simile pate-
 rentur, effugerunt.

XXVI. Paucis, priusquam Heraclea caperetur,
 diebus, Aetoli, concilio Hypatam coacto, legatos ad
 Antiochum miserunt: inter quos et Thoas idem, qui
 antea ^{g)}, missus est. mandata erant, ut ab rege pe-
 terent, primum, ut ipse, coactis rursus terrestribus
 navalibusque copiis, in Graeciam traiceret: deinde,
 si qua ipsum teneret res, ut pecuniam et auxilia mit-
 teret. *id quum ad dignitatem eius fidemque pertinere,*
non prodi socios, tum etiam ad incolumitatem regni,
non sinere, Romanos, omni cura vacuos, quum Aeto-
lorum gentem sustulissent, omnibus copiis in Asiam
traicere. Vera erant, quae dicebantur: eo magis re-
 gem moverunt. Itaque in praesentia pecuniam, quae
 ad usus belli necessaria erat, legatis dedit: auxilia ter-
 restria navaliaque adfirmavit missurum. Thoantem
 unum ex legatis retinuit, et ipsum haud invitum mo-
 rantem, ut exactor praesens promissorum adesset.

XXVII. Ceterum Heraclea capta fregit tandem
 animos Aetolorum: et post paucos dies, quam ad
 bellum renovandum adiciendumque regem in Asiam
 miserant legatos, abiectis belli consiliis, pacis pe-
 tendae oratores ad consulem miserunt. Quos dicere
 exorsos consul interfatus, quum alia sibi praevertenda

g) qui et antea Gron. Crev.

esse dixisset, redire Hypatam eos, datis dierum de- U. c. 561.
cem induciis, et L. Valerio Flacco cum iis misso, ius- a. C. 191.
sit. ei, quae secum acturi fuissent, exponere, et si
qua vellent alia. Hypatam ut est ventum, principes
Aetolorum apud Flaccum concilium habuerunt; con-
sultantes, quonam agendum modo apud consulem fo-
ret. His parantibus ^{h)} antiqua foederum ordiri, me-
ritaue in populum Romanum, *Absistere iis*, Flaccus
iussit, *quae ipsi violassent ac rupissent. confessionem*
iis culpa magis profuturam, et totam in preces oratio-
nem veram. nec enim in caussa ipsorum, sed in po-
puli Romani clementia spem salutis positam esse. et se
suppliciter agentibus iis adfuturum ⁱ⁾, et apud consu-
lem, et Romae in senatu. eo quoque enim mittendos
fore legatos. Haec una via omnibus ad salutem visa
est, ut in fidem se permitterent Romanorum. Ita enim
et illis violandi supplices verecundiam se inposituros:
et ipsos nihilominus suae potestatis fore, si quid melius
fortuna ostendisset.

XXVIII. Postquam ad consulem ventum est,
Phaeneas legationis princeps longam orationem, et
varie ad mitigandam iram victoris compositam, ita
ad extremum finivit, ut diceret: *Aetolos se suaque*
omnia fidei populi Romani permittere. Id consul ubi
audivit: *Etiam atque etiam videte*, inquit, *Aetoli, ut*
ita permittatis. Tum decretum Phaeneas, in quo id
diserte scriptum erat, ostendit. *Quando ergo*, inquit,
ita permittitis, postulo, ut mihi Dicaearchum civem ve-
strum, et Menestam ^{k)} Epirotam, (Naupactum is cum
praesidio ingressus ad defectionem compulerat) *et*
Amyndrum cum principibus Athamanum, quorum
consilio ab nobis defecistis, sine mora dedatis. Prope
dicentem interfatus Romanum Phaeneas, *Non in*
servitutem, inquit, *sed in fidem tuam nos tradidimus.*

h) parantibus iis Gron. Crev.

k) Menetam Gron. Crev.

i) et suppliciter agentibus iis
se adfuturum Eaed.

U. c. 561, *et certum habeo, te imprudentia labi, qui nobis impe-*
a. C. 191. res, quae moris Graecorum non sint. Ad haec consul,
Nec, hercle, inquit, magnopere nunc curo, quid Ae-
toli satis ex more Graecorum factum esse censeant:
dum ego more Romano imperium inhibeam in deditos
modo decreto suo, ante armis victos. Itaque, ni pro-
pere fit, quod impero, vinciri vos iam iubeo: adser-
rique catenas, et circumstistere lictores iussit. Tum
fracta Phaeneae ferocia, Aetolisque aliis est: et tan-
dem, cuius conditionis essent, sensere, et, se quidem;
Phaeneas, et qui adsint Aetolorum, scire facienda esse,
quae imperentur, dixit: sed ad decernenda ea concilio
Aetolorum opus esse. ad id petere, ut decem dierum in-
ducias daret. Petente Flacco pro Aetolis, induciae da-
 tae; et Hypatam redditum est. Ubi quum in consilio¹⁾
 delectorum, quos Apocletos vocant, Phaeneas, et quae
 imperarentur, et quae ipsis prope accidissent, expo-
 suisset; ingemuerunt quidem principes conditioni suae,
 parendum tamen victori censebant, et ex omnibus
 oppidis convocandos Aetolos ad concilium.

XXIX. Postquam vero omnis coacta multitudo
 eadem illa audivit, adeo saevitia imperii atque indig-
 nitate exasperati animi sunt, ut, si in pace fuissent,
 illo inpetu irae concitari potuerint ad bellum. Ad
 iram accedebat et difficultas eorum, quae imperaren-
 tur: (*quonam modo enim utique regem Amyandrum se*
tradere posse?) et^{m)} spes forte oblata, quod Nicander,
 eo ipso tempore ab rege Antiocho veniens, inplevit
 exspectatione vana multitudinem, terra marique in-
 gens parari bellum. Duodecimo is dieⁿ⁾, quam con-
 scenderat navem, in Aetoliam, perfecta legatione,
 rediens Phalara^{o)} in sinu Maliaco tenuit. inde La-
 miam pecuniam quum devexisset, ipse cum expeditis

1) *concilio* Gron.

m) *posse?* Et, signis paren-
 theses omissis, Gron.
 Grev. c. Drak.

n) *is duodecimo die* Eaed. c.
 Drac.

o) *Phaleram.* Gron.

vespera prima inter Macedonum Romanaque castra ^{U. c. 561.}
 medio agro, dum Hypatam notis callibus petit, in ^{a. C. 191.}
 stationem incidit Macedonum, deductusque ad re-
 gem est, nondum convivio dimisso. Quod ubi nun-
 ciatum est, velut hospitis, non hostis, adventu mo-
 tus Philippus, adcumbere eum epularique iussum ^{p)},
 atque inde dimissis aliis, solum retentum, ipsum
 quidem de se timere quidquam vetuit. Aetolorum
 prava consilia, atque in ipsorum caput semper reci-
 dentia, accusavit. qui primum Romanos, deinde
 Antiochum in Graeciam adduxissent. *Sed praeteri-*
torum, quae magis reprehendi, quam corrigi, possint,
oblitum se, non facturum, ut insultet adversis rebus
eorum. Aetolos quoque finire tandem adversus se odia
debere; et Nicandrum privatim eius diei, quo servatus
a se foret, meminisse. Ita datis, qui in tutum eum
 prosequerentur, Hypatam Nicander consultantibus de
 pace Romana supervenit.

XXX. M. Acilius vendita, aut concessa militi
 circa Heracleam praeda, postquam nec Hypatae pa-
 cata esse consilia, et Naupactum concurrisse Aetolos,
 ut inde totum inpetum belli sustinerent, audivit;
 praemisso Ap. Claudio cum quatuor millibus militum
 ad occupanda iuga, qua difficiles transitus montium
 erant, ipse Oetam ascendit, Herculiue sacrificium
 fecit in eo loco, quem Pyram, quod ibi mortale cor-
 pus eius Dei sit crematum, adpellant. inde toto ex-
 exercitu profectus reliquum iter satis expedito agmine
 fecit. Ut ad Coracem est ventum, (mons est altis-
 simus inter Callipolin et Naupactum) ibi et iumenta
 multa ex agmine praecipitata cum ipsis oneribus sunt,
 et homines vexati. Et ^{q)} facile adparebat, quam cum
 inertis hoste res esset, qui tam inpeditum saltum
 nullo praesidio, ut clauderet transitum, insedisset.
 Tum quoque vexato exercitu ad Naupactum descen-

p) iussit Gron. Crev.

q) id Gron. Crev.

U. c. 561. dit: et, uno castello adversus arcem posito, ceteras
a. C. 191. partes urbis, divisis copiis pro situ moenium, circum-
sedit. nec minus operis laborisque ea obpugnatio,
quam Heracleae, habuit.

XXXI. Eodem tempore et Messene in Pelopon-
neso ab Achaeis, quod concilii eorum recusaret esse,
obpugnari coepta est. Etenim duae civitates: Mes-
sene et Elis, extra concilium Achaicum erant: cum
Aetolis sentiebant. Elei tamen, post fugatum ex
Graecia Antiochum, legatis Achaeorum lenius re-
sponderant; *dimisso praesidio regio, cogitaturos se,
quid sibi faciendum esset.* Messenii, *sine* responso
dimissis legatis, moverant bellum; trepidique rerum
suarum, quum iam ager effuso exercitu passim ure-
retur, castraque prope urbem poni viderent, legatos
Chalcidem ad T. Quinctium, auctorem libertatis, mi-
serunt, qui nunciarent, Messenios Romanis, non
Achaeis, et aperire portas, et dedere urbem paratos
esse. Auditis legatis, extemplo profectus Quinctius,
a Megalopoli ad Diophanem praetorem Achaeorum
misit, qui extemplo reducere eum a Messene exer-
citus, et venire ad se iuberet. Dicto paruit Dio-
phanes: et, soluta obsidione, expeditus ipse, prae-
gressus agmen, circa Andaniam, parvum oppidum,
inter Megalopolim Messenenque^{r)} positum, Quinctio
obcurrit; et, quum causas obpugnationis exponeret,
castigatum leniter, quod tantam rem sine auctoritate
sua conatus esset, dimittere exercitum iussit, nec
pacem omnium bono partam turbare. Messeniis im-
peravit, ut exsules reducerent, et Achaeorum con-
cilii essent. si qua haberent, de quibus aut recusare,
aut in posterum caveri^{s)} sibi vellent, Corinthum ad
se venirent. Diophanem concilium Achaeorum ex-
templo sibi praebere iussit. Ibi, de Zacyntho inter-
cepta per fraudem insula questus, postulavit, ut re-

r) *Messenemque* Gron.

s) *cavere* Gron. Crev.

stitueretur Romanis. Philippi Macedonum regis Zacy- U. c. 561.
 nthus fuerat: eam mercedem Amynandro dederat, a. C. 191.
 ut per Athamaniam ducere exercitum in superiorem
 partem Aetoliae liceret. qua expeditione fractis ani-
 mis, Aetolos compulit ad petendam pacem. Amy-
 nander Philippum Megalopolitanum insulae praefecit:
 postea per bellum, quo se Antiocho adversus Roma-
 nos coniunxit, Philippo ad munera ¹⁾ belli revocato,
 Hieroclem Agrigentinum successorem misit.

XXXII. Is, post fugam ab Thermopylis Antio-
 chi, Amynandrumque a Philippo Athamania pulsum,
 missis ultro ad Diophanem praetorem Achaeorum
 nunciis, pecuniam pactus, insulam Achaeis tradidit.
 Id praemium belli suum esse, aequum censebant Ro-
 mani. *non enim M. Acilium consulem legionesque Ro-*
manas Diophani et Achaeis ad Thermopylas pugnasse.
 Diophanes adversus haec purgare interdum sese gen-
 teinque; interdum de iure facti disserere. Quidam
 Achaeorum et initio eam se rem adspernatos testa-
 bantur, et tunc pertinaciam increpitabant praetoris:
 auctoribusque iis decretum est, ut T. Quinctio ea
 res permitteretur. Erat Quinctius, sicut adversanti-
 bus asper, ita, si cederes, idem placabilis. Omissa
 igitur contentione vocis vultusque, *Si utilem, inquit,*
possessionem eius insulae censerem Achaeis esse, auctor
essem senatui populoque Romano, ut eam vos habere
sinerent. ceterum sicut testudinem, ubi collecta in suum
tegumen est, tutam ad omnes ictus video esse; ubi ex-
serit partes aliquas, quodcumque nudavit, obnoxium
atque infirmum habere; haud dissimiliter vos, Achaei,
clausos undique mari, quae intra Peloponnesi sint ter-
minos, ea et iungere vobis, et iuncta tueri facile; simul
aviditate plura amplectendi hinc excedatis, nuda vobis
omnia, quae extra sint, et exposita ad omnes ictus esse.
 Adsentiente omni concilio, nec Diophane ultra ten-
 dere auso, Zacynthus Romanis traditur.

1) munus Eacii, c. Drak.

U. c. 561.

a. C. 191.

XXXIII. Per idem tempus Philippus rex, proficiscentem consulem ad Naupactum percunctatus, si se interim, quae defecissent ab societate Romana, urbes recipere vellet, permittente eo, ad Demetriadem copias admovit, haud ignarus, quanta ibi tum perturbatio esset. Destituti enim ab omni spe, quum desertos se ab Antiocho, spem nullam in Aetolis esse cernerent, dies noctesque aut Philippi hostis adventum, aut infestiores etiam, quo iustius irati erant, Romanorum exspectabant. Turba erat ibi incondita regionum: qui, primo pauci in praesidio relict, postea plures, plerique inermes, ex proelio adverso fuga delati, nec virium, nec animi satis ad obsidionem tolerandam habebant. itaque praemissis a Philippo, qui spem inpetrabilis veniae ostendebant, responderunt, patere portas regi. Ad primum eius ingressum principum quidam urbe excesserunt: Eurylochus mortem sibi conscivit. Antiochi milites (sic enim pacti erant) per Macedoniam Thraciamque, prosequentibus Macedonibus, ne quis eos violaret, Lysimachiam deducti sunt. Erant et paucae naves Demetriade, quibus praeerat Isidorus: eae quoque cum praefecto suo dimissae sunt. Inde Dolopiam, et Aperantiam, et Perrhaebiae quasdam civitates recepit.

XXXIV. Dum haec a Philippo geruntur, T. Quinctius, recepta Zacyntho ab Achaico concilio, Naupactum traiecit; quae iam per duos menses (sed prope excidium erat) obpugnabatur, et, si capta vi foret, omne ibi nomen Aetolorum ad internecionem videbatur venturum. Ceterum, quamquam merito iratus erat Aetolis, quod solos obtrectasse gloriae suae, quum liberaret Graeciam, meminerat, et nihil auctoritate sua motos esse, quum, quae tum maxime acciderant, casura praemonens, a furioso incepto eos deterreret; tamen, sui maxime operis esse credens, nullam gentem liberatae a se Graeciae funditus everti, obambulare muris, ut facila nosceretur ab

Aetolis, coepit. Confestim a primis stationibus cog- U. c. 561.
 nitus est, vulgatumque per omnes ordines, Quinc- a. C. 191.
 tium esse. itaque, concursu facto undique in muros,
 manus pro se quisque tendentes, consonante clamore
 nominatim Quinctium orare, ut opem ferret ac ser-
 varet. Et tum quidem, quamquam moveretur his
 vocibus, manu tamen abruit, quidquam^{u)} opis in se
 esse. Ceterum, postquam ad consulem venit: *Utrum*
fesellit ^{x)}, inquit, *te, M. Acili, quid agitur? an,*
quum satis pervideas ^{y)}, *nihil id magnopere ad sum-*
nam rem ^{z)} *pertinere censes?* Erexerat expectatione
 consulem; et, *Quin expromis, inquit, quid rei sit?*
 Tum Quinctius: *Ecquid vides, te, devicto Antiocho,*
in duabus urbibus obpugnandis tempus terere, quum
iam prope annus circumactus sit imperii tui? *Philip-*
pum autem, qui non aciem, non signa hostium vidit,
non solum urbes, sed tot iam gentes, Athamaniam,
Perrhaebiam, Aperantiam, Dolopiam, sibi adiunxisse?
Atqui non tantum interest nostra, Aetolorum opes ac
vires minui, quantum, non supra modum Philippum
crescere, et victoriae tuae praemium te militesque tuos
nondum duas urbes, Philippum tot gentes ^{a)} *Graeciae*
habere.

XXXV. Adsentiebatur his consul: sed pudor,
 si irrita incepto abscederet obsidione, obcurrerat:
 tota inde Quinctio res permissa est. Is rursus ad
 eam partem muri, qua paullo ante vociferati Aetoli
 fuerant, rediit. ibi quum impensius orarent, ut mi-
 sereretur gentis Aetolorum, exire aliquos ad se ius-
 sit. Phaeneas ipse principesque alii extemplo egressi
 sunt. quibus provolutis ad pedes, *Fortuna, inquit,*
vestra facit, ut et irae meae et orationi temperem.
Evenerunt, quae praedixi eventura. et ne hoc quidem
reliqui vobis est, ut indignis accidisse ea videantur.

u) quiddam Gron. Crev.

x) fallit Eaed.

y) provideas Eaed.

z) rempublicam Eaed.

a) nondum tot urbes, quot
 Philippum gentes etc. Eaed.

U. c. 561. *Ego tamen, sorte quadam nutriendae Graeciae datus,*
 a. C. 191. *ne ingratis quidem benefacere absistam. Mittite oratores ad consulem, qui inducias tanti^{b)} temporis petant, ut mittere legatos Romam possitis, per quos senatui de vobis permittatis. Ego apud consulem deprecator defensorque vobis adero. Ita, ut censuerat Quintius, fecerunt: nec adspersus est legationem consul. induciisque in diem certam datis, qua legatio renunciari ab Roma posset, soluta obsidio est, et exercitus in Phocidem missus. Consul cum T. Quintio ad Achaicum concilium Aegium traiecit. ibi de Eleis et de^{c)} exsulis Lacedaemoniorum restituendis actum. et neutra perfecta res, quia suae gratiae reservari eam Achaei, Elei per se ipsi, quam per Romanos, maluerunt Achaico contribui concilio. Epirotarum legati ad consulem venerunt; quos non sincera fide in amicitia fuisse satis constabat: militem tamen nullum Antiocho dederant. pecunia iuvisse eum insimulabantur; legatos ad regem ne ipsi quidem misisse inficiabantur. Iis petentibus, ut in amicitia pristina esse liceret, respondit consul, *Se utrum hostium, an pacatorum, eos numero haberet, nondum scire. Senatum eius rei iudicem fore. Integram se causam eorum Romam reiicere. inducias ad id dierum nonaginta dare.* Epirotae Romam missi senatum adierunt. iis, magis, quae non fecissent hostilia, referentibus, quam purgantibus ea, de quibus arguebantur, responsum datum est, quo veniam inpetrasse, non causam probasse, videri possent. Et Philippi regis legati sub idem tempus in senatum introducti, gratulantes de victoria. iis petentibus, ut sibi sacrificare in Capitolio, donumque ex auro liceret ponere in aede Iovis Optimi Maximi, permissum ab senatu. centum pondo coronam auream posuerunt. Non responsum solum benigne regis^{d)} legatis est;*

b) *tantum* Gron. Crev. c.
 Drak.

d) *regis* del. Gron. Crev. c.
 Drak.

c) *de* del. Gron. Crev.

sed Philippi quoque filius Demetrius, qui obses Ro- U. c. 561.
mae erat, ad patrem reducendus legatis datus est. a. C. 191.
Bellum, quod cum Antiocho rege in Graecia gestum
est a M'. Acilio consule, hunc finem habuit.

XXXVI. Alter consul P. Cornelius Scipio, Gal-
liam provinciam sortitus, priusquam ad bellum, quod
cum Boiis gerendum erat, proficisceretur, postulavit
ab senatu, ut pecunia sibi decerneretur ad ludos, quos
praetor ^{e)} in Hispania inter ipsum discrimen pugnae
vovisset. Novum atque iniquum postulare est visus.
censuerunt ergo, *quos ludos inconsulto senatu ex sua
unius sententia vovisset, eos uti de manubiis, si quam
pecuniam ad id reservasset, vel sua ipse inpensa faceret.*
eos ludos per dies decem P. Cornelius fecit. Per idem
fere tempus aedes Matris Magnae Idaeae dedicata est:
quam Deam is P. Cornelius, advectam ex Asia P.
Cornelio Scipione, cui post Africano fuit cognomen,
P. Licinio consulibus, in Palatium a mari detulerat.
Locaverant aedem faciendam ex senatusconsulto M.
Livius, C. Claudius censores, M. Cornelio, P. Sem-
pronio consulibus: tredecim annis post, quam ^{f)} lo-
cata erat, dedicavit eam M. Iunius Brutus, ludique
ob dedicationem eius facti, quos primos scenicos
fuisse, Antias Valerius ^{g)} est auctor, Megalesia ad-
pellatos. Item Inventatis aedem in circo maximo C.
Licinius Lucullus duumvir dedicavit. Voverat eam
sexdecim annis ante M. Livius consul, quo die Has-
drubalem exercitumque eius cecidit: idem censor eam
faciendam locavit, M. Cornelio, P. Sempronio con-
sulibus. Huius quoque dedicandae caussa ludi facti:
et eo omnia cum maiore religione facta, quod novum
cum Antiocho instabat bellum.

XXXVII. Principio eius anni, quo haec, iam
profecto ad bellum M'. Acilio, manente adhuc Ro-
mae P. Cornelio consule, agebantur, boves duos do-

e) *propraetor* Eaed. c. Drak.

g) *Valerius Antias* Eaed.

f) *postquam* Gron. Crev.

U. c. 561. mitos in Carinis per scalas pervenisse in tegulas aedificii, proditum memoriae est. Eos vivos comburi, cineremque eorum deiici in Tiberim, aruspices iusserunt. Tarracinae et Amiterni nunciatum est aliquoties lapidibus pluisse; Minturnis aedem Iovis et tabernas circa forum de coelo tactas esse; Vulturni in ostio fluminis duas naves fulmine ictas conflagrasse. Eorum prodigiorum caussa libros Sibyllinos ex senatusconsulto decemviri quum adissent, renunciarunt, *Ieiunium instituendum Cereri esse, et id quinto quoque anno servandum: et ut novemdiale sacrum fieret, et unum diem supplicatio esset. coronati supplicarent: et consul P. Cornelius, quibus Diis, quibusque hostiis edidissent decemviri, sacrificaret.* Placatis Diis, nunc votis rite solvendis, nunc prodigiis expiandis, in provinciam proficiscitur consul, atque inde Cn. Domitium proconsulem; dimisso exercitu, Romam decedere iussit: ipse in agrum Boiorum legiones induxit.

XXXVIII. Sub idem fere tempus Ligures, lege sacrata coacto exercitu, nocte improviso castra Q. Minucii proconsulis adgressi sunt. Minucius usque ad lucem intra vallum militem instructum tenuit; intentus, ne qua transcenderet hostis munimenta. Prima luce duabus simul portis eruptionem fecit. nec primo inpetu, quod speraverat, Ligures pulsi sunt: duas amplius horas dubium certamen sustinuerunt. Postremo, quum alia atque alia agmina erumperent, et integri fessis succederent ad pugnam, tandem Ligures, inter cetera etiam vigiliis confecti, terga dederunt. caesa supra ^{h)} quatuor millia hostium; ex Romanis sociisque minus trecenti perierunt. Duobus fere post mensibus P. Cornelius consul cum Boiorum exercitu signis conlatis egregie pugnavit. Duodetriginta millia hostium occisa ⁱ⁾, Antias Valerius scribit; capta tria millia et quadringentos; signa milita-

h) *super* Gron. Crev.

i) *caesa* Gron. Crev. c. Drak.

ria centum viginti quatuor; equos mille ducentos tri-^{U. c. 561.}
 ginta; carpenta ducenta quadraginta septem: ex vi-^{a. C. 191.}
 ctoribus mille quadringentos octoginta quatuor ceci-
 disse. Ubi ut in numero scriptori parum fidei sit,
 (quia in augendo eo non alius intemperantior est)
 magnam tamen^{k)} victoriam fuisse adparet, quod et
 castra capta sunt, et Boii post eam pugnam extemplo
 dediderunt sese, et quod supplicatio eius victoriae
 caussa decreta ab senatu, victimaeque maiores caesae.

XXXIX. Per eosdem dies M. Fulvius Nobilior
 ex ulteriore Hispania ovans urbem est ingressus. ar-
 genti transtulit duodecim millia pondo: bigati argenti
 centum^{l)} triginta: auri centum viginti septem pon-
 do^{m)}. P. Cornelius consul primo, obsidibus a Boio-
 rum gente acceptis, agri parte fere dimidia eos mul-
 tavit: quo, si vellet, populus Romanus colonias
 mittere posset: Inde, Romam, ut ad triumphum
 haud dubium, decedens, exercitum dimisit, et ad-
 esse Romae ad diem triumphi iussit. ipse, postero
 die, quam venit, senatu in aedem Bellonae vocato,
 quum de rebus ab se gestis disseruisset, postulavit,
 ut sibi triumphanti liceret in urbem invehiri. P. Sem-
 pronius Blaesus tribunus plebis, *non negandum Sci-
 pioni, sed differendum honorem triumphi*, censebat.
*Bella Ligurum Gallicis semper iuncta fuisse: eas inter
 se gentes mutua ex propinquo ferre auxilia. Si P. Sci-
 pio, devictis acie Boiis, aut ipse cum victore exercitu
 in agrum Ligurum transisset, aut partem copiarum
 Q. Minucio misisset, qui iam tertium ibi annum dubio
 detineretur bello, debellari cum Liguribus potuisse.
 Nunc ad triumphum frequentandum deductos esse mi-
 lites, qui egregiam navare operam reipublicae potuis-
 sent: possent etiam, si senatus, quod festinatione trium-
 phi praetermissum esset, id restituere differendo trium-*

k) tamen del. Eaed. c. Drak.

l) add. et Gron. Crev.

m) viginti quinque, voce
 pondo omissa, Eaed.

U. c. 56¹. *pho vellet. Iuberent, consulem cum legionibus redire*
 a. C. 19¹. *in provinciam; dare operam, ut Ligures subigantur.*
Nisi illi cogantur in ius iudiciumque populi Romani,
ne Boios quidem quieturos: aut pacem, aut bellum utro-
bique habenda. Devictis Liguribus, paucos post men-
ses proconsulem P. Cornelium multorum exemplo, qui
in magistratu non triumphaverunt, triumphaturum
esse.

XL. Ad ea consul, *Neque se Ligures provinciam*
sortitum esse, ait, neque cum Liguribus bellum gessisse,
neque triumphum de iis postulare. Q. Minucium con-
fidere brevi, subactis iis, meritum triumphum postu-
laturum atque inpetraturum esse. se de Gallis Boiis
postulare triumphum, quos acie vicerit, castris exuerit:
quorum gentem biduo post pugnam totam acceperit in
deditionem: a quibus obsides abduxerit, pacis futurae
pignus. Verum enimvero illud multo maius esse, quod
tantum numerum Gallorum occideritⁿ) in acie, quod
cum tot millibus certe Boiorum nemo ante se imperator
pugnaverit: plus partem dimidiam ex quinquaginta
millibus hominum caesam, multa millia capta: senes
puerosque Boiis superesse. Itaque id quemquam mirari
posse, cur victor exercitus, quum hostem in provincia
neminem reliquisset, Romam venerit ad celebrandum
consulis triumphum? Quorum militum si et in alia
provincia opera uti senatus velit; utro tandem modo
promptiores ad aliud periculum novumque laborem ituros
credat, si persoluta iis sine detrectatione prioris peri-
culi laborisque merces sit, an si spem pro re ferentes
dimittant, iam semel in prima spe deceptos? Nam,
quod ad se adtineat, sibi gloriae in omnem vitam illo
die satis quaesitum esse, quo se virum optimum iudica-
tum ad accipiendam Matrem Idaeam misisset senatus.
Hoc titulo, etsi nec consulatus nec triumphus adii-ci-
tur^o), satis honestam honoratamque, P. Scipionis Na-

n) ceciderit Gron. Crev.

o) addatur Gron. Crev.

sicae imaginem fore. Universus senatus non ipse modo ^{U. c. 561.}
ad decernendum triumphum consensit, sed etiam tri- ^{a. C. 191.}
bunum plebis auctoritate sua compulit ad remitten-
dam intercessionem. P. Cornelius consul trium-
phavit de Boiis. in eo triumpho Gallicis carpentis
arma signaque et spolia omnis generis transvexit,
et vasa aenea Gallica: et cum captivis nobilibus
equorum quoque captorum gregem traduxit. Aureos
torques transtulit mille quadringentos septuaginta
unum ^{p)}). ad hoc ^{q)} auri pondo ducenta quadraginta
septem ^{r)} argenti infecti factique in Gallicis vasis,
non infabre suo more factis, duo millia trecenta qua-
draginta pondo, bigatorum nummorum ducenta tri-
ginta quatuor ^{s)}). militibus, qui currum secuti sunt,
centenos ^{t)} vicanos quinos asses divisit; duplex cen-
turioni, triplex equiti. Postero die, concione ad-
vocata, de rebus ab se gestis, et de iniuria tribuni
bello alieno se inligantis, ut suae victoriae fructu se
defraudaret, quum disseruisset, milites exauctora-
tos dimisit.

XLI. Dum haec in Italia geruntur, Antiochus
Ephesi securus admodum de bello Romano erat,
tamquam non transituris in Asiam Romanis. quam
securitatem ei magna pars amicorum aut per errorem,
aut adsentando faciebat. Hannibal unus, cuius eo
tempore vel maxima ^{u)} apud regem auctoritas erat,
*Magis mirari se, aiebat, quod non iam in Asia essent
Romani, quam venturos dubitare. Propius esse, in
Asiam ex Graecia, quam ex Italia in Graeciam tra-
iicere: et multo maiorem caussam Antiochum, quam
Aetolos, esse. neque enim mari minus, quam terra,
pollere Romana arma. iampridem classem circa Ma-
leam esse. Audire sese, nuper novas naves novumque*

p) unum del. Eaed.

q) haec Eaed.

r) quinque Eaed.

s) tria Gron. Crev.

t) trecentos Gron. trecentos

Crev. c. Drak.

u) ut maxima Gron. Crev.

U. c. 561. *imperatorem rei gerendae caussa ex Italia venisse. Ita-*
 a. C. 191. *que desineret Antiochus pacem sibi ipse spe vano facere.*
In Asia, et de ipsa Asia, brevi terra marique dimi-
candum ei cum Romanis esse: et aut imperium adimen-
dum orbem terrarum adfectantibus, aut ipsi regnum
amittendum. Unus vera et providere, et fideliter prae-
 dicere visus. itaque ipse rex navibus, quae paratae
 instructaeque erant, Chersonesum petit; ut ea loca,
 si forte terra venirent Romani, praesidiis firmaret.
 ceteram classem Polyxenidam parare et deducere ius-
 sit; speculatorias naves ad omnia exploranda circa
 insulas dimisit.

XLII. C. Livius praefectus Romanae classis, cum
 quinquaginta navibus tectis profectus, ab Roma Nea-
 polim, quo ab sociis eius orae convenire iusserat
 apertas naves, quae ex foedere debebantur, Siciliam
 inde petit: fretoque Messanam praetervectus, quum
 sex Punicas naves ad auxilium missas accepisset, ab
 Rheginis Locrisque et eiusdem iuris sociis debitas ex-
 egisset naves, lustrata classe ad Lacinium, altum
 petit. Corcyram, quam primam Graeciae civitatum
 adiit, quum venisset, percunctatus de statu belli,
 (necdum enim omnia in Graecia perpacata erant) et
 ubi classis Romana esset, postquam audivit, circa
 Thermopylarum saltum in statione consulem ac re-
 gem esse, classem Piraei stare, maturandum ratus
 omnium rerum caussa, pergit protinus navigare Pe-
 loponnesum. Samen Zacynthumque, quia partis Ae-
 tolorum maluerant esse, protinus depopulatus, Ma-
 leam petit: et, prospera navigatione usus, paucis
 diebus Piraeum ad veterem classem pervenit. Ad
 Scyllaeum Eumenes rex cum tribus navibus obcurrit;
 quum Aeginae diu incertus consilii fuisset, utrum ad
 tuendum rediret regnum, (audiebat enim Antiochum
 Ephesi navales terrestresque parare copias) an nus-
 quam abscederet ab Romanis, ex quorum fortuna sua
 penderet. A Piraeo A. Atilius, traditis successori

quinque et viginti navibus tectis, Romam est profectus. Livius una et octoginta constratis ^{x)} navibus, multis praeterea minoribus, quae aut apertae rostratae, aut sine rostris speculatoriae erant, Delum traiecit.

XLIII. Eo fere tempore consul Acilius Naupactum obpugnabat. Livium Deli per aliquot dies (et est ventosissima regio inter Cycladas, fretis alias maioribus, alias minoribus divisas) adversi venti tenuerunt. Polyxenidas, certior per dispositas speculatorias naves factus, Deli stare Romanam classem, nuncios ad regem misit. qui, omissis, quae in Hellesponto agebat, cum rostratis navibus, quantum accelerare potuit, Ephesum rediit: et consilium ex templo habuit, faciendumne periculum navalis certaminis foret. Polyxenidas negabat cessandum: *et utique prius confligendum, quam classis Eumenis et Rhodiae naves coniungerentur Romanis. ita numero non ferme in pares futuros se, ceteris omnibus superiores y), et celeritate navium, et varietate auxiliorum. Nam Romanas naves, quum ipsas inscite factas immobiles esse, tum etiam, ut quae in terram hostium veniant, oneratas commeatu venire: suas autem, ut pacata omnia circa se relinquentes, nihil praeter militem atque arma habituras, multum etiam adiuturam notitiam maris terrarumque et ventorum: quae omnia ignaros turbatura hostes essent.* Movit omnes auctor consilii, qui et re consilium exsecuturus erat. Biduum in adparatu morati: tertio die centum navibus, quarum septuaginta tectae, ceterae apertae, minoris omnes formae, erant, profecti Phocaeam petierunt. inde, quum audisset, adpropinquare iam Romanam classem, rex, quia non interfuturus navali certamini erat, Magnesiam, quae ad Sipylum est, concessit, ad terrestres copias comparandas. classis ad Cyssuntem por-

x) rostratis Gron. Crev. c. Drak.

y) futuros; ipsum cacteris omnibus superiorem Gron.

U. c. 561. tum Erythraeorum, tamquam ibi aptius expectatura
 a. C. 191. hostem, contendit. Romani, ubi primum aquilones
 (ii namque per aliquot dies tenuerant) ceciderunt ^{z)},
 ab Delo Phanas, portum Chiorum in Aegaeum mare
 versum, petunt: inde ad urbem circumegere naves,
 comœatuque sunt, Phocaeam traiciunt. Eume-
 nes, Elaeam ad suam classem profectus, paucis post
 inde diebus, cum quatuor et viginti navibus tectis,
 apertis pluribus, paullo a Phocaea ^{a)} ad Romanos,
 parantes instruētesque se ad navale certamen, re-
 diit. Inde centum quinque ^{b)} tectis navibus, apertis
 ferme quinquaginta, profecti, primo, aquilonibus
 transversis quum urgerentur in terram, cogeantur
 tenui agmine prope in ordinem singulae naves ire;
 deinde, ut lenita paullum vis venti est, ad Corycum
 portum, qui super Cyssuntē est, conati sunt tra-
 icere.

XLIV. Polyxenidas, ut adpropinquare hostes
 adlatum est, occasione pugnandi laetus, sinistrum
 ipse cornu in altum extendit, dextrum cornu prae-
 fectos navium ad terram explicare iubet, et aequa
 fronte ad pugnam procedebat. Quod ubi vidit Ro-
 manus, vela contrahit, malosque inclināt, et, simul
 armamenta componens, opperitur insequentes naves.
 Iam ferme triginta in fronte erant, quibus ut aequa-
 ret laevum cornu, dilonibus erectis altum petere in-
 tendit: iussis, qui sequebantur, adversus dextrum
 cornu prope terram proras dirigere. Eumenes ag-
 men cogebat. ceterum, ut demendis armamentis tu-
 multuari primum coeptum est, et ipse, quanta ma-
 xima celeritate potest, concitat naves. Iam omnes ^{c)}
 in conspectu erant: duae Punicae naves antecede-
 bant Romanam classem, quibus obviae tres fuerunt regiae

z) *cecidere* Gron. Crev. c.
 Drak.

a) *apertis pluribus paulo, a*
Phocaea Gron. Crev.

b) *quinquaginta* Eaed. c. Drak.

c) *omnibus* Eaed. c. Drak.

naves. et ut in numero impari, duae regiae unam cir- U. c. 561.
cumsistunt: et primum ab utroque latere remos de- a. C. 191.
tergunt: deinde transcendunt armati, et, deiectis
caesisque propugnatoribus, navem capiunt. Una, quae
compari Marte concurrerat, postquam captam alteram
navem vidit, priusquam a tribus simul circumveni-
retur, retro ad classem refugit. Livius, indignatione
accensus, praetoria nave in hostes tendit. adversus
quam eadem spe duae, quae Punicam unam navem
circumvenerant, quum inferrentur, demittere in aquam
remos ab utroque latere remiges stabiliendae navis
caussa iussit, et in advenientes hostium naves ferreas
manus iniicere, et, ubi pugnam pedestri similem fe-
cissent ^{d)}), meminisse Romanae virtutis, nec pro vi-
ris ducere regia mancipia. Haud paullo facilius, quam
ante duae unam, tunc una duas naves expugnavit,
cepitque. Et iam classes quoque undique concurre-
rant, et passim permixtis navibus pugnabatur. Eu-
menes, qui extremus commisso certamine advenerat,
ut animadvertit laevum cornu hostium ab Livio tur-
batum, dextrum ipse, ubi aequa pugna erat, invadit.

XLV. Nec ita multo post primum ab laevo cornu
fuga coepit. Polyxenidas enim, ut virtute militum
haud dubie superari se vidit, sublati dolonibus effuse
fugere intendit: mox idem et, qui prope terram cum
Eumene contraxerant certamen, fecerunt. Romani
et Eumenes, quoad subficere remiges potuerunt, et
in spe erant extremi agminis vexandi, satis pertina-
citer secuti sunt. postquam celeritate navium, utpote
levium, suas commeatu onustas eludi frustra tenden-
tes viderunt, tandem abstiterunt; tredecim captis na-
vibus cum milite ac remige, decem demersis. Ro-
mana classis una Punica navis, in primo certa-
mine ab duabus circumventa, periit. Polyxenidas
non prius, quam in portu Ephesi, fugae finem fe-
cit. Romani eo die, unde egressa regia classis erat,

d) fecisset Gron. Crev. c. Drak.

U. c. 561. manserunt: postero die hostem persequi intenderunt.
a. C. 191. medio fere in cursu obviam fuere iis quinque et viginti
tectae Rhodiae naves, cum Pausistrato praefecto clas-
sis. Iis adiunctis, Ephesum hostem persecuti, ante
ostium portus acie instructa steterunt. Postquam con-
fessionem victis satis expresserunt, Rhodii et Eume-
nes domos dimissi: Romani, Chium petentes, Phoe-
nicuntum primum portum Erythraeae terrae praeter-
vecti, nocte anchoris iactis, postero die in insulam
ad ipsam urbem traiecerunt. ubi paucos dies remige
maxime reficiendo morati, Phocaeam transmittunt.
Ibi relictis ad praesidium urbis quatuor quinquere-
mibus, ad Canas classis venit: et, quum iam hiems ad-
peteret, fossa valloque circumdatis naves subductae.
Exitu anni comitia Romanae habita, quibus creati sunt
consules L. Cornelius Scipio et C. Laelius, intuenti-
bus cunctis ad finiendum cum Antiocho bellum. Po-
stero die praetores creati, M. Tuccius, L. Auruncu-
leius, Cn. Fulvius, L. Aemilius, P. Iunius, C. Ati-
nius Labeo.

EPITOME LIBRI XXXVII.

L. Cornelius Scipio consul, legato P. Scipione Africano (qui se legatum fratris futurum dixerat, si ei Graecia 1) provincia decerneretur, quum C. Laelio, qui multum in senatu poterat, ea provincia dari videretur) profectus ad bellum adversus Antiochum gerendum, in Asiam primus omnium Romanorum ducum traiecit. Aemilius Regillus adversus regiam classem Antiochi feliciter pugnavit ad Myonnesum, Rhodiis adiuvantibus. Filius Africani, ab Antiocho captus, patri remissus est. M'. Acilius Glabrio de Antiocho, quem Graecia expulerat, et de Aetolis triumphavit. Victo deinde Antiocho a L. Cornelio Scipione, adiuvante Eumene rege Pergami, Attali filio 2), pax data est ea 3) conditione, ut omnibus provinciis citra Taurum montem cederet. Eumeni, quo iuvante Antiochus victus erat, regnum ampliatum. Rhodiis quoque, qui et ipsi iuverant, quaedam civitates concessae. Colonia deducta est Bononia. Aemilius Regillus, qui praefectos Antiochi navali certamine vicerat, navalem triumphum duxit. L. Cornelius Scipio, qui cum Antiocho debellaverat, cognomine fratri exaequatus 4), Asiaticus adpellatus est.

1) add. et Asia Gron. Crev.

2) rege Attali Pergameni filio
Eaed.

3) pax data: ea, omisso est,
Eaed.

4) coaequatus Eaed.

T. LIVII PATAVINI

LIBER XXXVII.

L. Cornelio Scipione, C. Laelio consulibus nulla prius U. c. 562.
secundum religiones acta in senatu res est, quam de a. C. 190.
Aetolis. Et legati eorum institere, quia brevem induciarum diem habebant; et ab T. Quinctio, qui tum

U. c. 562. Romanam ex Graecia redierat, adiuti sunt. Aetoli, ut
 a. C. 190. quibus plus in misericordia senatus, quam in causa, spei esset, suppliciter egerunt, veteribus benefactis nova pensantes maleficia. Ceterum et praesentes interrogationibus undique senatorum, confessionem magis noxae, quam responsa, exprimentium, fatigati sunt, et, excedere curia iussi, magnum certamen praebuere. Plus ira, quam misericordia, in causa eorum valebat; quia non ut hostibus modo, sed tamquam indomitae et insociabili genti, succensebant. Per aliquot dies quum certatum esset, postremo neque dari, neque negari pacem placuit. duae conditiones eis latae sunt: vel senatui liberum arbitrium de se permitterent; vel mille talentum darent, eosdemque amicos atque inimicos haberent. Exprimere cupientibus, quarum rerum in se arbitrium senatui permitterent, nihil certi responsum est. ita infecta pace dimissi, urbe eodem die, Italia intra quindecim dies excedere iussi. Tum de consulum provinciis coeptum est agi. Ambo Graeciam cupiebant. Multum Laelius in senatu poterat. is, quum senatus aut sortiri, aut comparare inter se provincias consules iussisset, elegantius facturos dixit, si iudicio Patrum, quam si sorti, eam rem permisissent. Scipio, responso ad hoc dato, *cogitaturum, quid sibi faciendum esset*, cum fratre uno locutus, iussusque ab eo permittere audacter senatui, renunciat collegae, *facturum se, quod is censeret*. Quum res, aut nova, aut vetustate exemplorum memoriae iam exoletae, relata expectatione certaminis senatum erexisset, P. Scipio Africanus dixit, *Si L. Scipioni fratri suo provinciam Graeciam* ^{a)} *decrevisset, se legatum iturum*. Haec vox, magno adsensu audita, sustulit certamen. Experiri libebat, utrum plus regi Antiocho in Hannibale victo, an in victore Africano consuli legionibusque Ro-

a) Graeciam del. Crev.

manis, auxilii foret: ac prope omnes Scipioni Graeciam, Laelio Italiam decreverunt.

U. c. 562.
a. C. 190.

II. Praetores inde provincias sortiti sunt ^{b)}, L. Aurunculeius urbanam, Cn. Fulvius peregrinam, L. Aemilius Regillus classem, P. Iunius Brutus Tuscos, M. Tuccius Apuliam et Bruttios, C. Atinius Siciliam. Consuli deinde, cui Graecia provincia decreta erat, ad eum exercitum, quem a M. Acilio (duae autem legiones erant) accepturus esset, in supplementum addita peditum civium Romanorum tria millia, equites centum, et socium Latini nominis quinque millia, equites ducenti: et adiectum, ut, quum in provinciam venisset, si e republica videretur esse, exercitum in Asiam traiceret. Alteri consuli totus novus exercitus decretus; duae legiones Romanae, et socium Latini nominis quindecim millia peditum, equites sexcenti. Exercitum ex Liguribus Q. Minucius (iam enim confectam provinciam scripserat, et Ligurum omne nomen in deditionem venisse) traducere in Boios, et P. Cornelio proconsuli tradere, iussus. Ex agro, quo victos bello multaverat Boios, deducendae ^{c)} urbanae legiones, quae priore anno conscriptae erant, M. Tuccio praetori datae, et socium ac ^{d)} Latini nominis peditum quindecim millia, equites sexcenti, ad Apuliam Bruttiosque obtinendos. A. Cornelio superioris anni praetori, qui Bruttios cum exercitu obtinuerat, imperatum, si ita consuli videretur, ut legiones in Aetoliam traiectas M. Acilio traderet, si is manere ibi vellet, si Acilius redire Romanam mallet, ut A. Cornelius cum eo exercitu in Aetolia remaneret. C. Atinium Labeonem provinciam Siciliam exercitumque a M. Aemilio accipere placuit, et in supplementum scribere ex ipsa provincia, si vellet, peditum duo millia, et centum equites. P. Iunius Brutus in Tuscos exercitum novum, legionem

b) sunt del. Gron. Crev. c.
Drak.

c) deductae Eaed. c. Drak.
d) ac del. Gron. Crev.

U. c. 562. unam Romanam, et decem millia socium ac^{e)} Latini
 a. C. 190. nominis scribere, et quadringentos equites; L. Aemilius, cui provincia maritima erat, viginti naves longas, et socios navales a M. Iunio praetore superioris anni accipere iussus, et scribere ipse mille navales socios, duo millia peditum: cum iis navibus militibusque in Asiam proficisci, et classem a C. Livio accipere. Duas Hispanias Sardiniamque obtinentibus prorogatum in annum imperium est, et iidem exercitus decreti. Siciliae Sardiniaeque binae eo anno decumae frumenti imperatae: Siculum omne frumentum in Aetoliam ad exercitum portari iussum: ex Sardinia pars Romam, pars in Aetoliam, eodem quo Siculum.

III. Priusquam consules in provincias proficerentur, prodigia per pontifices procurari placuit. Romae Iunonis Lucinae templum de coelo tactum erat, ita ut fastigium valvaeque deformarentur. Puteolis pluribus locis murus et porta fulmine icta, et duo homines exanimati. Nursiae sereno satis constabat nimbum ortum: ibi quoque duos liberos homines exanimatos. Terra apud se pluuisse Tusculani nunciabant; et Reatini mulam in agro suo peperisse. Ea procurata, Latinaeque instauratae; quod Laurentibus carnis, quae dari debet, data non fuerat. Supplicatio quoque earum religionum caussa fuit. quibus^{f)} Diis decemviri ex libris ut^{g)} fieret, ediderunt. Decem ingenui, decem virgines, patrimi omnes matrimique, ad id sacrificium adhibiti: et decemviri nocte lactentibus rem divinam fecerunt. P. Cornelius Scipio Africanus, priusquam proficisceretur, fornicem in Capitolio adversus viam, qua in Capitolium escenditur^{h)}, cum signis septem auratis, et duobus equis, et marmorea duo labra ante fornicem posuit. Per eosdem dies principes Aetolorum tres et quadraginta, inter quos Da-

e) ac del. Eaed.

f) fuit, quibus Drak.

g) ut del. Gron. Crev.

h) ascenditur Eaed. c. Drak.

mocritus et frater eius erant, ab duabus cohortibus, U. c. 562.
missis a M'. Acilio, Romam deducti, et in Lautumias^{a. C. 190.}
coniecti sunt. cohortes inde ad exercitum redire, L.
Cornelius consul iussit. Legati a Ptolemaeo et Cleo-
patra, regibus Aegypti, gratulantes quod M'. Acilius
consul Antiochum regem Graecia expulisset, vene-
runt: adhortantesque, ut in Asiam exercitum tra-
iicerentⁱ⁾, *omnia perculsa metu non in Asia modo, sed
etiam in Syria, esse; reges Aegypti ad ea, quae censuis-
set senatus, paratos fore.* Gratiae regibus actae: le-
gatis munera dari iussa, in singulos quaternum mil-
lium aeris.

IV. L. Cornelius consul, peractis, quae Romae
agenda erant, pro concione edixit, ut milites, quos
ipse in supplementum scripsisset, quique in Bruttis
cum A. Cornelio propraetore essent, ut hi omnes Idi-
bus Quinctilibus Brundisium convenirent. Item tres
legatos nominavit, Sex. Digitium, L. Apustium, C.
Fabricium Luscium, qui ex ora maritima undique
naves Brundisium contraherent: et, omnibus iam pa-
ratis, paludatus ab urbe est profectus. Ad quinque
millia voluntariorum ex Romanis sociisque, qui eme-
rita stipendia sub imperatore P. Africano habebant,
praesto fuere exeunti consuli, et nomina dederunt.
Per eos dies, quibus est profectus ad bellum consul,
Iudis Apollinaribus, ante diem quintum Idus Quin-
ctiles, coelo sereno interdiu obscurata lux est, quum
luna sub orbem solis subisset. Et L. Aemilius Re-
gillus, cui navalis provincia evenerat, eodem tem-
pore profectus est. L. Aurunculeio negotium ab se-
natu datum est, ut triginta quinquereemes, viginti
triremes faceret; quia fama erat, Antiochum post proe-
lium navale maiorem classem aliquanto reparare. Ae-
toli, postquam^{k)} legati ab Roma retulerunt, nullam
spem pacis esse, quamquam omnis ora maritima eo-

i) traduceret Gron. Crev.

k) priusquam Gron.

U. c. 562. rum, quae in Peloponnesum versa est, depopulata
 a. C. 190. ab Achaeis erat, periculi magis, quam damni, me-
 mores, ut Romanis intercluderent iter, Coracem mon-
 tem occupaverunt. neque enim dubitabant, ad ob-
 pugnationem Naupacti eos principio veris redituros
 esse. Acilio, qui id exspectari sciebat, satius visum
 est, inopinatam adgredi rem, et Lamiam obpugnare.
 Nam et a Philippo prope ad excidium adductos esse;
 et tunc eo ipso, quod nihil tale timerent, obprimi
 incautos posse. Profectus ab Elatia primum in ho-
 stium terra circa Spercheum ^{l)} amnem posuit castra:
 inde nocte motis signis, prima luce corona moenia est
 adgressus.

V. Magnus pavor ac tumultus, ut in re inprovisa,
 fuit. constantius tamen, quam quis facturos crederet,
 in tam subito periculo, quum viri propugnarent, fe-
 minae tela omnis generis saxaque in muros gererent,
 iam ^{m)} multifariam scalis adpositis, urbem eo die de-
 fenderunt. Acilius, signo receptui dato, suos in ca-
 stra medio ferme die reduxit: et tunc cibo et quiete
 refectis corporibus, priusquam praetorium dimitteret,
 denunciavit, *ut ante lucem armati paratique essent. nisi*
expugnata urbe, se eos in castra non reducturum. Eo-
 dem tempore, quo pridie, pluribus locis adgressus,
 quum oppidanos iam vires, iam tela, iam ante omnia
 animus deficeret, intra paucas horas urbem cepit. Ibi,
 partim divendita, partim divisa praeda, consilium
 habitum, quid deinde faceret. Nemini ad Naupactum
 iri placuit, occupato ad Coracem ab Aetolis saltu. ne
 tamen segnia aestiva essent, et Aetoli non inpetra-
 tam pacem ab senatu nihilominus per suam cuncta-
 tionem haberent, obpugnare Acilius Amphissam sta-
 tuit. ab Heraclea per Oetam exercitus eo ductus.
 Quum ad moenia castra posuisset, non corona, sicut
 Lamiam, sed operibus obpugnare urbem est adortus.

l) *Sperchium* Gron. Crev. c.
 Drak.

m) *iam* del. Gron. Crev.

Pluribus simul locis aries admovebatur; et quum qua-^{U. c. 562.}
terentur muri, nihil adversus tale machinationis^{n) a. C. 190.}
genus parare, aut comminisci oppidani conabantur.
omnis spes in armis et audacia erat. eruptionibus^{o)}
crebris et stationes hostium, et eos ipsos, qui circa
opera et machinas erant, turbabant.

VI. Multis tamen locis murus decussus erat, quum
adlatum est, successorem, Apolloniae exposito ex-
ercitu, per Epirum ac Thessaliam venire. Cum tre-
decim millibus peditum et quingentis equitibus consul
veniebat. Iam in sinum Maliacum venerat: et prae-
missis Hypatam, qui tradere urbem iuberent, post-
quam responsum est, nihil, nisi ex communi Aeto-
lorum decreto, facturos; ne teneret se obpugnatio
Hypatae, nondum Amphissa recepta, praemisso fra-
tre Africano, Amphissam ducit. Sub adventum eo-
rum oppidani, relicta urbe, (iam enim magna ex parte
nudata moenibus erat) in arcem, quam inexpugnabi-
lem habent, omnes armati atque inermes concessere.
Consul sex millia ferme passuum inde posuit castra.
eo legati Athenienses primum ad P. Scipionem, prae-
gressum agmen, (sicut ante dictum est) deinde ad
consulem venerunt, deprecantes pro Aetolis. Cle-
mentius responsum ab Africano tulerunt: qui, caus-
sam relinquendi honeste Aetolici belli quaerens, Asiam
et regem Antiochum spectabat, iusseratque Athe-
nienses, non Romanis solum, ut pacem bello prae-
ferrent, sed etiam Aetolis persuadere. Celeriter, au-
ctoribus Atheniensibus, frequens ab Hypata legatio
Aetolorum venit: et spem pacis eis sermo etiam Afri-
cani, quem priorem adierunt, auxit, commemoran-
tis, *multas gentes populosque in Hispania prius, deinde
in Africa, in fidem suam venisse. in omnibus se maiora
clementiae benignitatisque, quam virtutis bellicae, mo-
numenta reliquisse.* Perfecta videbatur res, quum adi-

n) oppugnationis Crev.

n) erat, eruptionibusque Gron.
Crev.

U. c. 562. tus consul idem illud responsum retulit, quo fugati
a. C. 190. ab senatu fuerant. Eo tamquam novo, quum icti Aetoli essent, (nihil enim nec legatione Atheniensium, nec placido Africani responso profectum videbant) referre ad suos dixerunt velle.

VII. Reditum inde Hypatam est, nec consilium expediebatur. nam neque, unde mille talentum daretur, erat; et, permissio libero arbitrio, ne in corpora sua saeviretur, metuebant. Redire itaque eosdem legatos ad consulem et Africanum iusserunt, et petere, ut, si dare vere pacem, non tantum ostendere, frustrantes spem miserorum, vellent, aut ex summa pecuniae demerent, aut permissionem extra civium corpora fieri iuberent. Nihil inpetratum, ut mutaret consul: et ea quoque irrita legatio dimissa est. Secuti et Athenienses sunt: et princeps legationis eorum Echedemus fatigatos tot repulsis Aetolos, et complorantes inutili lamentatione fortunam gentis, ad spem revocavit; auctor inducias sex mensium petendi, ut legatos Romam mittere possent. *Dilationem nihil ad praesentia mala, quippe quae ultima essent, adiecturam, levare per multos casus, tempore interposito, praesentes clades posse.* Auctore Echedemo iidem missi, prius P. Scipione convento, per eum inducias temporis eius, quod petebant, a consule inpetraverunt: et, soluta obsidione Amphissae, M. Acilius, tradito consuli exercitu, provincia decessit: et consul ab Amphissa Thessaliam repetit, ut per Macedoniam Thraciamque duceret in Asiam. Tum Africanus fratri, *Iter, quod insistis, L. Scipio, ego quoque adprobo: sed totum id vertitur in voluntate Philippi. Qui, si imperio nostro fidus est, et iter, et commeatus, et omnia, quae in longo itinere exercitus alunt iuvantque, nobis suppeditabit. si is destituat, nihil per Thraciam satis tutum habebis. Itaque prius regis animum explorari placet. optime explorabitur, si nihil ex praeparato agentem obprimet, qui mittetur.*

Ti. Sempronius Gracchus, longe tum acerrimus iuvenum ad id delectus, per dispositos equos prope incredibili celertate ab Amphissa (inde enim est dimissus) die tertio Pellam pervenit. In convivio rex erat, et in multum vini processerat: ea ipsa remissio animi suspicionem demisit, novare eum quidquam velle. Et tum quidem comiter acceptus hospes. postero die commeatus exercitui paratos benigne, pontes in fluminibus factos, vias, ubi transitus^{p)} difficiles erant, munitas vidit. Haec referens eadem, qua ierat, celeritate Thaumacis occurrit consuli. Inde certiore et maiore spe laetus exercitus ad praeparata omnia in Macedoniam pervenit. Venientes regio adparatu et^{q)} accepit, et prosecutus est rex. Multa in eo et dexteritas, et humanitas visa, quae commendabilia apud Africanum erant; virum sicut ad cetera egregium, ita a comitate, quae sine luxuria esset, non aversum. Inde non per Macedoniam modo, sed etiam Thraciam, prosequente et praeparante omnia Philippo, ad Hellespontum perventum est.

VIII. Antiochus post navalem ad Corycum pugnam, quum totam hiemem liberam in adparatus terrestres maritimosque habuisset, classi maxime reparandae, ne tota maris possessione pelleretur, intentus fuerat. Subcurrebat, *Superatum se, quum classis abfuisset Rhodiorum. quod si ea quoque (nec commissuros Rhodios, ut iterum morarentur) certamini adesset, magno sibi navium numero opus fore, ut viribus et magnitudine classem hostium aequaret.* Itaque et Hannibalem in Syriam miserat ad Phoenicum arcessendas naves, et Polyxenidam, quo minus prospere gesta res erat, eo enixius et eas, quae erant, reficere, et alias parare naves iussit. Ipse in Phrygia hibernavit, undique auxilia arcessens: etiam in Gallograeciam miserat. Bellicosiores ea tempestate erant,

p) *transitu* Grön. Crev. . . . q) *et del.* Eaed.

U. c. 562. Gallicos adhuc, nondum exsoleta stirpe gentis, ser-
 a. C. 190. vantes animos. Filium Seleucum in Aeolide reli-
 querat cum exercitu ad maritimas continendas urbes:
 quas illinc a Pergamo Eumenes, hinc a Phocaea Ery-
 thrisque Romani sollicitabant. Classis Romana, sicut
 ante dictum est, ad Canas hibernabat. Eo media
 ferme hieme rex Eumenes cum duobus millibus pedi-
 tum, equitibus centum, venit. Is, quum magnam
 praedam agi posse dixisset ex hostium agro, qui circa
 Thyatira esset, hortando perpulit Livium, ut quinque
 millia militum secum mitteret. missi ingentem prae-
 dam intra paucos dies averterunt.

IX. Inter haec Phocaeae seditio orta, quibusdam
 ad Antiochum multitudinis animos avocantibus. Gra-
 via hiberna navium erant; grave tributum, quod to-
 gae quingentae imperatae erant, cum quingentis tu-
 nica; gravis etiam inopia frumenti, propter quam
 naves quoque et praesidium Romanum excessit. tum
 vero liberata metu factio erat, quae plebem in con-
 cionibus ad Antiochum trahebat. Senatus et opti-
 mates in Romana societate perstandum censebant.
 defectionis auctores plus apud multitudinem value-
 runt. Rhodii, quo magis cessatum priore aestate
 erat, eo maturius aequinoctio verno eundem Pausi-
 stratum classis praefectum cum sex et triginta navi-
 bus miserunt. Iam Livius a Canis cum triginta navi-
 bus et septem quadriremibus, quas secum Eumenes
 rex adduxerat, Hellespontum petebat; ut ad transi-
 tum exercitus, quem terra venturum opinabatur,
 praepararet, quae opus essent. In portum, quem
 vocant Achaeorum, classem primum advertit. inde
 Ilium descendit^{r)}, sacrificioque Minervae facto, lega-
 tiones finitimas ab Elaeunte, et Dardano, et Rhoeteo,
 tradentes in fidem civitates suas, benigne audivit. In-
 de ad Hellesponti fauces navigat; et, decem navibus

r) *adscendit* Gron. Crev. c. Drak.

in statione contra Abydum relictis, cetera classe in U. c. 562. Europam ad Sestum^{s)} obpugnandam traiecit. Iam^a. C. 190. subeuntibus armatis muros fanatici Galli primum cum sollemni habitu ante portam obcurrunt. Iussu se matris Deum famulos Deae venire memorant, ad precandum Romanum, ut parceret moenibus urbiq̃ue. Nemo eorum violatus est: mox universus senatus cum magistratibus ad dedendam urbem processit. Inde Abydum traiecta classis. ubi quum, tentatis per conloquia animis, nihil pacati responderetur, ad obpugnationem sese expediebant.

X. Dum haec in Hellesponto geruntur, Polyxenidas regius praefectus, (erat autem exsul Rhodius) quum audisset, profectam ab domo popularium suorum classem; et Pausistratum praefectum superbe quaedam et contentim in se concionantem^{t)} dixisse, praecipuo certamine animi adversus eum sumto, nihil aliud dies noctesque agitabat animo, quam ut verba magnifica eius rebus confutaret. Mittit ad eum hominem et illi notum, qui diceret, *Et se Pausistrato patriaeque suae magno usui, si liceat, fore; et a Pausistrato se restitui in patriam posse.* Quum, quoniam modo ea fieri possent, mirabundus Pausistratus percunctaretur, fidem petenti dedit agenda communitate rei, aut silentio tegenda. Tum internuncius, *regiam classem aut totam, aut maiorem eius partem, Polyxenidam traditurum ei. pretium tanti meriti nullum aliud pacisci, quam reditum in patriam.* Magnitudo rei, nec ut crederet, nec ut adspiceretur dicta, effecit. Panormum Samiae terrae petit: ibique ad explorandam rem, quae oblata erat, substitit^{u)}. Ul- tro citroque nuncii cursare: nec fides ante Pausistrato facta est, quam coram nuncio eius Polyxenidas sua manu scripsit, *se ea, quae pollicitus esset, facturum,* signoque suo impressas tabellas misit. Eo vero pig-

s) Seston Gron. Crev.

u) subsistit Gron. Crev.

t) concionatum Eaed.

U. c. 562. nore velut auctoratum sibi proditorem ratus est. Ne-
 a. C. 190. que enim eum, qui sub rege viveret, commissurum
 fuisse, ut adversus semet ipsum indicia manu sua te-
 stata daret. inde ratio simulatae proditionis composi-
 ta, *Omnium*^{x)} *se rerum adparatum omissurum*, Poly-
 xenidas dicere; *non remigem, non socios navales ad clas-*
sem frequentes habiturum: subducturum per simulatio-
nem reficiendi quasdam naves, alias in propinquos por-
tus dimissurum: paucas ante portum Ephesi in salo
habiturum; quas, si exire res cogeret, obiecturus cer-
tamini foret. Quam negligentiam Polyxenidam in
 classe sua habiturum Pausistratus audivit, eam ipse
 extemplo habuit. partem navium ad commeatus ar-
 cessendos Halicarnassum, partem Samum ad urbem
 misit: ut paratus esset, quum signum adgrediendi a
 proditore accepisset. Polyxenidas augere simulando
 errorem; subducit quasdam naves, alias velut sub-
 ducturus esset, navalia reficit: remiges ex hibernis
 non Ephesum arcessit, sed Magnesiam occulte cogit.

XI. Forte quidam Antiochi miles, quum Samum
 rei privatae causa venisset, pro speculatore depre-
 hensus^{y)} deducitur Panormum ad praefectum. is per-
 cunctanti, quid Ephesi ageretur, incertum metu, an
 erga suos haud sincera fide, omnia aperit: classem
 instructam paratamque in portu stare: remigium
 omne Magnesiam ad Sipylum missum: perpau-
 cas naves subductas esse, et navalia tegi: numquam
 intentius rem navalem administratam esse. Haec ne
 pro veris audirentur, animus errore et spe vana prae-
 occupatus fecit. Polyxenidas, satis omnibus compa-
 ratis, nocte remige a Magnesia arcessito, deductisque
 raptim, quae subductae erant, navibus, quum diem
 non tam in adparatu absumsisset, quam quod conspi-
 ci proficiscentem classem nolebat; post solis occasum
 profectus septuaginta navibus tectis, vento adverso,

x) omnem Gron. Grev., y) comprehensus Eaed

ante lucem Pygela portum tenuit. ubi quum interdiu U. c. 562.
 ob eandem causam quiesset, nocte in proxima Samiae^a. C. 130.
 terrae traiecit. Hinc Nicandro quodam archipirata quin-
 que^z) navibus tectis Palinurum iusso petere, atque in-
 de armatos, qua proximum per agros iter esset, Panor-
 mum ad tergum hostium ducere, ipse interim, classe
 divisa, ut ex utraque parte fauces portus teneret, Pa-
 normum petit. Pausistratus primo, ut in re necopi-
 nata, turbatus parumper, deinde vetus miles, cele-
 riter conlecto animo, terra melius arceri, quam mari,
 hostes posse ratus, armatos duobus agminibus ad
 promontoria, quae cornibus obiectis ab alto portum
 faciunt, ducit: inde facile telis ancipitibus hostem
 submoturus. id inceptum eius Nicander a terra visus^a)
 quum turbasset, repente mutato consilio, naves con-
 scendere omnes iubet. Tum vero ingens pariter militum
 nautarumque trepidatio orta, et velut^b) fuga in naves
 fieri, quum se mari terraque simul cernerent circum-
 ventos. Pausistratus, unam viam salutis esse ratus,
 si vim facere per fauces portus, atque erumpere in
 mare apertum posset, postquam conscendisse suos
 vidit, sequi ceteris iussis, ipse princeps concitata
 nave remis ad ostium portus tendit. Superantem iam
 fauces navem eius Polyxenidas tribus quinquere-
 mibus circumstitt. Navis rostris icta subprimitur: telis ob-
 ruuntur propugnatores: inter quos et Pausistratus
 inpigre pugnans interficitur. Navium reliquarum an-
 te portum aliae, aliae in portu deprehensae, quae-
 dam a Nicandro, dum moliuntur a terra, captae.
 quinque tantum Rhodiae naves cum duabus Cois effu-
 gerunt, terrore flammae micantis via sibi inter con-
 fertas naves facta. contis enim binis a prora prominen-
 tibus trullis ferreis multum conceptum ignem prae se
 portabant. Erythraeae triremes, quum haud procul a
 Samo Rhodiis navibus, quibus ut essent praesidio,

z) cum quinque Gron. Crev. b) veluti Gron. Crev

a) missus Gron.

U. c. 562. veniebant, obviae fugientibus fuissent, in Hellespont-
a, C. 190. tum ad Romanos cursum averterunt. Sub idem tem-
pus Seleucus proditam Phocaeam, porta una per cu-
stodes aperta, recepit; et Cyme aliaeque eiusdem
orae urbes ad eum metu defecerunt.

XII. Dum haec in Aeolide geruntur, Abydus
quum per aliquot dies obsidionem tolerasset, praesi-
dio regio tutante moenia, iam omnibus fessis, Philo-
ta quoque praefecto praesidii permittente, magistra-
tus eorum cum Livio de conditionibus tradendae ur-
bis agebant. rem distinebat, quod, utrum armati, an
inermes, emitterentur regii, parum conveniebat. Haec
agentibus quum intervenisset nuncius Rhodiorum
cladis, emissa de manibus res est. metuens enim Li-
vius, ne successu tantae rei elatus^{c)} Polyxénidas
classem, quae ad Canas erat, obprimeret, Abydi
obsidione custodiaque Hellesponti extemplo relicta,
naves, quae subductae Canis erant, deduxit. Et
Eumenes Elaeam venit. Livius omni classe, cui adiun-
xerat triremes duas Mitylenaeas, Phocaeam petit. quam
quum teneri valido regio praesidio audisset, nec pro-
cul Selenci castra esse; depopulatus maritimam oram,
et praeda maxime hominum raptim in naves inposita,
tantum moratus, dum Eumenes cum classe adseque-
retur, Samum petere intendit. Rhodiis primo audi-
ta clades simul pavorem, simul luctum ingentem fe-
cit. nam, praeter navium militumque iacturam, quod
floris, quod roboris in iuventute fuerat, amiserant;
multis nobilibus secutis inter cetera auctoritatem
Pausistrati, quae inter suos merito maxima erat, de-
inde, quod fraude capti, quod a cive potissimum suo
forent, in iram luctus vertit. Decem extemplo naves,
et diebus post paucis decem alias, praefecto omnium
Eudamo, miserunt: quem, aliis virtutibus bellicis
haudquaquam Pausistrato parem, cautiorem, quo

c) *inflatus* Gron. Grev.

minus animi erat, ducem futurum credebant. Ro- U. c. 562.
 mani et Eumenes rex in Erythraeam primum classem A. C. 190.
 adplicuerunt^{d)}. ibi noctem unam morati, postero die
 Corycum Teiorum promontorium tenuerunt. inde
 quum in proxima Samiae vellent traicere, non ex-
 spectato solis ortu, ex quo statum coeli notare guberna-
 tores possent, in incertam tempestatem miserunt. Me-
 dio in cursu, aquilone in septentrionem verso, exas-
 perato fluctibus mari iactari coeperunt.

XIII. Polyxenidas, Samum petitueros ratus ho-
 stes, ut se Rhodiae classi coniungerent, ab Epheso
 profectus, primo ad Myonnesum stetit: inde ad Ma-
 crin (quam vocant) insulam traiecit, ut praeterve-
 hentis classis si quas aberrantes ex agmine naves
 posset, aut postremum agmen opportune adoriretur.
 Postquam sparsam tempestate classem vidit, occasio-
 nem primo adgrediendi ratus, paullo post increbres-
 cente vento, et maiores iam volvente fluctus, quia
 pervenire se ad eos videbat non posse, ad Aethaliam
 insulam traiecit, ut inde postero die Samum ex alto
 petentes naves adgrederetur. Romani, pars exigua,
 primis tenebris portum Samiae desertum tenuerunt:
 classis cetera, noctem totam in alto iactata, in eum-
 dem portum decurrit. Ibi ex agrestibus cognito, ho-
 stium naves ad Aethaliam stare, consilium habitum,
 utrum extemplo decernerent, an Rhodiam expecta-
 rent classem. dilata re, (ita enim placuit) Corycum,
 unde venerant, traiecerunt. Polyxenidas quoque,
 quum frustra stetisset, Ephesum rediit. Tum Ro-
 manae naves vacuo ab hostibus mari Samum traiece-
 runt. Eodem et Rhodia classis post dies paucos ve-
 nit. quam ut expectatam esse adpareret, profecti ex-
 templo sunt Ephesum, ut aut decernerent navali cer-
 tamine, aut, si detrectaret hostis pugnam, (quod
 plurimum intererat ad animos civitatum) timoris con-

d) applicaverunt Gron. Crev.

U. c. 562. fessionem exprimerent. Contra fauces portus in-
 a. C. 190. structa in frontem navium acie steteret. postquam ne-
 mo adversus ibat, classe divisa, pars in salo ad osti-
 um portus in anchoris stetit; pars in terram milites
 exposuit. In eos, iam ingentem praedam late depo-
 pulato agro agentes, Andronicus Macedo, qui in
 praesidio Ephesi erat, iam moenibus adpropinquantes
 eruptionem fecit, exutosque magna parte praedae ad
 mare ac naves redegit. Postero die, insidiis medio
 ferme viae positis, ad eliciendum extra moenia Macedo-
 nem, Romani ad urbem agmine iere: inde, quum ea
 ipsa suspicio, ne quis exiret, deterruisset, redierunt ad
 naves: et, terramarique fugientibus certamen hostibus,
 Samum, unde venerat, classis repetit. inde duas soci-
 orum ex Italia, duas Rhodias triremes cum praefecto
 Epicrate Rhodio^{e)} ad fretum Cephalleniae tuendum
 praetor misit. Infestum id latrocinio Lacedaemonius
 Hybristas cum iuventute Cephallenum faciebat: clau-
 sumque iam mare commeatibus Italicis erat.

XIV. Piraei L. Aemilio Regillo, succedenti ad
 navale imperium, Epicrates obcurrit. qui, audita cla-
 de Rhodiorum, quum ipse duas tantum quinquere-
 mes haberet, Epicratem cum quatuor navibus in Asiam
 secum reduxit. prosecutae etiam apertae Athenien-
 ium naves sunt. Aegaeo mari traiecit. Eodem Ti-
 masicrates Rhodius cum duabus quadriremibus ab Sa-
 mo nocte intempesta venit: deductusque ad Aemili-
 um, praesidii causa se missum, ait, quod eam oram
 maris infestam onerariis regiae naves excursionibus
 crebris ab Hellesponto atque Abydo facerent. Traii-
 cienti Aemilio a Chio Samum duae Rhodiae quadri-
 remes missae obviam ab Livio, et rex Eumenes cum
 duabus quinquere-
 mibus obcurrit. Samum postquam
 ventum est, accepta ab^{f)} Livio classe, et sacrificio,
 ut adsolet, rite facto, Aemilius consilium^{g)} advoca-

e) Rhodiorum Gron. Crev. c.
 Drak.

f) a Gron. Crev. c. Drak.

g) consilium Gron.

vit. Ibi C. Livius, (is enim est primus rogatus sen- U. c. 562.
tentiam) *Neminem fidelius dare posse consilium, dixit,* a. C. 190.
quam eum, qui id alteri suaderet, quod ipse, si in eo-
dem loco esset, facturus fuerit. Se in animo habuisse,
tota classe Ephesum petere, et onerarias ducere multa
saburra gravatas, atque eas in faucibus portus subpri-
mere. et eo minoris molimenti ea claustra esse, quod,
in fluminis modum, longum, et angustum, et vadosum
ostium portus sit. Ita ademturum se maris usum hosti-
bus fuisse, inutilemque classem facturum.

XV. Nulli ea placere sententia. Eumenes rex
quaesivit, *Quid tandem? ubi demersis navibus frenas-*
sent claustra maris, utrum libera sua classe abscessuri
inde forent ad opem ferendam sociis, terroremque ho-
stibus praebendum? an nihilominus tota classe portum
obsessuri? Sive enim abscedant, cui dubium esse, quin
hostes extracturi demersas moles sint, et minore moli-
mento aperturi portum, quam obstruatur? Sin autem
manendum ibi nihilominus sit, quid adtinere, claudere
portum? Quin contra, illos, tutissimo portu, opulen-
tissima urbe fruantes, omnia Asia praebente, quieta ge-
stiva acturos: Romanos, aperto in mari fluctibus tempe-
statibusque obiectos, omnium inopes, in adsidua statione
futuros: ipsos magis adligatos inpeditosque, ne quid
eorum, quae agenda sint, possint agere, quam ut hostes
clausos habeant. Eudamus, praefectus Rhodiae clas-
sis, magis eam sibi displicere sententiam ostendit,
quam ipse, quid censeret faciendum, dixit. Epicrates
Rhodius, Omissa in praesentia Epheso, mittendam na-
vium partem in Lyciam, censuit, et Patara, caput
gentis, in societatem adiungenda. in duas res magnas
id usui fore: et Rhodios, pacatis contra insulam suam
terris, totis viribus incumbere in unius belli, quod ad-
versus Antiochum sit, curam posse: et eam classem,
quae in Lycia compararetur, intercludi, ne Polyxen-
iae coniungatur. Haec maxime movit sententia. pla-

U. c. 562. cū tamen, Regillum tota classe evehi ad portum
a. C. 190. Ephesi, ad inferendum hostibus terrorem.

XVI. C. Livius cū duabus quinquereuib; Romanis, et quatuor quadriremibus Rhodiis, et duabus apertis Smyrnaeis, in Lyciam est missus, Rhodum prius iussus adire, et omnia cum iis communicare consilia. Civitates, quas praetervectus est, Miletus, Myn-
dus, Halicarnassus, Cous, Cnidus^{b)}, imperata enixe fecerunt. Rhodum ut est ventum, simul et, ad quam rem missus esset, iis exposuit, et consuluit eos. Adprobantibus cunctis, et ad eam, quam habebat, classem adsumtis tribus quadriremibus, navigat Patara. Primo secundus ventus ad ipsam urbem ferebat eos; sperabantque, subito terrore aliquid moturos. postquam, circumagente se vento, fluctibus dubiis volvi coeptum est mare, pervicerunt quidem remis, ut tenerent terram: sed neque circa urbem tuta statio erat, nec ante ostiumⁱ⁾ portus in salo stare poterant, aspero mari, et nocte imminente. Praetervecti moenia portum Phoenicunta, minus duum millium spatio inde distantem, petiere, navibus ab^{k)} maritima vitutum: sed altae insuper imminebant rupes^{l)}, quas celeriter oppidani, adsumtis regiis militibus, quos in praesidio habebant, ceperunt. adversus quos Livius, quamquam erant iniqua ac difficilia ad exitus loca, Issaeos auxiliares et Smyrnaeorum expeditos iuvenes misit. Ii, dum missilibus primo et adversus paucos levibus excursionibus lacessebatur magis, quam conserebatur, pugna, sustinuerunt certamen: postquam plures ab urbe adfluebant, et iam omnis multitudo effundebatur, timor incessit Livium, ne et auxiliares circumvenirentur, et navibus etiam ab terra periculum esset: ita non milites solum, sed etiam navales socios, remigum turbam, quibus quisque po-

b) Cnidus, Cous Gron. Crev.
c. Drak.

i) hostium Eaed, c. Drak.

k) a Gron. Crev.

l) altae rupes insuper imminebant Eaed. c. Drak.

terat telis, armatos in proelium eduxit. Tum quoque U. c. 562.
 anceps pugna fuit; neque milites solum aliquot, sed A. C. 190.
 L. Apustius tumultuario proelio cecidit. postremo ta-
 men fusi fugatique sunt Lycii, atque in urbem com-
 pulsi: et Romani cum haud incruenta victoria ad na-
 ves redierunt. Inde in Telmessicum^{m)} profecti sinum,
 qui latere uno Cariam, altero Lyciam contingit; omis-
 so conatu Patara amplius tentandiⁿ⁾, Rhodii domum
 dimissi sunt. Livius, praetervectus Asiam, in Grae-
 ciam transmisit, ut, conventis Scipionibus, qui tum
 circa Thessaliam erant, in Italiam traiceret.

XVII. Aemilius, postquam omissas in Lycia res,
 et Livium profectum in Italiam cognovit, quum ipse
 ab Epheso, repulsus tempestate, irritum incepto Sa-
 mum revertisset, turpe ratus, tentata frustra Patara
 esse, proficisci eo tota classe, et summa vi adgredi
 urbem statuit. Miletum et ceteram oram socio-
 rum praetervecti, in Bargylético^{o)} sinu exscen-
 sionem ad Iassum fecerunt. Urbem regium tene-
 bat praesidium: agrum circa Romani hostiliter depopu-
 lati sunt. Missis deinde, qui per colloquia prin-
 cipum et magistratum tentarent animos, postquam
 nihil in potestate sua responderunt esse, ad urbem
 obpugnandam ducit. Erant Iassensium exsules cum
 Romanis; ii frequentes Rhodios orare institerunt,
*Ne urbem, et vicinam sibi, et cognatam, innoxiam pe-
 rire sinerent. Sibi exsilii nullam aliam causam esse,
 quam fidem erga Romanos. Eadem vi regionum, qua
 ipsi pulsi sint, teneri eos, qui in urbe maneant, omni-
 um Iassensium unam mentem esse, ut servitutem regiam
 effugerent.* Rhodii, moti precibus, Eumene etiam
 rege adsumto, simul suas necessitudines commemo-
 rando, simul obsessae regio praesidio urbis casum^{p)}

m) Thelmessicum Gron. Tel-
 messicum Crev.

n) omissa Patara amplius ten.

tandi spe Gron. Crev. c.
 Drak,

o) Bargylético Crev.

p) causam Gron.

U. c. 562. miserando, pervicerunt, ut obpugnatione absisteretur. Profecti inde, pacatis ceteris, quum oram Asiae legerent, Loryma (portus adversus Rhodum est) pervenerunt. Ibi in principiis sermo primo inter tribunos militum secretus oritur, deinde ad aures ipsius Aemilii pervenit, abduci classem ab Epheso, ab suo bello: ut ab tergo liber relictus hostis in tot propinqua sociorum urbes omnia inpune conari posset. Movere ea Aemilium: vocatosque Rhodios quum percunctatus esset, utrumnam Pataris universa classis in portu stare posset, quum respondissent, non posse; causam nactus omittendae rei, Samum reduxit^{q)} naves.

XVIII. Per idem tempus Seleucus, Antiochi filius, quum per omne hibernorum tempus exercitum in Aeolide continuisset, partim sociis ferendo opem, partim, quos in societatem perlicere non poterat, depopulandis, transire in fines regni Eumenis, dum is procul ab domo cum Romanis et Rhodiis Lyciae maritima obpugnaret, statuit. Ad Elaeam primo infestis signis accessit: deinde, omissa obpugnatione urbis, agros hostiliter depopulatus, ad caput arcemque regni Pergamum ducit obpugnandum^{r)}. Attalus primo, stationibus ante urbem positis, et excursionibus equitum levisque armaturae, magis lacessebat, quam sustinebat, hostem. postremo, quum, per levia certamina expertus, nulla parte virium se parem esse, intra moenia se recepisset, obsideri urbs coepta est. Eodem ferme tempore et Antiochus, ab Apamea profectus, Sardibus primum, deinde, haud procul Seleuci castris, ad caput Caici amnis stativa habuit, cum magno exercitu mixto variis ex gentibus. Plurimum terroris in Gallorum mercede conductis quatuor milibus erat. hos, paucis admixtis, ad pervastandum passim Pergamenum agrum misit. Quae postquam

q) *reducit* Gron. Crev.

r) *oppugnandam* Gron.

Samum sunt nunciata, primo Eumenes, advocatus do-^{U. c. 562.}
mestico bello, cum classe Elaeam petit: inde, quum^{a. C. 190.}
praesto fuissent equites peditumque expediti, praesi-
dio eorum tutus, priusquam hostes sentirent, aut mo-
verentur, Pergamum contendit. ibi rursus levia per
excursiones proelia fieri coepta, Eumene summae rei
discrimen haud dubie detrectante. Paucos post dies
Romana Rhodiaque classis, ut regi opem ferrent,
Elaeam ab Samo venerunt. Quos ubi exposuisse co-
pias Elaeae, et tot classes in unum convenisse por-
tum, Antiocho adlatum est; et sub idem tempus au-
divit, consulem cum exercitu iam in Macedonia esse,
pararique, quae ad transitum Hellesponti opus essent;
tempus venisse ratus, prius, quam terra marique si-
mul urgeretur, agendi de pace, tumultum quemdam
adversus Elaeam castris cepit. ibi peditum omnibus
copiis relictis, cum equitatu (erant autem sex millia
equitum) in campos sub ipsa Elaeae moenia descen-
dit, misso caduceatore ad Aemilium, velle se de pace
agere.

XIX. Aemilius, Eumene a Pergamo adcito, adhi-
bitis et Rhodiis, consilium^{s)} habuit. Rhodii haud
adspernari pacem: Eumenes, *nec honestum esse*, dicere,
eo tempore de pace agi; nec exitum rei inponi posse. Qui
enim, inquit, aut honeste, inclusi moenibus et obsessi
velut^{t)}, leges pacis accipiemus? aut cui rata ista pax
erit, quam sine consule, non ex auctoritate senatus, non
iussu^{u)} populi Romani pepigerimus^{x)}? Quaero enim pa-
ce per te facta, *rediturusne extemplo in Italiam sis,*
classem exercitumque deducturus? an expectaturus,
quid de ea re consuli placeat, quid senatus censeat, aut
populus iubeat? Restat ergo, ut maneat in Asia, et
rursus in hiberna copiae reductae, omisso bello, exhau-
riant, commeatibus praebendis socios: deinde (si ita vi-
sum sit iis, penes quos potestas fuerit) instauremus no-

s) concilium Gron.

t) velut del. Gron. Grev.

u) iniussu, omisso non, Eaed.

x) peregerimus Gron.

U. c. 562. *vum de integro bellum: quod possumus, si ex hoc inpe-*
 a. C. 190. *tu rerum nihil prolatando remittitur, ante hiemem, Diis*
volentibus, perfecisse. Haec sententia vicit, respon-
 sumque Antiocho est, ante consulis adventum de
 pace agi non posse. . Antiochus, pace nequidquam
 tentata, evastatis^{y)} Elaeensium primum, deinde Per-
 gamenorum agris, relicto ibi Seleuco filio, Adramyt-
 teum hostiliter itinere facto, petit agrum opulentum^{z)},
 nem vocant Thebes campum, carmine Homeri nobili-
 tatae^{a)}. neque alio ullo loco Asiae maior regiis militi-
 bus parta est praeda. Eodem Adramytteum, ut ur-
 bi praesidio essent, navibus circumvecti, Aemilius
 et Eumenes venerunt.

XX. Per eosdem forte dies Elaeam ex Achaia
 mille pedites cum centum equitibus, Diophane om-
 nibus his copiis praeposito, accesserunt. quos egres-
 sos navibus obviam missi ab Attalo nocte Pergamum
 deduxerunt. Veterani omnes et periti belli erant, et
 ipse dux Philopoemenis, summi tum omnium Graeco-
 rum imperatoris, discipulus. qui biduum simul ad
 quietem hominum equorumque, et ad visendas ho-
 stium stationes, quibus locis temporibusque accede-
 rent reciperentque sese, sumserunt. Ad radices fere
 collis, in quo posita est urbs, regii succedebant. ita
 libera ab tergo populatio erat, nullo ab urbe, ne in sta-
 tiones quidem qui procul iacularetur, excurrente. Post-
 quam semel compulsi metu se moenibus incluserunt,
 contemptus eorum, et inde neglegentia, apud regios
 oritur; non stratos, non infrenatos magna pars ha-
 bebant equos. paucis ad arma et ordines relictis, di-
 lapsi ceteri sparserant se toto passim campo, pars in
 iuvenales^{b)} lusus lasciviamque versi, pars vescentes
 sub umbra, quidam somno etiam strati. Haec Dio-

y) *vastatis* Grön. Crev.

z) *Adramytteum, hostiliter iti-*
nere facto, petit: agrum opu-
lentum Grön.

a) *nobilitatum* Grön, Crev. c.

Drak.

b) *juveniles* Grön. Crev.

phanes ex alta urbe Pergamo contemplatus, armâ U. c. 562. suos capere, et ad iussa^{c)} praesto esse iubet: ipse a. G. 190. Attalum adiit, et in animo sibi esse dixit, hostium stationem tentare. Aegre id permittente Attalo, quippe qui centum equitibus adversus sexcentos^{d)}, mille peditibus cum quatuor millibus pugnaturum cerneret, porta egressus, haud procul statione hostium, occasionem opperiens, consedit. Et qui Pergami erant, amentiam magis, quam audaciam credere esse: et hostes, paullisper in eos versi, ut nihil moveri viderunt, nec ipsi quidquam ex solita negligentia, insuper etiam eludentes paucitatem, mutarunt. Diophanes quietos aliquamdiu suos, velut ad spectaculum modo eductos, continuit: postquam dilapsos ab ordinibus hostes vidit, peditibus, quantum adcelerare possent, sequi iussis, ipse princeps inter equites cum turma sua, quam posset effusissimis habenis, clamore ab omni simul pedite atque equite sublato, stationem hostium improviso invadit. Non homines solum, sed equi etiam territi, quum vincula abruptissent, trepidationem et tumultum inter suos fecerunt; pauci stabant inpavidi equi: eos ipsos non sternere, non infrenare, aut adscendere facile poterant, multo maiorem, quam pro numero equitum, terrorem Achaeis inferentibus. Pedites vero ordinati et praeparati sparsos per negligentiam, et semisomnos^{e)} prope adorti sunt: caedes passim fugaque per campos facta est. Diophanes, secutus effusos, quoad tutum fuit, magno Achaeorum genti decore parto, (spectaverant enim e moenibus Pergami non viri modo, sed feminae etiam) in praesidium urbis rediit.

XXI. Postero die regiae, magis compositae et ordinatae, stationes quingentis passibus longius ab urbe posuerunt castra: et Achaei eodem ferme tempore, atque in eundem locum processerunt. Per multas

c) portam Gron. Crev.

e) semisomnes Gron. Crev.

d) trecentos Eaed. c. Drack.

U. c. 562. horas intenti utrimque velut iam futurum in petum ex-
 a. C. 190. spectaverè: postquam haud procul occasu solis redeun-
 di in castra tempus erat, regii signis conlatis abire agmi-
 ne, ad iter magis, quam ad pugnam, composito, coepere.
 Quievit Diophanes, dum in conspectu erant. deinde
 eodem, quo pridie, in petu in postremum agmen incur-
 rit; tantumque rursus pavoris ac tumultus incussit,
 ut, quum terga caederentur, nemo pugnandi causa
 restiterit. trepidantesque, et vix ordinem agminis
 servantes, in castra compulsi sunt. Haec Achaeorum
 audacia Seleucum ex agro Pergameno movere castra
 coegit. Antiochus, postquam Romanos et Eumenem
 ad tuendum Adramytteum venisse audivit, ea qui-
 dem urbe abstinuit, depopulatus agros. Peraeam
 inde, coloniam Mitylenaeorum expugnavit. Cotton,
 et Corylenus, et Aphrodisias, et Crene, primo in petu
 captae sunt. inde per Thyatira Sardes, rediit. Se-
 leucus, in maritima ora permanens, aliis terrori, aliis
 praesidio erat. Classis Romana cum Eumene Rho-
 diisque Mitylenen primo, inde retro, unde profecta
 erat, Elaeam rediit. Inde Phocaeam petentes ad in-
 sulam, quam Bachium vocant, (inminet urbi Pho-
 caensium) adpulerunt, et, quibus ante abstinerant
 templis signisque (egregie autem exornata insula erat)
 quum hostiliter diripuissent, ad ipsam urbem trans-
 miserunt. eam divisim inter se partibus quum obpu-
 gnarent, et viderent, sine operibus, armis scalisque
 capi non posse; missum ab Antiocho praesidium tri-
 um millium armatorum quum intrasset urbem; ex-
 templo, obpugnatione omissa, classis ad insulam se
 recepit, nihil aliud quam depopulato circa urbem ho-
 stium agro.

XXII. Inde placuit Eumenem domum dimitti, et
 praeparare consuli atque exercitui, quae ad transitum
 Hellesponti opus essent: Romanam Rhodiamque clas-
 sem redire Samum, atque ibi in statione esse, ne Po-
 lyxenidas ab Epheso moveret. Rex Elaeam, Romani

et Rhodii Samum redierunt. Ibi M. Aemilius, fra-^{U. c. 562.}
 ter praetoris, decessit. Rhodii celebratis exsequiis,^{a. C. 190.}
 adversus classem, quam fama erat ex Syria venire,
 tredecim suis navibus, et una Coa quinqueremi, al-
 tera Cnidia^{f)}, Rhodum, ut ibi in statione essent, pro-
 fecti sunt. Biduo ante, quam Eudamus cum classe
 ab^{g)} Samo veniret, tredecim ab^{h)} Rhodo naves cum
 Pamphilida praefecto adversus eandem Syriacam
 classem missae, adsumtis navibus quatuor, quae Ca-
 riae praesidio erant, obpugnantibus regiis, Daedala
 et quaedam alia parva castella obsidione exemerunt.
 Eudamum confestim exire placuit. additae huic quo-
 que sunt ad eam classem, quam habebat, sex aper-
 tae naves. Profectus quum, quantum accelerare po-
 terat, maturasset, ad portum, quem Megisten vocant,
 praegressos consequitur. inde uno agmine Phaselidem
 quum venissent, optimum visum est, ibi hostem op-
 periri.

XXIII. In confinio Lyciae et Pamphylicae Phase-
 lis est: prominet penitus in altum, conspiciturque
 prima terrarum Rhodum a Cilicia petentibus, et pro-
 culnavium praebet prospectum. eo maxime, ut in obvio
 classi hostium essent, electus locus est. Ceterum, quod
 non providerunt, et loco gravi, et tempore anni, (medium
 enim aestatis erat) ad hoc insolito odore ingruere morbi
 vulgo, maxime in remiges, coeperunt. cuius pestilentiae
 metu profecti, quum praeterveherentur Pamphylium
 sinum, ad Eurymedontem amnem adpulsa classe, au-
 diunt ab Aspendiis, ad Sidamⁱ⁾ hostes esse. Tardius
 navigaverant regii, adverso tempore Etesiarum, quod
 velut statum Favoniis ventis est^{k)}. Rhodiorum duae
 et triginta quadriremes, et^{l)} quatuor triremes fuere.
 Regia classis septem et triginta maioris formae navi-

f) *Gnidia* Gron. c. Drak.g) *a* Gron. Crev. c. Drak.h) *a* Eaed. c. Drak.

i) add. iam Gron. Crev. c. Drak.

k) *esset* Eaed. c. Drak.l) *et* del. Gron. Crev.

U. c. 562. um erat, in quibus tres hepteres et quatuor hexeres
 a. C. 190. habebat. praeter has decem triremes erant. et hi^{m)}
 adesse hostes ex specula quadam cognovere. Utra-
 que classis postero die luce prima, tamquam eo die
 pugnatura, e portu movit: et, postquam superavere
 Rhodii promontorium, quod ab Sida prominet in al-
 tum, extemplo et conspecti ab hostibus sunt, et ipsi
 eos viderunt. Ab regiisⁿ⁾ sinistro cornu, quod ab
 alto obiectum erat, Hannibal, dextro Apollonius, pur-
 puratorum unus, praeerat. et iam in frontem direc-
 ctas habebant naves. Rhodii longo agmine venie-
 bant. prima praetoria navis Eudami erat; coge-
 bat agmen Chariclitus; Pamphilidas mediae classi prae-
 erat. Eudamus, postquam hostium aciem instructam
 et paratam ad concurrendum vidit, et ipse in altum
 evehitur, et deinceps, quae sequebantur, servantes
 ordinem in frontem dirigere iubet. Ea res primo
 tumultum praebuit. nam nec sic in altum evectus
 erat, ut ordo omnium navium ad terram explicari
 posset: et festinans ipse praepropere cum quinque so-
 lis navibus Hannibali obcurrit. ceteri, quia in fron-
 tem dirigere iussi erant, non sequebantur. Extremo
 agmini loci nihil ad terram relictum erat; trepidantibus-
 que iis inter se, iam in dextro cornu adversus Hanni-
 balem pugnabatur.

XXIV. Sed momento temporis et navium virtus,
 et usus rei maritimae terrorem omnem Rhodiis dem-
 sit. nam et in altum celeriter evectae naves locum
 post se quaeque venienti ad terram dedere; et, si qua
 concurrerat rostro cum hostium navi, aut proram la-
 cerabat, aut remos detergebat, aut, libero inter or-
 dines discursu praetervecta, in puppim inpetum da-
 bat. maxime exterruit heptervis regia, a multo minore
 Rhodia nave uno ictu demersa. Itaque iam haud
 dubie dextrum^{o)} cornu hostium in fugam inclinabat.

m) alii Gron.

n) regio Gron.

o) dextrum Gron. Crev. c. Drak.

In Crev. min. dextrum legitur.

Eudamum in alto, multitudine navium maxime Hannibal, ceteris omnibus longe praestantem, urgebat: et circumvenisset, ni, signo sublato ex praetoria nave, (quo dispersam classem in unum colligi mos erat) omnes, quae in dextro cornu vicerant, naves ad opem ferendam suis concurrissent. tum et Hannibal, quaeque circa eum erant naves, capessunt fugam: nec insequi Rhodii, ex magna parte aegris, et ob id celerius fessis remigibus, potuerunt. Quum in alto, ubi subisterant, cibo reficerent vires, contemplatus Eudamus hostes, claudas mutilatasque^{p)} naves apertis navibus remulco trahentes, viginti paullo amplius integras abscedentes, e turri praetoriae navis silentio facto, *Exsurgite*, inquit, *et egregium spectaculum capessite oculis!* Consurrexere omnes, contemplatique trepidationem fugamque hostium, prope una voce exclamare omnes, ut sequerentur. Ipsius Eudami multis ictibus vulnerata navis erat. Pamphilidam et Chariclitum insequi, quoad putarent tutum, iussit. Aliquamdiu secuti sunt: postquam terrae adpropinquabat Hannibal, veriti ne includerentur vento in hostium ora, ad Eudamum revecti, hepterem captam, quae primo concursu icta erat, aegre Phaselidem pertraxerunt. inde Rhodum, non tam victoria laeti, quam alius alium accusantes, quod, quum potuisset, non omnis submersa aut capta classis hostium foret, redierunt. Hannibal, ictus uno proelio adverso, ne tum quidem praetervehi Lyciam audebat, quum coniungi veteri regiae classi quam primum cuperet. Et, id ne ei facere liberum esset, Rhodii Chariclitum cum viginti navibus rostratis ad Patara et Megisten portum miserunt. Eudamum cum septem navibus maximis ex ea classe, cui praefuerat, Samum redire ad Romanos iusserunt; ut, quantum consilio, quantum auctoritate valeret, compelleret Romanos ad Patara obpugnanda.

p) mutilasque Gron. Crev.

U. c. 562.
a. C. 190.

XXV. Magnam laetitiam Romanis iam prius nunciis victoriae, deinde adventus adtulit Rhodiorum. et adparebat, si ea cura Rhodiis demta esset, vacuos eos tuta eius regionis maria praestatu-^{q)}ros. sed profectio Antiochi^{r)} ab Sardibus, ne obprimerentur urbes maritimae, abscedere custodia Ioniae atque Aeolidis prohibuit^{s)}. Pamphilidam cum quatuor navibus tectis ad eam classem, quae circa Patara erat, miserunt. Antiochus non civitatum modo, quae circa se erant, contrahebat praesidia; sed ad Prusiam, Bithyniae regem, miserat legatos literasque, quibus transitum in Asiam Romanorum increpabat: *Venire eos ad omnia regna tollenda, ut nullum usquam orbis terrarum, nisi Romanum, imperium esset. Philippum et Nabin expugnatos; se tertium peti, ut quisque proximus ab oppresso sit, per omnes velut continens incendium pervasurum. Ab se gradum in Bithyniam fore, quando Eumenes in voluntariam servitutem concessisset.* His motum Prusiam literae Scipionis consulis, sed magis eius fratris Africani, ab suspitione tali averterunt: qui, praeter consuetudinem perpetuam populi Romani augendi omni honore regum sociorum maiestatem, domesticis ipse exemplis Prusiam ad promerendam amicitiam suam compulit. *Regulos se acceptos in fidem in Hispania reges reliquisse. Masinissam non in patrio modo locasse regno, sed in Syphacis, a quo ante expulsus fuisset, regnum inposuisse. et esse eum non Africae modo regum longe opulentissimum, sed toto in orbe terrarum cuius regum vel maiestate, vel viribus parem. Philippum et Nabin, hostes bello superatos ab T. Quinctio, tamen in regno relictos. Philippo quidem anno priore etiam stipendium remissum, et filium obsidem redditum: et quasdam civitates extra Macedoniam, patientibus Romanis imperatoribus,*

q) praestituros Gron. Crev.
r) profecto Antiocho Eaed.

s) prohibuerunt Eaed.

recepisse eum. In eadem dignitate et Nabin futurum U. c. 562.
fuisse, nisi eum suus primum¹⁾ furor, deinde fraus Ae- a. C. 190.
tolorum absumsisset. Maxime confirmatus est animus
 regis, postquam ad eum C. Livius, qui praetor ante
 classi praefuerat, legatus ab Roma venit; et edocuit,
 quanto et spes victoriae certior Romanis, quam An-
 tiocho, et amicitia sanctorum firmiorque apud Romanos
 futura esset.

XXVI. Antiochus, postquam a spe societatis Pru-
 siae decedit, Ephesum ab Sardibus est profectus ad
 classem, quae per aliquot menses instructa ac parata
 fuerat, visendam; magis quia terrestribus copiis exer-
 citum Romanum et duos Scipiones imperatores vide-
 bat sustineri non posse; quam quod res navalis ipsa
 per se aut tentata sibi umquam feliciter, aut tunc ma-
 gnae et certae fiduciae esset. Erat tamen momentum
 in praesentia spei, quod et magnam partem Rhodiae
 classis circa Patara esse, et Eumenem regem cum
 omnibus navibus suis consuli obviam in Hellespon-
 tum profectum audierat. aliquid etiam inflabat animos
 classis Rhodia, ad Samum per occasionem fraude prae-
 paratam absumta. His fretus, Polyxenida cum classe
 ad tentandam omni modo certaminis fortunam misso,
 ipse copias ad Notium ducit: id oppidum Colophonium,
 mari imminens, abest a vetere Colophone duo ferme
 milia passuum: et ipsam urbem suae esse potestatis
 volebat, adeo propinquam Epheso, ut nihil terra ma-
 rive ageret, quod non subiectum oculis Colophonio-
 rum, ac per eos notum extemplo Romanis esset: quos,
 audita obsidione, non dubitabat ad opem ferendam
 sociae urbi classem a Samo moturos. eam occasionem
 Polyxenidae ad rem gerendam fore. Igitur, operi-
 bus obpugnare urbem adgressus, et ad mare partibus
 duabus pariter munitionibus deductis, utrimque vineas
 et aggerem muro iniunxit, et testudinibus arietes ad-

¹⁾ primo Gron. Crev. c. Drak.

U. c. 562. movit. Quibus territi malis Colophonii oratores Sami
 a. C. 190. mum ad L. Aemilium, fidem praetoris populi que Romani inplorantes, miserunt. Aemilium et Sami segnis diu mora obfendebat, nihil minus opinantem, quam Polyxenidam, bis nequidquam ab se provocatum, potestatem pugnae facturum esse: et turpe existimabat, Eumenis classem adjuvare consulem ad traiciendas in Asiam legiones; se Colophonis obsessae auxilio, incertam^{u)} finem habituro, adligari. Eudamus Rhodius, qui et tenuerat eum Sami, cupientem proficisci in Hellespontum, cunctique instare et dicere, *Quanto satius esse, vel socios obsidione eximere, vel victam iam semel classem iterum vincere^{x)}, totamque maris possessionem hosti eripere, quam, desertis sociis, tradita Antiocho Asia terra marique, in Hellespontum, ubi satis esset Eumenis classis, ab sua parte belli discedere?*

XXVII. Profecti ab Samo ad petendos commeatus, consumtis iam omnibus, Chium parabant traicere. id erat horreum Romanis; eoque omnes ex Italia missae onerariae dirigebant cursum. Circumvecti ab urbe ad aversa insulae (obiecta aquiloni ad Chium et Erythras sunt) quum pararent traicere, literis certior fit praetor, frumenti vim magnam Chium ex Italia venisse; vinum portantes naves tempestatibus rentas esse. Simul adlatum est, Teios regiae classi benigne commeatus praebuisse; quinque millia vasorum vini esse pollicitos. Teum ex medio cursu classem repente avertit, aut volentibus iis usurus commeatu parato hostibus, aut ipsos pro hostibus habiturus. Quum direxissent ad terram proras, quindecim ferme eis naves circa Myonnesum adparuerunt, quas primo ex classe regia praetor esse ratus, institit sequi. adparuit inde, piraticas celoces et lembos esse. Chiorum maritimam oram depopulati, cum omnis ge-

u) incertum Crev.

x) vincere iterum Gron. Crev.

neris praeda revertentes, postquam videre ex alto U. c. 562.
 classem, in fugam verterunt. et celeritate superabant, a. G. 190.
 levioribus et ad id fabrefactis navigiis, et propiores
 terrae erant. Itaque, priusquam adpropinquaret clas-
 sis, Myonnesum perfrugerunt. unde se e^y) portu ratus
 abstracturum naves, ignarus loci sequebatur praetor.
 Myonnesus promontorium inter Teum Samumque est.
 ipse collis est in modum metae in acutum cacumen
 a fundo satis lato fastigatus^z): a continenti artae se-
 mitae aditum habet: a mari exesae fluctibus rupes
 claudunt; ita ut quibusdam locis superpendentia saxa
 plus in altum, quam, quae in statione sunt, naves, pro-
 mineant. Circa ea adpropinquare non ausae naves, ne
 sub ictu superstantium^a) rupibus piratarum essent,
 diem trivere. tandem, sub noctem vano incepto quum
 abstitisent, Teum postero die accessere: et, in portu,
 qui ab tergo urbis est, (Geraesticum ipsi adpellant)
 navibus constitutis, praetor ad depopulandum circa ur-
 bem agrum milites emisit.

XXVIII. Teii, quum in oculis populatio esset,
 oratores cum infulis et velamentis ad Romanum mi-
 serunt. quibus purgantibus civitatem omnis facti di-
 ctique hostilis adversus Romanos, *et iuvisse eos com-
 meatu classem hostium arguit, et quantum vini Polyxe-
 nidae promisissent: quae si eadem classi Romanae da-
 rent, revocaturum se a populatione militem; sin minus,
 pro hostibus eos habiturum.* Hoc tam triste respon-
 sum quum retulissent legati, vocatur in concionem
 a magistratibus populus, ut, quid agerent, consulta-
 rent. Eo forte die^b) Polyxenidas cum regia classe a
 Colophone profectus, postquam movisse a Samo Ro-
 manos audivit, et, ad Myonnesum piratas persecutos,
 Teiorum agrum depopulari, naves in Geraestico portu
 stare, ipse adversus Myonnesum in insula (Macrin
 nautici vocant) ancoras portu occulto iecit. inde ex

y) a Gron. Crev. c. Drak.

a) add. in Gron.

z) fastigatus Gron. Crev.

b) die del. Gron. Crev. c. Drak.

U. c. 562. propinquo explorans, quid hostes agerent, primo in
 a. C. 190. magna spe fuit, quemadmodum Rhodiam classem ad
 Samum, circumsessis ad exitum faucibus portus, expugnasset, sic et Romanam expugnaturum. nec est dissimilis natura loci. Promontoriis coeuntibus inter se ita clauditur portus, ut vix duae simul inde naves possint exire. Nocte occupare fauces Polyxenidas in animo habebat, et, denis navibus ad promontoria stantibus, quae ab utroque cornu in latera exeuntium navium pugnarent, ex cetera classe, sicut ad Panormum fecerat, armatis in litora expositis, terra marique simul hostes obprimere. quod non vanum ei consilium fuisset, ni, quum Teii facturos se imperata promisissent, ad accipiendos commeatus aptius visum esset Romanis, in eum portum, qui ante urbem est, classem transire. Dicitur et Eudamus Rhodius vitium alterius portus ostendisse, quum forte duae naves in artu ostio implicitos remos fregissent. et inter alia id quoque movit praetorem, ut traduceret classem, quod ab terra periculum erat, haud procul inde Antiocho stativa habente.

XXIX. Traducta classe ad urbem, ignaris omnibus, egressi milites nautaeque sunt ad commeatus et vinum maxime dividendum in naves; quum medio forte diei agrestis quidam, ad praetorem adductus, nunciat, *alterum^{c)} iam diem classem stare ad insulam Macrin, et paullo ante visas quasdam moveri, tamquam ad profectionem, naves.* Re subita percussus praetor tubicines canere iubet, ut, si qui per agros palati essent, redirent: tribunos in urbem mittit ad cogendos milites nautasque in naves. Haud secus, quam in repentino incendio aut capta urbe, trepidatur, aliis in urbem currentibus ad suos revocandos, aliis ex urbe naves cursu repetentibus: incertisque clamoribus (quibus ipsis tubae obstreperent) turbatis imperiis, tan-

c) alteram Gron.

dem concursum ad naves est. Vix suam quisque U. c. 562.
 noscere aut adire prae tumultu poterat: trepidatum- a. C. 190.
 que cum periculo et in mari, et in terra foret, ni, par-
 tibus divisis, Aemilius, cum praetoria nave primus
 e portu in altum evectus, excipiens insequentes, suo
 quamque ordine in frontem instruxisset; Eudamus
 Rhodiaque classis substitissent ad terram, ut et sine
 trepidatione conscenderent, et, ut quaeque parata
 esset, exiret navis. Ita et explicuere ordinem pri-
 mae in conspectu praetoris, et coactum agmen ab
 Rhodiis est: instructaque acies, velut cerneret regiones,
 in altum processit. inter Myonnesum et Corycuni
 promontorium erant, quum hostem conspexere. Et
 regia classis, binis in ordinem navibus longo agmine
 veniens, et ipsa aciem adversam explicuit; tantum
 laevo evecta cornu, ut amplecti et circumire dextrum ^{d)}
 cornu Romanorum posset. quod ubi Eudamus, qui coge-
 bat agmen, vidit, non posse aequare ^{e)} ordinem Roma-
 nos, et tantum non iam circumiri a dextro cornu, concit-
 tat naves; (et erant Rhodiae ^{f)} longe omnium celer-
 rimae tota classe) aequatoque cornu, praetoriae navi,
 in qua Polyxenidas erat, suam obiecit.

XXX. Iam totis classibus simul ab omni parte
 pugna conserta erat. Ab Romanis octoginta naves
 pugnabant, ex quibus Rhodiae duae et viginti erant.
 Hostium classis undenonaginta navium fuit, et maxi-
 mae formae naves tres hexeres habebat, duas hepte-
 res. Robore navium et virtute militum Romani lon-
 ge regiones ^{g)} praestabant: Rhodiae naves agilitate, et
 arte gubernatorum, et scientia remigum. Maximo
 tamen hostibus terrori fuere, quae ignes prae se por-
 tabant: et, quod unum iis ad Panormum circumven-
 tis saluti fuerat, id tum maximum momentum ad vi-
 ctoriam fuit. nam metu ignis adversi regiae naves,

d) *dexterum* Gron. Crev. c. f) add. *naves* Eaed.
 Drak.

g) *Rhodium* Gron.

e) *exaequare* Gron. Crev.

U. c. 562. ne prora concurrerent, quum declinassent, neque ip-
 a. C. 190. sae ferire rostro hostem poterant, et obliquas se ipsae
 ad ictus praebebant. et, si qua concurrerat, obrue-
 batur infuso igni; magisque ad incendium, quam ad
 proelium, trepidabant. Plurimum tamen, quae solet,
 militum virtus in bello valuit. mediam namque aciem
 hostium Romani quum rupissent, circumvecti ab tergo
 pugnantibus adversus Rhodios regis sese obiecere:
 momentoque temporis et media acies Antiochi, et
 laevo in cornu circumventae naves mergebantur. Dex-
 tera pars integra, sociorum magis clade, quam suo
 periculo, terrebatur. ceterum, postquam alias circum-
 ventas, praetoriam navem Polyxenidae, relictis sociis,
 vela dantem videre, sublati raptim dolonibus (et erat
 secundus petentibus Ephesum ventus) capessunt fu-
 gam, quadraginta duabus navibus in ea pugna amissis;
 quarum decem et tres captae in potestatem hostium
 venerunt; ceterae incensae aut demersae. Romano-
 rum duae naves fractae sunt, vulneratae aliquot. Rho-
 dia una capta memorabili casu. nam, quum rostro per-
 cussisset Sidoniam navem, ancora, ictu ipso excussa
 e nave sua, unco dente, velut manu ferrea iniecta,
 adligavit alterius proram: inde tumultu iniecto, quum,
 divellere se ab hoste cupientes, inhiberent Rhodii,
 tractum ancorale et implicitum remis, latus alterum
 deterisit: debilitatam^{h)} ea ipsa, quae icta cohaeserat,
 navim cepit. Hoc maxime modo ad Myonnesum na-
 vali proelio pugnatum est.

XXXI. Quo territus Antiochus, quia, posses-
 sione maris pulsus, longinqua tueri diffidebat se posse,
 praesidium ab Lysimachia, ne obrprimeretur ibi ab
 Romanis, deduci pravo, ut res ipsa postea docuit,
 consilio iussit. non enim tueri solum Lysimachiam
 a primo inpetu Romanorum facile erat: sed obsidio-
 nem etiam per totam hiemem tolerare, et obsidentes

^{h)} *detersit, et debilitatam Gron. deterisit; et debilitatam Crev.*

quoque ad ultimam inopiam adducere extrahendo tem-^{U. c. 562.}
 pus, et interim spem pacis per occasiones tentare. Nec^{a. C. 190.}
 Lysimachiam tantum hostibus tradidit post adversam
 navalem pugnam, sed etiam Colophonis obsidione ab-
 scessit, et Sardes recepit se: atque inde in Cappado-
 ciam ad Ariarathen, qui auxilia arcesserent, et quo-
 cumque alio poterat ad copias contrahendas, in unum
 iam consilium, ut acie dimicaret, intentus, misit. Re-
 gillus Aemilius, post victoriam navalem profectus
 Ephesum, directis ante portum navibus, quum con-
 fessionem concessi maris ultimam hosti expressisset,
 Chium, quo ante navale proelium cursum a Samo in-
 tenderat, navigat. ibi naves in proelio quassatas quum
 refecisset, L. Aemilium Scaurum cum triginta navi-
 bus Hellespontum ad exercitum traiciendum misit:
 Rhodias, parte praedae et spoliis navalibus decoratas,
 domum redire iubet. Rhodii inpigre praevertere, ad
 traiciendasque copias consulis iere: atque, eo quo-
 que functi officio, tum demum Rhodum rediere. Clas-
 sis Romana ab Chio Phocaeam traiecit. in sinu maris
 intimo posita haec urbs est, oblonga forma. duum
 millium et quingentorum passuum spatium. murus
 amplectitur: coit deinde ex utraque parte in artiore
 velut cuneum, Lamptera ipsi adpellant. mille et du-
 centos passus ibi latitudo patet: inde in altum lingua
 mille passuum excurrent medium fere sinum velut
 nota distinguit; ubi cohaeret faucibus angustis, duos
 in utramque regionem versos portus tutissimos habet.
 qui in meridiem vergit, ab re adpellant Naustathmonⁱ⁾,
 quia ingentem vim navium capit: alter prope ipsum
 Lamptera est.

XXXII. Hos portus tutissimos quum occupasset
 Romana classis; priusquam aut scalis, aut operibus,
 moenia adgrederetur, mittendos censuit praetor, qui
 principum magistratuumque animos tentarent. post-

i) Naustathmon ab re appellatur Gron. Crev.

U. c. 562. quam obstinatos vidit, duobus simul locis obpugnare
 a. C. 190. est adortus. Altera pars infrequens aedificiis erat;
 templa Deum aliquantum tenebant loci: ea prius ariete
 admoto, quaterre muros turresque coepit. deinde,
 quum eo multitudo obcurreret ad defendendum, altera
 quoque parte admotus aries. et iam utrimque sterne-
 bantur muri. ad quorum casum quum inpetum Roma-
 ni milites per ipsam stragem ruinarum facerent, alii
 scalis etiam adscensum in muros tentarent; adeo ob-
 stinate restiterunt oppidani, ut facile adpareret, plus
 in armis et virtute, quam in moenibus, auxilii esse.
 coactus ergo periculo militum praetor receptui cani
 iussit, ne obiiceret incautos furentibus desperatione
 ac rabie. Diremto proelio, ne tum quidem ad quie-
 tem versi; sed undique omnes ad munienda et obmo-
 lienda, quae ruinis strata erant, concurrerunt. Huic
 operi intentis supervenit Q. Antonius, a praetore mis-
 sus: qui, castigata pertinacia eorum, *Maiorem curam*
Romanis, quam illis, ostenderet, esse, ne in perniciem
urbis pugnaretur. si absistere furore vellent, potestatem
iis dare eadem conditione, qua prius C. Livii in fidem
venissent, se tradendi. Haec quum audissent, quin-
 que dierum spatio ad deliberandum sumto, tentata in-
 terim spe auxilii ab Antiocho, postquam legati missi
 ad regem, nihil in eo esse praesidii, retulerant^{k)}; tum
 portas aperuerunt, pacti ne quid hostile paterentur.
 Quum signa in urbem inferrentur, et pronunciasset
 praetor, parci se deditis velle, clamor undique est
 sublatus, *indignum facinus esse, Phocaeenses, num-*
quam fidos socios, semper infestos hostes, impune eludere.
 Ab hac voce, velut signo a praetore dato, ad diripi-
 endam urbem passim discurrerunt. Aemilius primo re-
 sistere et revocare, dicendo, *captas, non deditas, diripi ur-*
bes: et in his tamen imperatoris, non militum, arbitrium
esse^{l)}). Postquam ira et avaritia imperio potentiora

k) retulerunt Gron. Crev.

l) et in his tamen arbitrium

esse imperatoris, non militum
 Eaed. c. Drak.

erant, praeconibus per urbem missis, liberos omnes U. c. 562.
in forum ad se convenire iubet, ne violarentur: et a. C. 190.
in omnibus, quae ipsius potestatis fuerunt, fides con-
stitit praetoris. Urbem, agrosque, et suas leges iis
restituit: et, quia iam hiems adpetebat, Phocaeae
portus ad hibernandum classi delegit.

XXXIII. Per idem fere tempus consuli, trans-
gresso Aeniorum Maronitarumque fines, nunciatur,
victam regiam classem ad Myonnesum, relictamque
a praesidio Lysimachiam esse. Id multo, quam de
navali victoria, laetius fuit: utique postquam eo ve-
nerunt, refertaque urbs omnium rerum commeatibus,
velut in adventum exercitus praeparatis, eos excepit;
ubi inopiam ultimam laboremque in obsidenda urbe
sibi proposuerant. Ibi paucos dies stativa habuere,
ut impedimenta aegrique consequerentur, qui passim
per omnia Thraciae castella, fessi morbis ac longitu-
dine viae, relictī erant. Réceptis omnibus, ingressi
rursus iter per Chersonesum, Hellespontum perve-
niunt. ubi, omnibus cura regis Eumenis ad traicien-
dum praeparatis, velut in pacata litora, nullo prohi-
bente, aliis alio delatis navibus, sine tumultu traie-
cere. Ea vero res Romanis auxit animos, concessum
sibi transire cernentibus in Asiam; quam rem ma-
gni certaminis futuram crediderant. Stativa deinde
ad Hellespontum aliquamdiu habuerunt, quia dies
forte, quibus ancilia moventur, religiosi ad iter inci-
derant. iidem dies P. Scipionem propiore etiam reli-
gione, quia Salus erat, disiunxerant ab exercitu:
caussaque et is ipse morae erat, dum consequeretur.

XXXIV. Per eos forte dies legatus ab Antiocho
in castra venerat Byzantius Heraclides, de pace adfe-
rens mandata: quam inpetrabilem fore, magnam ei spem
adtulit mora et cunctatio Romanorum; quos, simul
Asiam adtigissent, effuso agmine ad castra regia itu-
ros crediderat. Statuit tamen non prius adire con-
sulem, quam P. Scipionem: et ita mandatum ab rege

U. c. 562. erat. in eo maximam spem habebat, praeterquam
 a. C. 190. quod et magnitudo animi et satietas gloriae placabilem
 eum maxime faciebat; notumque erat gentibus, qui
 victor ille in Hispania, qui deinde in Africa fuisset:
 etiam quod filius eius captus in potestate regis erat.
 Is ubi, et quando, et quo casu captus sit, sicut plera-
 que alia, parum inter auctores constat. alii principio
 belli, a Chalclide Oreum petentem, circumventum ab
 regiis navibus tradunt: alii, postquam transitum in
 Asiam est, cum turma Fregellana missum exploratum
 ad regia castra, effuso obviam equitatu, quum recipe-
 ret sese, in eo tumultu delapsum ex equo^{m)}, cum
 duobus equitibus obpressum, ita ad regem deductum
 esse. Illud satis constat, si pax cum populo Romano
 maneret, hospitiumque privatim regi cum Scipionibus
 esset, neque liberalius, neque benignius haberi colique
 adolescentem, quam cultus est, potuisse. Ob haec quum
 adventum P. Scipionis legatus exspectasset, ubi is ve-
 nit, consulem adit, petitque, ut mandata audiret.

XXXV. Advocato frequenti consilio, legati verba
 sunt audita. Is, *multis ante legationibus nequidquam
 ultro citroque de pace missis, eam ipsam fiduciam in-
 petrandi sibi esse, dixit, quod priores legati nihil in-
 petrassent. Smyrnam enim, et Lampsacum, et Alexan-
 driam Troadem, et Lysimachiam in Europa, iactatas
 in illis disceptationibus esse., quarum Lysimachia iam
 cessisse regem, ne quid in Europa habere eum dicerent:
 eas, quae in Asia sint, civitates tradere, paratum esse,
 et si quas alias Romani, quod suarum partium fuerint,
 vindicare ab imperio regio velint. Impensae quoque, in
 bellum factae, partem dimidiam regem praestaturumⁿ⁾
 populo Romano. Hae conditiones erant pacis. Reli-
 qua oratio fuit, Ut memores rerum humanarum, et suae
 fortunae moderarentur, et alienam^{o)} ne urgerent. Fi-*

m) in eo tumultu delapsus equo
 Gron. Crev. in eo delapsus
 tumultu ex equo Drak.

n) praestitutum Gron. Crev.
 o) aliam Gron.

*nirent Europa imperium. id quoque inmensum esse. Et^{p)} U. c. 562.
parari singula acquirendo facilius potuisse, quam uni- a. C. 190.
versa teneri posse. quod si Asiae quoque partem aliquam
abstrahere velint, dummodo non dubiis regionibus fini-
ant, vinci suam temperantiam Romana cupiditate, pa-
cis et concordiae caussa, regem passurum. Ea, quae
legato magna ad pacem inpetrandam videbantur, par-
va Romanis visa. Nam, et inpensam, quae in bellum
facta esset, omnem praestare regem, aequum censebant,
cuius culpa bellum excitatum esset; et, non Ionia modo
atque Aeolide deduci debere praesidia regia: sed, sicut
Graecia omnis liberata esset, ita, quae in Asia sint,
omnes liberari urbes. Id aliter fieri non posse, quam ut
cis Taurum montem possessione Asiae Antiochus cedat.*

XXXVI. Legatus, postquam nihil aequi in con-
silio inpetrare se censebat, privatim (sic enim impe-
ratum erat) P. Scipionis tentare animum est conatus.
Omnium primum^{q)}, filium ei sine pretio redditurum
regem, dixit: deinde, ignarus et animi Scipionis, et
moris Romani, auri pondus ingens est pollicitus, et,
nomine tantum regio excepto, societatem omnis re-
gni, si per eum pacem inpetrasset. Ad ea Scipio:
*Quod Romanos omnes, quod me, ad quem missus es, igno-
ras, minus miror; quum te fortunam eius, a quo venis,
ignorare cernam. Lysimachia tenenda erat, ne Cher-
sonesum intraremus; aut ad Hellespontum obsisten-
dum, ne in Asiam traiceremus: si pacem tamquam ab-
sollicitis de belli eventu petaturi eratis. Concesso vero
in Asiam transitu, et non solum frenis, sed etiam iugo
accepto, quae disceptatio ex aequo, quum imperium pa-
tiendum sit, relicta est? Ego ex munificentia regia ma-
ximum donum filium habebo: aliis, Deos precor, ne um-
quam fortuna egeat mea; animus certe non egebit. Pro-
tanto in me munere gratum me esse in se sentiet, si pri-
vatam gratiam pro privato beneficio desiderabit. publice*

p) et del. Gron. Crev.

q) animum conatus, omnium
primum, omisso est, Eaed.

U. c. 562. *nec habebō^{r)} quidquam ab illo, nec dabo. Quod in*
 G. 190. *praesentia dare possim, fidele consilium est. Abi, nun-*
cia meis verbis, bello absistat, pacis conditionem nul-
lam recuset. Nihil ea moverunt regem, tutam fore
belli aleam ratum, quando perinde ac victo iam sibi
leges dicerentur. omissa igitur in praesentia men-
tione pacis, totam curam in belli adparatum intendit.

XXXVII. Consul, omnibus praeparatis ad propo-
 sita exsequenda, quum ex stativis movisset, Darda-
 num primum, deinde Rhoeteum, utraque civitate ob-
 viam effusa, venit. inde Ilium processit, castrisque
 in campo, qui est subiectus moenibus, positus, in ur-
 bem arcemque quum escendisset^{s)}, sacrificavit Miner-
 vae praesidi arcis; et Iliensibus in omni rerum verbo-
 rumque honore ab se oriundos Romanos praeferentibus,
 et Romanis laetis origine sua. inde profecti sextis castris
 ad caput Caici amnis pervenerunt. Eo et Eumenes rex,
 conatus primo ab Hellesponto reducere classem in hiber-
 na Elaeam, adversis deinde ventis quum aliquot diebus
 superare Lecton promontorium non potuisset, in ter-
 ram egressus, ne deesset principiis rerum, qua proxi-
 mum fuit, in castra Romana cum parva manu con-
 tendit. Ex castris Pergamum remissus ad comnea-
 tus expediendos, tradito frumento, quibus iusserat
 consul, in eadem stativa rediit. inde, plurium die-
 rum praeparatis cibariis, consilium erat ire ad hostem,
 priusquam hiems obprimeret. Regia castra circa Thya-
 tira erant: ibi quum audisset Antiochus, P. Scipio-
 nem aegrum Elaeam delatum, legatos, qui filium ad
 eum reducerent, misit. Non solum animo patrio gra-
 tum munus, sed corpori quoque salubre gaudium fuit:
 satiatusque tandem complexu filii, *Renunciate, inquit,*
gratias regi me agere: referre gratiam aliam nunc non
posse, quam ut suadeam, ne ante in aciem descendat,
quam^{t)} in castra me redisse audierit. Quamquam sexa-

r) habeo Drak.

t) add. ut Eaed. c. Drak.

s) ascendisset Gron. Crev.

ginta duomillia^{u)} peditum, plus duodecim millia equi-^{U. c. 562.}
tum animos interdum ad spem certaminis faciebant;^{a. C. 190.}
notus tamen Antiochus tanti auctoritate viri, in quo
ad incertos belli eventus omnis fortunae posuerat
subsidia, recepit se, et^{x)} transgressus Phrygium am-
nem, circa^{y)} Mānesiam, quae ad Sipylum est, posuit
castra: et, ne, si^{z)} extrahere tempus vellet, muni-
menta Romani tentarent, fossam sex cubita^{a)} altam,
duodecim latam quum duxisset, extra duplex vallum
fossae circumdedit: interiore labro murum cum tur-
ribus crebris obiecit; unde facile arceri transitu fos-
sae hostis posset.

XXXVIII. Consul, circa Thyatira regem esse
ratus, continuis itineribus quinto die ad Hyrcanum
campum descendit. inde quum profectum audisset,
secutus vestigia citra Phrygium amnem, quatuor mil-
lia ab hoste, posuit castra. Eo mille ferme equites,
(maxima pars Gallograeci erant, et Dahae quidam alia-
rumque gentium sagittarii equites intermixti) tumultu-
ose amne trajecto, in stationes inpetum fecerunt.
Primo turbaverunt incompósitos. deinde, quum lon-
gius certamen fieret, Romanorum, ex propinquis ca-
stris facili subsidio, cresceret numerus, regii, fessi
iam et plures non sustinentes, recipere se conati, circa
ripam amnis, priusquam flumen ingrederentur, ab in-
stantibus tergo aliquot interfecti sunt. Biduum deinde
silentium fuit, neutris transgredientibus amnem. ter-
tio post die Romani simul omnes transgressi sunt, et
duo millia fere^{b)} et quingentos passus ab hoste posue-
runt castra. Metantibus et muniendo occupatis, tria
millia delecta equitum peditumque regionum magno
terrore ac tumultu advenere. aliquanto pauciores, qui

u) septuaginta millia Gron.
Crev.

x) et del. Gron. Crev. c. Drak.

y) circaque Eaed. c. Drak.

z) dum Gron. Crev.

a) cubitis Eaed.

b) ferme Gron. Crev.

U. c. 562. in statione erant, duo tamen^{c)} millia, per se, nullo^{d)}
 a. C. 190. a munimento castrorum milite avvocato, et primo aequum proelium sustinuerunt, et, crescente certamine, pepulerunt hostes, centum ex his occisis, centum ferme captis. Per quatrimum insequens instructae utrimque acies pro vallo steterunt. quinto die Romani processerunt in medium campi. Antiochus nihil promovit signa, ita ut extremi minus mille pedes a vallo abessent.

XXXIX. Consul, postquam detrectari certamen vidit, postero die in consilium advocavit, *Quid sibi faciendum esset, si Antiochus pugnandi copiam non faceret? Instare hiemem, aut sub pellibus habendos milites fore, aut, si concedere in hiberna vellent, differendum esse in aestatem bellum.* Nullum unquam hostem Romani aequae contemserunt. conclamatum undique est, *duceret extemplo, et uteretur ardore militum:* qui, tamquam non pugnandum cum tot millibus hostium, sed par numerus pecorum trucidandus esset, per fossas, per vallum castra invadere parati erant, si in proelium hostis non exiret. Cn. Domitius, ad explorandum iter, et qua parte adiri vallum hostium posset, missus, postquam omnia certa retulit, postero die propius castra admoveri placuit. tertio signa in medium campi prolata, et instrui acies coepta est. Nec Antiochus ultra tergiversandum ratus, ne et suorum animos minueret detrectando certamen, et hostium spem augeret, et ipse copias eduxit; tantum progressus a^{e)} castris, ut dimicaturum adpareret. Romana acies unius prope fornacis fuit, et hominum et armorum genere. duae legiones Romanae, duae socium ac Latini nominis erant: quina millia et quadringenos singulae habebant. Romani mediam aciem, cornua Latini tenuerunt: hastatorum prima signa,

c) tantum Crev.

d) aliquanto pauciores in sta-

tionis erant, et tamen per se nullo. Gron.

e) e Eaed.

deinde principum erant: triarii postremos clauderant. Extra hanc veluti iustam aciem, a parte dextera consul Achaeorum caetratis inmixtos auxiliares Eumènis, tria millia ferme peditum, aequata fronte instruxit: ultra eos equitum minus tria millia obposuit; ex quibus Eumenis octingenti, reliquus omnis equitatus Romanus erat: extremos Tralles et Cretenses (quingentorum utrique numerum explebant) statuit. Laevum cornu non videbatur egere talibus auxiliis, quia flumen ab ea parte ripaeque deruptae clauderant. quatuor tamen inde turmae equitum obpositae. Haec summa copiarum erat Romanis, et duo millia mixtorum Macedonum Thracumque, qui voluntate secuti erant. Hi praesidio^{f)} relictis sunt castris. Sexdecim elephantos post triarios in subsidio locaverunt. nam, praeterquam quod multitudinem regionum elephantorum (erant autem quatuor et quinquaginta) sustinere non videbantur posse, ne pari quidem numero Indicis Africi resistunt; sive quia magnitudine, (longe enim illi praestant) sive robore animorum vincuntur.

XL. Regia acies varia magis multis gentibus, dissimilitudine armorum auxiliorumque erat. decem et sex millia peditum more Macedonum armati fuere, qui phalangitae adpellabantur. haec media acies fuit, in fronte in^{g)} decem partes divisa. Partes eas interpositis binis elephantis distinguebat: a fronte introrsus in duos et triginta ordines armatorum acies patebat. hoc et roboris in regiis copiis erat, et, perinde quum alia specie, tum eminentibus tantum inter armatos elephantis, magnum terrorem praebebat. Ingentes ipsi erant. addebant speciem frontalia, et cristae, et tergo inpositae turres, turribusque superstantes, praeter rectorem, quaterni armati. Ad latus

f) erant, praesidio omisso hi,
Gron. Crev.

g) fuit in fronte, in Crev. c.

Drak. In Gron. haec sine
ulla distinctione leguntur.

U. c. 562. dexterum phalangitarum mille et quingentos equites
 a. C. 190. Gallograecorum obposuit. his tria millia equitum lo-
 ricatorum (cataphractus ipsi adpellant) adiunxit. ad-
 dita his ala mille ferme equitum: agema eam voca-
 bant. Medi erant lecti viri, et eiusdem regionis mixti
 multarum gentium equites. continens his grex sexde-
 cim^{h)} elephantorum est obpositus in subsidiis: ab
 eadem parte, paullulum producto cornu, regia cohors
 erat: Argyraspides a genere armorum adpellabantur.
 Dahae deinde, equites sagittarii, mille et ducenti.
 tum levis armatura trium millium, pari ferme numero
 pars Cretenses, pars Tralles. duo millia et quingenti
 Mysi sagittarii hisⁱ⁾ adiuncti erant. Extremum cornu
 claudebant quatuor millia mixti Cyrtaei funditores,
 et Elymaei sagittarii. Ab laevo cornu phalangitis
 adiuncti erant Gallograeci equites mille et quingenti:
 et similiter his armati duo millia Cappadocum: (ab
 Ariarathe missi erant regi)^{k)}. Inde auxiliares mixti
 omnium generum duo millia et septingenti, et tria
 millia cataphractorum equitum, et mille alii equites,
 regia ala levioribus tegumentis suis equorumque, alio
 haud dissimili habitu: Syri plerique erant Phrygibus
 et Lydis inmixti. Ante hunc equitatum falcatae qua-
 drigae et cameli, quos adpellant dromadas. his insi-
 debant Arabes sagittarii, gladios habentes tenues, lon-
 gos quaterna cubita, ut ex tanta altitudine contingere
 hostem possent. Inde alia multitudo, par ei, quae
 in dextro cornu erat; primi Tarentini, deinde Gal-
 lograecorum equitum duo millia et quingenti, inde
 Neocretes mille, et eodem armatu Cares et Cilices
 mille et quingenti, et totidem Tralles, et tria millia
 caetratorum; (Pisidaei^{l)}) erant, et Pamphylii, et Ly-
 cii) tum Cyrtaeorum et Elymaeorum paria in dextro

h) *sedecim* Gron. Crev. c. Drak.

i) *sagittariis*, omisso *his* Eaed.

k) *Cappadocum ab Ariarathe*

missi rege, signis parenthe-
 seos omissis, Gron. Crev.

l) *hi* et signa parentheseos del.
 Eaed.

cornu locatis auxilia, et sexdecim elephanti modico
 intervallo distantes. U. c. 562.
 a. G. 190.

XLI. Rex ipse in dextro^m) cornu erat: Seleucum filium et Antipatrum fratris filium in laevo praeposuit: media acies tribus permissa, Minioni, et Zeuxidi, et Philippo magistro elephanorum. Nebula matutina, crescente die levata in nubes, caliginem dedit. humor inde, ab austro velut, perfudit omnia. Quae nihil admodum Romanis, eadem perincommoda regiis erant. nam et obscuritas lucis in acie modica Romanis non adimebat in omnes partes conspectum; et humor, toto fere gravi armatu, nihil gladios aut pila hebetabat. Regii, tam lata acie, ne ex medio quidem cornua sua circumspicere poterant, nedum extremi inter se conspicerentur: et humor arcus fundasque et iaculorum amenta emollierat. Falcatae quoque quadrigae, quibus se perturbaturum hostium aciem Antiochus crediderat, in suos terrorem verterunt. armatae autem in hunc maxime modum erant. cuspidēs circa temonem ab iugo decem cubita exstantes, velut cornua, habebant; quibus, quidquid obvium daretur, transfigerent. et in extremis iugis binae circa eminebant falces; altera aequata iugo, altera inferior in terram devexa: illa, ut, quidquid ab latere obliiceretur, abscinderet: haec, ut prolapsos subeuntesque contingeret. item ab axibus rotarum utrinque binae eodem modo diversae deligabantur falces. Sic armatas quadrigas, quia, si in extremo, aut in medio locatae forent, per suos agendaerant, in prima acie, ut ante dictum est, locaverat rex. Quod ubi Eumenes vidit, haud ignarus pugnae, et quam anceps esset auxilii genus, si quis pavorem magis equis iniiceret, quam iusta adoriretur pugna, Cretenses sagittarios, funditoresque, et iaculatores equitum, non confertos, sed, quam maxime possent, dispersos, excur-

m) dextero Gron. Crev. c. Drak.

U. c. 562.
a. C. 190.

rere iubet; simul omnibus partibus tela ingerere. Haec velut procella, partim vulneribus missilium undique coniectorum, partim clamoribus dissonis, ita consternavit equos, ut repente, velut effrenati, passim incerto cursu ferrentur: quorum inpetus et levis armatura, et expediti funditores, et velox Cretensis momento declinabant: et eques insequendo tumultum ac pavorem equis camelisque, et ipsis simul consternatis, augebat, clamore et ab alia circumstantium turba multiplici adiecto. Ita medio inter duas acies campo exiguntur quadrigae: amotoque inani ludibrio, tum demum ad iustum proelium, signo utrimque dato, concursus est.

XLII. Ceterum vana illa res verae mox cladis causa fuit. auxilia enim subsidiaria, quae proxima locata erant, pavore et consternatione quadrigarum territa, et ipsa in fugam versa, nudarunt omnia usque ad cataphractus equites. ad quos quum, dissipatis subsidiis, pervenisset equitatus Romanus, ne primum quidem inpetum pars eorum sustinuerunt. alii fusi sunt; alii propter gravitatem tegumentorum armorumque obpressi sunt. Totum deinde laevum cornu inclinavit; et, turbatis auxiliariis, qui inter equitesⁿ⁾, et quos adpellant phalangitas, erant, usque ad mediam aciem terror pervenit. Ibi simul perturbati ordines, et inpeditus interkursu suorum usus praelongarum hastarum, (sarissas Macedones vocant) intulere signa Romanae legiones, et pila in perturbatos coniecere. ne interpositi quidem elephanti militem Romanum deterrebant, adsuetum iam ab Africis bellis et vitare inpetum belluae, et ex transverso aut pilis incessere, aut, si propius subire posset, gladio nervos incidere. Iam media acies fere omnis a fronte prostrata erat, et subsidia circumnita a tergo caedebantur: quum in parte alia fugam suorum, et prope iam ad ipsa castra

n) equitem Gron. Crev.

clamorem paventium acceperere. Namque Antiochus^{U. c. 562.}
 a dextro cornu, quum ibi fiducia fluminis nulla subsi-^{a. C. 190.}
 dia cerneret, praeter quatuor turmas equitum, et eas,
 dum adplicant se suis, ripam nudantes, inpetum in
 eam partem cum auxiliis et cataphracto equitatu fecit^o).
 nec a fronte tantum instabat, sed, circumito a flu-
 mine cornu, iam ab latere urgebat; donec fugati equi-
 tes primum, deinde proximi peditum effuso cursu ad
 castra compulsi sunt.

XLIII. Praeerat castris M. Aemilius tribunus mi-
 litum, M. Lepidi filius, qui post paucos annos^p) pon-
 tifex maximus factus est. Is, qua fugam cernebat
 suorum, cum praesidio omni obcurrit; et stare primo,
 deinde redire in pugnam, iubebat, pavorem et turpem
 fugam increpans. Minae exinde erant, in perniciem
 suam caecos ruere, ni dicto parerent. postremo dat
 signum suis, ut primos fugientium caedant, turbam
 insequentium ferro et vulneribus in hostes redigant.
 Hic maior timor minorem vicit. ancipiti coacti metu
 primo constiterunt; deinde et ipsi redierunt in pu-
 gniam, et Aemilius cum suo praesidio (erant autem
 duo millia virorum fortium) effuse sequenti regi acri-
 ter restitit. Et Attalus, Eumenis frater, a dextro
 cornu, a quo laevum hostium primo inpetu fugatum
 fuerat, ut ab sinistro fugam suorum et tumultum circa
 castra vidit, in tempore cum ducentis equitibus ad-
 venit. Antiochus, postquam et eos, quorum terga
 modo viderat, repetentes pugnam, et aliam et a ca-
 stris et ex acie adfluentem turbam conspexit, in fu-
 gam vertit equum. Ita utroque cornu victores Ro-
 mani per acervos corporum (quos in media maxime
 acie cumulaverant, ubi et robur fortissimorum viro-
 rum, et arma gravitate fugam impedierant) pergunt
 ad castra diripienda. equites primi omnium Eumenis,
 deinde et alius equitatus toto passim campo sequun-

o) *facit* Gron. Crev.p) *post annos paucos* Eaed.

U. c. 562. tur hostem, et postremos, ut quosque adepti sunt,
 a. C. 190. caedunt. Ceterum fugientibus maior pestis, intermixtis quadrigis, elephantisque, et camelis erat, et sua ipsorum turba: quum, solutis ordinibus, velut caeci super alios alii ruentes, incursu belluarum obtererentur. In castris quoque ingens, et maior prope quam in acie, caedes est edita. nam et primorum fuga in castra maxime inclinavit; et huius fiducia multitudinis, qui in praesidio erant, pertinacius pro valle pugnarunt. retenti in portis valloque, quae se inpetu ipso capturos crediderant, Romani, postquam tandem perruperunt, ab ira graviorem ediderunt caedem.

XLIV. Ad quinquaginta millia peditum caesa eo^{q)} die dicuntur, equitum tria^{r)} millia; mille et quadringenti capti, et quindecim cum rectoribus elephantum. Romanorum aliquot vulnerati sunt; ceciderunt non plus trecenti pedites, quatuor et viginti equites; et de Eumenis exercitu quinque et viginti. Et illo quidem die victores, direptis hostium castris, cum magna praeda in sua reverterunt; postero die spoliabant caesorum corpora, et captivos contrahebant. Legati ab Thyatira et a Magnesia ad Sipylum ad dedendas urbes venerunt. Antiochus, cum paucis fugiens, in ipso itinere pluribus congregantibus se, modica manu armatorum media ferme nocte Sardes contendit^{s)}. inde, quum audisset, Seleucum filium et quosdam amicorum Apameam praegressos, et ipse quarta vigilia cum coniuge ac filia petit Apameam, Zenoni tradita custodia urbis, Timone Lydiae praeposito: quibus spretis, consensu oppidanorum et militum qui in arce erant, legati ad consulem missi sunt.

XLV. Sub idem fere tempus et ab Trallibus, et a Magnesia, quae super Maeandrum est, et ab Epheso legati ad dedendas urbes venerunt. Reliquerat Ephesum Polyxenidas, audita pugna, et, classe us-

q) *ca* Gron. Crev.

r) *quatuor* Eaed.

s) *concessit* Eaed.

que ad Patara Lyciae pervectus, metu stationis Rhodiarum navium, quae ad Megisten erat¹⁾, in terram^a egressus, cum paucis itinere pedestri Syriam petiit. Asiae civitates in fidem consulis ditionemque populi Romani sese tradebant. Sardibus iam consul erat. eo et P. Scipio ab Elaea, quum primum pati laborem viae potuit, venit. Sub idem fere tempus caduceator ab Antiocho per P. Scipionem a consule petiit, inpetra- vitque, ut oratores mittere liceret regi. Paucos post dies Zeuxis, qui praefectus Lydiae fuerat, et Anti- pater fratris filius venerunt. hi, prius Eumene con- vento, quem propter vetera certamina aversum ma- xime a pace credebant esse, et placatiore eo et sua et regis spe invento, tum P. Scipionem, et per eum consulem, adierunt: praebitoque iis petentibus fre- quenti consilio ad mandata edenda, *Non tam, quid ipsi dicamus, habemus*, inquit Zeuxis, *quam ut a vo- bis quaeramus, Romani, quo piaculo expiare errorem regis, pacem veniamque inpetrare a victoribus possimus. Maximo semper animo victis regibus populisque igno- vistis. quanto id maiore et placatiore animo decet vos facere in hac victoria, quae vos dominos orbis terrarum fecit? Positis iam adversus omnes mortales certamini- bus, haud secus quam Deos, consulere et parcere vos generi humano oportet. Iam ante, quam legati veni- rent, decretum erat, quid responderetur. respondere Africanum placuit. Is in hunc modum locutus fertur: Romani ex iis, quae in Deum immortalium potestate erant, ea habemus, quae Dii dederunt. Animos, qui nostrae mentis sunt, eosdem in omni fortuna gessimus, gerimusque: neque eos secundae res extulerunt, nec ad- versae minuerunt. eius rei, ut alios omittam, Hanniba- lem vestrum vobis darem testem, nisi vos ipsos dare pos- sem. Postquam Hellespontum traiecimus, priusquam castra regia, priusquam aciem videremus, quum com-*

1) erant Grev.

U. c. 562.
a. C. 190.

U. c. 562. *munis Mars et incertus belli eventus esset, de pace vobis*
 a. C. 190. *agentibus, quas pares paribus ferebamus conditiones,*
easdem nunc victores victis ferimus. Europa abstinete,
Asiaque omni, quae cis Taurum montem est, decedite.
Pro inpensis deinde in bellum factis quindecim millia ta-
lentum Buboicorum dabit; quingenta praesentia; duo
millia et quingenta, quum senatus populusque Roma-
nus pacem comprobaverint; millia deinde talentum per
duodecim annos. Eumeni quoque reddi quadringenta
talenta, et quod frumenti reliquum ex eo, quod patri
debitum est, placet. Haec quum pepigerimus, factu-
ros vos ut pro certo habeamus, erit quidem aliquod pi-
gnus, si obsides viginti nostro arbitrato dabit; sed
numquam^{u)} satis liquebit nobis, ibi pacem esse populo
Romano, ubi Hannibal erit. eum ante omnia deposci-
mus. Thoantem quoque Aetolum, concitorem Aetolici
belli, qui et illorum fiducia vos, et vestra illos in nos ar-
mauit, dedetis, et cum eo Mnasilochum^{x)} Acarnana, et
Chalcidenses Philonem et Eubulidam. In deteriore sua
fortuna pacem faciet rex, quia serius facit, quam fa-
cere potuit. Si nunc moratus fuerit, sciat, regum ma-
iestatem difficilius ab summo fastigio ad medium de-
trahi, quam a mediis ad ima praecipitari. Cum his
mandatis ab rege missi erant legati, ut omnem pacis
conditionem acciperent. itaque Romam mitti legatos
placuit. Consul in hiberna exercitum Magnesiam ad
Maeandrum et Tralles Ephesumque divisit. Ephe-
sum ad consulem paucos post dies obsides ab rege ad-
ducti sunt: et legati, qui Romam irent, venerunt.
Eumenes quoque eodem tempore profectus est Romam,
quo legati regis. secutae eos sunt legationes omnium
Asiae populorum.

XLVI. Dum haec in Asia geruntur, duo fere sub
 idem tempus cum triumphi spe proconsules de pro-
 vinciiis Romam redierunt; Q. Minucius ex Liguribus,

u) nusquam Gron.

x) Mnasilochum Gron. Crev.

M'. Acilius ex Aetolia. Auditis utriusque rebus ge-^{U. c. 563.}
 stis, Minucio negatus triumphus, Acilio magno con-^{a. C. 190.}
 sensu decretus: isque triumphans de rege Antiocho
 et Aetolis urbem est invectus. Praelata sunt in eo^{y)}
 triumpho signa militaria ducenta triginta: et argenti
 infecti tria millia pondo; signati tetradrachum Atti-
 cum centum tredecim millia, cistophorum ducenta
 quadraginta octo: vasa argentea caelata multa, ma-
 gnique ponderis. Tulit et supellectilem regiam ar-
 genteam, ac vestem magnificam; coronas aureas, do-
 na sociarum civitatum, quadraginta quinque; spolia
 omnis generis: captivos nobiles, Aetolos et regiones
 duces, sex et triginta duxit. Damocritus Aetolorum
 dux paucos ante dies, quum e carcere nocte effugisset,
 in ripa Tiberis consecutis custodibus, priusquam com-
 prehenderetur, gladio se transfixit. Milites tantum,
 qui sequerentur currum, defuerunt: alioqui magnifi-
 cus et spectaculo et fama rerum triumphus fuit. Hu-
 ius triumphi minuit laetitiam nuncius ex Hispania
 tristis, adversa pugna in Bastetanis^{z)}, ductu L. Ae-
 milii proconsulis, apud oppidum Lyconem cum Lu-
 sitanis sex millia de exercitu Romano cecidisse: ce-
 teros^{a)}, paventes intra vallum compulsos, aegre ca-
 stra defendisse, et in modum fugientium magnis iti-
 neribus in agrum pacatum reductos. Haec ex Hispania
 nunciata. Ex Gallia legatos Placentinorum et
 Cremonensium L. Aurunculeius praetor in senatum
 introduxit. iis querentibus inopiam colonorum, aliis
 belli casibus, aliis morbo absumentis, quosdam taedio
 adcolarum Gallorum reliquisse colonias, decrevit se-
 natus, *Uti C. Laelius consul, si ei videretur, sex mil-
 lia familiarum conscriberet, quae in eas colonias divi-
 derentur: et ut L. Aurunculeius praetor triumphos
 crearet ad eos colonos deducendos.* Creati M. Atilius

y) eo del. Gron. Crev.

a) cecidisse. Ceteros Gron. c.

z) Bastetanis Eaed. c. Drak.

Drak.

U. c. 562. Serranus, L. Valerius P. F. Flaccus, L. Valerius C.
a. C. 190. F. Tappo^{b)}).

XLVII. Haud ita multo post, quum iam consularium comitiorum adpeteret tempus, C. Laelius consul ex Gallia Romam rediit. is non solum, ex facto absente se senatusconsulto, in supplementum Cremonae et Placentiae colonos scripsit; sed, ut novae coloniae duae in agrum, qui Boiorum fuisset, deducerentur, et retulit, et auctore eo Patres censuerunt. Eodem tempore L. Aemilii praetoris literae adlatae de navali pugna ad Myonnesum facta, et L. Scipionem consulem exercitum in Asiam traiecissee. Victoriae navalis ergo in unum diem supplicatio decreta est: in alterum diem, quod exercitus Romanus tum primum in Asia posuisset castra, ut ea res prospera et laeta eveniret. vicenis maioribus hostiis in singulas supplicationes sacrificare consul est iussus. Inde consularia comitia magna contentione habita. M. Aemilius Lepidus petebat adversa omnium fama^{c)}, quod provinciam Siciliam petendi caussa, non consulto senatu, ut sibi id facere liceret, reliquisset. petebant cum eo M. Fulvius Nobilior, Cn. Manlius Vulso, M. Valerius Messalla^{d)}. Fulvius consul unus creatur, quum ceteri centurias non explessent: isque^{e)} postero die Cn. Manlium, Lepido deiecto, (nam Messalla tacuit) collegam dixit. Praetores exinde facti, duo Q. Fabii, Labeo et Pictor, (flamen Quirinalis eo anno inauguratus fuerat) M. Sempronius Tuditanus, Sp. Postumius Albinus, L. Plautius Hypsaeus, L. Baebius Dives.

XLVIII. M. Fulvio Nobiliore et Cn. Manlio Vulsonsone consulibus, Valerius Antias auctor est, rumorem celebrem Romae fuisse, et pene pro certo habitum, recipiendi Scipionis adolescentis caussa, con-

b) Tappus Gron. Crev.

c) adversa fama hominum
Laed. c. Drak.

d) Messala Gron. Crev.

e) is quoque Gron.

sulem L. Scipionem, et cum eo P. Africanum, in con-
loquium evocatos regis, et ipsos comprehensos esse;
et, ducibus captis, confestim ad castra Romana exer-
citus ductum, eaque expugnata, et deletas omnes co-
pias Romanorum esse. Ob haec Aetolos sustulisse
animos, et abnuisse imperata facere, principesque
eorum in Macedoniam, et in Dardanos, et in Thra-
ciam, ad conducenda mercede auxilia profectos. Haec
qui nunciarent Romam, A. Terentium Varronem et
M. Claudium Lepidum ab A. Cornelio propraetore ex
Aetolia missos esse. Subtextit deinde fabulae huic,
legatos Aetolos in senatu inter cetera hoc quoque in-
terrogatos esse; unde audissent, imperatores Roma-
nos in Asia captos ab Antiocho rege, et exercitum
deletum esse; Aetolos respondisse, ab suis legatis
se, qui cum consule fuerint, certiores factos. Ru-
moris huius quia neminem alium auctorem habeo.
neque adfirmata res mea opinione sit; nec pro vana
praetermissa.

XLIX. Aetoli legati in senatum introducti, quum
et caussa eos sua et fortuna hortaretur, ut confitendo
seu suae culpaeseu errori veniam peterent supplices;
orsi a beneficiis in populum Romanum, et prope ex-
probrantes virtutem suam in Philippi bello, et obfen-
derunt aures insolentia sermonis; et eo, vetera et
obliterata repêtendo, rem adduxerunt, ut haud paullo
plurimum maleficiorum gentis, quam beneficiorum,
memoria subiret animos Patrum, et, quibus miseri-
cordia opus erat, iram et odium irritarent. Interro-
gati ab uno senatore, *permitterentne arbitrium de se
populo Romano?* deinde ab altero, *habiturine eosdem,
quos populus Romanus, socios et hostes essent?* nihil
ad ea respondentes, egredi templo iussi sunt. Con-
clamatum deinde prope ab universo senatu est, *To-
tus adhuc Antiochi Aetolos esse, et ex unica ea spe pen-
dere animos eorum. Itaque bellum cum haud dubiis
hostibus gerendum, perdomandosque feroces animos esse.*

U. c. 565.
a. C. 189.

U. c. 563. Etiam illa res accendit, quod eo ipso tempore, quo
 a. C. 189. pacem ab Romanis petebant, Dolopiae atque Atha-
 maniae bellum inferebant. Senatusconsultum in M'.
 Acilii sententiam, qui Antiochum Aetolosque devi-
 cerat, factum est, *Ut Aetoli eo die iuberentur proficis-
 ci ab urbe, et intra quintum decimum diem Italia ex-
 cedere.* A. Terentius Varro ad custodiendum iter eo-
 rum missus, denunciatumque, *Si qua deinde legatio
 ex Aetolis, nisi permissu imperatricis, qui eam provin-
 ciam obtineret, et cum legato Romano, venisset Romam,
 pro hostibus omnes futuros.* Ita dimissi Aetoli.

L. De provinciis deinde consules retulerunt: sor-
 tiri eos Aetoliam et Asiam placuit. qui Asiam sortitus
 esset, exercitus ei, quem L. Scipio haberet, est de-
 cretus, et in eum supplementum quatuor millia pedi-
 tum Romanorum, ducenti equites, et sociorum ac
 Latini nominis octo millia peditum, et quadringenti
 equites: his copiis ut bellum cum Antiocho gereret.
 Alteri consuli exercitus, qui erat in Aetolia, est de-
 cretus; et, ut supplementum scriberet, permissum,
 civium sociorumque eundem numerum, quem colle-
 ga. naves quoque idem consul, quae priore anno pa-
 ratae erant, ornare iussus, ac ducere secum: nec cum
 Aetolis solum bellum gerere, sed etiam in Cephalle-
 niam insulam traicere. Mandatum eidem, ut^{f)}, si
 per commodum reipublicae facere posset, ut ad co-
 mitia Romam rediret. nam, praeterquam quod magi-
 stratus annui subrogandi essent, censores quoque pla-
 cere creari. si qua res eum teneret, senatum certio-
 rem faceret, se ad comitiorum tempus obcurrere non
 posse. Aetolia M. Fulvio, Asia Cn. Manlio sorte
 evenit. Praetores deinde sortiti sunt, Sp. Postu-
 mius Albinus urbanam et inter peregrinos, M. Sem-
 pronius Tuditanus Siciliam, Q. Fabius Pictor flamen
 Quirinalis Sardiniam, Q. Fabius Labeo classem, L.

f) ut del. Gron. Crev.

Plautius Hypsaëus Hispaniam citeriorem, L. Baebius U. c. 563. Dives Hispaniam ulteriorem. Siciliae legio una et a. C. 189. classis, quae in ea provincia erat, decreta; et ut duas decumas frumenti novus praetor imperaret Siculis, earum alteram in Asiam, alteram in Aetoliam mitteret. Idem ab Sardis exigi, atque ad eosdem exercitus id frumentum, ad quos Siculum, deportari iussum. L. Baebio supplementum in Hispaniam datum mille Romani pedites, equites quinquaginta, et sex millia peditum Latini nominis, ducenti^{g)} equites. Plautio Hypsaëo in Hispaniam citeriorem mille Romani dati sunt pedites, duo millia socium Latini nominis, et ducenti equites. cum his supplementis ut singulas legiones duae Hispaniae haberent. Prioris anni magistratibus, C. Laelio cum suo exercitu prorogatum in annum imperium est. prorogatum et P. Iunio propraetori in Etruria cum eo exercitu, qui in provincia esset; et M. Tuccio propraetori^{h)} in Brutiis et Apulia.

LI. Priusquam in provincias praetores irent, certamen inter P. Licinium pontificem maximum fuit et Q. Fabium Pictorem flaminem Quirinalem, quale patrum memoria inter L. Metellum et Postumium Albinum fuerat. Consulem illum, cum C. Lutatio collega in Siciliam ad classem proficiscentem, ad sacra retinuerat Metellus pontifex maximus; praetorem hunc, ne in Sardiniam proficisceretur, P. Licinius tenuit. Et in senatu, et ad populum magnis contentionibus certatum est; et imperia inhibita ultro citroque, et pignora capta, et multae dictae, et tribuni adpellati, et provocatum ad populum est. Religio ad postremum vicit, ut dicto audiens esset flamen pontifici; et multae ex iussu populi remissae. Ira provinciae ereptaeⁱ⁾ praetorem magistratu abdicare se conantem Patres auctoritate sua deterruerunt: et, ut ius inter peregrinos diceret, decreverunt. De-

g) et ducenti Gron. Grev.

i) ita provincia erepta Eaed.

h) praetori Eaed.

U. c. 563. lectibus deinde intra paucos dies (neque enim multi
a. C. 189. milites legendi erant) perfectis, consules praetoresque
in provincias proficiscuntur. Fama deinde de rebus
in Asia gestis temere vulgata sine auctore: et post
dies paucos nuncii certi literaeque imperatoris Romam
adlatae; quae non tantum gaudium ab recenti metu
adtulerunt, (desierant enim victum in Aetolia me-
tuere) quam averterunt famam: quod ineuntibus id
bellum gravis hostis et suis viribus, et quod Hanni-
balem rectorem militiae haberet, visus fuerat. nihil
tamen aut de consule mittendo in Asiam mutandum,
aut minuendas eius^k) copias, censuerunt; metu, ne
cum Gallis foret bellandum.

LII. Haud multo post M. Aurelius Cotta, legatus
L. Scipionis, cum Antiochi regis legatis, et Eume-
nes rex Rhodiique Romam venerunt. Cotta in sena-
tu primum, deinde in concione iussu Patrum, quae
acta in Asia essent, exposuit. Supplicatio inde in
triduum decreta est, et quadraginta maiores hostiae
inmolari iussae. Tum omnium primum Eumeni se-
natus datus est. Is quum breviter et egisset gratias
Patribus, *quod obsidione se ac fratrem exemissent, re-
gnumque ab iniuriis Antiochi vindicassent: et gratu-
latus esset, quod mari terraque prospere res gessissent;
quodque regem Antiochum, fusum fugatumque et exu-
tum castris, prius Europa, post et Asia, quae cis Tau-
rum montem est, expulissent: sua deinde merita malle
eos ex imperatoribus suis legatisque, quam se comme-
morante, cognoscere, dixit. Haec adprobanlibus cun-
ctis, iubentibusque dicere ipsum, omissa in id vere-
cundia, quid sibi a senatu populoque Romano tribui ae-
quum censeret: propensius cumulatiusque, si quo possit,
prout eius merita sint, senatum facturum; ad ea rex:
Si ab aliis sibi praemiorum optio deferretur, libenter,
data modo facultate consulendi senatum Romanum,*

k) eas Gron. Crev.

consilio amplissimi ordinis usurum fuisse, ne quid aut inmoderate cupisse, aut petisse parum modeste videri posset: verum enimvero, quum ipsi daturi sint, multo magis munificentiam eorum in se fratresque suos ipsorum arbitrii debere esse. Nihil hac oratione eius Patres conscripti deterriti sunt, quo minus dicere ipsum iuberent. et quum aliquamdiu, hinc indulgentia, hinc modestia, inter permittentes in vicem, non magis mutua, quam inexplicabili facilitate, certatum esset, Eumenes templo excessit. Senatus in eadem perstare sententia, ut absurdum esse diceret, ignorare regem, quid sperans, aut petens venerit. quae adcommodata regno suo sint, ipsum optime scire: Asiam longe melius, quam senatum, nosse. revocandum igitur et cogendum, quae vellet, quaeque sentiret, expromere.

LIII. Reductus a praetore in templum rex, et dicere iussus: *Perseverassem, inquit, tacere, Patres conscripti, nisi Rhodiorum legationem mox vocaturos vos scirem: et, illis auditis, mihi necessitatem fore dicendi. Quae quidem eo difficilior oratio erit, quod ea postulata eorum futura sint¹⁾, ut non solum nihil, quod contra me sit, sed ne quod ad ipsos quidem proprie pertineat, petere videantur. Agent enim causam civitatum Graecarum, et liberari eas dicent debere. quo inpetrato, cui dubium est, quin et a nobis aversuri sint non eas modo civitates, quae liberabuntur, sed etiam veteres stipendiarias nostras; ipsi autem tanto obligatos beneficio verbo socios, re vera subiectos imperio et obnoxios habituri sint? Et, (si Diis placet) quum has tantas opes adfectabunt, dissimulabunt, ulla parte id ad se pertinere: vos modo id decere, et conveniens esse antefactis, dicent. Haec vos ne decipiat oratio, providendum vobis erit; neve non solum inaequaliter alios nimium deprimatis ex sociis vestris, alios praeter modum extollatis; sed etiam, ne, qui ad-*

¹⁾ sunt Gron. Grev.

U. c. 563. *versus vos arma tulerint, in^{m)} meliore statu sint, quam*
a. C. 189. *socii et amici vestri. Quod ad me adinet, in aliis re-*
bus cessisse intra finem iuris mei cuilibet videri ma-
lim, quam nimis pertinaciter in obtinendo eo tetendisse;
in certamine autem amicitiae nostraeⁿ⁾, benevolentiae
erga vos, honoris, qui a vobis habebitur, minime a quo-
quam^{o)} aequo animo vinci possum. Hanc ego maximam
haereditatem a patre accepi, qui primus omnium Asiam
Graeciamque incolentium in amicitiam vestram venit,
eamque perpetua et constanti fide ad extremum finem
vitae perduxit: nec dumtaxat animum^{p)} vobis bonum
ac fidelem praestitit, sed omnibus interfuit bellis, quae
in Graecia gessistis, terrestribus, navalibus^{q)}; omni
genere commeatum ita, ut nemo sociorum vestrorum
aequari ulla parte posset, vos adiuvit. Postremo quum
Bocotos ad societatem vestram hortaretur, in ipsa con-
cione intermortuus, haud multo post expiravit. Huius
ego vestigia ingressus, voluntati quidem et studio in co-
lendis vobis adicere (etenim inexcuperabilia haec erant)
nihil potui: rebus ipsis meritisque et inpensis officiorum
ut superare possem, fortuna, tempora, Antiochus, et
bellum in Asia gestum praebuerunt materiam. Rex
Asiae et partis Europae Antiochus filiam suam in ma-
trimonium mihi dabat; restituebat extemplo civitates,
quae defecerant a nobis; spem magnam in posterum am-
plicandi regni faciebat, si secum adversus vos bellum
gessissem. Non gloriabor eo, quod nihil in vos deli-
querim. illa potius, quae vetustissima domus nostrae
vobiscum amicitia digna sunt, referam. Pedestribus
navalibusque copiis, ut nemo vestrorum sociorum me ae-
quiparare posset, imperatores vestros adiuvi; commea-
tus terra marique suppeditavi; navalibus proeliis, quae
multis locis facta sunt, omnibus adfui; nec labori meo
nec periculo usquam peperci. Quod miserrimum est in

m) in del. Gron. Grev.

n) vestrae Eaed.

o) a quoquam del. Eaed. c. Drak.

p) animum dumtaxat Gron. Grev.

q) navalibusque Eaed.

bello, obsidionem passus sum, Pergami inclusus cum dis- U. c. 563.
 crimine ultimo simul vitae regnique. Liberatus deinde a. C. 189.
 obsidione, quum aliaparte Antiochus, alia Seleucus circa
 arcem regni mei castra haberent, relictis rebus meis^{r)},
 tota classe ad Hellespontum L. Scipioni consuli vestro
 obcurri, ut eum in traiciendo exercitu adiuuarem. post-
 quam in Asiam exercitus vester est transgressus, num-
 quam a consule abcessi: nemo miles Romanus magis ad-
 siduus in castris vestris fuit, quam ego fratresque
 mei. nulla expeditio, nullum equestre proelium sine
 me factum est. In acie ibi steti, eam partem sum tu-
 tatus, in qua me consul esse voluit. Non sum hoc di-
 cturus, Patres conscripti, quis hoc bello meritis erga
 vos mecum comparari potest? Ego nulli omnium neque
 populorum, neque regum, quos in magno honore habe-
 tis, non ausim me comparare. Hostis Masinissa ante
 vobis^{s)}, quam socius, fuit: nec incolumi regno cum
 auxiliis suis, sed extorris, expulsus, amissis omnibus
 copiis, cum turma equitum in castra confugit vestra.
 tamen eum, quia in Africa adversus Syphacem et Kar-
 thaginienses fideliter atque inpigre vobiscum stetit, non
 in patrium solum regnum restituitis, sed, adiecta opu-
 lentissima parte Syphacis regni, praepotentem inter Afri-
 cae reges fecistis. Quo tandem igitur nos praemio at-
 que honore digni apud vos sumus, qui numquam hostes,
 semper socii fuimus? Pater, ego, fratresque mei non
 in Asia tantum, sed etiam procul ab domo in Pelopon-
 neso, in Boeotia, in Aetolia, Philippi, Antiochi, Aeto-
 lico bello, terra marique pro vobis arma tulimus. Quid
 ergo postulas? dicat aliquis. Ego, Patres conscripti,
 quoniam dicere utique volentibus vobis parendum est,
 si vos ea mente ultra Tauri iuga emostis Antiochum^{t)},
 ut ipsi teneretis eas terras, nullos adcolas, nec finiti-
 mos habere, quam vos, malo; nec ulla alia re tutius

r) meis del. Drak.

t) Antiochum emostis Eaed.

s) Masinissa hostis vobis ante
Gron. Crev.

U. c. 563. *stabiliusque regnum meum futurum spero. Sed si vobis*
 a. C. 189. *decedere inde, atque exercitus deducere in animo est; neminem digniorem esse ex sociis vestris, qui bello a vobis parta possideat, quam me, dicere ausim. At enim magnificum est liberare civitates servas. Ita opinor, si nihil hostile adversus vos fecerunt: sin autem Antiochi partis fuerunt^{u)}; quanto est vestra prudentia et aequitate dignius, sociis bene meritis, quam hostibus, vos consulere?*

LIV. Grata oratio regis Patribus fuit: et facile adparebat, munifice omnia et propenso animo facturos. Interposita Smyrnaeorum brevis legatio est, quia non aderat^{x)} quidam Rhodiorum. Conlaudatis egregie Smyrnaeis, quod omnia ultima pati, quam se regi tradere, maluissent, introducti Rhodii sunt. quorum princeps legationis, expositis initiis amicitiae cum populo Romano, meritisque Rhodiorum Philippi prius, deinde Antiochi bello: *Nihil, inquit, nobis tota nostra actione, Patres conscripti, neque difficilius, neque molestius est, quam quod cum Eumene nobis disceptatio est: cum quo uno maxime regum et privatum singulis, et, quod magis nos movet, publicum civitati nostrae hospitium est. Ceterum non animi nostri, Patres conscripti, nos, sed rerum natura, quae potentissima est, disiungit; ut nos liberi etiam aliorum libertatis causam agamus; reges serva omnia et subiecta imperio suo esse velint. Utcumque tamen res se habet, magis verecundia nostra adversus regem nobis obstat, quam ipsa disceptatio aut nobis inpedita est, aut vobis perplexam deliberationem praebitura videtur. Nam, si aliter socio atque amico regi, et bene merito hoc ipso in bello, de cuius praemiis agitur, honos haberi nullus posset, nisi liberas civitates ei in servitutem traderetis, esset deliberatio anceps; ne aut regem amicum inhonoratum dimitteretis, aut decederetis instituto vestro, et gloriam, Philippi*

u) fuerint Gron.

x) aderant Gron. Crev. c. Drak.

bello partam, nunc servitute tot civitatum deformare- U. c. 563.
 tis. Sed ab hac necessitate, aut gratiae in amicum ^{a.} C. 189.
 minuendae, aut gloriae vestrae, egregie vos fortuna vindicat. Est enim Deum benignitate non gloriosa magis, quam dives, victoria vestra: quae vos facile isto velut aere alieno exsolvat. nam et Lycaonia, et Phrygia utraque, et Pisidia omnis, et Chersonesus, quaeque circumiacent Europae, in vestra sunt potestate. quarum una quaelibet regi adiecta multiplicare regnum Eumenis potest: omnes vero datae maximis eum regibus aequare. Licet ergo vobis, et praemiis belli ditare socios, et non decedere instituto vestro, et meminisse, quem titulum praetenderitis prius adversus Philippum, nunc adversus Antiochum, belli: quid feceritis, Philippo victo; quid nunc a vobis, non magis quia fecistis, quam quia id vos facere decet, desideretur atque expectetur. Alia enim aliis et honesta est et probabilis^{y)} causa armorum. Illi agrum, hic vicos, hi oppida, hi portus, oramque aliquam maris ut possideant. Vos nec cupistis haec, antequam haberetis: nec nunc, quum orbis terrarum in ditione vestra sit, cupere potestis. Pro dignitate et gloria apud omne genus humanum, quod vestrum nomen imperiumque iuxta ac Deos immortales iam pridem intuetur, pugnastis. quae parare et quaerere arduum fuit, nescio an tueri difficilius sit. Gentis vetustissimae nobilissimaeque, vel fama rerum gestarum, vel omni commendatione humanitatis doctrinarumque, tuendam ab servitio regio libertatem suscepistis. hoc patrocinium receptae in fidem et in^{z)} clientelam vestram universae gentis^{a)} perpetuum vos praestare decet. Non, quae in solo modo antiquo sunt, Graecae magis urbes sunt, quam coloniae earum, illinc quondam profectae in Asiam. Nec terra mutata mutavit genus aut mores. certare pio certamine cuiuslibet bonae artis ac virtutis ausi sumus cum parentibus quaeque civitas et conditori-

y) et honesta et probabilis est
 Gron. Crev.

z) in del. Eaed.

a) gentis del. Eaed.

U. c. 563. *bus suis. Adistis Graeciae, adistis Asiae urbes plerique. nisi quod longius a vobis absumus, nulla vincimur alia re. Massilienses, quos, si natura insita velut ingenio terrae vinci posset, iam pridem efferassent tot indomitae circumfusae gentes, in eo honore, in ea merito dignitate audimus apud vos esse, ac si medium umbilicum Graeciae incolerent. non enim sonum modo linguae vestitumque et habitum, sed ante omnia mores, et leges, et ingenium sincerum integrumque a contagione adcolarum, servarunt. Terminus est nunc imperii vestri mons Taurus. quidquid intra eum cardinem est, nihil longinquum vobis videri debet. quo arma vestra pervenerunt, eodem ius hinc profectum perveniat. Barbari, quibus pro legibus semper dominorum imperia fuerunt, quo gaudent, reges habeant: Graeci suam fortunam, vestros animos gerunt. Domesticis quondam viribus etiam imperium amplectebantur; nunc, imperium ubi est, ibi ut sit perpetuum, optant. libertatem vestris tueri armis satis habent, quoniam suis non possunt. At enim quaedam civitates cum Antiocho senserunt. Et aliae prius cum Philippo, et cum Pyrrho Tarentini. Ne alios populos enumerem, Karthago libera cum suis legibus est. Huic vestro exemplo quantum debeat, videte, Patres conscripti. Inducetis in animum negare Eumenis cupiditati, quod iustissimae irae vestrae negastis. Rhodii et in hoc, et in omnibus bellis, quae in illa ora gessistis, quam forti fidelique opera vos adiuverimus, vestro iudicio relinquimus. nunc in pace id consilium adferimus; quod si comprobaveritis^{b)}, magnificentius vos victoria usos esse, quam vicisse, omnes existimaturi sint. Aptam magnitudini Romanae oratio visa est.*

LV. Post Rhodios Antiochi legati vocati sunt. Ii, vulgato petentium veniam more, errorem fassi regis, obtestati sunt Patres conscriptos, *Ut suae*

b) comprobaveritis Gron. Crev.

potius clementiae, quam regis culpaе, qui satis super- U. c. 563.
que poenarum dedisset, memores consulerent. postremo a. C. 189.
pacem datam a L. Scipione imperatore, quibus legibus
dedisset, confirmarent auctoritate sua. Et senatus
eam pacem servandam censuit, et paucos post dies
populus iussit. Foedus in Capitolio cum Antipatro
principe legationis, et eodem fratris filio regis Anti-
ochi, est ictum. Auditaе deinde et aliae legationes
ex Asia sunt. Quibus omnibus datum est respon-
sum, Decem legatos more maiorum senatum missurum
ad res Asiae disceptandas componendasque. Summam
tamen hanc fore: ut cis Taurum montem, quae intra
regni Antiochi fines fuissent, Eumeni adtribuerentur,
praeter Lyciam Cariamque usque ad Maeandrum am-
nem. ea civitatis Rhodiorum essent. Ceterae civitates
Asiae, quae Attali stipendiariae fuissent, eadem Eu-
meni vectigal penderent: quae vectigales Antiochi fu-
issent, eae liberae atque immunes essent. Decem le-
gatos hos decreverunt, Q. Minucium Rufum, L.
Furium Purpureonem, Q. Minucium Thermum, Ap-
Claudium Neronem, Cn. Cornelium Merulam, M.
Iunium Brutum, L. Aurunculeium, L. Aemilium
Paullum, P. Cornelium Lentulum, P. Aelium Tu-
beronem.

LVI. His, quae praesentis disceptationis essent,
libera mandata, de summa rerum senatus constituit:
Lycaoniam omnem, et Phrygiam utramque, et Mysiam,
regias silvas, et Lydiae Ioniaeque, extra ea oppida,
quae libera fuissent, quo die cum rege Antiocho pu-
gnatum est, et nominatim Magnesiam ad Sipylum, et
Cariam, quae Hydrela adpellatur, agrumque Hydre-
latanum ad Phrygiam vergentem, et castella vicosque
trans c) Maeandrum amnem, et oppida, nisi quae libera
ante bellum fuissent; Telmissum item nominatim, et
castra Telmissium, praeter agrum, qui Ptolemaei Tel-

c) ad Gron. Crev. c. Drak.

U. c. 563. missii fuisset: haec omnia, quae supra scripta sunt,
 a. C. 189. regi Eumeni iussa dari. Rhodiis Lycia data, extra
 eundem Telmissum, et castra Telmissium, et agrum,
 qui Ptolemaei Telmissii fuisset: haec et ab Eumene,
 et ab Rhodiis excepta. Ea quoque his pars data Ca-
 riae, quae propior Rhodum insulam trans Maeandrum
 amnem est; oppida, vici, castella, agri, qui ad Pisi-
 diam vergunt: nisi quae eorum oppida in libertate fuissent,
 pridie quam cum Antiocho rege in Asia pugnatum est.
 Pro his quum gratias egissent Rhodii, de Solis urbe,
 quae in Cilicia est, egerunt: Argis et illos, sicut sese,
 oriundos esse. ab ea germanitate fraternam sibi cum
 iis caritatem esse. Petere hoc extraordinarium munus,
 ut eam civitatem ex servitute regia eximerent. Vocati
 sunt regis Antiochi legati, actumque cum iis est: nec
 quidquam inpetratum, testante foedera Antipatro,
 adversus quae ab Rhodiis non Solos, sed Ciliciam
 peti, et iuga Tauri transcendî. Revocatis in senatum
 Rhodiis, quum, quantopere tenderet legatus regius,
 exposuissent Patres, adiecerunt; Si utique eam rem
 ad civitatis suae dignitatem pertinere censerent Rhodii,
 senatum omni modo expugnaturum pertinaciam legato-
 rum. Tum vero inpensius, quam ante, Rhodii gra-
 tias egerunt, cessurosque se potius adrogantiae An-
 tipatri, quam causam turbandae pacis praebituros,
 dixerunt. ita nihil de Solis mutatum est.

LVII. Per eos dies, quibus haec gesta sunt, le-
 gati Massiliensium nunciarunt ^{d)}, L. Baebium prae-
 torem, in provinciam Hispaniam proficiscentem, ab
 Liguribus circumventum; magna parte comitum caesa,
 vulneratum ipsum, cum paucis, sine licitoribus, Massi-
 liam perfugisse, et intra triduum exspirasse. Senatus,
 ea re audita, decrevit, uti P. Iunius Brutus, qui pro-
 praetor in Etruria esset, provincia exercituque traditis
 uni, cui videretur, ex legatis, ipse in ulteriorem Hispa-

d) nunciaverunt Gron. Grev.

niam proficisceretur, eaque ei provincia esset. Hoc U. c. 563.
 senatusconsultum literaeque a Sp. Postumio praetore^a. C. 189.
 in Etruriam missae sunt: profectusque in Hispaniam
 est P. Iunius propraetor. In qua provincia prius
 aliquanto, quam successor veniret^e), L. Aemilius
 Paulus, qui postea regem Persea magna gloria vicit,
 quum priore anno haud prospere rem gessisset, tu-
 multuario exercitu conlecto, signis conlatis cum Lu-
 sitanis pugnavit. Fusi fugatique sunt hostes. caesa
 decem et octo millia armatorum; tria millia trecenti
 capti, et castra expugnata. Huius victoriae fama
 tranquilliores in Hispania res fecit. Eodem anno
 ante diem tertium Kalendas Ianuarias Bononiam La-
 tinam coloniam ex senatusconsulto L. Valerius Flac-
 cus, M. Atilius Serranus, L. Valerius Tappo^f) tri-
 umviri deduxerunt. tria millia hominum sunt de-
 ducta: equitibus septuagena iugera, ceteris colonis
 quinquagena sunt data. Ager captus de Gallis Boiis
 fuerat: Galli Tuscos expulerant. Eodem anno cen-
 suram multi et clari viri petierunt. quae res, tamquam
 in se parum magni certaminis caussam haberet, aliam
 contentionem multo maiorem excitavit. Petebant
 T. Quinctius Flamininus, P. Cornelius Cn. F. Scipio,
 L. Valerius Flaccus, M. Porcius Cato, M. Claudius
 Marcellus, M. Acilius Glabrio, qui Antiochum ad
 Thermopylas Aetolosque devicerat. in hunc maxime,
 quod multa congiaria habuerat, quibus magnam par-
 tem hominum obligaverat^g), favor populi se inclina-
 bat. Id quum aegre paterentur tot nobiles, novum
 sibi hominem tantum praeferrī; P. Sempronius Grac-
 chus et C. Sempronius Rutilus, tribuni plebis, ei
 diem dixerunt, quod pecuniae regiae praedaeque
 aliquantum, captae in Antiochi castris, neque in
 triumpho tulisset, neque in aerarium retulisset^h).
 Varia testimonia legatorum tribunorumque militum

e) *venisset* Gron. Crev.f) *Tappus* Eaed. c. Drak.g) *obligarat* Gron. Crev.h) *detulisset* Eaed.

U. c. 567. erant. M. Cato ante alios testes conspiciebatur: cu-
 a. C. 189. ius auctoritatem, perpetuo tenore vitae partam, toga
 candida elevabat. Is testis, quae vasa aurea atque
 argentea, captis castris, inter aliam praedam regiam
 vidisset, ea se in triumpho negabat vidisse. Post-
 remo in huius maxime invidiam desistere se petitione
 Glabrio dixit; quando, quod taciti indignarentur
 nobiles homines, id aequae novus competitor intesta-
 bili ¹⁾ periurio incesset.

LVIII. Centum millium multa inrogata erat.
 bis de ea re ^{k)} certatum est. tertio, quum de peti-
 tione destitisset reus, nec populus de multa suffra-
 gium ferre voluit, et tribuni eo negotio destiterunt.
 Censores T. Quinctius Flamininus, M. Claudius Mar-
 cellus creati. Per eosdem dies L. Aemilio Regillo,
 qui classe praefectum Antiochi regis devicerat, extra
 urbem in aede Apollinis quum senatus datus esset,
 auditis rebus gestis eius, quantis cum classibus ho-
 stium dimicasset, quot inde naves demersisset aut
 cepisset, magno consensu Patrum triumphus navalis
 est decretus. Triumphavit Kalendis Februariis. in
 eo triumpho undequinquaginta coronae aureae trans-
 latae sunt: pecunia nequaquam tanta, pro specie
 regii triumphi: tetradrachma Attica triginta quatuor
 millia septingenta, cistophori centum triginta duo ^{l)}
 millia trecenti. Supplicationes deinde fuerunt ex
 senatusconsulto, quod L. Aemilius ^{m)} in Hispania
 prospere rempublicam gessisset. Haud ita multo post
 L. Scipio ad urbem venit. qui, ne cognomini fratris ⁿ⁾
 cederet, Asiaticum se adpellari voluit. Et in senatu,
 et in concione de rebus ab se gestis disseruit. Erant,
 qui fama id maius bellum, quam difficultate rei, fuisse
 interpretarentur; uno memorabili proelio debellatum,
 gloriamque eius victoriae praeffloratam ad Thermopy-

i) *inaestimabili* Gron. Crev.
 c. Drak.

k) *re* del. Crev.

l) *unum* Gron. Crev. c. Drak.

m) *add. Paullus* Gron. Crev.

n) *cognomine fratri* Eaed.

las esse. Ceterum vere aestimanti Aetolicum magis U. c. 563. ad Thermopylas bellum, quam regium fuit. Quota a. C. 189. enim parte virium suarum ibi dimicavit Antiochus? in Asia totius Asiae steterunt vires, ab ultimis o) Orientis partibus omnium gentium contractis auxiliis.

LIX. Merito ergo et Diis immortalibus, quantus p) maximus poterat, habitus est honos, quod ingentem victoriam facilem etiam fecissent, et imperatori triumphus est decretus. Triumphavit mense intercalario pridie Kalendas Martias. qui triumphus spectaculo oculorum maior, quam Africani fratris eius, fuit: recordatione rerum et aestimatione periculi certaminisque non magis comparandus, quam si imperatorem imperatori, aut Antiochum ducem Hannibali conferres. Tulit in triumpho signa militaria ducenta triginta quatuor; oppidorum simulacra centum triginta quatuor; eburneos dentes mille ducentos triginta unum q); aureas coronas ducentas triginta r) quatuor; argenti pondo centum triginta septem millia et quadringenta viginti; tetradrachmum Atticorum ducenta viginti quatuor millia; cistophorum trecenta triginta unum millia et septuaginta; nummos aureos Philippeos centum quadraginta millia; vasorum argenteorum (omnia caelata erant) mille pondo et quadringenta viginti quatuor, aureorum mille pondo viginti quatuor. et duces regii, praefecti, et purpurati duo et triginta ante currum ducti. Militibus quini viceni denarii dati, duplex centurioni, triplex equiti. et stipendium militare et frumentum duplex post triumphum datum. proelio in Asia facto, duplex dederat. Triumphavit anno fere post, quam consulatu abiit.

LX. Eodem fere tempore et Cn. Manlius consul in Asiam, et Q. Fabius Labeo praetor ad classem venit. Ceterum consuli non deerat cum Gallis belli

o) ultimi Drak.
p) quantum Gron.

q) ducentos viginti, omisso unum, Gron. Crev.
r) viginti omisso unum, Eaed.

U. c. 563. materia. mare pacatum erat, devicto Antiocho. Co-
 a. C. 189. gitanti ^{s)} Q. Fabio, cui rei potissimum insisteret, ne
 otiosam provinciam habuisse videri posset, optimum
 visum est, in Cretam insulam traicere. Cydoniatae
 bellum adversus Gortynios Gnossiosque gerebant, et
 captivorum Romānorum atque Italici generis magnus
 numerus in servitute esse per totam insulam diceba-
 tur. Classe ab Epheso profectus, quum primum Cre-
 tae litus adtigit, nuncios circa civitates misit, ut armis
 absisterent, captivosque in suis quaeque urbibus agris-
 que conquisitos reducerent, et legatos mitterent ad se,
 cum quibus de rebus ad Cretenses pariter Romanos-
 que pertinentibus ageret. Nihil magnopere ea Cre-
 tenses moverunt. captivos, praeter Gortynios, nulli
 reddiderunt. Valerius Antias ad quatuor millia capti-
 vorum, quia belli minas timuerunt, ex tota insula
 reddita scripsit: eamque causam Fabio, quum rem
 nullam aliam gessisset, navalis triumphi inpetrandi
 ab senatu fuisse. A Creta Ephesum Fabius rediit:
 inde tribus navibus in Thraciae oram missis, ab Aeno
 et Maronea ^{t)} praesidia Antiochi deduci iussit, ut in
 libertate eae civitates essent.

^{s)} add. *itaque*, omisso Q. ^{t)} *Maronia* Eaed.
 Gron. Grev.

EPITOME LIBRI XXXVIII.

M. Fulvius consul in Epiro Ambracienses obsessos in 1) conditionem accepit, Cephaleniam subegit, Aetolis perdomitis pacem dedit. Cn. Manlius consul, collega eius, Gallograecos Tolistoboios 2), et 3) Tectosagos, et Trocmos, qui Brenno duce in Asiam transierant, quum soli citra 4) Taurum montem non parerent, vicit. Eorum origo, et quemadmodum ea loca, quae tenent, occupaverint, refertur. Exemplum quoque virtutis et pudicitiae in femina traditur. nam quum Ortiagontis 5), regis Gallograecorum, uxor captiva esset, centurionem custodem, qui ei vim intulerat, occidit. Lustrum a censoribus conditum est. censa sunt civium capita ducenta quinquaginta octo millia et trecenta viginti octo. Cum Ariarathae, rege Cappadociae, amicitia iuncta est. Cn. Manlius, contradicentibus decem legatis, ex quorum consilio foedus cum Antiocho conscripserat, de Gallograecis, acta pro se caussa in senatu, triumphavit. Scipio Africanus, die ei dicta, ut quidam aiunt, a Q. Petillio 6) tribuno plebis, ut quidam, a Naevio, quod praeda ex Antiocho capta aerarium fraudasset, postquam is dies venit, evocatus in Rostra, *Hac die*, inquit, *Quirites, Karthaginem vici*; et, prosequente populo, Capitolium adscendit. Inde, ne amplius tribuniciis iniuriis vexaretur, in voluntarium exsilium Liternum concessit; incertum ibi, an Romae, defunctus, nam eius monumentum utrobique fuit. L. 7) Scipio Asiaticus, frater Africani, eodem peculatus crimine accusatus damnatusque, quum in vincula et carcerem duceretur, Ti. Sempronius Gracchus, tribunus plebis, qui antea Scipionibus inimicus fuerat 8), intercessit; et ob id beneficium Africani filiam duxit. Quum 9) quaestores in bona eius publice possidenda missi essent 10), non modo in iis ullum 11) vestigium pecuniae regiae apparuit, sed nequaquam tantum redactum, quantae summae erat damnatus. Conlatam a cognatis et amicis innumerabilem pecuniam accipere noluit: quae necessaria ei erant ad cultum, redempta.

1) per Gron. Crev.

2) Tholistobogios Gron.

3) et del. Gron. Crev.

4) circa Crev. In Crev. min. citra legitur.

5) Orgiagontis Gron.

6) Petilio Crev.

7) L del. Gron. Crev.

8) erat Gron.

9) add. praetor Gron.

10) misisset Gron.

11) nullum Crev.

T. LIVII PATAVINI

LIBER XXXVIII.

U. c. 563. **D**um in Asia bellum geritur, ne in Aetolis quidem
a. C. 189. quietae res fuerant, principio a gente Athamanum
orto. Athamania ea tempestate, pulso Amynandro,
sub praefectis Philippi regio tenebatur praesidio: qui
superbo atque inmodico imperio desiderium Amynan-
drifecerant. Exsulanti tum Amynandro in Aetolia lite-
ris suorum, indicantium statum Athamaniae, spes re-
cuperandi regni facta est. remissique nuncii ab eo ad
principes^{a)} Argitheam, (id enim caput Athamaniae
erat) si popularium animos satis perspectos haberet^{b)},
inpetrato ab Aetolis auxilio, in Athamaniam se ven-
turum cum delectis Aetolorum, quod consilium^{c)} esset
gentis, et Nicandro praetore. quos, ubi ad omnia pa-
ratos esse vidit, certiores subinde facit, quo die cum
exercitu Athamaniam ingressurus esset. Quatuor
primo fuere coniurati adversus Macedonum praesi-
dium. hi senos sibi adiutores ad rem gerendam ad-
sumserunt: deinde, paucitate parum freti, quae ce-
landae rei, quam agendae, aptior erat, parem priori
numerum adiecerunt. Ita duo et quinquaginta facti,
quadrifariam se diviserunt: pars una Heracleam, al-
tera Tetraphyliam petit, ubi custodia regiae pecuniae
esse solita erat, tertia Theudoriam, quarta Argithe-
am. Ita inter omnes convenit, ut primo quieti, ve-
lut ad privatam rem agendam venissent, in foro obver-
sarentur: die certa multitudinem omnem convocarent

a) remissique ab eo nunciant
principibus Gron. Crev.

b) haberent Eaed.
c) concilium Gron.

ad praesidia Macedonum arcibus expellenda. Ubi ea ^{U. c. 563.}
dies advenit, et Amynander cum mille Aetolis in fi- ^{a. C. 189.}
nibus erat; ex composito quatuor simul locis praesi-
dia Macedonum expulsa, literaeque in alias urbes
passim dimissae, ut vindicarent sese ab inpotenti do-
minatione Philippi et restituerent in patrium ac legi-
timum regnum. Undique Macedones expelluntur.
Theium oppidum, literis a Zenone praefecto praesidii
interceptis, et arce ab regiis occupata, paucos dies ob-
sidentibus restitit: deinde id quoque traditum Amy-
nandro est, et omnis Athamania in potestate erat,
praeter Athenaeum castellum, finibus Macedoniae
subiectum.

II. Philippus, audita defectione Athamaniae, cum
sex millibus armatorum profectus, ingenti celeritate
Gomphos pervenit. ibi relictā maiore parte exercitus,
(neque enim ad tanta itinera subsecissent) cum duo-
bus millibus Athenaeum, quod unum a praesidio suo
retentum fuerat, pervenit. inde, proximis tentatis,
quum facile animadvertisset, cetera hostilia esse,
Gomphos regressus, omnibus copiis simul in Atha-
maniam rediit. Zenonem inde, cum mille peditibus
praemissum, Ethopiam occupare iubet, opportune
Argitheaē imminentem: quem ubi teneri a suis lo-
cum vidit, ipse circa templum Iovis Acraei posuit
castra. ibi unum diem foeda tempestate retentus, po-
stero die ducere ad Argitheam intendit. Euntibus
extemplo adparuere Athamanes, in tumulos inmi-
nentes viae discurrentes. ad quorum conspectum con-
stitere prima signa, totoque agmine pavor et trepida-
tio erat: et pro se quisque, quidnam futurum esset,
cogitare, si in valles subiectas rupibus agmen foret
demissum. Haec tumultuatio regem, cupientem, si
se sequerentur, raptim evadere angustias, revocare
primos, et eadem, qua venerat, via referre coegit si-
gna. Athamanes primo ex intervallo quieti seque-
bantur: postquam Aetoli se coniunxerunt, hos, ut

U. c. 563. ab tergo agmini instarent, reliquerunt; ipsi a lateri-
 a. C. 189. bus se circumfuderunt. quidam, per notos calles bre-
 viore via praegressi, transitus insedere: tantumque
 tumultus Macedonibus est iniectum, ut fugae magis
 effusae, quam itineris ordinati modo, multis armis
 virisque relictis, flumen traiecerint. hic finis sequendi
 fuit. Inde tuto Macedones Gomphos, et a Gomphis
 in Macedoniam redierunt. Athamanes Aetolique Etho-
 piam, ad Zenonem ac mille Macedonas obprimendos,
 undique concurrerunt. Macedones, parum loco freti,
 ab Ethopia in altiore[m] deruptiore[m]que undique tu-
 mulum concessere. quo pluribus locis aditu invento,
 expulere eos Athamanes: dispersosque, et per invias
 atque ignotas rupes iter fugae non expedientes,
 partim ceperunt, partim interfecerunt: multi pavore
 in derupta praecipitati, perpauci cum Zenone ad re-
 gem evaserunt. postea^{d)} per inducias sepeliendi cae-
 sos potestas facta est.

III. Amynander, recuperato regno, legatos et^{e)}
 Romam ad senatum, et ad Scipiones in Asiam, Ephe-
 si post magnum cum Antiocho proelium morantes,
 misit. Pacem petebat, excusabatque sese, quod per
 Aetolos recuperasset paternum regnum. Philippum
 incusabat. Aetoli ex Athamania in Amphilochos
 profecti sunt, et maioris partis voluntate in ius ditio-
 nemque totam redegerunt gentem. Amphilochia re-
 cepta, (nam fuerat quondam Aetolorum) eadem spe
 in Aperantiam transcenderunt. ea quoque magna ex
 parte sine certamine in deditionem venit. Dolopes
 numquam Aetolorum fuerant: Philippi erant. hi pri-
 mum ad arma concurrerunt: ceterum, postquam Am-
 philochos cum Aetolis esse, fugamque ex Athamania
 Philippi, et caedem praesidii eius acceperunt, et ipsi a
 Philippo ad Aetolos deficiunt. Quibus circumiectis
 gentibus iam undique se a Macedonibus tutos creden-

d) *postero die* Gron. Crev. c. e) *et del.* Gron.
 Drak.

tibus esse, Aetolis fama adfertur, Antiochum in Asia U. c. 563.
 victum ab Romanis. nec ita multo post legati ab Ro-^{a.} C. 189.
 ma rediere sine spe pacis, Fulviumque consulem nun-
 ciantes iam cum exercitu traiecisse. His territi, prius
 ab Rhodo et Athenis legationibus excitis, ut per au-
 ctoritatem civitatum earum suae preces nuper repu-
 diatae faciliorem aditum ad senatum haberent, prin-
 cipes gentis ad tentandum ultimam spem Romam mi-
 serunt: nihil, ne bellum haberent, prius, quam pene
 in conspectu hostis erat, praemeditati. Iam M. Ful-
 vius, Apolloniam exercitu traiecto, cum Epirotarum
 principibus consultabat, unde bellum inciperet. Epi-
 rotis Ambraciam placebat adgredi, quae tum contri-
 buerat se Aetolis. *sive ad tuendam eam venirent Aetoli,*
apertos circa campos ad dimicandum esse: sive detre-
ctarent certamen, obpugnationem fore haud difficilem.
nam et copiam in propinquo materiae ad aggeres exci-
tandos et cetera opera esse: et Arachthum^{f)}, naviga-
bilem amnem, opporrtunum ad comportanda, quae usui
sint, praeter ipsa moenia fluere; et aestatem aptam rei
gerendae adesse. his persuaserunt, ut per Epirum
duceret.

IV. Consuli, ad Ambraciam advenienti, magni
 operis obpugnatio visa est. Ambracia tumulo aspe-
 ro subiecta est^{g)}, Perranthem incolae vocant. urbs, qua
 murus vergit in campos et flumen, occidentem; arx,
 quae inposita est tumulo^{h)}, orientem spectat. amnis
 Arachthusⁱ⁾, ex Athamania^{k)} fluens, cadit in sinum
 maris, ab nomine propinquae urbis Ambracium ad-
 pellatum. praeterquam quod hinc amnis munit, hinc
 tumuli; muro quoque firmo septa erat, patente in
 circuitu paullo amplius tria millia passuum. Fulvius
 bina a campo castra, modico inter se distantia inter-

f) *Arethontem* Gron. Crev. c. Drak.

g) *est del.* Gron. Crev.

h) *quae posita in tumulo est* Eaed.

i) *Aretho* Eaed. c. Drak.

k) *Aearmania* Gron. Crev.

U. c. 563. vallo, unum castellum loco edito contra arcem obie-
 a. C. 189. cit. ea omnia vallo ac fossa ita iungere parat, ne exitus
 inclusis ab urbe, neve aditus foris ad auxilia intromitten-
 da esset. Ad famam obpugnationis Ambraciae Stratum
 iam edicto Nicandri praetoris convenerant Aetoli. Inde
 primo copiis omnibus ad prohibendam obsidionem
 venire in animo fuerat. deinde, postquam urbem iam
 magna ex parte operibus septam viderunt, Epirotarum
 trans flumen loco plano castra posita esse, dividere
 copias placuit. cum mille expeditis Eupolemus Am-
 braciam profectus, per nondum commissa inter se
 munimenta urbem intravit. Nicandro cum cetera ma-
 nu primo Epirotarum castra nocte adgredi consilium
 fuerat, haud facili ab Romanis auxilio, quia flumen
 intererat. deinde, periculosum inceptum ratus, ne
 qua sentirent Romani, et regressus inde in tutum
 non esset, deterritus ab hoc consilio, ad depopulan-
 dam Acarnaniam iter convertit.

V. Consul, iam munimentis, quibus sepienda urbs
 erat, iam operibus, quae admoveere muris parabat,
 perfectis, quinque simul locis moenia est adgressus.
 tria paribus intervallis faciliore aditu a campo ad-
 versus Pyrrheum, quod vocant, admovit; unum
 e regione Aesculapii; unum adversus arcem.
 Arietibus muros quatiebant, asseribus falcatis de-
 tergebat pinnas. Oppidanos primo et ad spe-
 ciem et ad ictus moenium, cum terribili sonitu
 editos, pavor ac trepidatio cepit. deinde, ut praeter
 spem stare muros viderunt, conlectis rursus animis,
 in arietes tollentibus libramenta plumbi aut saxorum
 stipitesve robustos incutiebant; falces, ancoris ferreis
 iniectis in interiorem partem muri trahentes asserem,
 praeFRINGEBANT¹⁾: ad hoc eruptionibus, et nocturnis in
 custodias operum, et diurnis in stationes, ultro terro-
 rem inferebant. In hoc statu res ad Ambraciam quum

1) *perfringebant* Gron. Crév.

essent, iam Aetoli a populatione Acarnaniae Stratum redierant. inde Nicander praetor, spem nactus solvendae incepto forti obsidionis, Nicodamum quemdam cum Aetolis quingentis Ambraciam intronittit. noctem certam tempusque etiam noctis constituit, quo et illi ab urbe opera hostium, quae adversus Pyrrheum erant, adgrederentur, et ipse ad castra Romana terrorem faceret; posse ratus, ancipiti tumultu et nocte^m) augente pavorem, memorabilem rem geri. Et Nicodamus intempesta nocte, quum alias custodias fefellisset, per alias inpetu constanti erupisset, superato brachio in urbem penetrat; animique aliquantum ad omnia audenda et spei obsessis adiecit; et, simul constituta nox venit, ex composito repente opera est adgressus. Id inceptum conatu, quam effectu, gravius fuit, quia nulla ab exteriori parte vis admota est; seu metu deterrito praetore Aetolorum, seu quia potius visum est, Amphilochois opem ferre nuper receptis; quos Perseus Philippi filius, missus ad Dolopiam Amphilochosque recipiendos, summa vi obpugnabat.

VI. Tribus locis, sicut ante dictum est, ad Pyrrheum opera Romana erant: quae omnia simul, sed nec adparatu, nec vi simili, Aetoli adgressi sunt. alii cum ardentibus facibus, alii stuppam picemque et malleolos ferentes, tota conlucente flammis acie, advenere. multos primo inpetu custodes obpresserunt. deinde, postquam clamor tumultusque in castra est perlatus, datumque a consule signum, arma capiunt, et omnibus portis ad opem ferendam effunduntur. Uno in loco ferro ignique gesta res est, a duobus irritum incepto, quum tentassent magis, quam inissent, certamen, Aetoli abscesserunt. Atrox pugna in unum inclinaverat locum. ibi diversis partibus duo duces Eupolemus et Nicodamus pugnantes hortabantur, et pro-

m) *posse ratus ancipiti tumultu, nocte etc. omisso et*, Gron. Crev.

U. c. 563. pe certa fovebant spe, iam Nicandrum ex composito
 a. C. 189. adfore, et terga hostium invasurum. Haec res aliquamdiū animos pugnantium sustinuit. ceterum, postquam nullum ex composito signum a suis accipiebant, et crescere numerum hostium cernebant, destituti segnius instare: postremo, re omissa, iam vix tuto receptu, fugientes in urbem compelluntur, parte operum incensa, et pluribus aliquanto, quam ipsi ceciderant, interfectis, quod si ex composito acta res fuisset, haud dubium erat, expugnari una utique parte opera cum magna caede hostium potuisse. Ambracienses, quique intus erant Aetoli, non ab eius solum noctis incepto recessere, sed in reliquum quoque tempus, velut proditi a suis, segniores ad pericula erant. iam nemo eruptionibus, ut ante, in stationes hostium, sed, dispositi per muros et turres, ex tuto pugnabant.

VII. Perseus, ubi adesse Aetolos audivit, ommissa obsidione urbis, quam obpugnabat, depopulatus tantum agros, Amphilochiamⁿ⁾ excessit, atque in Macedoniam rediit. Et Aetolos inde avocavit populatio maritimae orae. Pleuratus Illyriorum rex, cum sexaginta lembis Corinthium sinum invectus, adiunctis Achaeorum, quae Patris erant, navibus, maritima Aetoliae vastabat. adversus quos mille Aetoli missi, quacumque se classis circumegerat per litorum amfractus, brevioribus^{o)} semitis obcurrerant. Et Romani ad Ambraciam, pluribus locis quatiendo arietibus muros, aliquantum urbis nudaverant. nec tamen penetrare in urbem poterant. Nam et pari celeritate novus pro diruto murus obiciebatur, et armati, ruinis superstantes, instar munimenti erant. Itaque, quum aperta vi parum procederet consuli res, cuniculum occultum, vineis ante contexto loco, agere instituit. et aliquamdiu, quum dies noctesque in opere essent, non

n) *Amphilochia* Gron. Crev.

o) *circumegerat, per littorum*

amfractus brevioribus etc.
 Eaed.

solum sub terra fodientes, sed egerentes etiam hu- U. c. 563.
 mum, fefellere hostem. Cumulus repente terrae emi- a. C. 189.
 nens index operis oppidanis fuit. pavidique, ne iam
 subrutis muris, facta in urbem via esset, fossam in-
 tra murum e regione eius operis, quod vineis con-
 tectum erat, ducere instituunt. cuius ubi ad tantam
 altitudinem, quantae esse solum infimum cuniculi
 poterat, pervenerunt, silentio facto, pluribus locis
 aure admota, sonitum fodientium captabant. Quem
 ubi acceperunt^{p)}, aperiunt rectam in cuniculum viam.
 nec fuit magni operis. momento enim ad inane, sus-
 penso furculis ab hostibus muro, pervenerunt. ibi
 commissis operibus, quum e fossa in cuniculum pate-
 ret iter, primo ipsis ferramentis, quibus in opere usi
 erant, dein celeriter armati etiam subeuntes occultam
 sub terram^{q)} ediderunt pugnam. segnior deinde ea
 facta est; intersepientibus cuniculum, ubi vellent,
 nunc ciliciis praetentis, nunc foribus raptim obiectis,
 Nova etiam haud magni operis adversus eos, qui in
 cuniculo erant, excogitata res est. dolium a fundo
 pertusum, qua fistula modica inseri posset, et fistulam
 ferream operculumque dolii ferreum, et ipsum pluribus
 locis perforatum, fecerunt. hoc tenui pluma comple-
 tum dolium ore in cuniculum verso posuerunt. Per
 operculi foramina praelongae hastae, quas sarissas vo-
 cant, ad submovendos hostes eminebant. scintillam
 levem ignis inditam plumae, folle fabrili ad caput fi-
 stulae inposito, flando accenderunt. inde non solum
 magna vis fumi, sed acrior etiam foedo quodam ni-
 dore ex adusta pluma, quum totum cuniculum com-
 plesset, vix durare quisquam intus poterat.

VIII. Quum in hoc statu res ad Ambraciam esset,
 legati ab Aetolis Phaeneas et Damoteles, cum liber-
 ris mandatis, decreto gentis, ad consulem venerunt.
 nam praetor eorum, quum alia parte Ambraciam ob-

p) acceperant Gron.

q) sub terra Gron. Crev.

U. c. 563. pugnari cerneret, alia infestam oram navibus hosti-
 a. C. 189. um esse, alia Amphilochos Dolopiamque a Macedo-
 nibus vastari, nec Aetolos simul ad tria diversa bella
 obcursantes subficere, convocato concilio, Aetolos
 principes, quid agendum esset, consuluit. Omnium
 eo sententiae decurrerunt, *ut pax, si posset, aequis;*
si minus, tolerandis conditionibus peteretur. Antiochi
fiducia bellum susceptum. Antiocho terra marique su-
perato, et prope extra orbem terrae ultra iuga Tauri ex-
acto, quam spem esse sustinendi belli? Phaeneas et
Damoteles, quod e re Aetolorum, ut in tali casu, fide-
que sua esse censerent, agerent. Quod enim sibi con-
silium, aut cuius rei electionem a fortuna relictam? Cum
his mandatis legati missi orare consulem, ut parceret
urbi, miseretur gentis quondam sociae, nolle dicere in-
iuriis, miscris certe coactae insanire. Non plus mali
meritos Aetolos Antiochi bello, quam boni ante, quum
adversus Philipppum bellatum sit, fecisse. nec tum large
gratiam relatum sibi, nec nunc inmodice poenam in-
iungi debere. Ad ea consul respondit: Magis saepe,
quam vere umquam, Aetolos pacem petere. imitarentur
Antiochum in petenda pace, quem in bellum traxissent.
Non paucis urbibus eum, de quarum libertate certatum
sit, sed omni Asia cis Taurum montem, opimo regno,
excessisse. Aetolos, nisi inermes, de pace agentes non
auditorium se. arma illis prius equosque omnes traden-
dos esse, deinde mille talentum argenti populo Romano
dandum: cuius summæ dimidium praesens numeraretur,
si pacem habere vellent. Ad ea adiecturum etiam in foe-
dus esse, ut eosdem, quos populus Romanus, amicos
atque hostes habeant.

IX. Adversus quae legati, et quia gravia erant,
 et quia suorum animos indomitos ac mutabiles ^{r)} no-
 verant, nullo reddito responso, domum regressi sunt,
 ut etiam atque etiam, quid agendum esset, re integra,

r) immutabiles Gron.

praetorem et principes consulerent. Clamore et iur-
 gio excepti, *quam diu* ^{s)} *rem traherent, qualemcumque*
pacem referre iussi? quum redirent Ambraciam, Acar-
 nanum insidiis prope viam positis, quibuscum bellum
 erat, circumventi Thyrium ^{t)} custodiendi deducuntur.
 Haec mora iniecta est paci. Quum iam Atheniensium
 Rhodiorumque legati, qui ad deprecandum pro his
 venerant, apud consulem essent; Amynder quo-
 que, Athamanum rex, fide accepta, venerat in ca-
 stra Romana; magis pro Ambracia urbe ^{u)}, ubi ma-
 iorem partem temporis exsulaverat, quam pro Aeto-
 lis, sollicitus. Per hos certior factus consul de casu
 legatorum, adduci eos a Thyrio iussit. quorum post
 adventum agi coeptum est de pace. Amynder,
 quod sui maxime operis erat, impigre agebat, ut Am-
 bracienses compelleret ad deditionem. id quum per
 colloquia principum, succedens murum, parum pro-
 ficeret: postremo, consulis permissu ingressus urbem,
 partim consilio, partim precibus, evicit, ut permit-
 terent se Romanis. Et Aetolos C. Valerius Laevini
 filius, qui cum ea gente primum amicitiam pepigerat,
 consulis frater, matre genitus eadem, egregie adiuvit.
 Ambracienses, prius pacti, ut Aetolorum auxiliares
 sine fraude emitterent, aperuerunt portas. dein (Ae-
 toli) ^{x)}, *ut quingenta Euboica darent talenta; ex qui-*
bus ducenta praesentia, trecenta per annos sex pensioni-
bus aequis; captivos perfugasque redderent Romanis:
urbem ne quam formulae sui iuris facerent, quae post
id tempus, quo T. Quinctius traiecisset in Graeciam,
aut vi capta ab Romanis esset, aut voluntate in ami-
citiam venisset: Cephallenia insula ut extra ius foe-
deris esset. Haec quamquam spe ipsorum aliquanto
 leviora erant, petentibus Aetolis, ut ad concilium
 referrent, permissum est. Parva disceptatio de urbi-
 bus tenuit, quae quum sui iuris aliquando fuissent,

s) excepti, quod Gron. Crev.
 t) Tyril cum Eaed.

u) urbe del. Eaed.
 x) Aetoli del. Gron.

U. c. 563. avelli velut a corpore suo aegre patiebantur. ad unum
 a. C. 189. tamen omnes accipi pacem iusserunt. Ambracienses
 coronam auream consuli centum et quinquaginta pon-
 do dederunt: signa aenea marmoreaque et tabulae
 pictae, quibus ornatior Ambracia, (quia regia ibi
 Pyrrhi fuerat) quam ceterae regionis eius urbes erant,
 sublata omnia avectaque. nihil praeterea tactum
 violatumve.

X. Profectus ab Ambracia consul in mediterranea Aetoliae, ad Argos Amphilochium (viginti duo millia ab Ambracia abest) castra posuit. eo tandem legati Aetoli, mirante consule, quod morarentur, venerunt. Inde, postquam adprobasse pacem concilium Aetolorum accepit, iussis proficisci Romam ad senatum, permissoque, ut et Rhodii, et Athenienses ^{y)} deprecatores irent, dato, qui simul cum iis proficeretur, C. Valerio fratre, ipse in Cephalleniam traiecit. Praeoccupatas aures animosque principum Romae criminibus Philippi invenerunt; qui, per legatos, per literas, Dolopas, Amphilochosque, et Athamaniam ereptas sibi querens, praesidiaque sua, postremo etiam filium Persea ex Amphilochis pulsum, averterat senatum ab audiendis precibus eorum. Rhodii tamen et Athenienses cum silentio auditi sunt. Atheniensis legatus Leon, Icesiae filius, eloquentia etiam dicitur movisse: qui vulgata similitudine, mari tranquillo, quod ventis concitaretur, aequiparando multitudinem Aetolorum, usus, *quum in fide Romanas societatis mansissent, insita gentis tranquillitate quiesse eos aiebat: postquam flare ab Asia Thoas et Dicearchus, ab Europa Menestas ^{z)} et Damocritus coepissent; tum illam tempestatem coortam, quae ad Antiochum eos, sicuti in ^{a)} scopulum, intulisset.*

XI. Diu iactati Aetoli, tandem ut condiciones

y) et Athenienses et Rhodii a) sicut in Gron. sicut ad
 Gron. Grev. Grev.
 z) Menetas Eaed.

pacis convenirent, effecerunt. Fuerunt autem hae: U. c. 563. *Imperium maiestatemque populi Romani gens Aetolorum*^a. C. 189. *conservato sine dolo malo. Ne quem exercitum, qui adversus socios amicosque eorum ducetur, per fines suos transire sinito; neve ulla ope iuvato. Hostes eosdem habeto, quos populus Romanus, armaque in eos fert, bellumque*^{b)} *pariter gerito. perfugas, fugitivos, captivosque reddito Romanis sociisque; praeterquam si qui capti, quum domos redissent, iterum capti sunt; aut si qui eo tempore ex iis capti sunt, qui tum hostes erant Romanis, quum intra*^{c)} *praesidia Romana Aetoli essent. Aliorum qui comparebunt, intra dies centum Corcyraeorum magistratibus sine dolo malo tradantur: qui non comparebunt, quando quisque eorum primum inventus fuerit, reddantur*^{d)} *). obsides quadraginta arbitratu consulis Romani dato, ne minores duodecim annorum, neu maiores quadraginta. Obses ne esto praetor, praefectus equitum, scribe publicus: neu quis, qui ante obses fuerit apud Romanos. Cephallenia extra pacis leges esto. De pecuniae summa, quam penderent, pensionibusque eius, nihil ex eo, quod cum consule convenerat, mutatum. Pro argento si aurum dare mallent, darent, convenit; dum pro argenteis decem aureus unus valeret. Quae urbes, qui agri, qui homines Aetolorum iuris aliquando fuerunt, qui eorum T.*^{e)} *Quinctio, Cn. Domitio consulibus, postve eos consules, aut*^{f)} *armis subacti, aut voluntate, in ditionem populi Romani venerunt, ne quem eorum Aetoli recepisse velint. Oeniadae cum urbe agrisque Acarnanum sunt. His legibus foedus ictum cum Aetolis est.*

XII. Eadem non aestate solum, sed etiam iisdem prope diebus, quibus haec a M. Fulvio consule in Aetolia gesta sunt, consul alter Cn. Manlius in

b) bellum Gron. Crev.

c) inter Gron.

d) reddatur Gron. Crev.

e) L. Gron.

f) aut del. Gron. Crev.

U. c. 563. Gallograecia bellum gessit, quod nunc ordiri pergam.
 a. C. 189. Vere primo Ephesum consul venit, acceptisque copiis a L. Scipione, et exercitu lustrato, concionem apud milites habuit: qua, conlaudata virtute eorum, quod cum Antiocho uno proelio debellassent, adhortatus eos ad novum cum Gallis suscipiendum bellum, qui et auxiliis Antiochum iuissent, et adeo indomita haberent ingenia, ut nequidquam Antiochus emotus ultra iuga Tauri montis esset, nisi frangerentur opes Gallorum, de se quoque pauca, nec falsa, nec immodica, adiecit. Laeti milites ^{g)} cum frequenti adsensu consulem audiverunt, partem virium Antiochi fuisse Gallos credentes; rege superato, nullum momentum in solis per se Gallorum copiis fore. Eumenem haud in tempore abesse (Romae tunc erat) credere consul, gnarum locorum hominumque, et cuius interesset frangi Gallorum opes. Attalum igitur fratrem eius arcessit a Pergamo, hortatusque ad capessendum secum bellum, pollicentem suam suorumque operam domum ad comparandum dimittit. Paucos post dies profecto ab Epheso consuli ad Magnesiam obcurrit Attalus cum mille peditibus, equitibus ducentis, Athenaeo fratre iusso cum ceteris copiis subsequi, commendata iis custodia Pergami, quos fratri regnoque fidos credebat. Consul, conlaudato iuvene, cum omnibus copiis ad Maeandrum progressus, castra posuit, quia vado superari annis non poterat, et contrahendae naves erant ad exercitum traiciendum. Transgressi Maeandrum ad Hieran Comen pervenerunt.

XIII. Fanum ibi augustum Apollinis et oraculum: sortes versibus haud inconditis dare vates dicuntur. Hinc alteris castris ad Harpasum flumen ventum est: quo legati ab Alabandis venerunt, ut castellum, quod ab ipsis nuper descisset, aut aucto-

g) milites del. Gron. Crev.

ritate, aut armis, cogeret iura antiqua pati. Eodem U. c. 563.
et Athenaeus, Eumenis et Attali frater, cum Cretensi^a. C. 189.
Leuso et Corrago Macedone venit. mille pedites
mixtarum gentium et trecentos equites secum adduxe-
runt. Consul, tribuno militum misso cum modica
manu, castellum vi captum^h) Alabandensibus reddit.
ipse, nihil via digressus, ad Antiochiam super Mae-
andrum amnem posuit castra. Huius amnis fontes
Celaenis oriuntur. Celaenae urbs caput quondam
Phrygiae fuit. migratum inde haud procul veteribus
Celaenis, novaeque urbi Apameae nomen inditum
ab Apamaⁱ), sorore Seleuci regis. Et Marsyas amnis,
haud procul a Maeandri fontibus oriens, in Maean-
dram cadit. Famaque ita tenet, Celaenis Marsyam
cum Apolline tibiarum cantu certasse. Maeander, ex
arce summa Celaenarum ortus, media urbe decur-
rens, per Caras primum, deinde Ionas, in sinum
maris editur, qui inter Prienen^k) et Miletum est.
Ad Antiochiam in castra consulis Seleucus, Antiochi
filius, ex foedere icto cum Scipione, ad frumentum
exercitui dandum venit. Parva disceptatio de Attali
auxiliariis orta est; quod, Romano tantum militi,
pactum Antiochum, ut daretur frumentum, Seleucus
dicebat. Discussa ea quoque est constantia consulis,
qui dimisso tribuno edixit, ne Romani milites accipe-
rent, priusquam Attali auxilia accepissent. Inde ad
Gordiutichos, quod vocant, processum est. ex eo loco
ad Tabas tertiis castris perventum. in finibus Pisi-
darum posita est urbs, in ea parte, quae vergit ad
Pamphylum mare. Integris viribus regionis eius,
feroces ad bellandum habebat viros. Tum quoque
equites, in agmen Romanum eruptione facta, haud
modice primo inpetu turbavere: deinde, ut adparuit,
nec numero se, nec virtute pares esse, in urbem
compulsi, veniam erroris petebant, dedere urbem pa-

h) vi receptum Gron. Crev. k) Priensem Gron.

i) Apamea Eacd. c. Drak.

U. c. 563. rati. quinque et viginti talenta argenti, et decem
a. C. 189. millia medimnum tritici imperata. ita in deditionem
accepti.

XIV. Tertio inde die ad Chaum amnem perven-
tum: inde profecti Erizam urbem primo inpetu cepe-
runt. Ad Thabusion castellum, imminens flumini
Indo, ventum est; cui fecerat nomen Indus, ab ele-
phanto¹⁾ deiectus. Haud procul a Cibra aberant:
nec legatio ulla a Moagete, tyranno civitatis eius,
homine ad omnia infido atque inportuno, veniebat.
Ad tentandum eius animum C. Helvium, cum quatuor
millibus peditum et quingentis equitibus, consul
praemittit. Huic agmini, iam fines ingredienti, legati
obcurrerunt, nunciantes, paratum esse tyrannum
imperata facere. orabant, ut pacatus fines iniret;
cohiberetque a populatione agri militem. et^{m)} coro-
nam auream quindecim talentumⁿ⁾ adferebant. Hel-
vius, integros a populatione agros servaturum polli-
citus, ire ad consulem legatos iussit. quibus eadem
referentibus, consul, *Neque Romani*, inquit, *bonae*
voluntatis ullum signum erga nos tyranni habemus: et
ipsum talem esse inter omnes constat, ut de poena eius
magis, quam de amicitia, nobis cogitandum sit. Per-
turbati hac voce, legati nihil aliud petere, quam ut
coronam acciperet; veniendique ad eum potestatem
tyrannò, et copiam loquendi ac purgandi se, faceret.
Permissu consulis postero die in castra tyrannus ve-
nit; vestitus comitatusque vix ad privati modicè lo-
cupletis habitum. et oratio fuit submissa et infracta,
extenuantis opes suas, urbiumque suae ditionis ege-
statem querentis. Erant autem sub eo, praeter Ci-
byram, et^{o)} Syleum, et Alimne quae^{p)} adpellatur.
ex his, ut se suosque spoliaret, quinque et viginti
talenta se confecturum, prope ut diffidens, polliceba-

1) *elephante* Gron. Crev.

m) *add. in* Eaed.

n) *talenta* Eaed.

o) *et del.* Gron. Crev.

p) *et quae* Alimne Eaed.

tur. *Enimvero*, inquit consul, *ferri iam ludificatio* U. c. 563.
ista non potest. Parum est, non erubuisse absentem, a. C. 189.
quum per legatos frustrareris nos: praesens ^{q)} *quoque*
in eadem inpudentia perstas ^{r)}. *Quinque et viginti ta-*
lenta tyrannidem tuam exhaurirent? Quingenta ergo
talenta nisi triduo numeras, populationem in agris,
obsidionem in urbe exspecta. Hac denunciatione con-
 territus, perstare tamen in pertinaci simulatione
 inopiae. et paullatim inliberali adiectione, nunc per
 cavillationem, nunc precibus et simulatis lacrymis,
 ad centum talenta est perductus. adiecta decem mil-
 lia medimnum frumenti. Haec omnia intra sex dies
 exacta ^{s)}).

XV. A Cibrâ per agros Sindensium exercitus
 ductus, transgressusque Caularem amnem, posuit ca-
 stra. Postero die est praeter Caralitin paludem ag-
 men ductum. ad Mandropolim manserunt. inde pro-
 gredientibus ad Lagon, proximam urbem, metu inco-
 lae fugerunt. Vacuum hominibus, et refertum rerum
 omnium copia, oppidum diripuerunt. inde ad Lysis
 fluminis fontes ^{t)}, postero die ad Cobulatum amnem
 progressi. Termessenses eo tempore Isiondensium
 arcem, urbe capta, obpugnabant: inclusi, quum alia
 spes auxilii nulla esset, legatos ad consulem, oran-
 tes opem, miserunt. *cum coniugibus ac liberis in arce*
inclusos semortem in dies, aut ferro, aut fame patiendam,
exspectare. Volenti consuli caussa in Pamphylia
 devertendi ^{u)} oblata est. adveniens obsidione Ision-
 denses exemit. Termesso pacem dedit, quinquaginta
 talentis argenti acceptis: item Aspendiis ceterisque
 Pamphylicae populis. Ex Pamphylia rediens ad flu-
 vium ^{x)} Taurum primo die, postero ad Xylinen (quam
 vocant) Comen posuit castra. Profectus inde conti-

q) nos, nisi praesens Gron. Crev.

r) persistas Eaed. persistis.
 Drak.

s) acta Gron. Crev.

t) ab Lysis fluminis fonte Eaed.
 c. Drak.

u) divertendi Eaed.

x) flumen Gron. Crev.

U. c. 565. nentibus itineribus ad Cormasa^{y)} urbem pervenit. Dar-
 a. C. 189. sa proxima urbs erat. eam, metu incolarum desertam,
 plenam omnium rerum copia invenit. Progredienti
 praeter paludes legati ab Lysinoe, dedentes civitatem,
 venerunt. Inde in agrum Sagalassenum, uberem fer-
 tilemque omni genere frugum, ventum est. Colunt
 Pisidae, longe optimi bello regionis eius. quum ea
 res animos facit, tum agri foecunditas, et multitudo
 hominum, et situs inter paucas munitae urbis. Con-
 sul, quia nulla legatio ad finem praesto fuerat, prae-
 datum in agros misit. tum demum fracta pertinacia
 est, ut ferri agique res suas viderunt. Legatis missis,
 pacti quinquaginta talentis, et viginti millibus me-
 dimnum tritici, viginti hordei, pacem inpetrave-
 runt. Progressus inde ad Obrimae fontes, ad vicum,
 quem Acaridos^{z)} Comen vocant, posuit castra. Eo
 Seleucus ab Apamea postero die venit. Aegros inde
 et inutilia impedimenta quum Apameam dimisisset,
 ducibus itinerum ab Seleuco acceptis, profectus eo die
 in Metropolitanum campum, postero die Dinias Phry-
 giae processit. Inde Synnada venit, metu omnibus
 circa oppidis desertis. quorum iam praeda grave ag-
 men trahens, vix quinque millium die toto itinere
 perfecto, ad Beudos, quod vetus adpellant, perve-
 nit. ad Anabura inde, et altero die ad Alandri fontes,
 tertio ad Abbassum posuit castra. ibi plures dies sta-
 tiva habuit, quia perventum erat ad Tolistoboiorum
 fines.

XVI. Galli^{a)}, magna hominum vis, seu inopia
 agri, seu praedae spe, nullam gentem, per quam ituri
 essent, parem armis rati, Brenno duce in Dardanos
 pervenerunt. ibi seditio orta, et ad viginti millia ho-
 minum, cum Leonorio ac Lutario regulis, secessio-
 ne facta a Brenno, in Thraciam iter averterunt. ubi
 cum resistentibus pugnando, pacem petentibus stipen-

y) *Cormasam* Gron. Crev.

a) *hi Galli* Gron. Crev.

z) *Aporidos* Eaed. c. Drak.

dium inponendo, Byzantium quum pervenissent, ali-^{U. c. 563.}
 quamdiu oram Propontidis vectigalem habendo, re-^{a. C. 189.}
 gionis eius urbes obtinuerunt. Cupido inde eos in
 Asiam transeundi, audientes ex propinquo, quanta
 ubertas terrae eius esset, cepit: et, Lysimachia fraude
 capta, Chersonesoque omni armis possessa, ad Helle-
 spontum descenderunt. Ibi vero exiguo divisam^{b)}
 freto cernentibus Asiam multo magis animi ad trans-
 eundum accensi; nunciosque ad Antipatrum, praefe-
 ctum eius orae, de transitu mittebant. quae res quum
 lentius spe ipsorum traheretur, alia rursus nova in-
 ter regulos orta seditio est. Leonorius retro, unde
 venerat, cum maiore parte hominum repetit Byzan-
 tium: Lutarius Macedonibus, per speciem legatio-
 nis ab Antipatro ad speculandum missis, duas tectas
 naves et tres lembos adimit. his, alios atque alios dies
 noctesque transvehendo, intra paucos dies omnes
 copias traiecit. Haud ita multo post Leonorius,
 adiuvante Nicomede Bithyniae rege, a Byzantio trans-
 misit. Coeunt deinde in unum rursus Galli, et auxi-
 lia Nicomedi dant, adversus Ziboetam^{c)}, partem te-
 nentem Bithyniae, gerenti bellum. Atque eorum
 maxime opera devictus Ziboeta est, Bithyniaque om-
 nis in ditionem Nicomedis concessit. Profecti ex
 Bithynia in Asiam processerunt. non plus ex viginti
 millibus hominum, quam decem armata erant. tamen
 tantum terroris omnibus, quae cis Taurum incolunt,
 gentibus iniecerunt, ut, quas adissent, quasque non
 adissent, pariter ultimae propinquis, imperio pare-
 rent. Postremo, quum tres essent gentes, Tolisto-
 boii, Trocmi, Tectosagi, in tres partes, qua cuique
 populorum suorum vectigalis Asia esset, diviserunt.
 Trocmis Hellesponti ora data; Tolistoboiu Aeolida
 atque Ioniam, Tectosagi mediterranea Asiae sortiti
 sunt. et stipendium tota cis Taurum Asia exigebant.

b) *divisis* Gron.c) *Zyboeam* Gron. *Crev. Zyboetam* Drak.

U. c. 563. Sedem autem ipsi sibi^{d)} circa Halyn flumen ceperunt.
 a. C. 189. tantusque terror eorum nominis erat, multitudine
 etiam magna sobole aucta, ut Syriae quoque ad po-
 streum reges stipendium dare non abnuerent. Pri-
 mus, Asiam incolentium abnuit Attalus, pater regis
 Eumenis: audacique incepto, praeter omnium opi-
 nionem, adfuit fortuna, et signis, conlatis superior
 fuit. non tamen ita infregit animos eorum, ut absi-
 sterent imperio. Eaedem opes usque ad bellum An-
 tiochi cum Romanis manserunt. tum quoque, pulso
 Antiocho, magnam spem habuerunt, quia procul mari
 incolerent, Romanum exercitum ad se non perven-
 turum.

XVII. Cum hoc hoste, tam terribili omnibus re-
 gionis eius, quia bellum gerendum erat, pro concione
 milites maxime in hunc modum adlocutus est con-
 sul: *Non me praeterit, milites, omnium, quae Asiam
 colunt, gentium Gallos fama belli praestare. Inter mi-
 tissimum genus hominum ferox natio, pervagata bello
 prope orbem terrarum, sedem cepit. procera corpora, pro-
 missae et rutilatae comae, vasta scuta, praelongi gla-
 dii: ad hoc cantus ineuntium^{e)} proelium, et ululatus,
 et tripudia, et quatientium scuta in patrium quemdam
 modum^{f)} horrendus armorum crepitus: omnia de indu-
 striâ composita ad terrorem. Sed haec, quibus insolita
 atque insueta sunt, Graeci, et Phryges, et Cares time-
 ant: Romanis, Gallici tumultus adsuētis, etiam vani-
 tates notae sunt. Semel primo congressu ad Alliam
 eos olim fugerunt maiores nostri^{g)}: ex eo tempore per
 ducentos iam annos pecorum in modum consternatos cae-
 dunt fugantque; et plures prope de Gallis triumphī,
 quam de toto orbe terrarum, acti sunt. Iam usu hoc
 cognitum est, si primum inpetum, quem fervido ingenio
 et caeca ira effundunt, sustinueris, fluunt sudore et*

d) sibi del. Gron. Crev.

e) inchoantium Eaed.

f) morem Eaed.

g) ad Alliam olim fuderunt ma-
 iores nostros Eaed. c. Drak.

lassitudine membra, labant arma: mollia corpora, mol- U. c. 563.
les, ubi ira consedit, animos sol, pulvis, sitis, ut fer- a. C. 189.
rum non admoveas, prosternunt. Non legionibus legio-
nes eorum solum experti sumus, sed vir unus cum viro
congregiando, T. Manlius ^{h)}, M. Valerius, quantum
Gallicam rabiem vinceret Romana virtus, docuerunt.
Iam M. Manlius unus agmine scandentes in Capitolium
Gallos detrussit. Et illis maioribus nostris cum haud
dubiis Gallis in terra sua genitis res erat. Hi iam
degeneres sunt; mixti, et Gallograeci vere, quod ad-
pellantur: sicut in frugibus pecudibusque, non tantum
semina ad servandam indolem valent, quantum terrae
proprietas coelique, sub quo aluntur, mutat. Macedo-
nes, qui Alexandriam in Aegypto, qui Seleuciam ac
Babyloniam, quique alias sparsas per orbem terrarum
colonias habent, in Syros, Parthos, Aegyptios degener-
arunt. Massilia, inter Gallos sita, traxit aliquan-
tum ab adcolis animorum. Tarentinis quid ex Spar-
tana, dura illa et horrida, disciplina mansit? Genero-
sius in sua quidquid sede gignitur; insitum alienae
terrae, in id, quo alitur, natura vertente se, degenerat.
Phrygas igitur Gallicis oneratos armis, sicut in acie
Antiochi cecidistis, victos victores caedetis. Magis
id vereor, ne parum inde gloriae, quam ne nimium
belli sit. Attalus eos rex saepe fudit fugavitque. No-
lite existimare; belluas tantum recens captas feritatem
illam silvestrem primo servare, deinde, quum diu ma-
nibus humanis alantur, mitescere; in hominum feri-
tate mulcenda non eandem naturam esse. Eosdemne
hos creditis esse, qui patres eorum avique fuerunt?
extorres inopia agrorum profecti domo per asperissimam
Illyrici oram; Paeoniam inde et Thraciam, pugnando
cum ferocissimis gentibus, emensi, has terras ceperunt.
Duratos eos tot malis exasperatosque accepit terra,
quae copia rerum omnium saginaret. uberrimo agro,

^{h)} congregiando, T. Manlius Gron. Grev.

U. c. 563. *mitissimo coelo, clementibus adcolarum ingeniis, omnis*
 a. C. 189. *illa, cum qua venerant, mansuefacta est feritas. Vobis, mehercule, Martis viris, cavenda ac fugienda quam primum amoenitas est Asiae. tantum hae peregrinae voluptates ad extinguendum vigorem animorum possunt; tantum contagio disciplinae morisque adcolarum valet. Hoc tamen feliciter evenit, quod, sicut vim adversus vos nequaquam, ita famam apud Graecos parem illi antiquae obtinent, cum qua venerunt; bellique gloriam victores eandem inter socios habebitis, quam si servantes antiquum specimen animorum Gallos vicissetis.*

XVIII. Concione dimissa, missisque ad Eposognatum ⁱ⁾ legatis, qui unus ex regulis et in Eumenis amicitia manserat, et negaverat Antiocho adversus Romanos auxilia, castra movit. primo die ad Alandrum flumen, postero ad vicum, quem vocant Tyscon, ventum. Eo legati Oroandensium quum venissent, amicitiam petentes, ducenta talenta iis sunt imperata; precantibusque, ut domum renunciarent, potestas facta. Ducere inde exercitum consul ad Plitendum: deinde ad Alyattos castra posita. Eo missi ad Eposognatum redierunt, et legati ^{k)} reguli orantes, ne Tectosagis bellum inferret ^{l)}. *ipsum in eam gentem iturum. Eposognatum, persuasurumque, ut imperata faciant.* Data venia regulo, duci ^{m)} inde exercitus per Axylon (quam vocant) terram coeptus. Ab re nomen habet. non ligni modo quidquam, sed ne spinas quidem, aut ullum aliud alimentum fert ignis. Fimo bubulo pro lignis utuntur. Ab Cuballum, Gallograeciae castellum, castra habentibus Romanis adparuere cum magno tumultu hostium equites. nec turbarunt tantum stationes Romanas, repente invecti; sed quosdam etiam occiderunt. qui tumultus quum

i) Eposognatum Gron. Crev.

l) inferrent Gron.

k) add. cum illis Eaed. c.

m) regulo, duci Gron. regulo.

Drak.

Duci Crev.

in castra perlatus esset, effusus repente omnibus U. c. 563.
 portis equitatus Romanus fudit fugavitque Gallos, et a. C. 189.
 aliquot fugientes occidit. Inde consul, ut qui iam ad
 hostes perventum cerneret, explorato deinde et cum
 cura coacto agmine procedebat. et ⁿ⁾ continētibus
 itineribus quum ad Sangarium flumen pervenisset,
 pontem, quia vado nusquam transitus erat, facere
 instituit. Sangarius, ex Adoreo monte per Phry-
 giam fluens, miscetur ad Bithyniam Tymbreti ^{p)}
 fluvio. inde maior iam geminatis aquis per Bithy-
 niam fertur, et in Propontidem sese ieffundit; non
 tamen tam magnitudinē memorabilis, quam quod
 piscium adcolis ingentem vim praebet. Transgressis
 ponte perfecto fluvio; praeter ripam euntibus Galli
 Matris Magnae a Pessino monte obstrere cum insignibus
 suis, vaticinantes ~~sanctico~~ ^{sanctico} carmine, Deam Romanis
 viam belli et victoriam dare, imperiumque eius regi-
 onis. Accipere se omen quum dixisset consul, ita
 astra eo ipso loco posuit. postero die ad Gordium
 pervenit. Id haud magnum quidem oppidum est;
 sed plus, quam mediterraneum, celebre et frequens
 emporium. tria maria pari ferme distantia intervallo
 habet, Hellespontum ^{q)} ad Sipontem et alterius orae
 litora, qua Cilices maritimi colunt multarum, ma-
 gnarumque praeterea gentium fines contingit, qua-
 rum commercium in eum maxime locum mutui usus
 contraxere. id tunc desertum fuga incolarum oppi-
 dum, refertum idem copia rerum omnium, inveni-
 runt. Ibi stativa habentibus legati ab Eposognato
 venerunt, nunciantes, *Profectum eum ad regibus
 Gallorum nihil aequi impetrasse, ex campestribus vicis
 agrisque frequentes demigrare, et cum coniugibus ac
 liberis, quas ferre atque agere possint ⁿ⁾, prae se age-
 tes portantesque Olympum montem petere, ut inde omnis
 locorumque situs reseruantur.*

n) *et del.* Gron. Crév.o) *Thymbri* Eaed.p) *ad Hellespontum* Crév.q) *possent* Gron. Crév.

U. c. 563. XIX. Certiora postea Oroandensium^{r)} legati
 a. C. 189. addulerunt: *Tolistoboiorum civitatem Olympum montem cepisse; diversos Tectosagos alium montem, qui Magaba dicatur, petisse. Trocmos, coniugibus ac liberis apud Tectosagos depositis, armatorum agmine Tolistoboiiis statuisset auxilium ferre. Erant autem tunc trium populorum reguli Ortiagon, et Combolomarus, et Gaulotus. Iis haec maxime belli ratio sumendi fuerat, quod, quum montes editissimos eius regionis tenerent, convectis omnibus, quae ad usum quamvis longi temporis subficerent, taedio se fatigatu-
 ros hostem^{s)} censebant. Nam neque ausuros per tam ardua atque iniqua loca subire eos: et, si conarentur, vel parva manu prohiberi ac deturbari posse. nec quietos, in radicibus gelidorum montium sedentes, frigus aut inopiam laturos. Et quum ipsa altitudo locorum eos tutaretur, fossam quoque et alia munimenta verticibus iis, quos insederant, circumiecere. Minima adparatus missilium telorum cura fuit, quod saxa adfatim praebituram asperitatem ipsam locorum credebant.*
 XX. Consul, quia non cominus pugnam, sed procul locis obpugnandis, futuram praeceperat animo, ingentem vim pilorum, velitarium hastarum, sagittarum, glandisque, et modicorum, qui funda mitti possent, lapidum paraverat. instructusque missilium adparatu ad Olympum montem ducit, et a quinque ferme millibus locat castra. Postero die cum quadringentis equitibus et Attalo progressum eum, ad naturam montis situmque Gallicorum castrorum visendum, equites hostium, duplex numerus, effusi e^{t)} castris in fugam averterunt. occisi quoque pauci fugientium, vulnerati plures. Tertio die cum omnibus ad loca exploranda profectus, quia nemo hostium extra munimenta processit, tuto circumvectus montem, animadvertit, meridiana regione terrenos et placide

r) Oenoandensium Gron.

t) e del. Eaed. c. Drak.

s) hostes Gron. Crev.

adclivos ad quemdam finem colles esse, ad septen-^{U. c. 563.}
trionem arduas et reslas prope rupes; atque, omni-^{a. C. 189.}
bus ferme aliis inviis, itinera tria esse: unum medio
monte, qua terrena erant: duo difficilia ab hiberno
solis ortu, et ab aestivo occasu. Haec contemplatus,
eo die sub ipsis radicibus posuit castra. postero die,
sacrificio facto, quum primis hostiis litasset, trifa-
riam exercitum divisum ducere ad hostem pergīt.
ipse cum maxima parte copiarum, qua aequissimum
aditum praebebat mons, adscendit. L. Manlium fra-
trem ab hiberno ortu, quoad loca patiantur, et tuto
possit, subire iubet. si qua periculosa et praerupta
obcurrant, non pugnare cum iniquitate locorum, ne-
que inexsuperabilibus vim adferre; sed obliquo monte
ad se declinare, et suo agmini coniungi. C. Helvium
cum tertia parte circumire sensim per infima montis,
deinde ab aestivo occasu erigere agmen. et Attali
auxilia trifariam aequo numero divisit: secum esse
ipsum iuvenem iussit. equitatum cum elephantis in
proxima tumulis planitie reliquit. Edictum prae-
fectis, ut intenti, quid ubique geratur, animadver-
tant; opemque ferre, quo postulent res, properent.

XXI. Galli, ab ^{u)} duobus lateribus satis fidentes
invia esse, ab ea parte, quae in meridiem vergeret,
ut armis clauderent viam, quatuor ferme millia arma-
torum ad tumulum, imminentem viae minus mille
passuum a castris, occupandum mittunt; eo se rati
velut castello iter inpedituros. Quod ubi Romani
viderunt, expediunt sese ad pugnam. ante signa mo-
dico intervallo velites eunt, et ab Attalo Cretenses
sagittarii, et funditores, et Tralli, et Thraces ^{x)}: si-
gna peditum, ut per arduum, leni gradu ducuntur,
ita prae se habentium scuta, ut missilia tantum vita-
rent, pede conlato non viderentur pugnaturi. Missi-
libus ex intervallo loci proelium commissum est,

^{u)} ab del. Gron. Crev. c.
Drak.

^{x)} Tralli Thraces, omisso et,
Gron. Crev.

U. c. 563. primo par, Gallos loco adiuvante, Romanos varie-
 a. C. 189. tate et copia telorum. Procedente certamine, nihil
 iam aequi erat. scuta longa, ceterum ad amplitudi-
 nem corporum parum lata, et ea ipsa plana, male
 tegebant Gallos. Nec iam (tela alia ^y) habebant,
 praeter gladios: quorum, quum manum hostis non
 consereret, nullus usus erat. Saxis, nec modicis, ut
 quae non praeparassent, sed quod cuique temere
 trepidanti ad manum venisset, ut insueti, nec arte
 nec viribus adiuvantes ictum, utebantur. sagittis,
 glande, iaculis incauti ab omni parte configebantur:
 nec, quid agerent, ira et pavore obcaecatis animis,
 cernebant: et erant deprehensi genere pugnae, in
 quod minime apti sunt. Nam quaemadmodum comi-
 nus, ubi in vicem pati et ^z) inferre vulnera licet,
 accendit ira animos eorum; ita, ubi ex occulto et
 procul levibus telis vulnerantur, nec, quo ruant
 caeco inpetu, habent, velut ferae transfixae in suos
 temere incurrunt. Detegibat vulnera eorum, quod
 nudi pugnant, et sunt fusa et candida corpora, ut
 quae numquam, nisi in pugna, nudentur: ita et plus
 sanguinis e multa carne fundebatur, et foediores
 patebant plagae, et candor corporum magis sanguine
 atro maculabatur. Sed non tam patentibus plagis
 moventur. interdum insecta cute, ubi latior, quam
 altior, plaga est, etiam gloriosius se pugnare putant.
 Idem, quum aculeus sagittae aut glandis, abditae
 introrsus, tenui vulnere in speciem urit, et scrutantes,
 qua evellant ^a), telum non sequitur; tum, in rabiem
 et pudorem tam parvae perimentis pestis versi, pro-
 sternunt corpora humi, sicut ^b) passim procumberent.
 Alii, ruentes in hostem, undique configebantur: et,
 quum cominus venerant, gladiis a velitibus trucidab-
 antur, Hic miles tripedalem parmam habet, et in

y) alia del. Gron. Crev.

z) ac Gron.

a) quae vellant Gron. Crev. c.
 Drak.

b) sic ut Eaed. c. Drak.

dextra hastas, quibus eminus utitur. gladio Hispaniensi est cinctus. quod si pede conlato pugnandum est, translatis in laevam hastis, stringit gladium. Pauci supererant iam Gallorum. qui, postquam ab levi armatura superatos se viderunt, et instare legionum signa, effusa fuga castra repetunt, pavoris et tumultus iam plena: ut ubi feminae, puerique, et alia inbellis turba permixta esset. Romanos victores deserti fuga hostium acceperunt tumuli.

XXII. Sub idem tempus L. Manlius et C. Helvius, quum, quoad viam colles obliqui dederunt, escendissent^{c)}, postquam ad invia ventum est, flexere iter in partem montis, quae una habebat iter; et sequi consulis agmen, modico uterque intervallo, velut ex composito, coeperunt: quod primo optimum factu fuisset, in id necessitate ipsa compulsi. Subsidia enim in talibus iniquitatibus locorum maximo saepe usui fuerunt: ut, primis forte deturbatis, secundi et tegant pulsos, et integri pugnam excipiant. Consul, postquam ad tumulos, ab levi armatura captos, prima signa legionum pervenerunt, respirare et conquiescere paullisper militem iubet; simul strata per tumulos corpora Gallorum ostentat: Et, *quum levis armatura tale proelium ediderit, quid ab legionibus, quid ab iustis armis, quid ab animis fortissimorum militum expectari? Castra illis capienda esse, in quae compulsus ab levi armatura hostis trepidet.* Praecedere tamen iubet levem armaturam: quae, quum staret agmen, colligendis per tumulos telis, ut missilia subficerent, haud segne id ipsum tempus consumserat. Iam castris adpropinquabant: et Galli, ne parum se munimenta sua tegerent, armati pro vallo constiterant. obruti deinde omni genere telorum, quum, quo plures ac densiores erant, eo minus vaui quidquam intercideret teli, intra vallum momento temporis

c) ascendissent Gron. Crev.

U. c. 563. compellantur, stationibus tantum firmis ad ipsos adi-
 a. C. 189. tus portarum relictis. In multitudinem, compulsam
 in castra, vis ingens missilium telorum coniciebatur:
 et, vulnerari multos, clamor, permixtus mulierum
 atque puerorum ploratibus, significabat. In eos, qui
 portas stationibus suis clausurant, legionum antesi-
 gnani pila coniecerunt. hi vero non vulnerabantur,
 sed, transverberatis scutis, plerique inter se conserti
 haerebant: nec diutius inpetum Romanorum susti-
 nuerunt.

XXIII. Patentibus iam portis, priusquam inrum-
 perent victores, fuga e castris Gallorum in omnes par-
 tes facta est. ruunt caeci per vias, per invia: nulla
 praecipitia saxa, nullae rupes obstant: nihil praeter
 hostem metuunt. Itaque plerique praecipites per va-
 stam altitudinem prolapsi aut debilitati exanimantur.
 consul, castris captis, direptione praedaeque abstinet
 militem: sequi^{d)} pro se quemque, et instare, et per-
 culsis pavorem addere iubet. Supervenit et alterum
 cum L. Manlio agmen; nec eos castra intrare sinit.
 protinus ad persequendos hostes mittit: et ipse paullo
 post, tradita captivorum custodia tribunis militum,
 sequitur; debellatum ratus, si in illo pavore quam
 plurimi caesi forent, aut capti. Egresso consule, C.
 Helvius cum tertio agmine advenit. nec continere suos
 a direptione castrorum valuit: praedaeque eorum, ini-
 quissima sorte, qui pugnae non interfuerant, facta est.
 Equites diu, ignari et pugnae et victoriae suorum,
 steterunt. deinde et ipsi, quantum equis subire po-
 terant^{e)}, sparsos fuga Gallos circa radices montis con-
 sectati cecidere, aut cepere. Numerus interfecto-
 rum haud facile iniri potuit, quia late per^{f)} omnes
 amfractus montium fugaque et caedes fuit: et magna
 pars rupibus inviis in profundae altitudinis convalles

d) *abstinet. militem sequi* Gron.
abstinet militem. sequi Crev.

e) *quantum equi in colles sub-
 ire poterant* Gron. Crev.
 f) *inter* Eaed. c. Drak.

delapsa est; pars in silvis vepribusque occisa. Clau- U. c. 565.
 dius, qui bis pugnatum in Olympo monte scribit, ad^{a.} C. 189.
 quadraginta millia hominum caesa, auctor est: Va-
 lerius Antias, qui magis inmodicus in numero augen-
 do esse solet, non plus decem millia. Numerus ca-
 ptivorum haud dubie millia quadraginta, explevit, quia
 omnis generis aetatisque turbam secum traxerant, de-
 migrantium magis, quam in bellum euntium, modo.
 Consul, armis hostium in uno concrematis cumulo,
 ceteram praedam conferre omnes iussit: et aut ven-
 didit, quod eius in publicum redigendum erat: aut
 cum cura, ut quam aequissima esset, per milites di-
 visit. Laudati quoque pro concione omnes sunt, do-
 natique pro merito quisque: ante omnes Attalus, sum-
 mo ceterorum adsensu. nam singularis eius iuvenis
 quum virtus et industria in omnibus laboribus peri-
 culisque, tum modestia etiam fuerat.

XXIV. Supererat bellum integrum cum Tectos-
 agis. Ad eos profectus consul, tertiis castris Ancyram,
 nobilem in illis locis urbem, pervenit, unde hostes
 paullo plus decem millia aberant. Ubi quum stativa
 essent, facinus memorabile a captiva factum est. Or-
 tiagontis reguli uxor forma eximia custodiebatur in-
 ter plures captivos^{g)}, cui custodiae centurio prae-
 erat, et libidinis et avaritiae militaris. Is primo
 eius animum tentavit. quem quum abhorrentem a vo-
 luntario videret stupro, corpori, quod servum for-
 tuna erat, vim fecit. Deinde, ad leniendam indigni-
 tatem iniuriae, spem redditus ad suos mulieri facit;
 et ne eam quidem, ut amans, gratuitam. certo auri
 pondere pactus, ne quem^{h)} conscium suorum haberet,
 ipsi permittit, ut, quem vellet, unum ex captivis
 nuncium ad suos mitteret. Locum prope flumen con-
 stituit; quo duo, ne plusⁱ⁾, necessarii captivae cum

g) captivas Crev.

h) mulieri facit. et ne eam qui-
 dem, ut amans, gratuitam;

certo auri pondere pactus.
 ne quem etc. Gron.

i) nec plus Gron.

U. c. 563. auro venirent nocte insequenti ad eam accipiendam.
a. C. 189.

Forte ipsius mulieris servus inter captivos eiusdem custodiae erat. hunc nuncium primis tenebris extra stationes centurio educit. Nocte insequenti et duo necessarii mulieris ad constitutum locum, et centurio cum captiva venit. ubi quum aurum ostenderent, quod summam talenti Attici (tanti equum pepigerat) expleret; mulier lingua sua, *stringerent ferrum, et centurionem pensantem aurum occiderent*, imperavit. Iugulati praecisum caput ipsa involutum veste ferens, ad virum Ortiagontem, qui ab Olympto domum refugerat, pervenit. quem priusquam complecteretur, caput centurionis ante pedes eius abiecit: mirantique, cuiusnam id caput hominis, aut quod id facinus haudquaquam muliebresset, et iniuriam corporis, et ultionem violatae per vim pudicitiae confessa viro est: aliaque (ut traditur) sanctitate et gravitate vitae huius matronalis facinoris decus ad ultimum conservavit.

XXV. Ad Ancyram in stativa Tectosagum oratores ad consulem venerunt, petentes, ne ante ab Ancyra castra moveret, quam conlocutus cum suis regibus esset. nullas conditiones pacis iis non bello fore potiores. Tempus in posterum diem constituitur, locusque qui maxime medius inter castra Gallorum et Ancyram est visus. Quo quum consul ad tempus cum praesidio quingentorum equitum venisset, nec ullo Gallorum ibi viso, regressus in castra esset, oratores iidem redeunt, excusantes, religione obiecta venire reges non posse. principes gentis, per quos aequae res transigi posset, venturos. Consul se quoque Attalum missurum dixit. Ad hoc colloquium utrumque ventum est. trecentos equites Attalus praesidii causa quum adduxisset, iactae sunt pacis conditiones. Finis rei quia absentibus ducibus inponi non poterat, convenit, uti consul regesque eo loco postero die congredierentur. Frustratio Gallorum eo spectabat, primum ut tererent tempus, donec res

suas, quibus^{k)} periclitari nolebant, cum coniugibus U. c. 563.
ac liberis trans Halyn flumen traicerent: deinde^{a.} C. 189.
quod ipsi consuli, parum cauto adversus conloquii fraudem, insidiabantur. Mille ad eam rem ex omni numero audaciae expertae delegerunt equites. Et successisset fraudi, ni pro iure gentium, cuius violandi consilium initum erat, stetisset fortuna. Pabulatores lignatoresque Romani in eam partem, in qua conloquium futurum erat, ducti sunt; tutius id futurum tribunis ratis, quia consulis praesidium et ipsum pro statione habituri erant, hosti obpositum. suam tamen alteram stationem propius castra sexcentorum equitum posuerunt. Consul, adfirmante Attalo, venturos reges, et transigi rem posse, profectus e castris, quum eodem, quo antea, praesidio equitum quinque millia fere processisset, nec multum a constituto loco abesset, repente concitatis equis cum inpetu hostili videt Gallos venientes. constituit agmen, et expedire tela animosque equitibus iussis primo constanter initium pugnae accepit, nec cessit. dein, quum praegravaret multitudo, cedere sensim, nihil confusis turmarum ordinibus, coepit. postremo, quum iam plus in mora periculi, quam in ordinibus conservandis praesidii esset, omnes passim in fugam effusi sunt. tum vero instare dissipatis Galli, et caedere: magnaue pars obpressa foret, ni statio pabulatorum, sexcenti equites, obcurrissent. Ii, procul clamore pavido suorum exaudito, quum tela equosque expedissent, integri profligatam pugnam acceperunt. Itaque versa extemplo fortuna est, versus in victores a victis terror. et primo inpetu fusi Galli sunt, et ex agris concurrebant pabulatores, et undique obvius hostis Gallis erat: ut ne fugam quidem facilem aut tutam haberent, quia recentibus equis Romani fessos sequebantur. Pauci ergo effugerunt. captus est nemo:

k) cum quibus Grom. Crev.

U. c. 563. maior multo pars per fidem violati conloquii poenas
 a. C. 189. morte luerunt. Romani, ardentibus ira animis, po-
 stero die omnibus copiis ad hostem perveniunt.

XXVI. Biduum natura montis per se ipsum ex-
 ploranda, ne quid ignoti esset, absumsit consul. ter-
 tio die, quum auspicio operam dedisset, deinde inmo-
 lasset, in quatuor partes divisas copias educit: duas
 ut medio monte duceret, duas ab lateribus ut ad-
 versus cornua Gallorum erigeret. Hostium quod ro-
 boris erat, Tectosagi et Trocmi mediam tenebant aciem,
 millia hominum quinquaginta. equitatum (quia equo-
 rum nullus inter inaequales rupes usus erat) ad pe-
 des deductum, decem millia hominum, ab dextro lo-
 caverunt cornu. Ariarathis Cappadoces et Morzi auxi-
 liares in laevo quatuor ferme millium numerum ex-
 plebant. Consul, sicut in Olympo monte, prima in
 acie locata levi armatura, telorum omnis generis ut
 aequae magna vis ad manum esset, curavit. Ubi ad-
 propinquarent, omnia eadem utrimque, quae fuerant
 in priore proelio, erant praeter animos, et victoribus
 ab re secunda auctos, et hostibus fractos: quia, etsi
 non ipsi victi erant, suae gentis hominum cladem pro
 sua ducebant. itaque a paribus initiis coepta res eum-
 dem exitum habuit. Velut nubes levium telorum
 coniecta obruit aciem Gallorum. nec aut procurrare
 quisquam ab ordinibus suis, ne nudarent undique
 corpus ad ictus, audebant: et stantes, quo densiores
 erant, hoc plura, velut destinatum petentibus, vul-
 nera accipiebant. Consul, iam per se turbatis si le-
 gionum signa ostendisset, versuros extemplo in fu-
 gam omnes ratus, receptis inter ordines velitibus et
 alia turba auxiliorum, aciem promovit.

XXVII. Galli, et memoria Tolistoboiorum cla-
 dis territi, et inhaerentia corporibus gerentes tela,
 fessique et stando et vulneribus, ne primum quidem
 inpetum et clamorem Romanorum tulerunt. Fuga

ad castra inclinavit. sed pauci intra munimenta sese¹⁾ U. c. 563.
 recepere: pars maior, dextra laevaue praelati, qua^{a. C. 189.}
 quemque inpetus tulit, fugerunt. victores, usque ad
 castra secuti, ceciderunt terga: deinde in castris cu-
 piditate praedae haeserunt, nec sequebatur quisquam.
 In cornibus Galli diutius steterunt, quia serius ad eos
 perventum est. ceterum ne primum quidem coniectum
 telorum tulerunt. Consul, qui ingressos in castra ab
 direptione abstrahere non poterat, eos, qui in corni-
 bus fuerant, protinus ad sequendos hostes misit. per
 aliquantum spatium secuti, non plus tamen octo mil-
 lia hominum in fuga (nam pugna nulla fuit) cecide-
 runt: reliqui flumen Halyn traiecerunt. Romanorum
 magna pars ea nocte in hostium castris mansit; cete-
 ros in sua castra consul reduxit. Postero die capti-
 vos praedamque recensuit: quae tanta fuit, quantam
 avidissima rapiendi gens, quum cis montem Taurum
 omnia armis per multos tenuisset annos, coacervare
 potuit. Galli, ex dissipata passim fuga in unum lo-
 cum congregati, magna pars saucii aut inermes, nu-
 dati omnibus rebus, oratores de pace ad consulem mi-
 serunt. Eos Manlius Ephesum venire iussit. ipse,
 (iam enim medium autumnus erat) locis gelidis propin-
 quitate Tauri montis excedere properans, victorem
 exercitum in hiberna maritimae orae reduxit.

XXVIII. Dum haec in Asia geruntur, in ceteris
 provinciis tranquillae res fuerunt. Censores Romae
 T. Quinctius Flamininus et M. Claudius Marcellus
 senatum perlegerunt. princeps in senatu tertium le-
 ctus P. Scipio Africanus. quatuor soli praeteriti sunt,
 nemo curuli usus honore. et in equitatu recensendo
 mitis admodum censura fuit. Substructionem super
 Aequimaelium in Capitolio, et viam silice sternendam
 a porta Capena ad Martis locaverunt. Campani, ubi
 censerentur, senatum consuluerunt. decretum, uti

1) *se* Gron. Crev.

U. c. 563. Romae censerentur. Aquae ingentes eo anno fuerunt.
 a. C. 189. Tiberis duodecies campum Martium planaue urbis
 inundavit. Ab Cn. Manlio consule bello in Asia cum
 Gallis perfecto, alter consul M. Fulvius, perdomitis
 Aetolis, quum traiecisset in Cephalleniam, circa civi-
 tates insulae misit percunctatum, utrum se dedere Ro-
 manis, an belli fortunam experiri, mallet? Metus ad
 omnes valuit, ne deditionem recusarent. obsides inde
 imperatos pro viribus inopis populi, vicanos Nesiotae,
 Cranii, Palenses^{m)} et Samaei dederunt. Inesperata
 pax Cephalleniae adfulserat; quum repente una ci-
 vitas, incertum quam ob causam, Samaei descive-
 runt. Quia opportuno loco urbs posita esset, timuisse
 se aiebant, ne demigrare cogerentur ab Romanis.
 ceterum ipsine sibi eum finxerint metum, et timore
 vano quietem exuerint, an iactata sermonibus res apud
 Romanos perlata ad eos sit, nihil comperti est: nisi
 quod, datis iam obsidibus, repente portas clause-
 runt; et ne suorum quidem precibus (miserat enim
 sub muros consul ad tentandam misericordiam paren-
 tum populariumque) desistere ab incepto voluerunt.
 Obpugnari deinde, postquam nihil pacati responde-
 batur, coepta urbs est. adparatum omnem tormento-
 rum machinarumque transvectum ab Ambraciae ob-
 pugnatione habebat: et opera, quae facienda erant,
 inpigre milites perfecerunt. duobus igitur locis ad-
 moti arietes quatiebant muros.

XXIX. Nec ab Samaeis quidquam, quo aut opera,
 aut hostis arceri posset, praetermissum est. duabus
 tamen maxime resistebant rebus: una, interiorem
 semper iuxta validum pro diruto novum obstruen-
 tes murum; altera, eruptionibus subitis, nunc in opera
 hostium, nunc in stationes. et plerumque iis proeliis
 superiores erant. Una ad coercendos inventa haud
 magna memoratu res est. Centum funditores ab Aet-

m) *Pallenses* Gron. Crev.

gio et Patris et Dymis additi. A pueris ii, more U. c. 563.
 quodam gentis, saxis globosis, quibus ferme arenae C. 189.
 inmixtis strata litora sunt, funda mare apertum incessentes, exercebantur. itaque longius certiusque et validiore ictu, quam Baliaris funditor, eo telo usi sunt. et est non simplicis habenae, ut Baliarica aliarumque gentium funda: sed triplex scutale, crebris suturis duratum, ne fluxa habena volutetur in iactu glans; sed, librata quum sederit, velut nervo missa excutiat. coronas modici circuli magno ex intervallo loci adsueti traicere, non capita solum hostium vulnerabant, sed quem locum destinassent oris. Eae fundae Samaeos cohibuerunt, ne tam crebro, neve tam audacter erumperent: adeo ut precarentur ex muris Achaeos, ut parumper abscederent; et se, cum Romanis stationibus pugnantes, quiete spectarent. Quatuor menses obsidionem Same sustinuit. quum ex paucis quotidie aliqui eorum caderent, aut vulnerarentur, et, qui superarent, fessi et corporibus et animis essent; Romani nocte per arcem, quam Cyatidem vocant, (nam urbs, in mare devexa, in occidentem vergit) muro superato, in forum pervenerunt. Samaei, postquam captam urbis partem ab hostibus senserunt, cum coniugibus ac liberis in maiorem refugerunt arcem. inde postero die dediti, direpta urbe, sub corona omnes venierunt.

XXX. Consul, compositis rebus Cephalleniae, praesidio Samae inposito, in Peloponnesum, iam diu arcessentibus Aegiensibus maxime ac Lacedaemoniis, traiecit. Aegium, a principio Achaici concilii, semper conventus gentis indicti sunt; seu dignitati urbis id, seu loci opportunitati datum est. hunc morem Philopoemen eo primum anno labefactare conatus, legem parabat ferre, ut in omnibus civitatibus, quae Achaici concilii essent, in vicem conventus agerentur. et sub adventum consulis, Damiurgis civitatum, qui summus est magistratus, Aegium evocantibus,

U. c. 563. Philopoemen (praetor tum erat) Argos conventum
 a. C. 189. edixit. quo quum adpareret omnes fere conventuros,
 consul quoque, quamquam Aegiensium favebat caus-
 sae, Argos venit: ubi quum disceptatio fuisset, et
 rem inclinatam cerneret, incepto destitit. Lacedae-
 monii deinde eum in sua certamina averterunt. Solli-
 citam eam civitatem exsules maxime habebant: quo-
 rum magna pars in maritimis Laconicae orae castel-
 lis, quae omnis ademta erat, habitabant. id aegre
 patientes Lacedaemonii, ut aliquaⁿ⁾ liberum ad mare
 haberent aditum, si quando Romam aliove quo mit-
 terent legatos, simulque ut emporium et receptaculum
 peregrinis mercibus ad necessarios usus esset, nocte
 adorti vicum maritimum, nomine Lan, inproviso oc-
 cupavere. Vicani, quique ibi exsules habitabant,
 primo inopinata re territi sunt: deinde, sub lucem
 congregati, levi certamine expulerunt Lacedaemonios.
 terror tamen omnem maritimam oram pervasit: lega-
 tosque communiter, et castella omnia vicique, et ex-
 sules, quibus ibi domicilia erant, ad Achaeos mi-
 serunt.

XXXI. Philopoemen praetor, iam inde ab initio
 exsulum caussae et amicus, et auctor semper Achaeis
 minuendi opes et auctoritatem Lacedaemoniorum,
 concilium querentibus dedit. decretumque, eo refe-
 rente, factum est, *Quum in fidem Achaeorum tute-
 lamque T. Quinctius et Romani Laconicae orae castel-
 la et vicos tradidissent, et, quum abstinere his ex foedere
 Lacedaemonii deberent, Las vicus obpugnatus esset,
 caedesque ibi facta; qui eius rei auctores adfinesque
 essent, nisi dederentur Achaeis, violatum videri foedus.*
 Ad exposcendos eos legati extemplo Lacedaemonem
 missi sunt. Id imperium adeo superbum et indi-
 gnum Lacedaemoniis visum est, ut, si antiqua civita-
 tis fortuna esset, haud dubie arma extemplo capturi

n) aliquem Gron. Crev.

fuerint. maxime autem consternavit eos metus, si U. c. 563.
semel primis imperiis obediendo iugum acceperissent, a. C. 189.
ne, id quod iam diu moliretur, Philopoemen exsuli-
bus Lacedaemonem traderet. Furentes igitur ira,
triginta hominibus ex factione, cum qua consiliorum
aliqua societas Philopoemeni atque exsulibus erat,
interfectis, decreverunt, renunciandam societatem
Achaeis, legatosque extemplo Cephalleniam mitten-
dos, qui consuli M. Fulvio, quique Romanis Lace-
daemonem dederent; orarentque eum, ut veniret in
Peloponnesum ad urbem Lacedaemonem in fidem di-
tionemque populi Romani accipiendam.

XXXII. Id ubi legati ad Achaeos retulerunt, om-
nium civitatum, quae eius concilii erant, consensu
bellum Lacedaemoniis indictum est. ne extemplo ge-
reretur, hiems inpediit. Incursionibus tamen parvis,
latrocinii magis quam belli modo, non terra tantum,
sed etiam navibus a^o) mari fines eorum vastati. Hic
tumultus consulem in Peloponnesum adduxit; iussu-
que eius Elin concilio indicto, Lacedaemonii ad dis-
ceptandum aditi. Magna ibi non disceptatio modo;
sed etiam altercatio fuit. cui consul, quum alia, satis
ambitiose partem utramque fovendo, incerta respon-
disset, una denunciatione, ut bello abstinerent, do-
nec Romam legatos ad senatum misissent, finem in-
posuit. Utrunque legatio missa Romam est. exsules
quoque Lacedaemoniorum suam causam legationem-
que Achaeis iniunxerunt. Diophanes et Lycortas,
Megalopolitani ambo, principes legationis Achaeorum
fuerunt. qui, dissidentes in republica, tum quoque
minime inter se convenientes orationes habuerunt.
Diophanes senatui disceptationem omnium rerum per-
mittebat: eos optime controversias inter Achaeos ac
Lacedaemonios finituros esse. Lycortas ex praece-
ptis Philopoemenis postulabat, ut Achaeis ex foede-

o) e Gron. Crev.

U. c. 563. re ac legibus suis, quae decressent, agere liceret:
 a. C. 189. libertatemque sibi inlibatam, cuius ipsi auctores essent, praestarent. Magnae auctoritatis apud Romanos tum gens Achaeorum erat: novari tamen nihil de Lacedaemoniis placebat. ceterum responsum ita perplexum fuit, ut et Achaei sibi de Lacedaemone permissum acciperent; et Lacedaemonii non omnia concessa iis interpretarentur. hac potestate inmodice Achaei ac superbe usi sunt.

XXXIII. Philopoemeni continuatur magistratus; qui veris initio, exercitu indicto, castra in finibus Lacedaemoniorum posuit. legatos deinde misit ad deposcendos auctores defectionis, et civitatem in pace futuram, si id fecissent, pollicens, et illos nihil indicta causa passuros. Silentium prae metu ceterorum fuit. quos nominatim depoposcerat, ipsi se ituros professi sunt; fide accepta ab legatis, vim abfuturam, donec causam dixissent. ierunt alii etiam inlustres viri, et advocati privatis, et quia pertinere causam eorum ad rempublicam censebant. Numquam alias exsules Lacedaemoniorum Achaei secum adduxerant in fines, quia nihil aequae alienaturum animos civitatis videbatur. tunc exercitus totius prope antesignani exsules erant. Ii venientibus Lacedaemoniis ad portam castrorum agmine facto obcurrerunt. et primo lacessere iurgiis: deinde altercatione orta, quum accenderentur irae, ferocissimi exsulum inpetum in Lacedaemonios fecerunt. Quum illi Deos et fidem legatorum testarentur, et legati et praetor submoveret turbas, et protegeret Lacedaemonios, vinculaque iam quosdam iniicientes arceret, crescebat tumultu concitato^{p)} turba. Et Achaei ad spectaculum primo concurrebant^{q)}. deinde vociferantibus exsulibus, quae passi forent, et orantibus opem, adfirmantibusque simul, *Numquam talem occasionem habituros, si eam*

p) *concita* Gron. Crev.

q) *concurrerunt* Eaed.

praetermisissent: foedus, quod in Capitolio, quod Olym- U. c. 567.
piae, quod in arce Athenis sacratum fuisset, irritum a. C. 189.
per illos esse: priusquam alio de integro foedere obliga-
rentur, noxios puniendos esse; accensa his vocibus
multitudo ad vocem unius, qui, ut ferirent, inclama-
vit, saxa coniecit: atque ita septemdecim, quibus
vincula per tumultum iniecta erant, interfecti sunt:
sexaginta tres postero die comprehensi, a quibus
praetor vim arcuerat, non quia salvos vellet, sed quia
perire caussa indicta nolebat, obiecti multitudini ira-
tae, quum aversis auribus pauca locuti essent, dam-
nati omnes, et traditi sunt ad supplicium.

XXXIV. Hoc metu iniecto, Lacedaemoniis imperatum primum, ut muros diruerent: deinde, ut omnes externi auxiliares, qui mercede apud tyrannos militassent, terra Laconica excederent: tum, uti, quae servitia tyranni liberassent, (ea magna multitudo erat) ante diem certam abirent; qui ibi mansissent, eosprehendendi, vendendi, abducendi Achaeis ius esset. Lycurgi leges moresque abrogarent. Achaeorum ad-suescerent legibus institutisque. ita unius eos corporis fore, et de omnibus rebus facilius consensuros. Nihil obediens fecerunt, quam ut muros diruerent: nec aegrius passi sunt, quam exsules reduci. Decretum Tegeae in concilio communi Achaeorum de restituendis iis factum est. et, mentione inlata, externos auxiliares dimissos, et Lacedaemoniis adscriptos (ita enim vocabant, qui a tyrannis liberati erant) urbe excessisse, in agros dilapsos; priusquam dimitteretur exercitus, ire praetorem^{r)} cum expeditis, et comprehendere id genus hominum, et vendere iure praeda placuit. Multi comprehensi venierunt. porticus ex ea pecunia Megalopoli permissu Achaeorum refecta est, quam Lacedaemonii diruerant. Et ager

r) dilapsos, priusquam dimitteretur exercitus: ire praetorem Gron.

U. c. 563. Belbinates^{s)}), quem iniuria tyranni Lacedaemoniorum
 a. C. 189. possederant, restitutus eidem civitati, ex decreto veterere Achaeorum, quod factum erat, Philippo Amyntae filio regnante. Per haec velut enervata civitas Lacedaemoniorum diu Achaeis obnoxia fuit. nulla tamen res tanto erat damno, quam disciplina Lycurgi, cui per septingentos annos adsueverant, sublata.

XXXV. A concilio, ubi apud consulem inter Achaeos Lacedaemoniosque disceptatum est, M. Fulvius, quia iam in exitu annus erat, comitiorum causa profectus Romam, creavit consules M. Valerium Messallam et C. Livium Salinatorem, quum M. Aemilium Lepidum inimicum, eo quoque anno petentem, deiecisset. Praetores inde creati Q. Marcius Philippus, M. Claudius Marcellus, C. Stertinus, C. Atinius, P. Claudius Pulcher, L. Manlius Acidinus. Comitiiis perfectis, consulem M. Fulvium in provinciam ad exercitum redire placuit; eique et collegae Cn. Manlio imperium in annum prorogatum est. Eo anno in aedem Herculis signum Dei ipsius ex decemvirorum responso, et seinges in Capitolio aurati a P. Cornelio positi. consulem dedisse inscriptum est. Et duodecim clipea aurata^{t)}) ab aedilibus curulibus, P. Claudio Pulchro^{u)}) et Ser. Sulpicio Galba, sunt posita ex pecunia, qua frumentarios ob annonam compressam damnarunt. et aedilis plebis Q. Fulvius Flaccus duo signa aurata, uno reo damnato, (nam separatim accusaverant) posuit. collega eius A. Caecilius neminem condemnavit. Ludi Romani ter, plebei quinque toti instaurati. M. Valerius Messalla inde et C. Livius Salinator consulatum idibus Martiis quum inissent^{x)}), de republica, deque provinciis et exercitibus senatum consuluerunt. De Aetolia et Asia nihil mutatum est. Consulibus, alteri Pisae cum Liguribus, alteri Gallia provincia decreta est. comparare inter se, aut sortiri

s) *Belbinites* Gron. Crev.

t) *aerata* Eaed.

u) *Pulchro* del. Eaed.

x) *inissent* Gron. Crev.

iussi, et novos exercitus, binas legiones, scribere, et ut sociis Latini nominis quina dena millia peditum, impere-^{U. c. 564.}
rent, et mille et ^{a. C. 188.} y) ducentos equites. Messallae Ligures, Salinatori obtigit Gallia. Praetores inde sortiti sunt. M. Claudio urbana, P. Claudio peregrina iurisdictio evenit. Q. Marcius Siciliam, C. Stertinius Sardiniam, L. Manlius Hispaniam citeriorem, C. Atinius ulteriorem est sortitus.

XXXVI. De exercitibus ita placuit. e Gallia legiones, quae sub C. Laelio fuerant, ad M. Tuccium proprae-
torem in Bruttios traduci: et, qui in Sicilia esset, dimitti exercitum: et classem, quae ibi esset, Romam reducere M. Sempronium proprae-
torem. Hispaniis legiones singulae, quae tum in iis provinciis
erant, decretae: et ut terna millia peditum, ducenos equites ambo praetores in supplementum sociis im-
perarent, secumque transportarent. Priusquam in provincias novi magistratus proficiscerentur, suppli-
catio in triduum pro collegio decemvirorum imperata fuit in omnibus compitis, quod luce inter horam ter-
tiam ferme et quartam tenebrae obortae fuerant. et novemdiale sacrificium indictum est, quod in Aven-
tino lapidibus pluisset. Campani, quum eos ex senatus consulto, quod factum erat priore anno²⁾, cen-
sures Romae censeri coegissent, (nam antea incertum fuerat, ubi censerentur) petierunt, ut sibi cives Ro-
manas ducere uxores liceret; et, si qui prius duxis-
sent, ut habere eas, et ante eam diem nati, uti iusti sibi liberi haeredesque essent. utraque res inpetrata.
De Formianis Fundanisque municipibus et Arpinati-
bus C. Valerius Tappo^{a)} tribunus plebis promulgavit, uti iis suffragii latio (nam ante sine suffragio habue-
rant civitatem) esset. Huic rogationi quatuor tribuni plebis, quia non ex auctoritate senatus ferretur, quum

y) et del. Gron. Crev.

a) Tappus Eaed. c. Drak.

2) quod priore anno factum erat Eaed.

U. c. 564. intercederent, edocti, populi esse, non senatus ius,
 a. C. 188. suffragium, quibus velit, inpartiri, destiterunt incepto. Rogatio perlata est, ut in Aemilia tribu Formiani et Fundani, in Cornelia Arpinates ferrent. atque in his tribubus tum primum ex Valerio plebiscito censi sunt. M. Claudius Marcellus censor, sorte superato T. Quinctio, lustrum condidit. censa sunt^{b)} civium capita ducenta quinquaginta octo millia trecenta decem et octo^{c)}. Lustrum perfecto, consules in provincias profecti sunt.

XXXVII. Hieme ea, qua haec Romae gesta sunt, ad Cn. Manlium, consulem primum, deinde pro consule^{d)}, hibernantem in Asia, legationes undique ex omnibus civitatibus gentibusque, quae cis Taurum montem incolunt, conveniebant. et ut clarior nobiliorque victoria Romanis de rege Antiocho fuit, quam de Gallis; ita laetior sociis erat de Gallis, quam de Antiocho. Tolerabilior regia servitus fuerat, quam feritas inmanium barbarorum, incertusque in dies terror, quo velut tempestas eos populantes inferret. itaque, ut quibus libertas, Antiocho pulso, pax, Gallis domitis, data esset, non gratulatum modo venerant, sed coronas etiam aureas, pro suis quaeque facultatibus, adtulerant. Et ab Antiocho legati, et ab ipsis Gallis, ut pacis leges dicerentur, et ab Ariarathe rege Cappadocum venerunt, ad veniam petendam, luen-
 damque pecunia noxam, quod auxiliis Antiochum iuvisset. Huic sexcenta^{e)} talenta argenti sunt impetrata. Gallis responsum, quum Eumenes rex venisset, tum daturum iis leges. civitatum legationes cum benignis responsis, laetiores etiam quam venerant, dimissae. Antiochi legati pecuniam in Pamphyliam, frumentumque ex pacto cum L. Scipione foedere iussi advehere; eo se cum exercitu venturum. Principio deinde veris, lustrato exercitu, profectus, die octavo Apa-

b) sunt del. Gron. Crev.

c) trecenta octo Eaed.

d) proconsule Eaed.

e) ei ducenta Eaed.

meam venit. ibi triduum stativis habitis, tertiis rur-^{U. c. 564.}
sus ab Apamea castris in Pamphyliam, quo pecuniam^{a. C. 188.}
frumentumque regios conveyere iusserat, pervenit. duo
millia et quingenta^{f)} talenta argenti accepta Apameam
deportantur. frumentum exercitui dividitur. Inde ad
Pergam ducit: quae una in iis locis regio tenebatur
praesidio. Adpropinquant praefectus praesidii ob-
vius fuit, triginta dierum tempus petens, ut regem
Antiochum de urbe tradenda consuleret. dato tempo-
re, ad eam diem praesidio decessum est. A Perga,
L. Manlio fratre cum quatuor millibus militum Oro-
anda^{g)}, ad reliquum pecuniae ex eo, quod pepigerant,
exigendum, misso, ipse, quia Eumenem regem et de-
cem legatos ab Roma Ephesum venisse audierat, ius-
sis sequi Antiochi legatis, Apameam exercitum re-
duxit.

XXXVIII. Ibi ex decem legatorum sententia
foedus in haec verba fere cum Antiocho conscriptum
est. *Amicitia regi Antiocho cum populo Romano his
legibus et conditionibus esto. Ne quem exercitum, qui
cum populo Romano sociisque^{h)} bellum gesturus erit,
rex per fines regni sui, eorumveⁱ⁾, qui sub ditione eius
erunt, transire sinito: neu commeatu, neu qua alia ope
iuvato. Idem Romani sociique Antiocho, et iis, qui
sub imperio eius erunt, praestent. Belli gerendi ius
Antiocho ne esto cum iis, qui insulas colunt, neve in
Europam transeundi. Excedito urbibus, agris, vicis,
castellis cis Taurum montem usque ad Halyn^{k)} amnem,
et a valle Tauri usque ad iuga, qua in Lycaoniam
vergit. Ne qua arma efferto, ex iis oppidis, agris,
castellisque, quibus excedat. si qua extulit, quae quo-
que oportebit, recte restituito. Ne militem, neu quem
alium ex regno Eumenis recipito. Si qui earum ur-
bium cives, quae regno abscedunt, cum rege Antiocho*

f) mille et quinquaginta Gron. h) sociisque Gron.

Grev. mille et quingenta Drak. i) eorumque Gron.

g) Oenoanda Gron.

k) Tanaim Gron. Grev. c. Drak.

U. c. 564. *intraque fines eius regni sunt, Apameam omnes ante*
 a. G. 188. *diem certam redeunto*¹⁾. *Qui ex regno Antiochi apud*
Romanos sociosque sunt, iis ius abeundi manendique
esto. Servos seu fugitivos, seu bello captos, seu qui
liber captus aut transfuga erit, reddito Romanis sociis-
que. Elefantos tradito omnes, neque alios parato.
Tradito et naves longas armamentaque earum: neve
plures, quam decem naves acturias, quarum nulla
plus quam triginta remis agatur^{m)}, *habeto: neve mo-*
nerem ex belli causa, quod ipse inlaturus erit. Neve
*navigatio citra Calycadnum, neve Sarpedonium*ⁿ⁾, *pro-*
montoria: extra quam, si qua navis pecuniam, stipen-
dium, aut legatos, aut obsides portabit. Milites
mercede conducendi ex iis gentibus, quae sub ditione
populi Romani sunt, Antiocho regi ius ne esto: ne vo-
luntarios quidem recipiendi. Rhodiorum sociorumve
quae aedes aedificiaque intra fines regni Antiochi sunt,
quo iure ante bellum fuerunt, eo Rhodiorum sociorumve
sunt. Si quae pecuniae debentur, earum exactio
esto. Si quid ablatum est, id conquirendi, cognoscendi,
repetendique ius item esto. Si quas urbes, quas tradi
oportet, ii tenent, quibus Antiochus dedit, et^{o)} *ex iis*
praesidia deducito; utique recte tradantur, curato.
Argenti probi duodecim millia Attica talenta dato intra
duodecim annos pensionibus aequis, (talentum ne minus
pondo octoginta Romanis ponderibus pendat) et tritici
quingenta quadraginta millia modium. Eumeni regi
talenta trecenta quinquaginta intra quinquennium dato:
et pro frumento, quod aestimatione fiat, talenta centum
viginti septem. Obsides Romanis viginti dato, et tri-
ennio mutato; ne minores octonum denum annorum, neu
maiores quinum quadragenum. Si qui sociorum populi
Romani ultro bellum inferent Antiocho, vim vi arcendi

1) redeant Gron. Crev. c.
Drak.

triginta remis agatur)
Drak.

m) (nulla plusquam triginta
remis agatur) Gron. Crev.
(nulla quarum plus quam

n) Sarpedonem Gron. Crev.
c. Drak.

o) et del. Gron. Crev.

*ius esto; dum ne quam urbem aut belli iure teneat, aut U. c. 564.
in amicitiam accipiat. Controversias inter se iurè ac iu. a. C. 188.
dicio disceptanto, aut, si utrisque placebit, bello. De
Hannibale Poeno, et Aetolo Thoante, et Mnasilocho^{p)}
Acarname, et Chalcidensibus Eubulida et Philone,
dedendis, in hoc quoque foedere adscriptum est. et
ut, si quid postea addi, demi, mutarive placuisset,
ut id salvo foedere fieret.*

XXXIX. Consul iuravit in hoc foedus. ab rege
qui exigerent iusiurandum, profecti Q. Minucius
Thermus et L. Manlius, qui tum forte ab Oroandis^{q)}
rediit. et Q. Fabio Labeoni, qui classi praeerat,
scripsit, ut Patara extemplo proficisceretur; quaeque
ibi naves regiae essent, concideret cremaretque.
Profectus ab Epheso, quinquaginta tectas naves aut
concidit, aut incendit. Telmissum^{r)} eadem expedi-
tione, territis subito adventu classis oppidanis, rece-
pit. Ex Lycia protinus, iussis ab Epheso sequi, qui
ibi relictis erant, per insulas in Graeciam traiecit.
Athenis paucos moratus dies, dum Piraeum ab Epheso
naves venirent, totam inde classem in Italiam redu-
xit. Cn. Manlius quum inter cetera, quae accipienda
ab Antiocho erant, elephantos quoque accepisset,
donoque Eumeni omnes dedisset; deinde caussas ci-
vitatium, multis inter novas res turbatis, cognovit.
Et Ariarathes rex, parte dimidia pecuniae imperatae,
Eumenis beneficio, cui desponderat per eos dies fili-
am, remissa, in amicitiam est acceptus. Civitatum
autem cognitis caussis, decem legati aliam aliarum
fecerunt conditionem. Quae stipendiariae regi An-
tiocho fuerant, et cum populo Romano senserant, iis
inmunitatem dederunt: quae partium Antiochi fue-
rant, aut stipendiariae Attali regis, eas omnes vecti-
gal pendere Eumeni iusserunt. nominatim praeterea
Colophoniis, qui in Notio habitant, et Cymaeis, et

p) *Mnasimacho* Gron. Crev.
c. Drak.

q) *Oenoandis* Gron.
r) *Telmessum* Gron. Crev.

U. c. 564. Mylasenis^{s)} immunitatem concesserunt. Clazomeniis,
 a. C. 188. super immunitatem, et Drymussam^{t)} insulam dono
 dederunt: et Milesiis, quem sacrum adpellant, agrum
 restituerunt: et Iliensibus Rhoeteum et Gergithum
 addiderunt, non tam ob recentia ulla merita, quam
 originum memoria. eadem et Dardanum liberandi
 caussa fuit. Chios quoque, et Smyrnaeos, et Ery-
 thraeos, pro singulari fide, quam eo bello praestite-
 runt^{u)}, et agro donarunt, et in omni praecipuo honore
 habuerunt. Phocaeensibus et ager, quem ante bel-
 lum habuerant, redditus; et, ut legibus antiquis
 uterentur, permissum. Rhodiis adfirmata, quae data
 priore decreto erant; Lycia et Caria datae usque ad
 Maeandrum amnem, praeter Telmisum. Regi Eumeni
 Chersonesum in Europa et Lysimachiam, castella, vicos,
 agros, quibus finibus tenuerat^a Antiochus, adiecerunt:
 in Asia Phrygiam utramque, (alteram ad Helles-
 pontum, maiorem alteram vocant) et Mysiam, quam
 Prusias rex ademerat, ei restituerunt: et Lycaoniam,
 et Milyada, et Lydiam, et nominatim urbes Tralles,
 atque Ephesum, et Telmisum. De Pamphylia dis-
 ceptatum inter Eumenem et Antiochi legatos quum
 esset, quia pars eius citra, pars ultra Taurum est;
 integra^{x)} res ad senatum reiicitur.

XL. His foederibus decretisque datis, Manlius,
 cum decem legatis omnique exercitu ad Hellespon-
 tum profectus, evocatis eo regulis Gallorum, leges,
 quibus pacem cum Eumene servarent, dixit; denun-
 ciavitque, ut morem vagandi cum armis finirent,
 agrorumque suorum terminis se continerent. Con-
 tractis deinde ex omni ora navibus, et Eumenis etiam
 classe per Athenaeum fratrem regis ab Elaea adducta,
 copias omnes in Europam traiecit. inde, per Cher-

s) et Cymeis et Milesiis
 Gron.

t) Drymusam Gron. Crev.
 c. Drak.

u) praestiterant Crev.

x) quum esset; quia pars eius
 citra, pars ultra Taurum
 est, integra etc. Drak.

sonesum modicis itineribus grave praeda omnis generis agmen trahens, Lysimachiae stativa habuit; ut quam maxime recentibus et integris iumentis Thraciam, per quam iter vulgo horrebant, ingrederetur. Quo profectus est ab Lysimachia die, ad amnem, Melana quem vocant, inde postero die Cypsela pervenit. a Cypselis via decem millium fere silvestris, angusta, confragosa excipiebat. propter cuius difficultatem itineris in duas partes divisus exercitus. et praecedere una iussa, altera magno intervallo cogere agmen, media impedimenta interposuit: plaustra cum pecunia publica erant, pretiosaque alia praeda. Itaque, quum per saltum iret, Thracum decem haud amplius millia ex quatuor populis, Astii, et Caeni, et Maduateni, et Coreli y), ad ipsas angustias viam circumsederunt. Opinio erat, non sine Philippi regis Macedonum fraude id factum. eum scisse, non alia, quam per Thraciam, redituros Romanos, et quantam pecuniam secum portarent. In primo agmine imperator erat, sollicitus propter iniquitatem locorum. Thraces nihil se moverunt, donec armati transirent. postquam primos superasse angustias viderunt, postremos nondum adpropinquantes, impedimenta et sarcinas invadunt. caesisque custodibus, partim ea, quae in plaustris erant, diripere, partim sub oneribus iumenta abstrahere. Unde postquam clamor primum ad eos, qui, iam ingressi saltum, sequebantur, deinde etiam ad primum agmen est perlatus, utrimque in medium concurritur, et inordinatum simul pluribus locis proelium conseritur. Thracas praeda ipsa impeditos oneribus, et plerosque (ut ad rapiendum manus vacuas haberent) inermes, ad caedem praebet; Romanos iniquitas locorum, barbaris per calles notos obscurantibus z), et latentibus interdum per cavas valles, prodebat. ipsa etiam onera plaustra-

U. c. 564.
a. C. 188.

y) *Coeletae* Gron. Crev.

z) *incursantibus* Eaed.

U. c. 564. que, ut fors tulit, his aut illis incommode obiecta,
 a C. 188. pugnantibus inpedimento sunt: alibi praedo, alibi
 praedae vindex cadit. Prout locus iniquus aequusve
 his aut illis, prout animus pugnantium est, prout
 numerus, (alii enim pluribus, quam ipsi erant, alii
 paucioribus, obcurrerant) varia pugnae fortuna est.
 multi utrimque cadunt. Iam nox adpetebat, quum
 proelio excedunt Thraces, non fuga vulnerum aut
 mortis, sed quia satis praedae habebant.

XLI. Romanorum primum agmen extra saltum
 circa templum Bendidium castra loco aperto posuit:
 pars altera ad custodiam inpedimentorum medio in
 saltu, duplici circumdata vallo, mansit. Postero die,
 prius explorato saltu, quam moverent, primis se con-
 iungunt. In eo proelio, quum et inpedimentorum
 pars et calonum, et milites aliquot, quum passim toto
 prope saltu pugnaretur, cecidissent, plurimum Q.
 Minucii Thermi morte damni est acceptum, fortis ac
 strenui viri. Eo die ad Hebrum flumen perventum
 est. inde Aeniorum fines praeter Apollinis, Zeryn-
 thium ^{a)} quem vocant incolae, templum superant.
 Aliae angustiae circa Tempyra excipiunt, (hoc loco
 nomen est) nec minus confragosae, quam priores:
 sed, quia nihil silvestre circa est, ne latebras qui-
 dem ad insidiandum praebent. Huc ad eandem
 spem praedae Thrausi (gens et ipsa Thracum) con-
 venere: sed, quia nudaе valles, procul ut conspice-
 rentur angustias obsidentes, efficiebant, minus terro-
 ris tumultusque fuit apud Romanos. quippe etsi ini-
 quo loco, proelio tamen iusto, acie aperta, conlatis
 signis dimicandum erat. Conferti subeuntes cum
 clamore, inpetu facto, primum expulere loco hostes;
 deinde avertere. fuga inde caedesque, suis ipsos in-
 pedientibus angustis, fieri coepta est. Romani vi-
 ctore ad vicum Maronitarum (Saren adpellant) posu-
 erunt castra. postero die patenti itinere Priaticus

a) *Zerynthum* Gron.

campus eos excepit; triduumque ibi, frumentum U. c. 564. accipientes, manserunt, partim ex agris Maronita- a. C. 188. rum, conferentibus ipsis, partim ex navibus suis, quae cum omnis generis commeatu sequebantur. Ab stativis diei via Apolloniam fuit. hinc per Abderitarum agrum Neapolim perventum est. Hoc omne per Graecorum colonias pacatum iter fuit. reliquum inde per medios Thracas, dies noctesque, etsi non infestum, suspectum tamen, donec in Macedoniam pervenerunt. Mitiores Thracas idem exercitus, quum a Scipione eadem via duceretur, habuerat, nullam ob aliam causam, quam quod praedae minus, quod peteretur, fuerat. Quamquam tum quoque Claudius auctor est, ad quindecim millia Thracum, praecedenti ad exploranda loca agmen Mutini Numidae occurrisse. quadringentos equites fuisse Numidas, paucos elephantos. Mutinis filium per medios hostes cum centum quinquaginta delectis equitibus perripisse. eundem mox, quum iam Mutines, in medio elephantis conlocatis, in cornua equitibus dispositis, manum cum hoste conseruisset, terrorem ab tergo praebuisse. atque inde turbatos equestri velut procella hostes ad peditum agmen non accessisse. Cn. Manlius per Macedoniam in Thessaliam exercitum traduxit. inde per Epirum Apolloniam quum pervenisset, nondum adeo hiberno contempto mari, ut traicere auderet, Apolloniae hibernavit.

XLII. Exitu prope anni M. Valerius consul ex Liguribus ad magistratus subrogandos Romam venit, nulla memorabili in provincia re gesta, ut ea probabilis morae causa esset, quod solito serius ad comitia venisset. Comitia consulibus rogandis fuerunt ante diem duodecimum Kalendas Martias. creati M. Aemilius Lepidus, C. Flaminius. Postero die praetores facti Ap. Claudius Pulcher, Ser. Sulpicius Galba, Q. Terentius Culleo, L. Terentius Massiliota^{b)}),

b) *Massaliota* Gron. *Massa* Crev.

U. c. 565. Q. Fulvius Flaccus, M. Furius Crassipes. Comitibus
 a. C. 187. perfectis, quas provincias praetoribus esse placeret,
 retulit ad senatum consul. decreverunt duas Romae,
 iuris dicundi^{c)} caussa; duas extra Italiam, Siciliam
 et Sardiniam; duas in Italia, Tarentum et Galliam.
 et extemplo, priusquam inirent magistratum, sortiri
 iussi. Ser. Sulpicius urbanam, Q. Terentius pere-
 grinam est sortitus. L. Terentius Siciliam, Q.
 Fulvius Sardiniam, Ap. Claudius Tarentum, M. Fu-
 rius Galliam. Eo anno L. Minucius Myrtilus et L.
 Manlius, quod legatos Karthaginienses pulsasse dice-
 bantur, iussu M. Claudii praetoris urbis per fetiales
 traditi sunt legatis, et Karthaginem avecti. In Li-
 guribus magni belli, et gliscentis in dies magis, fama
 erat. itaque consulibus novis, quo die de provinciis
 et de republica retulerunt, senatus utrisque^{d)} Ligures
 provinciam decrevit. Huic senatusconsulto Lepidus
 consul intercedebat, *Indignum esse praedicans, con-
 sules ambos in valles Ligurum includi. M. Fulvium
 et Cn. Manlium biennium iam, alterum in Europa, al-
 terum in Asia, velut pro Philippo atque Antiocho sub-
 stitutos, regnare. Si exercitus in his terris esse placeat,
 consules iis potius, quam privatos, praeesse oportere.
 Vagari eos cum belli terrore per nationes, quibus bellum
 indictum non sit, pacem pretio venditantes. Si eas
 provincias exercitibus obtinere opus esset; sicut M.
 Acilio L. Scipio consul, L. Scipioni^{e)} M. Fulvius
 et Cn. Manlius successissent consules; ita Fulvio Man-
 lioque C. Livium et M. Valerium consules debuisse suc-
 cedere. nunc certe, perfecto Aetolico bello, recepta ab
 Antiocho Asia, devictis Gallis, aut consules ad exerci-
 tus consulares mitti, aut reportari legiones inde, reddi-
 que tandem reipublicae debere. Senatus, his auditis,
 in sententia perseveravit, ut consulibus ambobus Li-*

c) dicendi Gron. Crev.

d) utrique Eaed.

e) Man. Acilio, L. Scipioni
consulibus Eaed.

gures provincia esset: Manlium Fulviumque de- U. c. 567.
dere de provinciis, et exercitus inde deducere, ac^a. C. 187.
redire Romam, placuit.

XLIII. Inimicitiae inter M. Fulvium et M. Aemilium consulem erant: et super cetera Aemilius, serius biennio se consulem factum M. Fulvii opera, ducebat^f). itaque ad invidiam ei faciendam legatos Ambracienses in senatum, subornatos criminibus, introduxit. Qui sibi, *quum in pace essent, imperataque a^e) prioribus consulibus fecissent, et eadem praestare obedienter M. Fulvio parati essent, bellum inlatum questi, agros primum depopulatos, terrorem direptionis et caedis urbi iniectum, ut eo metu claudere cogerentur portas. obsessos inde et obpugnatos se, et omnia exempla belli edita in se, caedibus, incendiis, ruinis, direptione urbis: coniuges, liberos in servitium abstractos: bona ademta, et, quod se ante omnia moveat, templa tota urbe spoliata ornamentis. simulacra Deum, Deos immo ipsos, convulsos ex sedibus suis, ablatos esse; parietes postesque nudatos, quos adorent, ad quos precentur et supplicent, Ambraciensibus superesse^h)*. Haec querentes, interrogando criminose ex composito, consul ad plura, velut non sua sponte dicenda, eliciebat. Motis Patribus, alter consul C. Flaminius M. Fulvii causam excepit: qui, *veterem et obsoletam viam ingressos Ambracienses, dixit. Sic M. Marcellum a Syracusanis, sic Q. Fulvium a Campanis accusatos. quin eadem opera T. Quinctium à Philippo rege, M'. Acilium et L. Scipionem ab Antiocho, Cn. Manlium a Gallis, ipsum M.ⁱ) Fulvium ab Aetolis et Cephalleniae populis accusari paterentur. Ambraciam obpugnatam et captam, et signa inde ornamentaque ablata, et cetera facta, quae captis urbibus soleant, negaturum aut me pro M. Fulvio, aut ipsum M. Fulvium censetis, Patres conscripti? qui ob has res gestas triumphum a vobis postulaturus sit; Am-*

f) dicebat Crev.

g) a del. Crev.

h) non superesse Gron.

i) M. del. Gron. Crev.

U. c. 565. *braciam captam, signaque, quae ablata criminantur, et*
 a. C. 187. *cetera spolia eius urbis ante currum laturus, et fixurus in postibus suis. Nihil est, quod se ab Aetolis separent. eadem Ambraciensium et Aetolorum caussa est. Itaque collega meus vel in alia caussa inimicitias exerceat, vel, si in hac utique mavult, retineat Ambracienses suos in adventum M. Fulvii. Ego nec de Ambraciensibus, nec de Aetolis decerni quidquam, absente M. Fulvio, patiar.*

XLIV. Quum Aemilius callidam malitiam inimici, velut omnibus notam, insimularet, et tempus eum morando extracturum diceret, ne consule inimico Romam veniret^k); certamine consulum biduum absumtum est. nec praesente Flaminio decerni quidquam videbatur posse. Captata occasio est, quum aeger forte Flaminius abesset; et, referente Aemilio, senatusconsultum factum est, *Ut Ambraciensibus omnes suae res redderentur: in libertate essent, ac legibus suis uterentur: portoria, quae vellent, terra marique caperent, dum eorum immunes Romani ac socii Latini nominis essent. Signa aliaque ornamenta, quae quererentur ex aedibus sacris sublata esse, de iis, quum M. Fulvius Romam revertisset, placere ad collegium pontificum referri, et, quod ii censuissent, fieri.* Neque his contentus consul fuit, sed postea per infrequentiam adiecit senatusconsultum^l), *Ambraciam non videri vi captam esse.* Supplicatio inde, ex decemvirorum decreto, pro valetudine populi fuit per triduum, quia gravis pestilentia urbem atque agros vastabat. Latinae inde fuerunt. Quibus religionibus liberati consules, et delectu perfecto, (novis enim uterque maluit uti militibus) in provinciam profecti sunt: veteresque omnes dimiserunt. Post consulum profectionem Cn. Manlius proconsul Romam venit, cui quum ab Ser. Sulpicio praetore senatus ad aedem Bellonae datus esset, et ipse, commemoratis rebus ab se gestis, postulasset,

k) rediret Gron. Crev.

l) senatusconsulto Eaed.

ut ob eas Diis immortalibus honos haberetur, sibi que triumphanti urbem invehi liceret; contradixerunt pars maior decem legatorum, qui cum eo fuerant, et ante alios L. Furius Purpureo, et L. Aemilius Paullus.

U. c. 565.
a. C. 187.

XLV. Legatos sese Cn. Manlio datos pacis cum Antiocho faciendae caussa, foederisque et legum, quae cum L. Scipione inchoatae fuissent, perficiendarum. Cn. Manlium summa ope tetendisse, ut eam pacem turbaret, et Antiochum, si sui potestatem fecisset, insidiis exciperet: sed illum, cognita fraude consulis, quum saepe colloquiis petitis captatus esset, non congressum modo, sed conspectum etiam eius vitasse. Cupientem transire Taurum aegre omnium legatorum precibus, ne carminibus Sibyllae praedictam superantibus terminos fatales cladem experiri vellet, retentum, admovisset tamen exercitum, et prope ipsis iugis ad divortia aquarum castra posuisse. Quum nullam ibi causam belli inveniret, quiescentibus regiis, circumegisse exercitum ad Gallograecos: cui nationi non ex senatus auctoritate, non populi iussu, bellum inlatum. quod quem umquam de sua sententia facere ausum? Antiochi, Philippi, Hannibalis et Poenorum recentissima bella esse. de omnibus his consultum senatum, populum iussisse. saepe legatos ante missos, res repetitas postremo, qui bellum indicerent, missos. Quid eorum, Cn. Manli, factum est, ut istud publicum populi Romani bellum, et non tuum privatum latrocinium ducamus^{m)}? At eo ipso contentus fuisti; recto itinere duxisti exercitum ad eos, quos tibi hostes desumseras: an et per omnes amfractus viarum, quum ad bivia consisteres, ut, quo flexisset agmen Attalus Eumenis frater, eo consul mercenarius cum exercitu Romano sequereris, Pisidiae, Lyconiaeque, et Phrygiae recessus omnes atque angulos peragrasti, stipem a tyrannis castellanisque deviis colligens? Quid enim tibi cum Oroandisⁿ⁾? quid cum aliis aequae innoxiiis populis? Bellum autem ipsum, cuius nomine

m) dicamus Gron. Crev.

n) Oenoandis Gron.

U. c. 565. *triumphum* petis, quo modo gessisti? Loco de quo, tempore tuo pugnasti? Tu vero recte, ut Diis immortalibus honos habeatur, postulas: primum, quod pro temeritate imperatoris, nullo iure gentium bellum inferentis, poenas luere exercitum noluerunt; deinde, quod belluas, non hostes, nobis obiecerunt.

XLVI. Nolite^{o)} nomen tantum existimare mixtum esse Gallograecorum. multo ante et corpora et animi mixti ac vitiati sunt. An, si illi Galli essent, cum quibus millies vario eventu in Italia pugnatum est, quantum in imperatore nostro fuit, nuncius illinc redisset? Bis cum iis pugnatum est, his loco iniquo subiit, in valle inferiore pedibus penè hostium aciem subiecit. ut^{p)} non tela ex superiore loco mitterent, sed corpora sua nuda iniicerent, obruere nos potuerunt^{q)}. Quid igitur incidit? Magna fortuna populi Romani est, magnum et terribile nomen. Recenti ruina Hannibalis, Philippi, Antiochi, prope adtoniti erant. Tanta corporum moles fundis^{r)} sagittisque in fugam consternati sunt: gladius in acie cruentatus non est Gallico bello: velut avium examina, ad crepitum primum missilium avolavere. At, hercule, nos iidem, (admonente fortuna, quid, si hostem habuissemus, casurum fuisset) quum redeuntes in latrunculos Thracas iniecissemus, caesi, fugati, exuti impedimentis sumus. Q. Minucius Thermus, in quo haud paullo plus damni factum est, quam si Cn. Manlius, cuius temeritate ea clades inciderat, perisset, cum multis viris fortibus cecidit: exercitus, spolia regis Antiochi referens, trifariam dissipatus, alibi primum, alibi postremum agmen, alibi impedimenta, inter vepres in latebris ferarum noctem unam delituit. Pro his triumphus petitur? Si nihil in Thracia cladis ignominiaeque foret acceptum, de quibus

o) nolito Gron.

p) subiecit: ut, si Gron. Crev.

q) potuerint Eaed.

r) erant, tantae corporum moles. Fundis etc. Gron. c. Drak. erant. Tanta corporum moles, fundis etc. Crev.

hostibus triumphum peteres? de iis, ut opinor, quos tibi U. c. 565. hostes senatus aut populus Romanus dedisset. Sic huic a. C. 187. L. Scipioni, sic illi M. Acilio de rege Antiocho, sic paullo ante T. Quinctio de rege Philippo, sic P. Africano de Hannibale, et Poenis, et Syphace, triumphus datus. et minima illa, quum iam senatus censuisset bellum, quaesita tamen sunt, quibus nunciandum esset: ipsis utique regibus nunciaretur; an satis esset, ad praesidium aliquod nunciari? Vultis ergo haec omnia polui et confundi? tolli fecialia iura? nullos esse feciales? fiat (pace Deum dixerim) iactura religionis; oblivio Deorum capiat pectora vestra. Num senatum quoque de bello consuli non placet? non ad populum ferri, velint, iubeantne cum Gallis bellum geri? Modo certe consules Graeciam atque Asiam volebant. tamen perseverantibus vobis, Ligures provinciam decernere, dicto audientes fuerunt. Merito ergo a vobis, prospere bello gesto, triumphum petent, quibus auctoribus gesserunt.

XLVII. Talis oratio Furii et Aemilii fuit. Manlium in hunc maxime modum respondisse accepimus. Tribuni plebis antea solebant triumphum postulantibus adversari, Patres conscripti. Quibus ego gratiam habeo, quod seu mihi, seu magnitudini rerum gestarum, hoc dederunt, ut non solum silentio comprobarent honorem meum, sed referre etiam, si opus esset, viderentur parati esse. Ex decem legatis, si Diis placet, quod consilium^{s)}, dispensandae cohonestandaeque victoriae imperatoribus maiores dederunt nostri, adversarios habeo. L. Furius et^{t)} L. Aemilius currum triumphalem me conscendere prohibent, coronam insignem capiti detrahunt; quos ego, si tribuni me triumphare prohiberent, testes citaturus fui rerum a me gestarum. Nullius equidem invideo honori, Patres conscripti. Vos tribunos plebei nuper, viros fortes ac strenuos, inpedientes Q. Fabii Labeonis triumphum, auctoritate vestra deter-

s) concilium Gron.

t) et del. Gron. Crev. c. Drak.

U. c. 565. *ruistis. triumphavit, quem non bellum iniustum gessisse,*
 a. C. 187. *sed hostem omnino non vidisse, inimici iactabant. Ego,*
qui cum centum millibus ferocissimorum hostium signis
conlatis toties pugnavi, qui plus quadraginta millia
hominum cepi aut occidi, qui bina castra eorum expu-
gnavi, qui citra iuga Tauri omnia pacatiora, quam
terra Italia est, reliqui, non triumpho modo fraudor;
sed causam apud vos, Patres conscripti, accusantibus
meis ipse legatis dico^{u)}. Duplex eorum, ut animadver-
tistis, Patres conscripti, accusatio fuit. nam, neq̃ ge-
rendum mihi fuisse bellum cum Gallis, et gestum temere
atque imprudenter, dixerunt. non erant Galli hostes, sed
tu eos pacatos imperata facientes violasti. Non sum
postulaturus a vobis, Patres conscripti, ut, quae com-
muniter de inmanitate gentis Gallorum, de infestissimo
odio in nomen Romanum scitis, ea de illis quoque, qui
Asiam incolunt, existimetis Gallis. Remota^{x)} univer-
sae gentis infamia atque invidia, per se ipsos aestimate.
Utinam rex Eumenes, utinam Asiae civitates omnes ad-
essent, et illos potius querentes, quam me accusantem,
audiretis! Mittite, agedum, legatos circa omnes Asiae
urbes, et quaerite, utra^{y)} graviore servitute, Antiocho
ultra Tauri iuga emoto, an Gallis subactis, liberati sint?
quoties agri eorum vastati sint, quoties praedae abactae, re-
ferant: quum vix redimendi captivos copia esset, et macta-
tas humanas hostias inmolatosque liberos suos audirent.
Stipendium, scitote, pependisse socios vestros Gallis:
et nunc, liberatos per vos regio imperio, fuisse pensuros,
si a me foret cessatum.

XLVIII. Quo longius Antiochus emotus esset, hoc
 inpotentius in Asia Galli dominarentur: et, quidquid
 est terrarum citra Tauri iuga, Gallorum imperio, non
 vestro, adiecissetis. At enim sunt quidem ista vera.

u) legatis, dico Crev. c. Drak.

x) qui terras has incolunt, exi-

stimetis. Gallos, remota etc.
 Gron. Crev.

y) utrum a Eaed.

etiam Delphos quondam^{z)}; commune humani generis^{U. c. 565.}
 oraculum, umbilicum orbis terrarum, Galli spoliave-^{a. C. 187.}
 runt: nec ideo populus Romanus his bellum indixit, aut
 intulit. Equidem aliquid interesse rebar inter id tem-
 pus, quo nondum in iure ac ditione vestra Graecia at-
 que Asia erat, ad curandum animadvertendumque, quid
 in his terris fieret; et hoc, quo finem imperii Romani
 Taurum montem statuistis, quo libertatem immunita-
 temve civitatibus datis, quo aliis fines adicitis, alias
 agro multatis, aliis vectigal inponitis: regna augetis,
 minuitis, donatis, adimitis: curae vestrae censetis esse,
 ut pacem terra marique habeant. An, nisi praesidia
 deduxisset Antiochus, quae queta in suis arcibus erant,
 non putaretis liberatam Asiam? si Gallorum exercitus
 effusi vagaremur, rata dona vestra, quae dedistis, regi
 Eumeni, rata libertas civitatibus esset? Sed quid ego
 haec ita argumentor; tamquam non acceperim, sed fe-
 cerim hostes Gallos? Te, L. Scipio, adpello, cuius ego
 mihi, succedens in vicem imperii tui, virtutem felicitate-
 temque pariter non frustra ab Diis immortalibus precatus
 sum; te, P. Scipio, qui legati ius, collegae maiestatem, et
 apud fratrem consulem, et apud exercitum habuisti; scia-
 tisne, in exercitu Antiochi Gallorum legiones fuisse? vide-
 ritis in acie eos, in cornu utroque (idenim roboris esse vide-
 batur) locatos? pugnaveritis, ut cum hostibus iustis? ceci-
 deritis? spolia eorum retuleritis? Atqui cum Antiocho, non
 cum Gallis, bellum et^{a)} senatus decreverat, et populus
 iusserat. sed simul, ut opinor, cum his decreverant ius-
 serantque, qui intra eius praesidia fuissent. ex quibus,
 praeter Antiochum, cum quo pacem pepigerat Scipio,
 et cum quo nominatim foedus ut fieret, mandaveratis,
 omnes hostes erant, qui pro Antiocho arma adversus
 nos tulerunt. In qua causa quum Galli ante om-
 nes fuissent, et reguli quidam, et tyranni; ego tamen
 et cum aliis, pro dignitate imperii vestri coactis luere

z) Delphos, quondam Gron. a) bellum his Gron.
 Crev. c. Drak.

U. c. 565. *peccata sua, pacem pēpigi: et Gallorum animos, si*
 a. C. 187. *possent mitigari a feritate insita, tentavi: et, postquam indomitos atque inplacabiles cernebam, tum demum vi atque armis coercendos ratus sum. Nunc, quondam suscepti belli purgatum est crimen, gesti reddenda est ratio. in quo considerem equidem caussae meae, etiamsi non apud Romanum, sed apud Karthaginiensem senatum agerem; ubi in crucem tolli imperatores dicuntur, si prospero eventu, pravo consilio rem gesserunt. Sed ego in ea civitate, quae ideo omnibus rebus incipiendis gerendisque Deos adhibet, quia nullius calumniae subiicit ea, quae Dii comprobaverunt, et in sollemnibus verbis habet, quum supplicationem aut triumphum decernit; Quod bene ac feliciter rempublicam administrarit; si nollem, si grave, ac superbum existimarem virtute gloriari; pro felicitate mea exercitusque mei, quod tantam nationem sine ulla militum iactura devicimus, postularem, ut Diis immortalibus honos haberetur, et ipse triumphans in Capitolium adscenderem, unde, votis rite nuncupatis, profectus sum; negaretis hoc mihi cum Diis immortalibus.*

XLIX. *Iniquo enim loco dimicavi. Dic igitur, quo aequiore potuerim dimicare? Quum montem hostes cepissent, loco munito se tenerent, nempe eundum ad hostes erat, si vincere vellem. Quid? si urbem eo loco haberent, et moenibus se tenerent? nempe obpugnandi erant. Quid? ad Thermopylas aequone loco M^o. Acilius cum rege Antiocho pugnavit? Quid? Philippum non eodem modo super Aoum amnem iuga tenentem montium T. Quinctius deiecit? Equidem adhuc, qualem aut sibi fingant, aut vobis videri velint hostem fuisse, non invenio. Si degenerem et emollitum amoenitate Asiae, quid periculi vel iniquo loco subeuntibus fuit? si timendum et feritate animorum, et robore corporum, huicine ^{b)} tantae victoriae triumphum negatis? Caeca*

b) huicne Gron. Crev. e. Drak.

invidia est, Patres conscripti, nec quidquam aliud U. c. 565.
scit, quam detrectare virtutes, corrumpere honores a. C. 187.
ac præmia earum. mihi, quaeso, ita ignoscatis,
Patres conscripti, si longiorem orationem non cu-
piditas gloriandi de me, sed necessaria criminum
defensio fecit. An etiam per Thraciam saltus
patentes, qui angusti erant, et plana ex arduis, et
culta ex silvestribus facere potui, et praestare, necubi
notis sibi latebris delitescerent latrones Thraces, ne quid
sarcinarum raperetur, ne quod iumentum ex tanto
agmine abstraheretur, ne quis vulneraretur, ne ex vul-
nere vir fortis ac strenuus Q. Minucius moreretur?
In hoc casu, quo infelicitèr incidit, ut talem civem
amitteremus, haerent. Quod saltu iniquo, loco alieno,
quum adortus hostis nos esset, duæ simul acies primi
et novissimi agminis haerentem ad impedimenta nostra
exercitum barbarorum circumvenerunt; quod multa
millia ipso die, plura multo post dies paucos ceciderunt
et ceperunt; hoc, si ipsi tacuerint, vos scituros, quum
testis orationis meae totus exercitus sit, non credunt?
Si gladium in Asia non strinxissem, si hostem non vi-
dissem; tamen proconsul c) triumphum in Thracia duobus
proeliis merueram. Sed iam dictum satis est. quin
pro eo, quod pluribus verbis vos, quam volui, fatigavi,
veniam a vobis petitam inpetratamque velim, Patres
conscripti.

L. Plus crimina eo die, quam defensio, valuis-
 sent, ni altercationem in serum perduxissent. dimit-
 titur senatus in ea opinione, ut negaturus triumphum
 fuisse videretur. Postero die et cognati amique
 Cn. Manlii summis opibus adnisi sunt, et auctoritas
 seniorum valuit, negantium, exemplum proditum
 memoriae esse, ut imperator, qui, perduellibus de-
 victis, confecta provincia, exercitum reportasset, sine
 curru et laurea, privatus inhonoratusque, urbem
 iniret. hic pudor malignitatem vicit, triumphumque

c) proconsul del. Gron. Crev.

U. c. 565. frequentes decreverunt. Obpressit deinde mentio-
 a. C. 187. nem memoriamque omnem contentionis huius maius
 et cum maiore et clariore viro certamen ortum. P.
 Scipioni Africano (ut Valerius Antias auctor est)
 duo Q. Petillii diem dixerunt. id, prout cuiusque
 ingenium erat, interpretabantur. Alii non tribunos
 plebis, sed universam civitatem, quae id pati posset,
 incusabant. *Duas maximas orbis terrarum urbes in-
 gratas uno prope tempore in principes inventas: Romam
 ingratiorem; si quidem victa Karthago victum Hanni-
 balem in exsiliū expulisset; Roma victrix victorem Afri-
 canum expellat.* Alii, *Neminem unum civem tantum
 eminere debere, ut legibus interrogari non possit: nihil
 tam aequandae libertatis esse, quam potentissimum
 quemque posse dicere causam.* Quid autem tuto cui-
 quam, nedum summam rempublicam, permitti, si ratio
 non sit reddenda? qui ius aequum pati non possit, in
 eum vim haud iniustam esse. Haec agitata sermonibus,
 donec dies dicendae causae venit. nec alius antea
 quisquam, nec ille ipse Scipio consul censorve maio-
 re omnis generis hominum frequentia, quam reus
 illō die, in forum est deductus. Iussus dicere caus-
 sam, sine ulla criminum mentione orationem adeo
 magnificam de rebus ab se gestis est exorsus, ut satis
 constaret, neminem umquam neque melius, neque verius
 laudatum esse. Dicebantur enim ab eodem animo inge-
 nioque, a quo gesta erant: et aurium fastidium aberat,
 quia pro periculo, non in gloriam, referebantur.

LI. Tribuni plebis vetera luxuriae crimina Syra-
 cusanorum hibernorum, et Locris Pleminianum tu-
 multum, quum ad fidem praesentium criminum re-
 tulissent; suspicionibus magis, quam argumentis, pe-
 cuniae captae reum accusarunt. *Filium captum sine
 pretio redditum, omnibusque aliis rebus Scipionem,
 tamquam in eius unius manu pax Romana bellumque
 esset, ab Antiocho cultum. Dictatorem eum consuli,
 non legatum, in provincia fuisse; nec ad aliam rem co*

profectum, quam ut, id quod Hispaniæ, Galliæ, Si- U. c. 565.
 ciliæ, Africae iampridem persuasum esset, hoc Grae- a. C. 187.
 ciae Asiaeque et omnibus ad orientem versis^{d)} regibus
 gentibusque adpareret; unum hominem caput columen-
 que imperii Romani esse: sub umbra Scipionis civitatem
 dominam orbis terrarum latere: nutum^{e)} eius pro de-
 cretis Patrum, pro populi iussis easse. infamia intactum
 invidia, qua possunt, urgent. Orationibus in noctem
 perductis, prodicta dies est. ubi ea venit, tribuni in
 Rostris prima luce consederunt. Citatus reus magno
 agmine amicorum clientiumque per mediam concionem
 ad Rostra subiit: silentioque facto, Hoc, inquit, die,
 tribuni plebis, vosque Quirites, cum Hannibale et Kar-
 thaginiensibus signis conlatis, in Africa bene ac felici-
 ter pugnavi. Itaque, quum hodie litibus et iurgiis
 supersederi æquum sit; ego hinc extemplo in Capito-
 lium ad Iovem optimum maximum Iunonemque et
 Minervam ceterosque Deos, qui Capitolio atque arcu
 praesident, solutandos ibo: hisque gratias agam, quod
 mihi et hoc ipso die, et saepe alias, egregie reipublicae
 gerendae mentem facultatemque dederunt. Vestrum
 quoque quibus commodum est, ite mecum, Quirites, et
 orate Deos, ut mei similes principes habeatis. ita, si
 ab annis septemdecim ad senectutem semper vos aetatem
 meam honoribus vestris anteistis, ego vestros honores
 rebus gerendis praecessi. Ab Rostris in Capitolium ad-
 scendit. simul se universa concio avertit, et secuta
 Scipionem est: adeo, ut postremo scribeae viatoresque
 tribunos relinquerent, nec cum iis, praeter servilem
 comitatum et praeconem, qui reum ex Rostris citabat,
 quisquam esset. Scipio non in Capitolio modo, sed
 per totam urbem omnia templa Deum cum populo
 Romano circumiit. Celebratior is prope dies favore
 hominum et aestimatione verae magnitudinis eius fuit,
 quam quo triumphans de Syphace rege et Kartha-
 giniensibus urbem est invectus.

d) versus Gron. Crev.

e) nutus Eaed.

U. c. 565.
a. C. 187.

LII. Hic speciosus ultimus dies P. Scipioni inlucit. post quem quum invidiam et certamina cum tribunis prospiceret, die longiore producta, in Liternum concessit; certo consilio, ne ad causam dicendam adesset. Maior animus et natura erat, ac maiori fortunae adsuetus, quam ut reus esse sciret, et submittere se in humilitatem causam dicentium. Ubi dies venit, citarique absens est coeptus, L. Scipio morbum causae^{f)} esse, cur abesset, excusabat. quam excusationem quum tribuni, qui diem dixerant, non acciperent, et ab eadem superbia non venire ad causam dicendam arguerent, qua iudicium et tribunos plebis et concionem reliquisset; et, quibus ius de se dicendae sententiae et libertatem ademisset, his comitatus, velut captos trahens, triumphum de populo Romano egisset, secessionemque eo die in Capitolium a tribunis plebis fecisset: *Habetis ergo temeritatis illius mercedem. quo duce et auctore nos reliquistis, ab eo ipsi relictis estis. et tantum animorum in dies nobis decrescit, ut, ad quem ante annos^{g)} septemdecim, exercitum et classem habentem, tribunos plebis aedilemque mittere in Siciliam^{h)} ausi sumus, qui prehenderent eum, et Romam reducerent, ad eum privatum ex villa sua extrahendum, ad causam dicendam, mittere non audeamus: tribuni plebisⁱ⁾, adpellati ab L. Scipione, ita decreverunt, Si morbi causa excusaretur, sibi placere, accipi eam causam, diemque a collegis prodici. Tribunus plebis eo tempore Ti. Sempronius Gracchus erat, cui inimicitiae cum P. Scipione intercedebant. is, quum vetuisset nomen suum decreto collegarum adscribi, tristiore omnes sententiam exspectarent, ita decrevit: Quum L. Scipio excuset morbum esse causae^{k)} fratri, satis id sibi videri. Se P. Scipio-*

f) causam Gron. Crev.

g) annis Eaed.

h) in Siciliam mittere Eaed.

i) audeamus? Tribuni plebis

Gron. c. Drak. audeamus.

Tribuni plebis Crev.

k) causam Gron. Crev.

nem, priusquam Romam redisset, accusari non passum. tum quoque, si se adpellet, auxilio ei futurum, ne causam dicat. Ad id fastigium rebus gestis, honoribus populi Romani, P. Scipionem Deorum hominumque consensu pervenisse, ut sub Rostris reum stare, et praebere aures adolescentium convitiis, populo Romano magis deforme, quam ipsi, sit. U. c. 565. a. C. 187.

LIII. Adiecit decreto indignationem: *Sub pedibus vestris stabit, tribuni, domitor ille Africae, Scipio? ideo quatuor nobilissimos duces Poenorum in Hispania, quatuor exercitus fudit fugavitque: ideo Syphacem cepit, Hannibalem devicit, Karthaginem vectigalem nobis fecit, Antiochum (recepit enim fratrem consortem huius gloriae L. Scipio) ultra Tauri iuga emovit, ut duobus Petilliis subcumberet, vos de P. Africano palmam peteretis? Nullisne meritis suis, nullis vestris honoribus umquam in arcem tutam et velut sanctam clari viri pervenient: ubi, si non venerabilis, inviolata saltem senectus eorum considat? Movit et decretum, et adiecta oratio non ceteros modo, sed ipsos etiam accusatores: et, deliberataros se, quid sui iuris et officii esset, dixerunt. Senatus deinde, concilio plebis dimisso, haberi est coeptus. ibi gratiae ingentes ab universo ordine, praecipue a consularibus senioribusque, Ti. Graccho actae sunt, quod rempublicam privatis simulatibus potiore habuisset: et Petillii vexati sunt probris, quod splendere aliena invidia voluissent, et spolia ex Africani triumpho peterent. Silentium deinde de Africano fuit. vitam Literni egit sine desiderio urbis. Morientem rure eo ipso loco sepeliri se iussisse ferunt, monumentumque ibi aedificari, ne funus sibi in ingrata patria fieret. Vir memorabilis: bellicis tamen, quam pacis, artibus memorabilior prima¹⁾ pars vitae, quam postrema, fuit: quia in iuventa bella adsidue gesta; cum senecta res quoque deflo-*

1) *vir memorabilis, bellicis tamen magis, quam pacis artibus. Memorabilior prima etc. Gron. Crev.*

U. c. 565. ruere, nec praebita est materia ingenio. Quid ad
 a. C. 187. primum consulatum secundus, etiamsi censuram ad-
 iicias? quid Asiatica legatio, et vaetudine adversa inu-
 tilis, et filii casu deformata, et post reditum necessi-
 tate aut subeundi iudicii, aut simul cum patria dese-
 rendi? Punici tamen belli perpetrati, quo nullum ne-
 que maius neque periculosius Romani gessere, unus
 praecipuam gloriam tulit.

LIV. Morte Africani crevere inimicorum animi:
 quorum princeps fuit M. Porcius Cato, qui vivo quo-
 que eo adlatrare eius magnitudinem solitus erat. hoc
 auctore existimantur Petillii et, vivo Africano, rem
 ingressi, et, mortuo, rogationem promulgasse. Fuit
 autem rogatio talis: *Velitis, iubeatis, quaeratur, quae
 pecunia capta, ablata, coacta ab rege Antiocho est, qui-
 que sub eius imperio fuerunt; quod eius in publicum
 relatum non est, uti de ea re Ser. Sulpicius praetor ur-
 banus ad senatum referat? quem eam rem velit senatus
 quaerere de iis, qui praetores nunc sunt?* Huic roga-
 tioni primo Q. et L. Mummii intercedebant: senatum
 quaerere de pecunia non relata in publicum, ita ut
 antea semper factum esset, aequum censebant. Pe-
 tillii nobilitatem et regnum in senatu Scipionum accusa-
 bant. L. Furius Purpureo consularis, qui in decem lega-
 tis in Asia fuerat, latius rogandum censebat: non quae
 ab Antiocho modo pecuniae captae forent, sed quae ab
 aliis regibus gentibusque, Cn. Manlium inimicum inces-
 sens. Et L. Scipio, quem magis pro se, quam adversus
 legem, dicturum adparebat, dissuasor processit. is
 post mortem P. Africani fratris, viri omnium fortis-
 simi clarissimique, eam exortam rogationem est con-
 questus. *Parum enim fuisse, non laudari pro Rostris
 P. Africanum post mortem, nisi etiam accusaretur. Et
 Karthaginienses exsilio Hannibalis contentos esse: popu-
 lum Romanum ne morte quidem P. Scipionis exsatiari, nisi
 et ipsius fama sepulti laceretur, et frater insuper, accessio
 invidiae, mactetur.* M. Cato suasit rogationem, (exstat

oratio eius de pecunia regis Antiochi) et Mummios U. c. 565. tribunos auctoritate deterruit, ne adversarentur roga- a. C. 187. tioni. Remittentibus ergo his intercessionem, omnes tribus, uti rogassent^m), iusserunt.

LV. Ser. Sulpicio deinde referente, quem rogatione Petillia quaerere vellent, Q. Terentium Culleonem Patres iusserunt. Ad hunc praetorem, adeo amicum Corneliae familiae, ut, qui Romae mortuum elatumque P. Scipionem (est enim ea quoque fama) tradunt, pileatum, sicut in triumpho ierat, in funere quoque ante lectum isse, memoriae prodiderint, et ad portam Capenam mulsum prosecutis funus dedisse, quod ab eo inter alios captivos in Africa ex hostibus receptus esset: aut adeo inimicum eundem, ut propter insignem simultatem ab ea factione, quae adversa Scipionibus erat, delectus sit potissimum ad quaestionem exercendam; ceterum ad hunc nimis aequum aut iniquum praetorem reus extemplo factus L. Scipio; simul et delata et recepta nomina legatorum eius, A. et L. Hostiliorum Catonum, et C. Furii Aculeonis quaestoris: et, ut omnia contacta societate peculatus viderentur, scribae quoque duo et accensus. L. Hostilius, et scribae, et accensus, priusquam de Scipione iudicium fieret, absoluti sunt: Scipio, et A. Hostilius legatus, et C. Furius damnati: *Quo commodior pax Antiocho daretur, Scipionem sex millia pondo auri, quadringenta octoginta argenti plus accepisse, quam in aerarium retulerit: A. Hostilium octoginta pondo auri, argenti quadringenta tria: Furium quaestorem auri pondo centum triginta, argenti ducentaⁿ)*. Has ego summas auri et argenti relatas apud Antiatem inveni. in L. Scipione malim equidem librarii mendum, quam mendacium scriptoris, esse in summa auri atque argenti. Similius enim veri est; argenti, quam auri, maius pondus fuisse; et potius quadragies, quam ducenties quadragies litem aesti-

m) uti rogasset Gron. Orev.

n) auri centum triginta, argenti ducenta pondo Eaed.

U. c. 565. matam: eo magis, quod, tantae summae rationem etiam
 a. C. 187. ab ipso P. Scipione requisitam esse in senatu, tradunt:
 librumque rationis eius, quum Lucium fratrem adferre
 iussisset, inspectante senatu suis ipsum manibus con-
 cersisse: indignantem, quod, quum bis millies in aerarium
 intulisset, quadrages ratio ab se posceretur. ab eadem
 fiducia animi, quum quaestores pecuniam ex aerario
 contra legem promere non auderent, poposcisse cla-
 ves, et se aperturum aerarium dixisse. qui, ut clau-
 deretur, effecisset.

LVI. Multa alia, in Scipionis exitu maxime vitae,
 dieque dicta, morte, funere, sepulcro, in diversum
 trahunt: ut, cui famae, quibus scriptis adsentiar, non
 habeam. Non de accusatore convenit: alii M. Naevium,
 alii Petillios diem dixisse scribunt: non de
 tempore, quo dicta dies sit: non de anno, quo mor-
 tuus sit: non ubi mortuus, aut elatus sit. Alii Ro-
 mae, alii Literni et mortuum, et sepultum: utrobique
 monumenta ostenduntur et statucae. Nam et Literni
 monumentum monumentoque statuas superinposita fuit,
 quam tempestate disiectam nuper vidimus ipsi. Et
 Romae extra portam Capenam in Scipionum monu-
 mento tres statucae sunt: quarum duae P. et L. Sci-
 pionum dicuntur esse, tertia poetae Q. Ennii. Nec
 inter scriptores rerum discrepat solum, sed orationes
 quoque, si modo ipsorum sunt, quae feruntur, P. Sci-
 pionis et Ti. Gracchi, abhorrent inter se. Index ora-
 tionis P. Scipionis nomen M. Naevii tribuni plebis
 habet: ipsa oratio sine nomine est accusatoris. ne-
 bulonem modo, modo nugatorem adpellat. Ne Gracchi
 quidem oratio aut Petilliorum, accusatorum Africani,
 aut diei dictae Africano ullam mentionem habet. Alia
 tota serenda fabula est Gracchi orationi conveniens: et
 illi auctores sequendi sunt, qui, quum L. Scipio et accu-
 satus, et damnatus sit pecuniae captae ab rege, legatum
 in Etruria fuisse Africanum tradunt. quo post famam de
 patris casu adlatam, relicta legatione, cucurrisse eum

Romam; et, quum a porta recta ad forum se contu-^{U. c. 565.}
 lisset, quod in vincula duci fratrem dictum erat, re-^{a. C. 187.}
 pulisse a corpore eius viatorem: et tribunis retinen-
 tibus, magis pie, quam civiliter, vim fecisse. Hinc^o)
 enim ipse Gracchus queritur, dissolutam esse a pri-
 vato tribuniciam potestatem: et ad postremum, quum
 auxilium L. Scipioni pollicetur^p), adiicit, tolera-
 bilioris exempli esse, a tribuno plebis potius, quam
 a privato, victam videri et tribuniciam potestatem, et
 rempublicam esse. Sed ita hanc unam inpotentem
 eius iniuriam invidia onerat, ut, increpando quod
 degenerarit tantum a se ipse, cumulas ei veteres
 laudes moderationis et temperantiae pro reprehensio-
 ne praesenti reddat. Castigatum enim quondam ab
 eo populum, ait, quod eum perpetuum cōsulem et
 dictatorem vellet facere. prohibuisse statuas sibi in
 comitio, in Rostris, in curia, in Capitolio, in cella
 Iovis poni. prohibuisse, ne decerneretur, ut imago
 sua triumphali ornatu e templo Iovis optimi maximi
 exiret.

LVII. Haec, vel in laudatione posita, ingentem
 magnitudinem animi moderandis ad civilem habitum
 honoribus significarent, quae exprobrando inimicus
 fatetur. Huic Graccho minorem ex duabus filiis (nam
 maior P. Cornelio Nasicae haud dubie a patre conlo-
 cata erat) nuptam fuisse convenit. Illud parum con-
 stat, utrum post mortem patris et desponsa sit, et
 nupserit: an verae illae opiniones sint, Gracchum,
 quum L. Scipio in vincula duceretur, nec quisquam
 collegarum auxilio esset, iurasse, *Sibi inimicitias cum
 Scipionibus, quae fuissent, manere; nec se gratiae
 quaerendae causa quidquam facere. sed in quem car-
 cerem reges et imperatores hostium ducentem vidisset P.
 Africanum, in eum se fratrem eius duci non passurum.*
 Senatum, eo die forte coenantem in Capitolio, con-

o) haec Gron. Crev.

p) polliceretur Eaed.

U. c. 565. surrexisse, et petisse, ut inter epulas Graccho filiam
 a. C. 187. Africanus desponderet. quibus ita inter publicum solemne sponsalibus rite factis, quum se domum recepisset, Scipionem Aemiliae uxori dixisse, filiam se minorem despondisse. quum illa, muliebriter indignabunda, nihil de communi filia secum consultatum, adiecisset, non, si Ti. Graccho daret, expertem consilii debuisse matrem esse; laetum Scipionem tam concordii iudicio, ei^q) ipsi desponsam respondisse: haec de tanto viro, quamquam et opinionibus, et monumentis literarum variarent, proponenda erant.

LVIII. Iudiciis a Q. Terentio praetore perfectis, Hostilius et Furius damnati, praedes eodem die quaestoribus urbanis dederunt. Scipio, quum contendere, omnem, quam accepisset, pecuniam in aerario esse, nec se quidquam publici habere, in vincula duci est coeptus. P. Scipio Nasica tribunos adpellavit; orationemque habuit plenam veris decoribus, non communiter modo Corneliae gentis, sed proprie familiae suae. *Parentes suos et P. Africani ac L. Scipionis, qui in carcerem duceretur, fuisse Cn. et P. Scipiones, clarissimos viros. Eos, quum per aliquot annos in terra Hispania, adversus multos Poenorum Hispanorumque et duces et exercitus, nominis Romani famam auxissent, non bello solum, sed quod Romanae temperantiae fideique specimen illis gentibus dedissent, ad extremum ambo pro republica^r) morte obcubuisse, quum illorum tueri gloriam posteris satis esset, P. Africanum tantum paternas superavisse laudes, ut fidem fecerit, non sanguine humano, sed stirpe divina satum se esse. L. Scipionem, de quo agatur, (ut, quae in Hispania, quae in Africa, quum legatus fratris esset, gessisset, praetereantur) consulem et ab senatu dignum visum, cui extra sortem Asia provincia et bellum cum Antiocho rege decerneretur; et a fratre, cui post duos*

q) ei del. Gron. Crev. c. r) pro populo Romano Gron. Drak. Crev.

consulatus censuramque et triumphum legatus in Asiam U. c. 565.
iret. Ibi, ne magnitudo et splendor legati laudibus con- a. C. 187.
sulis obficeret, forte ita incidisse, ut, quo die ad Magne-
siam signis conlatis L. Scipio Antiochum devicisset,
aeger P. Scipio Elaeae dierum aliquot via abesset. Non
fuisse minorem eum exercitum, quam Hannibalis, cum
quo in Africa esset pugnatum. Hannibalem eundem
fuisse inter multos alios regios duces, qui imperator Pu-
nici belli fuerit. Et bellum quidem ita gestum esse, ut
nefortunam quidem quisquam criminari possit. In pace
crimen quaeri. eam dici venisse. Hic decem legatos si-
mul argui, quorum ex consilio data pax esset, quin existi-
tisse ex decem legatis, qui Cn. Manlium accusarent:
tamen non modo ad criminis fidem, sed ne ad moram qui-
dem triumphi eam^{s)} accusationem valuisse.

LIX. *At, hercule, in Scipione ipsas leges pacis,*
ut nimium adcommodatas Antiocho, suspectas esse. in-
tegrum enim ei regnum relictum: omnia possidere eum
victum, quae ante bellum eius fuerint: auri et argenti
quum vim magnam habuisset, nihil in publicum relatum,
omne in privatum versum. An non praeter omnium
oculos tantum auri argentique in triumpho L. Scipio-
nis, quantum non decem aliis triumphis, si omne in
unum conferatur, sit latum? Nam quid de finibus regni
dicam? Asiam omnem et proxima Europae tenuisse
Antiochum? Ea quanta regio orbis terrarum sit, a
Tauro monte in Aegaeum usque prominens mare, quot
non urbes modo, sed gentes amplectatur, omnes scire.
Hanc regionem, dierum plus triginta in longitudinem,
decem inter duo maria in latitudinem patentem, usque
ad Tauri montis iuga Antiocho ademptam, expulso in
ultimum angulum orbis terrarum. Quid, si gratuita
pax esset, plus adimi ei potuisse? Philippo victo Ma-
cedoniam, Nabidi Lacedaemonem relictam, nec Quin-
tio crimen quaesitum: non enim habuisse eum Africa-

^{s)} etiam Gron.

U. c. 565. num fratrem; cuius quum gloria prodesse L. Scipioni
 a. C. 187. debuisset, invidiam nocuisse. Tantum auri argenti-
 que iudicatum esse in domum L. Scipionis inlatum,
 quantum, venditis omnibus bonis, redigi non posset.
 Id ubi ergo esse regium aurum? ubi tot haereditates ac-
 ceptas? In domo, quam sumtus non exhausserint, exstare
 debuisse novae fortunae cumulum. At enim, quod ex
 bonis redigi non possit, ex corpore et tergo per vexatio-
 nem et contumelias L. Scipionis petitueros inimicos: ut
 in carcerem inter fures nocturnos et latrones vir claris-
 simus includatur, et in robore et tenebris expiret: dein-
 de nudus ante carcerem proiciatur. Non id Corneliae
 magis familiae, quam urbi Romanae, fore erubescendum.

LX. Adversus ea Térentius praetor rogationem
 Petilliam, et senatusconsultum, et iudicium de L.
 Scipione factum recitavit: se, ni referatur pecunia in
 publicum, quae iudicata sit, nihil habere, quod faciat,
 nisi ut prehendi damnatum, et in vincula duci iubeat.
 Tribuni quum in consilium secessissent, paullo post
 C. Fannius ex sua collegarumque aliorum, praeter
 Gracchum, sententia pronunciavit, praetori non inter-
 cedere tribunos, quo minus sua potestate utatur. Ti.
 Gracchus ita decrevit: Quo minus ex bonis L. Scipionis;
 quod iudicatum sit, redigatur, se non intercedere prae-
 tori. L. Scipionem (qui regem opulentissimum or-
 bis terrarum devicerit, imperium populi Romani pro-
 pagaverit in ultimos terrarum fines, regem Eumenem,
 Rhodios, alias tot urbes Asiae devinxerit populi Romani
 beneficiis, plurimos duces hostium in triumpho ductos
 carcere incluserit) non passurum inter hostes populi
 Romani^{t)} in carcere et in vinculis esse, mittique eum
 se iubere. Tanto adsensu auditum est decretum, ad-
 eo dimissum L. Scipionem laeti homines viderunt,
 ut vix in eadem civitate videretur factum iudicium.
 In bona deinde L. Scipionis possessum publice quae-

t) add. L. Scipionem Gron. c. Drak.

stores praetor misit. neque in iis non modo vestigium ullum comparuit pecuniae regiae, sed nequam tantum redactum est, quantae summae damnatus fuerat. Conlata pecunia a cognatis amicisque et clientibus est L. Scipioni; ut, si acciperet eam, locupletior aliquanto esset, quam ante calamitatem fuerat. Nihil accepit. quae necessaria ad cultum erant, redempta ei a proximis cognatis sunt. Verteratque Scipionum invidia in praetorem, et consilium eius, et accusatores.

EPITOME LIBRI XXXIX.

M. 1) Aemilius consul, Liguribus subactis, viam a Placentia usque Ariminum perductam Flaminiae iunxit. Initia luxuriae, introducta ab exercitu Asiatico, referuntur. Ligures, quicumque citra Appenninum erant, subacti sunt. Bacchanalia, sacrum Graecum, et quidem nocturnum, scelerum omnium seminarium, quum ad ingentis turbae coniurationem pervenisset, a consule investigatum, et multorum poena sublatum est. A censoribus L. Valerio Flacco et M. Porcio Catone, et 2) belli et pacis artibus maximo, motus est senatus L. Quinctius Flamininus, T. Quinctii frater, eo quod, quum Galliam provinciam consul obtinuerat, rogatus in convivio 3) a Philippo Poeno, quem amabat, scorto nobili, Gallum quemdam sua manu occiderat: sive, ut quidam tradiderunt, unum ex damnatis 4) securi percusserat, rogatus a meretrice Placentina, cuius amore deperibat. Exstat in eum M. Catonis oratio. Scipio Literni decessit. Et, tamquam iungente fortuna circa idem tempus duo funera maximorum virorum, Hannibal, a Prusia Bithyniae rege, ad quem, victo Antiocho, confugerat, quum dederetur Romanis, qui ad exposcendum illum T. Quinctium Flamininum miserant, veneno sibi mortem conscivit. Philopoemen quoque, dux Achaeorum, vir maximus, a Messeniis interentus veneno, quum ab iis bello captus esset. Coloniae Potentia 5), et Pisaurum, et Mutina, et Parma deductae sunt. Praeterea res adversus 6) Celtiberos prospere gestas, et initia causasque belli Macedonici continet; cuius origo inde fluxit, quod Philippus aegre ferebat, regnum suum imminui a Romanis, et quod cogeretur, a Thracibus aliisque locis praesidia deducere.

1) M. del. Gron. Grev.

2) viro et Eaed.

3) in convivio del. Gron.

4) unum damnatorum Gron. Grev.

5) Pollentia Grev.

6) adversum Gron. Grev.

T. LIVII PATAVINI

LIBER XXXIX.

U. c. 565. **D**um haec (si modo hoc anno acta sunt) Romae
a. C. 187. aguntur, consules ambo in Liguribus gerebant bellum.
Is hostis velut natus ad continendam inter magnorum
intervalla bellorum Romanis militarem disciplinam
erat: nec alia provincia militem magis ad virtutem
acuebat. nam Asia, et amoenitate urbium, et copia
terrestrium maritimarumque rerum, et mollitia ho-
stium regiisque opibus, ditiores, quam fortiores,
exercitus faciebat. praecipue sub imperio Cn. Manlii
solute ac negligenter habiti sunt. itaque asperius
paullo iter in Thracia, et exercitatio hostis magna cla-
de eos castigavit. In Liguribus omnia erant, quae mi-
litem excitarent: loca montana et aspera, quae et ipsis
capere labor erat^a), et ex praeoccupatis delicere hos-
tem: itinera ardua, angusta, infesta insidiis: hostis levis,
et velox, et repentinus, qui nullum usquam tempus,
nullum locum quietum aut securum esse sineret: ob-
pugnatio necessaria munitorum castellorum, laborio-
sa simul periculosaque: inops regio, quae parsimo-
nia adstringeret milites, praedae haud multum prae-
beret. Itaque non lixa sequebatur, non iumentorum
longus ordo agmen extendebat: nihil, praeter arma
et viros omnem spem in armis habentes, erat. Nec
deerat unquam cum iis vel materia belli, vel caussa;
quia propter domesticam inopiam vicinos agros incur-
sabant. nec tamen in discrimen summae rerum pu-
gnabatur.

a) est Gron. Crev.

II. C. Flaminius consul, cum Friniatibus Liguri- U. c. 565.
 bus in agro eorum pluribus proeliis secundis factis, a. C. 187.
 in deditionem gentem accepit, et arma ademit: ea
 quia non sincera fide tradebant, quum castigarentur,
 relictis vicis, in montem Auginum confugerunt. con-
 festim secutus est consul. Ceteri effusi rursus, et
 pars maxima ihermes, per invia et rupes deruptas
 praecipitantes fugerunt, qua sequi hostis non posset,
 ita trans Apenninum abierunt. qui castris se tenuerant,
 circumsessi expugnati sunt. Inde trans Apenninum du-
 ctæ legiones ibi montis, quem ceperant, altitudine paul-
 lis per se tutati, mox in deditionem concesserunt. tum
 conquisita cum intentiore cura arma, et omnia adempta.
 Translatum deinde ad Apuanos Ligures bellum; qui in
 agrum Pisanum Bononiensemque ita incursaverant, ut
 coli non posset. His quoque perdomitis, consul pa-
 cem dedit finitimis. et, quia, a bello quieta ut esset
 provincia, effecerat, ne in otio militem haberet, vi-
 am a Bononia perduxit Arretium. M. Aemilius alter
 consul agros Ligurum vicosque, qui in campis aut
 vallibus erant, ipsis montes duos, Balistam^{b)} Suis-
 montiumque tenentibus, deussit depopulatusque est.
 deinde eos, qui in montibus erant, adortus, primo
 levibus proeliis fatigavit; postremo coactos in aciem
 descendere iusto proelio devicit: in quo et^{c)} aedem
 Dianae vovit. Subactis cis Apenninum omnibus, tum
 transmontanos adortus (in his et Friniates^{d)} Ligures
 erant, quos non adierat C. Flaminius) omnes Aemi-
 lius subegit, armaque ademit, et de montibus in cam-
 pos multitudinem deduxit. Pacatis Liguribus, in
 agrum Gallicum exercitum duxit; viamque ab Placen-
 tia, ut Flaminiae committeret, Ariminum perduxit.
 Proelio ultimo, quo cum Liguribus signis conlatis
 conflixit, aedem Iunoni Reginae vovit. Haec in Li-
 guribus eo anno gesta.

b) Ballistam Gron. Grev.
 c) et del. Eaed.

d) Briniates Gron.

U. c. 565.
a. C. 187.

III. In Gallia M. Purius praetor insontibus Cenomanis, in pace speciem belli quaerens, ademerat arma. Id Cenomani conquesti Romae apud senatum, reiectique ad consulem Aemiliū; cui, ut cognoscere statueretque, senatus permiserat, magnocertamine cum praetore habito, tenuerunt caussam arma reddere^{e)} Cenomanis, decedere provincia praetor iussus. Legatis deinde sociorum Latini nominis, qui toto undique ex Latibio frequentes convenerant, senatus datus est. his querentibus, magnam multitudinem civium suorum Romanam commigrasse, et ibi censos esse, Q. Terentio Culleoni praetori negotium datum est, ut eos conquereret, et, quem C. Claudio, M. Livio censoribus, postve eos censores, ipsum parentemve eius apud se censum esse, probassent socii, ut redire eo cogeret, ubi censi essent. Hac conquisitione duodecim millia Latinorum domos redierunt, iam tum multitudine alienigenarum urbem onerante.

IV. Priusquam consules redirent Romam, M. Fulvius proconsul ex Aetolia rediit. isque^{f)}, ad eadem Apollinis in senatu quum de rebus in Aetolia Cephalleniaque ab se gestis disseruisset, petiit a Patribus, ut aequum censerent, ob reipublicam bene ac feliciter gestam, et Diis immortalibus honorem haberi iubere, et sibi triumphum decernere. M. Aburius^{g)} tribunus plebis, si quid de ea re ante M. Aemilii consulis adventum decerneretur, intercessurum se ostendit: *eum contradicere velle, proficiscentemque in provinciam ita sibi mandasse, ut ea disceptatio integra in adventum suum servaretur. Fulvium temporis iacturam facere, senatum etiam praesente consule, quod vellet, decreturum. M. Fulvius: Si aut simultas M. Aemilii secum ignota hominibus esset, aut quam is eas inimicitias inpotenti ac prope regia ira exerceat; tamen non fuisse ferendum, absentem consu-*

e) reddita Gron. Crév.

f) itaque Eaed.

g) Aburius Gron.

lem et Deorum immortalium honori obstare, et meritum U. c. 563.
debitumque triumphum morari: imperatorem, rebus a. G. 187.
egregie gestis, victoremque exercitum cum praeda ac
captivis ante portas stare, donec consuli, ob hoc ipsum
moranti, redire Romam libitum esset. Verum enimvero,
quum sint nobilissimae sibi cum consule inimicitiae,
quid ab eo quemquam posse aequi expectare, qui per
infrequentiam furtim senatusconsultum factum ad aera-
rium detulerit, Ambraciam^{b)} non videri vi captam;
quae aggere ac vineis obpugnata sit; ubiⁱ⁾, incensis
operibus, alia de integro facta sint; ubi circa muros
supra subterque terram per dies quindecim pugnatum;
ubi a prima luce, quum iam transcendisset muros miles,
usque ad noctem diu anceps proelium tenuerit; ubi plus
tria millia hostium sint caesa. Iam de Deorum immor-
taliū templis, spoliatis in capta urbe, qualem calum-
niam ad pontifices adtulerit? Nisi Syracusarum cete-
rarumque captarum civitatum ornamentis urbem exor-
nari fas fuerit, in Ambraciam unam captam non value-
rit belli ius. Se et Patres conscriptos orare, et ab tri-
buno^{k)} petere, ne se superbissimo inimico ludibrio esse
sinant.

V. Undique omnes, alii deprecari tribunum, alii
castigare. Ti. Gracchi collegae plurimum oratio mo-
vit: Ne suas quidem simultates pro magistratu exercere
boni exempli esse: alienarum vero simultatum tribunum
plebis cognitorem fieri, turpe et indignum collegii eius
potestate et sacris legibus esse. Suo quemque iudicio
et homines odisse aut diligere, et res probare aut impro-
bare debere; non pendere ex alterius vultu ac nutu, nec
alieni momentis animi circumagi, adstipularique irato
consuli tribunum plebei: et, quid privatim M. Aemilius
mandaverit, meminisse; tribunatum sibi a populo Ro-
mano mandatum oblivisci; et mandatum pro auxilio ac
libertate privatorum, non pro consulari regno. Ne

h) detulerit. Ambraciam Gron. k) tribunis Gron. c. Drak.

i) sit. ubi Gron.

U. c. 565. *hoc quidem cernere eum, fore, ut memoriae ac posteritati mandetur, eiusdem collegii alterum e duobus tribunis plebis suas inimicitias remisisse reipublicae, alterum alienas et mandatas exercuisse.* His victus castigationibus tribunus, quum templo excessisset, referente Ser. Sulpicio praetore, triumphus M. Fulvio est decretus. Is quum gratias Patribus conscriptis egisset, adiecit, *Ludos magnos se Iovi optimo maximo eo die, quo Ambraciam cepisset, vovisse. in eam rem sibi centum¹⁾ pondo auri a civitatibus conlatum. Petere, ut ex ea pecunia, quam in triumpho latam in aerario positurus esset, id aurum secerni iuberent.* Senatus pontificum collegium consuli iussit, num omne id aurum in ludos consumi necessum esset? Quum pontifices negassent, ad religionem pertinere, quanta impensa in ludos fieret; senatus Fulvio, quantum^{m)} impenderet, permisit, dum ne summam octoginta millium excederet. Triumphare mense Ianuario statuerat: sed quum audisset, consulem M.ⁿ⁾ Aemilium, literis M.^{o)} Aburii^{p)} tribuni plebis acceptis de remissa intercessione, ipsum ad inpediendum triumphum Romam venientem, aegrum in via substitisse, ne plus in triumpho certaminum, quam in bello, haberet, praetulit triumphi diem. triumphavit ante diem decimum Kalendas Ianuarias de Aetolis, et de Cephallenia. Aureae coronae, centum duodecim pondo, ante currum latae sunt: argenti pondo millia octoginta tria: auri pondo ducenta quadraginta tria: tetradrachmum Atticum centum octodecim millia: Philippei nummi duodecim millia quadringenti viginti duo: signa aenea ducenta octoginta quinque: signa marmorea ducenta triginta: arma, tela, cetera spolia hostium, magnus numerus. ad hoc^{q)} catapultae, ballistae, tormenta omnis generis: duces, aut Aetoli et Cephallenes, aut regii ab

1) add. *decem* Gron. Crev.

m) add. *vellet* Eaed.

n) M. del. Eaed.

o) M. del. Eaed. c. Drak.

p) *Aburii* Gron.

q) *haec* Gron. Crev.

Antiocho ibi relictis, ad septem et viginti. Multos eo die, U. c. 565.
a. C. 187. priusquam in urbem inveheretur, in circo Flamini tribunos, praefectos, equites, centuriones, Romanos sociosque, donis militaribus donavit. militibus ex praeda vicenos quinos denarios divisit, duplex centurioni, triplex equiti.

VI. Iam consularium comitiorum adpetebat tempus; quibus quia M. Aemilius, cuius sortis ea cura erat, obcurrere non potuit, C. Flaminius Romam venit. ab eo creati consules Sp. Postumius Albinus, Q. Marcius Philippus. Praetores inde facti T. Maenius, P. Cornelius Sulla, C. Calpurnius Piso, M. Licinius Lucullus, C. Aurelius Scaurus, L. Quinctius Crispinus. Extremo anni, magistratibus iam creatis, ante diem tertium Nonas Martias Cn. Manlius Vulso de Gallis, qui Asiam incolunt, triumphavit. serius ei triumphandi causa fuit, ne, Q. Terentio Culleone praetore, causam lege Petillia diceret, et incendio alieni iudicii, quo L. Scipio damnatus erat, conflagraret; eo infensoribus in se, quam in illum, iudicibus, quod disciplinam militarem, severe ab eo conservatam, successorē ipsum omni genere licentiae conrupisse fama adtulerat^{r)}. Neque ea sola infamiae erant, quae in provincia procul ab oculis facta narrabantur: sed ea^{s)} etiam magis, quae in militibus eius quotidie conspiciebantur. Luxuriae enim peregrinae origo ab exercitu Asiatico invecta in urbem est. ii primum lectos aeratos, vestem stragulam pretiosam, plagulas, et alia textilia, et, quae tum magnificae suppellectilis habebantur, monopodia et abacos Romam advexerunt. tunc psalteriae sambucistriaeque, et convivalia ludionum oblectamenta addita epulis: epulae quoque ipsae et cura et sumtu maiore adparari coeptae: tum coquus, vilissimum antiquis mancipium et aestimatione et usu, in pretio esse; et,

r) successor ipse omni genere Crev. c. Drak.

licentiae corruerat Gron. s) ea del. Gron. Crev.

U. c. 565. quod ministerium fuerat, ars haberi coepta, vix ta-
 a. C. 187. men illa, quae tum conspiciebantur, semina erant
 futurae luxuriae.

VII. In triumpho tulit Cn. Manlius coronas aureas, ducentas duodecim pondo: argenti pondo ducenta viginti millia: auri pondo duo millia centum tres^{t)}: tetradrachmum Atticum centum viginti septem millia: cistophorum ducenta quinquaginta: Philippeorum aureorum nummorum sedecim millia trecentos viginti: et arma spoliaque multa Gallica, carpentis transvecta, duces hostium duo et quinquaginta ducti ante currum. militibus quadragenos binos denarios divisit, duplex centurioni; et stipendium duplex in pedites dedit, triplex in equites. Multi omnium ordinum, donati militaribus donis, currum secuti sunt. carminaque a militibus ea in imperatorem dicta, ut facile adparet, in ducem indulgentem ambitiosumque ea dici; triumphum esse militari magis favore, quam populari, celebrem. Sed ad populi quoque gratiam conciliandam amici Manlii valuerunt. quibus adnitentibus senatusconsultum factum est, *Ut ex pecunia, quae in triumpho translata esset, stipendium, conlatum a populo in publicum, quod eius solutum antea non esset, solveretur.* Vicanos quinos et semisses in millia aeris quaestores urbani cum fide et cura solverunt. Per idem tempus tribuni militum duo ex duabus Hispaniis cum literis C. Atinii et L. Manlii, qui eas provincias obtinebant, venerunt. Ex iis literis cognitum est, Celtiberos Lusitanosque in armis esse, et sociorum agros populari. de ea re consultationem integram senatus ad novos magistratus reiecit. Ludis Romanis eo anno, quos P. Cornelius Cethegus, A. Postumius Albinus faciebant, malus in circo instabilis in signum Pollentiae procidit, atque id deiecit. ea religione moti Patres, et diem unum adiciendum

t) MMCCIII. Gron. Crev.

Iudorum celebritati censuerunt, et signa duo pro uno U. c. 565.
reponenda, et novum auratum faciendum. Et ple- a. C. 187.
bei Iudi ab aedilibus C. Sempronio Blaeso et M. Fu-
rio Lusco diem unum instaurati sunt.

VIII. Insequens annus Sp. Postumium Albinum U. c. 566.
et Q. Marcium Philippum consules ab exercitu bello- a. C. 186.
rumque et provinciarum cura ad intestinae coniura-
tionis vindictam avertit. Praetores provincias sortiti
sunt, T. Maenius urbanam, M. Licinius Lucullus in-
ter cives et peregrinos, C. Aurelius Scaurus Sardi-
niam, P. Cornelius Sulla Siciliam, L. Quinctius
Crispinus Hispaniam citeriorem, C. Calpurnius Piso
Hispaniam ulteriorem. Consulibus ambobus quae-
stio de clandestinis coniurationibus decreta est. Grae-
cus ignobilis in Etruriam primum venit nulla cum
arte earum, quas multas ad animorum corporumque
cultum nobis eruditissima omnium gens invexit, sa-
crificulus et vates: nec is, qui aperta religione, pro-
palam et quaestum et disciplinam profitendo, animos
horrore^{u)} imbueret, sed occultorum et nocturnorum^{x)}
antistes sacrorum. Initia erant, quae primo paucis
tradita sunt: deinde vulgari coepta sunt^{y)} per viros
mulieresque. additae voluptates religioni vini et epu-
larum, quo plurium animi inlicerentur. Quum vi-
num animos, et nox et mixti feminis mares, aetatis
tenerae maioribus, discrimen omne pudoris exstinxis-
sent; corruptelae primum omnis generis fieri coeptae,
quum ad id quisque, quo natura pronioris libidinis
esset, paratam voluptatem haberet. Nec unum ge-
nus noxae, stupra promiscua ingenuorum feminarum-
que, erant: sed falsi testes, falsa signa testameta-
que^{z)} et indicia ex eadem officina exhibant. Venena
indidem intestinaeque caedes: ita ut ne corpora qui-
dem interdum ad sepulturam exstarent. Multa dolo,

u) errore Crev.

y) sunt del. Eaed.

x) et nocturnorum del. Gron.
Crev.

z) testimoniaque Eaed. c. Drak.

U. c. 566 pleraque per vim audebantur. occultabat vim, quod
 a. C. 186. prae ululatibus, tympanorumque et cymbalorum stre-
 pitu, nulla vox quiritantium inter stupra et caedes
 exaudiri poterat.

IX. Huius mali labes ex Etruria Romam, velut
 contagione morbi, penetravit. primo urbis magnitudo
 capacior patientiorque talium malorum ea celavit: tan-
 dem indicium hoc maxime modo ad Postumium con-
 sulem pervenit. P. Aebutius, cuius pater publice
 equo stipendia fecerat, pupillus relictus, mortuis de-
 inde tutoribus, sub tutela Dironiae matris et vitrici T.
 Sempronii Rutili educatus fuerat. Et mater dedita
 viro erat; et vitricus, quia tutelam ita gesserat, ut
 rationem reddere non posset, aut tolli pupillum,
 aut obnoxium sibi vinculo aliquo fieri cupiebat: via
 una corruptelae Bacchanalia erant. Mater adole-
 scentulum adpellat, *Se pro aegro eo vovisse, ubi pri-
 mum convalesceret, Bacchis cum se initiaturam, damna-
 tam voti, Deum benignitate, exsolvere id velle. De-
 cem dierum castimonia opus esse, decimo die coenatum,
 deinde pure lautum in sacrarium deducturam.* Scortum
 nobile libertina Hispala Fecenia, non digna quaestu,
 cui ancillula adsuerat^a), etiam postquam manumissa
 erat, eodem se genere tuebatur. Huic consuetudo
 iuxta vicinitatem cum Aebutio fuit, minime adole-
 scentis aut rei aut famae damnosa: ultro enim ama-
 tus adpetitusque erat: et, maligne omnia praebenti-
 bus suis, meretriculae munificentia sustinebatur. Quin
 eo processerat consuetudine capta, ut post patroni
 mortem, quia in nullius manu erat, tutore a tribu-
 nis et praetore petito, quum testamentum faceret,
 unum Aebutium institueret haeredem.

X. Haec amoris pignora quum essent, nec quid-
 quam secretum alter ab altero haberent, per iocum
 adolescens vetat eam mirari, si per aliquot noctes se-
 cubuisset. *Religionis se causa, ut voto pro valetudine*

a) assueverat Gron.

sua facto liberetur, Bacchis initiari velle. Id ubi mulier audivit, perturbata, Dii meliora? inquit: mori et sibi et illi satius esse, quam id faceret; et in caput eorum detestari minas periculaque, qui id suasissent. Admiratus quum verba, tum perturbationem tantam adolescens, Parcere execrationibus iubet. matrem id sibi, adsentiente vitrico, imperasse. Vitricus ergo, inquit, tuus (matrem enim insimulare forsitan fas non sit) pudicitiam, famam, spem, vitamque tuam perditum ire hoc facto properat. Eo magis mirabundo, quaerentique quid rei esset, pacem veniamque precata Deorum Dearumque, si coacta caritate eius, si lenda enunciasset, ancillam se, ait, dominae comitem id sacrarium intrasse, liberam numquam eo accessisse: Scire corruptelarum omnis generis eam officinam esse: et iam biennio constare neminem initiatum ibi maiorem annis viginti. Ut quisque introductus sit, velut victimam tradi sacerdotibus. eos deducere in locum, qui circumsonet ululatibus, cantuque symphoniae, et cymbalorum et tympanorum pulsu, ne vox quiritantis, quum per vim stuprum inferatur, exaudiri possit. Orare deinde atque obsecrare, ut eam rem quocumque discuteret modo: nec se eo praecipitaret, ubi omnia infanda patienda essent. neque ante dimisit eum, quam fidem dedit adolescens, ab his sacris se temperatum.

XI. Postquam domum venit, et mater mentionem intulit, quid eo die, quid deinceps ceteris, quae ad sacra pertinerent, faciendum esset; negat, eorum se quidquam facturum, nec initiari sibi in animo esse. Aderat sermoni vitricus. confestim mulier exclamat, *Hispalae concubitu carere eum decem noctes non posse, illius exetrae delinimentis et venenis imbutum, nec parentis, nec vitrici^{b)}, nec Deorum verecundiam habere. iurgantes hinc mater, hinc vitricus, cum quatuor eum*

b) nec vitrici, nec parentis Gron. Crev.

U. c. 566. servis domo exegerunt. Adolescens inde ad Aebutiam se amitam contulit: caussamque ei, cur esset a matre eiectus, narravit. deinde ex auctoritate eius postero die ad consulem Postunium, arbitris remotis, rem detulit. Consul post diem tertium ad se iussum redire dimisit: ipse Sulpiciam, gravem feminam, socrum suam, percunctatus est, *ecquam anum Aebutiam ex Aventino nosset? quum eam nosse, probam, et antiqui moris feminam*, respondisset; *opus esse sibi ea conventa dixit. mitteret nuncium ad eam, ut veniret.* Aebutia adcita ad Sulpiciam venit. et consul paullo post, velut forte intervenisset, sermonem de Aebutio fratris eius filio infert. Lacrimae mulieri obortae, et miserari casum adolescentis coepit, qui spoliatus fortunis, a quibus minime oporteret, apud se tunc esset, eiectus a matre, quod probus adolescens (Dii propitii essent) obscœnis, ut fama esset, sacris initiari nollet.

XII. Satis de Aebutio exploratum ratus consul, non vanum auctorem esse, dimissa Aebutia, socrum rogat, ut Hispalam, indidem ex Aventino libertinam, non ignotam viciniae, arcesseret ad sese. eam quoque esse quae percunctari vellet. Ad cuius nuncium perturbata Hispala, quod ad tam nobilem et gravem feminam ignara caussae arcesseretur: postquam lictores in vestibulo turbamque consularem et consulem ipsum conspexit, prope exanimata est. In interiorem partem aedium abductam socru adhibita consul, *Si vera dicere inducere in animum posset, negat, perturbari debere. fidem vel a Sulpicia, tali femina, vel ab se acciperet. expromeret sibi, quae in luco Similae Bacchanalibus in sacro nocturno solerent fieri.* Hoc ubi audivit, tantus pavor tremorque omnium membrorum mulierem cepit, ut diu hiscere non posset: tandem confirmata, *puellam admodum se ancillam initiatam cum domina*, ait. *aliquot annis, ex quo manumissa sit, nihil, quid ibi fiat, scire. iam id ipsum*

consul laudare, quum initiatam se non inficiaretur, sed U. c. 366.
 et cetera eadem fide expromeret. neganti ultra quidquam a. C. 186.
 scire non eandem, dicere, si coarguatur ab alio, ac
 per se fatenti, veniam aut gratiam fore. eum sibi omnia
 exposuisse; qui ab illa audisset.

XIII. Mulier, haud dubie, id quod erat, Aebu-
 tium indicem arcani rata esse, ad pedes Sulpiciae
 procidit, et eam primo orare coepit, *Ne mulieris li-
 bertinae cum amatore sermonem in rem non seriam mo-
 do, sed capitalem etiam, verti vellet: se terrendi eius
 causa, non quo sciret quidquam, ea locutam esse.*
 Hic Postumius accensus ira, Tum quoque, ait, eam
 cum Aebutio se amatore cavillari credere, non in domo
 gravissimae feminae et cum consule loqui. et Sulpicia
 ad tollere paventem; simul illam adhortari, simul
 iram generi lenire. Tandem confirmata, multum in-
 cusata perfidia Aebutii, qui optimi in eo ipso meriti
 talem gratiam retulisset, *Magnum sibi metum Deorum,*
quorum occulta initia enunciaret, maiorem multo,
dixit, hominum esse, qui se indicem manibus suis dis-
cerpturi essent. itaque hoc se Sulpiciam, hoc consulem.
orare, ut se extra Italiam aliquo amandarent, ubi
reliquum vitae degere tuto posset. Bono animo esse iu-
bere eam consul, et, sibi curae fore, dicere, ut Ro-
mae tuto habitaret. Tum Hispana originem sacrorum
 expromit. *Primo sacrarium id feminarum fuisse, nec*
quemquam virum eo admitti solitum. Tres in anno
statos dies habuisse, quibus interdum Bacchis initia-
rentur. Sacerdotes in vicem matronas creari solitas.
Pacullam Anniam c) *Campanam sacerdotem omnia,*
tamquam Deum monitu, inmutasse. nam et viros eam
primam suos filios initiasse, Minium et Herennium
Cerrinios. et nocturnum sacrum e diurno, et pro tri-
bus in anno diebus quinos singulis mensibus dies initi-
orum fecisse. Ex quo in promiscuo sacra sint, et per-

c) Miniam Gron. Crev.

U. c. 566. *mixti viri feminis, et noctis licentiâ accesserit; nihil*
 a. C. 186. *ibi facinoris, nihil flagitii praetermissum. plura viro-*
rum inter sese, quam feminarum, esse stupra. Si qui
minus patientes dedecoris sint, et pigriores ad facinus,
pro victimis inmolari: nihil nefas ducere, hanc sum-
nam inter eos religionem esse. Viros, velut mentecapta,
cum iactatione fanatica corporis vaticinari; matronas
Baccharum habitu crinibus sparsis^{d)} cum ardentibus fa-
cibus decurrere ad Tiberim, demissasque in aquam faces
(quia vivum sulphur cum caloe insit) integra flamma ef-
ferre. Raptos a Diis homines dici, quos machinae inli-
gatos ex conspectu in abditos specus abripiant. eos esse, qui
aut coniurare, aut sociari facinoribus, aut stuprum pati
noluerint. Multitudinem ingentem, alterum iam prope po-
pulum esse; in his nobiles quosdam viros feminasque. Bi-
ennio proximo institutum esse, ne quis maior viginti annis
initiaetur. captari aetates et erroris et patientes.

XIV. Peracto indicio, advolta rursus genibus preces easdem, ut se ablegaret, repetivit. Consul rogat socrum, ut aliquam partem aedium vacuum faceret, quo Hispala immigraret. coenaculum super aedes datum est, scalis ferentibus in publicum obseratis, aditu in aedes verso. Res omnes Feceniae extemplo translatae, et familia arcessita. et Aebutius migrare ad consulis clientem iussus. Ita quum indices ambo in potestate essent, rem ad senatum Postumius defert, omnibus^{e)} ordine expositis, quae delata primo, quae deinde ab se inquisita forent. Patres^{f)} pavor ingens cepit, quum publico nomine, ne quid eae coniurationes coetusque nocturni fraudis occultae aut periculi inportarent, tum privatim suorum quisque vicem, ne quis adfinis ei noxae esset. Censuit autem senatus, gratias consuli agendas, quod eam rem et cum singulari cura, et sine ullo tumultu investigasset. Quaestionem deinde de Bacchanalibus

d) *passis* Eaed.

e) *defert.* Omnibus Gron. Crev.

f) *forent,* Patres Eaed.

sacrisque nocturnis extra ordinem consulibus man-
dant: indicibus, Aebutio ac Feceniae, ne fraudi ea
res sit, curare, et alios indices praemiis^{g)} invitare
iubent. sacerdotes eorum sacrorum, seu viri seu fe-
minae essent, non Romae modo, sed per omnia fo-
ra et conciliabula conquiri, ut in consulum potestate
essent. edici praeterea in urbe Roma, et per totam
Italiam edicta mitti, *Ne quis, qui Bacchis initiatus
esset, coisse aut convenisse caussa sacrorum velit, neu
quid talis rei divinae fecisse.* ante omnia, ut quaestio
de his habeatur, qui coierint, coniuraverint^{h)}, quo
stuprum flagitiumve inferretur. Haec senatus decre-
vit. Consules aedilibus curulibus imperarunt, ut sacer-
dotes eius sacri omnes conquirerent, comprehensosque
libero conclavi ad quaestionem servarent; aediles ple-
bis videre, ne qua sacra in operto fierent. Triumvi-
ris capitalibus mandatum est, ut vigilias dispone-
rent per urbem, servarentque, ne qui nocturni coe-
tus fierent; utque ab incendiis caveretur, adiutores
triumviris quinqueviri utiⁱ⁾ cis Tiberim suae quisque
regionis aedificiis praeessent.

XV. Ad haec officia dimissis magistratibus, con-
sules in Rostra escenderunt; et, concione advocata,
quum sollemne carmen precationis, quod praefari,
priusquam populum adloquantur, magistratus solent,
peregisset consul, ita coepit: *Nulli umquam concio-
ni, Quirites, tam^{k)} non solum apta, sed etiam neces-
saria, haec sollemnis Deorum comprecatio fuit; quae
vos admoneret, hos esse Deos, quos colere, venerari,
precarique maiores vestri instituissent: non illos, qui
pravis et externis religionibus captas mentes, velut fu-
rialibus stimulis, ad omne scelus et ad omnem libidi-
nem agerent. Equidem, nec quid taceam, nec quate-
nus proloquar, invenio: si aliquid ignorabitis, ne locum*

g) et alios illicere ac praemiis

Gron. Crev.

Crev.

i) quinqueviri, uti Gron.

h) coissent, coniurassentue

k) tam del. Drak.

U. c. 566. *neglegentiae dem; si omnia nudavero, ne nimium ter-*
 a. C. 186. *roris obfundam vobis, vereor. quidquid dixero, minus,*
quam pro atrocitate et magnitudine rei, dictum scitote
esse. ut ad cavendum satis sit, dabitur opera a nobis.
Bacchanalia tota iam pridem Italia, et nunc per urbem
etiam multis locis esse, non fama modo accepisse vos,
sed crepitibus etiam ululatibusque nocturnis, qui perso-
nant tota urbe, certum habeo; ceterum, quae ea res
sit, ignorare. alios Deorum aliquem cultum, alios con-
cessum ludum et lasciviam esse credere, et, quaecum-
que sit, ad paucos pertinere. Quod ad multitudinem
eorum adtinet, si dixero, multa millia hominum esse,
illico necesse est, exterremini; nisi adiunxero, qui
qualesque sint. Primum igitur mulierum magna pars
est, et is fons mali huiusce fuit: deinde simillimi femi-
nis mares, stuprati et constupratores, fanatici vigiles;
vino, strepitibus clamoribusque nocturnis adtoniti.
Nullas adhuc vires coniuratio, ceterum incrementum in-
gens virium habet, quod in dies plures fiunt. Maiores
vestri, ne vos quidem, nisi quum aut, vexillo in arce
posito, comitiorum causa exercitus eductus esset, aut
plebi concilium tribuni edixissent, aut aliquis ex ma-
gistratibus ad concionem vocasset, forte temere coire
voluerunt¹⁾: et, ubicumque multitudo esset, ibi et le-
gitimum rectorem multitudinis censebant debere esse.
Quales primum nocturnos coetus, deinde promiscuos
mulierum ac virorum, esse creditis? Si, quibus aeta-
tibus initientur mares, sciatis, non misereat vos eorum
solum, sed etiam pudeat. Hoc sacramento initiatos
iuvenes milites faciendos censetis, Quirites? iis ex ob-
scoeno sacrario eductis arma committenda? hi, coo-
perti stupris suis alienisque, pro pudicitia coniugum
ac liberorum vestrorum ferro decernent?

XVI. *Minus tamen esset, si flagitiis tantum effe-*

¹⁾ noluerunt Gron.

minati forent, (ipsorum id magna ex parte dedecus erat) a facinoribus manus, mentem a fraudibus abstinuissent. Numquam tantum malum in republica fuit, nec ad plures, nec ad plura pertinens. quidquid his annis libidine, quidquid fraude, quidquid scelere peccatum est, ex illo uno sacrario scitote ortum esse. Necdum omnia, in quae coniuraverunt, edita facinora habent. adhuc privatis noxiis, quia nondum ad rempublicam obprimendam satis virium est, coniuratio sese impia tenet. crescit et serpit quotidie malum. iam maius est, quam ut capere id privata fortuna possit: ad summam rempublicam spectat. Nisi praecavetis, Quirites, iam huic diurnae, legitime ab consule vocatae, par nocturna concio esse poterit. nunc illi vos singuli universos concionantes timent: iam, ubi vos dilapsi domos et in rura vestra eritis, illi coierint, consultabunt de sua salute simul ac vestra pernicie; tum singulis vobis universi timendi erunt. Optare igitur unusquisque vestrum debet, ut bona mens suis omnibus fuerit. Si quem libido, si furor in illum gurgitem abripuit, illorum eum, cum quibus in omne flagitium et facinus coniuravit, non suum iudicet esse. Ne quis etiam errore labatur, vestrum quoque non sum securus^m). nihil enim in speciem fallacius est, quam prava religio. Ubi Deorum numen praetenditur sceleribus, subit animum timor, ne fraudibus humanis vindicandis divini iuris aliquid inmixtum violemus. Hac vos religione innumerabilia decreta pontificum, senatusconsulta, aruspicum denique responsa liberant. Quoties hoc patrum avorumque aetate negotium est magistratibus datum, ut sacra externa fieri vetarent, sacrificulos vatesque foro, circo, urbe prohiberent, vaticinos libros conquirerent comburerentque, omnem disciplinam sacrificandi, praeterquam more Romano, abolerent? Iudicabant enim prudentissimi viri omnis divini humanique iuris, nihil ae-

^m) labatur vestrum quoque, non sum securus Gron. Crev.

U. c. 566. *que dissolvendae religionis esse, quam ubi non patrio,*
 a. C. 186. *sed externo ritu sacrificaretur. Haec vobis praedicen-*
da ratus sum, ne qua superstitio agitaret animos ve-
stros, quum demolientes nos Bacchanalia discutientes-
que nefarios coetus cerneretis. Omnia, Diis propitiis
volentibusque, ea faciemus: qui, quia suum numen
sceleribus libidinibusque contaminari indigne ferebant,
ex occultis ea tenebris in lucem extraxerunt. nec pate-
fieri, ut impunita essent, sed ut vindicarentur et obpri-
merentur, voluerunt. Senatus quaestionem extra ordi-
nem de ea re mihi collegaeque meo mandavit: nos, quae
ipsis nobis agenda sunt, inpigre exsequemur. Vigili-
arum nocturnarum curam per urbem minoribus magi-
stratibus mandavimus. Vos quoque, aequum est, quae
vestra munia sunt, quo quisque loco positus erit, quod
imperabitur, inpigre praestare, et dare operam, ne
quid fraude noxiorum periculi aut tumultus oriatur.

XVII. Recitari deinde senatusconsulta iusserunt, indicique praemium proposuerunt, si quis quem ad se deduxisset, nomenve absentis detulisset. (Quiⁿ) nominatus profugisset, diem certam se finituros; ad quam nisi citatus respondisset, absens damnaretur. si quis eorum, qui tum extra terram Italiam essent, nominaretur, ei laxiorem diem daturus, si venire ad causam dicendam vellet. Edixerunt deinde, ne quis quid fugae causa vendidisset, neve emisisset vellet: ne quis reciperet, celaret, ope ulla iuvaret fugientes. Concione dimissa, terror magnus urbe tota fuit: nec moenibus se tantum urbis aut finibus Romanis continuit; sed passim per totam Italiam, literis hospitem de senatusconsulto, et concione, et edicto consulum acceptis, trepidari coeptum est. Multi ea nocte, quae diem insecuta est, quo in concione res palam facta est, custodiis circa portas positis, fugientes a triumviris comprehensi et reducti sunt: multorum

n) *detulisset, qui Gron.*

nomina delata. quidam ex iis viri feminaeque mortem ^{U. c. 566.} sibi consciverunt. Coniurasse supra septem millia ^{a. C. 186.} virorum ac mulierum dicebantur. capita autem coniurationis constabat esse, M. et C. Atinios de plebe Romana, et Faliscum L. Opiternium, et Minium Cerrinium Campanum: ab his omnia facinora et flagitia orta: eos maximos sacerdotes conditoresque eius sacri esse. Data opera est, ut primo quoque tempore comprehenderentur. Adducti ad consules, fassique de se, nullam moram iudicio fecerunt.

XVIII. Ceterum tanta fuga ex urbe facta erat, ut, quia multis actiones et res peribant, cogerentur praetores T. Maenius et M. Licinius per senatum res in diem trigesimum differre, donec quaestiones a consulibus perficerentur. Eadem solitudo, quia Romae non respondebant, nec inveniebantur, quorum nomina delata erant, coegit consules circa fora proficisci, ibique quaerere et iudicia exercere. Qui tantum initiati erant, et ex carmine sacro, praeunte verba sacerdote, preces fecerant, in quibus nefanda coniuratio in omne facinus ac libidinem continebatur, nec earum rerum ullam, in quas iureiurando obligati erant, in se aut alios admiserant, eos in vinculis relinquebant: qui stupris aut caedibus violati erant, qui falsis testimoniis, signis adulterinis, subiectione testamentorum, fraudibus aliis contaminati, eos capitali poena adficiebant. Plures necati, quam in vincula coniecti sunt. magna vis in utraque causa virorum mulierumque fuit. Mulieres damnatas cognatis, aut in quorum manu essent, tradebant, ut ipsi in privato animadverterent in eas. si nemo erat idoneus supplicii exactor, in publico animadvertebatur. Datum deinde consulibus negotium est, ut omnia Bacchanalia Romae primum, deinde per totam Italiam, diruerent; extra quam si qua ibi vetusta ara aut signum consecratum esset. in reliquum deinde senatusconsulto cautum est, *Ne qua Bacchanalia Ro-*

U. c. 566. *mae, neve in Italia essent, si quis tale sacrum sollemne*
 a. C. 186. *et necessarium duceret, nec sine religione et piaculo se*
id omittere posse, apud praetorem urbanum profiteretur,
praetor senatum consuleret, si ei permissum esset, quum
in senatu centum non minus essent, ita id sacrum face-
ret, dum ne plus quinque sacrificio interessent, neu
qua pecunia communis, neu quis magister sacrorum,
aut sacerdos esset.

XIX. Aliud deinde huic coniunctum, referente Q. Marcio consule, senatusconsultum factum est, *Ut de iis, quos pro indicibus consules habuissent, integra res ad senatum referretur, quum Sp. Postumius, quaestionibus perfectis, Romam redisset.* Minium Cerrinum Campanum Ardeam in vincula mittendum censuerunt, magistratibusque Ardeatium praedicendum, ut ^o) intentiore eum custodia adservarent; non solum ne effugeret, sed ne mortis consciscendae locum haberet. Sp. Postumius aliquanto post Romam venit. eo referente, de P. Aebutii et Hispalae Feceniae praemio, quod eorum opera indicata Bacchanalia essent, senatusconsultum factum est, *Ut singulis his centena millia aeris quaestores urbani ex aerario darent. Utique consul cum tribunis plebis ageret, ut ad plebem primo quoque tempore ferrent, ut P. Aebutio emerita stipendia essent, ne invitus militaret, neve censor ei equum publicum adsignaret. Utique Feceniae Hispalae datio, deminutio, gentis enuptio, tutoris optio item esset, quasi ei vir testamento dedisset. Utique ei ingenuo nubere liceret: neu quid ei, qui eam duxisset, ob id fraudi ignominiaeve esset. Utique consules praetoresque, qui nunc essent, quive postea futuri essent, curarent, ne quid ei mulieri iniuriae fieret, utique tuto esset, id senatum velle, et aequum censere, ut ita fieret.* Ea omnia lata ad plebem, factaque sunt ex senatusconsulto; et de ceterorum indicum impunitate praemiisque consulibus permissum est.

o) add. in Gron. Crev.

XX. Et iam Q. Marcius, quaestionibus suae re-^{U. c. 566.}
gionis perfectis, in Ligures provinciam proficisci pa-^{a. C. 186.}
rabat; tribus millibus peditum Romanorum, centum
quingenta equitibus, et quinque millibus Latini
nominis peditum, ducentis equitibus in supplemen-
tum acceptis. Eadem provincia, idem numerus pe-
ditum equitumque et collegae decretus erat. Exerci-
tus acceperunt, quos priore anno C. Flaminius et
M. Aemilius consules habuerunt. duas praeterea le-
giones novas ex senatusconsulto scribere iussi sunt;
et viginti millia peditum sociis et nomini Latino im-
perarunt, et equites mille trecentos, et tria millia
peditum Romanorum, ducentos equites, totum hunc
exercitum, praeter legiones, insupplementum Hispani-
ensis exercitus duci placebat: itaque consules dum
ipsi quaestionibus impediabantur, T. Maenium dele-
ctui habendo praefecerunt. Perfectis quaestionibus,
prior Q. Marcius in Ligures Apuanos est profectus.
Dum penitus in abditos^{p)} saltus, quae latebrae rece-
ptaculaque semper illis fuerant, persequitur; in prae-
occupatis angustiis, loco iniquo est circumventus,
quatuor millia militum amissa; et legionis secundae
signa tria, undecim vexilla socium Latini nominis
in potestatem hostium venerunt, et arma multa, quae,
quia impedimento fugientibus per silvestres semitas
erant, passim iactabantur. prius sequendi Ligures
finem, quam fugae Romani, fecerunt. Consul, ubi
primum ex hostium agro evasit, ne, quantum demi-
nutae copiae forent, adpareret, in locis pacatis ex-
ercitum dimisit. Non tamen obliterare famam rei
male gestae potuit. nam saltus, unde eum Ligures
fugaverant, Marcius est adpellatus.

XXI. Sub hunc nuncium ex Ligustinis vulgatum
literae, ex Hispania mixtam gaudio tristitiam adfe-
rentes, recitatae sunt. C. Atinius, qui biennio

p) *abdito* Gron.

U. c. 566. ante praetor in eam provinciam profectus erat, cum
 a. G. 186. Lusitanis in agro Astensi signis conlatis pugnavit. ad
 sex millia hostium sunt caesa: ceteri fusi, fugati,
 castrisque exuti. Ad oppidum deinde Astam obpug-
 nandum legiones ducit. id quoque haud multo maiore
 certamine cepit, quam castra: sed, dum incautius
 subit muros, ictus ex vulnere post dies paucos mo-
 ritur. Literis de morte propraetoris recitatis, sena-
 tus censuit mittendum, qui ad Lunae portum C. Cal-
 purnium praetorem consequeretur; nunciaretque, se-
 natum aequum censere, ne sine imperio provincia
 esset, maturare eum proficisci. Quarto die, qui
 missus erat, Lunam venit. paucis ante diebus Cal-
 purnius profectus erat. Et in citeriore Hispania L.
 Manlius Acidinus, qui eodem tempore, quo C. Ati-
 nius, in provinciam ierat, cum Celtiberis acie con-
 fluxit. incerta victoria discessum est, nisi quod Cel-
 tiberi castra inde nocte proxima moverunt: Romanis
 et suos sepeliendi, et spolia legendi ex hostibus po-
 testas facta est. Paucos post dies, maiore coacto ex-
 exercitu^{q)}, Celtiberi ad Calagurim^{r)} oppidum ultro la-
 cessiverunt proelio Romanos. Nihil traditur, quae
 causa numero aucto infirmiores eos fecerit. superati
 proelio sunt. ad duodecim millia hominum caesa,
 plus duo capta: et castris Romanus potitus. et, nisi
 successor adventu suo inhibuisset inpetum victoris,
 subacti Celtiberi forent. Novi praetores ambo exer-
 citus in hiberna deduxerunt.

XXII. Per eos dies, quibus haec ex Hispania
 nunciata sunt, ludi Taurii^{s)} per biduum facti reli-
 gionis causa. [per dies]^{t)} decem adparatos deinde
 ludos M. Fulvius, quos voverat Aetolico bello, fe-
 cit. Multi artifices ex Graecia venerunt^{u)} honoris

q) coacto maiore exercitu Gron. Crev.

r) Calagurrim Eaed. c. Drak.

s) Taurilia Gron. Crev.

t) per dies, sublatis uncinis, velut ab emendatione illae

voces non venissent, Eaed.

u) venerant Gron. Crev.

eius caussa. Athletarum quoque certamen tum pri-
mo Romanis spectaculo fuit, et venatio data leonum^{U. c. 566.}
et pantherarum; et prope huius seculi copia ac varie-^{a. C. 186.}
tate ludicrum celebratum est. Novemdiale deinde
sacrum tenuit, quod in Piceno per triduum lapidi-
bus pluerat, ignesque coelestes multifariam orti adus-
sisse complurium levi adflatu vestimenta maxime di-
cebantur. Addita et unum diem supplicatio est ex
decreto pontificum, quod aedes Opis in Capitolio de
coelo tacta erat. hostiis maioribus consules procura-
runt, urbemque lustraverunt. Sub idem tempus et
ex Umbria nunciatum est, semimarem duodecim fer-
me annos natum inventum. id prodigium abominan-
tes, arceri Romano agro necarique quam primum
iusserunt. Eodem anno Galli Transalpini, trans-
gressi in Venetiam sine populatione aut bello, haud
procul inde, ubi nunc Aquileia est, locum oppido
condendo ceperunt. Legatis Romanis, de ea re trans
Alpes missis, responsum est, *Neque profectos ex aucto-
ritate gentis eos, nec, quid in Italia facerent, se
scire.* L. Scipio ludos eo tempore, quos bello Anti-
ochi vovisse sese dicebat, ex conlata ad id pecunia
ab regibus civitatibusque per dies decem fecit. Le-
gatum eum post damnationem et bona vendita missum
in Asiam, ad dirimenda inter Antiochum et Eume-
nem reges certamina, Valerius Antias est auctor. tum
conlatas rei pecunias, congregatosque per Asiam ar-
tifices: et, quorum ludorum post bellum, in quo vo-
tos diceret, mentionem non fecisset, de iis post le-
gationem demum in senatu actum.

XXIII. Quum iam in exitu annus esset, Q. Mar-
cius absens magistratu abiturus erat. Sp. Postumius,
quaestionibus cum summa fide curaue perfectis, co-
mitia habuit. creati sunt consules Ap. Claudius Pul-
cher, M. Sempronius Tuditanus. Postero die prae-
tores facti P. Cornelius Cethegus, A. Postumius Al-
binus, C. Afranius Stellio, C. Atilius Serranus, L.

U. c. 567. Postumius Tempsanus, M. Claudius Marcellinus^x).
 a. C. 185.

Extremo anni, quia Sp. Postumius consul renunciaverat, peragrantem se propter quaestiones utrumque litus Italiae desertas colonias, Sipontum supero, Buxentum infero mari, invenisse; triumviri ad colonos eo scribendos ex senatusconsulto ab T. Maenio praetore urbano creati sunt, L. Scribonius Libo, M. Tuccius, Cn. Baebius Tamphilus. Cum Perseo rege et Macedonibus bellum, quod imminebat, non unde plerique opinantur; nec ab ipso Perseo causas cepit. inchoata initia a Philippo sunt: et is ipse, si diutius vixisset, id bellum gessisset. Una eum res, quum victo leges inponerentur, maxime angebat; quod, qui Macedonum ab se defecerant in bello, in eos ius saeviendi ademtum ei ab senatu erat: quum, quia rem integram Quinctius in conditionibus pacis distulerat, non desperasset inpetrari posse. Antiocho rege deinde bello superato ad Thermopylas, divisis partibus, quum per eosdem dies consul Acilius Heracleam, Philippus Lamiam obpugnasset; capta Heraclea, quia iussus abscedere a moenibus Lamiae erat, Romanisque oppidum deditum est, aegre eam rem tulerat. permulsit iram eius consul, quod, ad Naupactum ipse festinans, quo se ex fuga Aetoli contulerant, Philippo permisit, ut Athamaniae et Amynandro bellum inferret; et urbes, quas Thessalis Aetoli ademerant, regno adiiceret. Haud magno certamine et Amynandrum Athamania expulerat, et urbes aliquot receperat. Demetriadem quoque, urbem validam et ad omnia opportunam, et Magnetum gentem suae ditionis fecit. inde et in Thracia quasdam urbes, novae atque insuetae libertatis vitio, seditonibus principum turbatas, partibus, quae domestico certamine vincerentur, adiungendo sese^y), cepit.

XXIV. His sedata in praesentia regis ira in Ro-

x) *Marcellus* Grev.

y) *se* Gron. Grev.

manos est: numquam tamen remisit animum a colli- U. c. 567.
gendis in pace viribus, quibus, quandoque^{z)} data^{a.} C. 185.
fortuna esset, ad bellum uteretur. Vectigalia regni
non fructibus tantum agrorum portoriisque maritimis
auxit; sed metalla etiam et vetera intermissa reco-
luit, et nova multis locis instituit. Ut vero anti-
quam multitudinem hominum, quae belli cladibus
amissa erat, restitueret; non sobolem tantum stirpis
parabat, cogendis omnibus procreare atque educare
liberos, sed Thracum etiam magnam multitudinem
in Macedoniam traduxerat, quietusque aliquamdiu a
bellis, omni cura in augendas regni opes intentus
fuerat. Rediere deinde caussae, quae de integro iram
moverent in Romanos. Thessalorum et Perrhaebo-
rum querelae de urbibus suis ab eo possessis, et le-
gatorum Eumenis regis de Thraciis oppidis per vim
occupatis, traductaque in Macedoniam multitudine,
ita auditaerant, ut eas non neglegi satis adpareret.
Maxime moverat senatum, quod iam Aeni et Maro-
neae adfectari possessionem audierant; minus Thes-
salos curabant. Athamanes quoque venerunt legati^{a)},
non partis amissae, non finium iacturam querentes,
sed totam Athamaniam sub ius iudiciumque regis ve-
nisse. Et Maronitarum exsules (erant pulsi, quia
libertatis causam defendissent ab regio praesidio) ii
non Maroneam modo, sed etiam Aenum in potestate
nunciabant Philippi esse. Venerant et a Philippo
legati ad purganda ea: qui nihil, nisi permissu Ro-
nanorum imperatorum, factum adfirmabant. *Civita-
tes Thessalorum, et^{b)} Perrhaeborum, et Magnetum, et
cum Amynandro Athamanum gentem, in eadem caus-
sa, qua Aetolos, fuisse. Antiocho rege pulso, occu-
patum obpugnandis Aetolicis urbibus consulem ad reci-
piendas eas civitates Philippum misisse. armis subactos
parere.* Senatus, ne quid absente rege statueret, le-

z) *quandocumque* Gron. Crev. b) *et del.* Eaed.

a) *legati venerunt* Eaed.

U. c. 567. gatos ad eas controversias disceptandas misit, Q. Caecilium Metellum, M. Baebium Tamphilum, Ti. Sempronium. quorum sub adventum ad Thessalica Tempe omnibus iis civitatibus, quibus cum rege disceptatio erat, concilium indictum est.

XXV. Ibi quum Romani legati disceptatorum loco, Thessali Perrhaebique et Athamanes haud dubii accusatores, Philippus ad audienda crimina tamquam reus, consedisent; pro ingenio quisque eorum, qui principes legationum erant, et gratia cum Philippo aut odio, acerbius leniusve egerunt. In controversiam autem veniebant, Philippopolis, Tricca, Phaloria, et Eurymenae, et cetera circa eas oppida; utrum Thessalorum iuris, quum vi ademptae possessaeque ab Aetolis forent, (nam Philippum Aetolis ademisse eas constabat) an Aetolica antiquitus ea oppida fuissent. *ita enim Acilium regi concessisse, si Aetolorum fuissent, et si voluntate, non si^o) vi atque armis coacti, cum Aetolis essent.* Eiusdem formulae disceptatio de Perrhaeborum Magnetumque oppidis fuit. omnium enim iura possidendo per occasiones Aetoli miscuerant. Ad haec, quae disceptationis erant, querelae Thessalorum adiectae, *quod ea oppida, si iam redderentur sibi, spoliata ac deserta redditurus esset. nam, praeter belli casibus amissos, quingentos principes iuventutis in Macedoniam abduxisse, et opera eorum in servilibus abuti ministeriis: et, quae reddiderit coactus Thessalis, inutilia ut redderet, curasse. Thebas Phthias unum maritimum emporium fuisse, quondam Thessalis quaestuosum et frugiferum. Ibi navibus onerariis compuratis, regem, quae praeter Thebas Demetriadem cursum dirigerent, negotiationem maritimam omnem eo avertisse. Iam ne a legatis quidem, qui iure gentium sancti sint, violandis abstinere. insidias positae euntibus ad T. Quinctium. Itaque ergo in tantum metum omnes Thessalos coniectos,*
c) si del. Gron. Crev.

ut non in civitatibus suis, non in communibus gentis U. c. 567.
conciliis, quisquam hiscere audeat, procul enim abesse a. C. 185.
libertatis auctores Romanos: lateri adhaerere gravem
dominum, prohibentem uti beneficiis populi Romani.
Quid autem, si vox libera non sit, liberum esse? Nunc
se fiducia et praesidio legatorum ingemiscere magis,
quam loqui, nisi provideant aliquid Romani, quo et
Graecis Macedoniam adcolentibus metus, et audacia
Philippi minuatur, nequidquam et illum victum, et se
liberatos esse. Ut equum tenacem, non parentem fre-
nis ^d) *asperioribus castigandum esse. Haec acerbe po-*
stremi: quum priores leniter permulissent irame eius,
petentes, Ut ignosceret pro libertate loquentibus; et ut,
deposita domini acerbitate, adsuesceret socium atque
amicum sese praestare; et imitaretur populum Roma-
num, qui caritate, quam metu, adiungere sibi socios
mallet. Thessalis auditis, Perrhaebi Gonnocondylum,
quod Philippus Olympiadem adpellaverat, Perrhae-
biae fuisse, et ut sibi restitueretur, agebant. et de
Malloea et Ericinio eadem postulatio erat. Athama-
nes libertatem repeteabant, et castella Athenaeum et
Poetneum.

XXVI. Philippus, ut accusatoris potius, quam rei, speciem haberet, et ipse a querelis orsus, *Mene-*
laidem in Dolopia, quae regni sui fuisset, Thessalos vi
atque armis expugnasse, questus est: item Petram in
Pieria ab iisdem Thessalis Perrhaebisque captam.
Xynias quidem, haud dubie Aetolicum oppidum, sibi
eos contribuisse; et Paracheloida, quae sub Athama-
nia esset, nullo iure Thessalorum formulae factam.
Nam quae sibi crimina obiiciantur, de insidiis legato-
rum, et maritimis portibus frequentatis aut desertis;
alterum deridiculum esse, se reddere rationem, quos por-
tus mercatores aut nautici petant; alterum mores suos
respuere. Tot annos esse, per quos numquam cessave-
runt legati, nunc ad imperatores Romanos, nunc Ro-

d) ut equum tenacem non parentem, frenis etc. Gron. Crev.

U. c. 567. *nam ad senatum crimina de se deferre. quē umquam*
 a. C. 185. *verbo violatum esse? Semel ad Quinctium euntibus in-*
sidias dici factas. sed, quid iis acciderit, non adiici.
Quaerentium, quod ^{e)} falso obiciant, quum veri nihil
habeant, ea crimina esse. Insolenter et inmodice abuti
Thessalos indulgentia populi Romani, velut ex diutina
siti nimis avide meram haurientes libertatem. Itaque^{f)},
servorum modo praeter spem repente manumissorum,
licentiam vocis et linguae experiri, et iactare sese inse-
ctatione et conviciis dominorum. Elatus deinde ira
adiecit, Nondum omnium dierum solem occidisce. Id
minaciter dictum, non Thessali modo in sese, sed
etiam Romani acceperunt. et quum fremitus post
eam vocem ortus, et tandem sedatus esset, Perrhae-
borum inde Athamanumque legatis respondit, Eam-
dem, de quibus illi agant, civitatum caussam esse.
consulem Acilium et Romanos sibi dedisse eas, quum ho-
stium essent. Si suum munus, qui dedissent, adimere
velint, scire se, cedendum esse: sed meliori ac fideliori
amico, in gratiam levium et inutilium sociorum, iniu-
riam eos esse facturos. Nec enim ullius rei minus diu-
turnam esse gratiam, quam libertatis: praesertim apud
eos, qui male utendo eam corrupturi sint. Causa co-
gnita, pronunciaverunt legati, Placere, deduci prae-
sidia Macedonum ex iis urbibus, et antiquis Macedo-
niae terminis regnum finire. De iniuriis, quas ultro
citroque inlatas querantur, quo modo inter eas gentes
et Macedonas disceptetur, formulam iuris exsequendi
constituendam esse.

XXVII. Inde, graviter offenso rege, Thessa-
 lonicen ad cognoscendum de Thraciae urbibus pro-
 ficiscuntur. ibi legati Eumenis: *Si liberas esse Aenum*
et Maroneam velint Romani, nihil sui pudoris esse ul-
tra dicere, quam ut admoneant, re^{g)}, non verbo, eos
liberos relinquant, nec suum munus interoipi ab alio

e) quid Gron.
 f) ita Gron. Crev.

g) admoneat; re Gron.

patiantur. Sin autem minor cura sit civitatum in U. c. 567.
a. C. 185.
Thracia positarum, multo verius esse, quae sub Antio-
cho fuerint, praemia belli Eumenem, quam Philippum,
habere; vel pro patris Attali meritis bello, quod adver-
sus Philippum ipsum gesserit populus Romanus: vel
suis, quod Antiochi bello terra marique laboribus^{h)},
periculisque omnibus interfuerit. Habere eum prae-
terea decem legatorum in eam rem praeiudicium; qui
quum Chersonesum Lysimachiamque dederint, Maro-
neam quoque atque Aenum profecto dedisse, quae ipsa
propinquitate regionis velut adpendices maioris mune-
ris essent. Nam Philippum quidem quo aut merito in
populum Romanum, aut iure imperii, quum tam pro-
cul a finibus Macedoniae absint, civitatibus his prae-
sidia inposuisse? Vocari Maronitas iuberent. ab iis
certiora omnia de statu civitatum earum scituros. Le-
gati Maronitarum vocati, Non uno loco tantum urbis
praesidium regium esse, sicut in aliis civitatibus, di-
xerunt, sed pluribus simul, et plenam Macedonum Ma-
roneam esse. itaque dominari adsentatores regios. his
solis loqui et in senatu et in concionibus licere. eos om-
nes honores et capere ipsos, et dare aliis. Optimum
quemque, quibus libertatis, quibus legum cura sit, aut
exulare pulsos patria, aut inhonoratos et deterioribus
obnoxios silere. De iure etiam finium pauca adiece-
runt: Q. Fabium Labeonem, quum in regione ea fuis-
set, direxisse finem Philippo veterem viam regiam,
quae ad^{l)} Thraciae Paroreiam subeat, nusquam ad
mare declinantem. Philippum novam postea deflexisse
viam, qua Maronitarum urbes agrosque amplectatur.

XXVIII. Ad ea Philippus longe aliam, quam
 adversus Thessalos Perrhaebosque nuper, ingressus
 disserendi viam, Non cum Maronitis, inquit, mihi
 aut cum Eumene disceptatio est; sed iam^{k)} vobiscum,
 Romani; a quibus nihil aequi me inpetrare iam diu

h) laboribusque Gron.

k) etiam Gron.

i) ad del. Crev.

U. c. 567. animadverto. Civitates Macedonum, quae a me inter
 a. C. 185. inducias defecerant, reddi mihi aequum censebam; non
 quia magna accessio ea regni futura esset, (sunt enim
 et parva oppida, et in finibus extremis posita) sed quia
 multum ad reliquos Macedonas continendos exemplum
 pertinebat. negatum est mihi. Bello Aetolico Lamiam
 obpugnare iussus a consule M. Acilio, quum diu fati-
 gatus ibi proeliis operibusque essem, transcendentem me
 iam muros a capta prope urbe revocavit consul, et ab-
 ducere copias inde coegit. Ad huius solatium iniuriae
 permissum est, ut Thessaliae Perrhaebiaeque et Atha-
 manum reciperem quaedam castella magis, quam urbes.
 ea quoque ipsa vos mihi, Q. Caecili, paucos ante dies
 ademistis. Pro non dubio paullo ante, si Diis placet,
 legati Eumenis sumebant, quae Antiochi fuerunt, Eu-
 menem aequius esse, quam me, habere. id ego aliter
 longe iudico esse. Eumenes enim, non nisi vicissent
 Romani, sed nisi bellum gessissent, manere in regno
 suo non potuit. Itaque ille vestrum meritum habet, non
 vos illius: mei autem regni, tantum aberat, ut ulla
 pars in discrimine fuerit, ut tria millia talentum, et
 quinquaginta tectas naves, et omnes Graeciae civita-
 tes, quas antea tenuissem, pollicentem ultro Antio-
 chum in mercedem societatis sim adspersatus, hostem-
 que ei me esse prius etiam, quam M. Acilius exerci-
 tum in Graeciam traiceret, prae me tuli: et cum eo
 consule belli partem, quamcumque mihi delegavit, gessi.
 et insequenti consuli L. Scipioni, quum terra statuis-
 set ducere exercitum ad Hellespontum, non iter tan-
 tum per regnum nostrum dedi, sed vias etiam munivi,
 pontes feci, commeatus praebui: nec per Macedoniam
 tantum, sed per Thraciam etiam, ubi¹⁾ inter cetera pax
 quoque praestanda a barbaris erat. Pro hoc studio meo
 erga vos, ne dicam merito, utrum adiicere vos, Ro-
 mani, aliquid, et amplificare et augere regnum meum
 munificentia vestra oportebat, an, quae haberem aut

1) per Thraciam, ubi etiam Gron. Grev.

meo iure, aut beneficio vestro, eripere? id quod nunc U. c. 567.
 facitis. Macedonum civitates, quas regni mei fuisse^a. C. 185.
 fatemini, non restituuntur. Eumenes, tamquam ad An-
 tiochum, ad^m) spoliandum me venit, et, si Diis pla-
 cet, decem legatorum decretum calumniae inpudentissi-
 mae praetendit; quo maxime et refelli et coargui po-
 test. Disertissime enim planissimeque in eo scriptum
 est, Chersonesum et Lysimachiam Eumeni dari. Ubi
 tandem Aenus, et Maronea, et Thraciae civitates ad-
 scriptae sunt? quod ab illis ne postulare quidem est
 ausus, id apud vos, tamquam ab illis inpetraverit, ob-
 tinebit? Quo in numero me apud vos esse velitis, re-
 fert. Si tamquam inimicum et hostem insectari propo-
 situm est, pergite, ut coepistis facere. Sin aliquis re-
 spectus est mei, ut socii atque amici regis, deprecor, ne
 me tanta iniuria dignum iudicetis.

XXIX. Movit aliquantum oratio regis legatos.
 itaque medio responso rem suspenderunt: Si decem
 legatorum decreto Eumeni datae civitates eae essent,
 nihil se mutare. si Philippus bello cepisset eas, prae-
 mium victoriae iure belli habiturum. si neutrum eorum
 foret, placere cognitionem senatui reservari: et, ut om-
 nia in integro manerent, praesidia, quae in iis urbibus
 sint, deduci. Hae caussae maxime animum Philippi
 alienaverunt ab Romanis: ut non a Perseo filio eius
 novis caussis motum, sed ob has a patre bellum reli-
 ctum filio videri possit. Romae nulla belli Macedo-
 nici suspicio erat. L. Manlius proconsul ex Hispania
 redierat. cui postulanti ab senatu in aede Bellonae
 triumphum rerum gestarum magnitudo inpetrabi-
 lem faciebat, exemplum obstabat; quod ita compara-
 tum more maiorum erat, ne quis, qui exercitum non
 deportasset, triumpharet, nisi perdomitam pacatam-
 que provinciam tradidisset successori. medius tamen
 honos Manlio habitus, ut ovans urbem iniret. Tulit
 coronas aureas quinquaginta duas: auri praeterea

m) ad del. Gron. Crev.

U. c. 567. pondo centum trigintaⁿ⁾ duo: argenti sedecim millia
 a. C. 185. trecenta: et pronunciavit in senatu, decem millia
 pondo argenti, et octoginta auri Q. Fabium quaestorem advehere. id quoque se in aerarium inlaturum. Magnus motus servilis eo anno in Apulia fuit. Tarentum provinciam L. Postumius praetor habebat. Is de pastorum coniuratione, qui vias latrociniis pascuaeque publica infesta habuerant, quaestionem severe exercuit. ad septem millia hominum condemnavit: multi inde fugerunt, de multis sumtum est supplicium. Consules, diu retenti ad urbem delectibus, tandem in provincias profecti sunt.

XXX. Eodem anno in Hispania praetores C. Calpurnius et L. Quinctius, quum primo vere ex hibernis copias eductas in Baeturia iunxissent, in Carpetaniam, ubi hostium castra erant, progressi sunt, communi animo consilioque parati rem gerere. Haud procul Hippone et Toletu urbibus inter pabulatores pugna orta est. quibus dum utrimque subvenitur a castris, paullatim omnes copiae in aciem eductae sunt. in eo tumultuario certamine et loca sua et genus pugnae pro hoste fuere. duo exercitus Romani fusi atque in castra compulsi sunt. non institere percussis hostes. Praetores Romani, ne postero die castra obpugnarentur, silentio proximae noctis tacito signo exercitum abduxerunt. Luce prima Hispani acie instructa ad vallum accesserunt, vacuaeque praeter spem castra ingressi, quae derelicta inter nocturnam trepidationem erant, diripuerunt: regressique in sua castra, paucos dies quietis stativis manserunt. Romanorum sociorumque, in proelio fugaque, ad quinque millia occisa; quorum se spoliis hostes armarunt. inde ad Tagum flumen profecti sunt. Praetores interim Romani omne id tempus contrahendis ex civitatibus sociis Hispanorum auxiliis, reficiendis-

n) viginti Gron, Crev.

que ab terrore adversae pugnae militum animis, con- U. c. 667.
sumserunt. ubi satis placuere vires, et iam miles quo- a. C. 185.
que, ad delendam priorem ignominiam, hostem po-
scebat; duodecim millia passuum ab Tago flumine
posuerunt castra. inde tertia vigilia sublatis signis,
quadrato agmine principio lucis ad Tagi ripam per-
venerunt. Trans fluvium in colle hostium castra
erant. extemplo, qua duobus locis vada nudabat am-
nis, dextera parte Calpurnius, laeva Quinctius exer-
citus traduxerunt; quieto hoste, dum miratur subi-
tum adventum, consultatque, qui tumultum iniicere
trepidantibus in ipso transitu amnis potuisset. In-
terim Romani, impedimentis quoque omnibus tradu-
ctis contractisque in unum locum, quia iam moveri
videbant hostem, nec spatium erat castra commu-
niendi, aciem instruxerunt. in medio locatae quinta
Calpurnii legio, et octava Quinctii. id robur toto exer-
citu erat. Campum apertum usque ad hostium ca-
stra habebant, liberum a metu insidiarum.

XXXI. Hispani, postquam in citeriore ripa duo
Romanorum agmina conspexerunt, ut, priusquam se
iungere atque instruere possent, occuparent eos, ca-
stris repente effusi cursu ad pugnam tendunt. Atrox
in principio proelium fuit, et Hispanis recenti victo-
ria ferocibus, et insueta ignominia milite Romano
accenso. acerrime media acies, duae fortissimae le-
giones, dimicabant; quas quum aliter moveri loco
non posse hostis cerneret, cuneo institit pugnare: et
usque plures confertioresque, medios urgebant. Ibi
postquam laborare aciem Calpurnius praetor vidit,
T. Quinctilium Varum et °) L. Iuventium Thalmam
legatos ad singulas legiones adhortandas propere mit-
tit. Docere et monere iubet, *in illis spem omnem vin-*
cendi et retinendae Hispaniae esse. Si illi loco cedant,
neminem eius exercitus non modo Italiam, sed ne Tagi

o) et del. Gron. Crev.

U. c. 567. *quidem ulteriorem ripam, umquam visurum.* Ipse,
 a. C. 185. cum equitibus duarum legionum paullulum circum-
 vectus, in cuneum hostium, qui mediam urgebat
 aciem, ab latere incurrit. Quinctius cum suis equi-
 tibus alterum hostium latus invadit: sed longe acrius
 Calpurniani equites pugnabant, et praetor ipse ante
 alios. nam et primus hostem percussit, et ita se in-
 miscuit mediis, ut vix, utrius partis esset, nosci pos-
 set. et equites praetoris eximia virtute, et equitum
 pedites accensi sunt. Pudor movit primos centurio-
 nes, qui inter tela hostium praetorem conspexerunt.
 Itaque urgere signiferos pro se quisque, iubere in-
 ferre signa, et confestim militem sequi. Renovatur
 ab omnibus clamor. inpetus fit velut ex superiore
 loco. Haud secus ergo, quam torrentis modo, fun-
 dunt sternuntque percussos, nec sustineri^{p)} alii super
 alios inferentes sese possunt. Fugientes in castra
 equites persecuti sunt, et permixti turbae hostium
 intra vallum penetraverunt. ubi ab relictis in praesi-
 dio castrorum proelium instauratum: coactique sunt
 Romani equites descendere ex equis. Dimicantibus
 iis, legio quinta supervenit: deinde, ut quaeque po-
 tuerant, copiae adfluebant. Caeduntur passim Hi-
 spani per tota castra; nec plus quam quatuor
 millia hominum effugerunt. inde tria millia fe-
 re, qui arma retinuerant, montem propinquum
 ceperunt: mille semiermes maxime per agros
 palati sunt. Supra triginta quinque millia hostium
 fuerant, ex quibus tam exigua pars pugnae super-
 fuit. signa capta centum triginta tria. Romani
 sociique paullo plus sexcenti, et provincialium
 auxiliorum centum quinquaginta ferme ceciderunt.
 tribuni militum quinque amissi, et pauci equi-
 tes Romani, cruentae maxime victoriae speciem fe-
 cerunt. In castris hostium, quia ipsis spatium sua

p) *sustinere* Gron. Crev. c. Drak.

communiendi non fuerat, manserunt. Pro concione U. c. 567.
 postero die laudati donatique a C. Calpurnio equites a. C. 185.
 phaleris. pronunciavitque, eorum maxime opera ho-
 stes fusos, castra capta et expugnata esse. Quintius
 alter praetor suos equites catellis ac fibulis donavit.
 donati et centuriones ex utriusque exercitu permulti:
 maxime qui mediam aciem tenuerunt.

XXXII. Consules delectibus aliisque, quæ Ro-
 mae agenda erant, peractis rebus, in Ligures pro-
 vinciam exercitum duxerunt. Sempronius, a Pisis
 profectus in Apuanos Ligures, vastando agros, uren-
 doque vicos et castella eorum, aperuit saltum usque
 ad fluvium Macram et Lunae portum. Hostes mon-
 tem, antiquam sedem maiorum suorum, ceperunt:
 et inde, superata locorum iniquitate, proelio deiecti
 sunt. Et Ap. Claudius felicitatem virtutemque col-
 legae in Liguribus Ingaunis aequavit secundis aliquot
 proeliis. sex praeterea oppida eorum expugnavit:
 multa millia hominum in iis cepit: belli auctores tres
 et quadraginta securi percussit. Iam comitiorum ad-
 petebat tempus. prior tamen Claudius, quam Sem-
 pronius, cui sors comitia habendi obtigerat, Romam
 venit; quia P. Claudius frater eius consulatum pete-
 bat. Competitores^{q)} habebat patricios L. Aemilium,
 Q. Fabium^{r)}, Ser. Sulpicium Galbam, veteres candi-
 dados, et ab repulsis eo magis debitum, quia primo
 negatus erat, honorem repetentes. etiam, quia plus
 quam unum ex patriciis creari non licebat, artior pe-
 titio quatuor petentibus erat. Plebei quoque gratiosi
 homines petebant, L. Porcius, Q. Terentius Culleo,
 Cn. Baebius Tamphilus. et hi^{s)} repulsi, in spem in-
 petrandi tandem aliquando honoris dilati^{t)}. Clau-
 dius unus ex omnibus novus candidatus erat. Opi-
 nione hominum haud dubie destinabantur Q. Fabius

q) petebat, competidoresque s) ii Gron.

Gron. Crev.

t) honoris, dilati Gron.

r) add. Labeonem Eaed.

U. c. 568. Labeo et L. Porcius Licinus. sed Claudius consul sine a. C. 184, ne lictoribus cum fratre toto foro volitando, clamitantibus^{u)} adversariis et maiore parte senatus, *meminisse eum debere prius, se consulem populi Romani, quam fratrem P. Claudii, esse: quin ille, sedens pro tribunali, aut arbitrum, aut tacitum spectatorem committorum se praeberet*; coerceri tamen ab effuso studio nequii. Magnis contentionibus tribunorum quoque plebei, qui aut contra consulem, aut pro studio eius pugnabant, comitia aliquoties turbata: donec pervicit Appius, ut, deiecto Fabio, fratrem traheret. Creatus P. Claudius Pulcher praeter spem suam et ceterorum. locum suum tenuit L. Porcius Licinus, quia moderatis studiis, non vi Claudiana, inter plebeios certatum est. Praetorum inde comitia sunt habita. C. Decimius Flavus, P. Sempronius Longus, P. Cornelius Cethegus, Q. Naevius Matho, C. Sempronius Blaesus, A. Terentius Varro, praetores facti. Haec eo anno, quo Ap. Claudius, M. Sempronius consules fuerunt, domi militiaeque gesta.

XXXIII. Principio insequentis anni P. Claudius, L. Porcius consules, quum Q. Caecilius^{x)}, M. Baebius, et T. Sempronius, qui ad disceptandum inter Philippum et Eumenem reges Thessalorumque civitates missi erant, legationem renunciassent, regum^{y)} quoque eorum civitatumque legatos in senatum introduxerunt. Eadem utrimque iterata, quae dicta apud legatos in Graecia erant. Aliam deinde legationem novam Patres, cuius princeps Ap. Claudius fuit, in Macedoniam et in Graeciam decreverunt ad visendum, redditaene civitates^{z)} Thessalis et Perhaebis essent. Iisdem mandatum, ut ab Aeno et Maronea praesidia deducerentur, maritimaque omnis Thraciae ora a Philippo et Macedonibus liberaretur.

u) clamantibus Gron. Crev.

x) P. Claudio, L. Porcio consulis, Q. Caecilius. Eaed.

y) renunciarunt; regum Eaed.

z) add. Rhodiis et Eaed.

Peloponnesum quoque adire iussi, undè prior legatio ^{U. c. 563.} discesserat incertiore statu rerum, quam si non ve- ^{a. C. 184.} nissent. nam super cetera etiam sine responso dimissi, nec datum petentibus erat Achaeorum concilium. De qua re querente graviter Q. Caecilio, simul Lacedaemoniis deplorantibus, moenia diruta, abductam plebem in Achaiam et venundatam, ademptas, quibus ad eam diem civitas stetisset, Lycurgi leges, Achaei maxime concilii negati crimen excusabant, recitando legem, quae, nisi belli pacisve causa, et quum legati ab senatu cum literis aut scriptis mandatis venirent, vetaret indici concilium. Ea ne postea excusatio esset, ostendit senatus, curae iis esse debere, ut Romanis legatis semper adeundi concilium gentis potestas fieret; quemadmodum et illis, quoties vellent, senatus daretur.

XXXIV. Dimissis iis legationibus, Philippus, a suis certior factus, cedendum civitatibus, deducendaque praesidia esse, infensus omnibus, in Maronitas iram effundit. Onomasto, qui praeerat maritimae orae, mandat, ut partis adversae principes interficeret. Ille per Casandrum^{a)} quemdam, unum ex regiis iam diu habitantem Maroneae, nocte Thracibus intromissis, velut in bello capta urbe, caedem fecit. Id apud Romanos legatos querentes tam crudeliter adversus innoxios Maronitas, tam superbe adversus populum Romanum factum, ut, quibus libertatem restituendam senatus censuisset, ii pro hostibus trucidarentur, abnuebat, *quidquam eorum ad se, aut quemquam suorum pertinere. Seditione inter ipsos dimicatum, quum alii ad se, alii ad Eumenem civitatem traherent, id facile scituros esse, percunctarentur*^{b)} ipsos Maronitas: haud dubius, percussis omnibus terrore tam recentis caedis, neminem hiscere adversus se ausurum. Negare Appius, *Rem eviden-*

a) Cassandrum Crev.

b) esse, si percunctarentur Gron.
Crev.

U. c. 568. *tem pro dubia quaerendam. si ab se culpam removere*
 a. C. 184. *vellet, Onomastum et Casandrum, per quos acta res*
diceretur, mitteret Romam, ut eos senatus percunctari
posset. Primo adeo perturbavit ea vox regem, ut
non color, non vultus ei constaret. deinde, conlecto
tandem animo, Casandrum, qui Maroneae fuisset,
si utique vellent, se missurum dixit. Ad Onomastum
quidem quid eam rem pertinere, qui non modo Maroneae,
sed ne in regione quidem propinqua fuisset? Et parce-
bat magis Onomasto, honoratori amico, et eundem
indicem haud paullo plus timebat; quia et ipse ser-
monem cum eo contulerat, et multorum talium mi-
nistrum et conscium habebat. Casander quoque, mis-
sis, qui per Epirum ad mare prosequerentur eum, ne
qua indicium emanaret, veneno creditur sublatus.

XXXV. Et legati a Philippi conloquio ita digressi
 sunt, ut prae se ferrent, nihil eorum sibi placere:
 et Philippus, minime, quin rebellandum esset, du-
 bius, quia tamen inmaturae ad id vires erant, ad
 moram interponendam Demetrium, minorem filium,
 mittere Romam, simul ad purganda crimina, simul
 ad deprecandam iram senatus, statuit: satis credens,
 ipsum etiam iuvenem, quod Romae obses specimen
 regiae indolis dedisset, aliquid momenti facturum.
 Interim per speciem auxilii Byzantiis ferendi, re ipsa
 ad terrorem regulis Thracum iniiciendum, profectus,
 percussis iis uno proelio, et Amadoco duce capto, in
 Macedoniam rediit, missis ad adcolas Istri fluminis
 barbaros, ut in Italiam inrumperent; sollicitandos.
 Et in Peloponneso adventus Romanorum legatorum,
 qui ex Macedonia in Achaïam ire iussi erant, exspe-
 ctabatur: adversus quos ut praeparata consilia habe-
 rent, Lycortas praetor concilium indixit. Ibi de Lace-
 daemoniis actum. *Ex hostibus eos accusatores factos:*
et periculum esse, ne victi magis timendi forent, quam
bellantes fuissent. quippe in bello sociis Romanis Achae-
os usos: nunc eosdem Romanos aequiores Lacedaemo-

niis, quam Achaeis, esse: ubi Areus etiam et Alcibiades, ambo exsules, suo beneficio restituti, legationem Romam adversus gentem Achaeorum ita de ipsis meritam suscepissent, adeoque infesta oratione usi essent, ut patria pulsi, non restituti in eam, viderentur. Clamor undique ortus, referret nominatim de iis. et, quum omnia ira, non consilio, gererentur, capitis damnati sunt. Paucos post dies Romani legati venerunt. his Clitore in Arcadia datum est concilium.

XXXVI. Priusquam agerent quidquam, terror Achaeis iniectus erat et cogitatio, quam non ex aequo disceptatio futura esset; quod Areum et Alcibiadem, capitis ab se in concilio proximo damnatos, cum legatis videbant, nec hiscere quisquam audebat. Appius ea, quae apud senatum questi erant Lacedaemonii, displicere senatui ostendit: *caedem primum ad Compasium^{c)} factam eorum, qui a Philopoemene ad causam dicendam evocati venissent: deinde, quum in homines ita saevitum esset, ne in ulla parte crudelitas eorum cessaret, muros dirutos urbis nobilissimae esse, leges vetustissimas abrogatas, inclitamque pergentes Lycurgi disciplinam sublatam.* Haec quum Appius dixisset, Lycortas, et quia praetor, et quia Philopoemenis, auctoris omnium, quae Lacedaemone acta fuerant, factionis erat, ita respondit: *Difficilior nobis, Ap. Claudi, apud vos oratio est, quam Romae nuper apud senatum fuit. Tunc enim Lacedaemoniis accusantibus respondendum erat: nunc a vobis ipsis accusati sumus, apud quos causa dicenda est. quam iniquitatem conditionis subimus illa spe, iudicis animo te auditurum esse, posita contentione, qua paullo ante egisti. Ego certe, quum ea, quae et hic antea apud Q. Caecilium, et postea Romae questi sunt Lacedaemonii, a te paullo ante relata sint, non tibi, sed illis, me apud te respondere credam. Caedem obiicitis eorum, qui a Philopoemene praetore evocati ad causam dicen-*

c) conflictum Gron. Crev. c. Drak.

U. c. 568. *dam interfecti sunt. Hoc ego crimen non modo a vobis,*
 a. C. 184. *Romani, sed ne apud vos quidem nobis obiiciendum*
fuisse arbitror. Quid ita? quia in vestro foedere erat, ut
maritimis urbibus abstinerent Lacedaemonii. Quo tem-
pore armis captis urbes, a quibus abstinere iussi erant,
nocturno inpetu occupaverunt, si T. Quinctius, si exer-
citus Romanus, sicut antea, in Peloponneso fuisset,
eo nimirum capti et obpressi confugissent. Quum vos
procul essetis, quo alio, nisi ad nos socios vestros, quos
antea Gythio opem ferentes, quos Lacedaemonem vobis-
cum simili de caussa obpugnantes viderant, confugerent?
Pro vobis igitur iustum piumque bellum suscepimus.
Quod quum alii laudent, reprehendere ne Lacedaemo-
nii quidem possint, Dii quoque ipsi comprobaverint,
qui nobis victoriam dederunt; quonam modo ea, quae
belli iure acta sunt, in disceptationem veniunt? quo-
rum tamen maxima pars^{d)} nihil pertinet ad nos. No-
strum est, quod evocavimus eos ad causam dicendam,
qui ad arma multitudinem exciverant, qui expugnave-
rant maritima oppida, qui diripuerant, qui caedem
principum fecerant. Quod vero illi, venientes in ca-
stra, interfecti sunt, vestrum est, Areu et Alcibiade,
qui nunc nos, si Diis placet, accusatis, non nostrum.
Exsules Lacedaemoniorum (quo in numero hi quoque duo
fuerunt) et tunc nobiscum erant, et^{e)}, quod domicili-
um^{f)} sibi delegerant maritima oppida, se petitos cre-
dentis, in eos, quorum opera patria extorres ne in tuto
quidem exsilio posse consenescere se indignabantur, in-
petum fecerunt. Lacedaemonii igitur Lacedaemonios,
non Achaei, interfecerunt. nec, iure an iniuria caesi
sint, argumentari refert.

XXXVII. *At enim illa certe vestra sunt, Achaei,*
quod leges disciplinamque vetustissimam Lycurgi sus-
tulistis, quod muros diruistis. Quae utraque ab iisdem

d) pars maxima Crev.
 e) et del. Gron. Crev.

f) domicilio Gron.

obiici qui possunt? quum muri Lacedaemoniis non ab U. c. 568. Lycurgo, sed paucos ante annos ad dissolvendam Ly-^a. C. 184. curgi disciplinam exstructi sint. Tyranni enim nuper eos, arcem et munimentum sibi, non civitati, paraverunt. Et, si existat hodie ab inferis Lycurgus, gaudeat ruinis eorum, et nunc se patriam et Spartam antiquam agnoscere dicat. Non Philopoemenem expectare, nec Achaeos, sed vos ipsi, Lacedaemonii, vestris manibus amoliri et diruere omnia tyrannidis vestigia debuistis. Vestrae enim illae deformes veluti cicatrices servitutis erant: et, quum sine muris per octingentos prope annos liberi, aliquando etiam principes Graeciae fuissetis, muris, velut compedibus, circumdati vincti per centum annos servistis. Quod ad leges ademptas attinet, ego antiquas Lacedaemoniis leges tyrannos ademisse arbitror; nos non suas ademisse, quas non habebant, sed nostras leges dedisse; nec male consuluisse civitati, quum concilii nostri eam fecerimus, et nobis miscuerimus, ut corpus unum et concilium totius Peloponnesi esset. Tunc, ut^g) opinor, si aliis ipsi legibus viveremus, alias istis iniunxissemus, queri, se iniquo iure esse, et indignari possent. Scio ego, Ap. Claudii, hanc orationem, qua sum adhuc usus, neque sociorum apud socios, neque liberae gentis esse: sed vere servorum^h) disceptantium apud dominos. Nam, si non vana illa vox praeconis fuit, qua liberos esse omnium primos Achaeos iussistis, si foedus ratum est, si societas et amicitia ex aequo observatur, cur ego, quid, Capua capta, feceritis Romani, non quaero; vos rationem repositis, quid Achaei Lacedaemoniis bello victis fecerimus? Interfecti aliqui sunt; finge, a nobis. Quid? vos senatores Campanos securi non percussistis? Muros diruimus. vos non muros tantum, sed urbem et agro ademistis. Specie, inquis, aequum est foedus: re apud Achaeos precaria libertasⁱ), apud Romanos etiam

g) ut del. Gron. Crev.

h) servorum verius Eaed.

i) atquum est foedus apud Achaeos, re precaria libertas: Eaed.

U. c. 568. *imperium est. Sentio, Appi, et, si non oportet,*
 a. G. 184. *non indignor; sed, oro vos, quantumlibet intersit inter*
Romanos et Achaeos, modo ne in aequo hostes vestri
nostrique apud vos sint, ac nos socii; immo ne melio-
re iure sint. Nam, ut in aequo essent, nos fecimus,
quum leges iis nostras dedimus; quum, ut Achaei
concilii essent, effecimus. Parum est victis, quod victo-
ribus satis est. plus postulant hostes, quam socii
habent. Quae iureiurando, quae monumentis literarum
in lapide insculptis in aeternam memoriam sancta at-
que sacrata sunt, ea cum periurio nostro tollere parant.
Veremur quidem vos, Romani, et, si ita vultis, etiam
timemus: sed plus et veremur et timemus Deos immor-
tales. Cum ad sensu maximae partis est auditus, et
locutum omnes pro maiestate magistratus censebant:
ut facile adpareret, molliter agendo dignitatem suam
tenere Romanos non posse. Tum Appius, suadere se
magnopere Achaeis, dixit, ut, dum liceret voluntate sua
facere, gratiam inirent, ne mox inviti et coacti facerent.
Haec vox audita quidem cum omnium gemitu est, sed
metum iniecit imperata recusandi. id modo petierunt,
ut Romani, quae viderentur, de Lacedaemoniis muta-
rent, nec Achaeos religione obstringerent irrita ea, quae
itureiurando sanxissent, faciendi. damnatio tantum
Arei et Alcibiadis, quae nuper facta erat, sublata est.

XXXVIII. Romae principio eius anni, quum de provinciis consulum et praetorum actum esset, consulibus Ligures, quia bellum nusquam alibi erat, decreti. Praetores, C. Decimius Flavus urbanam, P. Cornelius Cethegus inter cives et peregrinos sortiti sunt; C. Sempronius Blaesus Siciliam, Q. Naevius Matho Sardiniam, et ut idem de veneficiis quaereret, A. Terentius Varro Hispaniam citeriorem, P. Sempronius Longus Hispaniam ulteriorem. De iis duabus provinciis legati per id fere tempus, L. Iuventius^{k)} Thalna et T. Quinctilius Varus, venerunt.

k) *Iuvencius* Gron. Crev. In Crev. min. *Iuventius* legitur.

qui, quantum bellum iam profligatum in Hispania U. c. 568.
 esset, senatu edocto, postularunt simul, ut pro rebus a. C. 184.
 tam prospere gestis Diis immortalibus haberetur ho-
 nos, et ut praetoribus exercitum deportare liceret.
 Supplicatio in biduum decreta est. de legionibus de-
 portandis, quum de consulum praetorumque exerciti-
 bus ageretur, rem integram referri iusserunt. Pau-
 cos post dies consulibus¹⁾ in Ligures binae legiones,
 quas Ap. Claudius et M. Sempronius habuerant, de-
 cretae sunt. De exercitibus Hispaniensibus magna
 contentio fuit inter novos praetores et amicos absen-
 tium, Calpurnii Quinctique. Utraque caussa tribu-
 nos plebis, utraque consules habebat. hi^{m)}, se inter-
 cessuros senatusconsulto, si deportandos censerent
 exercitus, denunciabant; illi, si haec intercessio fie-
 ret, nullam rem aliam se decerni passuros. Victa
 postremo absentium gratia est, et senatusconsultum
 factum, *Ut praetores quatuor millia peditum Romano-
 rum scriberent, quadringentos equites, et quinque mil-
 lia sociorum peditum Latini nominis, quingentos equi-
 tes, quos secum in Hispaniam portarent. quum eas
 legiones quatuor descripsissent, quod plus, quam quina
 millia peditum, trecenti equites, in singulis legionibus
 esset, dimitterent: eos primum, qui emerita stipendia
 haberent; deinde, ut cuiusque fortissima opera Calpur-
 nius et Quinctius in proelio usi essent.*

XXXIX. Hac sedata contentione, alia subinde
 C. Decimii praetoris morte exorta est. Cn. Sicinius
 et L. Pupius, qui aediles proximo anno fuerant, et
 C. Valerius flamen Dialis et Q. Fulvius Flaccus (is,
 quia aedilis curulis designatus erat, sine toga candi-
 da, sed maxima ex omnibus contentione) petebant.
 certamenque ei cum flamine erat. et postquam primo
 aequare, innox superare etiam est visus, pars tribuno-
 rum plebis negare, rationem eius habendam esse,
 quod duos simul unus magistratus, praesertim curu-

1) consuli Gron.

m) ii Gron.

U. c. 563. les, neque capere posset, necⁿ⁾ gerere: pars legibus
 a. C. 184. eum solvi aequum censere, ut, quem vellet, praetorem creandi populo potestas fieret. L. Porcius consul primo in ea sententia esse, ne nomen eius acciperet. deinde, ut ex auctoritate senatus idem faceret, convocatis Patribus, *referre se ad eos*, dixit, *quod nec iure ullo, nec exemplo tolerabili liberae civitati aedilis curulis designatus praeturam peteret, sibi, nisi quid aliud iis videretur, in animo esse, e lege comitia habere*. Patres censuerunt, uti L. Porcius consul cum Q. Fulvio ageret, ne impedimento esset, quo minus comitia praetoris in locum C. Decimii subrogandi e lege haberentur. Agenti consuli ex senatusconsulto respondit Flaccus, *nihil, quod se indignum esset, facturum*. Medio responso spem ad voluntatem interpretantibus fecerat, cessurum Patrum auctoritati esse. Comitiiis acrius etiam, quam ante, petebat, criminando, extorqueri sibi a consule et senatu populi Romani beneficium, et invidiam geminati honoris fieri; tamquam non adpareret, ubi designatus praetor esset, extemplo aedilitate se abdicaturum. Consul, quum et pertinaciam petentis crescere, et favorem populi magis magisque in eum inclinari cernebat, dimissis comitiis, senatum vocavit. censuerunt frequentes, *quoniam Flaccum auctoritas Patrum nihil movisset, ad populum cum Flacco agendum*. Comicione advocata, quum egisset consul; ne tum quidem de sententia motus, gratias populo Romano egit, *quod tanto studio, quotiescumque declarandae voluntatis potestas facta esset, praetorem se voluisset facere*. *Ea sibi studia civium suorum destituere non in animo esse*. Haec vero tam obstinata vox tantum ei favorem accendit, ut haud dubius praetor esset, si consul accipere nomen vellet. Ingens certamen tribunis, et inter se ipsos, et cum consule, fuit: donec sena-

n) neque Crev. . .

tus a consule est habitus, decretumque: *quoniam*, U. c. 568. *praetoris subrogandi comitia ne legibus fierent, perti-* a. C. 184. *nacia Q. Flacci et prava studia hominum impedirent, senatum censere, satis praetorum esse: P. Cornelius utramque in urbe iurisdictionem haberet, Apollinique ludos faceret.*

XL. His comitiis prudentia et virtute senatus sublati, alia maioris certaminis, quo et maiore de re, et inter plures potentioresque viros, sunt exorta. Censuram summa contentione petebant L. Valerius Flaccus, P. et L. Scipiones, Cn. Manlius Vulso, L. Furius Purpureo, patricii: plebeii autem, M. Porcius Cato, M. Fulvius Nobilior, Ti. et M. Sempronii, Longus et Tuditanus. sed omnes patricios plebeiosque nobilissimarum familiarum M. Porcius longe anteibat. In hoc viro tanta vis animi ingeniique fuit, ut, quocumque loco natus esset, fortunam sibi ipse facturus fuisse videretur. Nulla ars, neque privatae, neque publicae rei gerendae, ei defuit. Urbanas rusticisque res pariter callebat. Ad summos honores alios scientia iuris, alios eloquentia, alios gloria militaris provexit. huic versatile ingenium sic pariter ad omnia fuit, ut natum ad id unum diceres, quodcumque ageret. In bello manu fortissimus, multisque insignibus clarus pugnans. idem, postquam ad magnos honores pervenit, summus imperator: idem in pace, si ius consuleres, peritissimus; si causa oranda esset, eloquentissimus. nec is tantum, cuius lingua vivo eo vigerit, monumentum eloquentiae nullum exstet: vivit immo vigetque eloquentia eius, sacrata scriptis omnis generis. Orationes et pro se multae, et pro alijs, et in alios. nam non solum accusando, sed etiam causam dicendo, fatigavit inimicos. Simultates nimio plures et exercuerunt eum, et ipse exercuit eas. nec facile dixeris, utrum magis presserit eum nobilitas, an ille agitaverit nobilitatem. Asperi procul dubio animi, et linguae acerbae, et in-

U. c. 568. modice liberae fuit: sed invicti a cupiditatibus animi,
a. C. 184. et rigidae innocentiae; contemtor gratiae, divitiarum.

In parsimonia, in patientia laboris, periculi^{o)}, ferrei prope corporis animique; quem ne senectus quidem, quae solvit omnia, fregerit; qui^{p)} sextum et octogesimum annum agens caussam dixerit, ipse pro se oraverit, scripseritque; nonagesimo anno Ser. Galbam ad populi adduxerit iudicium.

XLI. Hunc, sicut omni vita, tum petentem^{q)} premebat nobilitas: coierantque (praeter L. Flaccum, qui collega in consulatu fuerat) candidati omnes ad deiiciendum honore eum; non solum ut ipsi potius adipiscerentur, nec quia indignabantur novum hominem censorem videre; sed etiam quod tristem censuram, periculosamque multorum famae, et ab laeso a plerisque, et laedendi cupido, exspectabant. Etenim tum quoque minitabundus petebat, *refragari sibi, qui liberam et fortem censuram timerent*, criminando. et simul L. Valerio subfragabatur. *Illo uno collega castigare se nova flagitia, et priscos revocare mores^{r)} posse.* His accensi homines, adversa nobilitate, non M. Porcium modo censorem fecerunt, sed etiam collegam ei L. Valerium Flaccum adiecerunt. Secundum comitia censorum consules praetoresque in provincias profecti sunt, praeter Q. Naevium, quem quatuor non minus menses, priusquam in Sardiniam iret, quaestiones veneficii, quarum magnam partem extra urbem per municipia conciliabulaque habuit, quia ita aptius visum erat, tenuerunt. Si Antiati Valerio credere libet, ad duo hominum millia damnavit. Et L. Postumius praetor, cui Tarentum provincia evenerat, magnas pastorum coniurationes vindicavit, et reliquias Bacchanalium quaestionis cum omni exsecutus est cura. multos, qui aut citati non adfuerant,

o) *periculique* Gron. Crev.

p) *fregerit. Qui* Gron. c. Drak.

q) *prestantem* Gron. Crev.

r) *mores revocare* Eaed. c.

Drak.

aut vades deseruerant, in ea regione Italiae latentes, U. c. 568.
 partim noxios iudicavit, partim comprehensos Ro- a. C. 184.
 mam ad senatum misit. in carcerem omnes a P. Cor-
 nelio coniecti sunt.

XLII. In Hispania ulteriore, fractis proximo bello Lusitanis, quietae res fuerunt. In citeriore A. Terentius in Suessetanis oppidum Corbionem vineis et operibus expugnavit, captivos vendidit: quietae deinde hiberna et citerior provincia habuit. Veteres praetores, C. Calpurnius Piso et L. Quinctius, Romam redierunt. utrique magno Patrum consensu triumphus est decretus. Prior C. Calpurnius de Lusitanis et Celtiberis triumphavit. coronas aureas tulit octoginta tres, et duodecim millia pondo argenti. Paucos post dies L. Quinctius Crispinus ex iisdem Lusitanis Celtiberisque triumphavit. tantundem auri atque argenti in eo triumpho translatum. Censores, M. Porcius et L. Valerius, metu mixta expectatione, senatum legerunt: septem moverunt senatu: ex quibus unum insignem et nobilitate et honoribus, L. Quinctium Flaminiu[m] consularem. Patrum memoria institutum fertur, ut censores motis senatu adscriberent notas. Catonis et aliae quidem acerbae orationes exstant in eos, quos aut senatorio loco movit, aut quibus equos ademit: longe gravissima in L. Quinctium oratio est, qua si accusator ante notam, non censor post notam, usus esset, retinere Quinctium in senatu ne frater quidem T. Quinctius, si tum censor esset, potuisset. Inter cetera obiecit ei, Philippum Poenum, carum ac nobile stultum, ab Roma in Galliam provinciam spe ingentium donorum perductum. eum puerum, per lasciviam quum cavillaretur, exprobrare consuli persaepe solitum, quod sub ipsum spectaculum gladiatorium abductus ab Roma esset, ut obsequium amatori vendicaret. Forte epulantibus iis, quum iam vino incaluissent, nuntiatum in convivio esse, nobilem Boium cum liberis

U. c. 568. transfugam venisse; convenire consulem velle, ut ab
 a. C. 184. eo fidem praesens acciperet. Introductum in tabernaculum per interpretem adloqui consulem coepisse. Inter cuius sermonem Quinctius scorto, *Vis tu, inquit, quoniam gladiatorium spectaculum reliquisti, iam hunc Gallum morientem videre^{s)}*? Et quum is vixdum serio adnuisset, ad nutum scorti consulem stricto gladio, qui super caput pendebat, loquenti Gallo caput primum percussisse, deinde fugienti, fidemque populi Romani, atque eorum, qui aderant, inploranti, latus transfodisse.

XLIII. Valerius Antias, ut qui nec Catonis orationem legisset, et fabulae tantum sine auctore editae credidisset, aliud argumentum, simile tamen et libidine et crudelitate, peragit. Placentiae famosam mulierem, cuius amore deperiret, in convivium accessitam scribit. ibi iactantem sese scorto inter cetera retulisse, quam acriter quaestiones exercuisset, et quam multos capitis damnatos in vinculis haberet, quos securi percussurus esset. Tum illam infra eum adcubantem negasse, umquam vidisse quemquam securi ferientem, et pervelle id videre. Hic indulgentem amatorem, unum ex illis miseris, adtrahi iussum, securi percussisse. Facinus, sive eo modo, quo censor obiecit, sive, ut Valerius tradit, commissum est, saevum atque atrox: inter pocula atque epulas, ubi libare Diis dapes, ubi bene precari mos esset, ad spectaculum scorti procacis, in sinu consulis recubantis, mactatam humanam victimam esse: et cruore mensam respersam. In extrema oratione Catonis conditio Quinctio fertur, ut, si id factum negaret, ceteraque, quae obiecisset, sponsione defenderet sese: sin fateretur, ignominiane sua quemquam doliturum censeret, quum ipse, vino et Venere amens, sanguine hominis in convivio lusisset?

^{s)} *aspicere* Gron. Crev.

XLIV. In equitatu recognoscendo L. Scipioni^{U. c. 568.}
 Asiageni ademptus equus. in censibus quoque acci-^{a. C. 184.}
 piendis tristis et aspera in omnes ordines censura
 fuit. Ornamenta et vestem muliebrem et vehicula,
 quae pluris, quam quindecim millium aeris, essent,
 in censum referre iuratores iussi^{t)}. item mancipia mi-
 nora annis viginti, quae post proximum lustrum de-
 cem millibus aeris, aut eo pluris, venissent, uti ea
 quoque decies^{u)} tanto pluris, quam quanti essent, ae-
 stimarentur; et his rebus omnibus terni in millia ae-
 ris adtribuerantur. aquam publicam omnem, in pri-
 vatam aedificium aut agrum fluentem, ademerunt;
 et, quae in loca publica inaedificata inmolitave privati
 habebant, intra dies triginta demoliti sunt. Opera
 deinde facienda ex decreta in eam rem pecunia^{x)},
 lacus sternendos lapide, detergendasque, qua opus
 esset, cloacas; in Aventino et in aliis partibus, qua
 nondum erant, faciendas locaverunt. Et separatim
 Flaccus molem ad Neptunias aquas, ut iter populo es-
 set, et viam per Formianum montem. Cato atria duo,
 Maenium et Titium in lautumiis, et quatuor tabernas,
 in publicum emit; basilicamque ibi fecit, quae Porcia
 adpellata est. Et vectigalia summis pretiis, ultro
 tributa infimis locaverunt. quas locationes quum se-
 natus, precibus et lacrimis publicanorum victus, in-
 duci et de integro locari iussisset; censores, edicto
 submotis ab hasta, qui ludificati priorem locationem
 erant, omnia eadem paullum inminutis pretiis loca-
 verunt. Nobilis censura fuit, simultatiumque plena;
 quae M. Porcium (cui acerbitas ea adsignabatur) per
 omnem vitam exercuerunt. Eodem anno coloniae
 duae, Potentia^{y)} in Picenum, Pisaurum in Gallicum
 agrum, deductae sunt. Sena iugera in singulos data.
 dividerunt agrum, coloniasque deduxerunt iidem tres.

t) viatores iussit Gron. Crev. c. x) ex pecunia in eam rem de-
 Drak. creta. Eaed.

u) decem Gron. Crev. y) Pollentia Crev.

U. c. 568. viri, Q. Fabius Labeo, et M. et Q. Fulvii, Flaccus
 a. C. 184. et Nobilior. Consules eius anni nec domi nec militiae memorabile quidquam egerunt.

U. c. 569. XLV. In insequentem annum crearunt consules
 a. C. 183. M. Claudium Marcellum, Q. Fabium Labeonem. M. Claudius, Q. Fabius Idibus Martiis, quo die consulatium inierunt, de provinciis suis praetorumque retulerunt. Praetores creati erant C. Valerius flamen Dialis, qui et priore anno petierat, et Sp. Postumius Albinus, et P. Cornelius Sisenna, L. Pupius, L. Iulius, Cn. Sicinius. Consulibus Ligures cum iisdem exercitibus, quos P. Claudius et L. Porcius habuerant, provincia decreta est. Hispaniae extra sortem prioris anni praetoribus cum suis exercitibus servatae. Praetores ita sortiri iussi, uti flamini Diali utique altera iuris dicendi Romae provincia esset. peregrinam est sortitus. Sisennae Cornelio urbana, Sp. Postumio Sicilia, L. Pupio Apulia, L. Iulio Gallia, Cn. Sicinio Sardinia evenit. L. Iulius maturare est iussus. Galli Transalpini, per saltus ignotae antea viae (ut ante dictum est) in Italiam transgressi, oppidum in agro, qui nunc est Aquileiensis²⁾, aedificabant. Id eos ut prohiberet, quod^{a)} eius sine bello posset, praetori mandatum est. si armis prohibendi essent, consules certiores faceret. ex his placere alterum adversus Gallos ducere legiones. Extremo prioris anni comitia habita erant in demortui Cn. Cornelii Lentuli^{b)} locum auguris subficiendi. Creatus Sp. Postumius Albinus.

XLVI. Huius principio anni P. Licinius Crassus pontifex maximus mortuus est: in cuius locum M. Sempronius Tuditanus pontifex est cooptatus: pontifex maximus est creatus C. Servilius Geminus. P. Licinii funeris causa visceratio data, et gladiatores centum viginti pugnaverunt, et ludi funebres per tri-

2) *Aquileiensis* est Gron. Crev. b) *Lentuli* del. Gron. Crev.
 a) *quoad* Gron. c. Drak.

duum facti, post ludos epulum. in quo, quum toto U. c. 569.
 foro strata triclinia essent, tempestas, cum magnis a. C. 183.
 procellis coorta, coegit plerosque tabernacula statuere in foro. Eadem paullo post, quum undique disserenasset, sublata. defunctosque vulgo ferebant, quod inter fatalia vates cecinissent, necesse esse tabernacula in foro statui. Hac religione levatis altera iniecta, quod sanguine per biduum pluisset in area Vulcani: et per decemviros supplicatio indicta erat eius prodigii expiandi causa. Priusquam consules in provincias proficiscerentur, legationes transmarinas in senatum introduxerunt. nec umquam ante tantum regionis eius hominum Romae fuerat. Nam ex quo fama per gentes, quae Macedoniam adcolunt, vulgata est, crimina querimoniasque de Philippo non neglegenter ab Romanis audiri, multis operae pretium fuisse queri; pro se quaeque civitates gentesque, singuli etiam privatim, (gravis enim adcola omnibus erat) Romam, aut ad spem levandae iniuriae, aut ad deflendae solatium, venerunt. Et ab Eumene rege legatio cum fratre eius Athenaeo venit ad querendum, simul quod non deducerentur ex Thracia praesidia, simul quod in Bithyniam Prusiae bellum adversus Eumenem gerenti auxilia missa forent.

XLVII. Respondendum ad omnia iuveni tum admodum Demetrio erat; quum haud facile esset, aut ea, quae obiicerentur, aut quae adversus ea dicenda erant, memoria complecti. nec enim multa solum, sed etiam pleraque oppido quam parva erant: de controversia finium, de hominibus raptis pecoribusque abactis, de iure aut dicto per libidinem aut non dicto, de rebus per vim aut per gratiam iudicatis. nihil horum neque Demetrium docere dilucide, nec se satis liquido discere ab eo senatus quum cerneret posse; simul et tirocinio, et perturbatione iuvenis moveretur; quaeri iussit ab eo, ecquem de his rebus commentarium a patre accepisset? Quum respondisset,

U. a. 569. *acceperisse se; nihil prius nec potius visum est, quam*
 a. C. 185. *regis ipsius de singulis responsa accipere. Librum*
extemplo poposcerunt; deinde, ut ipse recitaret, per-
miserunt. Erant autem de rebus singulis in breve
coactae caussae; ut alia fecisse se secundum decreta
legatorum doceret; alia non per se stetisse, quo mi-
nus faceret, sed per eos ipsos, qui accusarent. In-
terposuerat et querelas de iniquitate decretorum, et
quam non ex aequo disceptatum apud Caecilium foret,
indigneque sibi, nec ullo suo merito, insultatum ab
omnibus esset. Has notas irritati eius animi conlegit
senatus. ceterum alia excusanti iuveni, alia recipienti,
futura ita, ut maxime vellet senatus, responderi pla-
cuit: Nihil patrem eius neque rectius, nec magis, quod
ex voluntate senatus esset, fecisse, quam quod, ut-
cumque ea gesta essent, per Demetrium filium satisfieri
voluisset Romanis. Multa et dissimulare, et oblivisci,
et pati praeterita senatum posse, et credere etiam, De-
metrio credendum esse. Obsidem enim se animum eius
habere, etsi patri corpus reddiderit: et scire, quantum
salva in patrem pietate possit, amicum eum populo Ro-
mano esse. Honorisque eius caussa missuros in Mace-
doniam legatos, ut, si quid minus factum sit, quam
debuerit, tum quoque sine piaculo rerum praetermissa-
rum fiat. Velle etiam sentire Philippum, integra om-
nia sibi cum populo Romano Demetrii filii beneficio esse.

XLVIII. Haec, quae augendae amplitudinis eius
 caussa facta erant, extemplo in invidiam, mox etiam
 in perniciem adolescenti verterunt. Lacedaemonii
 deinde introducti sunt, multae et parvae disceptatio-
 nes iactabantur: sed, quae maxime rem continerent,
 erant; utrum restituerentur, quos Achaei damna-
 verant, nec ne; inique, an iure occidissent, quos
 occiderant, vertebatur et^{c)}, utrum manerent in Acha-
 ieo concilio Lacedaemonii; an, ut ante fuerat, se-

c) occiderant, vertebatur, et Gron.

cretum eius unius in Peloponneso civitatis ius esset. U. c. 569.
a. C. 183.
Restitui, iudiciaque facta tolli placuit: Lacedaemonem manere in Achaico concilio: scribique id decretum, et consignari a Lacedaemoniis et Achaeis. Legatus in Macedoniam Q. Marcius est missus: iussus idem in Peloponneso sociorum res adspicere, nam ibi quoque et ex veteribus discordiis residui motus erant, et Messene desciverat a concilio Achaico. cuius belli et caussas^{d)} et ordinem si expromere velim, inmemor sim propositi, quo statui non ultra adtingere externa, nisi qua Romanis cohaerent^{e)} rebus.

XLIX. Eventus memorabilis est, quod, quum bello superiores essent Achaei, Philopoemen praetor eorum capitur, ad praeoccupandam Coronem^{f)} [profectus,] quam^{g)} hostes petebant, in valle iniqua cum equitibus paucis obpressus. Ipsum potuisse effugere Thracum Cretensiumque auxilio tradunt. sed pudor relinquendi equites, nobilissimos gentis, ab ipso nuper lectos, tenuit. quibus dum locum ad evadendas angustias cogendo ipse agmen praebet, sustinens inpetus hostium; prolapso equo, et suo ipse casu, et onere equi super eum ruentis, haud multum abfuit, quin exanimaretur, septuaginta annos iam natus, et diutino morbo, ex quo tum primum reficiebatur, viribus admodum adtenuatis. iacentem hostes superfusi obpresserunt: cognitumque primum a verecundia memoriaque meritorum, haud secus quam ducem suum, adtollunt reficiuntque, et ex valle devia in viam portant, vix sibimet ipsi prae necopinato gaudio credentes; pars nuncios Messenen^{h)} praemittunt, de bellatum esse, Philopoemenem captumⁱ⁾ adduci. Primum adeo incredibilis visa res, ut non pro vano modo, sed vix pro sano nuncius audiretur. deinde, ut super alium alius idem omnes adfirmantes veniebant, tan-

d) *caussam* Gron. Crev.

e) *cohaerent* Eaed.

f) *Coronem* Gron.

g) *profectus, quam*, sublati
uncinis, Gron. Crev.

h) *Messenem* Gron.

i) *captum* del. Gron.

U. 569. dem facta fides; et, priusquam adpropinquare urbi
 a. C. 183. satis scirent, ad spectaculum omnes, simul liberi ac
 servi, pueri quoque cum feminis, effunduntur. itaque
 clauserant portam turbae, dum pro se quisque, nisi
 ipse oculis suis credidisset, vix pro comperta tantam
 rem habiturus videretur. Aegre submoventes obvi-
 os intrare portam, qui adducebant Philopoemenem,
 potuerunt, atque turba conferta iter reliquum clause-
 rat, et, quum pars maxima exclusa a spectaculo es-
 set, theatrum repente, quod viae propinquum erat,
 compleverunt, et, ut eo in conspectum populi addu-
 ceretur, una voce omnes exposcebant. Magistratus
 et principes, veriti, ne quem motum misericordia
 praesentis tanti viri faceret, quum alios verecundia
 pristinae maiestatis conlata praesenti fortunae, alios
 recordatio ingentium meritorum motura esset, pro-
 cul in conspectu eum statuerunt. deinde raptim ex
 oculis hominum abstraxerunt, praetore Dinocrate di-
 cente, esse, quae pertinentia ad summam belli per-
 cunctari eum magistratus vellent. Inde abducto eo
 in curiam, et senatu vocato, consultari coeptum.

L. Iam invesperascebat, et non modo cetera, sed
 ne in proximam quidem noctem ubi satis tuto custo-
 diretur, expediebant. Obstupuerant ad magnitudi-
 nem pristinae eius fortunae virtutisque: et neque
 ipsi domum recipere custodiendum audebant, nec
 cuiquam uni custodiam eius satis credebant. Admo-
 nent deinde quidam, esse thesaurum publicum sub
 terra, saxo quadrato septum. eo vinctus demittitur,
 et saxum ingens, quo operitur, machina superinpo-
 situm est. ita loco potius, quam homini cuiquam,
 credendam custodiam rati, lucem insequentem ex-
 spectaverunt. Postero die multitudo quidem integra,
 memor pristinorum eius in civitatem meritorum, par-
 cendum, ac per eum remedia quaerenda esse prae-
 sentium malorum, censebant^k): defectionis auctores,

k) censebat Gron. Grev.

quorum in manu respublica erat, in secreto consul-^{U. c. 569.}
tantes omnes, ad necem eius consentiebant: sed, utrum^{a. C. 183.}
maturarent, an differrent, ambigebatur. Vicit pars
avidior poenae, missusque, qui venenum ferret.
Accepto poculo, nihil aliud locutum ferunt, quam
quaesisse, *si incolumis Lycortas* (is alter imperator
Achaeorum erat) *equitesque evasisset*? Postquam di-
ctum est, *incolumes esse*; *Bene habet*, inquit; et, po-
culo inpavide exhausto, haud ita multo post expira-
vit. Non¹⁾ diuturnum mortis eius gaudium auctoribus
crudelitatis fuit. victa namque Messene bello expo-
scentibus Achaeis noxios dedit, ossaque reddita Phi-
lopoemenis sunt: et sepultus ab universo Achaico
est^{m)} concilio, adeo omnibus humanis congestis ho-
noribus, ut ne divinis quidem abstineretur. Ab scrip-
toribus rerum Graecis Latinisque tantum huic viro
tribuitur, ut a quibusdam eorum, velut ad insignem
notam huius anni, memoriae mandatum sit, tres cla-
ros imperatores eo anno decessisse, Philopoemenem,
Hannibalem, P. Scipionem. adeo in aequo eum dua-
rum potentissimarum gentium summis imperatoribus
posuerunt.

LI. Ad Prusiam regem legatus T. Quinctius Flami-
ninus venit, quem suspectum Romanis et receptus
post fugam Antiochi Hannibal, et bellum adversus
Eumenem motum faciebat. ibi, seu quia a Flaminino
inter cetera obiectum Prusiae erat, hominem omni-
um, qui viverent, infestissimum populo Romano
apud eum esse, qui patriae suae primum, deinde,
fractis eius opibus, Antiocho regi auctor belli adver-
sus populum Romanum fuisset: seu quia ipse Prusias,
ut gratificaretur praesenti Flaminino Romanisque,
per se necandi aut tradendi eius in potestatem con-
siliū cepit; a primo conloquio Flaminini milites ex-
templo ad domum Hannibalis custodiendam missi

1) nec Gron. Crev.

m) est del. Eaed.

U. c. 569^a. sunt. Semper talem exitum vitae suae Hannibal prospexerat animo, et Romanorum inexpiabile odium in se cernens, et fidei regum nihil sane confisus. Prusiae vero levitatem etiam expertus erat. Flamini quoque adventum velut fatalem sibi horruerat. Ad omnia undique infesta, ut iter semper aliquod praeparatum fugae haberet, septem exitus e domo fecerat; et ex iisⁿ) quosdam occultos, ne custodia sepirentur. Sed grave imperium regum nihil inexploratum, quod investigari volunt, efficit. totius circuitum domus ita custodiis complexi sunt, ut nemo inde elabi posset. Hannibal, postquam est nuntiatum; milites regios in vestibulo esse, postico, quod devium maxime atque occultissimi exitus erat, fugere conatus, ut id quoque obcurso militum obseptum sensit, et omnia circa clausa custodiis dispositis esse, venenum (quod multo ante praeparatum ad tales habebat casus) poposcit. *Liberemus, inquit, diuturna cura populum Romanum, quando mortem senis expectare longum censent. Nec magnam, nec memorabilem ex inermi proditoque Flamininus victoriam feret. mores quidem populi Romani quantum mutaverint, vel hic dies argumento erit. Horum patres Pyrrho regi, hosti armato, exercitum in Italia habenti, ut a veneno caveret, praedixerunt. hi legatum consularem, qui auctor esset Prusiae per scelus occidendi hospitis, miserunt.* Exsecratus deinde in caput regnumque Prusiae, et hospitales Deos violatae ab eo fidei testes invocans, poculum exhausit. Hic vitae exitus fuit Hannibalis.

LII. Scipionem et Polybius, et Rutilius hoc anno mortuum scribunt. Ego neque his, neque Valerio adsentior: his, quod, censoribus M. Porcio, L. Valerio, principem senatus ipsum L. Valerium censorem lectum invenio; quum superioribus tribus lustris Africanus fuisset: quo vivo, nisi ut ille senatu mo-

n) fecerat: ex his Grev.

veretur, quam notam nemo memoriae prodidit, alius U. c. 569^r princeps in locum eius lectus non esset. Antiatem^a G. 183^r auctorem refellit tribunus plebis M. Naevius, adversus quem oratio inscripta P. Africani est. Hic Naevius in magistratum libris est tribunus plebis, P. Claudio, L. Porcio consulibus: sed iniit tribunatum, Ap. Claudio, M. Sempronio consulibus, ante diem quartum Idus Decembres. inde tres menses ad Idus Martias sunt; quibus P. Claudius, L. Porcius consulatum inierunt. Ita et vixisse in tribunatu Naevii videtur, diesque ei dici ab eo potuisse; decessisse autem ante L. Valerii et M. Porcii censuram. Trium clarissimorum suae cuiusque gentis virorum non magis tempore congruente comparabilis mors videtur esse, quam quod nemo eorum satis dignum splendore vitae exitum habuit. Iam primum omnes non in patrio solo mortui, nec sepulti sunt. veneno absumti Hannibal et Philopoemen; exsul Hannibal, proditus ab hospite; captus Philopoemen in carcere et in vinculis exspiravit. Scipio, etsi non exsul, neque damnatus, die tamen dicta, ad quam non adfuerat reus, absens citatus, voluntarium non sibimet ipse solum, sed etiam funeri suo, exsilium indixit.

LIII. Dum ea in Peloponneso (a quibus divertit oratio) geruntur, reditus in Macedoniam Demetrii legatorumque aliter aliorum adfecerat animos. vulgus Macedonum, quos belli ab Romanis imminentis metus terruerat, Demetrium, ut pacis auctorem, cum ingenti favore conspiciebant: simul et spe haud dubia regnum ei post mortem patris destinabant. *Nam, etsi minor^o) aetate, quam Perseus, esset, hunc tamen iusta matrefamiliae^p), illum pellice ortum esse: illum, ut ex vulgato corpore genitum, nullam certi patris notam habere; hunc insignem Philippi similitudinem praese ferre. Ad hoc, Romanos Demetrium in paterno*

o) minore Gron.

p) matrefamilias Gron. Crev.

U. c. 569. *solio locaturos; Persei nullam apud eos gratiam esse.*

a. C. 183. Haec vulgo loquebantur. itaque et Persea cura agebat, ne parum pro se una aetas valeret, quum omnibus aliis rebus frater superior esset: et Philippus ipse, vix sui arbitrii fore, quem haeredem regni relinqueret, credens, sibi quoque graviores esse, quam vellet, minorem filium censebat. Offendebatur interdum concursu Macedonum ad eum, et alteram iam se vivo regiam esse indignabatur. Et ipse iuvenis haud dubie inflatior redierat, subnissus erga se iudiciis senatus, concessisque sibi, quae patri negata essent: et omnis mentio Romanorum, quantam dignitatem ei apud ceteros Macedonas, tantam invidiam, non apud fratrem modo, sed etiam apud Patrem, conciliabat: utique postquam alii legati Romani venerunt, et cogeatur decedere Thracia, praesidiaque deducere, et alia, aut ex decreto priorum legatorum, aut ex nova constitutione senatus, facere. Sed omnia moerens quidem et gemens, (eo magis, quod filium frequentiores prope cum illis, quam secum, cernebat) obedienter^{q)} tamen adversus Romanos faciebat, ne quam movendi extemplo belli causam praeberet. Avertendos etiam animos a suspitione talium consiliorum ratus, mediam in Thraciam exercitum in Odrysas, et Dentheletos^{r)}, et Bessos duxit. Philippopolin urbem, fuga desertam oppidanorum, qui in proxima montium iuga cum familiis receperant sese, cepit: campestresque barbaros, depopulatus agros eorum, in deditionem accepit. relicto inde ad Philippopolin praesidio, quod haud multo post ab Odrysis expulsum est, oppidum in Deuriopo condere instituit. Paeoniae ea regio est prope Erigonum fluvium; qui, ex Illyrico per Paeoniam fluens, in Axium amnem editur. Haud procul Stobis, vetere urbe, novam

q) gemens; eo magis, quod filium frequentiores prope cum

illis, quam secum cernebat. Obedienter etc. Gron.

r) Dantheletas Gron. Grev.

urbem Perseida, ut is filio maiori haberetur honos, U. c. 569.
adpellari iussit. a. C. 183.

LIV. Dum haec in Macedonia geruntur, consules in provincias profecti. Marcellus nuncium praemisit ad L. Porcium proconsulem, ut ad novum Gallorum oppidum legiones admooveret. Advenienti consuli Galli sese dediderunt. duodecim millia armatorum erant. plerique arma ex agris rapta habebant. ea aegre patientibus iis ademta, quaeque alia aut populates agros rapuerant, aut secum adtulerant. de his rebus qui quererentur, legatos Romam miserunt. Introducti in senatum a C. Valerio praetore exposuerunt, *Se, superante in Gallia multitudine, inopia coactos agri et egestate, ad quaerendam sedem Alpes transgressos. quae inculta per solitudines viderent, ibi sine ullius iniuria consedissee. Oppidum quoque aedificare coepisse: quod indicium esset, nec agro, nec urbi ulli vim adlaturos venisse. Nuper M. Claudium ad se nuncium misisse, bellum se cum iis, ni dederentur, gesturum. Se, certam, etsi non speciosam, pacem, quam incerta belli, praeoptantes, dedidisse se prius in fidem, quam in potestatem, populi Romani. Post paucos dies, iussos et agro et urbe decedere, sese tacitos abire, quo terrarum possent, in animo habuisse. arma deinde sibi, et postremo omnia alia, quae ferrent agerentque^{s)}, ademta. Orare se senatum populumque Romanum, ne in se innoxios deditos acerbius, quam in hostes, saevirent. Huic orationi senatus ita responderi iussit: Neque illos recte fecisse^{t)}, quum in Italiam venerint^{u)}, oppidumque in alieno agro, nullius Romani magistratus, qui ei provinciae praesset, permissu, aedificare conati sint: neque senatui placere, deditos spoliari. Itaque se cum iis legatos ad consulem^{x)} missuros; qui, si redeant, unde venerint, omnia iis sua reddi iubeant; quique protinus eant trans Alpes, et denuncient Gallicis po-*

s) agerentve Gron. Crev.

t) gessisse Eaed.

u) venirent Eaed.

x) consules Gron.

U. c. 569. *pulis, multitudinem suam domi contineant. Alpes*
 a. C. 183. *prope inexcuperabilem finem in medio esse, non utique*
iis melius fore, quam^{y)} qui eas primi pervias fecissent.
 Legati missi L. Furius Purpureo, Q. Minucius, L.^{z)}
 Manlius Acidinus. Galli, redditis omnibus, quae
 sine cuiusquam iniuria habebant, Italia excesserunt.

LV. Legatis Romanis Transalpini populi benigne
 responderunt. seniores eorum nimiam lenitatem po-
 puli Romani castigarunt: *Quod eos homines, qui gen-*
tis iniussu profecti occupare agrum imperii Romani, et
in alieno solo aedificare oppidum conati sint^{a)}, inpu-
nitos dimiserint. Debuisset gravem temeritatis mercedem
statui. quod vero etiam sua reddiderint, vereri, ne
tanta indulgentia plures ad talia audenda impellantur.
 Et exceperunt, et prosecuti cum donis legatos sunt.
 M. Claudius consul, Gallis ex provincia exactis, Istri-
 cum bellum moliri coepit, literis ad senatum mis-
 sis, ut sibi in Istriam traducere legiones liceret. Id
 senatui placuit. Illud agitabant, uti colonia Aкви-
 leia deduceretur, nec satis constabat, utrum Latinam,
 an civium Romanorum, deduci placeret. postremo
 Latinam potius coloniam deducendam Patres censue-
 runt. Triumviri creati sunt P. Scipio Nasica, C.
 Flaminius, L. Manlius Acidinus. Eodem anno
 Mutina et Parma coloniae Romanorum civium sunt
 deductae, bina millia hominum in agro, qui proxime
 Boiorum, ante Tuscorum fuerat, octona iugera Par-
 mae, quina Mutinae acceperunt. Deduxerunt trium-
 viri M. Aemilius Lepidus, T. Aebutius Carus, L.
 Quinctius Crispinus. Et Saturnia colonia civium
 Romanorum in agrum Caletranum est deducta. deduxe-
 runt triumviri Q. Fabius Labeo, C. Afranius Stellio,
 Ti. Sempronius Gracchus. iugera in singulos data
 decem.

LVI. Eodem anno A. Terentius proconsul^{b)} haud

y) *quam* del. Crev.
 z) P. Gron.

a) *sunt* Gron. Crev.
 b) *propraetor* Eaed.

procul flumine Ibero, in agro Ausetano, et proelia U. c. 569.
 secunda cum Celtiberis fecit, et oppida, quae ibi^{a. C. 183.}
 communierant, aliquot expugnavit. Ulterior Hispania
 eo anno in pace fuit, quia et P. Sempronius pro-
 consul^{c)} diutino morbo est implicatus, et, nullo laces-
 sente, peropportune quieverunt Lusitani. Nec in
 Liguribus memorabile quidquam a Q. Fabio consule
 gestum. M. Marcellus, ex Istria revocatus, exer-
 citu dimisso, Romam comitiorum caussa rediit. Cre-
 avit consules Cn. Baebium Tamphilum et L. Aemi-
 lium Paullum. cum M. Aemilio Lepido hic aedilis
 curulis fuerat: a quo consule quintus annus erat,
 quum is ipse Lepidus post duas repulsas consul factus
 esset. Praetores inde facti Q. Fulvius Flaccus, M.
 Valerius Laevinus, P. Manlius iterum, M. Ogulnius
 Gallus, L. Caecilius Denter, C. Terentius Istra. Suppli-
 catio extremo anno fuit prodigiorum caussa; quod
 sanguine per biduum pluisse in area Concordiae satis
 credebant; nunciatumque erat, haud procul Sicilia
 insulam, quae non ante fuerat, novam editam e
 mari esse. Hannibalem hoc anno Antias Valerius
 decessisse auctor est, legatis ad eam rem ad Prusiam
 missis, praeter T. Quinctium Flamininum, (cuius
 in ea re celebre est nomen) L. Scipione Asiatico et P.
 Scipione Nasica.

c) *propriaetor* Gron. Crev.

EPITOME LIBRI XL.

Quum Philippus liberos eorum, quos occiderat, conquiri ob-
sides iussisset 1), Theoxena, pro liberis suis et sororis admodum
pueris verita regis libidinem, prolatis in medium gladiis et po-
culo, in quo erat venenum, suasit iis, ut imminens ludibrium
morte effugerent: quod 2) quum persuasisset, ipsa se cum
viro e navi 3) in mare praecipitavit. Certamina inter Philippi
Macedoniae regis liberos Persen 4) et Demetrium referuntur:
et ut fraude fratris sui Demetrius confictis criminibus, inter
quae accusatione parricidii et adfectati regni, primum petitus,
ad ultimum, quoniam populi Romani amicus erat, veneno ne-
catus est; regnumque Macedoniae mortuo Philippo ad Persen
devenit. Item res in Liguribus et in 5) Hispania contra Celti-
beros a compluribus feliciter gestas continet. Libri Numae
Pompilii in agro L. Petillii scribae sub Ianiculo a cultoribus
agri, in arca lapidea clausi, et Graeci et Latini, inventi sunt;
in quibus quum 6) plura, quae dissolvendarum religionum 7),
praetor, ad quem delati erant, legisset 8), iuravit senatui, con-
tra rempublicam esse, ut legerentur servarenturque: et ex se-
natusconsulto in comitio exusti sunt. Colonia Aquileia deducta
est. Philippus, aegritudine animi confectus, quod Demetrium
filium, falsis Persei 9), alterius filii 10) delationibus impulsus, ve-
neno sustulisset, et de poena Persei cogitavit, voluitque Anti-
gonum potius amicum suum successorem regni sui relinquere.
Sed in hac cogitatione morte raptus est. regnum Perseus excepit.

1) quos in vinculis nobilissi-
morum hominum habebat,
conquiri ad mortem iussisset
Gron. Crev.

2) et Eaed.

3) e navi del. Eaed.

4) Perseum hic et paullo post
Eaed.

5) in del. Eaed.

6) quum del. Eaed.

7) add. erant Crev.

8) quum legisset Gron. Crev.

9) Persei del. Eaed.

10) add. in eundem Eaed.

T. LIVII PATAVINI

LIBER XL.

Principio insequentis anni consules praetoresque ^{U. c. 570.} sortiti provincias sunt. consulibus, nulla, praeter Li- ^{a. C. 182.} gures, quae decerneretur, erat. Iurisdictio urbana M. Ogulnio Gallo, inter peregrinos M. Valerio evenit; Hispaniarum Q. Fulvio Flacco citerior, P. Manlio ulterior, L. Caecilio Dentri Sicilia, C. Terentio Istrae Sardinia. Consules delectus habere iussi. Q. Fabius ex Liguribus scripserat, Apuanos ad rebellionem spectare; periculumque esse, ne inpetum in agrum Pisanum facerent. Et ex Hispaniis, citeriorem in armis esse, et cum Celtiberis bellari sciebant: in ulteriore, quia diu aeger praetor esset, luxuria et otio solutam disciplinam militarem esse. Ob ea novos exercitus conscribi placuit: quatuor legiones in Ligures, uti singulae quina millia et ducenos pedites, trecenos haberent equites: sociorum iisdem Latini nominis quindecim millia peditum addita, et octingenti equites. hi duo consulares exercitus essent. Scribere praeterea iussi septem millia peditum sociorum ac Latini nominis, et quadringentos ^{a)} equites; et mittere ad M. Marcellum in Galliam, cui ex consulu praerogatum imperium erat. In Hispaniam etiam utramque quae ducerentur, quatuor millia peditum civium Romanorum et ducenti equites, et sociorum septem millia peditum cum trecentis equitibus scribi iussa. et Q. Fabio Labeoni cum exercitu;

a) sexcentos Gron. Crev.

U. c. 570. quem habebat in Liguribus, prorogatum in annum
 a. C. 18^a. imperium est.

II. Ver procellosum eo anno fuit. pridie Parilia, medio ferme die, atrox cum vento tempestas coorta multis sacris profanisque locis stragem fecit: signa aenea in Capitolio deiecit: forem ex aede Lunae, quae in Aventino est, raptam tulit, et in posticis partibus^{b)} Cereris templi adfixit: signa alia in circo maximo cum columnis, quibus superstabant, evertit: fastigia aliquot templorum, a culminibus abrupta, foede dissipavit. Itaque in prodigium versa ea tempestas, procurarique aruspices iusserunt. simul procuratum est, quod tripedem mulum Reate natum nunciatum erat, et a Formiis aedem Apollinis ac Caietae de coelo tactam. ob ea prodigia viginti hostiis maioribus sacrificatum est, et diem unum supplicatio fuit. Per eosdem dies ex literis A. Terentii praetoris cognitum, P. Sempronium in ulteriore provincia, quum plus annum aeger fuisset, mortuum esse. eo maturius in Hispaniam praetores iussi proficisci. Legationes transmarinae deinde in senatum introductae sunt. Prima Eumenis et Pharnacis regum, et Rhodiorum querentium de Sinopensium clade. Philippi quoque legati, et Achaeorum, et Lacedaemoniorum, sub idem tempus venerunt. iis, prius Marcio audito, qui ad res Graeciae Macedoniaeque visendas missus erat, responsa data sunt. Asiae regibus ac Rhodiis responsum est, legatos ad eas res visendas missurum senatum.

III. De Philippo auxerat curam Marcius. nam ita fecisse eum, quae senatui placuissent, fatebatur, ut facile adpareret, non diutius, quam necesse esset, facturum. neque obscurum erat rebellaturum, omniaque, quae tunc ageret diceretque, eo spectare. Iam primum omnem fere multitudinem civium ex maritimis civitatibus cum familiis suis in Emathiam, quae nunc

b) parietibus Gron. Crev.

dicitur, quondam adpellata Paeonia est, traduxit: U. c. 570.
 Thracibusque et aliis barbaris urbes tradidit habitan- a. C. 182.
 das, fidiora haec genera hominum fore ratus in Ro-
 mano bello. Ingentem ea res fremitum tota Mace-
 donia fecit; relinquentesque penates suos cum con-
 iugibus ac liberis pauci tacitum dolorem continebant;
 execrationesque in agminibus proficiscentium in re-
 gem, vincente odio metum, exaudiebantur. His fe-
 rox animus omnes homines, omnia loca temporaque
 suspecta habebat. Postremo negare propalam coepit,
 satis tutum sibi quidquam esse, nisi liberos eorum,
 quos interfecisset, comprehensos in custodia haberet,
 et tempore alium alio tolleret.

IV. Eam crudelitatem, foedam per se, foediorẽm
 unius domus clades fecit. Herodicum, principem Thes-
 salorum, multis ante annis occiderat: generos quo-
 que eius postea interfecit. in viduitate relictæ filiae,
 singulos filios parvos habentes. Theoxena et Archo
 nomina mulieribus erant. Theoxena, multis peten-
 tibus, adspersa nuptias est. Archo Poridi cuidam,
 longe principi gentis Aeneatum, nupsit; et, apud
 eum plures enisa partus, parvis admodum relictis om-
 nibus, decessit. Theoxena, ut in suis manibus liberi
 sororis educarentur, Poridi nupsit: et, tamquam om-
 nes ipsa enisa foret, suum sororisque filios in eadem
 habebat cura. postquam regis edictum de comprehen-
 dendis liberis eorum, qui interfecti essent, accepit;
 ludibrio futuros, non regis modo, sed custodum etiam
 libidinĩ, rata, ad rem atrocem animum adiecit; ausa-
 que est dicere, se sua manu potius omnes interfectu-
 ram, quam in potestatem Philippi venirent. Poris,
 abominatus mentionem tam foedi facinoris, Athenas
 deportaturum eos ad fidos hospites dixit, comitemque
 ipsum fugae futurum esse. Proficiscuntur ab Thessa-
 lonica Aeneam ad statum sacrificium, quod conditori
 Aeneae cum magna ceremonia quotannis faciunt. ibi
 die per sollemnes epulas consumto, navem praepara-

U. c. 570. tam a Poride, sopitis omnibus, de tertia vigilia con-
 a. C. 182. scendunt, tamquam redituri in Thessalonicam: sed
 traicere in Euboeam erat propositum. Ceterum in
 adversum ventum nequidquam eos tendentes prope
 terram lux obpressit: et regii, qui praeerant custodi-
 ae portus, lembum armatum ad pertrahendam eam na-
 vim miserunt, cum gravi edicto, ne reverterentur si-
 ne ea. Quum iam adpropinquabant, Poris quidem ad
 hortationem remigum nautarumque intentus erat; in-
 terdum manus ad coelum tendens Deos, ut ferrent
 opem, orabat^{c)}. ferox interim femina, ad multo ante
 praecogitatum revoluta facinus, venenum diluit, fer-
 rumque promit: et, posito in conspectu poculo, stri-
 ctisque gladiis, *Mors, inquit, una vindicta est. Viae*
ad mortem hae sunt: qua quemque animus fert, effugite
superbiam regiam. Agite, iuvenes mei, primum, qui
maiores estis, capite ferrum; aut haurite poculum,
si segnior mors iuvat. Et hostes aderant, et auctor
 mortis instabat. Alii alio leto absumti semianimes e
 nave praecipitantur. ipsa deinde, virum comitem mor-
 tis complexa, in mare sese deiecit. nave vacua domi-
 nis regii potiti sunt.

V. Huius atrocitas facinoris novam velut flam-
 mam regis invidiae adiecit, ut vulgo ipsum liberosque
 eius exsecrarentur. quae dirae brevi ab omnibus Diis
 exauditae, ut saeviret ipse in suum sanguinem, effe-
 cerunt. Perseus enim, quum in dies magis cerneret
 favorem dignitatemque Demetrii fratris apud Macedo-
 num multitudinem crescere, et gratiam apud Roma-
 nos, sibi spem nullam regni superesse, nisi in scelere,
 ratus, ad id unum omnes cogitationes intendit. cete-
 rum quum se ne ad id quidem, quod muliebri cogita-
 bat animo, satis per se validum crederet, singulos
 amicorum patris tentare sermonibus perplexis institit.
 et primo quidam ex his adspernantium tale quidquam
 speciem praebuerunt, quia plus in Demetrio spei po-

c) tendens, opem ut Dii ferrent, orabat. Gron. Crev.

nebant. deinde, crescente in dies Philippi odio in U. c. 570.
 Romanos, cui Perseus indulgeret, Demetrius summa a. G. 182.
 ope adversaretur, prospicientes animo exitum incauti
 a fraude fraterna iuvenis, adiuvandum, quod futurum
 erat, rati, fovendamque spem potentioris, Perseo se
 adiungunt. cetera in suum quaeque tempus agenda
 differunt. in praesentia placet, omni ope in Roma-
 nos accendi regem, inpellicque ad consilia belli, ad
 quae iam sua sponte animum inclinasset. Simul, ut
 Demetrius in dies suspectior esset, ex composito ser-
 mones ad spretionem Romanorum trahebant. ibi
 quum alii mores et instituta eorum, alii res gestas, alii
 speciem ipsius urbis, nondum exornatae neque publi-
 cis neque privatis locis, alii singulos principum elude-
 rent; iuvenis incautus, et amore nominis Romani, et
 certamine adversus fratrem, omnia tuendo suspectum
 se patri et opportunum criminibus faciebat. Itaque
 expertem eum pater omnium de rebus Romanis consi-
 liorum habebat. totus in Persea versus, cum eo co-
 gitationes eius rei dies ac noctes agitabat. Redierant,
 quos forte miserat in Bastarnas ad arcessenda auxilia,
 adduxerantque^{d)} inde nobiles iuvenes, et regii quos-
 dam generis: quorum unus sororem suam in matri-
 monium Philippi filio pollicebatur: erexeratque con-
 sociatio gentis eius animum regis. Tum Perseus, *Quid*
ista prosunt? inquit. *nequaquam tantum in externis*
auxiliis est praesidii, quantum periculi fraude domesti-
ca. Proditorem nolo dicere, certe speculatorem habemus
in sinu: cuius, ex quo obses Romae fuit, corpus nobis
reddiderunt Romani, animum ipsi habent. Omnium
pene Macedonum in eum ora conversa sunt: nec regem
se alium rentur habituros esse, quam quem Romani de-
dissent. His per se aegra mens senis stimulabatur.
 et animo magis, quam vultu, ea crimina accipiebat.

VI. Forte lustrandi exercitus venit tempus, cu-
 ius sollemne est tale. Caput mediae canis praecisae

d) adduxeruntque Gron.

U. c. 570. et prior pars ad dexteram, cum extis posterior^{e)} ad
 a. C. 182. laevam viae ponitur. inter hanc divisam hostiam copi-
 ae armatae traducuntur. praeferuntur primo agnini
 arma insignia omnium ab ultima origine Macedoniae
 regum: deinde rex ipse cum liberis sequitur: proxima
 est regia cohors custodesque corporis; postremum ag-
 men Macedonum cetera multitudo claudit. Latera
 regis duo filii iuvenes cingebant, Perseus iam tricesi-
 mum annum agens, Demetrius quinquennio minor;
 medio iuventae robore ille, hic flore; fortunati patris
 matura soboles, si mens sana fuisset. Mos erat, lu-
 strationis sacro peracto, exercitum decurrere, et divi-
 sas bifariam duas acies concurrere ad simulacrum
 pugnae. Regii iuvenes duces ei ludicro certamini da-
 ti. ceterum non imago fuit pugnae, sed, tamquam de
 regno dimicaretur, ita concurrerunt, multaque vulne-
 ra sudibus facta; nec praeter ferrum quidquam defuit
 ad iustam belli speciem. Pars ea, quae sub Demetrio
 erat, longe superior fuit. id aegre patiente Perseo,
 laetari prudentes amici eius, eamque rem ipsam dice-
 re praebituram causam criminandi iuvenis.

VII. Convivium eo die sodalium, qui simul de-
 currerant, uterque habuit, quum vocatus ad coenam
 ab Demetrio Perseus negasset. Festo die invitatio
 benigna et hilaritas iuvenalis^{f)} utrosque in vinum
 traxit. Commemoratio ibi certaminis ludicri et ioco-
 sa dicta in adversarios, ita ut ne ipsis quidem ducibus
 abstineretur, iactabantur. Ad has excipiendas voces
 speculator ex convivis Persei missus, quum incautior
 obversaretur, exceptus a iuvenibus forte triclinio
 egressis, male mulcatur. Huius rei ignarus Demetri-
 us, *quin commissatum*, inquit, *ad fratrem imus? et iram*
eius, si qua ex certamine residet, simplicitate et hilaritate
nostra lenimus? Omnes se ire conclamarunt, praeter
 eos, qui speculatoris ab se pulsati praesentem ultio-

e) ad dexteram cum extis, poste- f) iuvenilis Eaed.
 rior etc. Gron. Crev.

nem metuebant. quum eos quoque Demetrius traheret, ferrum veste abdiderunt, quo se tutari, si qua vis fieret, possent. Nihil occulti esse in intestina discordia potest. utraque domus speculatorum et proditorum plena erat. Praecurrit index ad Persea, ferro subcinctos nuncios cum Demetrio quatuor adolescentes venire. etsi caussa adparebat, (nam ab iis pulsatum convivam suum audierat) tamen, infamandae rei caussa, ianuam obserari iubet: et ex parte superiore aedium, versisque in viam fenestris, commissatores, tamquam ad caedem suam venientes, aditu iannae arceat. Demetrius, per vinum, quod excluderetur, paulisper vociferatus, in convivium redit, totius rei ignarus.

VIII. Postero die Perseus, quum^{g)} primum conveniendi potestas patris fuit, regiam ingressus, perturbato vultu in conspectu patris tacitus procul constitit. cui, quum pater^{h)}, *Satin' salvae? et, quatenam ea moestitia esset?* interrogaret eum, *Deⁱ⁾ lucro tibi, inquit, vivere me scito. iam non occultis a fratre petimur insidiis. Nocte cum armatis domum ad interficiendum me venit: clausisque foribus, parietum praesidio me a furore eius sum tutatus.* Quum pavorem mixtum admiratione patri iniecisset, *Atqui, si aures praebere potes, inquit, manifestam rem teneas, faciam. Enimvero se, Philippus dicere, auditurum, vocarique extemplo Demetrium iussit: et seniores duos amicos, expertos iuvenalium^{k)} inter fratres certaminum, infrequentes iam in regia, Lysimachum et Onomastum accessit, quos in consilio haberet. Dum veniunt amici, solus, filio procul stante, multa secum animo volutans, inambulavit. postquam venisse eos nuntiatum est, secessit in partem interiorum cum duobus amicis, totidem custodibus corporis: filiis, ut ternos inermes secum introducerent, permisit. Ibi quum consedisset:*

g) quam Drak.

i) cum: De Eaed.

h) cui quum pater Gron. Crev. k) iuvenalium del. Eaed. c. Drak

U. c. 570. *Sedeo, inquit, miserrimus pater, iudex inter duos filios, a. C. 182. accusatorem parricidii, et reum; aut conficti, aut admissi criminis labem apud meos inventurus. Iam pridem quidem hanc procellam imminentem timebam, quum vultus inter vos minime fraternos cernerem, quum voces quasdam exaudirem. sed interdum spes animum subibat, deflagrare iras vestras, purgari suspiciones posse. etiam hostes, armis positis, foedus icisse, et privatas multorum similitates finitas. subituram vobis aliquando germanitatis memoriam, puerilis quondam simplicitatis consuetudinisque inter vos, meorum denique praeceptorum; quae, vereor, ne vana surdis auribus cecinerim. Quoties ego, audientibus vobis, detestatus exempla discordiarum fraternarum, horrendos eventus eorum retuli, quibus se stirpemque suam, domos, regna, funditus evertissent? Meliora quoque exempla parte altera posui; sociabilem consortionem inter binos Lacedaemoniorum reges, salutarem per multa secula ipsis patriaeque. Eandem civitatem, postquam mos sibi cuique rapiendi tyrannidem exortus sit, eversam. Iam hos Eumenem Attalumque fratres, a quam exiguis rebus, prope ut puderet regii nominis, mihi Antiocho, et cuilibet regum huius aetatis, nulla re magis, quam fraterna unanimitate, regnum aequasse. Ne Romanis quidem exemplis abstinui, quae aut visa, aut audita habeam: T. et L. Quinctiorum, qui bellum mecum gesserunt, P. et L. Scipionum, qui Antiochum devicerunt; patris patruisque eorum, quorum perpetuam vitae concordiam mors quoque miscuit. Neque vos illorum scelus, similisque sceleri eventus, detertere a vecordi discordia potuit: neque horum bona mens, bona fortuna, ad sanitatem flectere. Vivo et spirante me, haereditatem meam ambo et spe et cupiditate improba crevistis. Eo usque me vivere vultis, donec, alterius vestrum superstes, haud ambiguum regem alterum mea morte faciam. Nec fratrem, nec patrem potestis pati. nihil cari, nihil sancti est: in omnium vicem regni unius insatiabilis amor suc-*

cessit. Agite, conscelerate aures paternas: decernito U. c. 570.
criminibus, mox ferro decreturi: dicite palam, quidquid^a. C. 182.
aut veri potestis, aut comminisci libet. Reseratae au-
res sunt, quae posthac secretis alterius ab altero crimi-
nibus claudentur. Haec, furens ira, quum dixisset,
lacrimae omnibus obortae, et diu moestum silentium
tenuit.

IX. Tum Perseus: *Aperienda nimirum nocte ia-*
nua fuit, et armati comissatores accipiendi, praeben-
dumque ferro iugulum, quando non creditur, nisi perpe-
tratum, facinus; et eadem petitus insidiis audio,
quae latro atque insidiator. Non nequidquam isti
unum Demetrium filium te habere, me subditum et pel-
lice genitum adpellant. nam, si gradum, si caritatem
filii apud te haberem, non in me, querentem deprehensas
insidias, sed in eum, qui fecisset, saevires: neo adeo ti-
bi vilis vita esset nostra, ut nec praeterito periculo meo
movereris, neque futuro, si insidiantibus sit impune.
Itaque, si mori tacitum oportet, taceamus, precati tan-
tum Deos, ut a me coeptum scelus in me finem habeat,
nec per meum latus tu petaris. Sin autem (quod cir-
cumventis in solitudine natura ipsa subiicit, ut hominum,
quos numquam viderint, fidem tamen implorent) mihi
quoque, ferrum in me strictum cernenti, vocem mittere
liceat; per te, patriumque nomen, quod utri nostrum
sanctius sit, iam pridem sentis, ita me audias, pre-
cor, tamquam si, voce et comploratione nocturna exci-
tus, mihi quiritanti intervenisses, Demetrium cum ar-
matis nocte intempesta in vestibulo meo deprehendisses.
quod tum vociferarer in re praesenti pavidus, hoc nunc
postero die queror. Frater, non comissantium in vicem
iam diu vivimus inter nos. regnare utique vis: huic spei
tuae obstat aetas mea, obstat gentium ius, obstat vetustus
*Macedoniae mos, obstat vero etiam patris iudicium. Haec*¹⁾
transcendere, nisi per meum sanguinem, non potes. omnia
moliris et tentas. adhuc seu cura mea, seu fortuna, re-

1) huc Gron. Grev.

U. c. 570. stitit *parricidio tuo. Hesterno^m) die in lustratione, et*
 a. C. 182. *decursu, et simulacro ludicro pugnae, funestum prope*
proelium fecisti: neo me aliud a morte vindicavit, quam
quod me ac meos vinci passus sum. Ab hostili proelio,
tamquam fraterno lusu, pertrahere me ad coenam volu-
isti. Credis, me, pater, inter inermes convivas coena-
turum fuisse, ad quem armati comissatum venerunt?
credis nihil a gladiis nocte periculi mihi fuisseⁿ), quem
sudibus, te inspectante, prope occiderunt? Quid hoc
noctis, quid inimicus ad iratum, quid cum ferro sub-
cinctis iuvenibus venis? Convivam me tibi committere
ausus non sum; comissatorem te cum armatis venien-
tem recipiam? Si aperta ianua fuisset, funus meum pa-
reres hoc tempore, pater, quo querentem audis. Nihil
ego, tamquam accusator, criminose nec dubia argumen-
tis colligendo ago. Quid enim? negat se cum multitu-
dine venisse ad ianuam meam? an ferro subcinctos se-
cum fuisse? Quos nominavero, arcesse. possunt quidem
omnia audere, qui hoc ausi sunt; non tamen audebunt
negare. Si deprehensos intra limen meum cum ferro ad
te deducerem, rem^o) pro manifesto haberes; fatentes pro
deprehensis habe.

X. *Exsecrare nunc cupiditatem regni, et furias*
fraternas concita. sed, ne sint caecae, pater, execratio-
nes tuae, discerne et dispice insidiatorem et petutum insi-
dijs. noxium incesse caput^p). Qui occisurus fratrem
fuit, habeat etiam iratos paternos Deos: qui periturus
fraterno scelere fuit, perfugium in patris misericordia
et iustitia habeat. Quo enim alio confugiam, cui non
sollemne lustrala exercitus tui, non decursus militum,
non domus, non epulae, non nox, ad quietem data na-
turae beneficio mortalibus, tuta est? Si iero ad fratrem
invitatus, moriendum est: si recepero intra ianuam
comissatum fratrem, moriendum est. nec eundo, nec

m) *hesterna* Gron. Crev. c. Drak.

n) *periculum fuisse*, omisso
mihi, Eaed. c. Drak.

o) *rem* del. Eaed. c. Drak.

p) *noxium huic esse caput* Eaed.
 c. Drak. In Gron. *perperam*
ante noxium asterisci, la-
cunae signa, sunt positi.

*manendo insidias evito. quo me conferam? Nihil prae- U. c. 570.
ter Deos, pater, et te colui. non Romanos habeo, ad^a. C. 182.
quos confugiam. perisse expetunt, quia tuis iniuriis do-
leo, quia tibi ademptas^q) tot urbes, tot gentes, modo
Thraciae maritimam oram, indignor. nec me, nec te in-
columi, Macedoniam suam futuram sperant. Si me
scelus fratris, te senectus, absumserit, aut ne ea quidem
expectata fuerit, regem regnumque Macedoniae sua fu-
tura sciunt. Si quid extra Macedoniam tibi Romani re-
liquissent, mihi quoque id relictum crederem receptaculum.
At in Macedonibus satis praesidii est. Vidisti hesterno
die inpetum in me militum. Quid illis defuit, nisi fer-
rum? Quod illis defuit interdum, convivae fratris noctu
sumserunt^r). Quid de magna parte principum loquar,
qui in Romanis spem omnem dignitatis et fortunae po-
suerunt, et in eo, qui omnia apud Romanos potest? ne-
que, hercule, istum mihi tantum fratri maiori, sed pro-
pe est, ut tibi quoque ipsi, regi et patri, praeferant.
Iste enim est, cuius beneficio poenam tibi senatus remi-
sit, qui nunc te ab armis Romanis protegit, qui tuam
senectutem obligatam et obnoxiam adolescentiae suae es-
se aequum censet. Pro isto Romani stant, pro isto om-
nes urbes tuo imperia liberatae, pro isto Macedones, qui
pace Romana gaudent, mihi praeter te, pater, quid
usquam aut spei, aut praesidii est?*

XI. Quo spectare illas literas ad te nuno missas
T. Quinctii credis, quibus, et bene te consuluisse re-
bus tuis, ait, quod Demetrium Romam miseris, et hor-
tatur, ut iterum, et cum pluribus legatis et primoribus^a)
Macedonum, remittas eum? T. Quinctius nunc est au-
ctor omnium rerum isti et magister. Eum sibi, te abdi-
cato patre, in locum tuum substituit. illic ante omnia
clandestina concocta sunt consilia. Quaeruntur adiutores
consiliis, quum te plures, et principes Macedonum, cum
isto mittere iubet. Qui hinc integri et sinceri Romam

^q) qui tibi ademptas Gron. quia x) assumpserunt Gron. Grev.
ademptas, omisso tibi, Drak. s) add. quoque Eaed.

U. c. 570. eunt, Philippum regem se habere credentes, imbuti illinc
 a. C. 182. et infecti Romanis delenimentis redeunt. Demetrius iis
 unus omnia est. eum iam regem, vivo patre, adpellant.
 Haec si indignor, audiendum est statim, non ab aliis so-
 lum, sed etiam a te, pater, cupiditatis regni crimen.
 Ego vero, si in medio ponitur, non agnosco. quem enim
 suo loco moveo, ut ipse in eius locum succedam? Unus
 ante me pater est: et, ut diu sit, Deos rogo. Superstes
 (et ita sim, si merebor, ut ipse me esse velit) haeredita-
 tem regni, si pater tradet, accipiam. Cupit regnum, et
 quidem scelerate cupit, qui transcendere festinat ordi-
 nem aetatis, naturae, moris Macedonum, iuris gentium.
 Obstat frater maior, ad quem iure, voluntate etiam pa-
 tris, regnum pertinet. Tollatur: non primus regnum
 fraterna caede petiero. Pater senex, et filio solus orba-
 tus, de se magis timebit, quam ut filii necem ulciscatur.
 Romani laetabuntur, probabunt, defendent factum. Hae
 spes incertae, pater, sed non inanes sunt. ita enim se
 res habet: periculum vitae propellere a me potes, pu-
 niendo eos, qui ad me interficiendum ferrum sumserunt:
 si facinori eorum successerit, mortem meam idem tu per-
 sequi non poteris.

XII. Postquam dicendi finem Perseus fecit, con-
 iecti eorum, qui aderant, oculi in Demetrium sunt,
 velut confestim responsurus esset. deinde diu fuit silen-
 tium, quum^{t)} perfusum fletu adpareret omnibus loqui
 non posse. Tandem^{u)} vicit dolorem ipsa necessitas,
 quum dicere iuberent, atque^{x)} ita orsus est: Omnia,
 quae reorum antea fuerant auxilia, pater, praeoccupavit
 accusator. Simulatis lacrimis in alterius perniciem ve-
 ras meas lacrimas suspectas tibi fecit. quum ipse, ex
 quo ab Roma redii, per oeculta cum suis conloquia dies
 noctesque insidietur; ultro mihi non^{y)} insidiatoris mo-
 do, sed latronis manifesti et percussoris, speciem induit.

t) silentium fuit. Quum Gron.
 silentium fuit, quum Grev.

u) posse; tandem Gron.

x) iuberent, atque Gron. iube-
 retur, atque Grev.

y) insidietur ultro mihi; non
 Gron.

Periculo suo te exterret, ut innoxio fratri per eundem te U. c. 570.
maturet perniciem. perfugium sibi nusquam gentium esse a. C. 182.
ait, ut ego ne apud te quidem quidquam spei reliquae habe-
am. Circumventum, solum, inopem, invidia gratiae exter-
nae, quae obest potius, quam prodest, onerat. Iam illud
quam accusatorie, quod noctis huius crimen miscuit cum,
cetera insectatione vitae meae? ut et hoc, quod iam,
quale sit, scies, suspectum alio vitae nostrae tenore fa-
ceret: et illam vanam criminationem spei, voluntatis,
consiliorum meorum nocturno hoc ficto et composito ar-
gumento fulciret. Simul et illud quaesivit, ut repentina
et minime praeparata accusatio videretur, quippe ex
noctis huius metu et tumultu repentino exorta. Oportuit
autem, Perseu, si proditor ego patris regnique eram, si
cum Romanis, si cum aliis inimicis patris inieram con-
silia, non expectatam fabulam noctis huius esse, sed
proditionis meae ante me accusatum: si illa separata ab
hac vana accusatio erat, invidiamque tuam adversus me
magis, quam crimen meum indicatura, hodie quoque
eam aut praetermitti, aut in aliud tempus differri: ut
perspiceretur, utrum ego tibi, an tu mihi, novo quidem
et singulari genere odii, insidias fecisses. Ego tamen,
quantum in hac subita perturbatione potero, separabo ea,
quae tu confudisti: et noctis huius insidias, aut tuas,
aut meas, detegam. Occidendi sui consilium me inisse,
videri vult: ut scilicet, maiore fratre sublato, cuius iure
gentium, more Macedonum, tuo etiam, ut ait, iudicio
regnum est futurum, ego minor in eius, quem occidis-
sem, succederem locum. Quid ergo illa sibi vult pars
altera orationis, qua Romanos a me cultos ait, atque eo-
rum fiducia in spem regni me venisse? nam si et in
Romanis tantum momenti esse credebam, ut, quem vel-
lent, inponerent Macedoniae regem, et meae tantum
apud eos gratiae confidebam, quid opus parricidio fuit?
An, ut cruentum fraterna caede diadema gererem? ut
illis ipsis, apud quos aut vera, aut certe simulata, pro-
bitate partam gratiam habeo, si quam forte habeo, ex-

U. c. 570. *secreabilis et invisus essem? nisi T. Quinctium credis, cu-*
 a. C. 182. *ius virtute et consiliis me nunc arguis regi, quum et ip-*
se tali pietate vivat cum fratre, mihi fraternae caedis
fuisse auctorem. Idem non Romanorum solum gratiam,
sed Macedonum iudicia, ac pene omnium Deorum ho-
minumque consensum conlegit, per quae omnia se mihi
parem in certamine non futurum crediderit. idem, tam-
quam in aliis omnibus rebus inferior essem, ad sceleris
spem ultimam confugisse me insimulat. Vis hanc for-
mulam cognitionis esse, ut, uter timuerit, ne alter
dignior videretur regno, is consilium obprimendi fratris
cepisse iudicetur?

XIII. *Exsequamur tamen quocumque modo conficti*
ordinem criminis. Pluribus modis se petitem crimina-
tus est, et omnes insidiarum vias in unum diem contu-
lit. Volui interdum eum post lustrationem, quum con-
currimus, et quidem, si Diis placet, lustrationum die
occidere: volui quum ad coenam invitavi, veneno sci-
licet tollere: volui, quum comissatum gladiis adincti
me secuti sunt, ferro interficere. Tempora quidem qua-
lia sint ad parricidium electa, vides: lusus, convivii,
comissationis. Quid? dies qualis²⁾? quo lustratus
exercitus, quo inter divisam victimam, praelatis omnium,
qui umquam fuere, Macedoniae regum armis regis, duo
soli tua tegentes latera, pater, praevecti sumus, et se-
cutum est Macedonum agmen. Hoc ego, etiam si quid
antea^{a)} admissem piaculo dignum, lustratus et expia-
tus sacro, tum quum maxime in hostiam itineri nostro
circumdatam intuens, parricidium venena, gladios, in
comissationem praeparatos, volutabam in animo: ut
quibus aliis deinde sacris contaminatam omni scelere
mentem expiarem? Sed caecus criminandi cupiditate
animus, dum omnia suspecta efficere vult, aliud alio
confundit. nam, si veneno te inter coenam tollere volui,
quid minus aptum fuit, quam pertinaci certamine et
concurſu iratum te efficere, ut merito, sicut fecisti, in-
 2) quis dies? qualis? Gron. a) ante Gron. Crev. c. Drak.

vitatus ad coenam abnueres? Quum autem iratus ne- U. c. 570.
gasses, utrum, ut placarem te, danda opera fuit, ut a. C. 182.
aliam quaererem occasionem, quoniam semel vene-
num paraveram? an ab illo consilio velut transiliendum
ad aliud fuit, ut ferro te, et quidem eo die, per spe-
ciem commissationis, occiderem? Quo deinde modo, si te
metu mortis credebam coenam evitasse meam, non ab
eodem metu commissationem quoque evitaturum existima-
bam?

XIV. *Non est res, qua erubescam, pater, si die*
festo inter aequales largiore vino sum usus, tu quoque,
velim, inquiras, qua laetitia, quo lusu apud me cele-
bratum hesternum convivium sit, illo etiam (pravo forsi-
tan) gaudio provehente, quod in iuvenali^{b)} armorum
certamine pars nostra non inferior fuerat. miseria haec
et metus crapulam facile excusserunt; quae si non in-
tervenissent, insidiatores nos sopiti iaceremus. Si do-
num tuam expugnaturus, capta domo, dominum inter-
fecturus eram, non temperassem vino in unum diem?
non milites abstinuissem meos? Et, ne ego me solus
nimia simplicitate tuear, ipse quoque minime malus ac
suspicax frater, Nihil aliud scio, inquit, nihil arguo,
nisi quod cum ferro commissatum venerunt. Si quae-
ram, unde id ipsum scieris? necesse erit te fateri, aut
speculatorum tuorum plenam domum fuisse meam, aut
illos ita aperte sumsisse ferrum, ut omnes viderent. et,
ne quid ipse aut prius inquisisse, aut nunc criminose
argumentari videretur, te quaerere ex iis, quos nomi-
nasset, iubebat, an ferrum habuissent? ut, tamquam
in re dubia, quum id quaesisses, quod ipsi fatentur,
pro convictis haberentur. Quin tu illud quaeri iubes,
num tui occidendi causa ferrum sumserint? num me
auctore et sciente? Hoc enim videri vis, non illud,
quod fatentur, et palam est. Et^{c)} sui se tuendi causa
sumsisse dicunt. Recte, an perperam fecerint, ipsi sui
facti rationem reddent. Meam caussam, quae nihil

b) iuvenili Gron. Crev.

c) est, et Eaed. c. Drak.

U. c. 570. *eo facto contingitur, ne miscueris: aut explica, utrum*
 a. C. 182. *aperte, an clam te adgressuri fuerimus. Si aperte, cur non omnes ferrum habuimus? cur nemo praeter eos, qui tuum speculatorem pulsarunt? si clam, quis ordo consilii fuit? Convivio soluto, quum comissator ego discessissem, quatuor substitissent, ut sopitum te adgrederentur? quomodo fefellissent, et alieni, et mei, et maxime suspecti, quia paullo ante in rixa fuerant? quomodo autem, trucidato te, ipsi evasurifuerint? quatuor gladiis domus tua capi et expugnari potuit?*

XV. *Quin tu, om issa ista nocturna fabula, ad id, quod doles, quod invidiam urit, reverteris? Cur usquam regni tui mentio fit, Demetri? cur dignior patris fortunae successor quibusdam videris, quam ego? cur spem meam, quae, si tu non esses, certa erat, dubiam et sollicitam facis? Haec sentit Perseus, etsi non dicit: haec istum inimicum, haec accusatorem faciunt: haec domum, haec regnum tuum criminibus et suspicionibus replent. Ego autem, pater, quemadmodum nec nunc sperare regnum, nec ambigere umquam de eo forsitan debeam, quia minor sum, quia tu me maiori cedere vis; sic illud nec debui facere, nec debeo, ut indignus te patre, indignus omnibus videar. id enim vitiis meis, non cedendo, cui ius fasque est, non modestia, consequar. Romanos obiticiis mihi, et ea, quae gloriae esse debent, in crimen vertis. Ego, nec obses Romanis ut traderer, nec ut legatus mitterer Romam, petii. a te missus ire non recusavi. utroque tempore ita me gessi, ne tibi pudori, ne regno tuo, ne genti Macedonum essem. Itaque mihi cum Romanis amicitiae causa tu fuisti, pater. Quoad tecum illis pax manebit, mecum quoque gratia erit: si bellum esse coeperit, qui obses, qui legatus pro patre non inutilis fui, idem hostis illis acerrimus ero. Nec hodie, ut prosit mihi gratia Romanorum, postulo; ne obsit, tantum deprecor. nec in bello coepit, nec ad bellum reservatur. Pacis pignus fui, ad pacem retinendam legatus missus sum, neutra*

res mihi nec gloriae, nec crimini sit. Ego, si quidin- U. o. 570.
a. C. 182.
pie in te, pater, si quid scelerate in fratrem admisi,
nullam deprecor poenam, si innocens sum, ne invidia
conflagrem, quum crimine non possim, deprecor. Non
hodie me primum frater accusat: sed hodie primum
aperte, nullo meo in se merito. Si mihi pater succen-
seret, te maiorem fratrem pro minore deprecari oportebat,
te adolescentiae, te errori veniam impetrare. in eo,
ubi praesidium esse oportebat, ibi exitium est. E con-
vivio et comissione^{d)} prope semisomnus raptus sum
ad caussam parricidii dicendam. sine advocatis, sine
patronis, ipse pro me dicere cogor. Si pro alio dicen-
dum esset, tempus ad meditandum^{e)} et componendam
orationem sumssem, quum quid aliud, quam ingenii
fama, periclitarer? Ignarus, quid arcessitus essem,
te iratum et iubentem dicere caussam, fratrem accusan-
tem audiui. Ille diu ante praeparata, meditata in me
oratione est usus; ego id tantum temporis, quo accu-
satus sum, ad cognoscendum, quid ageretur, habui.
Utrum momento illo horae accusatorem audirem? an
defensionem meditarer? Adtonitus repentino atque ino-
pinato malo, vix, quid obiiceretur, intelligere potui:
nedum satis sciam, quo modo me tuear. Quid mihi
spei esset, nisi patrem iudicem haberem? apud quem
etiamsi caritate a fratre maiore vincor, misericordia
certe reus vinci non debeo. Ego enim, ut me mihi ti-
bique serves, precor: ille, ut me in securitatem suam
occidas, postulat. Quid eum, quum regnum ei tradi-
deris, facturum credis in me^{f)} esse, qui iam nunc san-
guine meo sibi indulgeri aequum censet?

XVI. Dicenti haec lacrimae simul spiritum et vo-
cem intercluserunt. Philippus, submotis iis, paul-
lisper conlocutus cum amicis, pronunciavit: Non
verbis se, nec unius horae disceptatione, caussam eo-
rum diiudicaturum, sed inquirendo in utriusque vitam,

d) comissionibus Gron. c. Drak. f) in me del. Eaed.

e) meditandam Gron. Crev.

U. c. 570. mores; et dicta factaque in magnis parvisque rebus ob-
 a. C. 182. servando: ut omnibus adpareret, noctis proximae
 crimen facile revictum; suspectam nimiam cum Ro-
 manis Demetrii gratiam esse. Haec, vivo Philippo,
 velut femina iacta sunt Macedonici belli, quod ma-
 xime cum Perseo gerendum erat. Consules ambo in
 Ligures, quae tum una consularis provincia erat,
 proficiscuntur. et, quia prospere ibi res gesserunt,
 supplicatio in unum diem decreta est. Ligurum duo
 millia fere ad extremum finem provinciae Galliae,
 ubi castra Marcellus habebat, venerunt, uti recipe-
 rentur, orantes. Marcellus, opperiri eodem loco
 Liguribus iussis, senatum per literas consuluit. Se-
 natus rescribere M. Ogulnium praetorem Marcello
 iussit: *Verius fuisse, consules, quorum provincia esset,*
quam se, quid e republica esset, decernere; tum quo-
que non placere, si per deditionem Ligures recipiat, re-
ceptis^{g)} arma adimi: atque, eos ad consules^{h)} mitti, se-
natum aequum censere. Praetores eodem tempore, P.
 Manlius in ulteriorem Hispaniam, quam et priore
 praetura provinciam obtinuerat; Q. Fulvius Flaccus
 in citeriorem pervenit, exercitumque a Terentio ac-
 cepit. nam ulterior morte P. Sempronii proconsulisⁱ⁾
 sine imperio fuerat. Fulvium Flaccum oppidum His-
 panum, Urbicuam nomine, obpugnantem Celtiberi
 adorti sunt. Dura ibi proelia aliquot facta: multi
 Romani milites et vulnerati, et interfecti sunt. victi
 perseverantia Fulvii^{k)}, quod nulla vi abstrahi ab ob-
 sidione potuit, Celtiberi, fessi proeliis variis absces-
 serunt. urbs, amoto auxilio eorum, intra paucos dies
 capta et direpta est: praedam militibus praetor con-
 cessit. Fulvius, hoc oppido capto, P. Manlius, exer-
 citu tantum in unum coacto, qui dissipatus fuerat,

g) placere sibi, per deditionem h) consulem Gron. Crev. c.
 Ligures recipi, et receptis etc. Drak.

Gron. Crev. placere, si per i) propraetoris Gron. Crev.
 deditionem Ligures recipiet, k) vicit perseverantia Fulvius
 receptis etc. Drak. Eaed.

nulla alia memorabili gesta re, exercitus in hiberna U. c. 570.
deduxerunt. Haec ea aestate in Hispania gesta. Te-a. C. 182.
rentius, qui ex ea provincia decesserat, ovans urbem
iniit. translatum, argenti pondo novem millia trecen-
ta viginti: auri octoginta pondo, et duae coronae
aureae pondo sexaginta septem.

XVII. Eodem anno inter populum Karthaginiensem
et regem Masinissam in re praesenti disceptatores Ro-
mani de agro fuerunt. ceperat eum ab Karthaginiensi-
bus, pater Masinissae, Gala: Galam Syphax inde ex-
pulerat: postea, in gratiam soceri Hasdrubalis, Kar-
thaginiensibus dono dederat. Karthaginienses eo anno
Masinissa expulerat. Haud minore certamine animo-
rum, quam quum ferro et acie dimicarunt, res acta
apud Romanos. Karthaginienses, quod primo maio-
rum suorum fuisset, deinde ab Syphace ad se perve-
nisset, repetebant. Masinissa, *paterni regni agrum
se et recepisse, et habere iure gentium, aiebat, et caussa,
et possessione superiorem esse. nihil aliud se in ea discep-
tatione metuere, quam ne pudor Romanorum, dum ve-
reantur, ne quid socio atque amico regi adversus com-
munes suos atque illius hostes indulsisse videantur, dam-
no sit.* Legati possessionis ius non mutarunt. causam
integram Romam ad senatum reiecerunt. In Liguri-
bus nihil postea gestum. recesserant primum in de-
vios saltus: deinde, dimisso exercitu, passim in vi-
cos castellaque sua dilapsi sunt. Consules quoque di-
mittere exercitum voluerunt, ac de ea re Patres con-
suluerunt. Alterum ex his, dimisso exercitu, ad
magistratus in annum creandos venire Romam iusse-
runt: alterum cum legionibus suis Pisis hiemare.
Fama erat, Gallos Transalpinos iuventutem armare:
nec, in quam regionem Italiae effusura se multitudo
esset, sciebatur. ita inter se consules compararunt, ut
Cn. Baebius ad comitia iret, quia M. Baebius frater
eius consulatum petebat.

U. c. 571.

a. C. 181.

XVIII. Comitia consulibus rogandis fuere. creati

P. Cornelius Cethegus, M. Baebius Tamphilus. Praetores inde facti, duo Q. Fabii, Maximus et Buteo, Ti.¹⁾ Claudius Nero, Q. Petillius Spurius, M. Pinarius Posca, L. Duronius. His, inito magistratu, provinciae ita sorte evenerunt. Ligures consulibus; praetoribus, Q. Petillio urbana, Q. Fabio Maximo peregrina, Q. Fabio Buteoni Gallia, Ti. Claudio Neroni Sicilia, M. Pinario Sardinia, L. Duronio Apulia; et Istri adiecti, quod Tarentini Brundisinique nuntiabant, maritimos agros infestos transmarinarum navium latrociniis esse. eadem Massilienses de Ligurum navibus querebantur. Exercitus inde decreti: quatuor legiones consulibus, (quina millia ducenos Romanos pedites, trecenos haberent equites) et quindecim^{m)} millia socium ac Latini nominis, octingentiⁿ⁾ equites. In Hispaniis prorogatum veteribus praetoribus imperium est cum exercitibus, quos haberent. et in supplementum decreta tria millia civium Romanorum, ducenti equites: et socium Latini nominis sex millia peditum, trecenti equites. Nec rei navalis cura omissa. duumviros in eam rem consules creari iussi, per quos naves viginti deductae navalibus sociis civibus Romanis, qui servitutem servissent, complerentur; ingenui tantum ut iis praeessent. Inter duumviros ita divisa tuenda denis navibus maritima ora, ut promontorium iis Minervae, velut cardo, in medio esset: alter^{o)} dextram partem usque ad Massiliam, laevam alter usque ad Barium tueretur.

XIX. Prodigia multa foeda et Romae eo anno visa, et nuntiata peregre. In area Vulcani et Concordiae sanguinem pluit; et pontifices hastas motas nunciavere, et Lanuvii simulacrum Iunonis Sospitae lacrimasse. et pestilentia in agris, forisque, et concii-

1) C. Gron. Crev.

n) octingentos Eaed.

m) equites, et quindecim, signis
parentheseos omissis, Eaed.

o) add. in Eaed. c. Drak.

liabulis ,et in urbe tanta erat, ut Libitina tunc vix sub- U. c. 571.
 ficeret. His prodigiis cladibusque anxii Patres de- a. C. 181.
 creverunt, ut et consules, quibus Diis videretur, ho-
 stiis maioribus sacrificarent, et decemviri libros adi-
 rent. Eorum decreto supplicatio circa omnia pulvi-
 naria Romae in diem unum indicta est. iisdem aucto-
 ribus et senatus censuit, et consules edixerunt, ut
 per totam Italiam triduum supplicatio et feriae essent.
 Pestilentiae tanta vis erat, ut, quum propter defectio-
 nem Corsorum, bellumque ab Iliensibus concitatum
 in Sardinia, octo millia peditum ex sociis Latini no-
 minis scribi placuisset, et trecentos equites, quos M.
 Pinarius praetor secum in Sardiniam traiceret, tan-
 tum hominum demortuum esse, tantum ubique aegro-
 rum consules renunciaverint, ut is numerus effici
 militum non potuerit. quod deerat militum, sumere
 a Cn. Baebio proconsule, qui Pisis hibernabat, ius-
 sus praetor, atque inde in Sardiniam traicere. L.
 Duronio praetori, cui provincia Apulia evenerat, ad-
 iecta de Bacchanalibus quaestio est: cuius residua
 quaedam velut semina ex prioribus malis iam priore
 anno adparuerant: sed magis inchoatae apud L. Pu-
 pium praetorem quaestiones erant, quam ad exitum
 ullum perductae. id persecare novum praetorem, ne
 serperet iterum latius, Patres iusserunt. Et leges de
 ambitu consules ex auctoritate senatus ad populum
 tulerunt.

XX. Legationes deinde in senatum introduxerunt.
 Regum priinas, Eumenis, et Ariarathis Cappadocis,
 et Pharnacis Pontici. nec ultra quidquam eis respon-
 sum est, quam missuros, qui de controversiis eorum
 cognoscerent, statuerentque. Lacedaemoniorum dein-
 de exsulum et Achaeorum legati introducti sunt. et
 spes data exsulis est, scripturum senatum Achaeis,
 ut restituerentur. Achaei de Messene recepta, com-
 positisque ibi rebus, cum adsensu Patrum exposue-
 runt. Et a Philippo rege Macedonum duo legati ve-

U. c. 571. nerunt, Philocles et Apelles, nulla super re, quae
 a. C. 181. ab senatu petenda esset: speculatum magis inquisi-
 tumque missi de iis, quorum Perseus Demetrium in-
 simulasset sermonum cum Romanis, maxime cum T.
 Quinctio, adversus fratrem de regno habitorum. Hos,
 tamquam medios, nec in alterius favorem inclinatos,
 miserat rex. erant autem et hi Persei fraudis in fra-
 trem ministri et participes. Demetrius, omnium,
 praeterquam fraterni sceleris, quod nuper eruperat,
 ignarus, primo neque magnam, neque nullam spem
 habebat, patrem sibi placari posse. minus deinde in
 dies patris animo fidebat, quum obsideri aures a fra-
 tre cerneret. Itaque, circumspiciens dicta factaque
 sua, ne cuius suspiciones auget, maxime ab omni
 mentione et contagione Romanorum abstinebat; ut
 neque scribi sibi vellet, quia hoc praecipue criminum
 genere exasperari animum sentiebat.

XXI. Philippus, simul ne otio miles deterior
 fieret, simul avertendae suspicionis causa quidquam a
 se agitari de Romano bello, Stobos Paeoniae exercitu
 indicto, in Maedicam ducere pergit. Cupido eum
 ceperat in verticem Haemi ^{p)} montis adscendendi,
 quia vulgatae opinioni crediderat, Ponticum simul et
 Hadriaticum mare, et Histrum ^{q)} annem, et Alpes
 conspici posse: subiecta oculis ea haud parvi sibi mo-
 menti futura ad cogitationem Romani belli. Percun-
 ctatus regionis peritos de adscensu Haemi, quum satis
 inter omnes constaret, viam exercitui nullam esse, pau-
 cis et expeditis perdifficillimum ^{r)} aditum, ut sermo-
 ne familiari minorem filium permulceret, quem sta-
 tuerat non ducere secum, primum quaerit ab eo,
*Quum tanta difficultas itineris proponatur, utrum per-
 severandum sit in incepto, an abstinendum? Si pergat
 tamen ire, non posse oblivisci se in talibus rebus Anti-
 goni: qui, saeva tempestate iactatus, quum in eadem*

p) Aemi Gron.

r) per difficillimum Eaed.

q) Istrum Gron. Crev.

nave secum suos omnes habuisset, praecepisse liberis dicere-^{U. c. 571.} tur, ut et ipsi meminissent, et ita posteris proderent,^{a. C. 181.} ne quis cum tota gente simul in rebus dubiis periclitari auderet. Memorem ergo se praecepti eius, duos simul filios non commissurum in aleam eius, qui proponeretur, casus; et, quoniam maiorem filium secum duceret, minorem ad subsidia spei et custodiam regni remissurum in Macedoniam esse. Non fallebat Demetrium, ablegari se, ne adesset consilio, quum in conspectu locorum consultaret, quae^s) proxime itinera ad mare Adriaticum atque Italiam ducerent, quaeque belli ratio esset futura. sed non solum parendum patri tum, sed etiam adsentiendum erat, ne invitum parere suspicionem faceret. Ut tamen iter ei tutum in Macedoniam esset, Didas, ex praetoribus regis unus, qui Paeoniae praeerat, iussus est prosequi eum cum modico praesidio. Hunc quoque Perseus, sicut plerosque patris amicorum, ex quo haud dubium cuiquam esse coeperat, ad quem, ita inclinato regis animo, haereditas regni pertineret, inter coniuratos in fratris perniciem habuit. in praesentia dat ei mandata, ut per omne obsequium insinuaret se in quam maxime familiarem usum, ut elicere omnia arcana, specularique abditos eius sensus posset^t). Ita digreditur Demetrius cum infestioribus, quam si solus iret, praesidiis.

XXII. Philippus, Maedicam primum, deinde solitudines interiacentes Maedicae atque Haemo transgressus, septimis demum castris ad radices montis pervenit. ibi unum moratus diem ad deligendos, quos duceret secum, tertio die iter est ingressus. Modicus primo labor in imis collibus fuit. quantum in altitudinem egrediebantur, magis magisque silvestria et pleaque invia loca excipiebant. Pervenere deinde in tam^u) opacum iter, ut, prae densitate arborum inmissorumque aliorum in alios ramorum, perspici coelum

s) quae Gron. Crev.

u) tam del. Gron.

t) possit Eaed.

U. c. 571. vix posset: ut vero iugis adpropinquabant, quod ra-
 a. C. 181. rum in aliis locis esset, adeo omnia contexta nebula,
 ut haud secus quam nocturno itinere inpedirentur.
 tertio demum die ad verticem perventum. Nihil vul-
 gatae opinioni, degressi inde, detraxerunt: magis, cre-
 do, ne vanitas itineris ludibrio esset, quam quod diversa
 inter se maria, montesque, et amnes, ex uno loco
 conspici potuerint. Vexati omnes, et ante alios rex
 ipse, quo gravior aetate erat, difficultate viae est.
 Duabus aris ibi Iovi et Soli sacratis quum inmolasset,
 qua triduo adscenderat, biduo est degressus, frigora
 nocturna maxime metuens, quae caniculae ortu simi-
 lia brumalibus erant. multis per eos dies difficultati-
 bus conflictatus, nihilo laetiora in castris invenit: ubi
 summa penuria erat, ut in regione, quam ab omni
 parte solitudines clauderent. Itaque unum tantum
 moratus diem, quietis eorum causa, quos habuerat
 secum, itinere inde simili fugae in Dentheletos^x)
 transcurrit. Socii erant: sed propter inopiam haud
 secus quam hostium fines Macedones populati sunt.
 rapiendo enim passim villas primum, dein quosdam
 vicos etiam evastarunt, non sine magno pudore regis,
 quum sociorum voces, nequidquam Deos sociales no-
 menque suum implorantes, audiret. Frumento inde
 sublato, in Maedicam regressus urbem, quam Petram
 adpellant, obpugnare est adortus. ipse a campestri
 aditu castra posuit. Perseum filium cum modica ma-
 nu circummisit, ut a superioribus locis urbem adgre-
 deretur. Oppidani, quum terror undique instaret,
 obsidibus datis, in praesentia dediderunt sese. iidem,
 postquam exercitus recessit, obliti obsidum, relicta
 urbe, in loca munita et montes refugerunt. Philip-
 pus, omni genere laboris sine ullo effectu fatigatis
 militibus, et fraude praetoris Didae auctis in filium sus-
 picionibus, in Macedoniam rediit.

XXIII. Missus hic comes, (ut ante dictum est)

x) *Dentheletas* Gron. *Dantheletas* Crev.

quum simplicitatem iuvenis incauti, et suis haud in-
 merito succensentis, adsentando indignandoque et ip-
 se vicem eius, captaret, in omnia ultro suam obferens
 operam, fide data, arcanam eius elicuit. Fugam ad
 Romanos Demetrius meditabatur. cui consilio adiutor
 Deum beneficio oblatus videbatur Paeoniae praetor,
 per cuius provinciam spem ceperat elabi tuto posse.
 Hoc consilium extemplo et fratri proditur, et, auctore eo,
 indicatur patri. Literae primum ad obsidentem Petram
 adlatæ sunt. inde Herodorus^{y)} (princeps hic amico-
 rum Demetrii erat) in custodiam est coniectus, et De-
 metrius dissimulanter adservari iussus. Haec super
 cetera tristem adventum in Macedoniam regi fecerunt.
 movebant eum et praesentia crimina: expectandos
 tamen, quos ad exploranda omnia Romanis miserat,
 censebat. His anxius curis quum aliquot menses egisset,
 tandem legati, iam ante praemeditatis in Macedonia,
 quæ ab Roma renunciarent, venerunt, qui, super ce-
 tera scelera, falsas etiam literas, signo adulterino T.
 Quinctii signatas, reddiderunt regi. Deprecatio erat
 in literis, si quid adolescens, cupiditate regni prolap-
 sus, secum egisset. *nihil^{z)} eum adversus suorum quem-*
quam facturum: neque eum sese esse, qui ullius inpii
consilii auctor futurus videri possit. Hæc literæ fidem
 Persei criminibus fecerunt. Itaque Herodorus, ex-
 templa diu excruciatum, sine indicio rei ullius in tor-
 mentis moritur.

XXIV. Demetrium iterum ad patrem accusavit
 Perseus. fuga per Paeoniam praeparata arguebatur, et
 corrupti quidam, ut comites itineris essent; maxime
 falsæ literæ T. Quinctii urgebant. nihil tamen palam
 gravius pronunciatum de eo est, ut dolo potius inter-
 ficeretur: nec id cura ipsius, sed ne poena eius con-
 silia adversus Romanos nudaret. Ab Thessalonice^{a)}

y) Herodotus Gron.

z) in literis: Si quid adolescens

cupiditate regni prolapsus se-
 cum egisset, nihil etc. Gron.

a) Thessalonica Gron. Grev.

U. c. 571. Demetriadem ipsi quum iter esset, Astraeum^{b)} Paeoniae Demetrium mittit cum eodem comite Dida, Perseum Amphipolim^{c)}, ad obsides Thracum accipientes. digredienti ab se Didae mandata dedisse dicitur de filio occidendo. Sacrificium ab Dida seu institutum, seu simulatum est. ad quod celebrandum invitatus Demetrius ab Astraeo Heracleam venit. in ea coena dicitur venenum datum. Poculo epoto, extemplo sensit. et mox coortis doloribus, relicto convivio, quum in cubiculum recepisset sese, crudelitatem patris conquerens, parricidium fratris, ac Didae scelus incusans, torquebatur. intromissi deinde Thyrsis quidam Stuberaeus et Beroeaeus Alexander, iniectis tapetibus in caput faucesque, spiritum intercluserunt. Ita innoxius adolescens, quum in eo ne simplici quidem genere mortis contenti inimici fuissent, interficitur.

XXV. Dum haec in Macedonia geruntur, L. Aemilius Paullus, prorogato ex consulatu imperio, principio veris in Ligures Ingaunos exercitum introduxit. Ubi primum in hostium finibus castra posuit, legati ad eum, per speciem pacis petendae, speculatum venerunt. negante Paulo, nisi cum deditis pacisci se pacem, non tam id recusabant, quam tempore opus esse aiebant, ut generi agresti hominum persuaderetur. ad hoc decem dierum induciae quum darentur, petierunt deinde, *ne trans montes proximos castris pabulatum lignatumque militès irent. culta ea loca suorum finium esse.* Id ubi inpetravere, post eos ipsos montes, unde averterant hostem, exercitu omni coacto, repente multitudine ingenti castra Romanorum obpugnare simul omnibus portis adgressi sunt. Summa vi totum^{d)} diem obpugnarunt, ita ut ne efferendi quidem signa Romanis spatium, nec ad explicandam aciem locus esset. Conferti in portis, obstan-

b) Asterium Gron. Astracum c) Amphipolim Gron. Crev.
Crev. d) add. unum Eaed.

do magis, quam pugnando, castra tutabantur. Sub ^{U. c. 571.} ^{a. C. 181.} occasum solis quum recessissent hostes, duos equites ad Cn. Baebium proconsulem cum literis Pisas mittit, ut obsesso sibi per^{inducias} quam primum subsidio veniret. Baebius exercitum M. Pinario praetori, eunti in Sardiniam, tradiderat. ceterum et senatum literis certiore fecit, obsideri a Liguribus L. Aemilium, et M. Claudio Marcello, cuius proxima inde provincia erat, scripsit, ut, si videretur ei, exercitum ex Gallia traduceret in Ligures, et L. Aemilium liberaret obsidione. Haec sera futura auxilia erant. Ligures postero die ad castra redeunt. Aemilius, quum et venturos scisset, et educere in aciem potuisset, intra vallum suos tenuit, ut extraheret rem in id tempus, quo Baebius cum exercitu venire a Pisis posset.

XXVI. Romae magnam trepidationem literae Baebii fecerunt: eo maiorem, quod paucos post dies Marcellus, tradito exercitu Fabio, Romam quum venisset, spem ademit, eum, qui in Gallia esset, exercitum in Ligures traduci posse, quia bellum cum Istris esset, prohibentibus coloniam Aquileiam deduci. eo profectum Fabium, neque inde regredi, bello inchoato, posse. Una, et ea ipsa tardior, quam tempus postulabat, subsidii spes erat, si consules maturassent in provinciam ire. id ut facerent, pro se quisque Patrum vociferari. Consules, nisi confecto delectu, negare se ituros, nec suam segnitiam, sed vim morbi, in causa esse, quo serius perficeretur^e). non tamen potuerunt sustinere consensum senatus, quin paludati exirent, et militibus, quos conscriptos haberent, diem edicerent, quo Pisas convenirent. permissum, ut, quae irent, protinus subitarios milites scriberent, ducerentque secum. Et praetoribus, Q. Petillio et Q. Fabio, imperatum est, ut Petillius duas legiones civium Romanorum tumultuarias scriberet, et omnes minores quinquaginta annis sacramento rogaret: Fabio, ut so-

e) *proficiscerentur* Gron.

U. C. 571. ciis Latini nominis quindecim millia peditum, octin-
 a. C. 181. gentos equites imperaret. Duumviri navales creati C. Matienus et C. Lucretius, navesque iis ornatae sunt; Matienoque, cuius ad Gallicum sinum provincia erat, imperatum est^{f)}, ut classem primo quoque tempore duceret in Ligurum oram, si quo usui esse L. Aemilio atque eius exercitui posset.

XXVII. Aemilius, postquam nihil usquam auxilii ostendebatur, interceptos credens equites, non ultra differendum ratus, quin per se fortunam tentaret, priusquam hostes venirent, qui iam segnius sociordiusque obpugnabant, ad quatuor portas exercitum instruxit, ut, signo dato, simul ex omnibus partibus eruptionem facerent. Quatuor extraordinariis cohortibus duas adiunxit, praeposito M. Valerio legato: erumpere extraordinaria porta iussit. ad dexteram principalem hastatos legionis primae instruxit; principes ex eadem legione in subsidiis posuit: M. Servilius et L. Sulpicius, tribuni militum, his praepositi. Tertia legio adversus principalem sinistram portam instructa est. id tantum mutatum; principes primi, et hastati in subsidiis locati: Sex. Iulius Caesar et L. Aurelius Cotta, tribuni militum, huic legioni praepositi sunt. Q. Fulvius Flaccus legatus cum dextera ala ad quaestoriam portam positus: duae cohortes et triarii duarum legionum in praesidio castrorum manere iussi. Omnes portas concionabundus ipse imperator circumiit; et, quibuscumque irriamentis poterat, iras militum acuebat; nunc fraudem hostium incusans, qui, pace petita, induciis datis, per ipsum induciarum tempus contra ius gentium ad castra obpugnanda venissent: nunc, quantus pudor esset, edocens, ab Liguribus, latronibus verius, quam hostibus iustis, Romanum exercitum obsideri. *Quo ore quisquam vestrum, si hinc alieno praesidio, non vestra virtute, evaseritis, obcurrat, non dico eis militibus, qui Hanni-*
 f) est del. Gron. Crev.

balem, qui Philippum, qui Antiochum, maximos nostrae aetatis reges ducesque, vicerunt; sed iis, qui hos ipsos Ligures aliquoties, pecorum modo fugientes, per saltus invios consecrati ceciderunt? Quod Hispani, quod Galli, quod Macedones Poenive non audeant, Ligustinus hostis vallum Romanum subit, obsidet ultro, et obpugnat! quem, scrutantes antea devios saltus, abditum et latentem vix inveniebamus. Ad haec consentiens reddebatur militum^g) clamor, nullam militum culpam esse, quibus nemo ad erumpendum signum dedisset. Daret signum: intellecturum, eosdem, qui antea fuerint, et Romanos et Ligures esse.

XXVIII. Bina cis montes castra Ligurum erant. ex iis, primis diebus, sole orto, pariter omnes compositi et instructi procedebant: tum, nisi exsatiati cibo vinoque, arma non capiebant. dispersi, inordinati exiebant; ut quibus pro spe certum esset, hostes extra vallum signa non elaturos. Adversus ita incompósitos eos venientes, clamore pariter omnium, qui in castris erant, calorum quoque et lixarum, sublato, simul omnibus portis Romani eruperunt. Liguribus adeo improvisa res fuit, ut perinde, ac si insidiis circumventi forent, trepidarent. Exiguum temporis aliqua forma pugnae fuit. fuga deinde effusa, et fugientium passim caedes erat. Equitibus dato signo, ut conscenderent equos, nec effugere quemquam sinerent, in castra omnes trepida fuga compulsi sunt: deinde ipsis exuti castris. Supra quindecim millia Ligurum eo die occisa, capta duo millia et quingenti. Triduo post Ligurum Ingaunorum omne nomen, obsidibus datis, in ditionem^h) venit. gubernatores nautaeque conquisiti, qui praedatores fuissent navibus, atque omnes in custodiam coniecti. Et a C. Matieno duumviro naves eius generis in Ligustina ora triginta duaeⁱ) captae sunt. Haec qui nunciarent, literasque ad se-

g) militum del. Gron. Crev. i) duae ac triginta Eaed.

h) deditionem Eaed.

U. c. 571. natum ferrent, L. Aurelius Cotta, C. Sulpicius Gallus a. C. 181. Romam missi; simulque peterent, ut L. Aemilio confecta provincia decedere, et deducere secum milites liceret, atque dimittere. Utrumque permissum ab senatu, et supplicatio ad omnia pulvinaria per triduum decreta: iussique praetores, Petillius urbanas dimittere legiones, Fabius sociis atque nomini Latino remittere delectum: et uti praetor urbanus consulibus scriberet, senatum aequum censere, subitarios milites, tumultus caussa conscriptos, primo quoque tempore dimitti.

XXIX. Colonia Graviscae eo anno deducta est in agrum Etruscum, de Tarquiniensibus quondam captum. Quina iugera agri data, tresviri deduxerunt, C. Calpurnius Piso, P. Claudius Pulcher, C. Terentius Istra. Siccitate et inopia frugum insignis annus fuit. Sex menses numquam pluisse, memoriae proditum est. Eodem anno in agro L. Petillii scribae sub Ianiculo, dum cultores agri altius moliuntur terram, duae lapideae arcae, octonos ferme pedes longae, quaternos latae, inventae sunt, operculis plumbo devinctis. Literis Latinis Graecisque utraque arca inscripta erat; in altera Numam Pompilium, Pomponis filium, regem Romanorum, sepultum esse; in altera libros Numae Pompilii inesse. Eas arcas quum ex amicorum sententia dominus aperuisset, quae titulum sepulti regis habuerat, inanis inventa, sine ullo vestigio corporis humani, aut ullius rei, per tabem tot annorum omnibus absumentis. in altera duo fasces, candelis involuti, septenos habuere libros, non integros modo, sed recentissima specie. Septem Latini de iure pontificio erant; septem Graeci de disciplina sapientiae, quae illius aetatis esse potuit. Adiicit Antias Valerius, Pythagoricos fuisse, vulgatae opinioni, qua creditur, Pythagorae auditorem fuisse Numam, mendacio probabili adcommodata fide. Primo ab amicis, qui in re praesenti fuerunt, libri lecti. mox plu-

ribus legentibus quum vulgarentur, Q. Petillius prae-^{U. c. 571.}
tor urbanus, studiosus legendi, eos libros a L. Petil-^{a. C. 181.}
lio sumsit. et erat familiaris usus, quod scribam eum
quaestor Q. Petillius in decuriam legerat. Lectis re-
rum summis, quum animadvertisset, pleraque dissol-
vendarum religionum esse, L. Petillio dixit, *Sese eos*
libros in ignem coniecturum esse. prius, quam id faceret,
se ei permittere, uti, si quod seu ius, seu auxilium se
habere ad eos libros repetendos existimaret, experiretur.
id integra sua gratia eum facturum. Scriba^k) tribu-
nos plebis adit; ab tribunis ad senatum res est reiecta.
Praetor se iusiurandum dare paratum esse aiebat,
libros eos legi servarique non oportere. Senatus cen-
suit, *Satis habendum, quod praetor iusiurandum polli-*
ceretur. libros primo quoque tempore in comitio creman-
dos esse. pretium pro libris, quantum Q. Petillio prae-
tori maiori que parti tribunorum plebis videretur, domi-
no esse solvendum. id scriba non accepit. libri in co-
mitio, igne a victimariis facto, in conspectu populi
cremati sunt.

XXX. Magnum bellum ea aestate coortum in
Hispania citeriore. ad quinque et triginta millia homi-
num, quantum numquam ferme antea, Celtiberi
comparaverant. Q. Fulvius Flaccus eam obtinebat
provinciam. is, quia armare iuventutem Celtiberos
audierat, et ipse, quanta poterat, a sociis auxilia
contraxerat; sed nequaquam numero militum hostem
aequabat. Principio veris exercitum in Carpetaniam
duxit, et castra locavit ad oppidum Aeburam, modi-
co praesidio in urbe posito. Paucis post diebus Cel-
tiberi, millia duo ferme inde, sub colle posuerunt
castra. quos ubi adesse praetor Romanus sensit, M.
Fulvium fratrem cum duabus turmis sociorum equi-
tum ad castra hostium speculatum misit, quam proximi-
me succedere ad vallum iussum, ut viseret, quanta
essent; pugna abstineret, reciperetque sese, si ho-

k) add. ad Gron. Crev.

U. c. 57¹. ^{a. C. 181.}stium equitatum exeuntem vidisset. Ita, ut praeceptum erat, fecit. Per dies aliquot nihil ultra motum, quam ut hae duae turmae ostenderentur: dein subducerentur, ubi equitatus hostium castris procurrissent¹). Postremo^m) Celtiberi, omnibus simul peditum equitumque copiis castris egressi, acie directa medio ferme spatio inter bina castra constiterunt. Campus erat planus omnis et aptus pugnae. ibi steterunt Hispani hostem expectantes. Romanus intra vallum suos continuit per quadriduum continuum: et illi eodem loco aciem instructam tenuerunt. Ab Romanis nihil motum. inde quievit in castris Celtiberi, quia pugnae copia non fiebat: equites tantum in stationem egrediebantur, ut parati essent, si quid ab hoste moveretur. pone castra utrique pabulatum et lignatum ibant, neutri alteros impediens.

XXXI. Praetor Romanus, ubi satis tot dierum quiete credidit spem factam hosti, nihil se priorem moturum, L. Acilium cum ala sinistra et sex millibus provincialium auxiliorum circumire montem iubet, qui ab tergo hostibus erat; inde, ubi clamorem audisset, decurrere ad castra eorum. nocte profecti sunt, ne possent conspici. Flaccus luce prima C. Scribonium, praefectum socium, ad vallum hostium cum equitibus extraordinariis sinistrae alae mittit. quos ubi et propius accedere, et plures, quam soliti erant, Celtiberi conspexerunt, omnis equitatus effunditur castris: simul et peditibus signum ad exeundum datur. Scribonius, uti praeceptum erat, ubi primum fremitum equestremⁿ) audivit, avertit equos, et castra repetit. eo effusius sequi hostes. primo equites, mox et peditum acies aderat, haud dubia spe, castra eo die se obpugnatos. quingentos passus, non plus, a vallo aberant. Itaque, ubi Flaccus satis abstractos eos a praesidio castrorum suorum ratus est, intra val-

1) *procurrisset* Gron. Crev.
m) *add. et* Eaed.

n) *equestrium* Eaed. c. Drak.

lum exercitu instructo, tribus partibus simul erum-^{U. c. 571.}
 pit, clamore non tantum ad ardorem pugnae excitant-^{a. C. 181.}
 dum sublato, sed etiam ut, qui in montibus erant,
 exaudirent. nec morati sunt, quin decurrerent, sicut
 imperatum erat, ad castra: ubi quinque millium ar-
 matorum^o), non amplius, relictum erat praesidium.
 quos quum et paucitas sua, et multitudo hostium, et
 improvisa res terruisset, prope sine certamine ca-
 piuntur castra. castris, quae pars maxime a pugnan-
 tibus conspici poterat, iniecit Acilius ignem.

XXXII. Postremi Celtiberorum, qui in acie
 erant, primi flammam conspexere. deinde per totam
 aciem vulgatum est, castra amissa esse, et tum quum
 maxime ardere. unde illis terror, inde Romanis ani-
 mus crevit. iam clamor suorum vincentium accidebat,
 iam ardentia hostium castra adparebant. Celtiberi
 parumper incertis animis fluctuati sunt. ceterum, post-
 quam receptus pulsus nullus erat, nec usquam, nisi
 in certamine, spes, pertinacius de integro capessunt
 pugnam. Acie media urgebantur acriter a quinta le-
 gione. adversus laevum cornu, in quo sui generis
 provincialia auxilia instruxisse Romanos cernebant,
 cum maiore fiducia intulerunt signa. Iam prope erat,
 ut sinistrum cornu pelleretur Romanis, ni septima le-
 gio successisset. simul ab oppido Aebura, qui in prae-
 sidio relictus erat, in medio ardore pugnae advene-
 runt, et Acilius ab tergo erat. Diu in medio caesi
 Celtiberi. qui supererant, in omnes passim partes ca-
 pessunt fugam. Equites, bipartito in eos emissi, mag-
 nam caedem edidere. ad viginti tria millia hostium eo
 die caesa: capta quatuor millia et septingenti^{p)}), cum
 equis plus quingentis, et signa militaria octoginta^{q)}
 octo. Magna victoria, non tamen incruenta fuit. Ro-
 mani de duabus legionibus milites paullo plus ducen-
 ti, socium Latini nominis octingenti triginta, exter-

o) ubi quingentorum armato-
 rum Gron. Crev.

p) octingenti Eaed.
 q) notaginta Eaed.

U. c. 571. norum auxiliarium duo millia ferme et quadringenti
a. C. 181. ceciderunt. Praetor in castra victorem exercitum re-
duxit. Acilius manere in castris ab se captis iussus.
postero die spolia de hostibus lecta, et pro concione
donati, quorum virtus insignis fuerat.

XXXIII. Saucis deinde in oppidum Aeburam
devectis, per Carpetaniam ad Contrebiam ductae le-
giones. ea urbs circumsessa, quum a Celtiberis auxi-
lia arcessisset, morantibus iis, non quia ipsi cuncta-
ti sunt, sed quia profectos a domo inexplicabiles con-
tinuis imbribus viae et inflati amnes tenebant, despe-
rato auxilio suorum, in deditionem venit. Flaccus
quoque, tempestatibus foedis coactus, exercitum om-
nem in urbem introduxit. Celtiberi, qui a^r) domo
profecti erant, deditionis ignari, quum tandem, su-
peratis, ubi primum remiserunt imbres, amnibus,
Contrebiam venissent. postquam castra nulla extra
moenia viderunt, aut in alteram partem translata ra-
ti, aut recessisse hostes, per negligentiam effusi ad
oppidum accesserunt. In eos duabus portis Romani
eruptionem fecerunt, et incompositos adorti fuderunt.
Quae res ad resistendum eos et ad capessendam pug-
nam impediit, quod non uno agmine, nec ad signa fre-
quentes veniebant, eadem magnae parti ad fugam sa-
luti fuit. Sparsi enim toto passim campo se diffude-
runt: nec usquam confertos eos hostis circumvenit.
tamen ad duodecim millia sunt caesa: capta plus quin-
que millia hominum, equi quadringenti, signa mili-
taria sexaginta duo. Qui palati e fuga domum se re-
cipiebant, alterum agmen Celtiberorum venientium,
deditionem Contrebiae et suam cladem narrando,
averterunt. extemplo in vicos castellaque sua omnes
dilapsi. Flaccus, a Contrebia profectus, per Celti-
beriam populabundus ducit legiones: multa castella
obpugnavit, donec maxima pars Celtiberorum in de-
ditionem venit.

r) a del. Gron. Grev.

XXXIV. Haec in citeriore Hispania eo anno gesta. Et in ulteriore, Manlius praetor secunda aliquot proelia cum Lusitanis fecit. Aquileia colonia Latina eodem anno in agro Gallorum est deducta. tria millia peditum quinquagena iugera, centuriones centena, centena quadragena equites acceperunt. tresviri deduxerunt, P. Cornelius Scipio Nasica, C. Flaminius, L. Manlius Acidinus. Aedes duae eo anno dedicatae sunt: una Veneris Erycinae ad portam Collinam: dedicavit L. Porcius L. F. Licinus duumvir. (vota erat ab consule L. Porcio, Ligustino bello.) altera, in foro olitorio, Pietatis. eam aedem dedicavit M. Acilius Glabrio duumvir; statuamque auratam, quae prima omnium in Italia statua aurata est, patri Glabrioni posuit. Is erat, qui ipse eam aedem voverat, quo die cum rege Antiocho ad Thermopylas depugnasset: locaveratque idem ex senatusconsulto. Per eosdem dies, quibus hae aedes dedicatae sunt, L. Aemilius Paullus proconsul ex Liguribus Ingaunis triumphavit. Transtulit coronas aureas quinque et viginti. nec praeterea quidquam auri argentique in eo triumpho latum. captivi multi principes Ligurum ante currum ducti. aeris treceos militibus divisit. Auxerunt eius triumphi famam legati Ligurum, pacem perpetuam orantes: *ita in animum induxisse Ligurum gentem, nulla umquam arma, nisi imperata a populo Romano, sumere.* Responsum a Q. Fabio praetore est Liguribus iussu senatus, *Orationem eam non novam Liguribus esse: mens vero ut nova et orationi conveniens esset, ipsorum id plurimum referre. Ad consules irent, et, quae ab iis imperata essent, facerent. nulli alii, quam consulibus, senatum crediturum esse, sincera fide in pace Ligures esse.* Pax in Liguribus fuit. In Corsica pugnatum est cum Corsis. ad duo millia eorum M. Pinarius praetor in acie occidit. qua clade compulsi obsides dederunt, et cerae centum millia pondo. Inde in Sardiniam exercitus ductus, et cum Iliensibus, gente ne

U. c. 571. nunc quidem omni parte pacata, secunda proelia
 a. C. 181. facta. Karthaginiensibus eodem anno centum obsides
 redditī, pacemque tum ^{s)}) iis populus Romanus, non
 ab se tantum, sed ab rege etiam Masinissa, praestitit;
 qui cum ^{t)}) praesidio armato agrum, qui in controversia erat, obtinebat.

U. c. 572. XXXV. Otiosam provinciam consules habuerunt.
 a. C. 180. M. Baebius, comitiorum caussa Romam revocatus,
 consules creavit A. Postumium Albinum Luscum et
 C. Calpurnium Pisonem. Praetores exinde facti Ti.
 Sempronius Gracchus, L. Postumius Albinus, P. Cornelius
 Mammula, Ti. Minucius Molliculus, A. Hostilius Mancinus,
 C. Maenius. ii omnes magistratum Idibus Martiis inierunt.
 Principio eius anni, quo A. Postumius Albinus et C. Calpurnius
 Piso consules fuerunt, ab A. Postumio consule in senatum introducti,
 qui ex Hispania citeriore venerant a Q. Fulvio Flacco,
 L. Minucius legatus, et duo tribuni militum, T. Maenius
 et L. Terentius Massiliota ^{u)}). Hi, quum duo secunda
 proelia, deditionem Celtiberiae, confectam provinciam
 nunciassent, nec stipendio, quod mitti soleret, nec frumento
 portato ad exercitum in eum annum opus esse, petierunt
 ab senatu primum, ut ob res prospere gestas Diis
 immortalibus honos haberetur. deinde, ut Q. Fulvio
 decedenti de provincia deportare inde exercitum,
 cuius forti opera et ipse et multi ante eum praetores
 usi essent, liceret. quod fieri, praeterquam quod ita
 deberet, etiam prope necessarium esse. ^{x)}) Ita enim
 obstinatos esse milites, ut non ultra retineri posse
 in provincia viderentur, iniussuque abituri inde
 essent, si non dimitterentur: aut in perniciosam, si quis
 inpense retineret, seditionem exarsuri. Consulibus
 ambobus provinciam Ligures esse senatus iussit. Praetores
 inde sortiti sunt. A. Hostilio urbana, Ti. Minucio
 peregrina obvenit, P. Cornelio Sicilia, C. Maenio

s) cum Gron. Crev. c. Drak. u) Massa Gron. Crev.

t) tum Gron. c. Drak. x) esset Eaed. c. Drak.

Sardinia. Hispanias sortiti, L. Postumius ulteriorem, U. c. 672.
 Ti. Sempronius citeriorem. Is quia successurus Q. a. C. 180.
 Fulvio Flacco erat, ne vetere exercitu provincia spoliaretur, Quaero, inquit, de te, L. Minuci, quum confectam provinciam nuncios, existimesne, Celtiberos perpetuo in fide mansuros, ita ut sine exercitu ea provincia obtineri possit? Si neque de fide barbarorum quidquam recipere aut adfirmare nobis potes, et habendum illic utique exercitum censes; utrum tandem auctor senatui sis supplementum in Hispaniam mittendi, ut ii modo, quibus emerita stipendia sint, milites dimittantur, veteribus militibus tirones inmiscantur? an, deductis de provincia veteribus legionibus, novas conscribendi et mittendi; quum contemptum tirocinium etiam mitiores barbaros excitare ad rebellandum possit? Dictu, quam re, facilius sit, provinciam ingenio ferocem, rebellatricem, confecisse? Paucae civitates, ut quidem ego audio, quas vicina maxime hiberna premebant, in ius ditionemque venerunt; ultiores in armis sunt: quae quum ita sint, ego iam hinc praedico, Patres conscripti, me exercitu eo, qui nunc est, rempublicam administraturum: si deducat secum Flaccus legiones, loca pacata me ad hibernacula lecturum^{y)}, neque novum militem ferocissimo hosti obiecturum.

XXXVI. Legatus ad ea, quae interrogatus erat, respondit: Neque se, neque quemquam alium divinare posse, quid in animo Celtiberi haberent, aut porro habituri essent. Itaque negare non posse, quin rectius sit, etiam ad pacatos barbaros, nondum satis adsuetos imperio, exercitum mitti. novo autem, an vetere exercitu opus sit, eius esse dicere, qui scire possit, qua fide Celtiberi in pace mansuri sint; simul et qui illud exploratum habeat, quieturos milites, si diutius in provincia relinquantur. Si ex eo, quod aut inter se loquantur, aut subclamationibus apud concionantem imperatorem significant, quid sentiant, coniectandum sit; pa-
 y) electurum Gron. Crev.

U. c. 572. *lam vociferatos esse, aut imperatorem in provincia re-*
a. C. 180. *tenturos, aut cum eo in Italiam venturos esse.* Discep-
tationem inter praetorem legatumque consulum rela-
tio interrupt; qui suas ornari provincias, priusquam
de praetoris exercitu ageretur, aequum censebant.
Novus omnis exercitus consulibus est decretus: binae
legiones Romanae cum suo equitatu, et socium La-
tini nominis, quantus semper numerus, quindecim
millia peditum et octingenti equites. cum hoc exercitu
Apuanis Liguribus ut bellum inferrent, mandatum
est. P. Cornelio et M. Baebio prorogatum imperium,
iussique provincias obtinere, donec consules venis-
sent. tum imperatum, ut, dimisso, quem haberent,
exercitu, reverterentur Romam. De Ti. Sempronii
deinde exercitu actum est. novam legionem ei quinque
millium et ducentorum peditum cum equitibus qua-
dringentis consules scribere iussi; et mille praeterea
peditum civium Romanorum, quinquaginta equites:
et sociis nominis Latini^z) imperare septem millia pe-
ditum, trecentos equites. cum hoc exercitu placuit ire
in Hispaniam citeriorem Ti. Sempronium. Q. Ful-
vio permissum, ut, qui milites, ante Sp. Postumium^a),
Q. Marcium consules, cives Romani sociive, in His-
paniam transportati essent, et praeterea, supplemento
adducto, quot amplius duabus legionibus, quam de-
cem millia, et quadringenti pedites, sexcenti equites
essent; et socium Latini nominis duodecim millia^b),
sexcenti equites, quorum forti opera duobus adver-
sus Celtiberos proeliis usus Q. Fulvius esset, eos, si
videretur, secum deportaret. Et supplicationes de-
cretae, quod is prospere reipublicam gessisset: et
ceteri praetores in provincias missi. Q. Fabio Bu-
teoni prorogatum in Gallia imperium est. Octo legio-
nes, praeter exercitum veterem, qui in Liguribus in
spe propinqua missionis erant, eo anno esse placuit.

z) et sociis e nomine Latino
Gron. Crev. c. Drak.

a) add. et Gron. Crev.

b) add. pedites Crev.

et is ipse exercitus aegre explebatur propter pestilentiam, quae iam tertium annum urbem Romanam atque Italiam vastabat. U. c. 572.
a. C. 180.

XXXVII. Praetor Ti. Minucius, et haud ita multo post consul C. Calpurnius moritur, multique alii omnium ordinum illustres viri: postremo prodigii loco ea clades haberi coepta est. C. Servilius pontifex maximus piacula irae Deum conquirere iussus; decemviri libros inspicere, consul Apollini, Aesculapio, Saluti dona vovere, et dare signa inaurata; quae vovit deditque. Decemviri supplicationem in biduum valetudinis caussa in urbe et per omnia fora conciliabulaque edixerunt: maiores duodecim annis, omnes coronati et lauream in manu tenentes, supplicaverunt. Fraudis quoque humanae insinuaverat suspicio animis; et veneficii quaestio ex senatusconsulto, quod in urbe, propiusve urbem decem millibus passuum esset commissum, C. Claudio praetori, qui in locum Ti. Minucii erat subfectus; ultra decimum lapidem per fora conciliabulaque C. Maenio, priusquam in Sardiniam provinciam traiceret, decreta. Suspecta consulis erat mors maxime. necatus a Quarta Hostilia uxore dicebatur. ut quidem filius eius Q. Fulvius Flaccus in locum vitrici consul est declaratus, aliquanto magis infamis mors Pisonis coepit esse; et testes exsistebant, qui post declaratos consules Albinum et Pisonem, quibus comitiis Flaccus tulerat repulsam, et exprobratum ei a matre dicerent, quod iam ei tertium negatus consulatus petenti esset, et adiecisse, *pararet se ad petendum; intra duos menses effecturam, ut consul fieret.* Inter multa alia testimonia, ad causam pertinentia, haec quoque vox, nimis vero eventu comprobata, valuit, cur Hostilia damneretur. Veris principio huius, dum consules novos delectus Romae tenet, mors deinde alterius, et creandi comitia consulis in locum eius, omnia tardiora fecerunt: interim P. Cornelius et M. Baebius, qui in

U. c. 572. consulatu nihil memorabile gesserant, in Apuanos
 a. C. 189. Ligures exercitum induxerunt.

XXXVIII. Ligures, qui ante adventum in provinciam consulum non exspectassent bellum, improvise obpressi, ad duodecim millia hominum dediderunt se. Eos, consulto per literas prius senatu, deducere ex montibus in agros campestres procul ab domo, ne reditus spes esset, Cornelius et Baebius statuerunt, nullum alium ante finem ratū fore Ligustini belli. Ager publicus populi Romani erat in Samnitibus, qui Taurasinorum [fuerat. In eum quum] ^{c)} traducere, Ligures Apuanos vellent, edixerunt, *Ligures Apuani de montibus descenderent* ^{d)}, *cum liberis coniugibusque: sua omnia secum portarent*. Ligures, saepe per legatos deprecāti, ne penates, sedem, in qua geniti essent, sepulcra maiorum, cogerentur relinquere, arma, obsides pollicebantur. postquam nihil inpetrabant, neque vires ad bellandum erant, edicto paruerunt. Traducti sunt publico sumtu ad quadraginta millia liberorum capitum cum feminis puerisque. argenti data centum et quinquaginta millia ^{e)}, unde, in novas aedes, compararent, quae opus essent. agro dividendo dandoque iidem, qui traduxerant, Cornelius et Baebius praepositi. postulanti- bus tamen ipsis, quinqueviri ab senatu dati, quorum ex consilio agerent. Transacta re, quum veterem exercitum Romanum deduxissent, triumphus ab senatu est decretus. Ili omnium primi nullo bello gesto triumpharunt. tantum hostes ducti ante currum: quia, nec quod ^{f)} ferretur, neque quod duceretur captum, neque quod militibus daretur, quidquam in triumphis eorum fuerat.

XXXIX. Eodem anno in Hispania Fulvius Flac-

c) Lacunam hanc indicavit modo asteriscis. Gronovius, descendere Gron. Crev. c. Drak.

non explevit; Crevierius autem, ut in textu, habet. e) add. sestertium Gron. Crev.

d) *Ligures ab Anido montibus* f) *quid hic et bis deinceps* Eaed. c. Drak.

cus proconsul, quia successor in provinciam tardius ^{U. c. 572.}
veniebat, educto exercitu ex hiberniis, ulteriorem ^{a. C. 180.}
Celtiberiae agrum, unde ad deditionem non venerant,
institit vastare, qua re irritavit magis, quam con-
ruit, animos barbarorum: et, clam comparatis copiis,
saltum Manlianum, per quem transiturum exercitum
Romanum satis sciebant, obsederunt. In Hispaniam
ulteriorem eunti L. Postumio Albino collegae Grac-
chus mandaverat, ut Q. Fulvium certiores faceret,
Tarraconem exercitum adduceret. *ibi dimitti vetera-*
nos, supplementaque distribuere, et ordinare omnem exer-
citum sese velle. Dies quoque, et ea propinqua, edi-
ta Flacco est, qua successor esset venturus. Haec
nova adlata res, omissis, quae agere instituerat, Flac-
cum raptim deducere exercitum ex Celtiberia quum
coegisset, barbari, caussae ignari, suam defectionem
et clam comparata arma sensisse eum, et pertinuisse
rati, eo ferocius saltum insederunt. Ubi eum saltum
prima luce agmen Romanum intravit, repente ex
duabus partibus simul exorti hostes Romanos inva-
serunt. Quod ubi vidit Flaccus, primos tumultus,
in agmine per centuriones stare omnes, suo quemque
loco, et arma expedire iubendo, sedavit: et, sarcinis
iumentisque in unum locum coactis, copias omnes
partim ipse, partim per legatos tribunosque militum,
ut tempus, ut ^ε) locus postulabat, sine ulla trepida-
tione instruxit; *cum bis deditis rem esse admonens,*
Scelus et perfidiam illis, non virtutem, nec animum,
accessisse. Reditum ignobilem in patriam, clarum ac
memorabilem eos sibi fecisse: cruentos ex recenti caede
hostium gladios, et manantia sanguine spolia, Romam
ad triumphum delaturos. Plura dici tempus non patie-
batur, invehebant se hostes, et in partibus extremis
iam pugnabatur. deinde acies concurrerunt.

XL. Atrox ubique proelium, sed varia fortuna
erat. egregie legiones, nec segnius duae alae pugna-
g) et Gron. Crev.

U. c. 572. bant; externa auxilia ab simili armatura, meliore alia.
 a. C. 180. quantum militum genere, urgebantur, nec locum tueri poterant. Celtiberi, ubi ordinata acie et signis conlatis se non esse pares legionibus senserunt, cuneo inpressionem fecerunt. quo tantum valent genere pugnae, ut, quacumque parte perculere inpetu suo, sustineri nequeant. tunc quoque turbatae legiones sunt, prope interrupta acies. Quam trepidationem ubi Flaccus conspexit, equo advehitur ad legionarios equites: et, *Ecquid auxilii in vobis est? Actum iam de hoc exercitu erit?* quum undique adclamassent, *Quin ederet, quid fieri velit; non segniter imperium exsecuturos: Duplicatè turmas, inquit, duarum legionum equites, et permittite equos in cuneum hostium, quo nostros urgent. id cum maiore vi equorum facietis, si effrenatos in eos equos inmittitis: quod saepe Romanos equites cum magna laude fecisse sua, memoriae proditum est.* Dicto paruerunt, detractisque frenis bis ultro citroque cum magna strage hostium, infractis omnibus hastis, transcurrerunt. Dissipato cuneo, in quo omnis spes fuerat, Celtiberi trepidare, et, prope omissa pugna, locum fugae circumspicere. Et alarii equites, postquam Romanorum equitum tam memorabile facinus videre, et ipsi, virtute eorum accensi, sine ullius imperio in perturbatos iam hostes equos inmittunt. Tunc vero Celtiberi omnes in fugam effunduntur, et imperator Romanus, aversos hostes contemplatus, aedem Fortunae Equestri, Iovique optimo maximo ludos vovit. Caeduntur Celtiberi pertotum saltum dissipati fuga. decem et septem millia hostium caesa eo die traduntur: vivi capti plus quatuor^{h)} millia, ducentis septuaginta septem cum signis militaribus, equis prope mille centum. Nullis castris eo die victor exercitus mansit. victoria non sine iactura militum fuit. quadringenti septuaginta duo milites Romani, socium ac Latini nominis mille

h) tria Gron, Crev.

decem et novem, cum his tria millia militum auxilia-
 riorum perierunt. ita victor exercitus, renovata pri-
 ore gloria, Tarraconem est perductus. Venienti
 Fulvio Ti. Sempronius praetor, qui biduo ante vene-
 rat, obviam processit: gratulatusque est, quod rem-
 publicam egregie gessisset. cum summa concordia,
 quos dimitterent, quosque retinerent milites, com-
 posuerunt. Inde Fulvius, exauctoratis militibus in
 naves inpositis, Romam est profectus. Sempronius
 in Celtiberiam legiones duxit.

XLI. Consules ambo in Ligures exercitus indu-
 xerunt diversis partibus. Postumius prima et tertia
 legione Balistam Suismontiumque montes obsedit: et,
 premendo praesidiis angustos saltus eorum, commea-
 tus interclusit, inopiaque omnium rerum eos perdo-
 mavit. Fulvius, secunda et quarta legione adortus a
 Pisis Apuanos Ligures, qui eorum circa Macram flu-
 vium incolebant, in deditionem acceptos, ad septem
 millia hominum in naves inpositos, praeter oram E-
 trusci maris Neapolimⁱ⁾ transmisit. inde in Samnium
 traducti, agerque his inter populares datus est. Monta-
 norum Ligurum ab A. Postumio vineae caesae, frumen-
 taque deusta: donec cladibus omnibus belli coacti in
 deditionem venerunt, armaque tradiderunt. Navibus in-
 de Postumius ad visendam oram Ingaunorum Inte-
 meliorumque Ligurum processit. Priusquam hi con-
 sules venirent ad exercitum, qui Pisas indictus erat,
 praeerant A. Postumius et frater Q. Fulvii M. Fulvius
 Nobilior. Secundae legionis Fulvius tribunus militum
 erat. is mensibus suis dimisit legionem, iureiurando
 adactis centurionibus, aes in aerarium ad quaestores
 esse delaturos. Hoc ubi Placentiam (nam eo forte
 erat profectus) Aulo nunciatum est, cum equitibus
 expeditis secutus dimissos, quos eorum potuit adse-
 qui, deduxit castigatos Pisas. de ceteris consulem cer-
 tiorem fecit. Eo referente, senatusconsultum factum

i) Neapolin Gron.

U. c. 572. est, ut M. Fulvius in Hispaniam relegaretur ultra novam Karthaginem. Literaeque ei datae sunt a consule ad P. Manlium in Hispaniam ulteriorem deferendae. Milites iussi ad signa redire. caussa ignominiae, uti semestre stipendium in eum annum esset ei legioni, decretum: qui miles ad exercitum non redisset, eum ipsum bonaque eius vendere consul iussus.

XLII. Eodem anno L. Duronius, qui praetor anno superiore ex Illyrico cum decem navibus Brundisium redierat, inde, in portu relictis navibus, quum venisset Romam, inter exponendas res, quas ibi gessisset, haud dubie in regem Illyriorum Gentium latrocinii omnis maritimi causam avertit. *ex regno eius omnes naves esse, quae superi maris oram depopolatae essent. de his rebus se^{k)} legatos misisse, nec conveniendi regis potestatem factam.* Venerant Romam legati a Gentio, qui, *quo tempore Romani conveniendi regis caussa venissent*, aegrum forte eum in ultimis partibus fuisse regni dicerent. *Petere Gentium ab senatu, ne crederent confectis criminibus in se, quae inimici detulissent.* Ad ea Duronius adiecit, multis civibus Romanis et sociis Latini nominis iniurias factas in regno eius; et cives Romanos dici Corcyrae retineri. Eos omnes Romam adduci placuit: C. Claudium praetorem cognoscere: neque ante Gentio regi legatisve eius responsum reddi. Inter multos alios, quos pestilentia eius anni absumsit, sacerdotes quoque aliquot mortui sunt. L. Valerius Flaccus pontifex mortuus est: in eius locum subfectus est Q. Fabius Labeo. P. Manlius, qui nuper ex ulteriore Hispania redierat, triumpho epulo: Q. Fulvius M. F. in locum eius triumpho cooptatus, tum praetextatus erat. De rege sacrificio subficiendo in locum Cn. Cornelii Dolabellae contentio inter C. Servilium pontificem maximum fuit et L. Cornelium Dolabellam duumvirum navalem; quem, ut inauguraret, pontifex magistratu sese abdicare iube-

k) *se del. Gron. Crev.*

bat. recusantique id facere ob eam rem multa duum-^{U. c. 572.}
viro dicta a pontifice; deque ea, quum provocasset,^{a. C. 180.}
certatum ad populum. quum plures iam tribus, intro
vocatae, dicto esse audientem pontifici duumvirum,
iuberent; multamque remitti, si magistratu se abdi-
casset; ultimum de coelo, quod comitia turbaret, in-
tervenit. religio inde fuit pontificibus inaugurandi
Dolabellae. P. Cloelium Siculum inaugurarunt, qui
secundo loco inauguratus erat. Exitu anni et C. Servilius
Geminus pontifex maximus decessit: idem decemvir
sacrorum fuit. pontifex in locum eius a collegio coop-
tatus est Q. Fulvius Flaccus: at pontifex maximus M.
Aemilius Lepidas, quum multi clari viri petissent: et
decemvir sacrorum Q. Marcius Philippus in eiusdem
locum est cooptatus. Et augur Sp. Postumius Albi-
nus decessit. in locum eius P. Scipionem, filium Afri-
cani, augures cooptarunt. Cumanis eo anno peten-
tibus permissum, ut publice Latine loquerentur, et
praeconibus Latine vendendi ius esset.

XLIII. Pisanis agrum pollicentibus, quo Latina
colonia deduceretur, gratiae ab senatu actae. trium-
viri creati ad eam rem Q. Fabius Buteo, M. et P. Por-
pillii Laenates. A C. Maenio praetore (cui, provin-
cia Sardinia quum evenisset, additum erat, ut quae-
reret de beneficiis longius ab urbe decem millibus pas-
sum) literae adlatae, *Se iam tria millia hominum*
damnasse, et crescere sibi quaestionem indiciiis. aut
eam sibi esse deserendum, aut provinciam dimittendam.
Q. Fulvius Flaccus ex Hispania rediit Romam cum
magna fama gestarum rerum, qui, quum extra urbem
triumphi caussa esset, consul est creatus cum L. Man-
lio Acidino; et post paucos dies cum militibus, quos
secum deduxerat, triumphans urbem est invectus.
Tulit in triumpho coronas aureas centum viginti quatu-
or: praeterea auri pondo triginta unum; et signati Oscen-
sis nummum centum septuaginta tria millia ducentos.
Militibus de praeda quinquagenos denarios dedit, du-

U. c. 572. plex centurionibus, triplex equiti, tantumdem sociis
 a. C. 180. Latini nominis, et stipendium omnibus duplex.

XLIV. Eo anno rogatio primum lata est ab L. Villio tribuno plebis, quot annos nati quemque magistratum peterent caperentque. inde cognomen familiae inditum, ut Annales adpellarentur. Praetores quatuor post multos annos lege Baebia creati, quae alternis quaternos iubebat creari. hi facti, Cn. Cornelius Scipio, C. Valerius Laevinus, Q. et P. Mucii Q. F. Scaevolae, Q. Fulvio et L. Manlio consulibus eadem provincia, quae superioribus, pari numero copiae peditum, equitum, civium, sociorum decretae.

U. c. 573. In Hispaniis duabus Ti. Sempronio et L. Postumio
 a. C. 179. cum iisdem exercitibus, quos haberent, prorogatum imperium est. et in supplementum consules scribere iussi ad tria millia peditum Romanorum, trecentos equites; quinque millia sociorum Latini nominis, et quadringentos equites, P. Mucius Scaevola urbanam sortitus provinciam est; et ut idem quaereret de veneficiis in urbe, et propius urbem decem millia passuum: Cn. Cornelius Scipio peregrinam, Q. Mucius Scaevola Siciliam, C. Valerius Laevinus Sardiniam. Q. Fulvius consul, *prius, quam ullam rem publicam ageret, liberare et se et rempublicam religione votis solvendis, dixit, velle. vovisse, quo die postremum cum Celtiberis pugnasset, ludos Iovi optimo maximo, et aedem Equestri Fortunae, sese facturum: in eam rem sibi pecuniam conlatam esse ab Hispanis. Ludi decreti, et ut duumviri ad aedem locandam crearentur. de pecunia finitur, Ne maior causa ludorum consumeretur, quam quanta Fulvio Nobiliori, post Aetolicum bellum ludos facienti, decreta esset: neve quid ad eos ludos accesseret, cogeret, acciperet, faceret, adversus id senatusconsultum, quod L. Aemilio, Cn. Baebio consulibus de ludis factum esset. Decreverat id senatus propter effusos sumtus, factos in ludos Ti. Sempronii ae-*

dilis, qui graves non modo Italiae ac sociis Latini no-
minis, sed etiam provinciis externis fuerant.

U. c. 573.

a. C. 179.

XLV. Hiems eo anno nive saeva et omni tempestatum genere fuit: arbores, quae obnoxiae frigoribus sunt, deusserat cunctas: et ea tum aliquanto, quam alias, longior fuit. itaque Latinas mox subito coorta et intolerabilis tempestas in monte turbavit: instaurataeque sunt ex decreto pontificum. Eadem tempestas et in Capitolio aliquot signa prostravit¹⁾, fulminibusque complura loca deformavit; aedem Iovis Tarracinae, aedem Albam Capuae, portamque Romanam: muri pinnae aliquot locis decussae erant. Haec inter prodigia nunciatum et ab Reate, tripedem natum mulum. Ob ea decemviri, iussi adire libros edidere, quibus Diis et quot hostiis sacrificaretur: et ob fulminibus complura loca deformata ad aedem Iovis ut supplicatio diem unum esset. Ludi deinde votivi Q. Fulvii consulis per dies decem magno adparatu facti. Censorum inde comitia habita: creati M. Aemilius Lepidus pontifex maximus et M. Fulvius Nobilior, qui ex Aetolis triumphaverat. Inter hos viros nobiles inimicitiae erant, saepe multis et^{m)} in senatu et ad populum atrocibus celebratae certaminibus. Comitibus confectis, ut traditum antiquitus est, censores in Campo ad aram Martis sellis curulibus consederunt; quo repente principes senatorum cum agmine venerunt civitatis: inter quos Q. Caecilius Metellus verba fecit.

XLVI. *Non obliti sumus, censores, vos paullo ante ab universo populo Romano moribus nostris praepositos esse: et nos a vobis et admoneri, et regi, non vos a nobis debere. indicandum tamen est, quid omnes bonos in vobis aut obfendat, aut certe mutatum malint. Singulos quum intuemur, M. Aemili, M. Fulvi, neminem hodie in civitate habemus, quem, si revocemur in suffragium, velimus vobis praelatum esse. ambo quum si-*

1) constravit Gron. Crev. c. Drak. m) et del. Gron. Crev.

U. c. 573. *mul adspicimus, non possumus non vereri, ne male*
 a. C. 179. *comparati sitis, nec tantum reipublicae prosit, quod*
omnibus nobis egregie placetis, quam, quod alter alteri
displicetis, noceat. Inimicitias per annos multos vobis
ipsis graves et atroces geritis: quae periculum est, ne
ex hac die nobis et reipublicae, quam vobis, graviores
fiant. De quibus caussis hoc timeamus, multa subcur-
*runt, quae dicerentur; nisi forte implacabiles fueritis,**
implicaverintⁿ) animos vestros. Has ut hodie, ut in
isto templo, finiatis simultates, quaesumus vos univer-
si; et, quos coniunxit suffragiis suis populus Romanus,
hac etiam reconciliatione gratiae coniungi a nobis sina-
tis. Uno animo, uno consilio legatis senatum, equi-
tes recenseatis, agatis censem, lustrum condatis: quod
in omnibus fere precationibus nuncupabitis verbis. Ut
ea res mihi collegaeque meo bene et feliciter eveniat,
id ita ut vere, ut ex animo velitis evenire: efficiatisque,
ut, quod Deos precati eritis, id vos velle etiam homi-
nes credamus. T. Tatius et Romulus, in cuius urbis
medio foro acie hostes concurrerant, ibi concordēs regna-
runt. Non modo simultates, sed bella quoque finiun-
tur. ex infestis hostibus plerumque socii fideles, inter-
dum etiam cives fiunt. Albani, diruta Alba, Romam
traducti sunt: Latini, Sabini in civitatem accepti.
Vulgatum illud, quia verum erat, in proverbium venit:
Amicitias immortales, mortales inimicitias^o) debere esse.
Fremitus ortus cum adsensu, deinde universorum vo-
ces idem petentium, confusae in unum, orationem
interpellarunt. Inde Aemilius questus quum alia,
tum bis a M. Fulvio se certo consulatu deiectum. Ful-
вий contra queri, se ab eo semper lacessitum, et in
probrum suum sponsionem factam. tamen ambo sig-
nificare, si alter vellet, se in potestate tot principum
civitatis futuros. Omnibus instantibus, qui aderant,

n) implacabiles vestrae irae im-
 plicaverint Gron. Crev. c.
 Drak.

o) inimicitias mortales
 Eaed.

dexteras fidemque dedere, mittere vere ac finire U. c. 573.
odium. Deinde, conlaudantibus cunctis, deducti a. C. 179.
sunt in Capitolium. Et cura super tali re principum,
et facilitas censorum egregie comprobata ab senatu et
laudata est. Censoribus deinde postulantibus, ut pec-
cunia summa sibi, qua in opera publica uterentur,
adtribueretur, vectigal annuum decretum est.

XLVII. Eodem anno in Hispania L. Postumius et
Ti. Sempronius propraetores comparaverunt ita inter
se, ut in Vaccaeos^{p)} per Lusitaniam iret Albinus, in
Celtiberiam inde^{q)} reverteretur; Gracchus, si maius
ibi bellum esset, in ultima Celtiberiae penetraret^{r)}.
Mundam urbem primum vi cepit, nocte ex inproviso
adgressus. acceptis deinde obsidibus, praesidioque
inposito, castella obpugnare, agros urere, donec ad
praevalidam aliam urbem (Certimam adpellant Celti-
beri) pervenit. ubi quum iam opera admoveret, ve-
niunt legati ex oppido, quorum sermo antiquae sim-
plicitatis fuit, non dissimulantium bellaturos, si vires
essent. Petierunt enim, ut sibi in castra Celtibero-
rum ire liceret ad auxilia adcienda^{s)}. si non inpetras-
sent, tum separatim eos ab illis se consulturos. Per-
mittente Graccho, ierunt, et post paucis diebus alios
decem legatos secum adduxerunt. Meridianum tem-
pus erat. nihil prius petierunt a praetore, quam ut
bibere sibi iuberet dari. Epotis primis poculis, iterum
poposcerunt; magno risu circumstantium in tam ru-
dibus et moris omnis ignavis ingeniis. Tum maximus
natu exiis, *Missi sumus, inquit, a gente nostra, qui
sciscitaremur, qua tandem re fretus arma nobis infer-
res?* Ad hanc percunctionem Gracchus, *Exercitu se
egregio fidentem venisse, respondit; quem si ipsi visere*

p) Vacceos Gron.

q) inde in Celtiberiam Gron.
Crev.

r) reverteretur. Gracchus, quod
maius ibi bellum esset, in ul-
tima Celtiberiae penetravit

Gron. reverteretur, si maius
ibi bellum esset; Gracchus in
ultima Celtiberiae penetra-
ret Crev.

s) accipienda Gron. Crev. c.
Drak.

U. c. 573. *velint, quo certiora ad suos referant, potestatem se eis*
 a. C. 179. *facturum esse:* tribunisque militum imperat, ut ornari omnes copias peditum equitumque, et decurrere iubeant armatas. Ab hoc spectaculo legati missi deteruerunt suos ab auxilio circumsessae urbi ferendo. Oppidani, quum ignes nocte e ^t) turribus nequidquam (quod signum convenerat) sustulissent, destituti ab unica spe auxilii, in deditionem venerunt. sestertium quater et vices ab iis est exactum, quadraginta nobilissimi equites: nec obsidum nomine, (nam militare iussi sunt) et tamen re ipsa, ut pignus fidei essent.

XLVIII. Inde iam duxit ad Alcen urbem, ubi castra Celtiberorum erant, a quibus venerant nuper legati. eos quum per aliquot dies, armaturam levem inmittendo in stationes, lacesisset parvis proeliis, in dies maiora certamina serebat, ut omnes extra munitiones eliceret. ubi, quod petebatur, sensit effectum, auxiliorum praefectis imperat, ut, contracto certamine, tamquam multitudine superarentur, repente tergis datis, ad castra effuse fugerent. ipse intra vallum ad omnes portas instruxit copias. Haud multum temporis intercessit, quum ex composito refugientium suorum agmen, post effuse sequentes barbaros conspexit. Instructam ad hoc ipsum intra vallum habebat aciem. itaque tantum moratus, ut suos refugere in castra libero introitu sineret, clamore sublato, simul omnibus portis erupit. Non sustinuerunt inpetum necopinatum hostes. qui ad castra obpugnanda venerant, ne sua quidem tueri potuerunt. nam ex templo fusi, fugati, mox intra vallum paventes compulsi, postremo exuuntur castris. Eo die novem milia hostium caesa: capti vivi trecenti viginti, equi centum duodecim, signa militaria triginta septem. de exercitu Romano centum novem ceciderunt.

XLIX. Ab hoc proelio Gracchus duxit ad depopulandum ^u) Celtiberiam legiones. et, quum ferret

t) e del. Gron. Crev. c. Drak. u) *populandam* Gron. Crev.

passim cuncta atque ageret, populique alii voluntate, U. c. 573.
 alii metu iugum acciperent, centum tria oppida intra^{a. C. 179.}
 paucos dies in deditionem accepit: praeda potitus in-
 genti est. Convertit inde agmen retro, unde vene-
 rat, ad Alcen, atque eam urbem obpugnare institit.
 Oppidani primum inpetum hostium sustinuerunt: de-
 inde, quum iam non armis modo, sed etiam operibus
 obpugnarentur, diffusi praesidio urbis, in arcem uni-
 versi concesserunt. postremo et inde, praemissis ora-
 toribus, in ditionem se suaque omnia Romanis per-
 miserunt. Magna inde praeda facta est. multi captivi
 nobiles in potestatem venerunt; inter quos et Thurri^{x)}
 filii duo et filia. Regulus hic earum gentium erat,
 longe potentissimus omnium Hispanorum. Audita
 suorum clade, missis, qui fidem venienti in castra
 ad Gracchum peterent, venit. et primum quaesivit
 ab eo, *ne sibi liceret ac suis vivere?* quum praetor
victurum respondisset; quaesivit iterum, *si cum Ro-*
manis militare liceret? id quoque Graccho permittente,
sequar, inquit, *vos adversus veteres socios meos, quo-*
niam illos ad me propiunt suspicere. Secutus est inde
 Romanos, fortique ac fideli opera multis locis aem
 Romanam adiuvit.

L. Ergavica^{y)} inde, nobilis et potens civitas, alio-
 rum circa populorum cladibus territa, portas aperuit
 Romanis. Eam deditionem oppidorum haud cum fide
 factam, quidam auctores sunt. e qua regione abduxis-
 set legiones, extemplo inde rebellatum, magnoque
 eum postea proelio ad montem Chaunum^{z)} cum Cel-
 tiberis a prima luce ad sextam horam diei signis con-
 latis pugnasse; multos utrimque cecidisse: nec aliud
 magnopere, ne victos crederes, fecisse Romanos^{a)},
 nisi quod postero die lacessierint proelio manentes

x) Turri Gron. Crev.

y) Ergavia Eaed. c. Drak.

z) Caunum Gron. Crev.

a) magnopere victores fuisse
 Romanos, Gron.

U. c. 573. intra vallum^{b)}; spolia per totum diem legerint^{c)};
 a. C. 179. tertio die proelio maiore iterum pugnatum; et tum
 demum haud dubie victos Celtiberos, castraque eo-
 rum capta et direpta esse. Viginti duo millia hostium
 eo die esse caesa, plus trecentos captos: parem fere
 equorum numerum; et signa militaria septuaginta
 duo. inde debellatum, veramque pacem, non fluxa,
 ut ante, fide, Celtiberos fecisse. Eadem aestate et
 L. Postumium in Hispania ulteriore bis cum Vaccaeis
 egregie pugnasse scribunt. ad triginta et quinque mil-
 lia hostium^{d)} occidisse, et castra obpugnasse. Pro-
 pius vero est, serius in provinciam pervenisse, quam
 ut ea aestate potuerit res gerere.

LI. Censores fideli concordia senatum legerunt.
 princeps lectus^{e)} est ipse censor M. Aemilius Lepi-
 dus pontifex maximus: tres eiecti de senatu. retinuit
 quosdam Lepidus a collega praeteritos. Opera ex
 pecunia adtributa divisaque inter se haec confecerunt.
 Lepidus molem ad Tarracinam, ingratum opus, quod
 praedia habebat ibi, privatamque publicaerei inpensam
 inseruerat^{f)}. Theatrum et proscenium ad Apollinis,
 aedem Iovis in Capitolio, columnasque circa polien-
 das albo locavit: et ab his columnis, quae incommode
 obposita videbantur, signa amovit: clipeaque de co-
 lumnis, et signa militaria adfixa omnis generis dem-
 sit. M. Fulvius plura et maioris locavit usus: portum
 et pilas pontis in Tiberim; quibus pilis fornices post
 aliquot annos P. Scipio Africanus et L. Mummius
 censores locaverunt inponendos. basilicam post ar-
 gentarias novas et^{g)} forum piscatorium, circumdatis
 tabernis, quas vendidit in privatum; et forum, et
 porticum extra portam Trigeminam, et aliam post
 navalia, et ad fanum Herculis, et post Spei ad Tibe-

b) manentes intravallum proe-
 lio lacessierint Gron. Crev.
 c) legisse Eaed.
 d) hominum Eaed.

e) electus Eaed. c. Drak.
 f) insuerat Gron. Crev. inpo-
 suerat Drak.
 g) novae, et Gron.

rim aedem Apollinis Medici. Habuere et in promiss-^{U. c. 573.}
 suo praeterea pecuniam. ex ea communiter locarunt^{a. C. 179.}
 aquam adducendam, fornicesque faciendos. Inpedi-
 mento operi fuit M. Licinius Crassus, qui per fundum
 suum duci non est passus. Portoria quoque et vecti-
 galia iidem multa instituerunt. complura sacella pu-
 blica, quae fuerant^{h)} occupata a privatis, publica sa-
 craque ut essentⁱ⁾, paterentque populo, curarunt.
 Mutarunt suffragia: regionatimque generibus homi-
 num, causissque, et quaestibus, tribus descripserunt.

LII. Et alter ex censoribus M. Aemilius petiit ab
 senatu, ut sibi dedicationis templorum Reginae Iu-
 nonis et Dianae, quae bello Ligustino ante annos^{k)}
 octo vovisset, pecunia ad ludos decerneretur. Viginti
 millia aeris decreverunt. dedicavit eas aedes, utram-
 que in circo Flaminio. ludosque scenicos triduum post
 dedicationem templi Iunonis, biduum post Dianae,
 et singulos dies fecit in circo. Idem dedicavit aedem
 Larium Permarinum in Campo. voverat eam annis
 undecim ante L. Aemilius Regillus, navali proelio
 adversus praefectos regis Antiochi. Supra valvas templi
 tabula cum titulo hoc fixa est: *Duello magno dirimendo,*
regibus subigendis, caput^{l)} patrandae pacis haec pugna
*exeynti L. Aemilio M. Aemilii filio ** auspicio^{m)},*
imperio, felicitate ductuque eius inter Ephesum, Sa-
mm, Chiumque, inspectante eosⁿ⁾ ipso Antiocho, exer-
citu omni, equitatu, elephantisque, classis regis An-
tiochi antea sic victa, fusa, contusa, fugataque est,
ibique eo die naves longae cum omnibus sociis captae
quadraginta duae^{o)}. Ea pugna pugnata, rex Antio-
*chus regnumque ** Eius^{p)} rei ergo aedem Laribus*

h) fuerant del. Gron

m) filio auspicio Eaed. c. Drak.

i) publicaque sacra ut essent Gron. publica rursus ut es-
 sent Crev.

n) Cos. Gron. c. Drak. consule
 Crev.

k) annis Gron. Crev. c. Drak.

o) LXII. Gron. c. Drak. XLII.
 Crev.

l) duello magno regibus diri-
 mendo * caput subigendis

p) regnumque eius ** Eius etc.
 Gron. Crev.

Eaed. c. Drak.

U. c. 573. *Permarinis vocit.* Eodem exemplo tabula in aede
 a. C. 179. Iovis in Capitolio supra valvas fixa est.

LIII. Biduo, quo senatum legerunt censores, Q. Fulvius consul, profectus in Ligures, per invios montes vallesque saltuosas^{q)} cum exercitu transgressus, signis conlatis cum hoste pugnavit: neque tantum acie vicit: sed castra quoque eodem die cepit. tria millia ducenti hostium, omnisque ea regio Ligurum in deditionem venit. Consul deditos in campestres agros deduxit, praesidiaque montibus inposuit. Celeriter et ex provincia literae Romam venerunt. supplicationes ob eas res gestas in triduum decretae sunt. Praetores quadraginta hostiis maioribus per supplicationes rem divinam fecerunt. Ab altero consule L. Manlio nihil memoria dignum in Liguribus est gestum. Galli Transalpini, tria millia hominum, in Italiam transgressi, neminem bello lacescentes, agrum a consulibus^{r)} et senatu petebant, ut pacati sub imperio populi Romani essent. Eos senatus excedere Italia iussit, et consulem Q. Fulvium quaerere, et animadvertere in eos, qui principes et auctores transcendendi Alpes fuissent,

LIV. Eodem anno Philippus rex Macedonum, senio et moerore consumptus post mortem filii, decessit. Demetriade hibernabat, quum desiderio anxius filii, tum poenitentia crudelitatis suae, stimulabat animum et alter filius, haud dubie et sua et aliorum opinione rex, conversique in eum omnium oculi, et destituta senectus; aliis exspectantibus suam mortem, aliis ne exspectantibus quidem. Quo magis angebatur, et cum eo Antigonus Echecratis filius, nomen patruī Antigoni ferens, qui tutor Philippi fuerat, regiae vir maiestatis, nobili etiam pugna adversus Cleomenem Lacedaemonium clarus. Tutorem eum Graeci, ut cognomine a ceteris regibus distinguerent, adpellarunt.

q) *vallesque saltus* Gron. c. r) *consule* Gron. Crev.
 Drak. *vallesque, saltus* Crev.

Huius fratris filius Antigonus ex honoratis Philippi^{U. c. 573.} amicis unus incorruptus permanserat: eique ea fides,^{a. C. 179.} nequaquam amicum Persea, inimicissimum fecerat. is, prospiciens animo, quanto cum periculo suo haereditas regni ventura esset ad Persea, ut primum labare animum regis, et ingemiscere interdum filii desiderio sensit; nunc praebendo aures, nunc lacessendo etiam mentionem rei temere actae, saepe querenti querens et ipse aderat. et, quum multa adsoleat veritas praebere vestigia sui, omni ope adiuuabat, quo maturius omnia emanarent. Suspecti et ministri facinoris, Apelles maxime et Philocles, erant; qui Romam legati fuerant, literasque exitiales Demetrio sub nomine Flaminini adtulerant.

LV. Falsas esse, et a scribe vitiatas, signumque adulterinum, vulgo in regia fremebant. Ceterum, quum suspecta magis, quam manifesta, esset res, forte Xychus obuius fit Antigono, comprehensusque ab eo in regiam est perductus. relicto eo custodibus, Antigonus ad Philippum processit. *Multis, inquit, sermonibus intellexisse videor, magno te aestimaturum, si scire vera omnia possis de filiis tuis, uter ab utro petitus fraude et insidiis esset. Homo unus omnium, qui nodum huius erroris exsolvere possit, in potestate tua est Xychus. forte oblatum^{s)} perductumque in regiam vocari iube.* Et adductus^{t)} primo ita negare inconstanter, ut, parvo metu admoto, paratum indicem esse adpareret, conspectum tortoris verberumque non sustinuit: ordinemque omnem facinoris legatorum ministeriique sui exposuit. Extemplo missi, qui legatos comprehenderent, Philoclem, qui praesens erat, obpresse-
runt: Apelles, missus ad Chaeream quemdam persequendum, indicio Xychi audito, in Italiam traiecit. De Philocle nihil certi vulgatum est. alii primo audaciter negantem, postquam in conspectum adductus sit

s) vocatum Gron. Crev. c. Drak. t) iuberet. Adductus Eaed. c. Drak.

U. c. 573. Xychus, non ultra tetendisse; alii tormenta etiam
 a. G. 179. inficiantem perpeßum adfirmant. Philippo redinte-
 gratus est luctus geminatusque: et infelicitatem suam
 in liberis graviozem, quod alter perisset, censebat.

LVI. Perseus, certior factus omnia detecta esse,
 potentior quidem erat, quam ut fugam necessariam
 duceret. tantum, ut procul abesset, curabat, interim
 velut ab incendio flagrantis irae, dum Philippus vi-
 veret, se defensurus. qui, spe potiundi ad poenam
 corporis eius amissa, quod reliquum erat, id studere,
 ne super impunitatem etiam praemio sceleris fruere-
 tur. Antigonum igitur adpellat; cui et palam facti
 parricidii gratia obnoxius erat, neque pudendum aut
 poenitendum eum regem Macedonibus, propter re-
 centem patruum Antigoni gloriam, fore censebat.
*Quando in eam fortunam veni, inquit, Antigone, ut
 orbitas mihi, quam alii detestantur parentes, optabilis
 esse debeat; regnum, quod a patruo tuo forti, non so-
 lum fidei, tutela eius custoditum et auctum etiam acce-
 pi, id tibi tradere in animo est. Te unum habeo, quem
 dignum regno iudicem. si neminem haberem, perire et
 extinguere id mallet, quam Perseo scelestae fraudis prae-
 mium esse. Demetrium excoitatum ab inferis restitu-
 tumque credam mihi, si te, qui morti innocentis, qui
 meo infelici errori unus inlacrimasti, in locum eius
 substitutum relinquam.* Ab hoc sermone omni genere
 honoris producere eum non destitit. quum in Thracia
 Perseus abesset, circumire Macedoniae urbes, prin-
 cipibusque Antigonum commendare: et, si vita
 longior subpetisset, haud dubium fuit, quin eum in
 possessione regni relicturus fuerit. Ab Demetriade
 profectus, Thessalonicae plurimum temporis mora-
 tus fuerat. inde quum Amphipolim^{u)} venisset, gravi
 morbo est implicitus. sed animo tamen aegrum magis
 fuisse, quam corpore, constat: curisque et vigiliis

u) *Amphipolin* Gron. Crev. c. Drak.

(quum idemtidem species et umbrae insontis interemti ^{U. c. 573.}
filii agitent) extinctum esse ^{x)} cum diris ^{y)} execra- ^{a. C. 179.}
tionibus alterius. Tamen admoneri ^{z)} potuisset An-
tigonus, si haud statim palam facta esset mors regis.
Medicus Calligenes, qui curationi praeerat, non ex-
spectata morte regis, a primis desperationis notis
nuncios praedispositos, ita ut convenerat, misit ad
Perseum; et mortem regis in adventum eius omnes,
qui extra regiam erant, celavit.

LVII. Obpressit igitur necopinantes ignarosque
omnes Perseus, et regnum scelere partum invasit.
Peropportuna mors Philippi fuit ad dilationem, et ad
vires bello contrahendas. nam post paucis diebus gens
Bastarnarum, diu sollicitata, ab suis sedibus magna
peditum equitumque manu Istrum traiecit. inde prae-
gressis, qui nunciarent regi, Antigono et Cottone
(nobilis erat Bastarna; et Antigonus perinventus cum
ipso Cottone legatus ad concitandos Bastarnas missus)
haud ^{a)} procul Amphipoli fama, inde certi nuncii ^{b)}
obcurrerunt, mortuum esse regem. quae res omnem
ordinem consilii turbavit. Compositum autem sic fue-
rat: transitum per Thraciam tutum et comiteatus
Bastarnis ut Philippus praestaret ^{c)}. id ut facere pos-
set, regionum principes donis coluerat, fide sua ob-
ligata, pacato agmine transituros Bastarnas. Dar-
danorum gentem delere propositum erat, inque eo-
rum agro sedes fundare ^{d)} Bastarnis. duplex inde erat

x) filii eum diris agitent)
extinctum esse Gron. filii
eum agitent, extinctum
esse, signis parentheseos
omissis, Crev.

y) diris del. Gron.

z) admoveri Gron. Crev.

a) inde praegressi qui nunci-
arent regi, Antigonus et
Cotto: nobilis is erat Bastar-
na. erat Antigonus perin-
ventus cum ipso Cottone lega-
tus ad concitandos Bastar-

nas missus. Haud etc. Gron.
inde praegressi, qui nunci-
arent regi, Antigonus et Cot-
to: nobilis erat Bastarna, et
Antigonus perinventus cum ip-
so Cottone legatus ad conci-
tandos Bastarnas missus.
Haud etc. Crev.

b) famae incerti nuncii Gron.
Crev.

c) daret Crev.

d) dare Gron.

U. c. 573. commodum futurum, si et Dardani, gens semper in-
 a. C. 179. festissima Macedoniae, temporibusque iniquis re-
 gum imminens, tolleretur; et Bastarnae, relictis in
 Dardania coniugibus liberisque, ad populandam Ita-
 liam possent mitti. *Per Scordiscos iter esse ad mare*
Hadriaticum Italiamque. alia via traduci exercitum
non posse. facile Bastarnis Scordiscos iter daturos.
nec enim aut lingua aut moribus aequales abhorrere; et
ipsos adiuncturos se, quum ad praedam opulentissimae
gentis ire vidissent. Inde in omnem eventum consilia
 adcommodabantur^{e)}. sive caesi ab Romanis forent
 Bastarnae, Dardanos tamen sublato, praedamque ex
 reliquiis Bastarnarum, et possessionem liberam Dar-
 daniae, solatio fore: sive prospere rem^{f)} gessissent,
 Romanis aversis in Bastarnarum bellum, recupera-
 turum se in Graecia, quae amisisset. Haec Philip-
 pi consilia fuerant.

LVIII. Ingressi sunt pacato agmine, fide Cottónis
 et Antigoni. sed haud multo post famam mortis Phi-
 lippi neque Thraces commercio faciles erant, neque
 Bastarnae emto contenti esse poterant, aut in ag-
 mine contineri, ne decederent via. inde iniuriae ul-
 tro citroque fieri: quarum in dies incremento bellum
 exarsit. Postremo Thraces, quum vim ac multitudi-
 nem sustinere hostium non possent, relictis campe-
 stribus vicis, in montem ingentis altitudinis (Donucam
 vocant) concesserunt. Quo ubi ire Bastarnae vellent,
 quali tempestate Gallos spoliante Delphos fama est
 peremptos esse; talis tum Bastarnas, nequidquam ad
 iuga montium adpropinquantes, obpressit. neque enim
 imbre tantum effuso, dein creberrima grandine ob-
 ruti sunt, cum ingenti fragore coeli tonitribusque et
 fulguribus praestringentibus aciem oculorum; sed ful-
 mina etiam sic undique micabant, ut peti viderentur

e) *commodabantur* Gron, Crev. f) *rem* del. Eaed. c. Drak.
 c. Drak.

corpora; nec solum milites, sed etiam principes, icti U. c. 573.
 caderent. itaque, quum praecipiti fuga per rupes prae- a. C. 179.
 altas inprovidi sternerentur ruerentque, instabant
 quidem percussis Thraces: sed ipsi Deos auctores
 fugae esse, coelumque in se ruere aiebant. Dissipati
 procella, quum, tamquam ex naufragio, plerique se-
 miermes in castra, unde profecti erant, redissent;
 consultari, quid agerent, coeptum: inde orta dissen-
 sio, aliis redeundum, aliis penetrandum in Darda-
 niam consentibus. Triginta ferme millia hominum
 (Clondico duce profecti erant) pervenerunt. cetera
 multitudo retro, qua venerat^{g)}, transdanubianam
 regionem repetiit. Perseus, potitus regno, interfici
 Antigonom iussit: et, dum firmaret res, legatos Ro-
 mam ad amicitiam paternam renovandam, petendum-
 que, ut rex ab senatu adpellaretur, misit. Haec eo
 anno in Macedonia gesta.

LIX. Alter consulum Q. Fulvius ex Liguribus
 triumphavit. quem triumphum magis gratiae, quam
 rerum gestarum magnitudini, datum constabat. Ar-
 morum hostilium magnam vim transtulit; nullam
 pecuniam admodum. divisit tamen in singulos milites
 trecenos^{h)} aeris, duplex centurionibus, triplex equiti.
 Nihil in eo triumpho magis insigne fuit, quam quod
 forte evenit, ut eodem die triumpharet, quo priore
 anno ex praetura triumphaverat. Secundum trium-
 phum comitia edixit, quibus creati consules sunt M.
 Iunius Brutus, A. Manlius Vulso. Praetorum inde,
 tribus creatis, comitia tempestas diremit. postero die
 reliqui tres facti ante diem quartum Idus Martias, M.
 Titinius Curvus, Ti. Claudius Nero, T. Fonteius Ca-
 pito. Ludi Romani instaurati ab aedilibus curulibus
 Cn. Servilio Caepione, Ap. Claudio Centhone, prop-
 ter prodigia, quae evenerant. Terra movit: in fo-

g) venerant Drak.

h) tricenos Gron. Crev. c.
Drak.

U. c. 573. ris publicis^{l)}, ubi lectisternium erat, Deorum capita,
 a. C. 179. quae in lectis erant, averterunt se; lanxque^{k)} cum
 integumentis, quae Iovi adposita^{l)} fuit, decidit. de
 mensa oleas quoque praegustasse mures, in prodigium
 versum est. Ad ea expianda nihil ultra, quam ut
 ludi instaurarentur, actum est.

i) *terra movit, in foris pu-* k) *lanaque* Gron. Crev. c. Drak.
 blicis Gron. l) *opposita* Eaed. c. Drak.

Libri sequentes librariae *Weidmanniae* Lipsiae sumtibus sunt editi pretiisque quae indicavimus venduntur.

Aeneae, Tactici, Commentarius de toleranda obsidione, graece, ad Codd. MSS. Parisienses et Medicum recensuit, versionem lat. et commentarium integrum Is. Casauboni, notas Iac. Gronovii, G. H. C. Koesii, Casp. Orellii aliorumque et suas adiecit Io. Conr. Orellius. Cum tab. aeri incisa. 8 maj. Charta impress. 1 Thlr. 8 Gr.

— — Idem liber, charta script. gall. 1 Thlr. 16 Gr.

Ammiani Marcellini quae supersunt. Cum notis integris Frid. Lindenbrogii, Henr. et Hadr. Valesiorum et Iac. Gronovii, quibus Thom. Reinesii quasdam et suas adiecit Io. Augustin. Wagner. Editionem absolvit Car. Gottl. Aug. Erfurdt. III Tomi. 8. maj. 1808. Charta impress. 5 Thlr. 12 Gr.

— — Idem liber, charta script. 7 Thlr. 12 Gr.

* — — Idem liber, charta membran. (Velin). 12 thlr.

Ammiani Marcellini Opera, ex recensione Valesio-Gronoviana per prosopographiam et Glossarium latinitatis ad studiosorum usus accommodata curante Aug. Guil. Ernesti. 8. maj. 1772. charta scriptoria. 2 Thlr. 12 Gr.

Aristophanis Comoediae auctoritate libri praeclarissimi saeculi decimi emendatae a Phil. Invernizio etc. Vol. XIum. Scholia graeca, curavit Guil. Dindorfius. 8 maj.

Etiam sub titulo:

Scholia graeca in Aristophanis Comoedias edidit Guil. Dindorfius. Vol. IIum. Charta script.

5 Thlr.

* — — Idem liber, charta belg. opt. 5 Thlr. 8 Gr.

Aristophanis Aves. Ex recensione Guilielmi Dindorfii. 8 maj. Charta impress. 20 Gr.

— — Idem liber, charta script. gall. 1 Thlr.

* — — Idem liber, charta membran. 1 Thlr. 6 Gr.

Beck, Dr. Ioa. Ludov. Guil., Indicis Codicum et Editionum iuris Iustiniani prodromus. 8 maj. Charta script. 10 Gr.

Caesaris, C. Iulii, Commentarii de bello gallico et civili, accedunt libri de bello Alexandrino, Afri-

cano et Hispaniensi, post Cellarium et S. F. N. Morum denuo curavit Ier. Iac. Oberlinus. Editio nova. 8. maj. 1819. charta impress.

2 Thlr. 12 Gr.

Caesaris, C. Iulii, Idem liber, charta script. gall.

5 Thlr. 6 Gr.

* — — Idem liber, charta belgica opt.

6 Thlr.

Calpurnii, T., Siculi, Eclogae XI. Recognovit, adnotatione et Glossario instruxit Christ. Dan. Beck. 8. 1802.

20 Gr.

Ciceronis, M. Tullii, Epistolarum libri XVI cum notis criticis Traug. Frid. Benedicti. II Tomi. 8. 1790.

2 Thlr. 12 Gr.

Ciceronis, M. Tullii, de Legibus Libri III. Ex scriptis recens collatis editisque libris castigatus et explicatus edidit I. A. Goerenz. 8. maj. 1809.

Charta impress. 1 Thlr. 8 Gr.

— — Idem liber, charta scriptor. gall. 1 Thlr. 16 Gr.

* — — Idem liber, charta membranacea. 2 Thlr. 16 Gr.

Ciceronis, M. T., Academica. Ex scriptis recens collatis etc. edidit I. A. Goerenz. 8. maj. 1810. Charta impress.

1 Thlr. 16 gr.

— — Idem liber, charta script. gall. 2 Thlr.

* — — Idem liber, charta membranacea. 5 Thlr.

Ciceronis, M. T., de Finibus bonorum et malorum libri V. Ex scriptis recens collatis edidit I. A. Goerenz. 8. maj. 1814. Charta impress.

2 Thlr. 18 Gr.

— — Idem liber, charta script. gall. 3 Thlr. 8 Gr.

* — — Idem liber, charta membran. 5 Thlr.

Etiam sub titulo:

Ciceronis, M. T., Philosophica omnia. Ex scriptis recens collatis editisque libris castigatus et explicatus edidit I. A. Goerenz. Vol. I. II. et III. 8. maj. 1809 — 14.

Ciceronis, M. T., ad Quintum fratrem Dialogi III de Oratore. Cum integris notis Zach. Pearce edidit et aliorum interpretum animadversiones excerptas suasque adiecit Gottl. Christoph. Harless. 8. maj. 1816. Charta impress.

2 Thlr. 12 Gr.


— — Idem liber, charta script. 5 Thlr.


* — — Idem liber, charta membranacea. 7 Thlr. 8 Gr.

Cornelii Nepotis vitae excellentium Imperatorum. Cum animadversionibus I. A. Bosii, varias lec-

- tiones et praefat. addidit Io. Frid. Fischerus.
 Editio nova multo auct. et emend. 8 maj. 1806.
 charta impr. 2 Thlr.
- Cornelii Nepotis idem liber, charta script. gallica
 2 Thlr. 18 Gr.
- * — — Idem liber, charta belg. opt. 5 Thlr.
- Demosthenis Philippica I. Olynthiacae III. et de
 Pace, selectis aliorum suisque notis instruxit M.
 Carol. Aug. Rüdiger. 8 maj. Charta impress.
 21 Gr. et 1 Thlr.
- — Idem liber, charta script. 1 Thlr. 4 Gr.
- Flori, Lucii Annaei, Rerum Romanarum libri IV.,
 quos editione hac novissima ad opt. Codd. recen-
 suit et notas ad instar Io. Minelli illustravit M.
 Christ. Iunkerus. 12. 1754. 6 Gr.
- Göller, Franc., de situ et origine Syracusarum ad
 explicandam Thucydidis potissimum historiam
 scripsit atque Philisti et Timaei rerum Sicu-
 larum Fragmenta adjecit. Acc. tabula topograph.
 Syracusarum. 8 maj. Charta impress.
 1 Thlr. 12 Gr.
- — Idem liber, charta script. gall. 1 Thlr. 18 Gr.
- Hesiodi Opera et Dies. E veterum grammaticorum
 notationibus et optimis libris MSS. recensuit Frid.
 Aug. Guil. Spohn. Editio minor, in usum schola-
 rum et academiarum. 8. Charta impress. 8 Gr.
- — Idem liber, charta script. 10 Gr.
- — Idem liber, charta mel. 12 Gr.
- Homeri Carmina cura C. G. Heyne. Tomus IXnus,
 Indices continens, confectos ab E. A. Guil. Grae-
 fenhan. 8 maj. Charta impress. 16 Gr.
- — Idem liber, charta script. 20 Gr.
- * — — Idem liber, charta belg. opt. 1 Thlr. 12 Gr.
- Hottingeri, Io. Iac., Opuscula philologica, criti-
 ca atque hermeneutica. 8 maj. Charta impress.
 1 Thlr. 12 Gr.
- — Idem liber, charta script. gall. 2 Thlr.
- * — — Idem liber, charta membran. (velin) 2 Thlr. 16 Gr.
- Luciani, Samosatensis, Opera, Graece et Latine,
 post Tiber. Hemsterhusium et I. F. Reitzii-
 um denuo castigata, cum varietate lectionis, scho-
 liis graecis, virorum doctorum suisque adnotatio-
 nibus et indicibus nova opera confectis, edi-

- dit Ioh. Theoph. Lehmann. Tom. IIIus. 8 maj.
Charta impress. 3 Thlr. 4 Gr.
- Luciani, Idem liber, charta script. gall. 4 Thlr.
- * — — Idem liber, charta membran. 4 Thlr. 20 Gr.
- Eiusdem libri Tomus IV. Charta impress. 3 Thlr. 4 Gr.
- — Idem liber, charta script. gall. 4 Thlr.
- * — — Idem liber, charta membran. 4 Thlr. 20 Gr.
- Nicephori Blemmidae duo Compendia geographica.
Nunc primum edidit Prof. Frider. Spohn. Accedunt fig. geograph. 4 maj. Charta impress. 16 Gr.
- — Idem liber, charta script. 20 Gr.
- Manutii, Pauli, Commentarius in M. Tullii Ciceronis Orationes. Curavit C. G. Richter. 8 maj. 1785. 3 Thlr. 8 Gr.
- Pausaniae Graeciae descriptio. Edidit, Graeca emendavit, latinam Amasaei interpretationem castigatam adiunxit et animadversiones atque indices adiecit Carol. Godofr. Siebelis. Tomus Ius. 8 maj. Charta impress. 2 Thlr. 20 Gr.
- — Idem liber, charta script. gall. 3 Thlr. 8 Gr.
- * — — Idem liber, charta membran. 5 Thlr. 16 Gr.
- Platonis quae exstant Opera. Accedunt Platonis quae feruntur Scripta. Ad optim. librorum fidem recensuit, in linguam latinam convertit, annotationibus explanavit indicesque rerum ac verborum accuratiss. adiecit Fridericus Astius. Tom. Vus, continens Politiae Libr. IX et X. 8 maj. Charta impress. 1 Thlr. 6 Gr.
- et Charta impress. meliori. 1 Thlr. 10 Gr.
- — Idem liber, charta script. gallica. 1 Thlr. 16 Gr.
- * — — Idem liber, charta membran. 5 Thlr.
- Silii, Caii, Italici, Punicorum libri XVII, varietate lect. et commentario perpetuo illustravit I. C. T. Ernesti. Accedit Index uberrimus. Vol. I. et II. 8 maj. 1791. 92. 2 Thlr. 20 Gr.
- — Idem liber, charta script. 4 Thlr.
- Xenophontis Convivium et Agesilaus. Recensuit Ludov. Dindorf. 14 Gr.





14447

Livy

Historiarum libri qui supersunt... ex
recens. Drakenborchii... ed. Kreyssig. Vol. 3.

LL

L7888K

**University of Toronto
Library**

**DO NOT
REMOVE
THE
CARD
FROM
THIS
POCKET**

Acme Library Card Pocket
LOWE-MARTIN CO. LIMITED

UTL AT DOWNSVIEW



D RANGE BAY SHLF POS ITEM C
39 13 24 08 11 001 9